






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.304





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.304






Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.304

1 M.7

1. 7. 304









JACOBI PRIMEROSII  
Doct̃oris Medici  
DE  
FEBRIBVS  
LIBRI QUATUOR.

*In quibus plurimi veterum, & recentiorum erro-  
res declarantur & refelluntur.*

Plurima nova & paradoxa continentur.



ROTERODAMI;  
Ex officinâ ARNOLDI LEERS.  
Anno c̃l̃p̃ l̃p̃ c̃ LVIII.







JACOBUS PRIMEROSIUS  
L E C T O R I  
S. P.

**A**BSURDUM forsan tibi videbitur, *Lector*, quod inclinante hoc seculo, post tot tantosque scriptores ausus sim etiam aliquid de Medicinâ meditari. Non parvi sanè momenti est doctorum subire judicia, præsertim Medicorum, quibus familiaris invidia esse creditur, quorum quisque tantum sibi & lucri & laudis detractum putat, quantum alteri accesserit. Censent plurimum tum veterum tum recentiorum & operâ & diligentia, ita consummatam omnibusque numeris absolutam artem fuisse, ut inutilis deinceps futurus sit omnis scribendi labor. Vera hæc esse quamvis sciamus omnes & fateamur, nos tamen detinet scribendi quoddam cacoëthes, *Scribimus Indocti doctique poemata passim*. Propterea in communi errore & epidemio, nec veniam deprecor, nec timo censuram, sed quia animo meo ita lubitum est, ut mihi ipsi morem geram, placet aliorum exemplo ingenii mei vires experiri. Non tibi primum, sed mihi hoc minuta olim condiebam, cuius te ideo participem nunc esse volo, ut rei Medicæ



P R Æ F A T I O.

dicæ aliquatenus prodesse possim, simulque nominis mei obtrectatores & adversarios, quos habeo sat multos, excitem saltem ad meliora, Cum enim recentium Medicorum, quos mihi legere contigit, nemo ità scripsisset acuratè. Ut solus sufficere posse videretur, ea mihi tunc mēserat, *Oribasii* exemplo, principum Medicorum epitomen concinnare, ut quod habent singuli in unâ quasi tabulâ complecterer, quæ legentibus commentarius, mihi verò exercitii loco foret. Perleſtis igitur Græcorum, Latinorum, & Arabum monumentis, advocatis quoque in consilium recentioribus quibusdam, quæcunque ad medendi usum necessaria, firmissimisque rationibus comprobata judicavi, excerpti primùm & in unum contuli, sic excrevit opus in aliquam molem, in quo singulorum morborum naturam, causas, curationem abundè & clarè exposui, controversa plurima additis novis rationibus composui, prognosin morborum fusiùs quàm hactenùs quispiam explicavi, remediis quamplurimis locupletavi. Improbat commentarium Anatomicum *Galenus* in quo nihil novi continetur, cujus sententiæ immemores quamplurimi quique etiam doctissimi habentur, non sine maximâ laude & utilitate, libros suos ex alienis ad verbum sæpè compilarunt.



# P R A E F A T I O.

runt. Hæc erat scribendi ratio veteribus familiaris *Oribasio, Paulo, Aëtio, Valesco, Gordonio, Guidoni*, recentiorum quamplurimis, imò fermè nunc omnibus, quam quoque si secutus forem, magnorum me virorum exemplo tuerer. Sed tamen factum est ut plurima à me addita, plurima immutata fuerint. Nihil enim tam exactè elaboratum hætenus legi, quin multa nobis sese obtulerint aut addenda, aut refellenda, aut clarius explicanda, unde quamvis adjuti plurimum fuerimus doctissimis recentiorum laboribus, tam multa tamen à nemine, quod sciam, animadversa meditatus sum, aut clarius explicavi, aut etiam emendavi, ut etiam si plurimi eadem de re libri scripti inveniuntur, nostros tamen non inutiles fore sperem. Primum itaque quatuor hosce de febribus libros offerimus, tanquam specimen reliquorum, in quibus piaculum esse non putavi *Galeno, Hippocrati*, aliisque, prout me tempestas rapiebat, adversari, neque mihi illorum manes, quod alii faciunt, propitios velim. Id indigne ferent morosi quidam, audacius factum & ex juvenili petulantia profectum clamabunt alii; sed sive placeant, sive displiceant, perinde mihi est; Certum tamen est atque animo fixum, reliqua eodem filo ad calcem deducere obstinatè. Nec popularem auram ca-



P R A E F A T I O.

pto, nec tuum ambio favorem, nec Invidio-  
rum, & forsan otiosorum hominum curo male-  
dicta,

*Pro captu Lectoris habent sua fata libelli.*

Vale & si lubet fave.

IN-



# INDEX CAPITUM

## LIBRI PRIMI.

CAP.	PAG.	CAP.	PAG.
I. <b>Q</b> uid sit febris.	1	XI. De longioribus periodis.	302
II. De differentiis febrium.	16	XII. De febribus compositis.	304
III. De causis febrium.	20	XIII. De semiterianâ.	38
IV. De febre ephemerâ.	23	XIV. De symptomaticis febribus.	316
VI. De syncho imputri.	35	XV. De symptomaticis febrium, & primo de dolore capitis.	320
VII. De febre hecticâ.	41	XVI. De vigiliâ & delirio.	323
		XVII. De somno.	326
		XVIII. De sternutatione.	328
		XIX. De hamorrhagiâ.	329
		XX. De lingua scabritia, nigred.	332
		XXI. De spirandi difficultate, raucedine, tussi.	334
		XXII. De syncope,	336
		XXIII. De dolore stomachi.	337
		XXIV. De ulcere ossis sacri	337
		XXV. De siti.	338
		XXVI. De vomitu & nausâ.	340
		XXVII. De oppresse, jactatione, inquietudine.	342
		XXVIII. De alvi fluxu in febribus.	343
		XXIX. De lumborum gravitate & incendio.	344
		XXX. De sudoribus in febribus.	346
		LIB. IV.	
		I. De morbis Epidemicis & sporadicis.	353
		II. De morbis malignis & benignis.	355
		III. De contagio.	357
		IV. De naturâ pestis & febris pestilentiæ.	360
		V. An	

### LIB. II.

I. De putredine.	73
II. An dentur febres putridæ.	81
III. De causis febrium putridarum.	82
IV. De differentiis febrium putridarum.	86
V. De rigore.	109
VI. De inæqualitate & lassitudine.	123
VII. De diagnosticis febrium putridarum.	127
VIII. De prognosticis febrium.	129
IX. Febrium curandarum methodus generalis.	135

### LIB. III.

I. De febribus sanguineis.	172
II. De tertianâ exquisitâ.	189
III. De tertianâ nothâ.	207
IV. De febre ardente.	220
V. De febribus pituitosis.	245
VI. De febribus quæ ad pituitosas referuntur.	257
VII. De epialâ.	259
VIII. De lipyriâ.	263
IX. De febribus syncopalibus.	267
X. De febribus melancholicis.	272



# INDEX CAPITUM.

CAP.	PAG.	CAP.	PAG.
V. An febris pestilentis natura consistat in summa putredine.	363	XI. De febre purpurea.	410
VI. De causis febris pestilentis.	367	XII. De febribus colliquativis.	416
VII. De differentiis febris pestilentis.	374	XIII. De bubone pestilenti.	421
VIII. De signis febris pestilentis.	379	XIV. De carbunculo pestilenti.	424
IX. De praeservatione a peste.	388	XV. De variolis & morbillis.	427
X. De curatione febris pestilentis.	393	XVI. De peste secundum Paracels.	454
		XVII. De febribus secundum Paracelsum.	256

Quaecunque asterisco \* notata Lector reperiet, sciat ea à nobis addita fuisse, reliqua tantum fusius aut clarius explicata.

JA



## JACOBI PRIMIROSI

DE

FEBRIBUS.

LIBER PRIMVS

Quid sit Febris.

## CAPUT I.

**M**EDICOS hosce tractatus nostros à Febris <sup>Operis</sup> <sup>difficul-</sup> <sup>tat.</sup> bus exordiri ideo optimum mihi visum est, quod universi corporis morbus Febris sit, & omnium maximè familiaris, tum quod particularium ægitudinum deinceps libris sequentibus explicandarum plurimæ, aut Febres habeant comites & assecclas, aut febrium ipsarum sint symptomata. Imò vulgari Proverbio fertur, neminem absque febre mori, collapsis etenim viribus, etiam in frigidioribus, chronicisque morbis, & ætate decrepita; febricula quædam ante obitum succendi solet, quæ afflictis & attritis viribus certissimam omnino ruinam portendit. Febri olim veteres Ethnici tanquam Deo sacra faciebant, quod sanè in febribus divinum aliquid & admirandum inesse videatur: Quis enim periodorum statas vices non admiretur, quis ad crises repentinos motus, & impetus non obstupescat, quis pestilentium febrium & contagii inopinatos, minime prævisos & lethales insultus, non reformidet & expavescat: Non defuerunt ab Hippocratis temporibus ad nostra usque secula præclara ingenia, quæ in harum rerum causis indagandis occuparentur; sed aut absurdas rationes attulerunt, aut rei difficultate territi, cum assequi eam non possent, ad τὸ θεῖον tanquam ad sacram anchoram confugerunt: Nec dignotionis tantum, & causarum, sed & curationis obscura, nec facilis, nec expedita cognitio est, inde dissensus Medicorum, & controversiæ, quæ vix adhuc plenè compositi videntur. Sed quid amplius de hujusce operis difficultatibus præfabor, cum in ipso statim limine febris natura & definitio sese offerat, tot labyrinthis implicata,

A

tot



tot disceptationibus involuta, ut vix inde extricare sese quispiam possit; veteribus quidem Medicis Hippocrati, Galeno, posterioribusque Græcis satis plana & aperta fuisse videtur. Nec enim Galenus alioqui diligentissimus, libris suis de febribus, ullam protulit, nec eam apud Oribasium, Paulum, Aëtium reperire licet. Et revera ipsa nominis notatio, ita clarè istius morbi naturam exprimit, & quasi oculis objicit, ut sola sufficere videatur. Unde enim Latinis febris, Græcis πυρετός quam ab igne & fervore nomenclaturam accepit, ὅταν θερμανέται πᾶν τὸ σῶμα καλεῖται τὸ πυρετός, inquit summus præceptor 1. de morbis; malè tamen, imò tum peregrinationum suarum libris, tum reliquis operibus πῦρ vocavit, ὅταν ονομάζειν εἴωθε τὸ πῦρ, ὅταν ἡ σφοδρότης, ex Galeno, quando scilicet ad summum ignis fervorem quam proximè accedit: Omnes enim communi notione Febrem norunt esse calorem naturali adversantem, & quando diutius incalescunt, se febricitare putant. Cum igitur febris natura ita ipso nomine cognita sit & comprobata, definitionem ipsius attulisse Galeno supervacuum & inutile visum est. Ex reliquis tamen illius operibus elici illa potest, nam Aphorismor. lib. 1. com. 16. conversionem esse ait, caloris nativi in igneum, & nono methodi excessum intemperiei in caloris abundantia, & de morborum causis 2. totius animantis immodicum calorem, aliaque ejusmodi aliis locis protulit. Ex quibus definitionem suam composuisse Avicennam, verisimile est, cujus interpretes postea ex quâdam ingenii lascivia in varias sententias abierunt: Ea autem ejusmodi est, Febris est calor extraneus, accensus in corde, & ab eo procedens mediante spiritu & sanguine, per venas, & arterias in universum corpus, & inflammatur in eo inflammatione qua nocet operationibus naturalibus, non sicut caliditas iræ & laboris cum non ultimatur, quæ definitio tanquam perfectissima ab omnibus hæcenus recepta, à paucissimis improbata fuit. Sed Averrhoes febrem calorem compositum esse ex naturali & præternaturali scriptum reliquit, cujus sententiam etsi ab omnibus fermè rejectam, tanquam Galeno & rei veritati maximè consentaneam, deinceps probabimus. Singulas igitur definitionis particulas aggrediamur.

Genus febris. II Dicitur ergo calor præter naturam, quo nomine qualitatem tantum intelligimus, non ipsam calidi innati substantiam, nam ex Gal. ad Aph. 14. lib. 1. calidum vel pro qualitate sumitur in abstracto, vel in concreto, pro ejusdem qualitatis subjecto; at abstracta nomina qualitatum apud Philosophos pro subjectis corporibus nunquam sumuntur, cum de iis nequeant prædicari; ex Arist. c. de substantiâ. Itaque per calorem

rem



rem qualitas mera quæ calido innato tanquam subiecto inhærescit, & *Johann*  
 quæ sola exuperat, intelligenda venit. Sed calorem *Ioh. Argenterius*. 1. *Argent-*  
*vi opinio*  
*reprobatur.*  
*de Febribus, capite primo*, contendit esse causam febris, non genus, ve-  
 rum intemperiem calidam quæ sola morbus est, hinc *Capivaccius* defi-  
 nitionem causalem esse dixit non formalem, abiitque in hanc opinio-  
 nem recentiorum pars maxima: At ego vix distinguere possum intem-  
 periem calidam cordis à calore accenso in corde, præsertim cum  
 indicatio curativa febrium sumatur à calore, calor enim indicat refri-  
 gerationem, solet autem curativa indicatio peti à morbo, & præfer-  
 vativa causâ morbi, ideo calor morbus erit, nec ab intemperie calida  
 distinguitur; insuper si calor causa esset, non morbus, sequeretur fe-  
 brem hæcticam causam habere, quod tamen falsissimum est, cum  
 morbus factus sit, nec à causâ amplius dependeat: Concedimus qui-  
 dem calorem spiritibus & humoribus conceptum, causam esse febris,  
 at qui in corde totoque corpore productus est, is ipsa febris formaliter  
 est, nihil enim refert siue calorem cordis dicamus, siue intemperiem  
 calidam. Nec obstat quod idem *Argent. com. ad caput 2. lib. primi ad*  
*Glaucon.* in suâ sententiâ confirmationem producit. Morbus, inquit,  
 est vitium corporis, sicut sanitas perfectio, & uterque diathesis, at calor  
 nullus est vitium, vel perfectio, vel affectus, etenim febris est in-  
 temperies, sed calor non est intemperies, sed causa, ut lapis in vesica.  
 2. Si febris est calor & morbus, sanitas contraria febri erit frigus, vel  
 calor secundum naturam. Facilis est solutio, & primum calorem di-  
 cimus esse vitium, & perfectionem & affectum, perfectio est, si sit  
 secundum naturam, vitium si sit præter naturam, & affectus quâ cor-  
 pus afficit. Morbus enim diathesis dicitur ratione corporis affecti;  
 quod vero calorem dicit non esse intemperiem sed causam, negavi-  
 mus superius, qui volumus calorem cordis, ejusque calidam tempe-  
 riem idem prorsus esse, nec distingui. Et sane intemperies illa à calo-  
 re producta quid demum erit? qualitatem esse *Argenterius* non nega-  
 bit, qui id & doctè & eleganter commentariis in artem parvam do-  
 cuit, si qualitas, primam esse necesse est, quia à calore, qui prima  
 qualitas est, univocè agente producta fuit; agens enim sibi simile pa-  
 tiens reddere conatur, si prima, calor erit & intemperies unum &  
 idem: ut plenius *Physiologicis nostris dissertationibus docebitur*. Ad 2. dici-  
 mus, febrem esse calorem & morbum, sed negamus sanitatem con-  
 trariam febri esse frigus, quamvis enim calor ut calor frigori tantum



contrarietur, tamen si consideretur ut est præter naturam, non frigori, sed calori naturali adversabitur, idque ut extremum mediis: sic prodigalitas avaritiæ opponitur, at utrumque intermediæ virtuti contrarium est, qua vitium est. Igitur sanitas contraria feбри est calor secundum naturam, aut temperies calida naturalis. Statuendum igitur calorem præter naturam esse verum genus. Sciendum autem duplicem in nobis esse calorem; naturalem, qui omnium actionum communis opifex, ipsaque corporis natura à Medicis interdum appellatur, & præternaturalem priori omnino adversum, nam naturalis vitam custodit; humores coquit, apponit, assimilât, morbosque curare Hippocrati perhibetur: extraneus inflammat, putrefacit, nativumque calorem corrumpit, cæterasque actiones labefacit; *putredinem, volunt Arist. & Galenus*, esse calidi innati corruptionem à calore extraneo. Et si enim genere convenire videantur, & ejusdem esse apud Philosophos prædicamenti, contraria tamen esse, & maximè adversa ostendit operationum varietas. Contraria vel sunt duo extrema, ut calidum & frigidum, vel unum medium est, aliud extremum, medium enim contrarium est extremo, quatenus ad aliud extremum accedit, ut virtus extremo vitio: Calor innatus medius est & temperatus, extraneus autem, igneus, unde tanquam extremum medio inter se opponuntur; differunt igitur specie, nam extrema à mediis quæ ex ipsis constituuntur specie dissident; nec specie tantum, sed & apud Medicos toto genere differunt, nam naturalis rebus secundum naturam, extraneus rebus præter naturam accensetur, sic dum ambo isti calores in eadem substantiâ calidi innati permanent, perpetuum certamen adest, donec alter superetur & vincatur.

Immitis hic & igneus calor triplex *Fernelio* statuitur, simplex elementaris, assiduo incremento de temperie & mediocritate sua decedens, alter ex putrescente materia prognatus; tertius est malignus & perniciosus, quem pestilens & venenata materia fundit, hunc tamen à putrido non differre, quod febris pestilens tantum gradu putredinis à reliquis distinguatur, plurimorum jam opinio percrebuit.

Sed animadvertendus hic error in quem recentiorum quidam ex vocum homonymiâ lapsus est, dum calorem præternaturalem ab acquisito non distinxit; Nam juvenes & senes inculpatâ sanitate præditi, acquisitio hoc calore plurimo pollent & acri, à quo tamen omnes naturæ operationes perficiuntur. Dupliciter enim potest acquiri calor,

*Ultimari  
lapis.*



lor, vel à causis naturalibus, tuncque est maximè secundum naturam. Id potissimum ætatum successione fit, quibus corporis nostri constitutio sensibilibiter immutatur; quæ enim substantia calidi innati, pueris, blanda mitisque, ex benigna humoris primigenii temperatione aderat, progressu temporis eo siccescente acrior evadit & mordacior, et si febricitantium respectu suavis cenferi debeat: Non igitur substantiâ differt ab insito, sed ejus est ad siccum permutatio naturalis, sensim ætatis decursu facta, unde ab eodem potius perfici quam vitari actiones naturales solent. Vel novus acquiritur calor à præternaturalibus causis, internis externisque; & hic est febrilis, igneus, naturæ adversus; sub hoc acquisititii caloris genere febrem reponimus, & Galenum intelligendum putamus, quoties naturalem acquisito opposuit.

III. Sed præterea circa genus febris, & ea quæ à nobis dicta sunt; *Quæstio- nes tres.* tria sese offerunt explicanda: *Primum*, utrum febris sit calor auctus; *Secundò*, cum dixerimus febrem calidam esse intemperiem, quæri posset, utrum quoque sicca sit intemperies. *Tertiò* utrum in febre sint duo calores, naturalis & præter naturam. Voluit enim *Averrhoës* febrem mixtum esse ex utroque calore affectum. Et quidem priores duæ difficiles non habent explicatus, sed postrema hæc difficilior paulo cæteris, & magis intricata videtur. Quod itaque *Primam quæstionem* spectat, du- *Prima quæstio.* bitandum non est calorem esse auctum & intensum, id acrimonia & acquisita ignea qualitas manifestè declarant, & *Galenus* locis à nobis in principio citatis astringit, ut nihil certius tum Medicis, tum ipsi vulgo esse queat. Sed obijciunt quidam paroxysmorum principia & *ἰνι σημασις* in quibus rigor, horror, frigus sentitur, non calor, quæ objectio *Fernelio* adeo valida visa est, ut tunc febrem adesse negarit, quod nondum sit calor incensus, ideoque in accessionum principiis fiant pulsus rari & parvi, quod maximum est frigiditatis indicium. *Secundò* qui moriuntur expirant frigidum *3. prophet.* *Tertiò* in malignis febribus calor moderatus apparet, imò interdum frigida corporis superficies, aut saltem tepidior videtur. Sed his satisfacere erit facillimum; nam in accessionum principiis auctus est & accensus in visceribus calor, qui propter rationes à nobis suo loco recensendas, non habet *ἡλμψις*, & quidem rigor, frigus, horror, non mera sunt accessionis principia, sed putridi & esterati humoris symptomata; pariter in malignis interiora ardentissimo incendio conflagent, valent tamen hæ rationes adversus eos qui febrem universi corporis affectum esse voluerunt. Ad secundam dici-



mus eos qui ex ardentissima febre moriuntur, tandem exspirare frigidum, quod omnis febrili incendio exhaustus sit calor, *Sic. 6. Epid. sect. 4.* docet *Galenus* cor prope mortem frigida affici intemperie, quamvis quispiam ex fervidissimo morbo moriatur, quia morbus calidus in frigidum degeneravit, quæ successio perpetuò funesta est. Sed in postremâ editione meorum errorum popularium contrariam sententiam secutus sum.

*II Quaestio an febris sit calida sicca.* IV. Secunda quaestio, an febris sit calida sicca intemperies, prior difficilior non videtur, *Galenus aph. 16. libri primi, & 1. acutor. com. 18.* apertè calidam siccam passionem esse profitetur; idem comparans febrilem calorem cum naturali, hunc blandum & mitem, illum fuliginosum & aridum dicit. Id quoque notatio nominis docet, à calore igneo qui calidus siccusque est *πυρετός* Græcis nominatur. Sed & *Hippocrates aphor. 16.* victum humidum febricitantibus præscribit, unde si contraria contrariorum sunt remedia, febris morbus siccus erit. Sed rectius alii febrem calidum affectum, non necessariò siccum constituunt: Etenim calor & cum siccitate, & cum humiditate amice coire potest, neutrum igitur naturâ suâ postulat. Tum si siccitas esset de natura febris in omnibus adesset febricitantibus, at plurimæ febres cum insigni sunt humiditate. *Horatius Augenius* respondet id esse per accidens, quòd febribus quædam conjungi possint, quarum causâ aderit humiditas. Sed *malè*, si enim hoc febri est essenziale quâ febris est, & calor, non potest per accidens tolli, sicut nec per accidens frigida ulla febris fieri. Secundò non magis convenit siccitas calori & febri quam humiditas: Sunt enim febres humidæ, sunt siccae, in aridiori materiâ accensæ, ergo ipsis utrumque erit accidentale. At validiori ratione rem hanc conficiamus. Febres hecticæ sunt omnium siccissimæ; At siccitas non est in omnibus hecticis: In primo etenim gradu sola rorida humiditas effervescit; siccitas in iis est tantum, quæ sunt marasmodes; multo igitur minus in reliquis febribus aderit. Ideo ad contraria respondemus: Quando *Galenus* febrem affectum calidum siccum vocavit; Quando *Hippocrates* victum humidum præscripsit, id fecere quia febris desiccatur: Unde ab effectu potius quam ab affectu sumpsere indicationem. Sed *Mercurialis* per victum humidum liquidum intelligit, quod sorbitionibus alendos febricitantes potius, quam cibo solido *Hippocrates* voluerit. *Paulus Pereda* victum humidum præscribi ait, quia calorem retundit quem siccitas exasperat, quæ response



fiones omnes veræ sunt: Ideo quoque calor igneus dicitur quia exsiccat; est enim morbus actu calidus, siccus facultate, si in humore accendatur, potestate tantum exsiccat, unde à Galeno inter simplices intemperies recensetur. 1. de different. febrium cap. 3. & in libri methodi secundo & octavo cap. primo, & pro ratione accensæ materiæ calor siccus evadit & tactu percipitur mordax, & in humidâ materiâ humidus, mitis ac suavis, hinc 6. Epid. sect. prima, textu 29. febres aliæ mordaces, aliæ mites, aliæ tactui humectæ statuuntur. Statuendum igitur febrem esse affectum calidum simpliciter, interdum humidum, interdum siccum, neutrum necessariò.

v. Sed tertia jam quæstio sese offert omnium difficillima, utrum <sup>Tertia</sup> duo in febre calores sint, naturalis, & ipsi adversus extraneus. In fe- <sup>quæstio an</sup> bre unicum calorem constituunt omnes, scilicet præternaturalem, <sup>duplex in</sup> quem superius auctum diximus, supra moderati temperiem benignam, & beneficam elatum. Ubi enim naturalis de temperie sua de- <sup>febre ca-</sup> dit præter naturalis evadit, sicut per morbificas causas calor remittitur interdum, nec alius calor diminutus, nec compositus ex naturali & diminuto dicitur, ita cum augetur compositus dici non debet. Id hac ratione probari posse puto. Febris est conversio caloris nativi ad igneum, est ergo motus. In omni motu est terminus à quo, & ad quem: Prior deperditur, posterior acquiritur: In febre terminus à quo est nativa caliditas, terminus ad quem caliditas ignea. Perditur nativus calor & temperatus, acquiritur igneus & intemperatus. Si deperditur calor temperatus, solus remanet præter naturam, nulla ergo compositio ex utroque, sed unus tantum aderit, scilicet extraneus, & alienus. His ego rationibus manus dederam. Sed & *Augenius* hoc quoque telum in *Averrhoem* conjicit; is calor febris essentiam continet qui actiones lædit; solus extraneus est ejusmodi. Si febris est calor compositus, actiones quæ fiunt in febre debent ad utrumque referri; mixtarum enim causarum actiones sunt permixtæ; at actiones caloris naturalis non possunt ab extraneo proficisci, sicut nec actionum læsio ad naturalem referri. Nulla igitur compositio, sed unicus calor est, naturalis qui prius erat, factus igneus & naturæ adversus. Attamen non novum est mixtionem ejusmodi calorum asserere, siquidem *Galenus aphor. 47. lib. 2.* pus fieri docuit à calore mixto ex naturali & præter naturam, quorum in generatione puris mixtas actiones esse voluit, sed & hæc opinio probatur, nisi enim duo calores essent, sed

unicus.



unicus unicam haberet operandi rationem, cuius contrarium cernimus: Nam, ut prius dictum, naturalis coquit, retinet, expellit, hæc omnia labefactat extraneus; Nequeant autem ab uno & eodem agente contraria proficisci: Si igitur coctiones fiunt, si vita adest, naturalem quoque adesse erit necessarium, cum effectus suam causam arguat; si febris, adesse quoque extraneum, alioqui jam sanus, non æger haberetur. Sed insuper pugna fit in febricitante à calore nativo, qui morborum verus Medicus ab *Hippoc.* dicitur. At non agit in seipsum, sed in contrarium quem expellit: Ergo duplex calor in febricitante. His vero rationibus *Argenterius* satisfacere conatur: Ad primum dicit, pus videri à mixto calore genitum, quod calor mixtas habeat actiones, quia non est omnino alienus: à naturali concoquit, & quia non est secundum naturam, perfectè non concoquit; hinc aliquid medium, scilicet pus emergit. Sed neque hæc responsio vera est; etenim calor nativus non quod sit imbecillior & alienus suppurationem promovet, sed quod in materiam minus dispositam agat, quæ cum ob putrefactionem assimilari nequit, in mediam quandam naturam facessit edomita à calore nativo. Aliam itaque puto esse rationem puris, aliam febrium: Generatur enim pus in determinatâ quadam corporis parte, & reliquæ partes cum calorem possideant plurimum, & sanæ sint, affectæ undique suppetias ferunt; præternaturalis verò calor tantum est in materiâ putrescente, quæ à nativo superatur, at in febre universum corpus laborat, & propterea calidum toto corpore inmutatur, unde mixtio utriusque caloris fieri nequit, cum unus tantum superfit. Ad secundam respondet, coctiones in febribus fieri, sed non bonas, quia calor illarum author de temperie discessit, unde duos esse calores non sequitur, sed intensum & auctum, qui prius erat naturalis & moderatus, sic quoque vivit homo, quod calor non sit omnino extraneus, sed malè vivit, nam & torquetur, & vigilat, & dolet ob excessum caloris. Ad tertiam dicit non semper adesse pugnam, ut in hectica, sed si quando adest, fieri eam à partibus solidis minus ægris contra causas morbosas fortiter decertantibus, præcipuè si idoneis remediis alterantibus & vacuantibus adjuventur, quæ artis actio est, naturæ labanti opem ferre, ut erigat sese, & recreata vividior & alacrior in morbum vires exerat suas. Verum hæ duæ opiniones prima facie tam repugnantes, amicè inter se conciliari posse mihi videntur. Nam si consideretur calor conceptus in humoribus & spiritibus, ille est qui oppugnat



oppugnat calorem insitum, ejus actiones labefactat, & tam varia producit symptomata. Ab illò igitur patitur calidum innatum, & interplusculum de temperie sua recedit pro accensionis vehementiâ. Sed interea sese tuetur quantum potest, nec causis illis morbificis resistit tantum, sed & illas oppugnat ac destruit, humores concoquit & expellit, unde tot crises, præcipue si convenientibus remediis adjuvetur. Itaque gradus ille caloris qui est in solidis partibus, non est diversus calor à naturali, sed quidam ejus excessus, talis tamen qui vim non superat ipsius salutarem & beneficam. Duæ qualitates ejusdem speciei non possunt esse in eadem substantiâ, quin unicam conslent. Quare duobus caloribus idem corpus non potest incallescere, sed potest calor esse partim secundum, partim præter naturam, non enim mutatur species caloris, siue sit naturalis, siue non, idem est, sed permutatur modus, moderatus calor concoquit, idem intensior putrefacit, & quo magis naturæ limites excedit, eò magis est præter naturam, ut rectè ait *Valles. lib. 5. cap. 24.* At qui est in humoribus conceptus & spiritibus hunc totis viribus oppugnat, quem si superet & de temperie sua prorsus dejiciat, tunc morbo superante æger interit: At si non possit, quamvis alioquin febris intensissima videatur, morbo tamen æger feliciter defungitur. Concludamus igitur duos esse in corpore calores, naturalem in solidis partibus, qui ab extraneo excessum patitur & labefactatur, & hac ratione febrem dici posse compositam ex utroque. Alterationes enim illas quæ in febribus cernuntur suppurationi respondere *Galenus* scriptis proditum reliquit, qui *Aphorismo* nuper citato disertè ab utroque calore pus generari docuit. At ratione excessus illius qui est in corde solidisque partibus, minimè commisceri dicuntur, nam est tantum gradus quidam super additus priori calori, nondum enim æqualis introducta intemperies, præterquam in hæctica marasmode, quæ propterea insanabilis est. Ideò *Galenus* evacuatis causis febrilibus remanere vult intemperiem, quæ facile levi remedio solvatur. At inde, dubitabit quispiam; sequeretur febrem non esse morbum, cum sit tantum in humoribus. Respondemus autem revera febrem, tanquam in proprio subjecto, in solidis partibus residere, sed nihil absurdi est, si dicamus non omnem febrem esse morbum factum, sed fientem, seu intemperiem inæqualem, ut in intermittentibus febribus apparet, in quibus tota morbi ratio videtur in causâ morbificâ, non in toto corpore, nisi tempore paroxysmi, quo corpus

B

inca-



incalescit, non autem incaluit, ut apparet ex subsequente apyrexia. Introducta enim, verbi gratia, ex ardente febre æqualis intemperies, in solidis partibus in quibus vis calidi innati efflorescit, sine certissimâ ipsius caloris ruinâ esse potest, ut quoque inferius explicabitur. Et hæc de febris ipsius genere.

Subje-  
ctum fe-  
bris.

VI. Additur in definitione *accensus in corde*. Cum enim febris sit morbus, & morbus res permanens, certum est calorem jam infixum esse factum & permanentem. Sed tamen huic sententiæ repugnare videtur definitio *Galenî* à nobis allata, in qua definitur conversio caloris nativi in igneum, conversio autem motum, non terminum motus denotat, & quidem *Altimarus* non definitam fuisse per terminum ait, quia sequeretur febrem esse ignem. Dicere tamen possumus loco citato, *Galenum* non tam febrem definiisse, quam modum generationis ejus explicasse, sic clarè *Aphorismo 14. lib. 1.* febrem fieri ait ex conversione caloris nativi in igneum. propterea si definitio est, causalis potius erit quam formalis. Sed præterea dicere possumus *Galenum* per conversionem intellexisse ipsum terminum motus, sed usum nomine mutationis, quia motus realiter non distinguitur à suo termino ad quem. Sed nec credendum terminum conversionis esse ignem, sed tantum caliditatem igneam. Terminus in alterationibus duobus inodis potest considerari, primò pro ultima dispositione ad introductionem formæ agentis; altero pro eo qualitatis acquisitæ gradu, qui per se separato agente denominare potest subjectum & permanere: febris igitur definitur per eum terminum, non qui sit ultima dispositio ad introductionem formæ, sed qui licet sit adhuc in fieri, habet tamen aliquid factum & permanens, quod morbi rationem subit, & propterea cum definitur per viam, id intelligendum prout opponitur termino ultimo.

Exprimit autem *Avic.* primarium febris subjectum nempe cor, nulla enim febris esse potest non affecto corde, ut docere videtur *Galenus* *libris de diff. febrium*. Pulsus in omnibus febribus maximam mutationem subeunt in frequentia, magnitudine, cæterisque differentiis, ipsorum igitur originem labefactari necessum est. Cor est fons caloris naturalis, qui in universum corpus distribuitur, siquidem à corde in universum corpus calor influit, sed febris est mutatio caloris istius naturalis, oportet igitur mutari in corde, tanquam in radicibus, aliàs in reliquo corpore incolumis permanebit; contraria versantur circa idem, sed temperatio caloris est in corde, ergo & intemperies. Addit

*Avicenna.*



*Avicenna* secundarium febris subiectum, scilicet uniuersum corpus, *Et* ab ipso procedens in uniuersum corpus mediante spiritu & sanguine, tum modum transmissionis caloris febrilis, per venas & arterias mediante sanguine, cum febris actiones totius corporis lædat, rationi maxime est consentaneum totam *ἁπομειλίαν* sive solidas partes, quare sunt actiones, incallescere. Hinc *Auerroes* ait febrem lædere omnes actiones & passiones, & *Galenus* inter morbos toti corpori communes febrem reponit, sed omnium clarissime *Avicennas* de morbis universalibus tractaturum se pollicetur, & à febre principium desumit. Recentiores ideo valde ingeniose particulam hanc *Et* interpretantur deinde, ut significet ordinem generationis febrilis, etsi non sit necesse in uniuersum corpus calorem febrilem expandi, nam in accessionum principiis, in lipyriis febribus exteriora refrigerantur, calore & spiritibus in viscera revocatis: In febre Epialâ simul & rigent & incallescunt, ut suo loco explicabitur. Itaque *Galenus* rectè statuit calorem febrilem vel esse in toto corpore, vel in præcipuis partibus, nam lipyriis repugnat omnino actualis calefactio *ἁπομειλίαν*, sed contra eorum adest perpetua refrigeratio, aliâs lipyria non esset; unde alii hanc particulam *Et*, per hanc vel, explicarunt, quia non est necesse ut calor in totum corpus diffundatur, sufficit si in corde visceribusque intimis conceptum sit incendium. Febris itaque primò & per se cordis passio est, non necessariò autem totius corporis, si enim calor è corde in corpus effundi non potest, uniuersum non incallescet, febris tamen aderit; sic stuporem nervorum, & Syncopen, cordis affectum dicimus, etsi reliquum corpus illis compatiatur. Recentiorum plurimi, quorum princeps *Fernelius*, volunt non esse perpetuum omnis febris calorem in corde accendi, id tametsi de continuis & primariis verum esse videatur, intermittentium tamen & symptomaticarum calor non in corde primum accenditur, sed aliunde sublatus cor ferit, è quo astuans cum spiritu mox per arterias in corpus omne refunditur, sic ex bubone fiunt diariz, ex pulmone, ventriculo, cæterisque partibus hecticæ, sed tamen calore prius cordi communicato.

Temerarium forsân videbitur à vulgari & communi Doctorum opinione recedere; etsi nullis satis solidis innixa fundamentis videatur, neque hætenus ullam rationem legere mihi contigit, quæ vim faceret. In febribus quidem cor incallescere jam superius satis ostensum est ex pulsuum mutationibus, sed febris principium propterea statui

Non omnem febrem ex corde.  
\*



non necessarium; in febre duo potissimum spectanda ex supradictis didicimus, calorem ipsum extraneum, insito gravem & noxium, tum ipsius in universum corporis habitum diffusionem. Si neutrius cor principium est, nulla ratione origo febris statuetur, ut probatu facile est. In febribus siquidem putridis continuis, quarum causa maioribus vasis conclusa continetur, universum corpus ob putredinem vasis conceptam incalescit, quæ putredo à corde originem non habet, sed à causis putrefacientibus in venis generata per easdem in minutissimas corporis partes quoquoeversum, quæ vasa permeant, sese expandit. Rectè *Avicennas* per venas cum sanguine latè diffundi & dimanare calorem extraneum voluit. At venis cum corde nihil commune. Sanguis in hepate generatus ab eo & calorem suum habuit, & deinceps singulas quasque corporis particulas alluit, & in cor ipsum patienti ostio refunditur, ipsique qualitates suas impertit, quæcunque tandem fuerint, at inde nunquam amplius remeat in venas, ob valvulas refluxum prohibentes, itaque à calore sanguinis incalescere cor facillimè potest, viscus enim naturâ suâ calidissimum, perpetuo affluxu ferventis sanguinis, facillimè exeandescit, & calorem quem aliunde suscepit in arterias suas etiam cum fenore refundit. Non tamen ipsius origo est aut principium, sed ipsum communi cæterarum partium lege à causis præternaturalibus afficitur, unâ cum reliquis indolescit. Universum itaque corpus quod febrili calore tentatur, id patitur ab extraneo calore, sæpissimè per venas cum sanguine delato, etsi nullam sui partem à corde habeat. Sic labefactato Jecore in hydrope anasarca frigiditas tum universo corpori, tum ipsi cordi communicatur, ut pulsus rari & tardi indicant, nec tamen hujus hydropis causa cordi unquam attributa fuit, sed hepati. Nec enim unicus caloris influentis fons rectè cor statuitur, sed & partem aliquam sibi Jecur in hoc opere vindicat, ut *Libro artis Medica Galenus* scriptum reliquit, ubi ex copiâ sanguinis totius corporis calorem meretur, & sanguine vacuato tum sanis tum ægris reliquum corpus refrigeratur, quod plurimus calor in sanguine sit. Si itaque caloris naturalis unicus fons cor non est, quomodo præternaturalis principium tale statuetur, ut ab eo tantum in universum corpus refundatur. Vix præterea possibile videtur incolumi animali calorem ex putrescente materiâ suscitatum è corde effundi, cum non possit cor innoxie putridi humoris præsentiam sustinere, imo nec bilis, aut ullius humoris noxii. Non igitur



tur cor perpetuò aut subjectum, aut principium caloris febrilis statuetur. Principium quidem non unum semper idemque; sed varium & multiplex pro febrium naturâ & conditione: interdum cor, jecur, splen: imò pars quælibet corporis inflammata. Subjectum vero solida corporis substantia, aut ut vere *Altimarius*, ipsius calidi innati & insiti substantia, quæ à corde non influit, nec tota in corde est, sed singulæ minimæque particulæ aliquam illius portionem obtinuerunt, & <sup>Calidum innatum</sup> <sup>subiectum</sup> natura *Hippocrati* appellatur, cum enim febris sit conversio caloris nativi ad igneum, ipsum primo affici necesse est, nam & immutatur & alteratur, & de temperie sua decedit. Consistit autem istud calidum innatum in solidis partibus, nam à semine & sanguine menstruo secundum *Galenum* habet originem, ideoque solidis partibus illius ratione omnis actio tribuitur. Hinc febris cum actiones lædat, in ea parte est quæ actionem edit, & quæ operatur, sed sola solida pars operatur docente *Galeno* 3. aph. 17. ad finem, aliisque locis. Pars autem solida in se habet insitum à primordiis generationis calorem, humidi primigenii & spiritus insiti blandâ & amicâ societate gaudentem; in eo igitur febris est, ita ut tota pars solida subjectum sit denominationis, sed ipsius calidum innatum verum subjectum inhaesionis, malè ergo in humoribus, & spiritibus febris collocatur, cum viventis partes non sint, sed causa febrilis ipsi morbo sæpissimè conjuncta in illis residet. At objicies *Galenum* tria febrium facere subjecta; humores, spiritus, & solidam substantiam. Tum si solida pars est subjectum, omnis febris erit hectica. Respondeo causam tantum febrium esse in spiritibus & humoribus, à quibus solida substantia patitur. Sunt enim sanitas & morbus partium viventium, quod autem vitâ caret, ut spiritus & humores nec sanum est, nec ægrum. Spiritus vitâ carere diximus in Physiolog. Nec tamen omnis febris est hectica, nam solida hæc quam diximus substantia in hecticis æqualiter affecta est, in diariis & putridis inæqualiter, sive nondum intemperies illam omnino partem affecit, sed adhuc transmutatur & est, ut vocant, in fieri. Hinc quamvis omnes febres sint in solidâ parte, non omnes tamen sunt hecticæ. Rectè tamen putat *Valles*. Divisionem hanc posse dici factam per causas, non per sola subjecta. Sed dices hinc sequi febrem putridam non esse morbum, si substantia solida non est omnino calefacta, sed adhuc in motu. Respondeo in plurimis morbis, esse aliquid factum, aliquid quod fit, ratione ejus quod factum est, febris morbus dicitur,



dicitur, non autem ratione ejus quod fit, ut docet *Galenus in arte parva*, & 2. de locis aff. Ubi docet dysenteriam etiam dum fit, esse morbum, scilicet ulcus intestinorum.

Ex his clarius elucet veritas illius quod superius diximus, duos esse calores in febricitante, & unum tantum. In hecicis unus tantum est calor, nam naturalis in igneum est mutatus, & si omnino mutatus sit, ut in marasmo, insanabilis est morbus. Sed in Ephemeris & putridis duo sunt calores, igneus in spiritibus & humoribus, sed naturalis solidorum calor adhuc servatur, qui igneum oppugnat, humorum pepasmos, alimenti *ψυξις* molitur, hic calor à contrario suo alteratur, & interdum victus ac superatus igneus evadit, cum certâ ægri pernicie, quando omnis caloris nativi substantia immutata sit & alterata; clarè id explicat *Galenus* capite 7. de Inæg. intemperie. In hujusmodi inquit, febribus calefit aliquando universus sanguis, & calorem præter naturam, qui ex humoris putrescentia est obortus, concepit, non tamen arteriarum aut venarum tunica, aut aliud vicinorum corporum prorsus jam temperamentum suum mutaverunt, sed adhuc mutantur & alterantur incallescencia. Quod si longiori tempore hoc patiuntur, vincuntur aliquando prorsusque mutabuntur, ut non amplius calefiant, sed jam sint præter naturam calefacta. Hæc *Galenus*. Ex quibus patet non semper in febribus calorem innatum esse mutatum, sed alterari tantum à calore præter naturam, donec perseverante ipsius actione omnino mutatus sit, quod in febribus salutaribus non contingit, quin potius extraneus à naturali superatur. Finis igitur caloris extranei est naturalem mutare in igneum, estque is actionis ejus terminus. Ad quem usque terminum latitudo, inquit, *Galenus* loco citato, via est in id quod est præter naturam, veluti mixta communisque ac media ex utrisque contrariis composita, eo quod est exquisitè secundum naturam, & eo quod est præter naturam. Ex quo patet febrem si consideretur in alteratione inæquali solidarum partium, posse dici mistam ex utroque calore, ut loco citato docet *Gal.* quatenus calor partium nativus alteratur, de caloris præter naturam gradus aliquot suscipit, nihilominus tamen statuendum est, etsi duplex iste calor reperiatur in tempore, in solo præternaturali essentiam febris residere, ut supra demonstratum est. Et hoc modo explicari commode potest sententia *Averrhois*.

*Ultima  
pars defini-  
tionis.*

VII. Ultimò in definitione additur operationes naturales lædens, quæ particula rejicitur ab *Argenterio* & *Augenio*, quia cum febris morbus sit, supponitur semper & intelligitur actionum læsio. Respondeo tamen,



tamen, quamvis actionum lætio nomine morbi contineatur, non tamen statim constat quænam actiones lædantur, hinc in singulorum morborum definitione peculiariter exprimitur, quænam potissimum actiones vitentur. *Naturales* autem dicuntur, non quæ à vitalibus & animalibus distinguantur, sed omnes naturæ convenientes, quæcunque tandem sint, cum enim calor innatus per quem unaquæque pars suas obit functiones, alteretur, consentaneum est eas omnes vitari. Sed objicies quasdam actiones à febre potius juvari quam lædi, scilicet eas quæ sunt imminutæ, ablatae propter frigiditatem, aut humores crudos & flatu, qui à febrili calore attenuantur, inciduntur & resolvuntur. Sic 2. aphor. 26. *Melius est convulsioni supervenire febrem, quam convulsionem febri.* Et iterum, *Si ebrius repente obmutescat convulsus moritur, nisi febre corripiatur, & 7. aphor. 12. Quibus seculum vehementer dolet febris superveniens dolorem solvit.* Respondet *Massaria* non esse necesse omnes actiones lædi, sed satis esse si ex omni genere quædam lædantur, quæ solutio non satisfacit. Itaque dicendum puto, hæc convenire febri generatim, quia non quælibet febris omnes actiones lædit, tum quia actione quædam sunt contrariæ, ut abolitæ & auctæ quæ non possunt simul lædi in eadem febre. Sed si consideremus omnia genera febrium collectivè, inveniemus nullas esse actiones quæ à febre non lædantur, animales, vitales, naturales, modo unam, modo aliam, secundum naturam febris & causæ febrilis, partisque maximè affectæ. Propterea si quædam actiones à quibusdam febribus juvantur, eadem ab aliis febribus læduntur. Nec est necesse, ut quæ ponuntur in definitione, convenient omnibus contentis sigillatim sumptis, sufficit si collectivè iis adaptentur, sic principia definit *Aristoteles*, quæ nec ex sese invicem, nec ex aliis, sed ex iis fiunt omnia, quæ definitio nulli principiorum seorsim convenit, sed iis simul sumptis. Pariter hic dicendum; actionum omnium lætio non convenit cuilibet febri, sed omnibus, aliæ enim vigilias inducunt, aliæ somnum, aliæ imaginationem aut memoriam, aut appetitum, aut motum, vitiant, sic de cæteris quæ à febribus læduntur omnes, si febres collectivè non sigillatim sumantur. Et hæc de febris definitione.

Dubium.

Solutio

notat.

\*

De



## De differentiis Februm.

*Hippocr. ar*  
*vis divisio*  
*februm.* **V** Ariæ februm divisiones ab authoribus proponuntur, sed Gale-  
no omnium maximè placet divisio Hippocratis, quam 6. Epid.  
sect. 1. textu 29. attulit *Πυρεταὶ οἱ μὲν δυνάμει τῇ χειρὶ, οἱ δὲ πρηνέες, οἱ δὲ ἀ-  
δυνάμει, οἱ δὲ ἀπὸ παντός βλητοὶ, ξηροὶ, οἱ δὲ ἀλμυροὶ, οἱ δὲ πεμφυγῶδες, ἰδὲν δεινοί,  
οἱ δὲ πρὸς τὴν χεῖρα νοσήδεις, οἱ δὲ ἐξέρχοντες, οἱ πολλοὶ οἱ δὲ ἑσπέρη, καὶ ἄλλα τοιαῦτα-  
τοῦτα*, quæ divisio est admodum obscura, sed eam ideo Galenus pro-  
bat, quod differentias omnes complectatur unâ cum dignotionis mo-  
do. Differentiæ autem essentielles sumuntur à calore præternaturali,  
in quo considerare possumus intensiorem & remissionem, subjectam  
*Prima*  
*pars divi-*  
*sionis.* materiam & motum. Hujus itaque quatuor sunt partes. Prima pars  
continet differentiam quæ pertinet ad motum caloris. Febres alia sunt  
mordaces manui, alia mites, alia non mordaces quidem sed post insurgentes,  
alia acuta, sed à manu victa. Mordaces & mites dicuntur comparatione  
facta inter seipsas, nam ratione caloris nativi acrimoniae omnes tan-  
genti exhibent, sed mites dicuntur quæ sunt minus mordaces; Mites  
autem & blandæ vel revera tales sunt, & tangenti tales apparent:  
Alia in principio mites videntur, sed longâ manus impositione acri-  
monia earum persentitur. Alia primùm acres tandem mitescere vi-  
dentur. Per acutas autem & acres cum Galeno intelligimus eas, qua-  
*Secunda*  
*pars divi-*  
*sionis.* rum calor celeriter manui occurrit, quales sunt ardentes. Secunda parte  
continetur divisio februm ab intenso & remisso: Alia statim ardentes,  
alia in totum debiles, pro vehementiâ aut imbecillitate caloris. Dixit  
autem statim ardentes, nam ardentium quædam non protinus statim  
valde calent, sed primùm satis debiles, postmodum augentur. Ter-  
*Tertia*  
*pars divi-*  
*sionis.* tia parte continetur divisio februm à subjectâ materiâ Alia arida salsa,  
alia pemphigodees, aspectu terribiles humecta. Arida sunt hecica, sed cur  
*Quid fe-*  
*bres salsa.* eas salsas vocet non video, cum falsum gustu, non tactu sentiatur. Per  
similitudinem ita dictas verisimile est, quia sicut salsa malè afficiunt  
gustum, ita hæc febres tactui mordaces apparent, perinde ac si muriâ  
cutis esset aspersa, ex fuliginosis & multum ustis excrementis per cor-  
poris habitum & cutem delatis, ut in pruritu docet Galenus, qui ab  
humoribus falsis solet generari. Dicere quoque possumus esse eam in  
qua



qua salis sapor in lingua percipitur ex falsâ pituitâ, ut causus illegiti-  
 mus. Sed quid per *πυφιδες* sit intelligendum non ita patet. *Galenus* *Quid fe-*  
 in *Exegefi* eas esse dicit, quæ sunt humoris plenæ & spirituosæ, in com- *bres pem-*  
*ment.* quoque inclinare ad id videtur, ut sint *πυφιδες* *phigodes.*  
 Tales sunt febres nostræ synochi in quibus sanguinis feruidi copiâ ve-  
 næ sunt distentæ & inflatæ. Veteribus Arabum interpretibus infla-  
 tivæ dictæ. Sed præterea author definition. *Medicorum* *πυφιδες* dici  
 scribit, quæ ob ardoris vehementiam pustulas in ore excitat & reliquo  
 corpore. Idem *Galenus* putat dici posse pestilentes, præsertim cum  
 addatur terribiles, in quibus corpus plenum est pustulis quas *πυφιδες*  
 vocant Græci. Quid si variolas & morbillos nostros intelligeret,  
 quarum febris synochus esse solet & inflativa, & pustulis per univer-  
 sum corpus obortis valdè corpus defcendere: Nulla etenim alia febris  
 est, quæ pustulis adeo multis cutim inficiat, ut aspectu terribiles ægri  
 videantur, pestilentes aliæ & malignæ etsi maculis plurimis scateant,  
 multum tamen à pustulis differunt, & cum varia pemphigodeon no-  
 men significet, ut diximus, videtur adjecisse idem *deuel*, quasi aliud  
 esset pemphigodeon genus quod non esset aspectu terribile. Sed hæ  
 mæx potius sunt conjecturæ, nam nec ex *Galeno*, aut ullo interpretum  
 clarè intelligi potest, quid hoc nomine *Hippocrates* voluerit, consulatur  
*Galenus* in comment. & *Foesius* in *Oecom.* & doctissimus *Gorrhamus* in  
 definit. Humectæ autem dicuntur, in quibus nobis tangentibus cutis  
 humida percipitur, quales sunt ephemeræ & pituitosæ. Quarta pars  
 divisionis: alia rubra, alia pallida, alia livida, accidentales continet dif-  
 ferentias, quæ sumuntur à calore, rubræ à sanguine, pallidæ à flava  
 bile, lividæ verò caloris *νίψης* indicant, omnesque sunt malæ. *Quarta*  
*pars di-*  
*visionis.*  
*Galenus* hanc divisionem summè probat, quod omnes differentias unâ  
 cum dignotionis modo contineat; quod tamen mihi non videtur,  
 nam præter obscuritatem & confusionem plurimas omittit necessarias,  
 etiam à calore desumptas, multas adducit inutiles, & accidentarias,  
 ut parum utilis omnino videatur.

Aliam autem *Galenus* divisionem protulit ex calore desumptam, in  
 quo diximus spectari intensionem & remissionem, est enim qualitas  
 quæ recipit magis & minus; subjectam materiam, nam tanquam ac-  
 cidens semper est in subjecto; & modum motus, nam calor inter cæ-  
 teras qualitates est maximæ activitatis. Ab intenso & remisso mag-  
 C nâ



næ febres dicuntur vel parvæ, quantitatis nomen qualitati improprie quidem, sed ex vulgari loquendi usu adaptando. Sed differentia à materiâ omnium sunt maximè propriæ, & ad medendi usum accommodatæ, non enim curantur febres nisi vacuatâ materiâ, imò causâ ignotâ cognosci plenè febris non potest: Unde in definitionibus accidentium materiâ & subiectum Physici ponunt. Non tamen putandum differentias à materiâ sumptas esse essentielles, est enim calor qualitas infima, quæ in alias species non dividitur, sicut albedo nivis & parietis etsi subiectis specie differentibus insint, ipsæ tamen à se invicem specie non differunt. Potius igitur enumeratio est variorum subiectorum febris, quam vera caloris divisio. Materia triplex est, spiritus, humores, & solida. In omni autem febre, ut prius diximus solida incalescunt, sed æqualiter in hecticâ, inæqualiter in ephemeris, & putridis, in quibus humores & spiritus incaluerunt, & calorem in facto esse, possident. Hanc triplicem febrium differentiam *Galenus* & *Avic.* appositis exemplis vasæ, follis, & balnei declararunt, ut apud eos legere licet. Sec nec hæc quoque divisio omnes febres complectitur, etenim *σύννοσος* imputris nec ephmera est, nec putrida, nec hectica. Pariter quæ ex putrescentibus in ventriculo alimentis aut vermibus generatur, nec putrida est, quia nullus humor putrescit, nec reliquarum ulla. Sed respondemus febrem synochon aut ad epheras aut ad humorales referendam esse: similiter alimenta putrescentia, & vermes nunquam febrem inducunt, nisi calor præter naturam vel spiritibus, vel humoribus contineatur, ut sint tantum causæ remotiores febris, ex quibus calor interdum per meram alterationem, interdum per vapores emissos cordi communicatur, unde ad ephemeræ, modo ad putridas referuntur. *Fernelius* calorem dividit in simplicem, qui purus fervor est, & in spiritibus ephemeram, in humoribus synochon imputrem, in solidis hecticam parit, & putridum qui putridas & pestilentes generat, quæ divisio *Fernelii* priori satis est consentanea, etsi simplex putridæ non advenfetur, sed potius compositæ aut multiplici. Sicut & hæc quæ in spirituosas, humorales, putres & imputres, & hecticas dividit, quæ omnium maximè aperta est, & genera febrium optimè constituit, & maximas de synochon imputri ambiguitates perimit, ad quodnam scilicet febrium genus sit referenda.

Subdividuntur hæc febrium genera in plures species, de quibus suo loco.



loco. Notandum autem has febres fieri posse, ex sese invicem, spiritus ob tenuitatem facillimè, solida difficillimè accenduntur, humores medio modo se habent, & ubi calor semel horum alterum occupavit, nisi citò solvatur, reliquis eundem communicat, unde putrida ephemeræ, utrisque hæctica succedere solet.

Quomodo autem hæctica per se primum fiat, nullâ aliarum præcedente, suo loco explicabitur. Sed insuper accidentales differentie plures ab *Avicenna* recensentur, quæ etiam aliis morbis sunt communes, de quibus præclare *Ioh. Argenterius* pathologicis suis libris tractavit.

11. Sed præter has divisiones est alia valde celebris & antiqua, & ad medendum utilis, in febrem morbum, & febrem symptoma. Febrem morbum vocabant veteres, ut docet *Gal. 4. aph. 63.* quando absque aliquo aut dolore, aut erisipelate, aut alio affectu fiebat, si vero aut pleuritidi, aut Anginæ succederet, similique affectui, non amplius febris, sed pleuritis aut angina dicebatur, quod febris tantum esset illorum symptoma. Idem docet *aphor. 42. lib. 7.* Sed illam rejicit *Avicenna*. omnis enim febris est intemperies, & morbus, & ad nullum symptomatum genus referri potest, cum nec sit actio læsa, nec excrementum, nec qualitas simplex. Ergo non est symptoma. Verumtamen per quandam similitudinem febris quæ alteri morbo succedit, potest dici symptoma. Primò quia sicut symptoma morbum sequitur, ita & febris proposita, alium morbum, ut pleuritidem. Secundò sicut symptoma aboletur ablato morbo à quo dependet, & idè quæ talè nihil indicat, ita & hæc febris, quæ casus est morbi, illius indicationes & curationem sequitur. Est tamen hæc divisio utilis ad medendum, & ea videtur *Galen. 1. ad Glaucon. 3. & 4. aphor. 60.* Et hæc de differentiis febrium.

111. Febris autem cognoscitur per propria sua indicia, præsertim ex pulsu & calore, nam cum cor in febre afficiatur, pulsus immutatur, & calor per universum corpus diffusus à naturali differre percipitur. Itaque pulsus efficitur celer propter usum auctum, at non sufficit pulsus celeritas, nam & ab externis causis, sole, irâ, laboribus contingere potest; accedat oportet caloris acrimonia, sine ulla suspitione causæ procacæ: Sed omnes notas breviter complexus est *Fernelius*: omnium febrium communes notæ sunt, inquit, Pulsus celer & frequens, interdum etiam inæqualis, qui solius calidioris cordis est proprius, virium languor & imbecillitas, cum spontaneâ capitis gravitate, aut dissolutione,

Febris  
morbus.  
Febris  
symptoma.

Diagnos  
febris.

corpus

C 2



corpus quippe universum consentit laboranti cordi. Calor aut foris acer & pungens, aut intus certè molestus, qui & nonnunquam fervido halitu prorumpit è naribus: Unaquæque autem febris sua habet peculiararia signa de quibus suo loco.

## C A P. III.

## De causis Februm.

**I** Causæ februm omnes vel procatarcticae sunt, ut res dictæ non naturales, aer, cibus, potus, somnus, vigilia, motus & quies, excrementorum retentiones, & animi pathemata; vel antecedentes, humores & spiritus præter naturam calefacti. Has omnes Galenus ad genera quinque reduxit cap. tertio primi. de diff. februm, & cap. 2. lib. de caus. morbor. ad calidorum viciniam, motus animi & corporis, putredinem, prohibitam transpirationem, & calida assumpta. *Prima* est vicinia calidorum, nam & insolatus, & longior in balneis & thermis mora corpus nostrum accendunt. Aethiopes faciliè labuntur in febrem, quia sub ardenti cœlo semper versantur. Pariter intus in corpore bubones, inflammationes, tumores calidi, vicinis primùm partibus quem habent calorem impertiuntur, & ab his continuâ successione ad cor usque, corpusque universum eum diffundunt. *Secunda causa.* Motus tum corporis, tum animi, quia spiritus humoresque agitant, & concitant, & ex agitatione attenuant, si diuturniores sint & violentiores calorem maximum ingenerant, maximè si accedat suscipientis dispositio, hinc corporibus impuris & cachochymis periculosa exercitatio. Febris ait Avicenna est calor accensus, non sicut caliditas iræ, & laboris cum non ultimatur. Non enim ab his causis procatarcticis semper in febres corpus labitur, nisi accedat & causæ vehementia, & corporis dispositio. Motus animi & pathemata variè spiritus commovent, interdum ab externis ad interna centrumque corporis, & contra, & hæc nunquam febrem faciunt, ut gaudium, verecundia, potius enim refrigerant, diffuso ad exteriora calore; sed priora validè corpus accendunt; in irâ siquidem fervent sanguis, spiritusque in præcordiis, & si calorem quem semel concepere, adeò retineant, ut ultimetur, febris fiet. *Pathemata.* Tristitia quidem spiritus ad interiora retrahit, qui in unum coacti faciliè deinceps incandescunt, & postmodum fervidi in corporis habitum



tum expanduntur, sic hecticæ generantur, ut plurimum. Primum quidem ex subito occurſu opprimitur & ſuffocatur calor natiuus, cor- que videtur quodammodo refrigerari, pulſusque evadunt minores. At tandem calor ille oppreſſus habet *ἡλαρμῶς* & fortius ſævit. *Tertia causa.* Tertia causa eſt putredo. Illa eſt quæ putridarum febrium tam frequentium author eſt & parens. Fit enim omnis ex calore extraneo, naturalem ſuperante & vincente. Atque febrem excitat per vapores & fuligines putridas in cor delatas, & interdum per ſolam ſucceſſivam alterationem, ut in ephemeris ex bubone, & ad viciniam calidorum refertur, quoties tumore vapor putridus ita coercetur, ut foras non emicet. Unde dubium illud vulgare ſolvitur, ad quod genus cauſæ febrilis, inflammatione referatur. Etenim ex rationibus dictis, aut ad putredinem, aut ad calidorum viciniam referri debet. Sed & putredo externa à nobis cum aëre inſpirando attracta, tum ſpiritus, tum humores, tum reliquum corpus venenatâ ſuâ perniciē inſigniter labefactat. Sed cum in teſtibus quotidie ſæces humoresque plurimi inſigniter putrefcant, ut ſætor ſummus indicat, cur febres non fiunt? An quia inteſtina plurimum amfractuosa, & à corde diſſita, putridos ſuos vapores non poſſunt rectâ ad cor transmittere, ut docet *Hieronymus Mercurialis*. *Quarta causa.* Quarta causa eſt prohibita tranſpiratio, quæ plurimos fervidos vapores intus coercet, caloriſque conſuetam temperationem prohibet, unde acrior evadit & ingeminatus efferveſcit. In corporibus quidem impuris quorum ſucci ſunt acriores & temperies calidior febrem generat, in puris vero non ſemper, ſed plenitudinem primum parit, quæ nbi gravis & moleſta eſſe incipit, omnia in pejus ruunt, & non minus quam ex priori febris tandem ſubſequitur. Huc igitur pertinent quæcunque obſtructiones generant, de quibus inter cauſas putridarum proprio capite agemus. *Quinta causa.* Quinta causa ſunt calida aſſumpta, ſive medicamenta fuerint, ut conſectio Anacardina, ſive alimenta, aut nimis fervida, ut copioſior vini generoſi, ſpiritus vini potus, alliorum, caparum, piperatorum uſus, aut jam vetuſtate putreſcentia, quæ, in annonæ caritate, maximisque exercitiis, non minima causa eſt febrium malignarum quæ adeſſe conſueverunt. Has cauſas alibi, in quatuor genera *Galenus* & poſt eum recentiores plurimi redegerunt, aſſumenda, facienda, retenta, & extrinſecus accidentia, de quibus *Pathologicis noſtris* diſceptionibus tractabitur. Prædicta itaque ut cauſæ morborum fiant, tria, requiruntur ex *Galeno de cauſ. morb. cap. 2.*



ut vehementer, ut debito tempore agant, corpusque sit dispositum ad suscipiendum causæ morbiificæ vim, sic Rusticorum corpora etsi toto die sub ferventissimo sole versentur, non tamen febricitant, ob corporum ineptitudinem. Idèd hic de aptitudine corporum ad febres suscipiendas aliquid nobis dicendum, nam quædam corpora facilè febres incurrunt, ut Aethiopum 8. meth. cap. 8. & Moecenas referente Plinio libro septimo, semper febre laborabat. Alia difficilius febricitant, ut senilia.

De dispo-  
sitione  
corporum  
ad febres  
suscipien-  
das.

II. Corporum itaque variam dispositionem quod spectat, inter summos Medicinæ Principes Galenum & Avicennam differentia quædam est, sed ea meo judicio levis, nec magni momenti. Galenus 8. meth. Primò statuit corpora calida & sicca, secundò calida & humida, tertio calida tantum, quarto sicca tantum, postmodum temperata. Contra Avicennas primò ponit calida humida, secundò calida sicca, tertio calida tantum, quarto humida tantum, quinto frigida & humida, sexto frigida tantum, septimò sicca, octavò frigida sicca. Sed hæc nimis sunt generalia, non enim tanquam Ideam Platonis febrem in universum corpora recipiunt, sed hanc illamve illius speciem. Cum itaque plurimæ sint febrium species, ad ephemeræ, ficas, biliosas, ac hecéticas corpora calida sicca maximè propendent, habent enim effluxus plurimos fuliginosos, non vaporosos ex Paulo & Aetio; est siquidem febris affectus, calidus siccus, non mirum si simili intemperie prædita corpora facillimè corripuntur, hinc capræ ob caloris acrimoniam & siccitatem perpetuo febrile perhibentur. Sed pituitosis frigida humida, melancholicis frigida sicca, sanguineis calida humida sunt maximè obnoxia, & hæc ratio est cur Pueri, Juvenes & Viri & sæpius & facilius febricitent quam Senes, aut Mulieres, propter corporis majorem fervorem, & peculiare temperamentum. Sic quoque tenues & macilenti heceticis, pingues & obesi putridis facilè capiuntur, idque ratione temperamenti, quod ex ætate, habitu corporis, & sexu æstimatur.

C A P.



## CAP. IV.

## De Febre Ephemera.

**S**ingulas febrium species explicaturi, à diariis auspicabimur, tum quia heclicas & putridas præcedunt, tum quia sunt omnium simplicissimæ, curatu facillimæ, unde eas *Celsus* inter morbos non recenset. Est autem Ephemera febris à duratione sic dicta, quod viginti quatuor horarum spatium non excedat, proprièque est calor præter naturam in spiritibus consistens, hinc à levissimis causis accenditur, & augetur, mitissima est, utpote in aëreâ & halituosâ substantiâ residens, & facili ac levi vapore citissimèque solvitur, ob facilem subiecti dissipationem. Sunt autem spiritus tres, naturales, vitales, animales, secundum quam distinctionem *Avicen.* tres Ephemerarum species producit, cerebralem accenso animali spiritu ex solis ardore, cordialem accenso vitali, & hepaticam naturali calefacto ex alimentis. Etsi enim spiritus vitales accendi & effervesce semper oporteat; id tamen sæpissimè mediata per animales & naturales patiantur. Inedia enim, crapulâ, & calidiorum alimentorum usu naturales incalescunt, vigiliis autem, curis, insolatu longo, animales, hinc calor vitalibus communicatur, universoque corpori. Cum spiritus sint vel fixi vel influentes, rectè iudicavit *Fernelius* insitos non calefieri, tenacior enim esset & diuturnior febris ac periculosior, si spiritus fixi accenderentur. In solis igitur influentibus calor hic consistit, & cum sanguini in venis & arteriis sint permixti, fieri non potest quin sanguis quoque plurimum incalescat, docente *Galeno* 2. de febr. cap. 9. sed non primò in sanguine, verum in spiritibus calorem fundari ex superioribus capitibus colligi potest.

**I. I.** Hujus autem differentia duplex statuitur, prima quæ uno die sponte solvitur, & *ἡμέτερος* talis dicitur, secunda, quæ in plures dies prorogatur, & ephemera extensa vocatur, sive notha & illegitima, quam aliàs synochon imputrem quidam vocant; etsi in hac sanguis incaluerit, tamen ad diarias refertur, quod eandem cum iis naturam habeat, unamque accessionem eodem tenore à principio in finem exporrectam, unde sub unico genere potius *Galenus* eas complecti voluit, quam novum nomen fingere, duasque species constituere, & sic

tria



tria tantum febris genera constituuntur, Ephemera, putrida, & hectica. Verum Ephemera extensa aliud quid diversum est à syncho imputri; quæ ad humores potius quam ad spirituosas referri debet. Spuriæ enim & extensæ dicuntur, quæ ultra primum diem porriguntur, causâ scilicet perseverante, nam ex *decimo methodi cap. 2.* triplex colligi potest ephemerarum distinctio, *una* in quâ causa procatartica recessit, quæ vera est & legitima, *secunda* in qua ea permanet cum obstructione pororum cutis, & synochus est imputris; *tertia* quæ sine obstructione in aliquot dies extenditur, quia causa adest quæ spirituum accensionem fovet, ob errorem (*inquit Galenus*) *agri*, si balneo adstringente usus sit, si in vigiliis, curis, sollicitudinibus perseveret. Medici si ægrum inediâ maceret, præscribatque diatriton, effervescit enim calor jejuno qui cibi suavitate mitescit. Error quoque esse potest ex parte causæ, si putredo adsit & obstructio, diximus *cap. tertio* quomodo per solam alterationem ex putredine interdum febris oriatur, quia putridus vapor ad cor non pervenit, sed solus calor extraneus, sic ex bubonibus fiunt diariæ. Id autem variis de causis contingit, *Primo* si locus à corde sit distans, sic in articulorum inflammationibus, & in ipsâ paronychiâ febris interdum accenditur, sed non putrida ob distantiam. *Secundò* ex ignobilitate loci, in scabie, furunculis, phymate, cæterisque externis cutis affectibus, febres interdum contingunt in solis spiritibus consistentes, docente *Avicenna 1. secundi libri. cap. 34.* *Tertiò* si affectus sit exilis. *Quartò* ex parte materiæ quæ non est subjecta cuilibet putredini, siquidem ex lacte in mammis collecto, ex catarrho falso cujus materia aut leviter putruit, aut tantum incaluit, febres fiunt diariæ, sicut & ex corruptione ciborum in ventriculo, *octavo methodi 5. & 6. Epid. sect. 4. textu 31.* sic quoque fiunt ex bubonibus, primo *de diff. feb. c. 7.* Et harum nulla ad synochon, aut veram Ephemeram referri potest, unde tertium genus constituere necessarium est. Ex obstructione quoque contingunt Ephemera, & si quidem humores fuerint acres, putrida fiet, si blandi, plenitudo generabitur, quâ calefactâ & accensâ succedit synochus. Ex dolore quoque fieri voluit *Avicenna*, sed potius ratione calidorum humorum quos dolor attrahit, tum propter vigilias, animique motus qui in doloribus vehementibus spiritus accendunt; & hæc Ephemera statuitur ab *Hercule Saxoniâ* periodica, ut febris quæ arthritidem sequitur sæpè redire solet, novâ in articulos fluxione. Sed malè: periodicos enim morbos vocam

\*



vocamus, non qui reverti possunt, sic enim omnes morbi essent periodici, sed qui naturâ suâ reverti solent, ut febris tertiana, quartana, <sup>sanonix</sup> <sup>refellit</sup> antequam æger perfectè liberetur. Hujus generis non est ephemera, nam naturâ suâ perfectè sanatur, sed novâ causâ ingruente nihil obstat quin revertatur, & ideo hæc ephemera novus est morbus à priori distinctus, cum tamen periodi morborum non faciant novum morbum, sed tantum sint unius & ejusdem morbi variæ accessiones.

III. Causæ febris ephemeræ omnes sunt procatacæ, & referri <sup>Causa</sup> possunt ad quatuor capita, ea quæ assumuntur, quæ excernuntur & retinentur, & quæ extrinsecus accidunt, quæ causæ primum spiritus tantum inflammant, sed si vehementiores sint, hecæ & putridas producant, unde ephemera si diutius duret in aliam febris speciem transire solet. Quæ assumuntur aër, cibus, potus, medicamenta calida intra corpus assumpta illud calore suo in consimilem intemperiem alterant, vel per accidens id faciunt, ut cibi in ventriculo corrupti, calorem putredinalem concipientes. Sed & inedia humores accendit, & inflammat, ac demùm in solidas ipsas partes agit, earumque humorem substantificum populatur. Quæ geruntur sunt animi & corporis motus, de quibus <sup>capite</sup> <sup>tertio</sup> abundè diximus. Tertiò retenti calidi humores & excrementa, suam intemperiem corporis partibus in quibus hærent communicant, & si putredinem concipiant in aliud genus febris facessunt. Quariò quæ extrinsecus accidunt ea non uno modo calefaciunt. Per se quidem id præstant, sol, aër, ignis, calidorum applicatio, potissimum in corporibus calidis, & rarioribus, quæ humoribus calidis & fervidioribus abundant. Per accidens calefaciunt frigida, & adstringentia foris admota, ut aër frigidus, balnea aluminosa. Hæc enim poros cutis densant, calidas expirationes cohibent, quæ in corpore retentæ, vel ex suâ naturâ quod calidæ sint, vel quod putrescunt calidorum morborum causæ fiunt. Id autem facilius præstant in corporibus quæ jam antea incaluere, aut nonnihil adstrictos poros habent. Qui ex laboribus, cursuque æstuant, & subito aëri frigido, vel balneo se committunt, febribus corripiuntur, reſeratis enim poris, facile frigus in interiora sese insinuat. Quibus vero pori jam adstrictiores sunt, frigore externo planè occluduntur. Et ab his causis generantur febres ephemeræ, non eæ quidem semper veræ & legitimæ, sed interdum spurix, quæ ultra unum diem perdur- <sup>Signa</sup> rant, de quibus superius diximus.

D

IV. Signa



*Primum.* I v. Signa generalia omnium febrium deinceps ex quinque fontibus petemus, ex qualitate caloris, ex pulsu, ex urinis, ex forma febris, & demum ex causis. Itaque quod ephemeris spectat, Calor mitis est, suavis, naturali etiam in statu quam simillimus, quia ex materia miti, minimeque acri & mordaci emergit, idque intelligendum respectu hecticarum & putridarum; nam ratione ipsius nativi caloris paulò est acrior, ut in ebriis, & laborantibus esse solet. Pulsus magnus & validus, celer & æqualis, non ut in principiis putridarum submersus & inæqualis, nisi ex mœrore, inedia, vigiliis, labore, cruditate, febris orta sit, in quibus virtutis debilitate pulsus minuuntur etiam sine ulla febre: Præterea diastole velocior est systole, quia refrigerationis tantum maximus est usus, sed fuligines nullæ aut paucae fatigant. Ob eandem rationem inspiratio major est expiratione, respirationis enim & pulsus eadem est necessitas, ex Aviden. Pulsus præterea tandem in naturalem statum redeunt, quod intermittentibus febribus non contingit, in quibus in ipsomet intervallo in pulsu remanent quædam caloris præter naturam vestigia, & inæqualitas febrilis dicta cernitur.

*Tertium.* Tertio urina à naturali, nec calore, nec consistentia, nec hypostasi differt, quia in spiritibus solis, non in humoribus residet. Si tamen aliud vitium accesserit, urina immutatur, ut in ephemeris ex cruditate urina apparet cruda & alba, non quidem ob febrem, sed ob coctionis defectum, ob quem etiam si nulla adesset febris, urina cruda foret, alias, inquit Paulus, urinarum primo die concoctio & caloris suavitas inseparabilia signa sunt diariarum. Quartum signum est ex forma febris, seu *ἡμετέρας*, per quam intelligo dispositionem & particularia tempora. Est enim *ἡμετέρας νοσήματα*, ut scribit Gal. cap. 4. primi de cris. *ἐν τῷ ὅλῳ τῷ νοσήματι καὶ τῶν ποτῶν συνήσεις*. Itaque incipit sine rigore, aut frigore, quia tota causa venis continetur, eaque blanda & mitis, quanquam interdum levissimus horror soleat apparere, vapore acri per cutim delato ex Avic. idque in calidis & siccis corporibus post laborem & inediam, in quibus sunt humores acres qui moventur à calore extraneo, aliàs ratione sui non solet diaria ullum habere rigorem aut frigiis, ut docet Gentilis in com. Augmentum in calore & pulsu liberum est & æquale, cum nulla materia calorem ad interna revocet, aut opprimat, status sine gravibus ullis symptomatibus. Declinatio cum madore facilis, quam integra *ἀπυρεξία* solet excipere. Fiunt autem madores non sudores, quia materia non est humida, spiritiosa,

ex



ex calore autem accenso vapores in cutim feruntur benigni & mites, qui in cute condensati madores illos pariunt. Quod si sudor copiosus fuerit, tunc non est Ephemera, inquit *Avic. cap. de diaria*. Quinto proprium est diariarum non nisi à procatarctica causâ generari, estque signum quod & omnibus & semper convenit, sed non solis, putridæ enim plurimæ etiam à causâ procatarctica originem habent. Obijcies bubones & cruditates à quibus fiunt diariæ, quæ tamen causæ sunt abditæ non evidentes, & externæ. Cui dubio tripliciter respondere possumus. Primum quidem ephemeræ à manifestis & procatarcticis causis generari sed non perpetuò immediatè, sed per alios affectus, quâ ratione à bubonibus fiunt, cum bubo ipse ab evidenti causâ fuerit ortus, ex *Galeno, nono methodi & primo ad Glauconem*. Idem dicendum de cæteris inflammationibus si ab evidenti causâ ortum habuerint. Secundò dicere possumus ephemeræ vel esse veras, vel spurias. Priores quidem quarum abiit effectrix causa, semper à procatarcticis causis habent originem. Posteriores verò quæ causæ præsentia semper foventur, non perpetuò à procatarcticis, sed & ab internis causis fieri possunt. Tertiò procatarctica causa non semper est externa, sæpe in ipso corpore est, ut sunt animi pathemata, sed externa dicitur quod sit extra rei essentiam, ut *libro de causis morborum* explicabimus. Itaque quæ cruditates, obstruções ab externo frigore factas, febres sequuntur, ex omnes à causâ pendent procatarctica. Pariter illæ quæ sunt ex bubone, si bubo ab externa causa, ut laboribus oriatur. Et hæc sunt signa verarum ephemerarum.

v. Sed spuria habent alia signa etiam putridis communia, quædam enim habent calorem mordacem, & acrem, horrores, nauseas, inappetentias, dolores, pulsus duros, parvos, ut si fiat ephamera ex vigiliis, *primo de diff. feb. 7.* interdum quoque inæquales, ubi materia os ventriculi obsidet, ex loco citato. Pariter adsunt interdum rigores, ut si fiant ex catarrho falso, aut à calidâ & acri quâdam expiratione in cute frigore externo cohibita, tum quando in cruditate nidorosa humores quidam aciores facti os ventriculi valde sensibilè vellicant. Symptomata quoque adsunt plurima putridarum, ut vix ab his distingui queant & internosci. Observandum tamen calorem etsi mordax sit, non exurere plurimum ut in putridis, urinas colorem habere sæpè intensum, sed rarò cum substantiæ aut contentorum mutatione, pulsuum æqualitatem systematicam dilucidius apparere in ephemeris



quam putridis, sed & hæc nonnunquam fallunt, undè rectè dixit *Galenus* diariæ cognitionem curatione longè difficiliorem esse. Singularem autem ephemerarum signa in sequentibus explicabuntur.

*Prognostica.*

V I. Sunt autem ephemeræ omnes naturâ suâ salutarès, & spontè sæpissime sine Medici auxilio finiuntur, quicquid de febre Anglicâ ab authoribus dicatur, erat enim putrida & humoralis, ut suo loco demonstrabitur. Sed dubium quomodo febres quæ ex incensis spiritibus fiunt, sint adeò salutarès, ex solâ spirituum disgregatione & congregatione in extremis animi pathematis mors sæpe secuta est, ut ex gaudio repentino, & timore. Respondet *Mercurialis* spiritus esse calidissimos, ita ut accensi vix à propriâ naturâ recedant, & propterea sine detrimento id patiantur. Iidem cum sint tenuissimi & levissimi facillè evanescent, sed non sine perniciè, una etenim cum illis universi corporis virtus exoluitur. Quamvis autem sint salutarès in alias febres degenerant, humorales & hecticas, idque errore vel ægrorum, vel Medicorum, vel ministrantium, mutantur autem prout majorem cum aliis habent societatem, inter symbola enim facilius est transitus. Si quidem ephemeris maximè obnoxii sunt calidi & sicci, quorum corpus si cacochymum esse contingat facilis erit in putridas lapsus, præcipuè si error aliquis committatur, si corpus patens & nudatum aëri frigido objiciant, si vigilent, sitiant, jejunent, exerceantur, vel cibis utantur acrioribus, in hecticas; in corporibus vero carnosissimis, maximè si obstructio adsit, in synochon putrem, vel imputrem mutatio fit. Cognoscetur autem conversio illarum in Synochon, quando declinationis tempore dolor capitis, & symptomata quæ aderant permanent, vel augmentur, corpus magis accenditur, faciesque fit rubicundior. Tunc quoque si putrida futura est, calor qui primum mitis erat fit acrior, urinæ evadunt crudæ, pulsus quasi submergitur, redditurque inæqualis. In hecticas verò si degenerent, pulsus fit durus, parvus & æqualis. Inter ephemerarum periculosissimæ quæ ex cruditate fiunt, ob vitiosorum humorum proventum.

*Curatio generalis febris diariæ.*

V I I. Curatio hujusce febris facilis est, sola etenim victus ratione refrigerante humectante, & balneo curari potest. Hic purgationis & venæ sectionis nulla est necessitas, nisi ut inquit *Avicenna*, adsit satietas nauseativa, materia obstruens, aut totius corporis repletio, idque ut prohibeatur transitus in febres putridas. Victus ergo refrigeret, humectet, sit *δύσμογος, καὶ δυνάστης*, ad id optima est ptisana hordeacea, cibis



cibus veteribus valdè familiaris, sed non ad eò nobis usitatus, optimè refrigerat & humectat, nullumque excrementum detinet, de cujus præparatione in methodo nostrâ generali abundè diximus. Carnes sint eupeptæ & delicatæ, præsertim auium montanarum, in aëre libero viventium, quæ enim domi altilis exercitio carent, excrementosæ fiunt, sicut & quæ in lacubus & paludibus degunt, tum quæ nimis antiquæ sunt & concoctu difficiliores. Jusculis quoque utatur quibus refrigerantes herbæ, *exalis*, *borrago*, *cichorium*, *lactuca*, *endivia*, *portulaca* incoquantur, addito succo citri, aceto, omphacio. Pisces concedi possunt delicati, saxatiles, optimè præparati ex Galeno s. methodi. Potus sit aqua, aut vinum tenue, aquosum, oligophorum, dummodo non adsit dolor capitis, catarrhus, aut insignis obstructio. Veteres ejusmodi vinum, valdè aquosum, album, inodorum & fermè insipidum, non his tantum febribus, sed etiam in acutis concedebant, minimè enim calefacit, sed urinas, sudoresque promouet, per quæ morbi calidiores magnà ex parte solvuntur. Galenus hoc vinum maximè laudat, quod in Galliâ nunquam vidi, nec puto ex uvis maturis eximi, sed ex immaturis, ut maximè accedat ad omphacii naturam. Rhenum album quod in Angliâ me bibisse contigit, huic oligophoro simile est, generosius tamen quam ut ægris merum præscriberetur, sed paucâ aquâ temperatum concedi potest. In universum à vino abstinere satius erit, & maximè si ex inguine aut irâ febricitent, sed ejus loco optima erit aqua hordei quam ptisanam malè vocant, cum succo limon. julepo violato, Alexandrino, syrupo capilli veneris; Ante declinationem cibis solidis non utatur. Omnes animi passiones præter lætitiâ vitentur, somnus sit moderatus, quies imperetur. Sed si febris ex vigiliis, inediâ longiore, aliisque causis inanientibus oriatur, cibus statim concedi potest, ne fiat transitus in ardentes aut hecticam, maximè si æger sit temperamento calidus siccus, aut biliosis abundet humoribus. In declinatione Balneum ingrediatur aquæ dulcis, quod humectat, poros aperit, & exhalationem humorum promouet, de quo plenius capite de hecticâ agemus. Avicenna 4. Canon. cap. 9. balneum prohibet, primò si timetur putredo, secundò quum adest obstructio ab humoribus, crassis, tertio in nauseativa satietate, quarto cum catarrhus adest, & reuera Balneum olim veteribus familiare erat, sed hodie ægris importunum est, qui libenter eo, nisi in summa necessitate, & gravioribus morbis, non utuntur, plurimasque vidimus ephemeræ sine



tantò apparatu spontè solutas. Et si timeatur conversio in putridas, blando cathartico, ut *cassia*, *syrupo rosar.* solut. electuario lenitivo, catholico, repurgetur, sanguisque mittatur. Et hæc est generalis curatio veræ ephemeræ. Ad varias igitur ipsius causas veniamus.

Curatio  
ephemera  
ex as-  
sumptis,  
sive ex  
cruditate.

VIII. Febrem hanc diximus fieri interdum ex assumptis cibis & potibus, qui vel calore suo, vel corruptione corpus inflammant. Calore suo *allia*, *cape*, *aromata omnia*, *vinum generosum copiosius potum*, & hujus fundamentum est in hepate, quia cibi ad jecur attingunt. Cognoscitur immoderatâ siti, incendio hypochondriorum, urinæ ardore & rubore. Curatur blandâ vacuatione per prædicta cathartica, dein refrigeratione corporis per refrigerantes cibos, potusque, tum per balnea & epithemata refrigerantia hypochondrijs admoda. Et si contingat ex vino, curatio fusè capite de ebrietate, inter morbos capitis describetur. Fit quoque interdum ex ciborum corruptione, ex quâ vapores fervidi spiritibus permisti, tum illos, tum reliquum corpus accendunt, cruditas nidorosa à Medicis vocatur, Arabum interpretibus nauseativa satietas. Dubitat *Valescus*, an ex eâ febris generari queat, hæc enim repletio calorem nativum potius obtundit, crudos plurimosque humores procreat, à quibus frigidi morbi & chronici pullulant. Facilis est responsio, cruditatem esse duplicem, acidam quæ fit à frigido, nec febris causa existit, & nidorosam quæ caloris exuperantis soboles est, & proinde causa febris: Notat tamen *Trallianus libro duodecimo capite primo*, non ructum tantum & cruditatem, sed

Dubium.

Solutio.

& ætatem, temperamentum, reliquamque victus rationem spectari oportere, non enim semper nidorosus ructus à caliditate, sed ab ipsis interdum cibis provenit, quales sunt mellitæ placentæ, sic acidus interdum ab acidis, & acerbis cibis proficiscitur, quam quæstionem *cap. de cruditate & ructu*, fusè explicabimus. Fit ergo ex ciborum repletionem, qui cum perdomari & coqui non possint, corrumpuntur, maximeque si aciores fuerint, aut facile corruptibiles, aut etiam jam corrupti. Est autem vel in ventriculo & intestinis primisque viis, vel in toto corpore. Cum in primâ regione subsistit, ventriculum & hypochondria distendit, hinc tumor, inflatio, frequens borborismus, tormina, ventris vellicatio, nausea ructusque, capitis dolor. Quod si diutius in ventriculo remanserit, aut in jecur, venasque majores penetrarit, humores contaminans, putridam accendit, tunc urinæ primum redduntur tenues & aquosæ ac omnino crudæ, aut saltem le-

viter



viter tinctæ, post sunt conturbatæ, cum diuulso sedimento & inæquali, quod procedentē coctione læue fit, album, & æquale, debilis enim calor & materiæ crudæ contumacia, hypostaseos bonitatem interturbant, lassitudo quoque spontanea adest, & interdum horror plurimus & longissimus, somnus gravis & molestus, pulsus inæqualis, obscurus, parvus, calor faciei mutatus in lividum, plumbeum, aut pallidum, aut saltem alius à naturali. Febris hæc periculosa evadere solet, mutatur enim in putridam, *Ventris segnities*, *vasorum impuritas*, *omnium confusio*. Itaque si prædicta signa perseverent, malus scilicet faciei color, urinarum cruditas, pulsuum imbecillitas & inæqualitas, accedantque mentis & sensuum hebetudo, maximum impendet mortis periculum, copiam enim crudorum humorum ostendit, quos vires imbecillæ superare nequeunt & emendare, unde sub hoc onere collabuntur & ruunt, & sæpe succedente syncope moriuntur; Ratione autem crudorum succorum à quibusdam inter pituitosas refertur. Solet enim primum à spiritibus incipere, & in putridas degenerare. Sed Hippocrates libro de flatibus elegantissimè febrium ex prava victus ratione ortum declarat. *Fiunt autem*, inquit, *primum cum quis cibos copiosiores ingerit, quam ferre possit, nec exercitiis utitur, tum cum varios dissimilesque immittit, nam dissimilia* *συνεσθῆναι*, *& hæc quidem celerius, illa tardius concoquuntur, tum cum ciborum copiam, plurimus spiritus intro subit, ut patet ex ructibus, in quibus flatus disruptus bullis erumpit; Repleto itaque corpore tum cibus, tum cibus, tum flatulento vapore ex cibus generato, obstructa alvo, ac retentis in ventre cibus, in universum corpus flatus subeunt, partesque sanguine refertas refrigerant, inde universum corpus horror occupat, & quod major fuerit horum flatuum copia & frigiditas, eo major est hic horror.* Et hic est sensus sententiæ Hippocraticæ, in qua præterea plurima adsunt de rigore, & oscitatione suo loco explicanda. Et vidimus sæpe plurimos post ingluviem & crapulam toto corporis habitu per unum aut alterum diem valdè refrigeratos & interdum per vices incalcescentes, ac statim iterum horrore correptos, cum dolore capitis, aliisque symptomatis, quæ spontè postea omnia cessabant, evictâ à calore nativo omni cruditate, quæ calorem sui copiam suffocabat.

Ad curationem autem spectandunt, aliusne soluta sit an adstricta. Fluere enim melius est, quam si intestinis & mesenterio cibi retineantur: Cavendum tamen nè corrupti humoris mordacitate intestina violentur, quod fiet Clysteribus acrimoniam temperantibus, ex oleo  
amygd-



amygdalarum dulcium, butyro recenti, decocto malva, althea, lactuca, lapathi & cæterorum ejusmodi. Convepiens instituenda diæta, quies, inedia, cibi parcitas, Vomitus aut alui subductio accomodata, quæ primas vias blandè expurget, ex hierâ. rhabarbarb. sennâ. cathol. electuario lenitivo, solus enim corruptionis nidus intus derelictus putridæ febris initium plerumque fuit. Ventriculus deinde roborandus internis, & externis, itaque foveatur oleo mastichino, de menthâ, de absynthio, nardino, fomentis quoque & emplastris, & si alui fluus sit immodicus, adstringentia & aromatica sunt admiscenda, quæ simul robovent. Imponatur mica panis, aceto vel vino adstringente madefacta, cum pipere, cinnamomo, spica, mastiche, vel pulpa cidoneorum cocta, additis prædictis pulveribus. Sic fiant foci, ex rosis, coriandro, balauſtiis, absynth. spica, in vino adstringente decoctis. Pariter fiant litus ex simili materia ℞. Olei cidonior. rosar. de absynth. spica ana ℥ss. mastiches, nuclei moscat. cinnam. ana ℥ss. cera parum M. F. linimentum. Intus præbeantur pulveres diarhodon; aromatici rosati, similiaque stomachica. Cibus non administrandus, nisi cruditate superata & vacuatis excrementis; sed si aluus sit adstricta, aut saltem parcius fluat, retineri corruptos cibos contingit, vel in ventriculo, vel intestinis, quod cognoscetur ex doloribus vel sub umbilico, vel supra infestantibus, solent tunc flatu pluri infestare, ideo præscribendi clysteres, qui & flatu discutiant, & dolorem leniant, & blandè vacuent. ℞. Infusculi domi parati ℥jss. incoque florum chamam. anet. meliloti, ana P. j. seminis anisi, feniculi ana ℥ij. incolat. dissolve cassia extracta, ℥j. cathol. ℥ss. olei chamam. butyri salis, ana ℥j. sacchari rubri ℥ij. vitellum unius ovi, M. F. Clyster. Si adhuc fuerint in ventriculo, blandis vomitoriis erunt sursum evacuandi, ex hydreleo tepido copiosè sumpto, vitatis semper vehementioribus, quæ stomacho molestiam exhibent. In omnibus utilis erit blanda purgatio, ex mannâ, syrupo rosar. solut. rhabarb. & similibus, maximè si ex fugacium fructuum usu orta sit, ut sunt melones, cucumeres, persica, mora, ova, pisces frixi. Roborandus deinde ventriculus lana purpurea, ventriculo obductâ, mastiche, rosis & similibus jam dictis & dicendis in affectibus stomachi. Sed tamen calefacientia vetat Trallianus, etsi enim ad tempus prodesse videantur dissipatis flatibus, febrem tamen postea magis accendunt, ideo vinum prohibet, nisi vires suadeant, miraturque Galenum uti diatrion pipereone. Verum purgato corpore non nocet, ejus enim calor in primis viis extinguitur, nec venas subit, & ven-



& ventriculum debilitatum optime restituit in pristinum statum. Notandum tamen est ejusdem *Alexandri* remedium. Potum enim aquæ calidæ commendat, ubi cibus est in stomacho: Eluit enim, absterget, & ad inferiorem ventrem cibum propellit, spiritumque incensum temperat, & melius remedium se non nosse ait, & revera est optimum. Et hæc de ephemera à cibo & potu, in quâ explicanda fuimus ideo longiores, quod frequentior sit, & aliarum febrium sæpè radix & origo.

ix. Sequuntur ephemera, quæ fiunt ex iis quæ geruntur, quales sunt animi corporisque motus. Ex labore igitur immodico & peregrinatione si fiat, lassitudinem habet comitem, artuum, musculorumque calorem, & dolores, siccitas adest partium pectoralium ob exhaustos humores, pulsus durus, parvus fit & debilis, ob contractam siccitatem, & resolutionem caloris spiritusque factam in labore. Curatio tota analeptica est, nequaquam discutiens & resolvens. Imperentur quies & otium, cibisque utatur boni & facili nutrimenti; deinde ingrediatu balneum aquæ dulcis tepidum, cui peculiare est lassitudinem demulcere, dein ungatur corpus oleo dulci, ac tenui, ut violato, liliaceo, chamamelino, aut balneum paretur ex hydrelæo, docente enim *Aristot.* in problematibus, hydrelæum melius lassitudinem solvit, quam oleum purum, ideoque *Galenus* unctionem olei post usum balnei præcipit. Sed ut docet *Alexander*, libro duodecimo cap. primo. corpus neque sit plethoricum, neque cacochymum, aliàs cum humores jam incaluerint, promptè putrida febris accersetur à balneo, maxime si victus improbus accesserit. Sed nunc sine balneo hæc febres curantur.

x. Si ex tristitia & timore generetur, aderit oculorum cavitas & dimissio ex resolutione, facies decolor & pallidior, ob spiritum intro recursum, calor acris & mordax, pulsus parvus, languidus, rarus, durus, urina ignea, corporisque macies. Tunc animi hilaritas, tranquillitas imperanda, quæ cantilenis rebusque jocosis, minime seriis accersiri potest, sicut & optimis cibis, humectantibus, vini moderato potu, (animum siquidem exhilarat) & lætificantibus medicamentis, cardiacisque, *borrag.* *melissa*, *confectione alhermes*, similibusque: Balneum aquæ dulcis tepidæ tandem convenit. Quæ sit ex irâ, relatione ægri & adstantium cognosci potest, sed præterea pullum habet magnum, frequentem, plenum, vultus coloratos, oculosque tumen-

E

tes.



tes. Prædictis utendum, bilis fervor temperandus victu potuque refrigerante, à vino omnino abstinendum, aut eo non nisi valdè diluto utendum.

*Epheme-  
ra ex ex-  
cretis, &  
retentis  
curatio.*

x i. Ex retentis suppressisque excrementis ephemeræ interdum fiunt, ut ex aëre frigido, balneo aquæ aluminosæ, si æstivans & calefactum corpus derepente ab externis hisce causis afficiatur, constipatis etenim corporis poris, & densatâ cute, prohibetur effluxus vaporum, spiritusque accenduntur. Ægri relatione causa hæc deprehenditur, cutis arida redditur, pulsus fit durus & velox, calor primum mitis videtur, sed longâ manus impositione acrior perferentur, & si diutius cutis constipetur, periculum est ne putrida succedat, in corpore cacochymo. In hac laxanda omni arte cutis est, aperientibus & relaxantibus, ideo continendus æger optimè pannis coopertus, frictione & unctione molli utendum, & sudorum provocatione. Fricetur igitur corpus manibus inunctis oleo chamæmelino, amygdalor. dulcium, anethino, cum modico nitri, & pauco vino albo. Sed & balneum calidum ad hæc utilissimum est, in quo aperientes herbarum decoquantur, ut mentha, balsamita, fenic. apium, petroselin. cum radicibus. Quod si in balneo horror aliquis percipiatur, diutius non est immorandum, humores enim acres adesse horror indicat, unde putridæ futuræ metus impendet. Vinum quoque bibat album, mediocriter dilutum, caveatque semper ab omni frigore externo.

*Ephemeræ  
ex vigi-  
liis.*

x i i. Si ex vigiliis, longâ meditatione contingat, gravis fit oculorum motus, palpebrarum gravitas, faciei pallor, tristitia vultus, urina perturbata, pulsusque debiles adfunt. Ad curationem victu utendum humectante, curarum omnium ablegatione, tum somno vires exhaustæ recreandæ, vinoque tenui & odorato reparandæ, & corpus balneo tepido sine sudore humectandum, ut plenius capite de vigiliis dicemus: Sicut ephemeræ ex bubone curatio capite de bubone tradetur.

*Ephemeræ  
ex calidis  
externis  
facta cu-  
ratio.*

x i i i. Ephemeræ quæ ex solis ardore, aut aëre fervido, aut aliâ externâ calefaciente causâ genita sunt, ut plurimum caput offendit, quamvis enim cerebrum aëre quovis ambiente calidius sit ex Galeno, tamen radii solis ubi reflectuntur à capite, & solidis aliis corporibus vehementissimum calorem generant, sed præterea universum corpus aëris fervor accendit, & per inspirationem attractus, spiritus vitales, ipsumque cor inflamat, unde febris. Cognoscitur autem tum ægri relatione,



relatione, tum quia caput grave redditur, cutis apparet sicca, oculi, faciesque rubent, pulsus magnus adest, urinæ redduntur copiosæ, capiti admoendum est oxyrhodinum vel simplex, vel compositum ex oleo nenupharino, papaver. violaceo, cum unguento populeo. Oxycratum quoque erit utile ex aquis rosarum, plantaginis, solani cum aceto, sicut & embroche ex decocto rerum refrigerantium, atque his synciput, frons & tempora irrigentur. Victus ratio sit refrigerans, balneumque aquæ dulcis convenit, cui refrigerantes herbarum sint incoctæ. Et hæc satis de ephemerâ. Si quis singularum causarum curationem exoptet, legat *Avicennam*, qui totam hanc doctrinam diligentissimè explicavit, & plus quam necesse est.

## CAP. VI.

## De Synocho imputri.

**I**SYNOCHON febrem, *Galenus nono methodi, capite secundo*, dicit esse *Definitio.* Seam quæ uicam habet accessionem à principio ad finem, sine ullâ evidenti mutatione, quam sub nomine continuarum complexus est *Hippocrates*, fuit enim synochy nomen ipsi ignotum, unde librum de natura humana secundum, spurium nec legitimum esse dicit, quod eo *synochis* nomen contineatur. Est autem duplex, putrida, & altera sine putredine. Et hæc quidem, de qua hic agimus, de genere ephemerarum est, ut placet *Galen.* & nos superius diximus, ideo diariarum tractationi hujus explicationem subnectere placuit. Est autem febris continua ex sanguine accenso genita. Fervet enim in eâ sanguis, ut vinum in doliis, inquit *Aetius, capite 70. libri primi tetrabib. secundæ.* Continuum diximus, quod sine ulla intermissione ægrum assidue fatiget, dum integrè soluta sit. In hac simplex est calor sine ullâ putredine, ut distinguatur ab alterâ synocho, quæ ex sanguine putrescente generatur, de quâ inter putridas agemus. Quia calor febris hujus in sanguine non in spiritibus fundatur, eam ab ephemeris distinxere recentiores contra *Galen*i mentem. Docuimus differentias febrium desumi à triplici materia, spiritibus, humoribus, & solidis partibus, eam quæ in humoribus consistit duplicem constituunt, quæ enim ab humoribus excoactis sit, distinguitur ab eâ quæ ex iisdem putrescentibus oritur. Et



*Biliofa  
synochas  
an detur.*

fanè hoc sensu synochos à diaria maximè differt. Sed quia maximam habet cum diariis analogiam in calore, in pulsu, brevitate & causis, eam *Galēnus* sub eodem genere reposuit, non siquidem à Febris substantiâ, sed tantum à duratione ephemeræ nomen datum. Cum enim sanguis in utraque incalescat, & tantum secundum magis & minus differant, frustra in duas classes disponentur. Magis enim calent in synocho humores, quam in verâ diariâ, in quâ spiritus humoribus contenti magis fervent. Vocatur autem febris hæc de qua agimus ab aliis inflativa; accensus enim sanguis vaporem copiosum de se emit, quo ægri corpus subtumidum & inflatum apparet. Est itaque huius subjectum universa sanguinis massa, vasis maioribus inter alas, & inguina, contenta; quæ interdum biliosior est, & febrem facit synochon biliosam, quæ tamen non debet à priori distingui, quia non ex bile sincera excandescente oritur, sed ex sanguine calidiori & fervidiori, imò universa massa cum accenditur videtur quodammodo billescere & attenuari.

Sed hic quæstio est, an obstructio in homine bilioso, cum plurimam bilem coacervet, & ex prohibita transpiratione accendat, febrem non procreet biliosam imputrem. Respondeo osanguinem solum naturæ legem, venis contineri, cuius pars tenuior biliosus, crassior melancholicus sanguis vocatur, bilis verò utraque suis receptaculis continentur, nisi præter naturam propter causas plurimas bilis proventum facientes, vel quod sanguis ipse putrefactione in tales humores degenerarit. Hoc modo non dubium est quin biliosa synochus detur, minimè tamen à priori diversa, ut diximus, sed abusivè biliosa dicetur, quia ex bile ipsa non generatur. Si enim bilis prædominetur, cacoehymia est. Itaque si tunc obstructiones adsint, febris quidem generabitur, sed ea putrida. Omnis enim humor qualitate peccans sibi relictus, putredinem concipit. Ideo sanguis sine putredine incalescit, quia à naturâ conservatur, & calore nativo plurimo abundat, ideo tardius ab extraneo afficitur, quo enim singula fortiori calore prædita sunt, eo difficilius à calore præter naturam corrumpuntur, ut vina generosa. Reliqui autem humores, cum naturaliter non sint in venis, si calorem extraneum concipiant, à naturâ de illorum conservatione minimè solliciti derelicti, facile in putredinem labuntur. Fieri itaque ex bile synochus potest, sed quæ erit ad putridas referenda, ut dicemus *capite de synocho putri.*

II. Gene-



11. Generatur autem ut plurimum ex diariis malè curatis ob erro- *causa.*  
rem Medici, aut ægri, aut adstantium, vel propriis ex causis. Non  
autem ex quacunque diaria, nec in omnibus corporibus fit, sed ubi  
ephemeræ occasio stipatio fuerit, & obstructio, quæ si levior fuerit fa-  
cillimè febris solvitur, si vero gravior, ultra unum diem porrigi solet,  
*nono methodi, cap. primo*, aut si levis aliàs obstructio malè curetur. Pari-  
ter nec in quibulvis corporibus *capite tertio libri citati*, non enim fit in  
frigida ætate aut temperie, nec in gracili aut calida, sed in carnosiss  
plurimo sanguine abundantibus, calidisque excrementis refertis. Sed  
præterea quæ causæ sanguinem cumulant, & accendunt hujus febris  
sunt authores. Plurimi autem sanguinis proventus fit ex victu pleniori,  
euchymo, & polytropho; si corporis constitutio, præsertimque he-  
patis, calida fuerit & humida, ætas Juvenilis, anni tempus vernum.  
Proinde eos synochus invadit qui temperati sunt, aut calidiores humi-  
dioreque, ætate florente, habitu carnosio quadrato, qui in otio in-  
temperanter lautè & opiparè vivunt, cæteras naturas, constitutiones-  
que non attingit. Sed & otium, vita sine curis, exercitiis, cum ani-  
mi lætitiâ, somnus longior, suppressæ consuetæ sanguinis evacuatio-  
nes plethoram coacervant in vasis. Cumulatus autem sanguis accen-  
di solet à causis calefacientibus quibus diaria ipsa succrescit, victuque  
calidiori, ut multo vini generosi potu. Sed maximè id patitur ab ob-  
structionibus cutis, quibus omnis perspiratio & diaphoresis prohibe-  
tur, hinc retentis fugilinibus extraneum calorem concipit. Sic in tu-  
moribus præter naturam suppurationem emplasticis promovemus,  
quibus effluvium caloris naturalis retinetur.

Hæc igitur obstructio, si corpora corripit, sanguinea, pura & tem-  
perata, plenitudinem tantum auget, & hanc facit synochon. Si vero  
cum sanguine humores acres & pravi fuerint, putrem synochon parit,  
augetur scilicet sanguis, simulque putrescit. Non quævis autem ple-  
nitude huic feбри generandæ, idonea est, sed ea demum quæ ad vasa  
est, *ex nono methodi*: quæ plenitudo ubi gravis esse incipit, bonitatem na-  
turæ suæ amittit. Quæ vero ad vires plethora vocatur, ea nec copiâ  
suâ ora venarum obstruit, nec tumorem parit, nec traaspirationem  
prohibet.

111. Triplex autem hujus febris differentia statuitur. Vel enim *Differen-*  
æqualis semperque similis sibi febris toto morbi decursu permanet, & *ita tres.*  
*ipsa* vocatur, in quâ quantum dissipatur tantum recens inflamma-



tur vel calor quotidie invalescit, quod inflammatio, dissipatione fit major, & *πυρεστική* fit *επιπυρεστική* increfcens, alias plus dissipatur, quam recens inflammatur, tum sensim calor imminuitur, dum prorsus desinit, & *σπυρεστική* dicitur. Docet autem Galenus 6. Epid. sect. prima textu 29. hæc nomina fuisse olim veteribus ignota, sed à recentioribus inventa ad diversos harum febrium modos distinguendos, non ad diversas earum species constituendas. Contingit autem plus reponi quam dissolvatur, cum plurima est obstructio, quæ in dies aucta omnimodam vaporum transpirationem prohibet, materia subest multa, causæque calefacientes sunt validæ, contrariis ex causis plus dissolvitur, quam gignitur. Non enim in syncho semper omnimoda adest vaporum & fuliginum retentio, sed aliqua interdum perspiratio restat, quæ *ορεστική* & *σπυρεστική* occasio est. Cum igitur harum febrium quædam semper augeantur, aliæ continuo decrescant, quæritur an quatuor percurrant tempora. Respondeo necesse esse humorem morificum concoqui, si morbus solvi debet, ideoque hic adest quatuor tempora, ratione concoctionis & digestionis materiæ, etsi tempora morbi & symptomatum perpetuò non omnia appareant.

*Signa.*

I v. Habet autem signa cum ephemeris communia, & eadem, sed aliquantum manifestiora, blandus est calor, minimè mordax & acris, ob subiecti benignitatem; pulsus æqualis, magnus, plenus, frequens & velox. Urinæ naturalibus similes, nisi quod sint aliquantulum ruberæ, & crassiores. Incipit sine rigore, horrore & frigore, totum corpus, sed maximè facies, inflammatione ruboreque suffunditur. Venæ copiâ distentæ multum turgent & inflantur propter sanguinis copiam & ebullitionem, inde distendens lassitudo omnes artus occupat, caput dolet & ingravescit, tempora validè pulsant, Cominus interdum corripit, etiam profundior ex blandâ sanguinis anathymia in cerebrum. Fit tantum in juvenibus carnosis, ætateque florente, causæque præcesserunt prius recensitæ sanguinem cumulantes & accendentes. Solet autem esse salutaris, facillimeque solvitur, si remedia promptè adhibeantur, alias in putridam mutatur aut caisson. Sed & fervidus sanguis cum vasis contineri non amplius possit, erumpens suffocationes, erisipelata, bubones, vel internas inflammationes, easque valdè periculosas subito plerumque producit. Tutior est quæ decrescit, pessima quæ augetur, ob minorem resolutionem, solvitur sudore, hæmorrhagiâ, vel, exanthematis.

v. Qui-



v. Quibus ut occurramus statim vena secanda, ut sanguis inflam- *Curatio.*  
 matus retrigeretur, & vacuetur, inflammationum periculum evite-  
 tur, insignisque illius quantitas est detrahenda, cum in plethoricis  
 tantum contingat, non quidem ad animæ deliquium, ut dixit *Galenus*,  
 sed potius bis terve iteranda, sic enim commodè & tutò plethora va-  
 cuatur, natura mole oppressa recreatur, sicque confirmata reliquum  
 facilius expellit, alui profluvio, vomitu, sudoribus. Et quidem va-  
 cuatio ad animi deliquium fieri non potest, nisi in summo virium ro-  
 bore, non tantum vitalium, sed etiam naturalium & animalium, alias  
 periculum est, ne aut cachexia aut hydrops, aut apoplexia contingat,  
 ubi facultas naturalis & animalis imbecilla est. *Galenus libro de phlebot.*  
*cap. 12. & nono methodi* duos vidit in manibus Medicorum periisse, alios  
 ex hac larga profusione sanguinis in graveis & exitiales morbos inci-  
 disse. Præterea cur mittetur sanguis ad deliquium, cum iterata ve-  
 næ sectio plethoram commodè eximat & corpus postea refrigeranti-  
 bus remediis commodè temperetur. Itaque copiosè quidem mittatur  
 propter plethoram, sed semper vitatâ lipothymia. Secetur autem ve-  
 na basilica brachii, quæ copiosè de corporis trunco & magnis vasis va-  
 cuare solet. Sed ante molli clystere & refrigerante alvus solvatur, ne  
 cæcchymia primæ regionis in venas majores rapiatur. Convenit quo-  
 que, enematis loco, blanda catharsis ex *Syrupo rosarum solutivo*, *violato*,  
*diapruno*, *catholico*, aliisque benignioribus, quibus cæcchymia, si quæ  
 adsit, blandè tollitur. Dein exhibeantur ea quæ fervorem sanguinis  
 extinguant, putredinemque, in quam facilè convertitur, prohibeant,  
 quod utrumque commodè acida præstant, bilis enim fervorem com-  
 pescant & retundunt, oris amaritudinem & sitim emendant, putre-  
 dinique obsistunt, ut sunt *Succi granatorum*, *limonum*, *acetum*, *ompha-  
 cium*, quæ cum aquis hordei, vel stillatitiis herbarum refrigerantium  
 liquoribus in julepi formam saccharo addito commodè concinnantur,  
 simplex fieri hoc modo poterit. *Rx. Aqua fontana lbj. aquæ rosar. sacchari  
 albi ana ℥iiij. aceti vel omphacii, sub finem injecti ℥ij. coque in julepum.* Com-  
 positiores erunt sequentes. *Rx. aquar. endivia, portul. plantag. maximè  
 si alvus profluat, ana ℥iiij. succi granator. limon. pomor. redolent. ana ℥ij.  
 sacchari albi, vel rosar. tabulati ℥ij. coque lentè dum despumaverint, & fiat  
 Julep.* Succorum penuria syrupi officinales *limonum*, *granatorum*, *oxy-  
 sacchar simplex*, de *endivia*, de *ribes*, de *nymphaea*, *violatus*, aquis prædi-  
 ctis admisceri possunt, addito etiam interdum spiritu vitrioli, qui gra-  
 tam



tam aciditatem aquæ conciliat, & valde cuilibet corruptioni aduersatur. Sed & tincturæ violarum, rosarum, quæ ejusmodi spiritu secundum chymicorum artem eliciuntur maxime sanguinis fervori temperando sunt idoneæ. *R. Syrupi violati vel julepi violati ℥ij. differunt quod ille ex succo, hic ex aqua violarum paretur, Syrupi de ribes ℥j. aqua hordei ℥vj. tinctura rosar. vel violar. ℥iij. M. F. julep.* Sed aquæ frigida potus omnium optime sanguinis ardorem compescit, modo ad satietatem usque sumatur, observatis iis cautionibus quas Galenus libris methodi explicavit, de quibus cap. de putrida continua agemus. Id tantum hoc loco notandum, quando Galenus frigidam dari vetat, ante signa coctionis, id intelligendum esse de febribus putridis, nam in hac febre in qua nulla putredo fatigat, potest administrari etiam in principio, modo cæteræ adsint conditiones, scilicet si nulla sit obstructio in visceribus, nulla inflammatio, aut ventriculi imbecillitas, ut loco citato plenius explicabitur. Externa quoque remedia admovenda sunt, siquidem renes, in quibus sæpe maximus ardor persentitur, inungi debent Cerato Galeni refrigerante, vel unguento santalino. Cor præterea & jecur epithematis apposis alterentur. Sed balneum aquæ dulcis in declinatione competit, ad cutis obstructions solvendas, ut sanguinis vaporibus perspiratio concilietur, post quod oleo humectante, ut chamæmelino, corpus inungendum. Id docet Hippocr. libro de locis in homine. Si lassitudo, febris, & plenitudo detinuerit multa aqua lavare oportet & liquido illinere, & plurimum calefacere, quo calor apertus per sudorem corpore exeat, hacque tribus, vel quatuor diebus facienda, quod si non sedetur, medicamentum cholagogum propinato, tunc enim nisi ex prioribus remediis cessaverit, in putridam degeneravit, ut alibi dicemus, & febrem refrigerato, antequam ad quartam diem pervenerit. Ita *παραπνοή* explicandum puto, non ut Foesius priusquam ad quartanam deveniat. Et si enim interdum in quartanas febres degenerent, non est tamen hoc admodum familiare, potius in tertianas, ab humoris affinitatem, sed noluit summus Præceptor, febrem omni arte refrigerandam & compescendam ante diem quartam, vix enim solet ulterius hæc febris prorogari, quin in putridam transeat, sic alibi docuit morbos ex sanguine intra diem quartam judicari.

*Aquæ  
potus.*

*\*.  
Fœsius  
notatur.*

*victus.*

Victus ratio sit tenuis & parum nutriens, ut ptisana seu cremor hordei, lac amygdalinum, sive emulsio ex seminibus frigidis majoribus. Ideo interdiciamus usu vini, carnis, & eorum quæ multum sanguinis



guinis generant, & corpus calefaciunt, sed poma & pruna cocta concedimus, & si vires aut consuetudo tam tenuem victus rationem auferrentur, iuscula concedi poterunt carniū optimarū refrigerantibus herbis alterata. Eo autem tempore cibus præbeatur, quo per sanitatem consueverat, quod in continuis omnibus morbis qui non habent ἀνάπτουσι, & citra exacerbationem fatigant, est observandum. Hippocrates autem tertio de rat. vict. ita procedit. Si febris inquit, ex plenitudine detinet, nihil præter aquam offerendum vult, qui victus valde tenuis est) per dies tres, siquidem intra tertiam cessarit. Si non, pituitosa succo utendum, & vel quarto, vel septimo die abibit, si sudaverit. Optimum autem sub criseos tempus unctionibus uti sudorificis, sudores enim cogunt. quæ brevis sententia valdè consentit prædictis, & putridis etiam continentibus convenit, & expositionem nostram superioris sententiæ valdè confirmat, nisi enim tertiâ die finierit antequam sit περταῖος ad septimam porrigitur, & putrida evadit. Et hæc de fynochi curatione.

## CAP. VII.

## De Febre hectica.

I **F**ebres hecticae ἀπὸ τῆς ἱκτικῆς nomen habent, tum quia corporis habitum occupant, tum quia sunt δισλόπῃ, utrumque enim ἱκτικῆς nomen complectitur. Non quod semper sint in habitudine, nam quædam faciliè amoventur, sed quod sint in solidâ corporis substantiâ, hecticae vocantur, etsi marasmodi etiam sint in habitudine. Est igitur calor præter naturam æqualiter accensus in solidâ cordis substantiâ, ad differentiam putridarum & ephemerarum, in quibus, ut diximus, capite primo hujus tractatus, solida, inæqualiter tantum sunt calefacta, in hectica vero æqualiter. Per solidam autem partem intelligimus omnem quæ ab humoribus & spiritibus distinguitur, quam Hippocrates nomine continentium complexus est. Quidam definitioni addunt siccitatem. Sed ex Gal. primo de febribus cap. nono. dantur hecticae, in quibus sola rorida humiditas effervescit, nec dum consumpta est. Et quidem Alexander Trallianus vocat hecticas has in quibus partium solidarum substantia effervescit, ubi vero consumpta est, vocat marasmodi, sed ubi omnino absimitur, vocat marasimum, ita ut inter hecticam & marasimum differentia quædam sit.

Definitio.

F.

II. Sunt



*Differen-* 11. Sunt autem febrium hecticarum gradus vel differentiae tres,  
*tia.* ad quarum intelligentiam ex Physiologicis repetenda est humorum secundariorum distinctio. Sunt autem variae sanguinis preparationes, antequam in partium substantiam immutetur. Sanguis cum primum in magnis vasibus in minora quae singulis partibus natura dedit, exciderit, ab illis ita immutatur, ut partis naturam quasi assumat, & fit primus ex secundariis humoribus, & proprie est tantum sanguis elaborator & perfectior, qui proximum partium alimentum futurus est. Sed ubi jam ex parvis illis vasibus excidit, & in similarium spatia roris modo dispergitur, illisque adjungitur & apponitur, propriumque fit partium alimentum, ros vocatur, & à nonnullis humor alimentarius. Galenus vero *σμηφύλον* appellavit, non quod nobiscum sit natus, sed quod similaribus partibus sit insitus. Hic coactus concretusque cum partibus agglutinatur, & solidis fibris adhærescit, assimilaturque, gluten dicitur & carniformis, estque non nisi carnosa & adipis substantia. Sed cum jam perfecte mutatus & assimilatus fuerit, tunc solida fit partium similarium substantia, ex Galeno. Alii Cambium vocant, quia ex assimilato perfecte alimento generatur. Aliis dicitur primigenius humor, insitus, humidum radicale. His quatuor humoribus quatuor siccitatum genera Galenus opposuit, septimo methodi cap. 6. *Quod seminum est in sanis, id sicca intemperies est in agris, itaque etiam insanabilis est, si prorsus sit consummata, nempe ubi solida partium similarium substantia reddita fuerit siccior. Nam est & altera siccitas, quum ea quorum substantia ex humore concreto constat, sicut caro & adeps sunt liquata. Etiam tertia, quum propria humiditas unde partes nutriuntur omnino absumpta est. Continetur ea in omnibus animalis partibus ceu ros quidam per ea sparsus. Quarta ab iis diversa siccitas est, qua in propriis cujusque particula exilibus arteriis, venisque consistit. Provenit & hæc ex sanguinis penuria. Hæc Galenus. Ex quibus perspicuum est, primam siccitatem esse quando solida substantia consumitur, aut cambium. Ut vero quarti humoris consumptio primam eamque pessimam siccitatem efficit, ita tertii consumptio secundam, secundi tertiam, & primi quartam, quæ omnium facillime curari potest. Ex his statuunt Medici tres febris hecticæ differentias, non quatuor, cum quarta illa siccitatis differentia quam Galenus vult dari, eorum sit humorum, qui in venis arteriisque continentur, quorum consumptio etsi hecticæ sit perpetuo comes, non constituit tamen ullam illius differentiam, quia omnis hectica in solidis est partibus. Potius febrem facit*



facit synochon aut putridam, si humor ille putrescat, aut effervescat, ut vult *Avicenna*, lib. 4. sen. 1. tract. 3. c. 1. Cum enim humor iste à sanguine quam minimum differat, putrescere poterit & inflammari. Vel ut vult *Gentilis*, consumptio istius humiditatis confunditur cum absorptione roridæ, unde unam eandemque simul constituunt hecticæ speciem.

III. Tres itaque tantum sunt hecticæ gradus. *Primus* quando everti cordis temperies incipit, sed nondum virtus laborat, tantum humiditas alimentaria effervesceat, *Secundus* quando consumpta ea est, etsi alimento possit reparari. *Tertius* quando radicale humidum caloris nativi fundamentum & subjectum absuitur, quod quia spermaticum est, nec alimentis, nec remediis reparari aut resarci potest, sufficit si ulterior exsiccatio prohibeatur. Marasmus vocatur *μαρασμός* seu torridus, ad differentiam illius marasmi, qui vel frigori, vel senio succedit. In his hecticæ differentiis prædicti humores insensibiliter absumentur, contra quàm fieri solet in ardentibus, in quibus ex vehementiâ caloris caro & adeps colliquantur, & defluunt in ventrem, unde dejectiones sunt pingues, urinæ redduntur *σπαργαυδής*, & oleaginosa. Non tamen credendum est calorem hecticarum majorem esse calore ardentium, quod quibusdam placuit, cum difficilius esse videatur materiam per halitum dissipare, quam sensibilibus eliquare, attamen calor mitis & diurnus, ac altè corpori insidens insensibiliter humores resolvit, vehemens vero eos fundit & colliquat.

IV. Verum hic quæri potest, an divisio ista febris hecticæ sit divisio *Quæstio.* in veras species. Respondet præstantissimus *Avicenna* interpres *Gentilis*, hecticam minimè dividi in species per consumptionem humiditatum, quia non esset febris facta, sed fiens & à causâ dependens, quod repugnat doctrinæ *Galenii*, sed potius sunt varii febris gradus. Calor enim, cum occupavit solidas omnes corporis partes, consumit humiditatem roridam, dein gradatim reliquas substantias populatur, ut docet *Avicenna* exemplo *Ellychnii*, eadem flamma primò absuit oleum lucernæ, dein oleum lychnio imbibitum, demùm illius humiditatem, & tamen non migrat de specie in speciem. Sic in hectica idem numero calor per varios gradus universum corpus tandem depascitur & absuit.

Ex his emergit aliud *dubium*, cum hectica sit intemperies æqualis, an *Dubium.* humores & spiritus sint ita calefacti, ut adsit ephemera & putrida.



Respondeo cum *Saxoniâ* simul adesse ephemeram cum hectica, & aliam quæ fit ex humorum effervescentiâ, non tamen putridam, quia etsi in hecticis humores incaluerint, non sunt tamen putridi, ideoque humoralis, non tamen putrida dici debet, etsi interdum hectica putridæ conjungatur, ut inferius dicemus. Caterum quod dicunt Medici æqualem intemperiem esse in hecticâ, dubitationem patitur, non sunt enim hectici secundum omnes partes æque calidi, sed partes quædam sunt aliis calidiores, sicut in aliis febribus, ut cor calidius hepate, nec poterit unquam cutis ad cordis calorem trahi. Videtur igitur etiam adesse inæqualis intemperies. Respondeo calorem in hecticâ non dici æqualem, quod sit in omnibus partibus ejusdem gradus, sed quia in singulis partibus secundum proportionem ipsis debitam omnino mutatus est, sicut in sanitate est calor æqualis, quamvis singulæ partes eundem gradum caloris non possideant, in putridâ sic non fit, non enim prout pars quæpiam calidior est vel frigidior eò magis vel minus calescit, sed prout à putrescente humore magis minusve afficitur, aut propinquior est parti in quâ est morbi fomes, in hecticâ autem quia calor factus est, & in naturam corporis abiit, servat in singulis proportionem ipsis debitam.

v. Rursus duplex constitui potest marasmus: vel enim fit à causis præternaturalibus, ut febribus, vel à causis naturalibus, ut sunt ætatum mutationes, & vocatur senium, in quo humidum primigenium sensum contabescit. Uterque marasmus vel simplex est, vel compositus, simplex quando sola adest siccitas sine frigiditate aut calore excedente. Compositus, quando siccitati aliqua activarum qualitatum conjungitur, si calor adsit, propriè est febris marasmodus, & si annexa sit syncope, syncopalis vocatur. Si frigida adsit intemperies vel ex senio, vel ex morbo, marasmus *Philippi* dicitur. Prior hecticæ differentia, quæ à causis fit præternaturalibus, dupliciter generatur, vel à principio ephemeræ instar, ex causis procatacticis, irâ, mœrore, siti, inediâ, vel aliorum morborum consecutaria est. De priori meritò dubitatur an fieri possit, nam tenuia corpora facilius alterantur quam crassa; hinc necesse est calorem prius spiritibus & humoribus concipi quam in solida grassetur, quibus addi potest *Argenterii* argumentum. Si calor in universum corpus deferretur mediante spiritu & sanguine, necesse est illum prius spiritus & humores occupasse quam solida. Præcedit igitur hecticam ephamera & humoralis. Contrarium tamen statu-



tuit *Galenus* 1. de diff. feb. cap. 8. quamvis id raro contingere fateatur, nec in omnibus, sed iis tantum, qui calido, siccoque sunt temperamento, & propterea facile exsiccari possunt, si vigiliæ, curæ, labores, inedia, ira, & vehementior causa accesserit. Quod vero dicitur tenuia facilius alterari quam crassa, id cæteris paribus verum esse quidam fatentur, fieri tamen interdum posse, ut solida prius quam spiritus incallescant, magisque ad id disposita sint quam humores ipsi. Sic facilius ligna tenuia comburuntur quam crassa; cæteris scilicet paribus, nam si crassa valde sint sicca, tenuia autem sint viridia, haud dubie facilius crassa quam tenuia ignem suscipient: Ità de solidis nostri corporis partibus dicendum est, quæ ob temperamentum calidum & siccum facilius inflammari possunt, quam contenta, si ea aut propter malam victus rationem, aut ob alias causas fuerint temperatiora, ut docet *Massaria*. Verum non video quomodo hæc constare possint. Fate-  
mur quidē sine præcedente febre hecticam causæ solius procatarcticæ vi posse generari, sic per labores æstusq; immoderatos videmus corpora nostra maximè emaciari, nihil igitur prohibet, quin ex iisdem causis febrem incurrant. Sed id fieri non posse arbitramur sine spirituum & humorum accensione: mærores, æstus, inedia, ira, spiritus omnium maximè commovent & exagitant; iram fervorem sanguinis circa cor omnes definiunt non cordis fervorem. Verum causæ hæ externæ non primum humores, & deinde solida, sed simul eodemque tempore universum corpus calefaciunt & ad febrem hecticam disponunt, & continuâ actione maximè si calidum siccumque sit corporis temperamentum in illam præcipitant, etiam sine præcedente ullâ febre, etsi talis dispositio non statim, sed longo tempore in corpus possit introduci, idque citius aut tardius pro corporis dispositione & causarum efficacità. Fieri igitur à principio ità intelligendum esse putamus, quod nullo alio præcedente morbo solius causæ procatarcticæ vi & actione contingat, quamvis id rarissimè fiat. *Longinquum est*, inquit, *Avicen.* ut accidat hectica incipiendo, & radicalia membra inflammentur ante humores & spiritus, ubi difficultatem generationis ostendit, non impossibilitatem.

VI. Frequentius itaq; aliis morbis succedit, ut febribus ardentibus, inflammationibus ventriculi, jecoris, pulmonum, coli, diarrhoeæ lientericæ, gonorrhoeæ, quæ tabes dorsalis *Hippocrati* secundum quosdam dicitur. Pulmo tamen secundum *Galenum* etsi cordi vicinus sit minus com-



municat hecticam, quam inflammatio jecoris aut ventriculi, ob visceris scilicet humiditatem, & respirationem refrigerantem, tum quia vitiatum jecore aut ventriculo corpus genio suo defraudatum contabescit. Si quis obijciat phthisin quæ pulmonum ulceribus succedere solet. Respondent *Cesalpinus* & *Massaria* id fieri non ratione inflammationis aut ulceris, sed propter copiam puris, ex cuius malâ qualitate, putredine & vicinâ non potest non accendi febris hectica. Verum *Fernelius* negat non sine ratione febrem hanc hecticam dici debere, sed lentam symptomatice, ut alibi dicemus. Febribus etiam aliis succedunt hecticae, diariis aut putridis. Diariis quidem, si sint in corpore calido sicco, & ipsæ non solvantur. Putridis verò ut ardentibus, quarum vehemens calor depopulatur omne corporis humidum, corpusque exsiccatur: Propterea *Hippocrates aphor. 16. lib. primi* præscripsisse videtur febricitantibus vitum humidum, ut præcaveret siccitatem illam quam igneus febris calor inducit. Sequitur etiam febres longas, ut tertianas, quartanas, præcipuè si aliquis error commissus fuerit, ut si ægri pertinares à calidis cibis & potibus nolunt abstinere; si Medici opportuno refrigerantium usum omittant, jejunia præscribant intempestiva, & diatriton, tam sæpè à *Galenore* reprobata. Imò interdum hecticae febres cum putridis conjunguntur. Notandum autem, etsi interdum hectica fiat ex putrida aut etiam putrida copuletur, non tamen sequi hecticam habere causam continentem, est enim affectus *μικρὸς*, qui sublata febre putrida remanet in corpore, nec ab eâ dependet tanquam à causâ, unde propriam curam unaquæque harum febrium seorsim postulat. Id docet *Galenus 11. meth. cap. 2.* hecticam ait habere tantum curationem non præservationem, quia curatio soli morbo, præservatio causæ morbificæ debetur, innuens hecticam cum ipsi non debeat præservatio, causam non habere, scilicet continentem.

Signa  
diagno-  
stica.

V I I. Signa febris hecticae *tertio de præfag. ex pulsib. cap. 3.* duo proponit *Galenus*, unum si febris æqualis semper permaneat, alterum si ægri non sentiant se febricitare. Primum tamen signum etiam ephemeris, & syncho omotonæ convenit, quarum æqualis calor est à principio ad finem, tum interdum hecticae putridis copulantur. Sed in ephemeris & putridis vehemens est calor & acer, etsi interdum manus impositione mitescat, in hecticis vero blandus. Quod si æger aut dolorem sentiat, aut se febricitare percipiat, jam febris humoralis aut visceris alicujus inflammatio suspecta est. Pulsus præterea in putridis



tridis sunt maiores, celeriores ac inæquales, in hecticis autem obscuri & parvi. Sed attentius singula signa perpendamus. *Calor* ergo hecticarum parvus est, tactuique primum talis occurrit & blandus, quia paucum illud est quod ex solidis partibus evaporat, sed postea sentitur acer & mordax, ægerque nec febrem illumve alium affectum percipit, quod intemperies facta sit æqualis, quasi naturalis foret: Arteriæ tamen reliquis partibus calidiores sentiuntur, tum quia suo motu calorem suum produnt, tum quia ipsarum fons cor scilicet omnium maxime afficitur, spiritusque transmittit fervidos. Istud tamen signum quoque fallax est, nam in febribus lentis, quæ non sunt hecticæ, vix ullam febrem ægri percipiunt, sed per intervalla exacerbationes aliquas habent, unde syndrome signorum perpetuo spectanda est, ut rectum de morbis fiat iudicium. Pulsus sunt parvi-duri & frequentes. *Pulsus.* Parvi quidem, ob virtutis imbecillitatem ex spirituum & humorum consumptione, frequentes, propter usum auctum, duri ab arteriæ siccitate.

VIII. Ab urina nullum signum *Galenus, Hippocrates* desumpsere, cum tamen *Galenus 3. de crisi* fateatur in omnibus febribus, quoniam venosi generis sunt affectus, urinas præcipue esse spectandas. Rationem reddit *Altimarius*, quia nullum propriam aut inseparabile signum hecticarum vel ex substantiâ, vel ex contentis desumi potest. Non ex substantiâ, quia urina est serum eorum qui in venis sunt humorum, unde ejus diversitas ex humorum diversitate dependet, pariter de calore & contentis sentiendum, cum hæc secundum vasorum humores varientur. Cum itaque in hecticis solidæ tantum partes sint affectæ, reliquum est ex urinis nullum indicium sumi posse pro earum dignotione. *Galenus* autem loco prædicto attendendas vult esse urinas, non tanquam propria & inseparabilia signa, sed quia si bonæ apparuerint, multum valent ad salutem, contra si prævæ, augent ægri periculum, & ut docet *Alexander*, cum à partibus solidis fiant coctiones, si hæc male se habent, urina non possunt esse probe concoctæ, sed teæves, flammæ & crudiores, ut in siccâ & calidâ intemperie, & quamvis hæc urina ad cognitionem morbi nihil faciant, non sunt tamen prætermittendæ ad prognosin, quâ ratione *Gal. 3. Epid. com. 2. cap. 46.* Urinas in affectibus thoracis, pulmonis, nervorum, attendendas esse vult, ex quibus tamen indicium nullum desumi potest, ut alibi à nobis demonstrabitur. Sed *Arabes* dixere urinas esse pingues, & oleaginosas.

In



In principio quidem urina vix à naturali diversa est, quia calor extraneus non multum naturæ limites excessit. In secundo vero gradu urinae sunt pingues, & instar telæ araneæ, adeps innatat liquori, in tertia vero urinae fiunt oleaginosæ, de quibus aliquid dicendum est. *Actuarius* enim de diff. urinar. cap. 3. & author. *libri de urinis cap. 5.* oleaginosas dici volunt tripliciter, vel enim calorem olei referunt, vel splendorem, vel nomine generis oleosæ vocantur. *Galenus 3. Epid. com. 3. textu 72.* refert urinam oleaginosam quibusdam dici cui innatat pinguedo, de qua *Hippoc. 2. progn. text. 35.* malam esse ait urinam pinguem *ἄρρηκτον*, quia colliquationem significat. Aliæ vero oleaginosæ dicuntur, quæ colore & consistentiâ oleo sunt similes, quas refert idem *Galenus* se vidisse nullo ægri detrimento, imo cum coctionis signis redditas, quas tandem statuit non esse revera oleosæ, cum pingues non sint, nec periculum portendant. *Parus* enim in *Thaso 3. Epid. sect. 3.* sexto die urinas reddidit oleoginosas, & tantum centesimo ac vigesimo die mortuus est, quod ostendit in illo nullam fuisse colliquationem, quæ acutissimis morbis accenseri debet, non diuturnioribus & chronicis, & ejusmodi urinae sunt tantum *ἰλαροφάνη*, fiuntque ex humoribus æruginosis per vehementes febres, & *Galenus* docet eas non habere exactè unum colorem, pallidum tamen esse solere, idque magis vel minus, propterea illas quæ candidiores sunt indicare cruditatem, flaviores verò biliosum & æruginosum humorem, periculumque portendere, ob febris vehementiam, non paucos tamen liberari solere. Aliæ autem urinae quæ propriè sunt oleoginosæ pingues sunt olei instar, fiuntque, ex colliquatione adipis aut carnis, & propterea indicant fervorem maximum carnes colliquantem vel totius corporis, vel renum. Discernuntur autem ex *aphor. 35. lib. 7.* quod renibus affectis pinguedo exeat confertim cum dolore & ardore propter viciniam. Affecto verò toto corpore paulatim & sensim exeat per varias venarum ductus & anfractus delata, antequam ad renes perveniat, ut docet *Galenus in com.* solentque sæpius in febribus pestiferis apparere & ardentibus. Propterea malè Arabes & eorum sectatores in hecticis tales urinas excerni tradiderunt, in quibus ejusmodi non adest colliquatio, sed absumentur humores per insensilem transpirationem; hinc *Galenus 10. meth. c. ultimo*, hanc inter syntecticas & hecticas ponit differentiam, quod in his quod colliquatur vaporis specie digeritur, in illis vero defluit in ventrem, nec unquam *Galenus*, aut antiquiores



quiore Medici huiusmodi symptoma in hecticis statuerunt, sed in ardentibus & pestilentibus tantum. Ex quo loco inferitur, etsi quod pingue supernatat in urina consumptionem indicet, & colliquationem, non tamen hecticam febrem, nam paucum est quod in ea colliquatur, solidæ partes sunt sicciore, ipsa febris exigua & mitis, unde vaporis specie quicquid consumitur digeri solet, non autem defluere ad alvum aut urinas. Id docet *Galenus* loco citato exemplo carniū craticulis tostatarum, quæ si pingues fuerint, defluit humor in prunas largiter, si siccæ fuerint & sale siccata exsiccantur amplius & corii instar indurantur. Ità si febres ardentes corpora pingua occuparint, maxima & copiosa sit *evomētis*, in corporibus verò calidis & siccis transeant in marasimum & tabem. Et sanè etsi hecticas plurimas hæcenus viderim, huiusmodi tamen urinam pinguem nunquam observavi, quæ in aliis quamplurimis affectibus sese mihi obtulit, qui tamen ab hectica febre longe erant alienissimi. Hæc de plura videri, libro 2. errorum Popularium, possunt.

ix Præterea febris hectica est sine ullâ accessione continua, uno eodemque tenore consistens, nisi quod post unam aut alteram horam à sumpto cibo calor emergere videtur, pulsusque crebrior ac celerior evadit, quod signum ab hecticis inseparabile esse *Galenus* statuit; si enim diversis diebus diversoque tempore æger nutriatur, id semper observavimus calorem & augeri & pulsus citatiorem evadere, sine ullo horrore, rigore, frigore, aut anomaliâ febrili, quæ incompressa annotatio quibusdam vocatur, idque in primo gradu obscurius, in secundo verò & tertio manifestius elucet. Sed causa non adeo manifestata est. Quidam id fieri dicunt quod adjectione alimenti à calore febrili & extraneo accensi universum corpus recalescat, & accendatur. *Galenus* verò id fieri statuit, quod sicut calcis calor affusâ aquâ suscitatur, vaporesque emittit, ita solidæ corporis partes hectico calore obfessæ, dum cibi madore proluuntur & irrigantur, vapores de se proferunt, caloremque ampliorem effundunt. Sed *Averrhoi* non placet hoc exemplum, quia alimentum non ut aqua calci, ita nutrito contrariatur. Verum hoc non fit ratione contrarii, sed quia per alimentum suscitatur calor, qui sopitus latebat in corporibus hecticorum. Etenim ut docet *Galenus* 3. de natural. facult. cap. 13. tenuiores alimenti particule intra unam aut alteram horam ad corporis partes deferuntur, maxime si potulentis & sorbitionibus æger utatur, quorum coctio

Exemplum de calore vocatur in examen.

G

facilior



facilior & digestio expeditior est quam crassorum & solidorum; id ostendit experientia, quia si quis defatigatus vel quavis alia ratione factus debiliior, alimenta sumat, refici ipsum & recreari statim percipimus, quod tenuiores alimenti particulae statim conficiantur & ad solidas corporis partes citissime permeent, idque celerius in hecticis fieri posse videtur, in quibus inanitae partes & calidiores redditae, promptius & citius alimenta ad se pertrahunt. Sed cur idem non accidit in putridis? Respondet *Mercurialis*, id fieri, quia etiam si augeatur calor à cibo, tamen incendium febrile adeo magnum est, ut obscuraret novum hunc ex alimento calorem. Itaque si quibuscumque horis oblato alimento sine horrore pulsusque inaequalitate fiat augmentum caloris, signum est hecticae, si vero adsit pulsus inaequalitas & submissio, de putrida dubitandum. Et quidem his signis hectica febris dignoscitur, quibus si addamus faciem hippocraticam dictam, nares scilicet acutas, oculos concavos, collapsa tempora, plumbeum colorem, palpebras aridas ut vix attolli possint, hypochondria tensa & contracta, cutim squallidam, universum corpus aridum, ut quasi sceleton esse videatur, signa habebimus marasmi consummati & insanabilis, facilis siquidem est ejus cognitio, sicut curatio impossibilis. In primo vero gradu curatur facillime, sed dignosci certo vix potest, in secundo vero gradu medio modo se habet, tum circa curationem, tum circa cognitionem, pulsus enim adsunt languidi, parvi, duri, corpusque sensibilibiter contabuit. Fit autem facies hippocratica ob maximam consumptionem carnis faciei; color plumbeus est & lividus propter sanguinis & spirituum calorisque naturalis paupertatem. Palpebrae autem vix attolli possunt propter siccitatem musculorum, & virtutis imbecillitatem, quae clausas palpebras attollere non potest, sed illis perpetuo connivent, hinc dormire videntur, etsi vigilant. Eadem est ratio cur hypochondria tensa sint, & cutis sit arida, imò ita inaruit, ut non rugosa sit & mollis, ut in aliis extenuatis, sed instar corii resiccata, ita ut digitis comprehensa consistat, nec revertatur. Insuper decidunt capilli, ungues incurvantur ob alimenti inopiam. Signa vero hecticae cum putrida tria sunt, primum, si postquam declinavit putrida, pulsus maneat debiles, veloces, carnes aridae; secundum, si certum fuerit adesse hecticam, & appareant refrigerationes, horrores, pulsusque submisiones. Tertium, si cum febricula perpetua corpus sit plus extenuatum quam conveniat putridis.

x Quan-



x. Quantum ad prognosin, sciendum hecticam primæ speciei quæ *Prognosi-*  
 putrida non sit connexa omnium facillimè curari, modo statim cog-  
 noscatur, in secundo gradu difficiliùs, sed marasimum omnem esse in-  
 curabilem, propterea si facies adsit hippocratica, desperata res est;  
 adhæc si accedat lienteria, aut alui profluvium, si pili defluant, inflen-  
 tur tibiæ, mors brevi sequetur ob prostratas naturæ vires, quæ alimen-  
 tum conficere nequit & retinere. Quibus addunt alii, si venæ albæ ap-  
 pareant. Tales autem sunt quando sanguine omnino destituuntur, &  
 caro superposita absumpta est. In pueris autem & Junioribus facilius  
 hectica nondum tamen consummata restituitur, sicut in adultis diffi-  
 cilius, atque ea tantum quæ vel incipit, vel confirmata nondum est,  
 sanatur; in senibus vero quocunque modo se habeat incurabilis est.

x i. Cum itaque febris hæc sit intemperies calida sicca cordis & so- *Curatio.*  
 lidarum partium, corpusque inanitum sit & exsiccatum, evacuantia  
 prodesse non possunt, nec cathartica locum habent, nisi excremen-  
 torum & cruditatum in longo morbo proventus id exigant, tunc enim  
 aut leviora clysmata, aut eccoprotica tantum erunt ex usu, ut *Manna*  
*dissoluta* in jusculo, *casia*, *syrupus rosarum solutivus*. Sed alterantibus  
 intemperiem hanc emendare, viresque, afflictas & labantes recreare  
 & sustinere conabimur. Alteratio autem præcipuè humectantibus per-  
 ficitur, & leviter refrigerantibus; nam vehementiora, ut narcotica  
 calorem debilem prorsus extinguunt, & quæ refrigerant, humectare si-  
 mul debent, non siccare, & quæ humectant refrigerare, non caleface-  
 re. Tenuis victus ut in putridis non convenit, quod nulla crisis expe-  
 ctetur, nec putres subsint humores, sed nec pleno victu opus est, quod  
 ob caloris imbecillitatem concoqui is nequeat, febrisque increlcat;  
 Medius itaque eligendus erit & maximè analepticus, quod internis  
 externisque remediis commodè hoc modo perficietur.

x i i. In cibis ii maximè conveniunt, qui reficiunt simul & hume- *Cibi.*  
 ctant, qui affi quidem humiditatem substantificam magis augment,  
 elixi vero magis humectant. Itaque juscula maximè conveniunt alte-  
 rata refrigerantibus herbis, ut lactucâ, portulacâ, hordeo & simili-  
 bus. Carnes hædorum, vitulorum, porcellorum, pullorum gallina-  
 ceorum, avium montanarum, non palustrium, laudantur, elixæ potius  
 quam assæ, nam in bilem, si nimis torreantur, facile converti *Galenus*  
 testatur. Harum cerebrum quoque convenit, sicut & Gallorum tes-  
 tes, nec inconvenit saginare gallos hordeo vel pasta ex carne cancro-



rum fluuiatilium, ranarum, cum farinâ tritici vel hordei subactâ. Cancros siquidem fluuiatiles, ranas aquaticas, testudines nemorales, limaces ad tabidos reficiendos plurimi commendant, hinc quidam caudas cancrorum fluuiatilium cum amygdalis, hordeo & saccharo contusas ad miraculum fermè extollunt. Sed alii carnes has improbant, quia crassum succum gignunt, difficulter concoquuntur, unde cum hecticis calor natus debilis sit, malum succum generabunt & cruditates plurimas, ex quibus infœlix succedit nutritio. Et si enim plurimum nutrant & succum corpori præbeant, qui non facilè resolvitur, hecticis tamen concedi non debent, à quorum debili calore perfectè confici nequeunt, cæteris vero macilentis convenire possunt, in quibus vividus est calor & validus, ad dyspeptum alimentum concoquendum, tabidis vero & debilitatis nequaquam profunt. Ideò Galenus horum alimentorum nunquam meminit in curatione tabidorum, quin potius crassum succum generant libro de cibis boni & mali succi, eorumque usum prohibet senibus cap. 6. §. 5. *ὀψείων*. Respondemus autem hecticis convenire cibos faciles coctu, sed prædictas carnes posse ita præparari contusione, elixatione, coctione, ut fiant non ita dyspeptæ, quin hecticis convenire possint, maximè si earum juscula præbeantur, quæ & plurimum alunt, & alimentum præbent validum & firmum.

Ova probantur cum saccharo cocta, maximeque eorum vitelli, caseus item recens, nam vetustior nocet, calorem enim concipit, & dyspeptos evadit. Pisces quoque saxatiles conveniunt, & inter fluviatiles trota, & cæteri qui minus putredini sunt apti, de quibus diximus in *methodo sanitatis tuendæ*. Ex cerealibus panatella utilis etsi; fit autem ex pane loto, coctoque in jussulo vel lacte. Quidam coquunt in lacte amygdalarum dulcium additis seminibus frigidis majoribus non rancidis, cum aquâ rosarum, & saccharo. Ptisana seu cremor hordei, hordeatum hodie vocamus, ab omnibus laudatur. Ptisanam, panem aqua tinctum & lactucas offerto, inquit Trallianus: Parari potest ex avena ferculum cum decocto carnis, ut humidior illa reddatur. Amygdalæ, nuclei pinci, pistacia cæteris ferculis vel lacti permista, vel per se saccharo incrustata sumantur. Ex oleribus radices eryngii, satyrionis, tragopogi, item portulaca, lactuca, buglossum, malva, violaria, endivia, spinachium, fructusque varii humectantes, cucurbitæ, cucumeres, pruna, pyra, uvæ passæ, amygdalæ, strobili, semina frigida majora, minora, papaveris, citoniorum, flores violarum



rum, buglossi, nymphaeæ, & quicunque frigidi sunt & humidi, possunt usurpari.

xiii. In potu autem, quo ægri magis delectantur, & reficiuntur, *Potus*, cum sitis maximè sit molesta, exhiberi hæc commode possunt. Vinum mediocriter temperatum citissimè absumptam corporis substantiam reficit, consuetis interdum concedi potest, & ne corpus inflammetur diluatur, aquâ plurima. Dulce autem generosum, quia corpus facilè accendit, vitetur in hac specie, in qua refrigerandum & humectandum, etsi phthisicis, tussiculosisque sicut & alia dulcia competat, hæcticis autem satius erit non hoc tantum sed & omni vino abstinere. Ideo *Galenus* aquam maximè commendat libro de marcore, & 10. methodi, in primâ specie, in quâ humor tantum effervesceat, nondum absumptus est, corpusque adhuc, etiamsi calidum sit & siccum, sanguine tamen abundat, & est succi plenum, hujus enim usu scribit *Galenus* se multos præservasse à marasmo & tabe, hicque sequendum *Alexandri* consilium, qui frigidam dare præcipit post cibum, quantum ægro libuerit. Sed si ex febre putridâ, humorum cruditate, aut præcordiorum inflammatione hæctica contigerit, vitari debet aquæ potus, præsertim si vires sint imbecillæ, inflammatio mediocris, coctioque nondum appareat. Sed in vehementissimâ, & maximè urgenti inflammatione, ut erisipelaceâ, dari frigida poterit, extinguetur enim inflammatio, etsi morbus in longius tempus protrahatur. Quod si putrida admista sit, coctio expectetur. Sed in hæcticâ quæ ardentibus succedit, aut in ipso marasmo, cavendum à frigidâ, ne in excarni & imbecillo corpore, calor nativus extinguatur, senectus præmatura accersatur, quam senium ex morbo vocant, in quo calor nativus nullus est, aut exiguus, ideo non refrigerantia, sed calefacientia humectantia, & analeptica postulat. Loco aquæ simplicis, aqua hordei, vel herbarum refrigerantium stillatitii liquores, cum julepo violato, debent exhiberi, vel emulsionem seminum frigidorum iisdem aquis extractæ, cum saccharo violato, vel rosaceo. Notandum ex *Galeno*, decimo meth. cap. 12. potus posse dari actu frigidos, non autem cibos, nam potio ob tenuiorem substantiam facile incalescit, tum per corpus distribuitur, cibus autem solidior non ita, & propterea non sit actu frigidus.

xiv. Lac ubi manifesta apparet absumptio, nullaque suspicio est *Lactis* febris putridæ, erit utilissimum, & primum quidem *Avicennas*, lac de *suo*. tracto butyro præscripsit, quia butyrum facile inflammatur, caseosa



autem pars, quæ remanet cum sero, non est noxia, caseum siquidem recentissimè factum & mollissimum non improbat *Trallianus*, sed cum veteribus aliis maximè commendat, refrigerat autem magis quando sero suo admiscetur. Ideo *Galenus* in primâ specie, in qua minor est consumptio, asininum lac commendat, quia maximè refrigerat, tenuissimum est, sero abundat, coagulique minimum habet, unde ad corporis siccitatem emendandam, caloremque temperandum omnium maximè est idoneum; quâ ratione crudum & magnâ copiâ exhiberi debet, sic enim tenuissimum cum sit, minimè coagulatur, & quoquoersum in corpus distribuitur, coctum autem evaporatis partibus tenuioribus & serosis crassescit, & minus aptum refrigerationi redditur. Quibus autem asinini lactis copia non adest, ut anglis, ii lacte vaccino, detracto butyro, uti commode possunt. At in hecticâ secundi gradus ubi non tantum refrigerationi, sed etiam analepsi studendum est, lac integrum prodest, exhiberi autem debet longo tempore, ab unciiis quatuor ad libram unam ascendendo. Muliebre ob temperiei affinitatem (quæ etiam optima est & excellentissima,) cæteris lactis generibus præferri debet. Inde primas tenet asininum, quo inquit *Trallianus* hectica sanari posse creditur. Caprillum deinde laudatur, maximè butyro prius detracto. Bubulum crudum exhiberi quoque potest, sed potentius nutrit, quia crassius, ideo sextam aquæ partem immiscere videtur *Hippocrates*, ratione enim butyri quod plurimum est in eo, nocere potest, tum quoque decoquendo ejusmodi lac faciliè vitiatur. Eligendum autem est optimum, quod moderate spissum, colore album, odore gratum, sapore dulce, & cum instillatur in ungulam, neque citò, neque tardè defluit. Bibendumque est recenter mulctum, aut è mammis ipsis mulgendum, quod optimum erit, vitiatur enim ab aëre, sicut semen. Et quia tædiosum est, plurimis id facere, vase tepido ex aquâ tepidâ excipiendum, & statim sorbendum, antequam ex aëre vitium conceperit. Cura præterea animalis habenda est, ut refrigerantibus herbis nutriatur, ut lac frigidius evadat. Sed si magis nutriendum sit, conveniet idem lac aut chalibeatum, aut decoctum. Cavendum siquidem ne hecticorum alvus subducatur, præsertim eorum, qui ex syncope, aut diuturniori diarrhoeâ in marasimum inciderunt: Quapropter quibus alvus faciliè subducitur, aut venter imbecillis est, lac coquere, vel fluviales lapillos igne candentes in eo extinguere oportet, dejectiones enim biliosas sedat & compescit, ut docet *Trallianus*.

xv. Sed



xv. Sed spectandæ sunt conditiones quibus illud non licet exhibere. *Prima* est ejus in ventriculo corruptio, quam deprehendimus *ex pulsu*, si fiat inæqualis & parvus à lactis assumptione, talis enim pulsus solet fieri affecto orificio ventriculi: *Ex ructu*, si sit acidus cum torminibus ventriculi & intestinorum, à frigiditate ventriculi lac corrumpitur, si nidorulentus & fumosus, ab ejusdem calore. Si ructus sit acidus, incoqui potest aliquid mellis aut sacchari. Si sit nidorulentus, consilio *Gordonii*, *Hollerij*, & *Iouberti* aliorumque recentiorum addatur aquæ sexta pars, stomachi siquidem fervorem temperat, nec lacti quicquam nocet, hecicis ipsis refrigerando prodest. Sic *5. Epidem. 56.* refert *Hippocrates* quandam lac aqua mistum laborantibus offerre solitum, *Ποδὸκλῆς τοῖς κημύουσι γαλᾶ παρὰ ὕδατι μίχνης ἰδίῳ*, atque ut docet *Galenus* in hecicis à melle, & mulsa abstinendum, pari ratione, etiam à saccharo, quod melli viribus est affine, aut saltem eo parcissimè utendum. *Secundo* impedit lactis assumptionem febris putrida, quia ab ejus calore, & humoribus in ventriculo contentis faciliè corrumpitur, & in nidorem mutatur. *Tertiò* dolor capitis, quia vaporibus multis caput implet & gravat. *Quartò* hypochondria in tumorem elata, lactis enim corruptione augetur inflammatio, cacochymia major succrescit, & vaporibus multis è lacte consurgentibus tumor comprimitur. *Quintò* hypochondriorum borborygmi, qui fiunt à flatibus, & plurimum usu lactis multiplicantur. *Sextò* sitis valida, fit enim aut à summo ventriculi calore, aut ab humoribus biliosis & acribus, stomachum infestantibus, & his de causis solet lac facillimè vitari: eademque est ratio cur dejectionibus biliosis non conveniat. *Septimò* impeditur ejus exhibitio à profluvio sanguinis quod præcessit, à quo refrigerari potest ventriculus, unde periculum est ne in eo lac acescat: Hæc complexus est *Hipp. aphorif. 64. lib. 5.* γαλᾶ διδόναι κεφαλᾶλγας κακῶν. κακῶν δὲ καὶ πυρεταῖσι, καὶ οἷσι κατὰ κράτος μετατρέχει διὰ τὸν πυρετὸν, καὶ τοῖσι διφιδάσσι. Κακῶν δὲ καὶ οἷσι χαλῶδεις αἱ, διὰ τὸν πυρετὸν. ἐν τοῖς δὲ οἷσι πυρεταῖσι ὕδατι καὶ οἷσι αἰσχυρῶς πολλὰ διὰ τὸν πυρετὸν γίνονται. Αἰσχυρῶς ὅτι τοῖς φθινάσσι, μετὰ λίαν πολλὰ πυρεταῖσι διδόναι γαλᾶ, καὶ ἐν πυρεταῖσι μακροῖσι, καὶ βραχυῖσι, μηδὲν ἔσθαι σφαιρῶν σημεῖον παρὰ τὸ, καὶ ἐν τῷ λόγῳ ἐκπύησι. De cujus aphorismi explicatione consuli possunt *Galenus*, & *Jacobus Hollerius*, qui omnium optimè in aphorismos scripsisse videntur. De lactis autem usu plura, capite de tabe, à nobis dicentur.

xvi. Lac quod Amygdalinum ob lactis similitudinem vocatur, lactis



lactis loco in usum venire potest, additis interdum strobilis, seminum cucumeris, melonum & papaveris emulsionibus, saccharo violato, & hæc omnia cum medulla panis albissimi & jure pulli misceri commode possunt, fietque ferculum polytrophon, refrigerans, & eupepton. Aliud fit, ex farinâ oryzæ in lacte vel jusculo dissoluta, & addito lacte amygdalino, saccharo violato, & vitello ovi, lento igne semper agitando coquatur parum. Cancri fluviatiles, ranæ, testudines, & limaces convenire posse superius diximus. Cancros autem ita præpari vult *Avicenna*, cap. de cura hæctica, jubet extrema abjici, reliquum corpus lavari aqua salsa, vel lixivio, dum gravitatem odoris depofuerint, dein decoqui in aquâ hordei. Alii caudas cancrorum tantum assumunt, easque contusas in lacte infundunt per horas sex, dein decoquunt in eodem lacte, additis prædictis emulsionibus & saccharo. Sic docet *Dioscor.* lib. 2. cap. 10. elixos cancos cum jure suo tabidis opem ferre. Vitanda tamen est illorum præparatio, quam docet *Aetius*, scilicet ut jure albo incoquantur, fiebat autem jus album ex acribus, ut porro, anetho, capis, quæ hæcticis, & tabidis potius obfunt quam profint, nisi per jus album intelligamus cum *Amato* jus simplex, in quo præter carnes & aquam nihil est admixtum, & sic consentit cum *Dioscoride*, sed vereor ne illa juris albi explicatio sit inventum ipsius *Amati*, & præter autoritatem antiquorum, qui jus album ad distinctionem nigri ita dictum, non simplex jus, sed aliorum admissione conditum intelligebant. Utcunque sit, bona tamen & salutaris est *Amati* sententia. Cæterum monet *Matthiolus* cancos fluviatiles non esse astacos, quos nos vocamus *Escrevisses*, sunt enim cancri rotundi, astaci longiores, unde *Aristoteles* 4. de partibus animal. cap. 8. cancos à squillis differre tradit quod caudâ careant. Etsi nullam videam rationem cur Astacorum caro non sit etiam hæcticis idonea, cum eandem habeat alendi vim. Ranæ etiam quibusdam veniunt in usum, sed solæ coxæ sunt salubres, paulum differentes colore & albedine à pullo- rum gallinaceorum coxis, maxime si in jusculo carnis elixentur, summum enim phisicis afferunt remedium. Sed curiosus illarum delectus esse debet, nam quædam non sunt adeo tutæ, pleræque noxiæ & venenosæ. Testudinis hæc præparatio utilis esse potest. Testudinem nemoralem ab ossibus separatam & à visceribus repurgatam, cum aquâ violarum diligenter lavare oportet, dein per noctem in lacte infundere, demum in jusculo carni-um coquere, & addito saccharo jus illud

*Decan-  
crin.*

\*.  
*Amatum  
notatur.*

*Rana.*

*Testudi-  
nis.*



illud hauriatur, etsi prædictæ carnes interdum comedantur, & subea ut electuorum analepticorum confectionem, ut dicemus inferius, earum tamen iuscula salubriora sunt, & minus stomacho facessunt negotium. *Limaces* autem, ut docet *Galenus 3. de aliment. facult.* plurimum corpori præbent alimentum, & non spernendum, etsi sint concoctu valde difficiles, & succo constent glutinoso, quo totâ hyeme sine alimento se sustinent, quemque si pungantur plurimum emittunt; unde concludit *Quercetanus*, maximam esse illorum nutriendi vim, sed in hoc deceptus, cum totus ille humor à cochleis præparatione & lotionibus educatur, solaque remaneat caro, quæ est valde dyspeptæ, etsi alat quam plurimum. Carunculam quandam habent limaces in parte posteriori albam, mollem, teneram, instar casei concretam, & concoctu satis facilem, quam *Aristoteles* quorundam iudicio papaver vocavit, eaque eligi debet ad hæcticorum analepsin. Optimi autem sunt, qui in vineis & circum sepes reperiuntur. Observatum tamen est rebus venenatis pasci solere, unde quidam noxii evadunt. Ideo ex locis mundis colligendi, diligenter lavandi; & per dies aliquot in ollâ mundâ fervandi, ut mucosam illam substantiam deponant, de qua loquuti sumus. Quidam exemplo *Avicenna* in lixivio coquunt, sicut de cancris diximus, dein in aquâ, quæ intra horarum sex spatium ter aut quater mutari potest, sicque omnis impuritas tollitur; ita præparatos, & leviter exsiccatos, aquâ iterum coquunt plurimum, & jus forbendum præbent, vel lacti incoquunt, iusculo pulli, additâ tussilagine & saccharo rosato. Colatum jus propinatur ad  $\frac{3}{4}$  vj. mane & sero duabus aut tribus horis ante pastum. Plures præparationes tum *Matthiolus*, tum alii recensent. Cæterum præter id quod diximus ex *Galenus 11. Limaces simpl.* carnem earum contusam desiccare plurimum, ita ut hydropicis conveniat, unde miror, cum victus hæcticorum humectans esse debeat, cur carnes has exsiccantes iis præscripserint, præsertim in tantâ copiâ & varietate alimentorum, quæ summo naturæ beneficio ubique luxuriant. Nec valet quod responderi posset iuscula sola imperari, & siccitatem aquæ coctione retundi, etsi enim imminuatur, non omnino tamen deperditur, & transit in iusculum cum substantiæ quadam portione, videmus enim aquam rerum decoctarum vires attrahere, unde putandum est iuscula illa vim quandam habere desiccandi, & propterea hæcticis non esse admodum idonea. Ideo ad alia tutiora pro-  
perandum.

H

xvi. Re-



xvii. Recentiorum itaque carniū jūscula præferri debent, alterata refrigerantibus herbis, ut *endiviā*, *acetosā*, *laclucā*, *borragine*, & satis nutriunt ac refrigerant; Sed inter jūscula maxima differentia est, nam majorem nutriendi vim obtinent consummata dicta, restaurantia, *Consummata.* gelatinæ, expressa. Consummata à jūsculis differunt longiore coctione, sumuntur scilicet carnes, caponum, pullorum gallinaceorum, vervecina, vitulina, cum herbis convenientibus & coquantur, dum solvantur carnes in minutissimas particulas, jus per linteum percolatur, pinguedo supernatans secernitur, dein lento calore iterum coquitur, ut aquea pars exhalet, sola remaneat alimentaria, cujus quatuor aut quinque cochlearia ægris sufficere possunt. *Gelatina.* Solet autem ejusmodi jūsculum sponte congelari, unde gelatinæ nomen, est enim tantum jūsculi compositi substantia concreta. Ut autem præclarior evadat, viscida adduntur, ut pedes vervecis, vituli poples, mucosa enim substantia & quasi spermatica ex illis extrahitur, quæ jūsculi concretionem juvat. Itaque ut dictum carnes prædictæ coquantur in aqua ad ossium separationem, coletur jus, carnes exprimantur, ubi refrixerint pinguedo omnis auferatur, quod superest clarificetur ovorum albuminibus, dein saccharum adjiciatur, sed & rasura eboris, cornu cervi, dens equi marini incoqui possunt, eorum enim substantia abit in jūsculum, etsi non tota, & concrecioni opitulatur. In aliis affectibus aromata addi possunt, tunc jus calidum transcolari debet per manicam Hippocratis, & ad saporis gratiam affundi potest succus limonum, aut acetum. Olim autem decoctis addebant conservas, pulveres & aurum. Sed eos merito reprehendit *Rondeletius*, nam carnem crudam pulveribus cardiacis admiscet & unā decoquant, cum tamen minorem quam carnes coctionem postulent, nam si carnes integrè coquantur, adurentur pulveres, si vim pulverum servare brevi coctione volumus, caro, cruda remanebit.

*De auro.*

De auro difficilior est explicatio, nam *Erasmus*, *Duretus*, *Rondeletius*, alique gravissimi viri negant quicquam ab illo dissolvi, & transire in liquorem, præter sordes & hydrargyrum, ob substantiam plurimum compactam, quæ nullis ignibus, nullo artificio dissolvi potest, deinde non est nobis *φωσφωρ*, à calore nostro seperari nequit, nec fa- cessit in sanguinem, nec spirituum jacturam reparare potest, cum sit à naturā nostrā alienum, nec in eam converti possit. *Aetius* miratur quomodo prodesse queat. Sed alii viri doctissimi maximas vires tribuunt auro,



auro. *Fernelius* maximè commendat quod non sit metallicæ malignitatis particeps. Nostri chymici Soli & cordi respondere tradunt, & de eo in liquorum solvendo hæcenus solliciti irritò conatu, remedii nondum inventi efficaciam prædicant, nam *Paracelsus* omnes morbos curari auro asserit, etiam lepram & podagram, sed hoc refellitur argumentis supra allatis, cum facessere non possit in nostram substantiam, quomodo lepram, vel morbos ab inanitione curare poterit, qui non merâ alteratione, sed substantiæ alicujus repositione; qualem suppeditare metallum non potest, abeunt. *Liebaulius* plusquam viginti varias aurum solvendi formulas in commentarios retulit, & omnes incertas & fallaces, alias alii attulerunt eodem vitio laborantes, ut ut sit, perniciosum esse medicamentum, multosque in certissimam ruinam ejus usu præcipitados fuisse à quibusdam & fide dignis, & eruditione præstantibus, & chymicarum præparationum supra vulgus peritis comperi, qui etsi aurum solvi posse crederent, dubitabant tamen an solutum vires ullas haberet commendatione dignas. Attamen cum cæteris metallicis vires adsint tam præstantes, tam efficaces, verisimile videtur non fuisse denegatas metallo nobilissimo, & cæterorum Regi. Arabum princeps *Avicenna* aurum cæteris omnibus medicamentis præposuit. In auro, *inquit* naturæ sunt absconditæ, quæ profunt veneno, si puer nascens teneat in ore, non timebit dæmonem, si prægnans biberit, abortum non faciet *Fen. 5. cap. 7. & fen. 6. cap. 13.* Non putandum lapides auro cariores esse eo præstantiores, omnibus enim rebus præstantius est aurum. Sed libro de *Medic. cordialibus*, voluit inferius esse hyacintho, præstantius argento. His autem omnibus vim tribuit exhilarandi, roborandi, & veneno resistendi, quas virtutes ait ab hyacintho manare, sicut à magnete vis trahendi ferrum, nec necesse esse reduci in actum, & superari à calore nostro, sicut vegetabilia solent, id enim, *inquit*, substantia ejus non patitur, sed tantum calor naturalis ejus penetrationem juvat. Non videtur ex sententia *Avicennæ* in actum reduci hyacinthus, nec aurum, nec argentum, nec à calore nostro transmutari aut dissolvi; quæ sententia etsi paradoxa, veritatis tamen speciem præ se fert. Si magnes, succinum, stibium sine substantiæ suæ jacturâ, & ullâ alteratione à calore naturali, vires habent præsentis, & ut dicunt in actu, cur denegabitur auro facultas cor roborandi, quæ instar magneticæ virtutis spontè sese exerat, & proferat, ut diximus plenius in *exercitationibus nostris capite de quartis &*



*occultis medic. facultatibus.* Aurum itaque mihi videtur esse summum roborans, cardiacum excellens, sed hecicis inutile, etsi innoxium, siquidem non roborari qualitate solâ, sed reparari humido substantifico postulant, talè autem nulli metallo concessum, & quidem prædictæ rationes etsi probent, & concludant auro refarciri non posse humidi radicalis jacturam, cum non vertatur in alimentum, & qualè assumptum fuit nullâ ponderis imminutione excernatur, non tamen adimunt vim cardiacam, quæ ipsi inesse potest, ut censent post *Avicennam* recentiores plurimi *Matthiolus*, *Amatus*, aliique. Cum enim septem modis Medicina cardiaca dici possit, non tantum ea quæ spiritus nostros substantiâ suâ reparat, sed & quæ merâ qualitate & sympathiâ sine ulla reductione ad actum cordi opitulatur. Unde frustra chymici laborant, ut auri veram solutionem inveniunt, solvunt enim admirabilem illam naturæ temperationem in quâ virtus auri tota residet & unde promanat. Sanè si aurum integrum non haberet vires eximias absque ulla præparatione, mirum, unde tot præstantes viri separationum chymicarum ignari, eas communi consensu prædicarunt. Videmus ignotas fuisse sibi vires ante chymicam solutionem, sic & aliorum metallorum, quod impuræ substantiæ plurimum contineat, eæque terrestres & crassioris. At in auro impurum nihil, & inutile. Qui magnetem chymice præparare conantur, omni vi illum spoliant, ita & auro contingit, si solvatur in varias partes. Potius ergo exemplo veterum & omnium recentiorum quibus aliquid ingenui pudoris superest, non fallacibus liquoribus auri, sed eo foliato, utamur, aut abstineamus omnino. Certò tamen sciendum hecicis & tabidis nullo modo opitulari posse, ob rationes dictas. Quod enim scribit *Plinius* absumi aurum cum gallinarum carnibus decoctum, falsum esse experientia docuit, cum ne minimum quidem alteratum in pondere repertum sit, etsi jusculum forsan vim cardiacam inde contraxerit, sed immaterialem, qualis è magnete ferro communicatur. Parum quoque abest à fabula quod *Sennertus* ex aliorum relatione scripsit, gallinam per mensem auri foliis in præfat. pastam aurum tandem in suam substantiam convertere, id enim falsum esse qui periculum fecere, testari possunt, ut de seipso profitetur *Galenus* cum *Galenus* in examine aphorism. Salæ: ut non fuerit tam leviter *sensu.* fides habenda chymico impostori, qui virum gravem adversus chymicos tam eleganter & doctè disputantem decipit.

*Expressa.* xvi. Expressa vero fiunt ex carnibus optimis quales sunt perdium,



cum, Phasianorum, caponum, coxæ vervecinæ & vitulinæ, ex quibus semi affatis jus torculari exprimitur, dein lento igne recoquitur, ut aquea pars exhalet, imbecillis autem corporibus vires reparat, & proinde toto morbi decursu exhiberi potest.

xix. Expressis contraria sunt distillata restaurantia dicta, quæ <sup>Distilla-  
ta re-  
staurantia.</sup> laudantur à multis ad vires promptè & celeriter reficiendas, substantia enim tenuior, purior & defæcatissima alimenti sublimatione elicitur. Fuit hoc placitum Medicorum novitate aliquâ sese commendantium, ut magnatibus & viris Principibus placerent. Extrahitur autem hæc aqua ex carnibus prædictis dissecis, ab ossibus & pinguedine purgatis lotis aquâ cardiacâ aut vino albo, tum conservæ, pulveres cardiaci, herbæ, cæteraque scopo Medici accomodata adduntur distillantur simul in B. Maris, liquor servatur in ampullâ vitreâ, de quo ℥ij. per se, vel cum juscule & panatellis sæpius exhibentur in die. Quin etiam commendantur ex limacibus, cancris, lacte, sanguine humano extractæ, quæ ob analogiam maximas nutriendi vires habere creditur. R. Iuris caponis bene colli mensuram unam, carniū testudinū nemoralium, cancrorum, coxarū ranarū ana P. j. conservæ rosarū, buglosi, borrag. violar. nymph. scabiose ana ℥ j. specierum diamargariti frigidi, diatragac. ana ℥ j. cinnam. ℥ ss. aquarū buglosi, acetos. rosar. ana ℥ iij. seminis lactucæ, papaveris albi, portul. ana ℥ j. Eliciat aqua secundum artem. Plures hujus aquæ descriptiones recens & VVeckerus in Antidotario, sicut & illius quæ ex humano sanguine elicitur. Sed hæc distillata, aliorum judicio, nullius sunt utilitatis ad nutriendum, cum enim experientia ostendat, non omnia postulare chymicam præparationem, id de alimentis maximè verum est, quorum nullum ita præparari debet, si panem, vinum, cæteraque esculenta redigeremus in essentias & à terrestri parte, ut vocant, separaremus, quam ineptum, fatuum, & insalubre ferculum ægris nostris præberemus. Sed & supina quorundam agyrtarum ignorantia hanc consuetudinem invexit, repugnat siquidem chymicæ <sup>vyzaykoy</sup> phlegma enim solum hac arte elicitur, pars scilicet aquea insipida, quæ nullum aut exiguum habet nutriendi vim, nam viscosa & glutinosa illa pars quæ remanet, & à qua nihil secedit, ea est quæ alimoniam præstat corpori constantem & copiosam, & in expressis decoctione extrahitur, in distillatis remanet in fundo & abjicitur, unde expressa distillatis contraria superius diximus. Nam res dari ita fixas, ut distillatione nullâ elici possint, ostendit



dit chymia, ex quibus pars illa est carniū glutinosa, viscosa, quæ nutrimentum suppetat. Unde si quam habent vim ejusmodi aquæ, ea tota est ab herbis & aromatibus additis, etsi frustra adjiciantur corallia, margaritæ, aurum, cæteraque essentia compactioris, è quibus nihil secedit. Hinc *Baptista porta* 10. *magia naturalis* juscula carniū blando calore distillat, ut tota pars aquea evaporet. Sed ineptiores sunt qui lac distillant, cum enim ad analepsin lac integrum recenter multum cum *Galeno* Medici præscribant, isti tantum partem ejus aqueam nullius energiae & efficaciae imperant, ex quâ nihil utilitatis corpori humano accidere potest. Ejusmodi aquas præscriptas vidi, quas potius credidissem fuisse cosmeticas quam analepticas. Sed quæ ex sanguine humano elicitur, etsi multum à *Gainerio*, *Montagnana* & aliis vultuosis probetur, viresque forsan possideat insignes, multumque cardiaca sit, tamen hecticis ideo noxia esse videtur, quod calida sit & nimium spiritiosa, instar aquæ vitæ ardens, propterea iis quibus refrigeratio & humectatio necessaria est, minus convenit, calefacit enim & exsiccatur.

xx. Etsi autem ad nutriendum juscula, consummata, gelatinæ, expressa sufficere possint, sintque eo nomine præferenda quod in rem præsentem recentia parari soleant. Analeptica tamen remedia recentiorum curiositas in syrupos, electuaria, morsellos aliasque formulas adaptavit. Syrupi resumptivi hæc formula esse potest. *R. Carnis tetrastudinum lotæ, carniū cancrorum, coxarum, ranar. pulpæ caponis ana ℥iij. hordei mundi ℥ij. rad. buglosi, liquiritiæ ana ℥j. satyrionis ℥ss. endiviæ, lactucæ, portul. symphiti ana M. j. dactylorum, passul. mundatar. ana ℥j. sebesten, jubarum ana paria iiij. seminum frigidorum majorum recentium, si haberi possint, ana ℥ij. seminis bombacis, lactucæ, papaveris albi, cidoniorum ana ℥j. florum violar. nenupharis, buglosi ana P j. f. decoctio in s. q. aquæ, ad ℔ ij. in colaturâ clarificatâ adde sacchari albisimi ℔ j ss. sacchari rosati ℥ss. f. syrupus perfectè coctus, aromatizetur drachma una santali rubri. Sed additio carniū inutilis est, propterea iis demptis ad temperationem caloris hecticorum, ex reliquis syrupus concinnari potest, conveniunt enim julepi & syrupi refrigerantes. *R. Succi portulacæ*, quem mire in hoc casu quidam extollunt, ℥iij. *Succi buglosi* ℥j. depurati coquantur cum saccharo, in formam julepi mediæ consistentiæ. *Pimpinella* & *raparum* succos sunt qui commendant. Infantibus autem, qui ægrè medicamentosa sumunt, *Aqua portulacæ* & *scabiosa* dantur.*

xxi. Con-

Syrupus  
resumpti-  
vus.



xxi. Confectiones variæ restaurantes fieri possunt, quas gratissimas componere debemus, ne in morbo longo fastidium pariant. Martius panis simplex fit ex amygdalis contulis in aquâ rosarum & saccharo, simulque lento calore coctis in clibano, compositus vero præstantior, parumque differt à regio electuario, quod pastam regiam hodie <sup>Pastaregia.</sup> vocant, quod regibus digna sit, sic antiqui præclara quædam regia vocabant, ut Aetius suffumigium regium Aëtianus poma regia, adduntur simplici Martio pani, fructus, semina, aromata, carnes coctæ contusæ & lotæ in aqua hordei, quando fit ex carne testudinis, testudinatum nuncupatur, sicut pineolatum, quando strobili mundati & contusi cum saccharo bene cocto & dealbato adduntur. Carnes itaque vel simul omnes aut harû una ad ℥iiij. fructus ad ℥ij. semina ad ℥j. ℥jss. pulveres ad ℥ss. adduntur. Si sine carnibus fiant fructus augeri possunt & semina, & quidem cum carnes hoc modo apparatus sint coctu difficiles, parumque alimentosi succi retineant, quem coctione deposuerunt in iusculum, omitti commodè & utilissimè possunt. R. Amygdalar. dulcium excorticatarum ℥jss. strobilorum mundatorum, aqua scabiose lotorum, & per horas duodecim maceratorum, pistaciorum ana ℥ss. pulpa passularum, daſylorum, jujubarum ana ℥iij. seminum frigidorum mundatorum ana ℥ij. seminis papaveris albi ℥j. Terantur optimè in mortario, irrigando massam aqua rosarum, dein adde amyli, gummi tragacant. arabici ana ℥j. penidiorum ℥j. saccharoque paulatim asperso fiat massa, & inde panes cujusvis figuræ sensim exsiccandi, qui auro obducantur. In aliis ambra grisea, cinnamomum addi possunt. Vel. R. pasta ex qua Martius panis fieri solet ℥bj. pinearum mundatarum quartarium semis, seminum cucurbitæ mundatorum & in lacte infusorum ℥j. Contundantur diligenter, adde pulver. diatragac. diapenidii, diamararit. frigidi ana ℥j. vitellos duorum ovorum, sacchari in aqua tusilag. dissoluti ℥ss. formentur placenta, coquantur secundum artem. Vel R. pulpa caponis aut gallina ℥iiss. seminis melon. vel cucurbitæ ℥ss. margarit. præparat. ℥ss. sacchari in aqua violarum soluti ℥vj. succ. Lemonum. ℥ss. fiant morselli, sed carnes prius teri debent fortiter ac longo tempore, dein cum aliis misceri. Vel R. Pulpa caponis assi & perdicum assatarum, coxa ranarum, cancrorum fluviatilium, testudinum nemoralium coctarum in aquis portulacæ & hordei ana quartarium semis. Amygdalar. dulcium ℥iiss. pinear. ℥j. pistaciorum ℥ss. seminum frigidorum majorum, papaveris albi ana ℥j. pastular. mundatarum, sebesten ana ℥j. Contundantur simul, addendo amyli ℥ss. margaritarum ℥j. specierum electuarii resumptivi ℥iiss. diatragac. frigidi ℥j. penidiorum ℥ss. sacchari



sacchari candi ℥i℥. gummi tragacant. in aqua rosar. infusi ℥j. sacchari albissimi in aquis rosar. & tusilag. dissoluti ℥x. Coquantur lento igne ad sufficientem exsiccationem, fiant placentæ, vel morselli servandi ad usum. Extat in officinis electuarium resumptivum dictum, quod loco prædictorum usurpari poterit. Saccharum insuper rosarum tabulatum in frequenti usu habere debent, vel saccharum in aquis violarum portulacæ coctum, & in tabulas redactum. Vel ℞. Conserva violar. portul. buglossi ana ℥j. conserva rosar. ℥℥. specierum diamargarit frigidæ ℥j. sacchari q. s. f. mistura.

Externa  
remedia.

Aer.

xxii. Externa autem remedia refrigerent, humectent, sed non adstringant, inter quæ aer humidus & nonnihil gelidus magis quam calidus & siccus convenit: Quod si frigidus sit hujus inspiratione contentos esse oportet, corpus aliàs operiendo, ne densatâ cute febrilis caloris perspirationem prohibeat. Maxime autem ejus inspiratio confert iis hæcticis, quæ corde primum affecto contingunt. Aliis autem quæ succedunt affecto jecori aut ventriculo, quæ ex Galeno sunt, & frequentiores & periculosiores, si aer sit temperatus eo utendum, qualis sese exhibet, nam ex ejus inspiratu nulla aut saltem minima utilitas jecori & ventriculo accedit, sed si nimium sit calidus, semper refrigerandus est.

Balnea.

xxii. Balneum aquæ dulcis tanquam summum refrigerans & humectans à Galeno laudatur, calorem temperat, alimentum attrahit, id autem veterestribus modis administrabant. Primum ex aquâ tepidâ, ut humectaret & relaxaret; secundum ex calidâ, ut alimentum attraheret, tertium ex aquâ frigidâ, ut poris condensatis attracta humiditas minus exspiraret, aut aquâ frigidâ post balneum perfundebant, ut docet Galenus decimo methodi; docet enim hæcticos nihil juvari balneo, nisi in frigidam immergantur, idem enim tunc illis accedit, quod candenti ferro in aquam demerso, quippe tunc refrigerantur & roborantur. Nostro vero seculo evanuit curiosus ille balneorum apparatus, soletque fieri ex aquâ tepidâ, vel si nimium incaluit rursus ad teporem redactâ, ut eam æger sine siti, sine sudore perferre possit, qui tabidis noxius est, unde Galenus, ut diximus, frigidam post tepidam administrare jubet. Verum aliis suspectum est ejusmodi Balneum, periculum enim est, ne in corpore attenuato, in quo penuria adest sanguinis, carnisque absumptio, frigida subito corporis intima subiens calorem extinguat. Quin etiam actuali frigiditate calefacit per



per accidens, pituitosos humores resoluit in tetano aph. 21. lib. 5. Nam si juvenis carnosus æstate & regione calidâ tetano correptus potest curari balneo frigidæ, hæcticus cam non sit carnosus, ab eodem maxime lædetur. Quare tepidum potius usurpandum, aut aquæ solius, aut cum decocto capitum vel intestinorum *vervecis, malva, althea, violaria, florum chamameli, buglosi & similium*, quo quidem semel in die per horam ante cibum corpus reficiendum erit, atque in eo per horam unam ad summum moretur, aut amplius si ferre possit. *Galenus* quidem decimo methodi in marasmo balneum probat, sed vetat ne longam in eo moram faciat æger, dein jubet, ut bis vel ter mergatur in frigidam involutus syndone, quia longiorem frigidæ rigorem exanguis æger non perfert, sed sufficit unica, aut altera perfusio, quin potius unctio univèrsi corporis præferenda, ex oleo rosaceo, nenupharino, quæ olea satis poros coarctabunt, ne à balneo calido majus contingat effluvium, judicio *Herculis Saxonie*. Nunc autem satius esse ducunt tantisper in balneo immorari, dum aqua per se refrigeretur, atque ut id citius contingat, frigida addi potest. Divitibus autem lac, oleum, butyrum possunt admisceri, ut magis emolliat & humectet.

Objicies ex *Hippocrate 4. de rat. victus acutorum, textu 59.* balneum non convenire iis quibus vires languent, ideo hæcticos non lavandos, qui summè sunt languidi. Respondendum *Hippocratem* loqui de balneo evacuatorio, quod multos sudores movet, corporis substantiam absumit, quale hæcticis non convenit, sed illud quod ad temperandum calorem extraneum, & effluvium caloris cohibendum, administratur.

xxiv. Sciendum autem balneum multis de causis noxium evadere, ac omitti debere. *Prima* est, si hæctica putridæ conjuncta sit, quia habet obstructionem quæ augebitur fufis humoribus, ideo ante coctionem non est imperandum ex *Tralliano*. *Secunda* est interna aliqua inflammatio, quia humores balneo liquati ad eam confluent, ut docet *Secunda*. idem *Trallianus*. Quod si *Hippocrates* tertio acutorum in fine, balneum concedit pleuriticis & peripneumonicis, id intelligendum est post totius corporis evacuationem, & in declaratione morbi, quo tempore nullus humor amplius affluit ad partem affectam, imo tunc spiritus liberior est, & facilius, inflammationis reliquæ resolvuntur, dolor mitescit. *Tertia* est imbecillitas partis principis, & nobilis, humorum etenim fluxus per balneum concitator redditur, in partem imbecillam facilius fertur. Quod si pars languida non sit princeps, licebit

I

balneo



balneo uti, quia ad partes ignobiles, ut cutim & articulos solet naturā cum ægrotantis commodo humores transmittere. *Quarta* causa, quæ balnei usum prohibet, est plenitudo vel ad vires, vel ad vasa. In hac enim periculum est ne vas aliquod disrumpatur. In illā verò ne humores colliquati & fusi à balnei tepore, naturæ reddantur graviore, quamvis in hæcicā plenitudo ad vasa esse non soleat, in quocunque tamen morbo illa adest, balnei usum prohibet. *Quinta* causa est cruditas, hæc enim à calore balnei ad venas attrahitur, quare blando clystere evacuanda erit, ventriculus roborandus crusta panis *aspera caryophyllis & cinnamomo*, atque *pauco vino irrorata*, vel *oleo cidoniorum, de absinthio*. *Sexta* est alui fluor qui balneum prohibet duabus de causis. Primò quia balneum ad cutem attrahit, impedit motum naturæ per alvum expellentis, præsertim si calidum sit. Secundò quia tepidum balneum aut frigidum corpus humectat, fluxiliorem reddit alvum, ideoque hæcicis diarrhoea laborantibus interdicendum. *Septima* est alvi constriçtio, quia calore balnei tenuiores fæcum partes resolvuntur, ad hepar & alias corporis partes attrahuntur, indeque alvus magis induratur. *Octava* causa usum balnei prohibens est cibus ac potus nondum in stomacho concoctus, balneum enim cruda ea rapit ad venas, propterea statim à balneo nihil est forbendum priusquam omnis perturbatio & agitatio fuerit sedata. Itaque pridie imperetur clyster molliens, cibos coctu faciles edat in coena, dein post mediam noctem sumat jus pulli, cremorem ptisanæ, vitellos ovorum, vel ova tremula cum saccharo: Post, sub horam sextam aut septimam matutinam, ingrediatur balneum, abstergeatur linteis & fricetur, oleis superscriptis ungatur, tum quiescat in lecto per duas tresve horas, blandeque dormiat si possit, nec ante cibum ullum assumat. Iterum sub vesperam descendat in balneum; Decima quoque die repeti id poterit, idque continuis tribus diebus, atque etiam in ipso balneo, si sitis urgeat, lac aut alia sorbitio maximè eupepta poterit exhiberi, sic enim citius in universum corpus distribuitur. *Sciendum autem* inquit Trallianus, *non modo hæctica febre laborantibus, sed etiam frigidis siccisque intemperiebus, & semio ex morbo, balneum conferre, hoc enim habet admiratione dignum, quod calidas, & frigidās intemperies juvare potest.*

*Vaguenta* x x v. Non solum autem ab exitu balnei, sed etiam quolibet tempore, præcipuè mane & versperi inunctiones commodè instituuntur ex oleis relaxantibus, spinæ, hypochondriis, ventri, applicatis, vel *R. Mucilaginis*



*elaginis seminis psyllii, cidoniorum, malva, ana ℥ss. gummi tragacanthi, arabici, infusi in lacte ana ℥ss. butyri recentis ℥j. axungia anatis ℥ss. olei violati, amygdalarum dulcium ana ℥j. cera parum, fiat linimentum. Galenus & Trallianus ceratum rosaceum commendant, quod pectoris & cordis regioni applicant, nisi hectica ex aliarum partium inflammatione contigerit, tuncque illi potius remedia adhibebimus, ut ipsum veluti ignis fomitem extinguiamus, quod optimè præstat ceratum rosaceum, refrigerat enim & humectat, humiditatemque quæ in partibus superest conservat, ne absumatur, prorsusque intereat. Oportet autem sæpius unguentum immutare, ne calefactum, corporis calorem ingeminet. Guainerius frustum cucurbitæ imponit, quia valdè refrigerat & humectat vel R. Axungia gallina recentis sexies lota aqua violar. ℥ij. olei nenupharini, mucilag. seminis citoniorum extracta in aqua lactuca ana ℥j. succi umbilici veneris & sempervivi majoris vel minoris ana ℥ss. cera alba q. s. fiat linimentum: Sed pectori nimis refrigerantia non sunt adhibenda, nisi eximius fervor sentiat, nec diu etiam sinantur: Inde enim non mediocrem respirationi & voci illatam noxam vidit Trallianus, quod Galenus ante monuerat *decimo methodi*, propterea unguentum resumptivum commodè inungitur. Carnes autem aliqui unguentis non minus quam electuariis admiscunt, sed frustra, nulla enim nutriendi facultas appositione carniū elici potest. Epithemata quoque pectori, cordi, jecori, renibus, ventriculo pulsibus apponi possunt, sentiuntur enim arteriæ calidiores. R. Emulsionis Amygdal. dulc. facta cum decocto hord. portul. & violar. ℥ss. adde butyri recentis ℥ij. mucilag. seminis malva ℥j. Misceantur & panni intincti tepidè pectori adhibeantur. Quidam portulacam tritam ventriculo appositam summopere extollunt. In extremè debilibus, qui ob fastidium aut aliam causam, cibum non sumunt, clysteres nutrientes esse ex usu multis persuasum est. fiunt autem ex alimentosis, ut jusculis, lacte, vitellis ovorum, & aliis ejusdem naturæ. Hæc enim quia longâ non egent coctione, ab intestinorum vi alteratrice quantumvis imbecillâ facilè superantur. In omnibus autem quæcunque vires deiciunt vitanda, ut inedia, fames, motus validi tum corporis, tum animi, vigilæque, cum somnus plurimum conducit, sed coitus & omnis inanitio plurimum nocent. Accidens enim quod maximè urget, alvi fluxus est, qui perseverans mortem accelerat, & sæpe morituris contingit, labefactatâ intestinorum retentrice, cui symptomati inunctione ventris aliisque prospiciendum, parcen-*



dum humectantibus, sed modicè refrigerantibus utendum & adstringentibus, ut syrupo de rosis siccis, myrtino, cidoniorum, ptisanâ colatâ, ex hordeo torrefacto, avenâ & oryzâ eodem modo præparatis, quæ fluxiones egregiè sistunt; Conveniet gelatina ex pedibus vitulinis, hœdinis, suillis, cum santalo rubro, gummi tragacanthæ. Sed quoque constipatio alvi illis non minus molesta est, quæ si nimia sit, clystima injiciatur molliens & leniens ac humectans. *R. Jusculi pulli, vel intestinorum vervecis, in quo refrigerantes herba incoxerint lb j. dissolve Cassiam vel pulpani tamarindor. ad 3j. olei violati, nemuphar. ana 3iſs. fiat clyst.* Vel lenis exhibeatur potio ex mannâ, cassiâ, syrupo rosarum solutivo cum Jusculo pulli, aut aliud simile leniens medicamentum.

*De hectica cum putrida.*

xxvii. Hectica si aliam febrem comitem habeat, synochus simplex ea non solet esse, cum ultra quatrimum non soleat perseverare, sed aut putrida quædam continua, vel intermittens diuturna, tertiana, vel quartana, & in tabe ac phtisi quintana, tuncque non solum ex marcere, & majore consumptione, quam aliàs fieri solet, sed & ex pulsu febrili, paroxysmorum periodis putridamprehendimus, & cessante paroxysmo hecticæ notæ se produnt. In hac igitur connexionne, utriusque ratio habenda est, nam & materia concoqui, obstructions aperiri, demum purgari humor noxius postulat, sed ita ne hecticæ noceamus, aut saltem quam minimùm. Itaque refrigerantibus syrupis & sine noxâ aperientibus utendum erit, ut de cichorio, de endiviâ, de acetositate citri & similibus, cum aquis idoneis. Purgationes deinde leviores instituantur, ex mannâ, syrupo rosarum solutivo, infuso rhabbarbari, cassiâ, electuario lenitivo, in ejusmodi febribus utiles erunt leves illæ purgationes, quas in diætetico *Quercetanus* præscribit ex syrupis de manna, de cassiâ, cum sennâ, aliæque judicio Medici relinquendæ, dein in declinatione accessionis detur jusculum, vel cremor ptisanæ, ne eorum corpus immodicè siccetur, cibus enim temperat humorum acrimoniam, & humectat, modo non sit illius naturæ, ut facile vertatur in bilem. In quotidianâ jus galli antiqui cum semine carthami, passulis, & mannâ convenit, cavendo semper ab agarico trochiscato propter zinziber & sal gemmæ, fit enim medicamentum calidius & magis extenuans quam par sit. Ex præparantibus autem *Syrupus bizantinus, capilli veneris, hydromel* sufficient. In quartanâ quoque utendum levioribus melanagogis. Quæ præparantia & purgantia, si febris exigit, nec hecticæ obfunt, repetenda erunt.

xxviii. Alte-



xxviii. Alterantia humectare & refrigerare debent, propter cordis intemperiem, ob quam causam liberalior potus conceditur, sic Julapi, conservæ, aliaque remediore formæ in hæctica explicatæ possunt exhiberi, admittis iis quæ propter febrem continuam, aut intermittentem refrigerare, obstructions solvere, putredini resistere debent. Lac autem quia & putridæ febri, & capitis dolori nocet, dare noxium est, nisi propter consuetudinem extra paroxysmum, & butyro detracto illis concedatur, sed exigua quantitate.

xxix. Quod si continua ardens hæctica jungatur, dubium est an frigida potus conveniat, siquidem Galenus decimo Methodi capite sex-<sup>Aqua potus.</sup> to, probat frigida potum, ubi non adsunt inflammatio viscerum, humorum putredo & obstructio. Idem tamen tum hæctici præscribit, tum etiam ardentibus, multo magis si simul conjungantur. Sed in hæctica solitaria datur in principio, in putrida post coctionem, propterea in connexione hæctica & putridæ, quidam verentur frigidam dare. Habenda igitur ratio urgentioris, ut si tabes valde urgeat, frigida detur etiam non expectata coctione, aut ejus loco aquæ stillatitiæ herbarum refrigerantium, aqua hordei, serum lactis.

xxx. Pariter de usu balnei quaeritur an conveniat. Nocet enim <sup>Balneum.</sup> ubi adest humorum putredo aut inflammatio, præterea hæctici tepidum primo, dein frigidum convenit, putridis vero tantum calidum, ut digerat per habitum corporis. Sed in hac re sequendum est Galeni consilium, qui libro de marcore capite, tertio, usum balnei probat saltem in declinatione, eo enim tepido evacuantur excrementa febrilia, succedens autem frigidum hæctica convenit. Epithemata refrigerantia & humectantia apponi debent cordi, hepati, tum in hæctica, tum in putrida. Sed in quotidianâ ventriculus qui maxime patitur cum hypochondriis, oleo chamæmelino similibusque inungi debet. Et hæc de curatione febris hæctica.

xxxi. Est alia marasmi species, quem vocant marasimum senectutis, <sup>De ma-</sup> vel senium ex morbo, quando scilicet sine febre sit totius corporis <sup>rasmo se-</sup> consumptio, frigida siccaque intemperies inducitur à causis præter-<sup>nectutis.</sup> naturalibus, quæ est similis marcori factæ ætatis decursu in senibus. Quædam, corpora ad marasimum propensa, ut docet Galenus decimo methodi, maxime quorum temperies sicca est, præcipue in ventriculo, jecore, corde, cæterisque partibus principibus, & eò citius ruunt in marasimum, si frigiditas adjuncta sit. Sicut enim ætatis inclinatione hu-



midum primigenium absumptum est, cujus jactura est irreparabilis, calor evanuit, aut saltem imminutus est, frigidaque intemperies & sicca successit. Ita præmaturè idem ex morbificis causis contingit. Sunt autem ea vel calida, vel frigida. A calido resolvente corporis nostri humorem accidere potest, ad cujus absumptionem sequitur totius siccitas, caloris nativi imbecillitas, unde per accidens ejusmodi corpora frigida fiunt & sicca. A frigido vero fit talis marcor calorem nativum debilitante, unde nutritio impeditur, aut saltem imminuitur, corpus refrigeratur & exsiccatur. Fitque sæpe ut docet *Avicenna* ex immodico frigida potu & intempestivo in febribus, aut stomachi imbecillitate, ut si à jejuno, & post immoderatum exercitium, cum pori maxime aperti sunt, hauriatur. Tunc enim penetrabile frigus in viscera subit & præcordia, caloremque nativum extinguit contrarietate sua. Fieri quoque potest ab externis nimium refrigerantibus, ut balneo aquæ gelidæ in febribus, & corpore exangui ac macilento. Pariter fit ex causis omnibus humorem solventibus, ut vacationibus immodicis, aëre æstuoso, inedia, vigiliis, curis, sollicitudinibus, nimia venere, febribus ardentibus, morbis diuturnis, tumoribus crudis & rebellibus membrorum præcipuorum, sic vidit *Galenus* simiam tabescentem ob tumores duros circa cor existentes. Præterea quidam vapores venenati & tabifici in corpus attracti illius humidum primigenium insigniter depopulantur. Quibus si accesserit frigida corporis constitutio, propter quam læditur alimenti attractio & concoctio, ac consequenter nutritio, corpora genio suo fraudata, in siccitatem labuntur. Hinc senes facilius tentantur quam juvenes, ob paupertatem caloris nativi, minus siquidem frigerantibus causis resistere possunt, sed si à calido exhauriente calorem nativum contigerit, juvenibus ob familiaritatem temperamenti erit faciliior lapsus in tabem. Sunt autem illius sicut febris hectica tres differentia & gradus, unius quidem incipientis, alterius vero adhuc ad majorem consumptionem tendentis, & tandem plane consummati & irreparabilis.

*Signa.*

Signa sunt facilia, si quis etenim sine febre præter ætatem extenuatus sit, universum corpus habeat squallidum, coloris flore vivido destitutum, pulsusque debilem, parvum, tardum, rarum, urinas albas, aquosas ac tenues, is senium ex morbo aut marasmus incurrisse censendus est. Confirmata hæc ægritudo curationem non admittit, est enim humiditatis illius, quæ in solidis est partibus, absolutus interitus



ritus. Emaciatos enim tantum curarunt, qui se verum marasimum curasse gloriantur, ut iudicat *Trallianus*, siquidem resarciri tenuitas colliquatioque carniū facile potest, primariæ vero humiditatis, quæ solida nutrit, absumptio, & deperditio, nullam Medicinam recipit, sicut nec ipsum senium, non quidem ratione materiæ, quia perpetuò affluit alimentum, sed quia ob frigidam intemperiem concoctrix facultas labefactata alimentum nec probè conficere potest, nec assimilare, præcipuè quia longiori alteratione eget sanguis humidus, ut in partium spermaticarum & albarum naturam transeat; ob defectum illum caloris incoctum & crudeum manet alimentum, excrementorum humidorum proventus fit maximus, pedes senibus inflantur & aliquando fiunt hydropes.

xxxii. Curatio itaque, si spes aliqua superest, instituat<sup>Curatio.</sup>ur humectantibus & calefacientibus. Aër sit calidus humidus, somnus solitò longior, animi pathemata coitumque tanquam somnè noxium devitet: Cibus sit humectans, *ὑπηρετικὸς πολυτροφὸς*, ut sunt jura carniū, consummata, ova sorbilia, lac coctum cum melle & saccharo, etsi enim mel noceat heceticis, his tamen maximè convenit. Potus sit vinum mediocre, non nimis generosum; quia exsiccat: Loco exercitii frictiones post coctionem attrahunt alimentum, calorem roborant. Quod si excrementa quædam in alvo subsistant, educi poterunt enemate ex jussulo cum oleo, butyro, vitellis ovorum composito, quod & aliquam nutriendi vim habebit, ut supra quoque dictum. Balnea quoque temperata supra modum competunt. *Habent enim hoc admiratione dignum*, inquit *Trallianus*, quod & calidas & frigidas intemperies juvare possunt. Sed iis tantum utendum post coctionem, siquidem statim à cibo, ut monet *Avicennas*, vires debilitant, cruditatibus corpus replent. Ex confectionibus convenit electuarium resumptivum, martius panis, pasta regia, deductis refrigerantibus, & additis iis quæ calefaciunt, ut cinnamomo, cubebis, granis paradisi & cæteris ejusmodi, sed ambra grisea, zibettum, moschus maximè conveniunt senibus, calefaciunt enim & roborant. Horum loco sumi possunt pulveres *diarmargaritonis*, *diarhodon*, *diamoschi dulcis*, *diambra*, *plirisarchontixar*, *diatragacanthi calidi*, & quia calidiores esse videntur, possunt temperari dissolvendo saccharum cum aquâ rosarum, violarum, vel additis speciebus electuاريorum frigidorum, ut *diatragacanthi frigidi* & similium, ita ut pro sacchari librâ unâ sit tantum specierum uncia semis. R. Fa-

rina



rina & sacchari ana ℥ss. vitellos ovorum N. ij. Cinnamomi ℥iss. Zingiberis, caryophyllorum, piperis ana ℥j. moschi, ambra ana g. ij. Misceantur cum aqua rosarum & chartis includantur & coquantur in clibano. Sequens admirabile est ab Arnoldo Villanovano descriptum. ℞. Roris majalis distillati ℥ij. sacchari optimi ℥viij. Coque lento igne dum ros absumat, adde aqua stillatitia florum vel corticis citri, aqua melissa ana ℥j. Misceantur simul semper agitando ad solem, aut Balnei calorem, stentque in infusione per dies 3. donec probe misceantur & inspissentur, postea ℞. Aqua stillatitia sanguinis humani, ℥ij. sanguinis draconis ℥ss. croci orientalis ℥j. balsami naturalis ℥j. moschi, ambra ana g. vj. rosarum siccarum ℥ss. ligni aloes ℥j. auri solati ℥ss. margaritarum preparat. ℥ij. Misceantur cum praedictis, & vase clauso servantur, dum massa exsiccat. Humidum radicale confortat, senectutem remoratur, hominem in suo vigore conservat, & propterea cor & partes principes, adjuvat, latificat, pesti, venenisque omnibus adversatur. Sed aquam sanguinis humani omitterem, forsitan aqua ex alio sanguine distillata, non minoris erit efficacit. Aliud ℞. Conserva buglosi ℥ij. conserva violarum, corticis citri conditi ana ℥j. myrobalanorum conditarum ℥iss. Maxime si sint chebulæ, Nucis moscata condita ℥ss. cinnamomi electi ℥j. santali rubri, coralli ana ℥ij. margaritarum preparatar. serici crudi, croci ana ℥ss. confectionis alkermes detracto lapide lazuli ℥ij. foliorum auri minutissime concisorum ℥j. ambra g. iij. moschi g. ij. sacchari succo citri vel limonum dissoliti ℥ss. Misce F. Conditum vel pandaleon, spiritus fovet & nutrit, ac roborat. Nota est aqua qua Marcus Gallus ad centesimum & vigesimum annum vixisse dicitur, ℞. Cinnamomi, cubebar. galanga, caryophyllor. nucis moscatæ, Zinzib. ana partes aquales, salvia quadruplum, aqua vita optima ad pondus omnium, Misce & destilla. Aliam describit Fallopius in secretis, quæ vocatur aqua juventutis, quæ apud eum videri potest. Sed notandum has aquas calefacientes calorem nativum, qui in hoc affectu debilis est, roborare, ideo tantum utiles esse ubi cibus eupeptos, polytrophos, euchymos assumitur, ita ut cum calidum inpatum humido primigenio constet & calore, alimentis humidum, aquis sit illatitiis prius descriptis, calor instauretur. Julepi quoque & syrapi, ut prius dictum, ex herbis huic intentioni dicatis parari possunt. Demum picatio convenit, quæ attrahit alimentum, partem calefacit, ideo intemperiei huic frigida convenit, non autem calida & sicca, de quo remedio fuse à nobis agitur capite de atrophia, tomo tertio. De hoc autem marasmo fuse agit Guainerius capite de hecticâ senectutis, qui videri



videri potest. Sed & huc applicari possunt quæ de victu senum scrip-  
sit Franciscus Ranchinus Monspelienſis Academia Cancellarius, & præceptor  
olim meus, in opusculis suis, quæ, dum hunc tractatum de febribus, *Francis-*  
olim à me apud Burdigalenses meos compositum, iterum describerem *cus Ran-*  
typographo tradendum, inciderunt in manus meas, & eorum lectio  
iucunda atque utilis est, quod hoc loco in honorem doctissimi & mei  
amantissimi Præceptoris dicendum putavi.

# DE FEBRIBVS PUTRIDIS.

## LIBER SECUNDUS.

### CAPUT. I.

#### *De putredine.*

I. **S**equitur ut ad febres putridas accedamus, sed quia illa-  
rum natura plenè intelligi sine putredinis cognitione  
non potest, breviter de putredine agendum. Quæ  
tractatio propria videtur esse Philosophorum, quia est af-  
fectio misti generationi contraria, pertinet tamen etiam ad medi-  
cum, quia sæpe in homine excitatur, morbos facit, qui à medico cu-  
randi sunt, putredo inhibenda & sistenda est. Duobus modis inte-  
reunt mista, vel per combustionem a calido vehementer agente, vel  
per putredinem a calido moderato, de qua dicendum. Dixi hoc modo  
interire mista: Convenit enim putrefactio misto ut mistum est, etsi  
viventia aliter destrui possint ab internis & externis causis, idque vel  
sensim, vel subito. Ab internis causis sensim fit *marcor* ut in  
senibus, si subito, fit suffocatio, *ut* in athletis. Ab externis cau-  
sis & quidem a frigido sicco fit *in stirpibus*, in animalibus se-  
cundum quosdam tantum dicitur *marcor*, si à frigido humido vocatur  
*putredo*, de quibus nil nobis hoc loco dicendum, sed de solâ putredine.

I. I. Est autem putrefactio secundum Aristotelem 4. meteor. Cor- *Quid sit*  
ruptio caloris naturalis & proprii in unoquoque humido ab alieno calore. Cui *putredo.*

K

definitioni



definitioni congrua esse videtur ea, quam affert Galenus xi. methodi, cap. octavo. *Putrefactio est mutatio ad corruptelam corporis putrescentis à calore extraneo.* Sed in eo differre mihi videntur, quod *Aristoteles* putredinem definivit in termino, *Galenus* autem eam definivit ut est in fieri, & in via, & propterea emendari interdum potest, estque hæc ultima definitio Medico usui aptior, nam humores non integrè putrescunt, nec fit corruptio caloris naturalis, sed tantum mutatio ad corruptelam. Verum singulas definitionis particulas revocemus ad examen. *Corruptio* secundum *Aristotelem* est opposita generationi, & utraque terminatur ad substantiam, sed *mutatio ad corruptelam*, est tantum corruptionem præcedens alteratio, & potius circa qualitatē rei putrescentis versatur, prior facta est, posterior est in fieri. Ideo cum quæritur an corruptio intelligenda sit simpliciter, aut tantum mutatio caloris naturalis ad præternaturalem: Respondendū, definitionem *Aristotelicam* esse corruptionem simpliciter, *Galenicam* verò tantum mutationem ad calorem præternaturalem, cum enim unius corruptio sit alterius generatio, in putredine *Aristotelica* id manifestè cernimus, docet enim in his quæ putrescunt, animalia fieri, ut ex carne putrescente vermes, mutatâ forma rei putrescentis in aliam, sed in *Galenicâ*, forma manere solet, ideo in venis vermes non generantur, ut dicemus capite sequenti. Alienus itaque calor dum agit in mistum, primum calefacit, calorem nativum intendit adeo, ut præter naturalis evadat, sublata proportionē ad passivas, siquidem non amplius continet humidum junctum sicco. Ità igitur calor dicitur corrumpi non quâ calor, sed quâ naturalis.

III. Præterea definitio *Aristotelis* etiam si nomine *corruptionis* intelligat interitum substantialem, tamen modum illius corruptionis comprehendit, fit enim calore naturali & proprio corrupto & alterato, siquidem generatio & corruptio sunt opus activarum qualitatū. Cur autem *Aristoteles* duabus vocibus usus sit, caloris nativi & proprii, acriter disputatur, sed frustra, unus enim idemque calor intelligitur, qui quatenus terminat humidum dicitur naturalis: Proprius verò, quatenus huic vel illi misto commensuratus est, quatenus enim illa proportionē reperitur in uno misto, quæ non est in alio, illi proprius esse dicitur. fit autem, inquit *Philosophus*, ejusmodi corruptio in humido sive naturale sit, sive adventitium, ideo in iis qui abundant multo humore excrementitio facile contingit putredo, difficilior autem in siccioribus. Itaque in putrescente misto prævalet humiditas, quod intelligitur



telligitur de putredine secundum partem, nam ubi putrescunt mista secundum totum, prævalet siccitas reliquis qualitatibus, ideo scribit *Aristoteles* omnia putrescentia fieri tandem sicciora.

I v. Et quoniam declarandum erat, à quo fiat naturalis hæc corruptio, addit *Arist.* ab alieno calore qui est ambientis, ubi duo sese offerunt inquirenda, primum quisnam sit ille ambientis calor, secundum quomodo internum calorem corrumpat. Putredo igitur cum à causâ aliquâ necessariò procedat, eam *Aristot.* per calorem ambientis explicavit. Sed tamen non videtur caliditas adæquata putredinis causa, quia ut alibi proficitur, putredo est communis effectus externæ caliditatis & internæ frigiditatis, sed est præcipua & origine prior internâ frigiditate. Quid autem *Aristoteles* intelligat per *ambiens*, dubium est apud Philosophos. Quidam verissimè omnium putant intelligi calorem non solius aeris, aut aquæ sed cuiuslibet alterius rei, modo sit externus & alienus a natura rei putrescentis. Attamen *Aristoteles* solius aeris aut aquæ meminit 4. *Meteorum primo* sunt enim hæc duo elementa ob humiditatem ad putredinem aptissima. Nihilominus calor ambiens *Aristoteli* dicitur quicumque est alienus & adventitius, licet sit in ipso corpore putrescente. Tales sunt vapores & fuligines quæ retentæ & humoribus immistæ, tanquam res alienæ vim habent extranei caloris & ambientis.

v. Secunda quæstio est quomodo calor a calore corrumpatur, cum omnia servantur à simili, interimantur a contrario. Quidam facile putant esse responsionem, quoniam non idem est calor qui corrumpit cum eo qui corrumpitur, hic enim internus est, secundum naturam, & moderatus, ille externus, immoderatus, præternaturalis; Nihil igitur absurdum esse putant si à calore externo internus, ab immixti mitis corrumpatur. Sed hæc responsio falso innititur fundamento, calores hos esse contrarios & specie diversos, etsi enim primo hujus operis capite dixerimus calorem extraneum contrarium esse naturali apud Medicos, tamen revera specie non differunt apud Philosophos, unde manet dubitatio quomodo à simili calor possit interire, hic etenim intelligenda nobis putredo est Philosophicè, siquidem est affectio misti, non hominis quatenus homo est. Igitur respondendum puto calorem à calore non corrumpi, sed corpus mistum, idque per accidens, quatenus ob similitudinem primum auget ac intendit calorem internum rei putrescentis, unde proportio ejus in passivas qualitates violatur, ac



demum illum educit, sicque solvitur misti compages: Id docuerunt *Arist. Hipp. & Galenus* cum docent intereunte misto redire calidum ad calidum, frigidum ad frigidum, & sic de cæteris; solum igitur deserit mistum & evaporat, ita ut tandem res illa maneat frigida, sine ullo calore. Ita ut mistum corrumpatur, sed calor ipse ut calor unà cum corpore calido facessit in elementum calidum, ignem scilicet & aërem; servatur igitur calor ille ab extraneo tanquam à simili, à quo intenditur, etsi misto non naturalis evadat, unde cum proprium humidum conservare non possit, fit putredo. Hæc autem adjuvatur à causâ universali scilicet cælo, quod est tum generationis, tum corruptionis, tum omnis mutationis æquivoca causa.

*Quid sit  
interna  
frigidi-  
tas.*

\*

V 1. Sed *Aristoteles* inter efficientes causas internam frigiditatem recenset, quæ sententia valde dubia est, nam internum frigus quidam positivum esse putant, cum aperte inter efficientes causas ab *Arist.* numeretur, ideoque ajunt in calorem per se agere, eumque corrumpere. Sed malè, nam frigus quod est internum, non potest tantum esse, ut calorem jam immoderatum factum possit destruere, cum in eum remissionem nullas vires agendi habèret, quod enim non potest minus, non poterit majus, nisi ab externo frigore adjuvetur, at tunc non erit amplius internum frigus, sed extraneum; tum quoque quæ ab externo frigore corrumpuntur ea non putrescunt, ut sub polis visi sunt homines mortui non putridi, sed integri. In generatione mistorum calor est instrumentum facultatis formantis, frigus autem tantum concurrat per accidens, calorem temperando & conservando ne exhalet, & sic per se in corruptione misti non operatur, sed per accidens, quia frigiditate corrupta corrumpitur calor naturalis, & sic sequitur humidum a sicco dissolutio quæ est putredo. Rectius igitur internam frigiditatem nihil aliud esse putant quidam, quam ejus qui abiit caloris privationem, productam à calore ambientis, qui non agat in calorem, sed in humidum tanquam causa privativa. Dici quoque posset educto calore innato internum frigus succedere, quod absolutam misti destructionem molitur. Corpus enim ex defectu caloris factum est frigidum, quare non potest amplius ab eâ qualitate nimis ad frigidum vergente contineri humidum ne diffluat, & à sicco superetur. Sic etenim fit putredo. Calor ambientis internum calorem auget, mistum calefaciendo relaxat, & aperit, internum evocat calorem, ipsumque corrumpere dicitur, tunc succedit separatio humidum à sicco, ut amplius non cohaereant.



reant, unde fit ut humidum ad superficiem inordinatè diffuat, hinc fiunt efflorescentiæ in superficie corporis putrescentis. Procedenti putredine humidum totum exhauritur, res remanet sicca, dùm tandem in terram, finumque abeat.

VII Vocatur hic putredinis & corruptionis modus à Philosopho naturalis, ut distinguatur à combustionem, quæ est interitus violentus. Sed cur dicatur naturalis valdè controversum est, variasque opiniones recuset ac refellit Zabarella lib. 2. de misti gener. & interitu. cap. 3. & 4. tandem concludit dici naturalem ratione naturæ universalis, nam est contra naturam particularem misti, cum ipsum destruat. At ratione naturæ universalis etiam combustio est interitus naturalis, ejus enim actio est naturalis, in patiente dispositio esse potest ad combustionem, non minus quàm ad putredinem. Et ratione naturæ universalis nihil est contra naturam in mundo ab agente naturali productum, non minus enim naturale est igni comburere, quam calori blandiori putrefacere. Cum putredo & combustio fiant a calore extraneo, in hoc differunt quod hæc subitò & vehementer contingat, illa sensim & pedetentim. Natura autem quæ omnia mista statuit interire, modum quo intereant etiam ordinavit, scilicet ut sensim & lentè, non subitò perirent, quem modum considerans Aristoteles dixit combustionem esse interitum violentum, putredinem naturalem, quia natura non statuit mista interire per combustionem; non autem, ut idem Zabarella putat, quia natura decrevit mistum constans elementis in elementa resolvi, per combustionem verò contra hanc naturæ legem ex actione ignis violenta vertuntur fermè omnia in ignem, præter paucos cineres, qui etiam adhuc ignis naturam redolent, quasi ab igne mistum non solveretur in elementa, id Per patietici reliqui non admittunt, qui docent aqueum humorem secerni & separari ab igne, aereum igni esse pabulum, & resolutiones chymicæ docent reduci vi ignis humorem, aqueum, aereum, igneum, & terram ex uno eodemque misto, non autem in ignem omnia mutari. Ergo verius est quod dicit Arist. corruptionem illam esse naturalem quæ fatalis est, id est fato determinata, per fatum siquidem intelligere nihil aliud potest, quam legem a naturâ constitutam de modo quo singula mista intereunt & generantur. Sic mors naturalis dicitur quæ fit per humidi ultimam resolutionem a calore naturali, qui absumpto humido tandem ipse extinguitur. Violenta vero quæ fit submersione, gladio, suspendio, præter modum à naturâ

Quomodo  
deputre-  
do fit na-  
turalis.

Refuta-  
tio Zaba-  
rellæ.



naturâ constitutum. Sic de putredine dicendum est eam esse naturalem, quod fiat modo à naturâ ordinato, combustionem vero violentam, quod nimium cita sit, nec a naturâ ordinata, etsi agens naturaliter agat in objectum sibi patiens, & propterea ratione totius naturæ etiam combustio, sicut & morbus possint dici secundum naturam, fiunt enim à causis naturaliter agentibus.

*Objectio- nes.* VIII. Sed adversus definitionem *Aristotelis* quædam objici possunt.

1. *Primo* convenit combustionem, quia combustio est corruptio proprii caloris à calore externo. *Secundo* malè putredo dicitur fieri à calore ambientis, quia mistum in centro Mundi, aut in vacuo interiret, omnia enim multa intereunt. At illic nullus est calor ambientis. Præterea mistum constat ex contrariis. Ergo ex illorum actione mutuâ putrescet, vulgare siquidem est axioma, ideo singula interire quia constant contrariis, sic fiet putredo non à calore ambientis, sed à principio interno. *Tertio* objicit *Argenterius* Putrefactio est interitus contrarius generationi substantiali, ergo definiri debet corruptio substantiæ, non caloris, siquidem ad qualitatem motus, est tantum alteratio. *Quarto* dubium est de multis quæ in aere valde frigido putrescunt, siquidem calor eorum internus major est calore ambientis, unde vinci ab eò nec potest, nec educi; Ideo aut putredo omnino non fiet, aut saltem non a calore ambientis. Ad *primum* respondet *Zabarella* in combustionem

*Solutio.* 1. destrui potius frigus a calore, quam calorem a calore, agit enim ignis, vel in frigidum, vel in minus calidum, quod habet rationem frigidi & contrarii, humidum vero & siccum locum materiæ, vel humidum habet locum contrarii, in quod agit ignis ut in frigidum & humidum, in putredine verò calor externus agit in calidum, educendo in quo consistit ratio putredinis. Sed hæc responsio dubia est, dum eodem modo

\*  
*Refutatio Zabarella.* omnis calor agat, etsi non adeo intensè. Verius ergo dicendum definitioni additam fuisse particulam, (in unoquoque humido,) ut distingueretur à combustionem quæ fit in sicco, nihil humidum comburi potest antequam exsicceetur. Ad *Secundum* Respondeo omne mistum necessario putrescere, deducitur tamen consequentia ex falsâ hypothesi, nam impossibile est dari vacuum, ideo non mirum si eo concessio concedere possimus mistum non corrumpi, aliaque sequuntur absurda plurima. At in centro mundi si nullus calor adest, mistum non putredine, sed alio modo interibit nempe a frigore, interitu violento, nam etiam fieri à frigido interitum vult *Zabarella*, sic inventi sunt pisces, aliaque



aliaque id genus in lapidem mutata, quod ostendit ea interiisse a frigore. Sed non advertit *Zabarella*, hic non adesse interitum qualem hic intelligimus, nulla etenim fit separatio elementorum à se invicem, sed potius fit misti mutatio in aliud mistum diversi generis, servatâ non destructâ mitione. Supposito itaque nullum esse in centro calorem, dicimus nullam futuram putredinem, sed mitionem fore integram, etsi forsitan non eandem. Sed maximè placet & verissimum est quod idem assert *Zabar.* constare ex contrariis non esse in misto causam actualem corruptionis, siquidem contraria factâ mitione non possunt agere inter se, nec remanent actu in misto, sed alterata & unita amicè coalescunt. Igitur constare ex contrariis erit causa corruptibilitatis, quia mistum est mediæ naturæ inter extrema contraria, proinde indicat illud habere extra se contrarium à quo lædi & alterari, ac tandem corrumpi potest, pati siquidem potest tum à calido, tum à frigido, nunquam à seipso, ideo prudentissimè *Aristoteles* putredinem ab extraneo calore fieri voluit, cum nihil à seipso corrumpatur. Ad tertium respondere possumus duplicem esse putrefactionem, perfectam & imperfectam, prior est totius substantiæ destructio, ac quamvis eam definire voluerit *Aristoteles*, tamen imperfectam quoque complexus est, dum dicit eam esse caloris corruptionem, quæ ad substantiæ interitum ducat. Vel dicamus per corruptionem intelligi mutationem substantialem, quæ hoc nomine subintelligitur, definitionique additum modum, quo mutatio hæc substantialis contingat. Vel dicamus cum *Saxoniâ* definitionem esse causalem, qualis est definitio Eclipsis, nam putredo revera est corruptio substantiæ, non caloris qui qualitas est, sed caloris corruptio est causa, unde docet *Aristoteles* quarto meteorum generationem & putredinem esse opera primarum qualitatum. *Galenus* vero qui non intellexit per putredinem interitum substantialem, putredinem definiit mutationem ad corruptelam quasi sit tantum via tendens ad corruptionem & substantialem mutationem, ut dicemus inferius. Ad quartum Respondeo, majorem vel minorem agendi vim non provenire tantum ab intensione graduum, sed etiam ab extensione magnitudinis, nam in majore quanto major est virtus, tale agens est calor aeris qui sensim & lentè agit, ideo putrefacit, & quamvis calor patientis possit esse major in dicto casu calore agentis aeris intensivè, tamen in magnâ mole circumstantis aeris, major est calor extensivè, qui ideo ob actionis duiturnitatem educet calorem patientis, sicque putrefaciet.

\*  
Refutatio  
Zabarella.

3.

4.



\* ciet. Sed tamen in aere valde frigidus, ut juxta circulum arcticum, corpora intereuntia vix putrescunt. Referunt historiae quosdam homines præ frigore in Groenlandia mortuos integros inventos fuisse non corruptos anno sequenti. Et hæc de putredine in genere, de quâ plura in Philosophiæ naturalis ampliori systemate disputabo.

*Differen-* i x. Est autem putredo duplex, una totalis, seu perfecta, alia par-  
*tia putre-* tialis seu imperfecta. Totalis est quâ mistum ex toto, omnique ex  
*dinis.* parte putrescit, quando nimirum penitus sejungitur humidum a sicco, & mistum perfecte solvitur in elementa, aut alia mista, ita ut ejus nihil

*Totalis.* reliquum appareat præter terram. Hoc modo putrescunt omnia mista quæ per excessum terrea sunt, & solida, siquidem evocato proprio calore, humidum quoque educitur ad externa, pariterque absumitur, ut remaneat terra sicca. Non est autem necesse ut totum mistum putrescendo corrumpatur, sed sæpe pars tantum corporis misti sic interit, & nihilominus fit totalis putredo secundum totum illud quod putredine afficitur. Non enim putredo dicitur totalis, ut quidam voluerunt, in quâ totum mistum putrescit, sed in quâ id quod putrescit, sive totum fuerit, sive pars, totaliter & absolute interit, ita ut pars totali-

*Partialis.* ter, & totum partialiter possit corrumpi. Partialis seu imperfecta putredo est, quando separatio illa non perficitur, tunc dicitur mistum interire *ἡλικὴ μέρους*, vel aliquâ ex parte dissolvi. & ut ait *Arist.* a naturali sua constitutione recedere, contingitque hæc putredinis species in iis mistis quæ fluida & magno excessu aquea sunt, ut in vino contingit, & elementis ipsis, excepto igne. Est autem hæc putredo adeo levis interdum ut potius via ad putredinem dici debeat, quam putredo, in quâ mistum propriam formam retinet, interdum tanta est, ut etsi non fiat perfecta resolutio in elementa, forma tamen misti pereat, & in aliam speciem transeat. Sic putrescunt in corporibus nostris humores, ex quibus fiunt febres putridæ, quamvis interdum possit humor ex ingenti putredine marcescere, quod perrarum est, imò non videtur vita animalis eo usque produci posse dum absoluta putredo fiat, sed mortem prævenire necesse est. Solent igitur vivo animali putrescere humores secundum partem ut vocant, quod intellexit *Galenus* dum putredinem definit *mutationem ad corruptelam*. Imo etiam cceptam humorum putredinem remediis Medici sæpe cohibent, humoremque pristinae integritati restituunt, ut docet *Galenus in arte cap. 89*. Inquit enim *concoctio- ne fieri ut humorum putredo cesset, proinde eos alterari manente substantiâ.*

x. At



x. At quomodo putrescant elementa multorum ingenia torfit, cum *De Ele-*  
 putredo sit substantia mista ex elementis. Dicere possumus ea pu-<sup>mento-</sup>  
 trescere, non quatenus simplicia, sed quatenus mista. Terra enim <sup>vium pu-</sup>  
 habet humorem aqueum permistum & calorem ingenitum à lumine <sup>tredec.</sup>  
 astrorum. Aqua habet commistas exhalationes terreas siccas, calo-  
 remque similiter. Aër pariter calorem habet proprium & naturalem,  
 tum multis vaporibus inquinatur, & facile suscipit vicinæ alicujus  
 putredinis contagia. Solus ignis putredinis non est capax, quia nihil  
 secum patitur commisceri, cum omnia absumat, & in suam naturam  
 vertat, tum quia non datur aliquid ipso calidius, tum quia siccus est  
 non humidus, unde ad generationem mistorum omnino ineptus est.  
 Totam autem naturam putredinis videre licet plenè explicatam apud  
*Zabarel. libro de misti generat. & interitu.*

## CAP. II.

*An dentur febres putridæ.*

**H**is de putredine prælibatis ad febres putridas accedamus. Est  
 autem febris putrida, quæ ex putrescente humore suscitatur.  
 Sed ante omnia quærendum an ejusmodi febris detur. Refert *Alexan-*  
*der Trallianus* Medicos quosdam negasse febres à putredine fieri, sed  
 humores in venis exardescere tantum, ut in pice, bitumine, paleis vi-  
 demus, quippe concipi incendium in spiritibus primum, quod nisi re-  
 stinguatur, etiam vicina depascitur. Humores autem non putresce-  
 re probabant, quod lumbrici & bestię in venis ex humoribus, sicut  
 in intestinis fieri non cernantur: sic in externis, quæ putrescunt de-  
 generant in animalcula quædam. Alii qui febres à putredine conce-  
 dunt omnes volunt esse pestilentes, cujus opinionis fuit *Ioubertus*. Con-  
 trariam opinionem sequuti sunt antiqui Medici *Attalus*, & *Athe-*  
*neus*, qui voluerunt omnes febres esse putridas referente *Galeno*,  
 qui eos non refellit, tantum excipit Ephemeræ, etsi multi volue-  
 rint spiritus ipsos putrescere posse, cum omnia mista putredini sint  
 obnoxia, si enim terra & aqua putrescunt, multo magis spiritus;  
 Præterea quæ admittunt mistionem alterius corporis putridi ea pu-  
 trescere possunt. Tales sunt spiritus; Igitur possunt corrumpi.

II. Verum satius est ex communi Medicorum consensu statuere fe-  
 bres

L



\* bres quasdam dari putridas id probat *Galenus primo de differ. febr. cap. tertio*. *Primò* quod calida humida in calidis locis contenta facile putrescunt, maximè si prohibita transpiratione calorem extraneum fuscipiant. Nihil prohibet igitur humores putrescere, & hoc maximè cernitur in plenitudine ad vasa. *Secundò* in plenitudine ad vires humores facile corrumpuntur, cum non possint domari & regi à natura, hæc enim causa est putredinis. *Tertiò* ex malis cibis sæpe lucescunt humores putridi, qui febres putridas postea facere possunt. Sed alias addamus rationes. Si solum incalescerent humores non autem putrescerent, pulsus in omnibus putridis essent æquales, ordinati, ut in ephemeris, quod solus calor fatiget, aut saltem diastole major esset systole, quod major foret necessitas refrigerationis quam expulsionis fuliginum, pariter urina concocta non cruda foret. *Quintò* omnia præter ignem possunt putrescere, Non absurdum igitur ex humoribus putrescentibus febres accendi. *Sextò* sanguis putridus sæpe educitur venæ sectione, & humores putridi sæpe per alvum, sudores aliasque vacuationes expurgantur, etiam cum fœtore maximo putredinis indice. *Septimò* si sine putredine fierent, solis curari possent alterantibus, non foret opus vacuantibus præfidiis, nec natura vacuationes spontaneas tam sæpe institueret. *Octavò* Multa putredinem generare possunt, ut vicina putridorum, cibus vitiosus, prohibita transpiratio, caloris nativi imbecillitas, aër putridus, quæ causæ si præstò sint, dubium non est humores putrescere posse. Et hæc in multis febribus apparent quæ tamen non sunt pestilentes. *Quin* etiam multæ pestilentes sunt absque putredine, ut suo loco dicemus.

## C A P. III.

*De causis Februm putridarum.*

1 *Pr*oxima putredinis causa secundum *Galenum* est calor extraneus insito gravis & molestus, ut prius diximus. Mediata verò à *Galeno de caus. morb. cap. 8.* ad tria genera referuntur. fit enim putredo vel à medicamentis, vel ab excrementis in animali genitis, vel ob prohibitam transpirationem. *Primò* medicamenta putrefacientia sunt septica, calida & humida, de quorum natura tractat *Galenus primo simpl. cap. 15.* Sic oleum aspersum ulceribus majorem putredinem solet excitare,

Prima  
causa.



tare, & certum est si quis ejusmodi medicamenta assumpserit, humores in pravam malignamque naturam degeneraturos.

II. Secunda causa est prohibita transpiratio, quæ generatur vel *Secunda.* propter obstructions, vel propter constrictionem meatuum cutis. Obstructio fit tripliciter vel propter copiam, vel propter crassitiem, vel propter visciditatem rei obstruentis. Sed hoc non est intelligendum de omni obstructione, nam viscerum obstructions non semper pariunt febres, ut docet *Galenus 2. de loc. aff.* gravitatem hypochondriorum sine febre, ostendere obstructionem vel scirrhum, cum febre vero inflammationem, potest igitur obstructio esse absque febre. Præterea obstructio quæ est absque inflammatione non facit febrem continuam, quia non est causa putredinis humorum qui sunt in venis, qui aliàs commodam habent diaphoresin per habitum corporis, nec facit intermittentem, fit enim hæc ex humore in habitu putrescente, tum potius continua illa foret quam intermittens, quandoquidem putrescens humor in vas determinatis partium facere febrem potest, sed tantum continuam. quoties igitur putrescit humor in visceribus, facit febrem, sed non semper putrescit per obstructions viscerum. Constrictio meatuum cutis tripliciter generatur, vel ex nimio frigore, vel ex nimia siccitate, vel ex usu rei alicujus adstringentis, ut balnei aquæ aluminosæ.

III. Sed hic oritur dubium an putredo fieri possit sine prohibita *An putredo fieri possit sine prohibita transpiratione.* transpiratione. Et quidem posse videtur, siquidem *Galenus de causis morbor. cap. 8.* tres ut diximus statuit putredinis causas, prohibitam transpirationem, medicamenta putrefaciencia, & genita in corpore excrementa. Idem quinque causas statuit morborum calidorum, motum, putredinem, viciniam rei calidæ, prohibitam transpirationem, & calida assumpta. Quod si putredo esset à prohibitâ transpiratione, male putredinis & obstructionis seorsim meminisset. Tertiò idem confirmat experientia, quandoquidem caro, aqua, multa que alia putrescunt sine ulla obstructione, sic cibus in stomacho corrumpitur, cibus putris assumptus, contactus putridorum humorum reliquos inficiunt. Quarta partes gangrana affectæ alias putrefaciunt, quas proxime tangunt, tum universum corpus, nisi citò abscindantur. Sic *Galenus 2. de diff. feb.* fatetur sanguinem putrescere non tantum ob obstructionem, sed ob alias causas extraneum calorem inducentes, & *libro de Inaq. intemp. cap. 7.* aperte ait non tantum ex obstructione, sed etiam



aliis de causis fieri posse putredinem. Quinò si putredo fit à calore extraneo internum corruptente, possitque is augeri aliis de causis quam à transpiratione prohibita, certum erit putredinem aliunde fieri posse, unde *primo de diff. feb. cap. 3.* ad finem ait, in plenitudine ad vasa fieri putredinem à prohibitâ transpiratione, in plenitudine verò ad vires, quod non possint humores regi à calore nativo. & *lib. de curandi ratione per phlebotomiam*, facilius ait putrescere humores in plenitudine ad vires quam in eâ quæ ad vasa est. In illa autem non adest necessario obstructio ulla; demum sequeretur hyeme plures fieri febres, quia obstructions ob ambientis frigiditatem, humorum crassitiem sunt copiosiores: attamen certum est æstate febres esse frequentiores, non propter obstructions, sed propter ambientis fervorem, caloris innati defectum, & propter humores biliosos qui facilius incendium concipiunt quam pituitosi. Contra hyeme quamvis obstructions facilius contingant tamen calor ambientis minor est, innatus validior, humores minus fervidi. Non igitur semper à prohibitâ transpiratione fit putredo.

IV. Contra vero *Galenus* videtur unicam obstructionem causam febrium putridarum statuisse, nam *xj. Meth. cap. 10.* dum persequitur methodum curandi febres putridas, hunc servat ordinem, primò febrem considerat, dein putredinem, demum prohibitam transpirationem, tandem ultimo obstructionem, à qua principium curandi facit, ita ut prædicta ex sententiâ *Galenus* sese mutuo consequantur. Verùm ut docet *Hercules Saxonia*, *Galenus* non de qualibet febre putridâ agit, sed de ea quæ fit in vasis communibus, quæ solet esse ab obstructione pororum cutis: Vel dicere possumus *Galenum* locis citatis agere de putredine humorum, quæ fit non ab externâ causâ, sed ab internâ, quæ sine obstructione non solet fieri, nam à causâ externâ & procatartica putredinem in humoribus posse excitari idem nunquam negavit, & argumenta supradicta clare ostendunt, sic ex aëris putridi inspiratu fit pestilentia. Rectè distinguit *Valles*. prohibitam ventilationem ab obstructione, quod illa sine hac esse possit, corpus liberè non perspirat, non tantùm quia obstructæ viæ sunt, sed etiam quod facultas gravata est, aut arteriæ duræ vix possint dilatari, unde in plenitudine ad vires fit putredo, interdum sine obstructione, sed nunquam sine prohibitâ ventilatione, nisi à causâ externâ contingat.

Tertia  
causa.

V. Tertia putredinis causa sunt excrementa in corpore genita. Generari



nerari autem solent per cruditates, & corruptas alimentorum coctiones, ut diximus capite *de Ephemera*: fiunt autem cruditates *tertio de symptomatum causis*, propter imbecillitatem facultatis concoquentis, propter ipsius alimenti vitium, & propter errores externos: Imbecillitas facultatis vel partium intemperies, vel earum morbos organicos sequitur, non enim tantum à temperie, sed etiam à conformatione organica concoctio procedit. Sed vitio alimenti sit cruditas secundum *Galenum & Avicennam*: *primò* propter pravam ipsius alimenti substantiam; *secundò* propter quantitatem quæ consideratur vel absolute & simpliciter quoad vasa, ut in belluonibus, vel ex viribus assumentis æstimatur. *Tertiò* propter malam qualitatem, quæ duplex est, vel quia alimenta facile naturâ suâ corrumpuntur, ut fungi, cucumeres, lac; vel quoniam etsi naturâ suâ sint bona, tamen ob quandam putredinem aliunde acquisitam noxia evadunt, ut triticum, hordeum, omne denique alimentorum genus, quæ aut à primâ statim generatione, aut temporis diuturnitate, aut ob malam repositionem vitium potest contrahere. *Quartò* ob malam præparationem. *Quintò* ob malum usum in tempore assumendi & ordine. In tempore quidem, ut si cibo nondum concocto, novus assumatur; In ordine vero si adstringentia ut ciconia, fructibus horæis, lacti, aliisque quorum substantia facile corruptibilis est, præmittantur. *Avicenna* septem causas putredinis recenset; *primò* alimenta natura sua prava, *secundò* quæ facile corrumpuntur ut lac, *tertiò* quæ nimis sunt humida, ut horæorum fructuum omne genus, *quartò* quæ nimis frigida ut cucumeres, *quintò* quæ male præparantur, *sexid* quæ præposterè, *septimò* quæ malo & inverso ordine sumuntur, quæ optimè *Galeno* consentiunt à quo sunt desumpta. Cruditates denique fiunt propter errores externos, referri autem debent ad usum sex rerum non naturalium, quæ quomodo putredinem producere possint capite de causis febrium abundè diximus. Sed *Galenus* non vult ab ejusmodi excrementis, quantumvis in corpore abundant febres induci, si nulla in visceribus sit obstructio, & libera sit corporis perspiratio, at si obstructio contigerit, aut habitus corporis adstringatur febris succedet. Itaque iis qui malis humoribus sunt referti, si in tempestive laborent, aut temere balneo usi sint, aut pororum cutis obstructi contingat, facilis erit lapsus in febres, siquidem corrupti humores ex his causis magis ac magis accenduntur, & fuligines in corpore retinentur.



## CAP. I V.

## De differentiis febrium putridarum.

**D**ifferentiæ febrium putridarum sumuntur ex Galeno à tribus, Primò ex eo quod causa ipsius putredinis adsunt, vel absunt, Secundò à loco, quòd per totum corpus, aut in aliquà tantum parte sit putredo; Tertio quatenus cum phlegmone aut citra hanc febris solitaria consistit. Nos autem eas desumemus vel à materia quæ putrescit, vel à loco in quo putrescit, de utrisque autem magnæ sunt difficultates.

Differen-  
tia à ma-  
teria.

À san-  
guine.

À pitui-  
ta.

À melan-  
cholia.

À bile.

\*  
Galeni  
refutatio.

II. A materiâ putrescente differentiæ quatuor sunt secundum quatuor humores corporis nostri; & primum sanguis putrescens febrem procreat sanguineam, etsi id neget Galenus referente Avicennâ, ut dicemus capite proprio. Quidam referente Tralliano putarunt solam pituitam putrescere, est enim humor crassus, viscidus ad putredinem & obstructionem maximè comparatus, unde videtur illi nomen datum ὀνὸς φλεγμῶν ab ardendo quod facile inflammetur; at hæc opinio Iudicio Tralliani absurda est, ulteriorique non eget refutatione, nomen siquidem illud phlegmatis pituitæ datum per antiphrasin, tantumque abest ut à pituitâ febres omnes generentur, cum ut ex rei veritate docet Fernellius, rarissima sit exquisita quotidiana, quæ bilis aut alterius humoris mistione non constet, humor enim ille frigidus non facilè concipit incendium, sed in senibus & summa hyeme plurimam bilem pituitæ admistam cernere licet. Alii eodem referente negarunt à melancholiâ febrem ullam generari, humor siquidem est frigidus siccus, utrâque qualitate putrefactioni adversus. Verum ii non advertunt melancholiam talem dici respectu aliorum humorum, etsi revera sit humor calidus & humidus. Demum alii probabilius voluerunt à sola bile putridas febres excitari, ut idem author est, cum febris sit affectio calida sicca, sicut bilis. Hippocrates libro secundo de Nat. hominis disertè omnes febres fieri ex bile pronuntiat. Est enim pinguior sanguinis pars secundum Galenum accensioni aptissima. Sed hanc sententiam Galenus ut falsam rejecit, partemque hanc libri spuriam censuit, præfertim quod σρωχῆς nomen veteribus inusitatum ea contineatur. Probabiliter tamen putat Mercurialis in variis lectionibus, bilem reliquis addi



addi humoribus, tanquam sulphur ut accendantur, & sanè paucissimæ febres adsunt, quin bilis peccare cernatur, in quotidianis, quartanis, continuis, intermittentibus bilis putrefactio communis adest, rarò enim exquisitæprehenduntur, imò fermè nunquam, si enim tertiana ipsa quæ à bile est, legitima rarissimè cernitur, quid de cæteris sentiendum? Hanc autem fuisse legitimam Hippocratis sententiam ostendere videtur aphorismus 42. lib. 7. *Si febris non sit ex bile, calida capiti superfusa solutio sit febris*, quem aphorismum Galenus explicasse non videtur. Hippocrates igitur balnea præscripsit febribus quæ non sunt ex bile, quales sunt diariæ & hecticæ, aliàs falsa erit ejus sententia, si quidem & iis quæ sunt à pituitâ & melancholiâ non magis convenit balneum, quam biliosis. Voluit igitur per febres à bile intelligere omnes humorales, quas libro citato dixit fieri omnes ex bile, ita ut hic sit sensus, balnea convenire omnibus febribus quæ non sunt humorales, quales sunt diariæ, hecticæ, & omnes quæ fiunt ex lassitudinibus, exustione, frigiditate, cutis pororum coarctatione & obstructione. Attamen fieri à sola bile repugnat experientiæ, quæ demonstrat urinis, dejectionibus, vomitu, sudoribus, non solam bilem, sed & alios humores excerni. Idem ostendunt causæ efficientes quæ sæpe alios à bile humores, ut pituitam & melancholiam generant, cumque omnia putrescere possint, unde & qua ratione cæteris humoribus putredo & calefactio denegabuntur. Demum rigor, horror, refrigeratio, pulsus, urina, diversitatem humoris febribis arguunt, ut ex speciali doctrina patebit. Hippocrates ipse 2. de morbis clare dixit fieri à pituita. *Si bilis (inquit) & pituita incaluerit, totum corpus incalcescit & vocatur febris, incalcescit autem intus quidem à cibis & potibus quibus increfcit & augetur, Extra verò à laboribus & vulneribus, & à calido calefaciente, à frigido refrigerante, item à visu & auditu, sed ab his minimum.* Hinc colligimus omnes humores corporis nostri putrescere posse & febres accendere.

III. Argenterius autem non sine ratione addidisse videtur febrem *Ex sero.* ab humore seroso putrefacto & corrupto, quam vult esse synochon, cum enim serum putrescere queat, cur febrem non pariet, sic docet experientia multas febres sanari eductis humoribus serosis, detractoque sanguine multus humor aqueus supernatare cernitur, in quo solo febrem reponere oportet, cum nullus alius videatur labefactatus, ipseque sanguis purus appareat. Id ostendunt febres hydropicorum, quæ non ab alio quam à seroso humore fieri possunt, febrem hanc synochon



nocho non esse putat, quia enim serum in vasis putrescit erit continua, & quia humore bilioso, pituitoso, melancholico non fit, nec erit quotidiana, nec tertiana, nec quartana, synochos igitur sit oportet. Si respondeamus serosum humorem non facere febrem à prædictis distinctam, cum unusquisque humor suum habeat serum, febris à bilioso sero erit tertiana à melancholico quartana, ita instat *Argentarius*, febris hydropicorum ex aquoso humore nascitur, qui nec est serum bilis, nec melancholia, nec pituita, sed merus aquosus humor, præterquam quod maximè dubium est an serum unius humoris ab altero distinguatur, ut in *Physiologia* diximus, & lib. de usu lienis.

*Dubium.* i v. Sed hic quoque dubitatio maxima sese offert, cum diversi sint humores sub eodem genere comprehensi (ut bilis quædam est pallida, flava, æruginosa; melancholia vel simpliciter talis, vel atra bilis) an febres quæ ex his nascuntur sint ejusdem generis an diversi. Respondeo febres has ad idem genus referri, quod ostendit purgatio, sic rhabbarum bilem educit quæcunque tandem illa sit, cumque omnes isti humores sint ejusdem speciei, accidentibus tantum differant, ideò febres quæ ab his oriuntur, non specie, sed accidentibus discrepabunt, ut longitudine, brevitate, malignitate, benignitate, & cæteris. Et si, ut obiter dicam, in hac humorum doctrinâ quædam sint dubia, cum ad idem genus res omnino diversæ referantur, ut bilis atra ad melancholiam, cum quâ nihil habet præter nomen commune, & ad bilem potius referri debeat, à quâ tantum secundum magis & minus distinguitur. Statuendum itaque humores omnes in corpore putrescere. Ideo *Attalus* & *Athenaus* voluerunt omnes febres esse putridas quos *Galenus* non refutavit, excepit tantum Ephemeræ, quin etiam spiritus ipsi corrumpi possunt, quidni humores?

*Differen-  
tia ex lo-  
co.* v. Differentiæ à loco in quo humores putrescunt sequuntur explicandæ de quo non parva est tum inter veteres, tum inter recentiores altercatio. Quidam enim ait *Trallianus*, non continuas modo, sed etiam intermittentes fieri voluerunt ex humoribus in vasis putrefactis, à continuis non loco, sed humoris & quantitate & qualitate differentes, quod in continuis multus, crassusque humor subsit in intermittentibus tenuior, quique in summam cutim efferri facilius possit. Probari potest hæc sententia primò urinæ februm intermittentium coctionem & cruditatem demonstrant, at urinæ tantum significant humores qui sunt in venis, est enim urina serum eorum qui in venis sunt.



sunt humorum. *Secundò* sanguis extra venas concrefcit, in venis ergo tantùm putrefcet. Sed si hæc opinio vera effer, nulla poffet reddi ratio rigoris illius qui febres intermittentes præcedit, concludi enim venis humores, & coërciti nullum rigorem excitant. Itaque si sanguis concrefcit extra venas, non dubium tamen quin quoque poffit putrefcere. Si urinx fpectantur id tantum ad caufæ antecedentis difpofitionem inueftigandam & cognofcendam fit, non ad conjunctam, quæ fingulis paroxyfmis evacuatur, ut inferius dicemus.

vi. His alii aduerfantur qui femper extra venas humores putrefcere volunt, & in ventre, *primò* quod illic generentur lumbrici, *fecundò* quod excrementa etiam in fanis illic putrefcere foleant, *tertiò* quod unico vomitu, aut alvi defectione, febres integrè fuerint folutæ. Alias rationes addit *Iouertus paradoxo tertio*. *Quartò* ergo fic probari poffit hæc opinio; in locis propriis cuncta conferuantur ex Aristot. 4. Phific. fed venæ funt loca propria humorum. *Quintò* omnis putredo eft cum foetore, in venis nullus foetor, ergo in iis nulla putredo. *Sextò* humores putrefcunt, vel quia pauci, vel extra proprium locum funt, vel non moventur, vel funt in loco angufto, at humores in venis nullam habent ex prædictis conditionibus, non igitur ibi putrefcunt. At ex hæc fententiâ fequitur febres omnes effer intermittentes, nullas continuas, nifi quæ effer fymptomaticæ. Et fupradictarum rationum facilis eft folutio, *Iouerti* quidem rationes funt leviffimæ, fed quæ ex *Tralliano* fuerunt relatæ paulò validiores videntur. Et quidem prima ratio adeo difficilis eft, ut in illâ folvendâ plurimi fuerint hallucinati, fiquidem *Mercurialis* refpondet vermes non ex qualibet putredine gigni, fed tantum ex humoribus crudis & craffis putrefcentibus, quales inveniuntur in inteftinis, fed hoc nihil ad rem, nam in venis ejuſmodi humores adfunt, at in iis non funt lumbrici, unde nullus unquam vilus eft excretus per urinas, ait *Trallianus*. *Capivaccius* vero refpondet animalia non poffe generari nifi miftum putrefcens paulatim putrefcat, at in venis humores repente corrumpuntur, quæ refponſio dubio innititur fundamento, quaſi vero humores non poffint pederentim & fenſim corrumpi in vaſis concludi. *Saxonia* paulo veriùs dicit non effer neceffarium ex omni corruptione fieri vermem, nam vinum cum mutatur in acetum corrumpitur, & tamen vermis non generatur, fic non femper, cum pomum aut pyrum corrumpitur, fit vermis. Præterea inquit mutationem humoris in pus in febribus falutaribus refpondere genera-

M

tioni

*Secunda opinio.**Ratio prima.**Secunda.**Tertia.**Quarta.**Quinta.**Sexta.**Solutio.**Prima.*

\*

*Opinia**Mercurialis.*

\*

*Capivaccius.*

\*

*Saxonia.*



\* tioni istius vermis, in febribus autem lethalibus putredinem tantam  
 esse ut ex ea nullum animal generare queat, quæ solutio plurimos er-  
 \* rores continet, supponit enim pus generari in febribus, cum sedimen-  
 tum non sit pus, etsi puri generatio ipsius respondeat, deinde vermis  
 fit per absolutum interitum missi putrescentis, cum calor extraneus  
 \* mistum omnino corrumpit, pus autem & sedimentum fiunt naturâ  
 vincente & superante putredinem. Igitur respondendum puto anima-  
 \* lia non generari in venis, quia putredo quæ in illis fit non potest esse  
 solutio. totalis, sed tantum secundum partem, ut diximus capite primo hu-  
 jus libri, non possunt enim fieri vermes nisi per mutationem formæ  
 humorum in formam animalis, quod ingentem arguit putredinem,  
 qualis vivo animali non fit in venis. Cur verò non fiat, hanc esse ra-  
 tionem puto, quia in venis humores non possunt ita putrescere ut  
 omnino destituantur à calore nativo, adest enim calidum nativum  
 perpetuò in illa materia putrescente & prohibet mutationem totalem  
 humoris in animal: Apparet autem adesse quia natura assidue moli-  
 tur coctionem humoris illius morbifici, in ipsis etiam morbis lethali-  
 bus, in quibus esse id semper non assequatur, tamen humorem illum  
 nunquam deferit, nisi simul extinguatur homo, sequitur enim mors  
 ubi humor morbificus calorem nativum expugnavit, in intestinis ve-  
 ro putrescens humor à calore omnino relinquitur, quia nulli usui cor-  
 pori esse potest, propterea generari illic solent lumbrici. Sed *Renodæ*  
 diligens *Pharmacopœæ scriptor*, refert vidisse se è brachii vena secta  
 unâ cum sanguine vermem palmam longum emissum *libro tertio de ma-*  
*ter. medic. capite. 33.* Ad secundam Respondeo non in intestinis tantum,  
 solutio. secunda. fed etiam in venis posse putredinem fieri. Sed tertia ratio eo diffici-  
 Tertia. lior solutu videtur quod arduam illam quæstionem tangat de sede fe-  
 brium intermittentium, de qua postea agemus, nunc autem dicere  
 possumus, rationem hanc non probare nunquam in venis fieri putredi-  
 nem, sed tantum eam fieri interdum in alvo & præcordiis, quamvis  
 etiam dicere possumus putridos humores è venis tum à naturâ pellen-  
 te, tum à pharmaco attrahente educi, ut apparet in febribus continuis.  
 Quarta. in quibus his vacationibus febres solvuntur. Ad quartam Respondeo,  
 locum servare locatum, quamdiù nihil vitii accedit aliunde, aliàs vir-  
 tus loci nequit prohibere putredinem, Aer, aqua, omnia denique in  
 Quinta. suis locis corrumpuntur, ut docet experientia. Quinta ita satisfiet, fœ-  
 torem omnem sequi putredinem, sed non contra omnem putredinem.

comi-



comitem habere foetorem, vinum in acetum mutatur sine foetore; putredo tantum quæ magna est & ad totalem accedit, solet esse cum foetore, aliquando tamen humores etiam foetent, ut ex urinis & sudoribus percipitur, ex quibus magna putrefactio & cruditas indicatur, prævalente etenim coctione foetor omnis tollitur. *Sexta* autem ita *Sexta.* occurrere possumus, primo non esse sufficientem enumerationem causarum putredinis, nam his servatis conditionibus ab aliis causis præter naturam excitari posse putredinem, de quibus superius à nobis dictum: *Secundò* dicere possumus in venis posse humores esse paucos, extra locum proprium, & in loco angusto ob prohibitam transpirationem, ob quam febres fiunt continuæ. Instabis humores *Instantia* finceros non putrescere, sic in tumoribus legitimis non fit suppuratio, erisipelas purum non suppurat, quæ ratio quibusdam insolubilis visa est; Dicimus tamen ex ea non sequi humores nunquam putrescere, nam videmus & cancrum & erisipelas ulcerari, quod fit ab humorum putredine. Aliud autem est suppurari, aliud putrescere, suppuratio etenim non est putredo, & non convenit omni humori, sed tantum sanguini, putredo autem alijs accidere potest humoribus, etsi non suppuratio, unde aphorismus erisipelati suppuratio succedens malum.

VII. Concludendum igitur est putredinem fieri vel in venis, vel extra venas. Si fiat in venis, fiunt febres continuæ, extra venas intermittentes. Continua duplex est, primaria quam parit putrescens humor in vasis majoribus inter alas & inguina fitis, symptomatice, quæ *Conti-* visceris partisve putredinem quasi comes insequitur, hac referri *nua.* potest ea quæ ex vasis partium determinatis oritur, ut causas ex *Galeo 4. acut. com. primo*, tum quæ ex jecoris, lienis, alteriusve partis erisipelate & phlegmone principium ducit. Si quispiam quærat quomodo *Quæstio.* differat febris ex bubone diaria, à putrida quæ ab eadem causâ profiscitur, Responderi poterit ex *Galeo* in diaria putridam fuliginem ad cor non ascendere, contra in putrida, corruptus vapor ex putrescentibus humoribus in cor exporrigitur. Sed cur in uno bubone putridus vapor conclusus maneat, in alio vero ad cor transmittatur, nulla videtur esse ratio, cum idem sit locus effectus, eadem viæ in utroque affectu. Quare rationem aliam reddit *Argenterius*, quod scilicet *Solutio.* putrida illa fuligo non gignatur in bubone eo, qui facit diariam, sed tantum adsint vapores fervidi, minimè putres, cum non putrescat ejus-



modi bubo, sed solum calor accendatur in sanguine sicut in venis fit ephemera ex sanguinis mero fervore, non mirum igitur si ab ejusmodi bubone diaria, ab alio verò putrida procreetur, quia putridum putridam solet gignere, calefacit vero quæ calefaciendi vim habet, & de hoc aliquid diximus *capite de diaria*: fit etiam symptomatica, cum sensim & lente humor in dictis visceribus putrescit, & fit continua lenta quæ diuturna esse consuevit. *Putrida* febris, continua & primaria, species sortitur ex vincentis humoris naturâ. Si enim massa sanguinaria accenditur, synochus fit putris: Si plus bilis quam cæterorum humorum continet, facit continuam tertianam, sic ex pituitâ quotidianâ, ex melancholiâ fit quartana. Est autem continuarum omnino genus duplex, unum earum quæ ab initio ad finem perseverant sine ullo excandescentiæ ordine, ut synochus putrida & caufos; alterum earum quæ etsi nunquam intermittant, remittunt tamen, ut tertianæ, quotidianæ, quartanæ continuæ. Earum quæ nunquam exacerbantur materia est in venis cordi proximis, & vasis majoribus, quæ inter alas & inguina excurrunt, inter quæ vasa, pulmonis, uteri, ventriculi continentur, ac proinde cor assidue pari vehementiâ fatigat. Reliquæ vero causam habent in venis aliquantulum distitis, ex quibus putredo pari impetu in cor assidue ferri nequit. Est autem continuarum frequentissima tertiana, rara quotidiana, rarior quartana continua; sanguis enim pituitosus & melancholicus quia frigidus ægrè accenditur, neque hinc febris vehemens, sed lenta excitari solet, quæ fere etiam inordinata evadit. Atque hæc est series febrium continuarum, quarum causæ ex superioribus satis patent; sunt enim continuæ, quoniam humor putrescens venis coercitus, non potest diffilari & dissipari ob obstructionem cutis, ideo assidue vapore cor fatigat propter continuitatem venarum & arteriarum cum corde. Sed dubium est cum humores omnes sint in venis simul permixti, qui possit unus seorsim putrescere intactis aliis. Respondent quidam id fieri ob materiæ dispositionem, ut si quis simul cum aquâ & lapidibus bitumen sulphurque permisceret, ignis ejusmodi miscelam corripiciens, sulphur primum, deinde bitumen accendit, intactis lapidibus, quia non sunt dispositi ad suscipiendum incendium. Vel ut vult *Rondelet*. quando aliquis humor aut ex victus ratione, aut aliis de causis exuperat, febrem facere potest aut tertianam, aut quotidianam, aut quartanam, etiam si unâ reliquæ partes sanguinis putrescant, sed quia major est copia bilis, febris biliosa

*Dubium.*



liosa apparet, & motus manifestos habet cholerae putrescentis, eademque ratione quotidiana & quartana generari solet, nullus enim purus, sincerusque humor est in corpore nostro, sed ab eo qui exuperat & vincit febres denominationem sumunt. Vel cum aliis dicere possumus humores in venis esse distinctos per proprias formas, per proprios situs, per proprios motus, & ita horum cuilibet habet proprium temperamentum, quod amittere potest, etiam si alter humor resistat, & conservetur, quod mihi videtur dubium, ut postea explicabimus.

118. Intermittens febris alia simplex est, alia composita, alia *Intermittentes.* confusa, simplex ab uno humore seorsim putrescente generatur, ut quotidiana ex pituita, tertiana ex flava bile, quartana ab humore melancholico fit. Confusa non ex humore sincero, sed ex multis uno extra majores venas loco conclusis, pariterque putrescentibus emergit, qualis est tertiana notha ex bile & pituita simul corruptis. Composita febris ex multis implicitisque fit intermittentibus aut continuis, ut tertiana duplex, quartana triplex, hæmitritæos quæ ex quotidiana continua & tertiana intermittente constat, hic ut variae sunt febres, ita & humores sunt varii, non uno eodemque loco conclusi, sed seorsim putrescentes. Causa autem cur humor extra venas putrescens febrem faciat intermittenter, ea est, quod putridus humor consumitur & expurgatur; tunc abit paroxysmus, donec rursus nova materia putrescente redeat, tandiu siquidem perseverat febris, dum humor aut ex toto consumatur, aut coquatur. Ideo in inflammationibus etsi materia sit extra venas continue tamen fit febris, quod humor tumore conclusus maneat, non expurgetur. Hanc autem euacuationem causam esse intermissionis ostendunt sudores, aut alvi fluxus quibus paroxysmus solvitur, quod si ejusmodi evacuatio non succedat, aut accessio prorogatur, aut in continuam degenerat, ob retentionem materiae, quotidiana in qua sudores paucissimi, non solet in perfectam desinere *διωπάζει*, & parvam habet remissionem, quæ solet tantum esse sex horarum. Causa igitur reditus paroxysmorum est humoris nova collectio in foco putredinis. Colligitur autem vel congestione, vel influxu; Congestio fit ex vitio partis in concoctione & expulsionem, unde necessario & generantur & cumulantur excrementa, quorum putredo postea febrem inducit; frequentior est fluxio, quæ est motus materiae ab una parte in aliam; fluunt humores attracti, vel transmissi, Attrahuntur calore, vel dolore. Calorem quidem attrahere experientia ostendit,



*Dolor an  
attrahat.*

dit. Dolor vero propriè meo iudicio non attrahit, sed potius est occasio fluxus humorum in partem affectam, nam natura ut dolentem partem tueatur, dolorisque causam submoveat, spiritus humoresque confertim transmittit, secundò pars ipsa dolens ab his incalcescit, unde postea propter calorem magis attrahit. Demùm ex dolore pars infirmatur, debilis autem pars etsi non attrahat, facillimè tamen excipit influentem quancunque materiam. Pelluntur autem humores à naturâ irritatâ illorum aut copiâ, aut qualitate; hic spectanda est tum pars mandans, tum incipiens. Pars mittens robusta esse debet & irritata, recipiens debilis & imbecilla; aut ad recipiendas fluxiones proclivis. Debilis est aut naturâ suâ, ut quæ rara est, laxa, mollis, ignobilis, nulli actioni insigni destinata, ut cutis quæ totius corporis emunctorium est. Proclivis vero ad fluxionem excipiendam ea est, quæ mittenti subjacet, aut cum ea connectitur, aut vias habet amplas & patentes quibus humores influentes admittat. His de causis fit nova humoris acervatio, ex qua redintegrari accessio solet, tamdiuque solet hic circuitus durare, dum plenè mala qualitas fomitis fuerit emendata. Naturales enim humores nunquam faciunt febrem, sed oportet aut eos corrumpi, vel malos subministrari, aut ipsius alimenti, aut partis vitio, quæ pravos suppeditet, aut bonos corrumpat, sicut fermentum massam totam alterat, & hæc est ratio cur sæpe in diversis temperamentis eadem febres, & in similibus variæ generentur, ut quartana in sanguineo & contra, non est enim necesse ut humores febrem intermittentem facientes prius adfuerint in venis, sufficit si quotidie ex novo succedente alimento generentur. Pariter videmus unum idemque alimentum in diversis ventriculis amarescere & acescere, potius igitur attendenda est conditio causæ humores corruptentis aut generantis, quam ægotantis natura & temperies. Sic videmus ex morfu viperæ corrumpi humores & verti in æruginem, ex scorpionis vero morfu alio modo alterari. Spectanda igitur præcipue est vitiosa illa dispositio partium quæ humores alterat instar fermenti, & in suam naturam deducit, ita ut in quibusdam omnia faceffant in bilem, in aliis in pituitam: fomitem hunc in quotidianâ esse in ventriculo, in tertianâ in hepate, in quartanâ in liene voluit Galenus, *Fernelius* etiam in præcordiis generaliter, in mesenterio, pancreate, in quibus humorum confluit colluvies. *Paracelsus* vult esse in stomacho, hepate, & renibus, sed male, renes enim non alterant humores, sed recipiunt, & expurgant

*Cur in  
pituitosis  
fiant fe-  
bres bilio-  
sæ & con-  
tra.*

*Fomes.*

*Paracel-  
sus refel-  
litur.*

\*







\*  
Tertia  
ratio.

mi non semper adest in febribus, & quando adest per sympathiam concitatur. Sed *tertia ratio* validius pugnat adversus opinionem *Galenii*, etsi *Iouerti* sententiam non probet. Si humor putresceret juxta cutim facilius foras exhalarent vapores per cutim, quam cor peterent, habent enim poros obvios & proximos. Et sanè fatendum est non semper in habitu corporis putrescere humores, sed & etiam in præcordiis ut voluit *Fernelius*. Respondere tamen possumus non esse necesse humores per cutim exhalare, potius quam in cor ferri cum facilius petant cor, quam dissipentur, cum venæ sint ampliores ductus, per quos vapor potest in cor subire, per cutim autem facile non potest, donec à calore attenuatus in sudores abeat. Opinio autem *Iouerti* refellitur ex rigore, nam *febrem ardentem rigor superveniens solvit*, Item quibus quotidie rigores sunt, quotidie febres solvuntur. Solvantur autem quia materia abit in sudores, aut per insensilem perspiratum dissolvitur, emittitur igitur ex venis, & propterea non est in corde.

Alia opi-  
nio.  
Prima  
ratio.

x 1. Sed validius pugnant alii, & probant intermittentium causam esse in venis. *Primo* Ergo quæritur, an materia febrium intermittentium quæ appellatur è venis, putris fuerit ante expulsionem an non? Si non putrescit, quid naturam cogit ad expulsionem, si vero putrescit febris aderit ante principium rigoris & *in Causis*. Respondere possumus non putrescere quidem in venis, sed à fomite pravam quandam acquirere qualitatem, quâ disponitur ad corruptionem, ob quam irritata facultas expultrix venarum insurgit ad expulsionem materiæ istius noxiæ & alienæ. Et *Galenus lib. 2. de symptom. causis cap. 5.* quæritur in accessionum vigore non permanent horrores & rigores, id inquit fieri quia à calore frigus superatur, cum enim humores putrescunt & incalescunt, frigus abit & rigor, unde ex sententia *Galenii* colligi posse videtur humorem non esse putridum in ipso rigoris insultu, sed putrescentem. Præterea non omnis humor qui novum creat paroxysmum, ex venis ad fomitem mittitur, sed sæpe ex alimentis & potibus assumptis succrescit, sic aquam bilefcere protulit *Hippocrates* & corpora impura quo magis nutries eo magis lædes, quia corrumpitur alimentum, & in humorem noxium facescit. *Secundo* objiciet si non putrescit in venis, cur indicia fumimus ex lotio, cum urina index sit humorum venis contentorum, si dicamus lotium tantum indicare materiæ dispositionem ad putredinem, quia fovetur putredo ab interno partium vitio, instari poterit ex *Galeno 2. de diff. feb. hypostasin esse veluti cinerem*

Secunda.



rem à putredine relictum quæ sit in venis. *Tertio* frustra Medicus uteretur aperientibus internas obstructions, si humor sit in habitu corporis, *Quarto* nulla esset ratio cur vena in febribus sit secanda, sufficit si quidem meatus externos aperire per quos libera fiat totius corporis perspiratio. Sed ad hæc respondemus hypostasim observari, venam secari, obstructions aperiri, ratione materiæ antecedentis quæ est in venis, tum quia fovetur putredo ab interno partium vitio, à probâ si quidem viscerum temperie humores probi, ab improba & vitiosa corrupti generantur. *Quinto* humores crassi ut pituita & melancholia non videntur tam facile, aut tam citò excuti posse ex venis, & subire angustos meatus partium solidarum. Dicendum istos humores expelli posse à facultate partium robustâ, ut ostendunt dolores articulares, quos pituitosus humor procreat, crassities autem expeditam ac facilem expulsionem remoratur, sed eam non tollit, propterea in quartanis & quotidianis longum esse solet paroxysmi principium, quia humor crassus ac lentus non ita facile ex venis expellitur, & extruditur. *Sexto* cur in tertianis omnibus non sit lassitudo ulcerosa, sit enim ea lassitudinis differentia à bile per carnes dispersa, tum cur ex pituitâ in quotidianis non attollitur habitus in cedematosum tumorem. Sed hæc ratio non est magni momenti, nam in tertianâ exquisitâ lassitudo ulcerosa fieri solet, in nothâ autem ob missionem pituitæ sit rigor mitior, unitiorque lassitudo. In quotidianis non intumescunt partes, quia calor febrilis in flatum resolvit ejusmodi humorem, quin etiam expanditur per universum corpus, & dissolvitur à calore febrili. Concludimus igitur febrium intermittentiam materiam putrescere extra venas non in venis. Facultas robusta expellit humorem noxium ex majoribus in minores, & ab his in corporis habitum, ubi putrescens emissis in cor vaporibus febrem accendit, donec dissipato eo humore cesset, novoque succrescente redintegretur. Sed quæret aliquis an in ipsa carne, an in venis capillaribus humor ille contineatur. Esse intra venas ostendit solutio, solvantur sudore, sudor per insensiles cutis meatus profuit, in quos desinunt extrema venarum & arteriarum. Reverâ tamen in carne est, extra capillares, nam si materia biliosa tantum à magnis venis in parvas pelleretur, cur rigorem excitareret, sit enim ex materiâ delatâ per partes sensiles, venæ autem majores non magis sentiunt quam minores. Inciperet igitur sine rigore febris; deinde cur in erepselate non sit rigor, defluit enim in minimas venas humor biliosus

N

liosus



liosus sicut in febribus. Pori autem cutis non sunt tantum venarum & arteriarum spiracula, sed etiam horum plurimi in spacia cutis desinunt. Observavit *Hugo Senensis* febres putridas quarum materia primum putrescebat intra venas, antequam expelleretur, in quodam *Renaldo*, qui febricitabat sex horis antequam rigor & frigus succederent, quibus venientibus sudabat, & à febre liberabatur. Impossibile non videtur in venis fieri putrefactionem, humoremque singulis accessionibus evacuari, antequam novus paroxysmus succedat, si humor fuerit paucus, tenuis, parum viscidus, virtus robusta, obstructio non magna. Rationem prædicti casus affert *Hugo*, quia natura materiam quam agitabat ob crassitiem expellere non poterat, unde putrescebat in venis, ita ut paroxysmi pars prima penderet à materiâ in venis minoribus contenta, sequens autem pars à materiâ extra venas, quod non magis absurdum est, quam quando in crisi sudor contingit. Hæc *Hugo* quæ satis consentanea sunt experientiæ, vidi febres quæ statim à rigore solvebantur in sudores.

x i i. Sed *Fernelius* hanc opinionem quoque improbat, quâ diximus humores putrescere in habitu corporis, statuit enim ille tantum eos putrescere in præcordiis, in intimis visceribus, circum pancreas, mesenterium, omentum. Cui sententiæ assentitur *Alexander Trallianus* refert enim quosdam putasse febres fieri in ventre propter vermes, fœtores, putredines, quæ illic fieri solent, interdum & sæpe per vomitum febres integrè fuerunt sublatae, interdum per unam solam sorbitionem vel injectionem, unde concludit ventrem esse sedem febrium, & aliorum morborum sæpissimè. Nuper habebam ægrum præ manibus tertianâ laborantem, cujus paroxysmi non per sudores, sed per alvum solvebantur, quod me in ferneliana sententia confirmavit. Cum enim alvus sit sedes multorum morborum ob colluviem putridorum humorum, cur non etiam febrium intermittentium? Id probari posse videtur ex vomitu excitato in principio paroxysmi, & experientia ut diximus confirmat purgatione bilis porraceæ & aruginosæ per secesum & vomitum multas febres curari, unde verisimile fuit contineri illarum causam in partibus ventriculo & in testinis proximis. Respondent quidam in principio intermittentium per rigores retrahi humores & calorem ad interna, interdumque ejus portionem quandam fuisse per vomitum evacuatam, dein tandem superante calore extrudi eam in habitu corporis: Quod si purgationibus per alvum curata

rata



rata febris fuit, id factum ratione causæ antecedentis, quâ evacuatâ antequam paroxysmum faceret, febris desierit. Sed cum in principio accessionis materia febrem statim factura contineatur in præcordiis, ut vomitus ostendunt, quomodo se tandem expandet in habitum corporis, & per quas vias?

XIII. Hæc difficultas adeo valida visa est *Herculi Saxoniæ* ut novam sequutus sit sententiam à prædictis diversam *cap. 7. libri de febribus*. Ait enim materiam febris in principio, augmento & statu paroxysmi esse intra venas. *Primò* quia urinae demonstrant coctionem intermittentium non minus quam continuarum, quod tamen negaret capite sexto, & nos jam illud argumentum nullius esse ponderis ostendimus. *Secundò* id probat ex naturâ paroxysmi in cujus principio moventur humores ad centrum, in augmento recedunt à centro, in statu vergunt ad peripheriam, sed in declinatione evacuantur per corporis habitum. Sed hic motus non potest fieri nisi per venas, cum febris in universum corpus per venas & arterias deferatur. Igitur illo tempore continetur in venis. Concedit tamen aliquam partem materiæ morbificæ ad partes sentientes fieri, aliter nullus fieret rigor: Demum, *inquit*, hanc materiam nunquam esse simul totam in venis acervatam, sed transmitti de parte in partem ut de liene in jecur, in declinatione verò moveri ad habitum, sicque febrem solvi. Sed hæc ratiocinatio omnium falsissima videtur, nam vomitus in paroxysmis contingentes ostendunt materiam non esse in venis sed extra illas. Demum si vera esset humorem tantum mitti ad corporis habitum in declinatione, necesse esset rigorem tunc contingere, eâdem ratione quâ fit rigor cum humor febrem ardentem faciens in habitum corporis transmittitur, at nullus in declinatione rigor apparet, omnis est in principio accessionis. Et propterea dicendum veram causam conjunctam febris esse in præcordiis, nec per venas expandere sese in corporis habitum, sed per alvi fluxum solvi febrem posse.

XIV. *Fernelii* autem opinio non est absolutè & universaliter vera, nam sicut fatendum est posse humores putrescere in præcordiis, ita negandum non est, idem pati posse in habitu corporis. Vult siquidem *Fernelius* in tertianâ intermittente humorem acrem in principio paroxysmi quasi impetu ferri in præcordiorum membranas. At cum membranae sint eximii sensus participes, si humor acris per eas feratur, non rigores modo & horrores, sed & dolores atrocissimos concitabit,

*Saxonia  
opinionem  
probat.*

*Objection.*



*Responsio.* tabit, videmus enim in intestinis mordere, pungere, erodere; sed eadem difficultas manet de habitu corporis qui est exquisitissimi sensus, cur in eo dolores atrocissimos non excitat, inflammationes, erisipelata; dicere ergo possumus humores acres pungere & erodere, molestumque sensum inferre, unde natura ad expulsionem insurgens rigores concitat, est autem rigor species quædam doloris, sicut & lassitudo, & quia sese in membranas non insinuat, sed suis tantum vaporibus eas afficit, non sunt erisipelata, nec inflammationes. Quod

*Objectio.* ergo obicit quidam nullius est pretii, cum similis sit putredo humorum in febribus & inflammationibus, ex Galeno 1. de dif. febrium, si humores putrescant in membranis, febres fiunt continuæ, non intermittentes, siquidem in abscessibus, dum pus fit, febres fiunt continuæ: febrem etenim fieri continuam necesse est quando materia non evacuatur, nec putredo cessat, antequam nova succedat, at in internis visceribus nihil deest eorum quæ putredinem & febrem producere possunt, scilicet adest humor lentus, crassus, copiosus, qui facile non digeritur, maxime circa præcordia, quæ publica sunt corporis sentina, in quam universi corporis influit colluvies, tum ob situm partis in profundo absumi commodè materia febrilis non potest. Fient igitur continuæ febres non intermittentes, cum tamen sæpius intermittentes videantur quàm continuæ. Non igitur in visceribus humor putrefieri posse videtur; sed pro *Fernelio* respondere possumus, prædicta tantum ostendere paroxysmos fore longiores, quod experientia ostendit, videmus enim tertianæ nothæ paroxysmum ad horas quadraginta interdum extendi, quod si humor esset in habitu corporis, juxta cutim & poros, cur citius non abit & tenuatur in sudores, dein non omnis febrilis materia crassa est, copiosa sed interdum tenuis & pauca, unde breves & leviores fiunt accessiones, nec loci situs profundior evacuationem prohibet cum patentes viæ sint per alvum, & universum corpus sit conflatile. In abscessibus autem fiunt febres continuæ, quod humor in partium substantiâ tumidâ putrescat, sed in febribus non corrumpitur in partium substantiâ, eas tantum alluit, & ab iis demum attenuatus expellitur, unde cessat paroxysmus.

*Objectio.* x v. His rationibus igitur non labefactatur *Fernelii* sententia. Ideo validiores addamus. Opinionem hanc falsam esse ostendit rigor, nam

*Solutio.* muscoli concutiuntur ut molestam quæ ex venis in ipsos expressa est materiam excutient. Sed respondet *Fernelius* se multiplici experimento



mento observasse concitari rigorem consentientibus partibus externis cum internis, ita epotâ confertim frigidior aqua rigere solemus, dum mingimus, dum vomituri sumus, dum acria extrema per intestina deiciuntur. Item suppurationem abscessuum in internis partibus solet præcedere rigor, ita ut nullum ex rigore depromi possit argumentum ad probandum materiam esse in habitu corporis, cum sæpe excitetur materiâ morbificâ in internis partibus existente, illicque commotâ, propter consensum omnium partium inter sese. Hæc *Instantia.* quidem in se absolutè vera sunt, si naturam rigoris spectemus, sed si ea quæ in febribus cum rigore conjuncta sunt consideremus validum inde argumentum deduci potest. Semper enim cum rigore in initiis paroxysmorum adest quidam sensus doloris seu lassitudinis, qui sequitur naturam humoris putrescentis; & cum hic dolor sit in musculis, illius causa alibi esse nequit quam in loco dolente. Ad hoc respondet Fernelius rigorem illum fieri non à materiâ in carnibus putrescente: sed à putrido vapore ex præcordiis in corporis habitum elato. Sed *Solutio.* contrâ si rigor hanc putrem evaporationem sequeretur, cum à principio accessionum usque ad finem continua fiat ejusmodi evaporatio, per totum paroxysmum protraheretur rigor. Sed hoc parum valet adversus *Alia Instantia.* Fernelium, quæstio enim erat de lassitudine, quæ interdum solet adesse, interdum non, & adest in continuis febribus in quibus omnis humor est in venis conclusus, nullus est in habitu corporis, & quando adest ejusmodi dolor, reverâ solet adesse per totum paroxysmum, fieri autem in intermittentibus sicut in continuis potest ex solâ evaporatione ex materiâ putrescente sublatâ, cur autem rigor cesset, in febris incremento & declinatione, rationem esse puto, quia venas subit humor putrescens, unde in continuis nullus adest rigor etsi perpetuò putrida adsit fuligo, quia venæ sensu carent animali; In declinatione verò nullus sit, quia per poros in extimam cutim desinentes in sudores humor dissolvitur, sic sudamus sine rigore etsi sudori nostro plurimum acris humoris admistum sit præsertim in cacochymis, & quando sudores arte provocantur, nisi sudor aëre frigido prohibeatur, tunc enim rigor succedere solet acris humore retento, aliâs quamdiu patens est corporis habitus nunquam ex sudore rigor subsequi solet. Dices febris ardens solvitur rigore & sudore, idem pariter de intermittentibus dicendum si è venis effluit. Sed Respondeo primò, in ardente habitum corporis fuisse obstructum, in intermittentibus vero pa-



tentem esse & apertum. Secundò in causa critica excretio fit cum impetu, & confertim, à natura omnem humorem simul & semel expellere conante, quod cum non possit, omnibus viribus contendit, inde rigor, in intermittentibus verò excludit sensim humorem, partem post partem, ideo nullus fit rigor. Hinc (quod docet Ferne- lius) urinam dum rigor hominem exercet videmus albam esse crudam, tenuem, quod humor intrò recedat potius quam extra expandatur, aliis autem accessionis temporibus crassior & coloratior evadit, quod in venas humor morbosus recipiatur, à quò sanguis calefit, & accen- ditur, febris enim procedit in univèrsum corpus mediante spiritu ac sanguine, ait *Aricennas*.

*Conclusio.* x v i. In hac quaestione hactenus mihi non satisfeci, tantum ab-  
\* est ut aliis satisfacere me posse confidam. Probabiliter tamen dicen- dum puto humorem febrilem interdum esse posse in corporis habitu, in febribus brevissimis & levissimis, frequentius tamen esse in præcor- diis, omento, pancreate, mesaræo, ubi fomes adesse solet, ipsius *Galenii* iudicio, qui focum constituit splenem, hepar, ventriculum, ut ostendit dolor hypochondriorum, vomitus, cæteraquæ symptomata recensita, & summâ cum ratione quia minores venæ facile obstruuntur, tales sunt non in habitu corporis, sed etiam in visceribus & ventre in- feriori, qui est quasi totius corporis sarcina, humoribus plurimis ab- undat, & præterea minus perflatur, calore abundat & humore. Com- motus hic humor feriens præcordiorum membranas, rigorem horro- remque excitat, inde in venas assumitur, univèrsum corpus calefacit & accendit, ideo Natura insurgens ad illius expulsionem ipsum eva- cuat per sudores, aut alvi fluxum. Ita ut distinguendum sit inter lo- cum in quo generatur materia febris, & locum in quo eadem dum febrim actu procreat, continetur. Est autem fomes seu vitiosa illa diathesis duplex, ex *Galeno* 2. de diff. feb. proprium partis vitium super- fluos humores generantis, tum reliquæ humorum putridorum, *Sin- cerum nisi vas, quodcumque infundis acescit*. Verisimile enim non est, in- quit *Galenus*, nullam in partibus relinqui dispositionem in quibus hu- mores putruerunt. Et de his satis. Nunc duo supersunt explicanda;

*De longi- tudine & brevitate paroxysmorum.* Primum cur accessiones fiant longiores, aut breviores: Secundum quænam sit periodorum causa. Fiunt igitur paroxysmi ex *Galeno* 2. feb. cap. 3. longiores vel breviores, primò ratione materiæ, secundò ratione virtutis, tertio ratione habitus corporis & Materia frigida, cras-  
sa,



sa, lenta, multa, longas, contra calida, tenuis, pauca, brevis, facit accessiones, quod illa difficilior, hæc facilius concoquatur & expellatur, hinc est quod febris quotidiana in perfectam non desinat *ἀπυρεσία*, & tertiana notha diutissimè duret, ob humoris crassitiem. Facultas robusta breves facit paroxysmos, quod facilius à se humores noxios depellat, contra facultas imbecilla longiores. Pariter corporis habitus rarior breviores facit accessiones, densior longiores, nam per corporis raritatem humores facile vacuantur, sicut in denso & adstricto habitu retinentur, ad quas causas ætas, sexus, tempus anni, cæteraque ejusmodi faciliè referuntur. *Avicennas* autem quietem addidit humorum & sensum acutum partium, quæ ad supradicta referri facillimè possunt, nam quies humorum fit ob illorum crassitiem, multitudinem, visciditatem, aliasque causas. Sensus autem acutus ad corporis dispositionem refertur.

XVII. Ultimò restat periodorum ratio explicanda, est autem periodus ex *Galeno* ad *aphor.* 12. lib. primi *ἡ ἐν τῇ αὐτῇ ἡμέρᾳ ἐνέρῳσα*, si-  
milis ad idem reditus, aliis *ἡ ἐν τῇ αὐτῇ ἡμέρᾳ ἐνέρῳσα* ab eodem  
in idem motus. Author definitionum Medicarum definit periodum,  
tempus in morbis ex intensione & remissione constans. Duæ sunt  
igitur partes periodi intensio & remissio. Periodo continetur typus,  
qui est ordo intensiois & remissionis *ἡ ἐν τῇ αὐτῇ ἡμέρᾳ ἐνέρῳσα*, & *ἀνίσταται* febres  
enim quæ ordinem non servant in accessionibus, sunt erraticæ. Typi  
variè dividuntur, alii sunt primi, alii secundi. Primi sunt quando bre-  
vis est accessio, longa remissio, ut typi tertiani, & quartiani. Se-  
cundi contra in quibus longa est accessio, parva remissio, ut quotidia-  
ni. Alii sunt constantes, qui servant eandem horam, alii mobiles, qui  
diversis horis accedunt, suntque vel anticipantes, vel postponentes,  
anticipant si humores augentur, aut citius quam par est agitentur ut ab  
irâ, pharmaco, &c. postponunt verò, si humores imminuantur, cras-  
fescant, vel magis quiescant. Alii sunt simplices, alii compositi, sim-  
plices pertinent ad unicam tantum febris speciem, compositi ad plures,  
quando quotiadiani tertianis admiscuntur, variæque adsunt illorum  
complicationes, de quibus postea inferius agetur.

XVIII. Cum ergo periodicæ febres sint ordinatæ, quæritur quæ  
sit causa illius ordinis, cur bilis tertio die, melancholia quarto, pi-  
tuita singulis diebus moveatur. Quæ inquisitio cum valde sit diffi-  
lis parumque necessaria, breviter à nobis explicabitur. Quidam ita  
expli-



*Primæ  
opinio.*

explicant. Causa, inquit, interpolationis triplex est, prima quod humor velociter vel tardè putrescat. Secunda quia velociter vel tardè in loco putredinis colligitur. Tertia quia velociter vel tardè à loco putredinis expurgatur, quotidiana fit cum humor citius ob sui quantitatem colligitur, aut ad putredinem movetur; quartana quando humor tardius putrescit, aut ob paucitatem tardius colligitur, inter has mediam naturam servat tertiana; ex quâ sententiâ quilibet humor qualibet periodo moveri potest ratione copię aut paucitatis, & aliarum conditionum à nobis prius dictarum. Et forsitan in hac natura obscuritate, & humani intellectus caligine ad veritatem accedit maximè, etsi sit aliquomodo paradoxa, ut in fine dicemus. Quare ad alias accedamus.

*Opinio  
Concilia-  
toris.*

xix. Putat Conciliator causam periodorum referendam esse in Lunam, quæ videtur esse causa omnium circuituum, ut apparet in mari, menstruisque mulierum purgationibus, supponit scilicet menstrua mulierum à Lunâ regulari, cum nihil sit fallacius ordine illò menstruorum qui variari solet, accelerari, retardari pro humoris copiâ, dein omnes mulieres eadem die purgarentur saltem in una regione, cum illis sit eadem Lunæ phasis sicut in motibus suis constantiâ regitur admirabili, ita in morborum reditibus nulla per eam fieret differentia, at periodi ab ordine & cursu naturæ plerumque desleant, anticipantes vel retardantes. Ideo cum lunæ motibus non consentiant ab eâ non fiunt. Cum omnia à superioribus gubernentur non magis periodorum quam rerum aliarum causas ad sydera referre debemus. Non enim primò & per se, sed aliquid efficiendo in corpore causæ accessionum censerentur. Astorum consideratio transcendit Medici considerationem, & quamvis fatendum sit Lunam dominari his inferioribus, est tamen tantum causa universalis quæ particulares effectus sine inferiorum causarum naturâ non operatur. Qui sub eodem Lunæ aspectu in febrem incidunt cur eadem febre non laborant, dicendum erit id fieri ob variam humoris & laborantis naturam, nam diversitas à causa universali non est repetenda quæ una est & eadem, ergo à particulari. Quare causæ periodicationis non in universali causâ, sed in particulari quærendæ. Sed quoniam Astrologorum vanitates Picus Mirandulanus, Andreas Laurentius, libro tertio de crisis, Pererius in Genesin alique abundè confutavit, nihil amplius addeamus.

x x. *Ayer-*



x x. *Averrhoes* statuit naturam periodorum esse referendam in naturam caloris innati, qui materiam præparat, ut expellatur, & expulsa putrescat, sed quia simul totam illam materiam præparare non potest, id facit per partes, primum illius portionem quandam aggreditur quanta satis est ad unam accessionem efficiendam, quam præparat & expellit, dein reliquas partes definito quodam ordine aggreditur sicque febres intermittentes periodos suas habere solent. Et quidem hæc opinio probe intellecta defendi potest, cum calor innatus sit opifex præcipuus omnium nostrarum actionum, etiam horum circuituum causa esse potest. Propriè tamen calidum innatum est causa sine qua non potius quam præcipua efficiens periodi, quæ est nova materiæ aggregatio in loco putredinis, nam quicquid hac in re calor agit, id exequitur excitatus onere & molestiâ gravantis humoris.

x x i. *Gentilis* & cum eo pars maxima recentiorum, causam periodorum ad occultam proprietatem humorum referunt. Quæ opinio hisce rationibus stabiliri potest. Nulla est manifesta causa periodorum Ergo occulta. Antecedens uariis modis probari potest. Periodus non potest fieri ab humorum quantitate, cum nunquam eandem habeant quantitatem, & propterea neque perpetuum ordinem facere poterunt. Præterea quantitates rerum non possunt esse causa determinatorum effectuum, nisi in quantum à propriis formis determinantur. At periodicatio est proprius effectus qui sequitur humores extra venas putrefactos ergo ab humorum quantitate fieri non potest. Nec etiam ab humorum qualitate, non calidâ quia tunc bilis faceret accessionem quotidie cum sit calidissima, non frigidâ, quia sic melancholia faceret paroxysmos de tertio in tertium. Non pariter qualitatibus siccâ vel humidâ, quia melancholia non est minus humida quam sit flavâ bilis. Ille itaque perpetuus ordo ab occultâ humorum proprietate dependet. Omnis igitur effectus quocunque tempore productus & constanter, qui reduci non potest ad manifestas qualitates, reduci debet ad occultas. Sed talis est humorum periodicatio ergo. Verum hæc opinio, etsi sit clarissimorum virorum, falsa est: si enim circuitus fierent ob humorum proprietatem, fierent à formâ, nam proprietates à formâ pendent, at formæ in putredine intereunt, nisi ejusmodi proprietas ipsis ex putredine contingat: At plurimi morbi periodici sunt sine febre & putredine, & proinde illa proprietas non oritur à putredine. Secundo numerus circuituum nu-

*Opinio  
Averrhoes*

*Opinio  
Gentilis.*

*Refutatio  
prima.*

*Secunda.*

O

mero



*Tertia.* mero humorum responderet, quod tamen falsum est, sunt enim tantum tres humores circuitum facientes, pituita, bilis, & melancholia. At circuitus sunt longè plures, sunt enim quintani, septani, nonani. *Tertio* quod provenit à proprietate tale est à formâ, & propterea perpetuum est. At circuitus non sunt perpetui, sæpe enim anteponunt, postponunt, ordines suos invertunt, vel ob maiorem minoremve copiam excrementorum ex impuro vitiosoque cibo coacervatam, vel excrementorum suppressione, vel quum motu exagitantur, exercitatione, balneis, æstu, excandescentiâ, vel quum nimium extenuantur, aromatum aliorumque calidorum & extenuantium usu. Postponunt verò contrariis ex causis, dum materia vel minuitur, vel crassescit, vel pigrior ignaviorque redditur. Sic si quis semel in die solitus sit alvum dejicere, bis terve copiosiore assumpto cibo & gravatâ naturâ alvum deponet. *Quarto* si periodi fierent à proprietate sequeretur humores in utero, aut etiam intra venas facere huiusmodi periodos, quia quod per se tale est, semper & ubique tale est. Deinde singulis mensibus purgantur mulieres, & certis periodis redeunt podagra, epilepsia, non ob ullam humoris proprietatem, sed ob materiæ novam congestionem, quæ naturam irritat.

*Solutio  
rationum  
Gentilis.*

xxi. Rationes igitur *Gentilis* ita solvi poterunt. Non sunt siquidem quærendæ causæ occultæ ubi adsunt manifestæ, scilicet humorum copia. Ad primam itaque dicimus humores non habere perpetuo eandem quantitatem, ideo paroxysmi antecedunt, postponunt, ordinemque invertunt. Ad secundam Respondeo quantitates per se non esse causas determinantum effectuum, nisi ab alio determinentur, hoc autem fit à naturâ quæ materiam ubi noxia esse incipit ad locum putredinis expellit, sicque febrem accendit. Plus autem pituitæ generatur secundum *Galenum* singulis diebus, quam bilis, ideo pituita quotidie naturam laceffit & irritat ad expulsionem. Sed ad hanc opinionem Galeni, nunc nobis est accedendum.

*Opinio  
Galeni.*

xxiii. Docet igitur *Galenus* 2. de differentiis febrium periodos fieri non à lunâ, non à calore innato, non ab occultâ humorum proprietate, sed ex collectione & fluxione novâ materiæ putrescentis; quare pituita facit accessiones quotidianas? quoniam singulis diebus tanta colligitur illius copia, quæ sufficiat ad naturam proritandam ad expulsionem. Attamen ista humorum proportio, quam *Galenus* supponit, etsi detur in homine sano, in ægro tamen non reperitur, in quo

mo-



modò plus bilis, modò plus melancholiæ, modò plus pituitæ putrescit & accumulatur. Addenda, igitur huic opinioni humoris putridi qualitas, nam pituita, quia frigida, crassa, lenta, tardè accenditur & movetur, exactè non expurgatur, unde reliquias quamplurimas post se relinquit, sic sequenti die renovatur paroxysmus. At bilis cum sit calida, sicca, tenuis, citiùs movetur & tota fermè expellitur, unde nihil aut parù post se relinquit, sic tam citò novus paroxysmus non redit, sed tantum tertiâ die, quando scilicet sufficiens illius humoris quantitas fuerit acervata. Pariter melancholia quia tardius putrescit, minusque reliquarum post se relinquit, quarto quoque die aut etiam tardius paroxysmum facit.

xxiv. Alii ut in principio hujus controversiæ diximus, non sine *Alia opinio.* ratione falsum esse putant certos humores certis diebus moveri, pituitam singulis, bilem alternis, melancholiam quarto quoque die, cum à quolibet humore omnes typi provenire possint. Sæpissime siquidem bilis & pituitæ omnes notas in quartanâ deprehendimus, tum ipsarum causarum tam internarum quam externarum connexio & series, alium humorem quam qui typo respondeat, arguunt. Quoties enim in homine sanguineo quartana visa est, cujus nulla symptomata atram bilem arguebant, & in tertianis febribus melancholiæ indita sese produnt. Plurimi pituitæ vomitione à quartanâ sunt liberati, unde eam à pituitâ fuisse verisimile est, cujus vacuatione fuerit sublata. Et si enim non sit necesse excrementa ex ingestis alimentis succrescentia temperamentis partium respondere, & propterea possit adesse quartana in temperamento sanguineo, tamen illam ab alio humore potuisse fieri quam qui perhibetur, ostendit solutio, hæc est enim causæ continentis natura ut eâ sublatâ tollatur affectus. Si igitur vacuato humore aut pituitoso aut bilioso solvitur quartana, ab his humoribus factam fuisse quis non crediderit? Demum observatum est sæpe quartanas in tertianas fuisse mutatas, quod non fit per mutationem humoris, cum melancholia in bilem verti nequeat. Præterea idem ostendit anticipatio & postpositio, nam si humoris tenuitas & copia anticipationem, crassities & paucitas postpositionem facit, cur non his de causis auctis tanta fiet acceleratio aut retardatio, ut periodus omnino immutetur. Si enim melancholia dicitur facere typos sextanos, septanos, quintanos ac etiam longiores ob paucitatem & crassitiem, cur non eadem de causâ pituitæ tertianus, aut quartanus circuitus non adscribetur. Sic volunt Medici febrem epialam facere quartanos circuitus,



tus, quæ tamen à pituitâ est. Recte itaque *Galenus* periodorum causam voluit esse acervationem humoris itaque quotidiana fiet quoties humor ita fuerit copiosus, aut auctus à fomite, ut singulis diebus naturam sollicitet ad excretionem, hinc etiam ob copiam materiæ solent paroxysmi esse longiores: Tertianæ autem erit si humor non sit tam copiosus, quartanæ demum ubi minor adest ipsius quantitas. Id videmus in alvi egestionem in hominibus sanis eandem vitæ legem servantibus, quæ definitis horis singulis diebus accidere solet, at si quæ in victu mutatio contingat, excernendi hic circuitus immutatur. Falsò siquidem innituntur fundamento prædictæ opiniones: status scilicet esse periodorum vices, cum nihil sit tam incertum & variabile, pessimumque sit signum ubi eadem semper horâ febris redire solet, docente *Galenus in Aphorismis*. Si enim bilis quæ tertianum circuitum facere creditur, copiosius aucta, eundem aliquot horis antevertit, cur non si ex aliquâ causâ eandem plurimum augeri contingat ad quotidianum circuitum accedet, aut contrariis ex causis ad quartanum.

*Conclusio.* xxv. Verumtamen adesse ejusmodi periodos experientia testatur in quibusdam epidemiis tertianis & quartanis, ab eadem communi causa genitis, & in inflammationibus febres tertianum obtinent typum, etiam tunc cum nihil ad inflammationem amplius fuit. Et tamen si jungamus *Galenus* opinionem cum istâ *Simonii* veritatem forsitan assequemur. Dicamus igitur periodos pendere ex aggregatione & collectione novi humoris, qui paroxysmum facit, hæc autem collectio interdum ordinata est constans, si causa ejus talis sit, humorisque eadem quantitas semper affluat, sed pro variâ materiæ qualitate & copiâ mutari solet, ita ut variari sæpe periodum contingat, ideo verisimile est à quolibet humore quamlibet periodum posse excitari. Frequentius tamen contingit ob causas superius assignatas, tertianos circuitus à bile, quartanos à melancholia fieri, quia humores isti singulis accessionibus totaliter ferme expelluntur, parùm relinquunt inquinamenti, ideo tardius novi paroxysmi materia generatur. Id tamen non est perpetuum, cum ex causis sæpius dictis quilibet humor ita augeri, aut minui possit, ut citius aut tardius periodum suum faciat: Adde sinceros humores non reperiri nisi quam rarissimè, sed sæpe plures conjungi, unde variæ febrium ideæ, varique circuitus. Id docet *Avicenna* capite de tertianâ, qui ridet eos qui tertianam per paroxysmum considerant, sed oportet inquit attendere ad alias signi-  
fica-



fications. Hac de re etiam irridetur *Theſſalus* à Galeno, qui diatri-  
ton ad cognitionem tertianæ expectabat *secundo de crisib. cap. 3.* Idem  
faciunt plurimi nostræ ætatis Medici qui febrem biliosam non nisi ex  
tertianâ periodo cognoscunt. Et hæc de periodis.

x x v i. At quoniam in recidivis aliqua videtur esse periodus, adest *Recidiva*  
enim intermissio, & exacerbatio, non hic quæremus an recidiva mor-  
bus sit distinctus à priori, tantum ejus causas investigabimus. Est au-  
tem *υποτροφή* seu recidiva morbi qui desisse omnino videbatur recur-  
sus. Causam habet internam, vel externam, interna duplex prima su-  
perstes materia ab imperfecta crisi, *πὸ ἐγκραλίμ πανάδρια ἐν τῇσι νεύροις μὲν  
καὶ ἐν ὑποτροφῇσι παύειν εἴωθεν* aphorismo duodecimo lib. 2. Secunda est dispo-  
sitis præter naturam relicta quæ novam morbi historiam orditur. Ex-  
ternæ causæ sunt multiplices, cibus intempestivus & nimius, animi  
motus, loci commutatio, temporis injuria, venus intempestiva, &  
similes ex rebus non naturalibus repetendæ, sed de recidivâ in fine  
Pathologiæ multa diximus.

## CAP. V.

## De rigore.

i. **A**Ntequam ad signa putridarum veniamus, paulatim agen-  
dum videtur de rigore, horrore & frigore, quia febribus  
putridis solent accidere, & ex iis tum diagnostica, tum prognosti-  
ca desumuntur. Differunt autem hæc symptomata à se invicem, tan-  
tùm intensione & remissione *φεικὴ* enim horror, levior est rigore,  
intensior & gravior frigore ex *Gal. cap. 8. 2. de diff. feb.* fiunt liqui-  
dem ambo iisdem ex causis, sed horror à levioribus, minoribus, pau-  
cioribus, minus agitatibus & motis. Sic idem horror gravior est refri-  
geratione & inæqualitate fit enim illa ab humore frigido crasso, &  
immoto, hæc vero à tenui, paucio, leviter commoto, unde lassitudinis  
quidam sensus quasi pruriginosus & ulcerosus sentitur. *φεικώδης πυ-  
ρετός* febris horrida dicitur, non quæ cum horrore incipit, id enim com-  
mune est plurimis febrium speciebus, sed in quâ bonam accessionis  
partem horror occupat, qualis est exquisita semitertiana *cap. 9. lib. 2.  
de diff. febrium, & com. 1. in primum Epid. textu 22.*



*Quid sit  
rigor.*

*Primum  
dubium.*

*Argente-  
rii refu-  
ratio.*

11. Rigor vero (quem horrorem vocat *Celsus*, reliqui Latini rigorem ad differentiam horum symptomatum) est totius corporis vibratio & concussio cum dolorificâ refrigeratione, nam frigus non sufficit ad rigorem, nisi accedat totius corporis inæqualis motus. Circa quam definitionem duo insurgunt dubia, & primum quodnam sit genus motus. Diximus cum *Galeno* esse concussivum ad differentiam palpitantis, convulsivi & tremuli, qui etsi similes videantur, sunt tamen diversi, fiunt enim à morbificâ causâ, tremuli ab imbecillâ facultate, rigor verò à naturâ & facultate expultrice irritata. Sed *Argenterius* vult esse tremorem involuntarium, vulgari loquendi usu persuasus, quo rigentes trementes vocamus. At in doctrina *Galenii* maxima differentia est, etsi motus similes esse videantur. *Primo* rigor est totius corporis, tremor vero unius partis tantum esse potest. *Secundo* tremor fit à facultate imbecillâ, quæ non potest membrum continere, in rigore verò irritata expultrix insurgit ad expulsionem humoris noxii, quod ut effugeret *Argenterius* dixit rigorem esse tremorem involuntarium, quod est absurdum, est enim tremor motus voluntarius ut dicemus *capite de tremore*, rigor vero involuntarius.

*Secundum  
dubium.*

111. Secundum dubium est, an semper adsit refrigeratio in rigore. *Galenus* 2. de diff. feb. ait rigorem tertianarum esse punctorium, quartanarum vero refrigerantem, deinde miratur *Fernelius*, & ridet antiquos Medicos qui putarunt ab humore acri & calido posse fieri refrigerationem. Sed sine ratione miratur, videmus enim ex appositione calidi & acris medicamenti concitari rigorem, idque ab humore acri non per se, sed per accidens ob revocationem caloris & spirituum ad interiora. Respondet *Hercules Saxonia* refrigerationem vel esse tantum superficialem in cute & extremis partibus, vel profundior quæ ad musculos & subjectam carnem penetrat. Prior fieri potest à materiâ calidâ & biliosâ internâ vel externâ, estque tantum in cute, cum reliquæ partes caleant. Posterior vero quæ profundior est refrigeratio, fit ob quartanam à melancholiâ, vel ob viscerum inflammationes, ut in lipyriis in quibus exteriora frigent, aut ob vitream pituitam in quâ fit rigor in intimis & extimis partibus. Refrigeratio autem in rigore non semper est dolorifica, nam levis refrigeratio dolorem inferre non potest, sed sensus dolorificus sæpe excitatur ab ipsa causa ad concussionem excitante, *secundo de sympt.*



*sympt. causis cap. 5.* ubi scribit *Galenus* ex causa mordente concussio-  
nem validam dolorem inferre, ex dolore vero tum Spiritus tum ca-  
lorem retrahi ad interiora, atque inde sequi refrigerationem.

IV. Fit autem rigor vel in sanis, vel in ægris. Qui fit in sanis ex *Duplex*  
*Galenus lib. de tremore*, est tantum dolorifica perfrictio. Aliter enim in *rigor.*  
sanis rigorem usurpamus quam in ægris. Quare male *Argentarius*  
*Galenus* reprehendit quod dixerit in sanis rigorem esse tantum do-  
lorificam perfrictionem, non enim sanos dicimus rigere, nisi concu-  
tiantur & tremant. Non advertit autem rigorem sanorum differre à  
rigore ægrorum; propterea non posse communem utrisque defini-  
tionem dari, quia causis & natura differunt. In ægris enim rigoris  
causa est interna, in sanis verò externa, & quamvis in rigore sano-  
rum refrigeratio & concussio adsint, attamen tantum cutis & partes  
externæ patiuntur non autem corpus universum. At *Galenus lib. de tre-*  
*more*, quando sola cutis commovetur, non rigorem, sed horrorem vo-  
candum putat, quod si in sanis rigor verus adest, non erit sola refrige-  
ratio, sed etiam concussio totius corporis, ita ut etsi causis rigor sano-  
rum à rigore ægrorum differat, tamen & motionis modo & definitione  
convenire possunt.

Qui fit in ægris rigor vel est sine febre, vel cum febre. Puta- *Rigor sine*  
bant veteres referente *Galenus* rigorem nullum à causâ internâ sic- *febre.*  
ri posse sine febre. *Hippocrates primo de morbis* rigorem perpetuo esse  
cum febre statuere videtur. Idem tamen *agro 5. libri primi Epidem.*  
*πρὸς ἀντιφίππου* illi ægro accidisse scribit. *Epicratis uxorem rigor valide*  
*corripuit, nec postea ut aiebant incaluit, sequenti die eadem adfuerunt.*  
*Galenus libro de rigore* vocat hunc rigorem *ῥόγος*, & in commenta-  
rio prædictæ sententiæ *ἀντιφίππου* spontaneum, quod à nullâ externâ  
causâ, sed ab interno corporis vitio proveniat, dicitque hunc rigo-  
rem sine febre veteribus Medicis ob frugalitatem fuisse incognitum,  
sed labentibus seculis ob vitæ erratæ magnam crudorum humorum  
copiam fuisse coacervatam, quæ hunc rigorem excitaret, Fieri liqui-  
dem solet à pituitâ vitreâ, frigidis crassisque succis ex victus intem-  
perantiâ, deside vitâ, & frequenti balnearum post cibum usu coacer-  
vatis, qui per partes sentientes delati rigorem faciunt, quem mu-  
lieribus sæpius quam viris accedere scribit, ob temperiem frigidiorē  
vitamque sedentariam, sæpiusque à se observatum, potiusque horro-  
rem esse quam rigorem verum, quia à crassis humoribus & frigidis,  
dif-



difficulter mobilibus rigor non videtur posse excitari ut inferius dicemus. Et multoties, inquit Avicennas, accidit à phlegmate vitreo sparso in corpore rigor non perducens ad febrem, & non est fortitudo ejus sicut fortitudo rigoris perducens ad febrem. Sed rectè dubitat valles. lib. 5. cap. 16. Controv. an verum sit ignoratum fuisse hunc rigorem à veteribus, cum acciderent illis morbi & similis causa, imò & ex majori cruditate, ut epiala.

Rigor  
cum fe-  
bre.

v. Rigor qui est cum febre alius est criticus, alius symptomaticus. Criticus qui morbum solvit, ut febre ardente laboranti si rigor accadat febrem exoluit, vel agrum perimit; si rigor accadat in febre non intermittente agro jam debili lethale, estque hic rigor futuræ crisis prænuntius, partes enim sese comprimunt & concutiunt ad exclusionem materiæ morbificæ. Symptomaticus verò fit à materiâ indomitâ, nondum subacta, & naturâ irritatâ. Et quamvis de hoc rigore potissimum agere nobis sit institutum, tamen de rigore generaliter agemus, quia ad febrilis rigoris intelligentiam tractatio hæc non parum confert.

Causa ri-  
goris.

vi. De rigoris igitur causis variæ sunt opiniones. Galenus libro de rigore causam statuere videtur refrigerationem calidi innati, quatenus scilicet à refrigeratione externâ repellitur ad interiora, qui dum rursus ad exteriora impetum facit, repellitur, & ita ex hac pugna succedit rigor. Sed si universaliter hoc de omni rigore intelligatur falsum est; rigor enim sæpe fit nulla præcedente refrigeratione, ut cum fit à materiâ biliosa per partes sentientes delata, succedit refrigeratio. Repugnat quoque dictum istud iis quæ aliàs Galenus docuit, rigoris scilicet causam esse materiam mordacem delatam per partes sentientes, & irritantem expultricem, unde credendum est locum Galeni lib. de tremore, intelligendum esse tantum de rigore Sanorum, qui à causâ externâ refrigerante, ut aquæ frigida, aerisve frigidi subito occurso generatur. Aliàs quo refrigeratio major esset, eo rigor foret major, quod tamen non est necessarium, nam materia pituitosa minus validos rigores facit, multique rigores fiunt sine refrigeratione externâ, ut qui ab ulceribus medicamento acri exasperatis, ab ignis scintillâ interdum fiunt.

Credendum itaque Galeni opinionem esse verissimam, scilicet rigorem esse motum facultatis expultricis, eumque fieri à facultate irritatâ à materiâ morbifica. Quoties enim humor mordax per partes sentientes violenter defertur, eas pungit, stimulat & lancinat. Oportet itaque



que causam rigoris esse multam, tenuem, mordacem, & velociter agitatam, aliàs rigorem nullum facit, nam quæ pauca est, parum mordax, leviterque commota, horrorem tantum facit, pauca verò mordax, sed immota, lassitudinem ulcerosam. Sic enim Galenus 2. de sympt. causis cap. 5. hæc symptomata distinguit, ut lassitudo ulcerosa ab horrore, hic à rigore secernatur materiæ paucitate, acrimoniâ, motu, & præterea exquisito sensu patientis, ut dicemus sequenti capite. Quod autem inquit Galenus loco citato *omnis mordax causa sive ea calida, sive frigida sit, animal in horrorem aut rigorem ducat, ex his intelligere licet. Si sano corpori ferventem aquam subito infundas, aut ignis scintillam injicias, statim horrore vexabitur. Ita cum ulcerata particula causticum medicamentum imponitur, primo quidem horrent, deinde rigent, mox etiam febricitant nonnulli, Quid, quod tertiana febres quæ omnium februm maxime biliosa calidaque sunt, omnium maxime rigore infestantur, quantoque sinceriores tertiana sunt, tanto etiam rigor in eis incidit vehementior. Ipse etiam dolor, & ἀλγος illud non semper pendet à refrigeratione, & proinde ἀλγος καὶ ψυχρὸς non est causa hujus motus, nam refrigeratio aliquando tam levis est, ut ab eâ dolor & concussio excitari non possit, sed interdum solum dolor à causâ refrigerante pendet, cum valida ea est, ut pituita vitrea; interdum etiam dolor à concussione illâ & vibratione corporis procedit, ut ægri ipsi sentiunt, quibus aliàs concussio solum corporis, aliàs frigus, aliàs utrumque simul molestum est. Itaque rigor potius est cum refrigeratione, quam à refrigeratione, quin etiam ipsa refrigeratio est à concussione, causa etenim acris & mordax dolorem infert, dolor autem retractionem caloris ad interiora facit, sic fit refrigeratio secundo de causis symptom. cap. quinto.*

VII. Cum itaque rigor fiat à materiâ mordaci partes sentientes *subje-* vellicante, inquirendum nobis est, quænam sint partes illæ adeo sen- *ctum vi-* files. Plurimi volunt musculoso genere, seu carnibus quæ sunt in am- *goris.* bitu corporis affectis, rigorem excitari, cujus opinionis videntur esse, qui tantum in habitu corporis februm intermittentium sedem statuunt. *Fernelii* tamen sententia probabilior videtur, qui rigores fieri vult non tantum musculis affectis, aut panniculo carnosio, sed etiam partibus interioribus sensilibus, ventriculo putà, intestinis, membran- nis, quæ sunt circa epar, mesenterium, lienem, pancreas. Cum enim sentiendi vi polleant exquisitâ, si ab humoribus acris ir- ritentur, tum rigor, tum dolor excitabitur, unde in colicis doloribus

P

rigo-



rigores frequentissimi accidunt, fit abscessibus & inflammationibus circa viscera ad suppurationem tendentibus, iidem contingunt, pariter si quis acre medicamentum biberit.

IIx. Nec tantum *Fernelii* hæc sententia fuit, sed etiam *Hippocratis* & *Galenii*; nam 6. *Epid. sect. 5. textu 29.* *ῥίγος δὲ τὸ ἀπὸ τοῦ κατωτέρου, πρὶν δὲ τὸ ἀπὸ τοῦ ὑψιτέρου*, rigor à superiori ventre, febris vero magis ab inferiori. *Galenus* in commentario ait hunc rigorem fieri, quando mordax materia os ventriculi vellicat, ex cujus inferiori parte ubi humor noxius sæpe latet, febris ipsa originem ducit, & 2. *prognost. 58.* ex inflammatione circa viscera suppurante rigores fieri ait, vellicatis à pure membranis. *Galenus* 1. *de locis affectu* ex abscessu septi & jecoris, 6. *de locis aff.* ex abscessu renum rigores fieri scribit. Cur enim vellicatis viscerum membranis non fieret rigor, cum sint maximè sensiles?

*Objectio.*

Circa viscera fieri fortes dolores scribit *Hippoc. 4. aphor 66.* Objicit *Scenkijus* si ex visceribus fieret rigor, in cholericis, disentericiâ & pleuritide rigores excitarentur, quia membranæ ab humore mordaci irri-

*Responsio.*

\*

tantur. At id falsum esse ostendit experientia. Respondeo in principio dictarum inflammationum interdum concitari rigorem, quando materia acris membranas primum ferit, sed is rigor tandem cessat introductæ æquali intemperie in partibus per quas fluit; sic pleuritiden videmus sæpe incipere cum rigore, at ubi inflammatio facta est rigor illa tandem cessat, tum ob rationem dictam, tum quia humor est immotus; quâ ratione in inflammationibus viscerum non fit rigor, nisi ubi pus factum excerni incipit, tum enim puris acrimonia & motu partes vellicatæ concutiuntur ad excernendum, & sic rigorem inducunt. Sed dubium est quomodo affectis internis visceribus corporis habitus concutiatur. Respondet *Saxonia* universum nervosum & membraneum genus trahi consensum ob generis affinitatem, sicut ore ventriculi affecto fit convulsio in toto corpore, etiam si soli nervi ventriculi afficiantur. Ab omni itaque causâ acris & mordaci per partes sentientes delatâ sive calida illa fuerit, sive frigida, horrorem & rigorem excitari vult *Galenus*, loco prius à nobis citato, quod multis probat experimentis.

*Dubium, solutio.*

*Causa.*

IX. Causæ autem quæ mordicatione suâ rigorem efficiunt, aliæ sunt externæ, aliæ internæ. Externæ ut ignis scintilla injecta, aqua fervens infusa, medicamentum mordax ulceri impositum, frigus penetrabile parti ulceratæ occurrunt tum denique quicquid extraneum,

COT-



corpori incidens partes sentientes vellicat & pungit. Internæ sunt humores acres commoti sive calidi sint ut bilis, sive frigidi ut pituita acida & vitrea. Sed hæc pituita vitrea rigores nunquam excitabit nisi attenuetur, quia nec penetrare potest, nec moveri per partes sentientes ex 2. de symptom. caus. cap. 2. Attamen ex pituitâ vitreâ quæ intestinis adhæret vehementissimi fiunt rigores, etiamsi non sit attenuata ut docet Avicenna capite de rigore, quoniam facultas expultrix ad humoris tam noxii expulsionem omni conatu insurgit. Ad rigorem igitur faciunt, non solum quæ humores illos acres generant & retinent in corpore, verum etiam quæ illos movent & agitant, ut metus, ira, animi corporisque motus, medicamenta aut potus calidi, balneum calidum, mora sub sole. Causa autem calida rigorem non infert quâ calida est, nam aphorismo 22. sect. 5. calidum rigores mitigat resolvendo, attenuando, itaque rigorem tantum infert quâ mordax, quâ de causâ pituita falsa, pus aut medicamentum acre, bilis, cibique acris eum morsum inferre possunt, ut docet experientia. Sed quæres primò cur pus rigorem generat, cum materia inflammationis acrior nullum faciat. An quia materia immota est in phlegmone, pus vero cum à naturâ expurgatur movetur, & vellicat. An quia materia inflammationis æqualem induxit intemperiem, pus verò inæqualem ob mutationem humoris à priori suâ naturâ hinc est quod dum pus fit febres fiunt & rigores. Quæ res secundò cur biliosus humor in Ictero in habitum corporis effusus rigorem non facit. An quia putrescit in febribus non autem in Ictero. An quia transmittitur ad ipsam cuticulam quam inficit, & illic aëris attactu mitescit, in febribus autem ferit musculos & panniculum carnosum, unde rigor, donec attenuatus solvatur in sudores.

x. Variæ autem sunt rigoris differentiæ ad febrium diagnosin & prognosin exacte cognoscendâ sumuntur autem à vehementiâ, à duratione, à loco in quo fit rigor, & à quo incipit. A vehementiâ, vel validus est rigor, vel debilis horrorem tantum referens. Uterque vel principio talis, vel temporis progressu immutatur, nam qui primo insultu debilis sequentibus paroxysmis interdum increfcit, aut contra, aut statim primo insultu vim suam ostendit, talisque permanet. A duratione vel diuturnus est, vel brevis, vel continuus, vel frequenter in unâ accessione reduplicat, aut una die, qui continuus est, vel per totum morbi tempus durat, vel per febrium exacerbationes in earum princi-

P 2

pio

Duo dubia primum.

\*

\*

Differentia rigoris



*Causa  
differen-  
tiarum  
rigoris.*

pio tantum apparet. A loco alius incipit à capite, & descendit ad lumbos, aut contrà; Possuntque dari aliæ differentiæ quamplurimæ quibus dividitur in criticum, symptomaticum, simplicem, compositum cum morbis & symptomaticis, &c. Quarum omnium causæ sunt explicandæ. Violentus itaque fit à materiâ copiosâ, valde mordaci, & violenter mota, sed qui statim valde vehemens est, & postea remittit, fit ab humore bilioso: Qui vero leuior primum, dein fortior evadit, fit à pituitâ vitrea, aut incalescente melancholiâ, sed solet esse longior, & cum magnâ refrigeratione, ob humoris frigiditatem.

*Refrige-  
ratio, hor-  
ror,*

x 1. Solent præter rigorem in febribus apparere horror & refrigeratio. Horrorem diximus differre à rigore secundum magis & minus, minor siquidem est motus in horrore, fit enim ab humore commoto quidem, sed minus acri, vel ab acri, sed aut pariori, aut minus violententer commoto. Eadem siquidem causa potest lassitudinem, rigorem & horrorem facere, prout aut quæta est, aut validè commovetur aut debiliter. Sed refrigeratio etiam interdum prædictis conjungatur potest tamen alias habere causas internas & externas, privativas & positivas. Privativas, quando calor fugit ad interiora attractis vi inflammationis in corporis centrum humoribus, sic in forti ventris dolore refrigeratio extremorum malum. Vel attrahuntur in syncope ad cor, unde synoptici toto corpore frigidi percipiuntur. Idem dicendum de iis qui suffocantur, Pariter in febribus intermittentibus refrigerantur extrema, idque cum horrore & rigore, quia colliguntur humores in corporis centro, & calor illorum copiâ quasi suffocatur. Positivas causas habet refrigeratio ut multitudinem humoris frigidi, quomodo sudores frigidi in febre ardente sunt lethale signum *aphor. 37. lib. 4.* quia tantam humorum frigiditatem arguunt, quæ neque à febrili, neque à nativo calore potuerit superari. Sic dicit Hippocrates in ea parte morbum esse, ubi frigus, *aphorismor. 39. libri quarti.*

*Diagno-  
stica.*

Facile autem cognoscitur rigor relatione ægri & adstantium, ut aliis signis opus non sit, & oculis ipsis videri possit.

*Prognosti-  
ca.*

x 11. Prognostica verò quod spectat, horrores & rigores vel sunt critici vel symptomatici. Critici in continuis febribus si post signa coctionis appareant, solent sudores portendere salutare, bonique habentur, sed mali sunt iudicio Hippocratis, qui in ipsa crisi contin-



tingunt coacta 321. in Codice Foesiano ἡ πύσις ἀμὲν κρὶς πύσις. Subabsurdus cum crisi rigor, quod repetitur prorrhesi 107. libri primi. Subabsurdus & infidus est illi rigor, qui vacuationibus criticis interniscetur, easque potius remoratur quam promouet, ob aliquam retractionem humorum ad interiora, quæ fit in rigore. Præcedere siquidem rigor debet, non comitari aut subsequi. Boni quoque sunt illi rigores quos evacuatio aliqua subsequitur, & quos febris remissio excipit: Aliàs in febribus continuis boni non sunt. In principio siquidem aut incremento si apparuerint, humorum pravitatem denotant, à quibus natura ad expulsionem excitatur, quam ob imbecillitatem perficere nequit. Pariter mali sunt qui cum malâ aut difficili crisi contingunt sic 4. aphorismo libri septimi ἐν ἰσχυρῇ φεῖα ἢ ζέσσει A sudore horror non bonum. Si enim ut diximus cum ipsa crisi conjunctas horror malus est, multò magis qui eam sequitur, & ut docet Galenus in commentario Iudicatoria quæ non iudicant partim mortalia, partim malè iudicantia sunt, quia natura in ejusmodi dispositionibus morbo succumbit, tum quia signum est plus retineri quam fuerit sudore vacuatum. Fit enim ille horror à tenui & mordaci humore intus relicto, & ideo malus est ob restantes humores in corpore. Si enim solùm manere febrem post sudorem, vel mortem, vel morbi longitudinem significat, aphorismor. 56. sect. 4. Quantò magis si horror succedat. Epicratis uxor Epidem. agro 5. post rigorem & sudorem febre correpta non nisi octogesimo die prorsus liberari potuit. Et coacta 46. Qui crebris levibusque horroribus desudant, difficili morbo laborant, & coacta 36. lassitudine laborantes cum horrore, criticè leviter exsudantes, ac celeriter recalescentes male habent, præsertim si tunc sanguis è naribus Stillaverit quippe nihil paucum criticum est, malum siquidem si post sudorem febris aut remaneat, aut redeat, & coacta 12. οἱ φεικάδες κεφαλῆ καὶ ἐν ἰσχυρῇ πύσει κακὰ εἰσι. Qui multum & crebro inhorrescunt capite dolentes, leviter exudantes malignè habent φεικάδες enim vocantur ut capite de semiter-tiana dicemus, qui cerebrò & multum magnâ morbi parte non semel inhorrescunt. Crebri enim rigores cum sudatione & capitis dolore naturam indicant ab humoribus crudis maximè irritatam, & debilem, unde morbi malignitas portenditur. In intermittentibus autem rigores qui singulis paroxysmis accidunt periodicè, sunt potius symptomata quam signa prognostica, & nihil mali portendunt Οἱ ἄσπετοι δὲ ἐν τῷ πυρετῷ καὶ ἡμέρῳ πύσις γίνεται, καὶ ἡμέρῳ οἱ πυρετοὶ λύονται.



Itaque generaliter loquendo boni sunt illi rigores qui accidunt post signa coctionis, criticas evacuationes præcedunt, quos libera liberalisque evacuatio sequitur, morbiq; imminutio, si non omnimoda sublatio succedit, & post quos corpus iterum recalescit. Cum his conditionibus verus est aphorismus 58. libri quarti febre ardente laboranti rigore superueniente febris fit solutio. Mali contra sunt, qui cum malis signis apparent, ut qui fiunt materiâ aut omnino crudâ aut nondum exquisitè concocta, quos nulla aut exigua evacuatio sequitur, nihil enim paucum criticum, à quibus corpus non incalescit, quod maximè improbat Hippocrates 65. primi præphet. secundum Foesium *Αἱ ἐν ἐξέλει καὶ ἐν τῷ πυρετῷ μὴ ἀνασφραγισσάμενοι καὶ οὐκ ἐκκρίνοντες* Caloris siquidem nativi extinctionem significant, ut docet Galenus in tom. 6. libro de tremore & 64 ejusdem libri, in rigore familiares non agnoscere malum, mala item oblivio. Et aph. 46. lib. quarti. Si rigor incidat in febre continuâ ægro jam debili lethale. Si enim ægro jam debili fiat rigor sequaturque aliqua evacuatio, propter utrumque hominem dissolvi par est, tum quia vis imbecillis non potest ferre rigoris agitationem, tum quia ab evacuatione dissolvitur, si verò solus accidat rigor, nulla evacuatione sequente, utroque modo casus hic caret bonitate. Nam tanquam mala causa vires hominis tentat, & malum signum erit, illius indicans imbecillitatem, quæ solita erat noxios humores in rigoribus evacuare nunc vero hoc non potest perficere, ut docet Galenus in comm. Per verbum incidat, inquit, intelligit rigorem non semel, sed sæpius invadentem, nam si semel tantum appareat, certum non est utrum bonus vel malus sit futurus, sed ubi sæpius apparet sine evacuatione, malum est signum. Præterea coacta 15. Rigores qui in sextum diem incidunt difficile habent judicium, quod repetit aphor. 29. libri quarti *ὁ πυρετὸς ἐν τοῖς πρώτοις ἢ ἐν τοῖς ἑξῆς ἡμέραις δύσκολον* Vocat Galenus *δυσκολόν* quod malam crisin affert, aut difficilem & gravibus symptomatis conjunctam, aut morbum in longum tempus protrahit, aut recidivæ facit periculum. Igitur sexto die malus est rigor, quia dies ille non est criticus, sed similis tyranno, unde non tantum rigor, sed & reliqua symptomata critica quæ sexto die contingunt, parum tutò judicant inde aut difficilis solutio succedit, aut eum gravibus symptomatis, aut morbus prorogatur, aut recidivæ contingunt, sicque terminatur morbus aut in mortem, aut in statum deteriore. Contrà terrere non debet rigor, qui præcedentibus signis coctionis inciderit in dies criticos. Aliis symptomatis adjuncti rigores augent perniciem  
sic



fic coaca 14. *Rigores multi torporem inferentes maligni sunt, quod repetit*  
*prothesi 35. significant enim tum corpus universum tum maxime ner-*  
*vorum principium esse perfrigeratum, & maxima frigida materia*  
*copiam tentatum, indeque facultates ipsius esse sopitas & laesas & coa-*  
*ca 7. rigores cum sopore periculum denuntiant, & facies incensa cum sudore ma-*  
*lignitatem significat. Et coaca prima Qui ex rigore perfrigescent cum ca-*  
*pitis & cervicis dolore, vocis defectione & levi sudore ubi vires resumpserint*  
*moriuntur. Omnes enim hi casus rigori conjuncti, funesti solent esse,*  
*perfrictio scilicet, levis sudor, aponia, capitis dolor, quae osten-*  
*dunt naturam debilem esse & multitudine humorum oppressam, ita ut*  
*non mediocrem omnium functionum noxam senserit, haec sympto-*  
*mata seorsim mala sunt, multo magis si rigori & horrore conjungan-*  
*tur, tunc enim natura tentat quidem expulsionem, sed ob debilitatem*  
*statim concidit: Unde coaca 22. Virium desolutiones ex rigore cum capi-*  
*tis dolore perniciem denuntiant, fatiscit enim natura, & exolvitur, unde*  
*quam tentat vacuationem perficere non potest. Sunt autem* *ἐκλύσις*  
*Hippocrati semper malum signum, siue per eas virium prostrationem,*  
*siue animi deliquium, siue ad motum impotentiam quandam intelli-*  
*gamus, his enim modis omnibus haec vox ab Hippocrate sumitur. Et*  
*coaca xj. Rigores ex dorso graviores, ubi vero quis decimo septimo riguerit*  
*& vigesimo quarto iterum riguerit difficulter habet. Solet siquidem rigor*  
*ex parte posteriore magis incipere quam ab anteriore, ut dicit aphor. 69.*  
*lib. 5. quia posteriora nervis, & partibus nervosis sunt magis referta,*  
*etsi enim ab extremitatibus, ut nasi, & unguium, frigus incipere vi-*  
*deatur, lumbos tamen prius cruciat ob copiam partium nervosarum,*  
*quod si die indice & critico qualis est decimus septimus, rigor incide-*  
*rit, isque redeat vigesimo quarto qui criticus non est, oppressio-*  
*nem naturae indicat & irritationem, quae non potuerit primo conatu*  
*universam materiam extrudere, & cogitur iterum die non oportu-*  
*no conatus extremos tentare. Praeterea aphor. 57. libri secundi*  
*prophet. Secundum Galen. In oculorum perversione cum febre & lassitu-*  
*dine rigor pernitiosus, comatosique in his male habent. Significatur enim*  
*maxima animalis facultatis imbecillitas, ex oculorum perversione &*  
*comate, multo magis si convulsio adsit, unde* *ἐπὶ τῷ ἐπιδορῶντι ἡλκιδ*  
*coaca 23.*

xiii. Praeterea brevis sed vehemens rigor cum sensu punctionis  
 brevem morbum significat, quia ex biliosis fit humoribus; Contra  
 lon-



longus rigor sive parvus, sive vehemens, cum sensu refrigerationis, indicat longum morbum, quia fit à pituitâ, aut succo melancholico, & qui in unâ & eadem accessione frequenter repetit, ut in hæmitritæo longitudinem significat, & quò diutius rigores perseverant, eò diuturnior morbus est. In febribus autem continuis, cum signis cōtioneis, die crítico apparens, salutaris est, ut jam diximus, indicatque crisin futuram, eamque per excretionem non per abscessum, nam ex Hippoc. 6. Epid. sect. prima textu decimo, Abscessus non admodum sunt quibus rigores. Rigor autem vehemens qui increfcere solet, ut in quartanis, non mitescit antequam ad statum morbus pervenerit, ut docet Hippoc. textu octavo libri dicti, ex incremento siquidem & decremento rigoris solemus prædicere incrementum aut decrementum febris.

xiv. Refrigeratio quoque facit ad præsagium, primò si inæqualiter corpus infestet, ut modò calidum, modò frigidum vicissim evadat, longitudinem significat aphorismo 40. sect. 4. nam varix dispositiones diuturniores sunt, quas natura parvo tempore superare nequit, longa etiam refrigeratio in febre non acutâ, longam ægitudinem significat, brevis brevem, idem dicendum de vehementiâ, nam vehemens refrigeratio cum validâ virtute, in febre non acutâ longitudinem morbi portendit, in acutâ autem signum est perniciosum, maxime si vires sint imbecilles, aphor. 37. lib. 4. frigidi sudores cum acutâ febre mortem, cum mitiori autem morbi longitudinem significant. Plura prognostica ex rigore & refrigeratione desumi possunt, quæ ad febres non pertinent, ut Coaca 16. & 17. Qui per sanitatem crebro inborescunt, ii ex sanguinis fluxu purulenti evadunt. Horror & difficultas spirandi in laboribus tabis sunt signa, quæ intelligenda sunt de purulentia in quibus collectum in thorace pus, acrimonia membranas feriens horrorem generat, tum materiæ pondus & copia, partes spiritales intercipit, unde spirandi difficultas, multaque alia addi possent quæ in particularibus affectibus describentur. Et de his satis.

\*  
Curatio. xv. Nunc ad curationem veniamus, quam quidam Medici tradunt, cum tamen curari omnis rigor non debeat, nec omni tempore, remedia enim quæ tardia rigoris demulcent, sæpius febres ingeminant. Primò itaque rigor curationem non postulat, qui levis tantum est, horrorem referens, cum non adeo molestet, secundò nec qui brevis est, diutiusque non fatigat. Tertio nec qui criticus est, nam ardentem fe-  
brem



brem solvere solet, tantum curandum ut optime pannis æger cooperiatur. *Quarid* nec qui in principiis februm tertianarum contingit, quia calidis remediis assumptis paulo post calor ingeminatur, febrisque redditur acrior, ut sæpius vidi apud Anglos ubi plurimi utuntur aquis stillatitiis valde calidis adversus intermittentes febres, etiam contra præscriptum Medicorum, de quibus aliquid dicemus capite de tertianâ nothâ, & diximus lib. 4. errorum Popularium. Convenit autem curatio rigoris iis febribus quæ sunt à pituitâ vitrea, aut à melancholiâ, quia in iis præter rigorem vehemens adest refrigeratio, quasi ossa ipsa infestans, & ferme tantum hujus febris gratia curatio rigoris instituta fuit, in aliis febribus si validus rigor unâ cum frigoris sensu valide ægrum infestet, mitigari potius debet, quam omnino prohiberi. Sed non nisi caute in quartanâ ipsa calidis utendum est, vidit enim Galenus intempestivo illorum usu quartanam simplicem mutatam in duplicem; itaque non in principio quartanæ iis utendum, quando rigor minus vehemens est, nec etiam in progressu, nisi coctionis signa appareant, in Epialâ autem & quotidianis omnitempore iis uti possumus. Primum itaque externis id tentabimus, dein cum cautionibus dictis ad interna veniemus. Quidam igitur frictiones plurimas imperant, ad revocandum calorem ad exteriora, post quas unctiones spinæ ex oleis calefacientibus & nervoso generi accommodatis erunt utilissimæ, talia sunt olea *Chamæ. aneth. hypericon. rut. cum aqua vitæ.* Theriacam quidam addunt & spinam inungunt, alii si magna sit refrigeratio addunt aromata, herbasque calidas, & succos illarum, ut *R theriaca veteris ℥ss. caryophyllor. spica nardi. ana ℥j. olei rutacei, aqua vitæ ana ℥ij.* omnia prunis imposita vase aliquo ferveant, & inungatur spina dorsi, *R summitatum abrotani sicci, ℥j. pyrethri ℥j. croci ℥ss. ole anethini, rutacei ana q. s. ut supereminet quatuor digitis, vini generosi ℥ij.* coquantur simul lenio calore ad vini consumptionem, exprimantur, & servantur ad inunctionem spinæ. Fernelius forum hypochondriorum probat ex decocto *chamæmeli, rutæ, origani, anethi, & calidarum stirpium.* Alii verò non tantum forum, sed & ipsum balneum probant, quod sane, prudenter & caute adhibitum, humoris morbifici reliquias dissipat; Probantur item panni linei extremis partibus præcipue testibus applicati. Pedibus, quoque apponi possunt lateres igniti vino extincti, & panno involuti, laudant etiam alii vesicas plenas decocto calente *origani,*

Q

pule-



pulegii, anethi, calamenti, ruta, abrotani, absynthii, artemisia, chamemeli, meliloti. Unguentum arregon etiam laudatur; Est etiam remedium experientia comprobatum ut volunt quidam, qui capiunt telam aranea cum semine urtica contundunt, & addito aceto conficiunt medicamentum carpo alligandum, quod vel proprietate occultâ, vel per revulsionem prodesse dicitur, quamvis istis physicis, sine ulla ratione non sit nimium fidendum, ut in Pathologia diximus.

xv i. Quod ad interna remedia spectat iis cautius utendum quam externis, nec nisi in febris à frigidis humoribus pendentibus, ut quotidianis & quartanis, non autem in tertianis, ne febrem vehementius accendant. *Vinum aphor. 57. libri 7.* convenit, sed non in omnibus, ut alibi dicemus, cui theriacam, mithridatium, semen hypericonis, imo & assam foetidam admiscant, qua tamen ob ingratiſſimum foetorem cum alia suppetant censeo non esse utendum, potius substituatur benioinum, quæ assa dulcis à quibusdam vocatur. *Gutta una olei piperis cum spiritus vini cochleari propinetur.* Baccarum lauri, zinzib. gentiana ana fiat, pulvis, qui detur ad ℥j. cum vino albo, sic conveniunt diatrionpiperon, diaciminum, theriaca diateſſaron, & alia ejusmodi calida. Sed quidam probant ℥j. pulveris cranii humani cum vino, alii os de corde cervi, alii tria hepata ranarum, alii tres radices plantaginis cum vino haustas in tertianis, & quatuor in quartanis, quæ omnia superstitiosa sunt, & cum ratione rejiciuntur à *Pereda capite de quartana*. Periculum tamen facere potest qui volet. Sed *Avicennas* præscribit agaricum tum solum, in aquâ calida propinatum, tum admixtum opio, siquidem inquit somnum conciliat, sudores promovet, vehementiam rigoris temperat. *Galenus 6. simpl.* ait agaricum tollere rigores à crassis humoribus genitos, sed tamen non dixit *Galenus* in paroxysmo esse præbendum, cum sit catharticum, ideo ante paroxysmum competere potest, ut dicemus *capite de quartana* & id videtur *Avicennas*, nam etiam præscribit diaphœnicon, hieram, diacidonium, quæ validè purgant; cathartica autem dare in ipsâ accessione summo-pere vetuit *cap. De curatione universali februm*. An præscribit agaricum ut vomitum moveat, qui utilis esse potest in paroxysmo. Sed cur miscet opio, cum somnus principiis paroxysmorum sit noxius, & medicamenti solutivi vis narcotica hebetetur. Dicere possemus cum id fecisse ut humoris motum narcosi consopiret, tum ut sudores promoveret,



veat, somno siquidem sudores uberius cientur, atque ipsum opium ut annotat *Gesnerus* in Epistolis, cæteris additur antidotis non ad temperanda reliqua simplicia, est enim fervidum medicamentum sed ad sudores promovendos, quæ sententia à vero non omnino abhorret cum ipsi chymici norint ex opio elicere insigne sudorificum. Sed tamen hæc *Avicennæ* mistio non debet in usum revocari, cum magnis difficultatibus prematur, & alia tutiora suppetant.

## CAP. VI.

## De inæqualitate &amp; lassitudine.

**I**Nter signa quæ putridam febrem denuntiant, non tantum est *Anomalia.* rigor, sed etiam inæqualitas & lassitudo, inæqualitas vel febrem præcedit, vel eam perpetuò comitatur. Est autem tristis sensatio musculorum corporis, ex inæquali intemperie proveniens, ab humore paucio minimè acri, per corporis habitum ante febrem leviter moto, solet siquidem sicut rigor & horror ante febrem infestare, sed humor à quo fit non movetur ut in rigore & lassitudine, aut saltem quam minimùm. Ita ut à quibusdam ad facultatem animalem motricem referatur, quod moveri sic affecti commodè non possint, tamen ab aliis sensus potius esse videtur quam motus, quod tristis adsit sensatio, quippe inquit *Galenus* profundus quidam in totâ corporis mole ceu dispersæ per eam rei à naturâ nostrâ alienæ sensus oritur, quam tamen rectè exprimere & explicare non valemus. Est autem res hæc aliena excrementitia quidem, sed paucior, minusque mordax quam in rigore & horrore, ad cujus vacationem facultas expultrix magnopere non concitatur, potestque interdum ex pravâ victus ratione citra febrem generari, ut diximus *de rigore*, sed ut plurimum fit ab interno corporis vitio.

**II.** Est autem humor hic excrementitius interdum calidus, interdum citra calorem mordax, interdum calidus & mordax, interdum citra calorem & mordacitatem tantum distendens, ut si spiritus flatulentus in musculos se insinuet, aut humor pituitosus. In his omnibus inæqualitatem se sentire ajunt ægrotantes, & pandiculantur, omnesque partes distendunt. Est enim pandiculatio musculo-*Pandicula-  
latis.* rum totius corporis distensio tentante naturâ inæqualitatis hujus ma-



teriam depellere. Continetur in genere motus voluntarii depravati, expultrice facultate irritata ab ejusmodi excrementis. Maxime autem fieri solet à somno, quia vaporosa in carnibus excrementa plurima sunt, ex alimenti concoctione per somnum & quietem collecta, ideo etiam minimi pueri à natura edocti pandiculari solent. Hæc autem materia flatulenta est, non corpulenta, alias faceret lassitudinem, aut rigorem, aut horrorem potius quem pandiculationem, estque ut diximus ex Galeno hæc flatuosa materia vel calida, qualis ex vapore sanguineo fuscitur, vel calida & acris, ex halitu bilioso, vel mordax sine calore ex halitu vitrea, aut acidæ pituitæ, aut distendens ex flatu ab humidâ materia. In febribus autem hæc inæqualitas est secundum tempus paroxysmi, cum incipit calor distribui in corpus, fit lucta inter calorem & frigus, hinc tristis sensus, & inæqualitas, tùm pandiculantur & oscitant, & hæc inæqualitas non tam febrem futuram indicat, quam eam fore intermittentem, & longiorem, nam ostendit frigidæ materiæ annexionem, sed eam fore salutarem.

*Lassitudo* 111. Altera tristis hujus sensus species est lassitudo, quæ duplex, una ex laboribus & motu corporis profecta, altera spontanea, quæ sine his præcedentibus fit, estque impotentia, sive debilitas artuum ad motum, ob facultatis læsionem. Utraque triplex est, una in quâ universi corporis moles tendi putatur, tensiva dicta, fitque potissimum à plenitudine, quæ partes adeo distendit, ut ab ipsis tolerari non possit, sed fieri etiam potest ex flatibus & vaporibus distendentibus, non tamen ut mordaces sunt, ut docet Galenus capite quinto libri *secundi de causis symptomatum*. Secunda est ulcerosa, in qua corpus cum movetur velut ulceribus conspersum esse putatur, atque tanquam spinis & aculeis pungi videtur, fitque à mordaci humore, hinc motis magis accidit quam quiescentibus, nisi magna sit lassitudo, nam quieti humores non pungunt, nec vellicant, nisi sint multi & copiosi, unde magna lassitudo quiescentibus etiam molesta esse solet. Afficitur autem & pungitur vel sola cutis, vel sola caro, vel utraque, pro causæ magnitudine aut parvitate. Mordacitatem autem materiæ habet, vel quia biliosa, vel putrida, vel nimium calefacta ex balneo, motu, insolatu, atque vel obstructâ cute retinetur, vel ob copiam ad cutem transmittitur. Tertia Lassitudo est phlegmonodes, in qua partes quasi contusas & phlegmone obsessas etiam usque ad ossa sentimus, unde



unde <sup>ἰσχυρῶς</sup> vocant Græci, ob tristem sensum quem in penitioribus partibus excitat, hic adest sensus mordicationis, caloris & tensionis, quasi sit extensivâ & ulcerosâ composita. In hac ægri velut contusi jacent, nec minimum quidem motum sustinent, ita ut ne quidem pandiculari tentent, audeantve, cum omnis motus illis sit formidabilis, cum in tensivâ & ulcerosâ pandiculatio contingat, ubi à vaporosis proveniunt excrementis: sed si ulcerosa magna fuerit, transit in horrorem, & hic rursus in rigorem, quia ab unâ & eadem causâ hæc symptomata proveniunt, mordacibus scilicet excrementis, sed differunt tantum multitudine, acrimoniâ, motu, exquisito sensu partis, nam quæ minus acria sunt, aut pauciora, quæ quiescunt & in corpore obtusi sensus, faciunt inæqualitatem tantum & lassitudinem; contra quæ copiosa sunt, acria, & moventur, ea horrorem, & rigorem excitant, ut plenius decet *Galenus 2. de sympt. causis cap. 5.* Hæc autem lassitudinis differentię componi inter se possunt, ulcerosa cum tensiva, cum ostocopo, ita ut ex variâ complicatione quindecim oriantur lassitudinum differentię *3. de sanit. tuendâ cap. 13.*

i v. Earum autem signa facile patent, nam ulcerosa ex punctione *Signa.* quasi spinarum cognoscitur, tensiva ex tensione musculorum, ita ut si amplius eos extendere sit animus, videantur disrumpi. Ubi dolor ad ossa pervenire sentitur, dicitur ostocopos. Cognitis simplicibus compositæ facile cognosci possunt. Itaque ulcerosa significat copiam bilis, tensiva sanguinis, & sic deinceps. *Spontanea lassitudines* inquit Hippocrates *morbos denuntiant* aphorismo *5. libri secundi*, Ulcerosa quidem brevis & levis leviolem febrem, at diuturnior & gravior tertianam & ardentem, in quâ dicit *Hippoc. 4. acut. 2.* esse lassitudinem ulcerosam. Tensiva verò & phlegmonodes morbos à plenitudine, ut febrem synochon: Ostocopos autem quartanam, & si lassitudo universum occupet corpus, hæc erit morbi sedes, si verò partem determinatam, ut caput, thoracem, scapulas, cæterasve, certum est has esse, vel futuras morbi sedes. Præterea lassitudo indicat futuram abscessum ad articulos, vel post aures in febribus *4. aphor. 31.* quod tamen dubium est quomodo fieri possit; Respondeo id intelligendum esse de lassitudine particulari, nam illa morbum illic futurum denuntiat, ut scribit Hippocrates, *32. & 33. ejusdem libri*: quibus convalescentibus ex morbo pars aliqua dolet, illic sunt abscessus, tam si ante morbum pars aliqua doluerit, ibi morbus statuitur; nam articuli laborabant tempore febris



bris aut ante febrem debilis facti & incalescentes, facile suscipiunt fluxionem. Pariter 4. aphorismor. 44. *Quos febres longa exercent, iis tubercula vel labores in articulis sunt.* Fluunt enim humores ad articulos, quia imbecilli, motu incalescunt, humoresque ad se attrahunt, tum febribus eorum imbecillitas augetur, & alibi in iis qui reficiuntur ex morbis abscessus ait fieri in articulis. Ab abscessu tamen liberat urina, crassa & multa. qualis in laboriosis febribus quibusdam quarto die incipit fieri, tum si ex naribus sanguis fluxerit aphor. 74. lib. 4. quia natura humores evacuat, qui abscessum facturi erant, unde prædicta de abscessu post lassitudinem futuro intelligenda sunt, si nulla evacuatio succedat. Sic 6. Epidem. sect. 4. textu 2. *urina crassa qualis puero Amphigenis in febribus cum lassitudine quarto die prodit, & ab abscessu liberat, quod si sanguis è naribus profluat, citius liberatur.*

*Curatio.* v. Propterea imitatione naturæ spontaneam lassitudinem purgatione & venæ sectione curabimus, ne abscessus contingant, aut febres, quas præagire solent, & quidem in phlegmonode nisi quis sanguinem promptè detrahat, febris superveniet acerbissima, itaque eodem die bis detrahare consulit Paulus, fit enim à plethorâ, & posteriore detractione suadet ut extrahatur ad animi deliquium, sed opinor temerariè, bis enim detractus sanguis potest sufficienter omnem plenitudinem demere & refrigerare, ut periculoso animi deliquio non sit opus: at nisi quis sanguinem demat, bonâ inquit fortunâ ad salutem ægri indigent, quæ etiam Galeni sententia est 4. de sanit. tuenda. Et si post incisam venam in febrem incidant, tum omni arte curandi ut alibi dicetur; si non, cibus boni succi sunt alendi, & balneo tepido lavandi, sic enim curabuntur. Ulcerosa autem quæ ab acris humo-ribus, quiete curatur, victu euchymo, refrigerante, ac tenui, & si humores crudi fuerint etiam vino uti poterit, & medicamentis attenuantibus & diffecantibus sine magno calore, qualia sunt oxymel, ptisana, diaspolicicon, mulsâ, diatrionpipereon, tum demum purgandum erit & evictâ cruditate balneo utendum, aliàs tum balneum, tum omnis motus, & omne aperientium medicamentorum genus noxium est. Videri Galenus potest 4. de sanit. tuendâ.

CAP.



## CAP. VII.

*De signis diagnosticis febrium putridarum.*

1 **S**igna febrium putridarum ex quinque fontibus depromit *Galenus* *primo de differ. febrium cap. 7.* primò ex calore præter naturam, *secundò*, ex pulsu, *tertiò* ex urinâ, *quartò* ex formâ febris, *quintò* ex causis. *Primò* igitur generaliter in febribus putridis calor est acer, mordax ita ut tactum offendant & erodat, qui quidem calor in principiis accessionum, dum adhuc est suffocatus, non statim dignoscitur, sed diutius impositâ manu de profundo emergit, forasque attollitur; & quamvis in omnibus calor mordax sit respectu ephemerarum, inter se tamen comparatæ quædam calorem habere dicuntur blandum & suavem. nam sanguinea habet calorem lenem respectu biliosæ. Sed acrimonia caloris in hæcticis quoque adest, verum non tanta quàm in putridis, eaque non statim se prodit, sed primum mitis nullaque fermè apparet, post manus impositione, magna satis deprehenditur. Caliditas, inquit *Paulus*, primò occurfu languida, paulò post acris & erodens erumpit, estque ille calor semper sibi similis, nisi à sibi ut diximus capite de hæcticâ.

11. Secundum est pulsus inæqualitas, nam velocior est systole *secundum* quam diastole quoniam major est necessitas expellendi fuligines putridas quam refrigerandi, sed hoc signum inutile est iis qui systolen deprehendere non possunt, cujus cognitionem difficillimam esse *Galenus* libris pulsum demonstravit. In initiis quidem quando refrigerantur partes & suffocatur calor, facultas gravatur ex humorum ad interiora confluxu, pulsus sunt parvi, veloces, sed inæquales inæqualitate systematicâ; in vigore autem aucto calore magni fiunt & veloces. Durities autem pulsus etsi quandoque adsit, non tamen convenit feбри qua febris, nisi aliquid aliud adjungatur, hæcticis siquidem familiaris est ob arteriæ siccitatem, sed non ephemeris nisi ex lassitudine, nimio frigore, aliisque de causis pulsum indurantibus succedat. Nec etiam putridis, nisi aliqua inflammatio, durusve tumor subsit in visceribus unde tensio arteriarum fit, aut vacuatio magna spirituumque resolutio, unde exsiccantur, vel congelatio à refrigeratione ut potu aquæ frigidæ, fiunt enim pulsus duri *ex Gal. cap. 7. primi de diff. feb.*



feb. tribus de causis, aut ex congelatione, à frigidis, aut ex tensione ab inflammationibus & tumoribus duris, aut ex siccitate à causis evacuantibus & siccantibus. Sed obiter notandum in nulla febre exceptâ ephemerâ pulsus redire in naturalem statum in intervallo, cum semper remaneat saltem inæqualitas dicta febrilis, ex primò ad Glauconem, alibi tamen excipit tertianam.

*Tertium.* 111. Tertium signum est urinæ cruditas, aut saltem obscura coctio. Cruda autem vocatur, quæcunque à naturali statu recedit, quod fit bifariam. vel enim quæ minimam aut nullam passâ est alterationem, qualis est alba tenuis, cruda vocatur, vel quæ ad intensum vergit colorem, cum substantiæ tenuitate, aut crassitie, quales sunt flammeæ, igneæ, rubæ, crassæ ab ebulliente sanguine generatæ.

*Quartum* 1V. Quartum signum est à forma febris, Intermittens incipit cum rigore, horrore, & inæqualitate quâdam febrili, in quâ describenda Avicennas numerat quædam symptomata, lassitudinem, oscitationem, somnum, gravitatem capitis, sputum, vomitum, in appetentiam, difficultatem aæhelitus, aliæque plurima.

*Quintum* V. Quintum signum putridarum est, quod non incipiunt à causâ procatarcticâ, quod ipsarum proprium esse Galenus tradit, sed non est inseparabile, cum illarum quædam à causa procatarcticâ originem habeant, unde valet consequentiâ, incept sine causâ procatarcticâ, ergo est putrida, sed non contra, putrida est, ergo incept sine causâ procatarcticâ, non enim retro comineat consequentiâ. Et hæc sunt signa putridarum generalia, nunc distinguendæ sunt continuæ ab intermittentibus.

*Continuarum & intermittentium signa.* VI. Continuarum igitur signa sumuntur à quatuor fontibus. Primum signum erit si febris non incipiat cum rigore, horrore, sed cum lassitudine præcedente, erit continua, sed interdum quædam continuæ initium capiunt ab horrore & rigore, ob quandam humoris partem à majoribus venis in minores derivatam, quæ ex illis excidit in habitum corporis, unde rigor, sed solet evanescere, nec redit usque ad finem febris, quod si redeat, malum est signum. Fit etiam horror in principio continuæ à fluxione capitis, quæ malignitatis est particeps. Præterea in semitertianâ quæ de genere est continuarum, horror fieri solet, sed is pendet ab intermittente cum quâ continuâ componitur. Secundum signum est à tempore durationis, nam si febris excesserit horarum viginti quatuor spatium, probabile est illam



lam fore continuam; Dixi *probabile*, quia signum hoc solum non concludit, nam sæpenumero tertianarum intermittentium paroxysmus ad quadraginta horas extenditur, quare semper signorum syndrome est spectanda, nam hoc signum aliis conjunctum aliquid demonstrat. *Tertium* signum est inæqualitas augmenti, cum non uno tempore & una ratione febris increfcit, sed varias facit mutationes, adeo ut nunc crescere, nunc consistere, nunc augeri, nunc minui videatur, quod indicat naturam esse oppressam, ab humoribus multis in venis putrescentibus, ut docet *Galenus primo ad Glauconem capite octavo*. *Quartum* signum est ex pulsu, nam si varius fuerit, neque rythmum neque ordinem serauerit, signum est febrem esse continuam, tales enim pulsus indicant insignem naturæ oppressionem, quæ in febre intermittente contingere non potest. Intermittentium autem signa sunt his contraria & omnes incipiunt cum rigore & horrore, extremorum frigus accessionem eorundem calor declinationem denotat. *Quibus in febribus quotidie rigores sunt, quotidie febres solvuntur, singulis enim accessionibus humores febrem facientes expurgantur.*

## CAP. VIII.

*De prognosticis Februm putridarum speciatim.*

**I** Suppositâ prædicendi methodo, quam in Pathologiâ generaliter explicavimus, nunc ad prognostica februm putridarum accedamus, & primò de febribus continuis agendum. Continuae febres ut plurimum acutæ esse solent, Acutorum autem morborum non sunt certæ prænotiones salutis & mortis 2. aphorismor. 19. Acuti morbi 14. diebus solvuntur & omnes periculosi sunt. Primò igitur in febre non intermittente, si labrum, palpebra, vel supercilium, vel oculus, vel nasus pervertatur, si non videt, si non audit, ægro jam debili, quicquid horum acciderit in propinquo mors est. 4. aphorismor. 49. hæc enim convulsionem significant ob inflammationem siccitatemque, quæ febri superveniens est lethalis, præcipuè ægro jam debili. His tamen solis signis non est fidendum, sed addendum robur naturæ, quod intelligit *Hippocrates*, cum ait, ægro jam debili, & tunc mors est in propinquo, interdum cum virtute validâ, ut in perturbatione critica, ut contigit *Metoni primo Epidemion*.

R

I 1. Se-



II. Secundo ubi in febre non intermittente difficultas spirandi & delirium acciderit lethale. aphor. 50. lib. 4. dummodo respirandi difficultas non pendeat ex delirio, cum scilicet delirantes sui officii obliviscuntur. At cum difficultas spirandi sequitur affectum partium respirationi dicatarum, deliriumque adjungitur, lethale est, quod significat incendium & inflammationem alicujus partis internæ, è quâ delirium & difficilis respiratio ortum ducunt, quales sunt pleuritides, peripneumoniæ, diaphragmatis inflammationes. Tertio quibus in febribus aut aliis pægritudinibus voluntariè oculi illachrimantur, nihil horribile accidit, quibus verò non spontè, horribilius. aphorismor. 52. lib. 4. lacrimæ enim quæ sine causâ manifestâ, ullove affectu oculorum contingunt, tales sunt à debilitate retentricis, quæ malum est indicium. Quarto quibus in febribus lentiores sunt circa dentes, iis fortes sunt febres aphorismor. 53. ejusdem libri, sunt enim ex calore pituitam exsiccante, unde morbi longitudinem significant. Quinto febricitanti sudor superveniens febre non deficiente malum, prorogatur enim morbus, & multam humiditatem significat. aphorismor. 56. lib. 4. sive in principio appareat, nam critica ne statim appareant, sive in fine, nam critica non judicantia mala. Sexto quibus in febribus aures obsurduerunt sanguis è naribus fluens, aut alvus turbata solvit morbum. aphor. 60. lib. 4. modo hæc surditas fiat absque præcipua instrumenti auditus passione. Septimo quibus in febribus Icterus ante diem septimum malum, aphorismor. 62. lib. 4. Fit enim ab inflammatione, obstructione, aut scirrho, & talis Icterus etiam post septimum diem malus, perseverantibus scilicet ejus causis, nam criticè ante diem septimum non solet fieri: Sed multi dubitant de veritate aphorismi, nam in Epidemiis Heraclides tertia die Ictericus factus liberatus est. Hippocrates 4. de rat. victus acutor. In febre biliosâ inquit Icterus ante diem septimum natus cum rigore morbum solvit, sine rigore verò pestiferum. Rigoris nomine complectitur sequentem vacuationem insignem. Hic autem agit Hippocrates de Ictero qui fit ratione febris, quum bilis venis contenta effunditur in habitum corporis, tum potest esse salutaris, at si sit gravis obstructio, inflammatio, aliudve vitium, lethalis erit. Sic ait aphorismor. 64. libri quarti. Quibus in febribus Icterus septimo, vel nono, vel undecimo, vel decimoquarto supervenerit bonum, nisi dextrum hypochondrium obduruerit; si vero, non bonum. sed de hoc plura cap. de Icte-



ro dicemus. Octavò in febribus circa ventriculum fortis æstus, aut cordis morsus malum. aphorismor. 65. libri quarti. Fit enim à flauâ bile fortiter in ventriculi tunicis ebulliente. Nono in febribus ex somnis timores aut convulsiones malum. Somnus enim sedare debet omnes hos pravos affectus, quod si non faciat, sed potius phlethoricis causis caput impleat, malum, & quidem si humor ad atræ bilis naturam vergat, timores fiunt, sed si talis non fuerit, labores fiunt & convulsiones. Nec solùm ex cerebro repleto malis humoribus tales fiunt casus, sed etiam ab ipso ore ventriculi ut vult Galenus in comment. Decimo in febribus spiritus offendens malum, convulsionem enim significat, fit siquidem musculis jam ad convulsionem paratis ex Galeno in comment. aphorismor. 68. Undecimò in febribus convulsiones & circa viscera fortes dolores, malum. 66. ejusdem libri ob vehementem incendium, erisipelas, vel inflammationem visceribus conceptam. Duodecimò quibus in febribus urina turbata velut lumentorum iis capitis dolores, aut adsunt, aut aderunt. Fiunt enim materiâ crassâ & densâ à calore agitatâ, unde spiritus flatuosus promptè fertur ad caput. Decimo tertio. Si in somnis palpebris subelusus aliquid albi sub appareat, nec alvi fluor, aut medicamentum in causa sit, aut ita dormire consueverit, exitiale. Significatur enim facultatis palpebras moventis imbecillitas, aut convulsio musculorum illas claudentium quæ mala censetur. Decimo quarto. In febribus non intermittibus si partes exteriores sint frigida, interiores verò urantur, & sitim habeant lethale; Id autem solet tribus de causis contingere, quod est maximè distinguendum. Primò propter vehementem dolorem in internis ut in colico dolore, quò spiritus & humores accurrunt ubi dolor sævit; secundò in syncope aut cardiagmas quæ non sunt lethalia; tertio ex inflammatione internâ ut in lipyriis ad se retrahente calorem nativum, & hic casus est lethalis, unde sitis à concepto visceribus incendio excitatur, quibus si accedat corporis agitatio, vestium rejectio, pedum denudatio, peiore sunt loco res agris. Iis cum ad extremum ventum est succedit tenuis sudor, primum per caput, dein per totum corpus, tandem mors. Ad eundem sensum scriptum est aphorismo 26. libri septimi. In forti dolore ventris, extremorum frigus malum, & aphorismo primo libri septimi. In morbis acutis extremitatum frigus lethale. Frigent extrema principio paroxysmi intermittentium, vel in morbis longis



gis ob materiæ frigiditatem, sed id citra perniciem, at in acutis malum, vel ob inflammationem aliquam ut diximus, vel ob extinctionem caloris nativi, sed majus periculum est, si sudor adfit & levior eorundem extremorum. Decimoquintò. febricitantium non omnino leviter permanere corpus, & nihil minui, vel etiam plusquam ratio postulat contabescere, malum, illud enim morbi longitudinem, hoc verò imbecillitatem significat, aphorism. 28. lib. 2. ut quoque diximus cap. de morborum temporibus. Decimosextò. si rigor incidat in febre non intermittente, agro jam debili, lethale aphor. 46. lib. 4. Decimo septimò. si febrem habenti suffocatio repente advenerit, nullo tumore in faucibus existente, lethale, aphor. 34 libri 4. & 35. ejusdem. Si febrem habenti repente collum pervertatur, ac vix possit devorare, non existente tumore, lethale est. Decimo octavò. frigidi sudores cum acutâ febre mortem, cum mitiori autem morbi longitudinem significant, aphor. 37. lib. 4. Decimo nonò. febricitanti si decimo quarto die aponia succedat, non solet citò liberari, sed temporis longinquitatem denotat, libro de rat. victus acut. & videatur Galenus in comment.

III. De intermittentibus autem aliter pronunciandum, nam aphorismo 43. lib. 4. febres quocunque modo intermiserint periculum abesse significant, quod intelligendum est ex natura ipsius febris, non verò, si cum aliis symptomatibus jungatur, aut alia producat, ut dum quartanæ succedit hydrops immedicabilis, si itaque viscus aliquod sit læsum, si accedat syncope, virium infirmitas, error in victu, aliudve simile, tunc febris intermittens potest fieri lethalis. ; Præterea quibus accessiones fiunt, quacunque horâ febris remiserit, si eadem cras occupaverit judicium habent difficile, signum illud est naturæ nihil moventis, aut debilitatis, quia materia paroxysmorum fixa est, immota, contumax, etiam si naturâ fortiter moveat, nam quod celeriter solvatur morbus, fit tres ob causas, quia natura robusta est, materia cedit, viæ sunt liberæ. Citius igitur finitur cujus accessiones non eundem servant tenorem, brevior siquidem futura est, quæ habet accessiones anticipantes, maxime si anticipatio magna sit, sine ulla proportionem, ut diximus cap. de tempor. morborum.

IV. Tandem generaliter sciendum, febres senibus non admodum fortes fieri, ex Hippocrate primo aphorismor. 14. ob frigiditatem corporis, & Avicennas vocat eorum febres, sepultas, quia intus latent, ob humoris crassitiem, calorisque debilitatem, qui expandi non potest.



test. Cognoscuntur quia lingua eorum nigrescit cum debili febre, tunc febris est sepulta, inquit *Avicenna*.

## CAP. IX.

*Februm curandarum methodus.*

**V**eniamus ad indicationes quas febris ipsa suppeditat. In quâ primò consideramus morbum, scilicet intemperiem seu calorem præter naturam, secundò causam morbificam, ac putredinem. febris est affectus calidus siccus, propterea indicat refrigerantia & humectantia ex lege contrariorum. Causa verò indicat evacuationem & alterationem. Alterationem quâ putredo corrigatur manente substantiâ, & hæc alteratio vocatur concoctio. Evacuationem verò, quâ noxius humor vacuetur, sive per venæ sectionem, sine per catharsin, ut docet *Galenus cap. 89. artis Medica*. Putredinis causa solet esse obstructio, quapropter hæc quoque tollenda est. His addemus indicationem sumptam à viribus, in quotidianâ servabimus robur ventriculi, in tertianâ hepatis, in quartanâ lienis, quia in his harum februm formes continetur. Hic etiam concurrunt indicationes contrariæ, nam febris postulat refrigerantia, obstructio detergentia, quæ calida sunt, & causa sæpe quoque calefacientia postulat, ut pituita. Verum hæc calida per accidens refrigerant, propterea non tollunt indicationem depromptam ex natura febris. His indicationibus satisfieri potest diætâ, pharmaciâ & Chirugiâ, de quibus breviter agemus.

*Dieta Februm.*

**II.** Viçtus februm consistit in quantitate, qualitate & utendi *Qualitas* modo. Qualitatem viçtus declarat Hippocrates aphor. 16. lib. primi. *Viçtus humidus febricitantibus omnibus confert maxime verò pueris, & aliis qui tali viçtu uti consueverunt.* Nam cum febris sit affectus calidus siccus, ex lege contrariorum refrigerantia postulat & humectantia, nam ut docet *Galenus in lib. Methodi*, refrigeratio febribus potissimum competit, in illis siquidem calor solet esset noxius, non semper siccitas fatigat, quod *Hippocrates* ipse libris de morbis variis in locis præcipit, ubi febrem quam citissime refrigerare jubet. Hoc cum omnibus confert non refrigerantis, sed solius humidi viçtus meminit aphor. dicto, quod non adeo planum sit humectationem febribus convenire.

R. 3

Per



Per victum humidum intelligere possumus vel humectantem, vel liquidum & forbilem; Humectans maximè febris convenit, tum quia siccitatem emendat quam febrilis calor accelerat, tum quia calorem præternaturalem temperat, est enim siccitas lima caloris, humiditas autem eundem retundit. Liquidis & forbilis ab eodem semper febris præscribitur, æstipulante Galeno, tum quia facillimè in ventriculo concoquitur, tum quia facilius in reliquum corpus & penitiores venas subit, calor enim innatus ab extraneo labefactatus imbecillius concoquit, nec est fatigandus cibus solidioribus, ne si crudiores remanserint, corrumpantur, febremque deinceps augeant, unde cavendum à carnibus assis aut elixis, quæ etsi forsan humidæ potentiâ esse possint, earum tamen, substantia duriôr est, quam ut à febricitantium imbecillo calore concoqui commodè possit. Unde juscula carniû, carnibus ipsis præferri debent, assentiente etiam *Celso lib. 3. cap. 6.* Quamvis autem semper forbilis cibus esse debeat, non tamen semper refrigerans esse debet & humectans, nam ratione causæ quæ febre conjuncta est, aut ratione alterius morbi, vel symptomatis adjuncti interdum calidus interdum siccus esse debet ut in pituitosis febris, & quartanis piper conceditur, tum si febris cum hydropè, vel dolore colico, vel obstructione adsit, in hac non humectantibus & refrigerantibus, sed calidis aperientibus utendum erit, ut docet *Galenus in com. aphorismi prædicti.*

Quantitas.

III. Formam victus quod attinet, nota est divisio victus in tenuem, crassum, & mediocre. Tenuis vel simpliciter talis est, qui fit per ptisanæ cremorem, vel tenuior in quo melicratum exhibebatur, vel tenuissimus qui est omnimoda inedia, aut saltem solâ aquâ hordei continetur. Crassus victus pariter triplex est, vel simpliciter talis qui fit per ptisanam integram, vel crassior, in quo pisces, ova, aves montanæ exhibentur vel Plenissimus in quo cibi valentes conceduntur, & sanis non ægris convenit. Sed in nostris regionibus victus ille tenuissimus antiquorum qui omnimodâ constabat inediâ, est periculosus, unde *Galenus sæpiissime Medicos reprobat qui diatriron imperabant*, etenim in omnibus morbis victus servanda, quæ non magis quam à tenui victu labefactatur. Victus autem ille tenuissimus non aliquot horis mensurandus, multi enim etiam forsan per diem integrum sine cibo vivere possunt, idque utilissimum illis est ad humorum concoctionem, sed inedia intelligenda quæ est plurium dierum, qualis erat diatriron vete-



veterum ; nam in morbis acutissimis quorum terminatio & exitus quartâ die speratur, cum virtutis robore omnimodam inedia præscribebant, à quâ tamen nos debemus abstinere, aliàs in acutis morbis accedente statu victus ratio attenuanda, & forsitan paulè ante crisin omninò cibo abstinere utilissimum est. Febres ut diximus vel sunt acutæ, vel acutissimæ, vel longiores. In acutissimis quæ quatuor diebus judicantur, tenuissimo victu utendum, quia habent brevissimum principium & augmentum, & statim ad statum properant *statum extremos habent labores*, inquit Hippoc. Sed quæ minus sunt acuta, non adeo tenuem victum postulant, semper observando ut juxta statum tenuior sit quam in principio, quoniam natura tum humorum peptismo intenta non debet revocari ad alimenti pepsin. In victu enim exhibendo vel materiam morbi spectamus, vel vires. Materia cum concoqui & evacuari postulet, nullum cibum desiderat, viribus autem inedia, tenuisque victus nocet, eas enim atterit. Igitur semper spectanda virtus est, an sine cibo ad statum usque perdurare possit, ut docet Avic. *Si agritudo fuerit valde acuta, & virtus valida, tunc eam incitabis super materiam, & eam non facies occupari in cibo, imò subtilia regimen statim cum dimissione cibi omninò.* Quod si vires sint debiles, humores pauci & corrupti parum & sæpe cibandum, si vires debiles & humores temperati & abundantes parum & rarò, si vires multæ, humores pauci, non corrupti multum & sæpe, si vires validæ corpus plethoricum parum & rarò cibo indulgendum. Ad virtutem autem referuntur tum ætas, tum corporis habitus, tum regio, tum anni tempus, tum consuetudo, pueri enim inedia non ferunt, senibus verò minus nocet. Pariter qui corpore sunt calido sicco, præcipuè circa ventriculum ab inediâ facile resolvuntur, & in marasimum incidunt. Regionibus quoque frigidis, hyeme & consuetis plus cibi dandum est quam in aliis. Imo in ipso morbi vigore si quapiam de causâ vires dissolvantur nutrire cogimur, ex Galeno primo aphorism. 9. quâ ratione in pestilentibus morbis victum pleniorern decernimus, aliàs vires morbi malignitate ruerent & fatiscerent. Tenuis præterea victus tripliciter dicitur, vel qualitate, sunt enim quædam alimenta oligotropa, quæ parum nutriunt; vel quantitate ut si multum nutrientia exiguâ tantum quantitate præferbantur, à quibus parum nutrimenti corpori succrescit, vel numero, ut si rarò assumantur, sic enim parum nutri-



re possunt. Igitur tenuis hæc ratio victus morbis acutis semper conuenit, at nisi cautè & circumspectè præscribatur, periculosior est paulo crassiori *aph. 5. lib. primi*. Etsi enim utrinque periculum adsit, majus tamen est in tenuiori quam in pleno, Indicatione etenim sumpta à viribus, & magis ex tenui diætâ labefactantur quam ex crassiori, nec ità facile possunt reparari nisi alimento, quod non nisi per varias transmutationes in corporis substantiam facessit. Sed ex crassiori victu id tantum imminet periculi, ne morbus evadat longior, tum evacuatione noxa illa emendari potest, etsi suo non careat victus crassior periculo.

*Tempus.* 1 v. Utendi modum quod spectat. Tempus maximè spectandum. In intermittentibus quidem in paroxysmis cibum dare prohibet Hippocrates primò aphorismorum undecimò & decimo nono, ne scilicet à febrili calore cibus corrumpatur, febremque deinceps augeat, & hoc maximè verum est in febribus illis, quarum intervallum tam longum est, ut sufficere possit ad concoquendos cibos ante novi paroxysmi adventum. Curandum enim est ut paroxysmus accedat ventre vacuo, ex *Avicennâ*. Sed in febribus illis quarum accessio tam longa est, ut ferme statim à declinatione novus instet paroxysmus, dubium maximum est, an in statu exhibere cibos conveniat, an in declinatione, ita ut cibo nondum concocto novus succedat paroxysmus, an vero in ipso paroxysmo sit alendum, sunt enim ubique angustiae, variaeque sunt hac in re opiniones; Quidam deterius esse putant, cibum offerre in principio paroxysmi, quam in statu, invadente enim febre suffocatur calor innatus, pulsus imminuitur, cor magis leditur, hinc virtus labefactata cibum commode non concoquit, cruditates augentur, putredo increfcit, vapores plurimi ex alimento accenso susciuntur, sic periculosior fit paroxysmus, & mors interdum contingit ex suffocato calore, quod enim in principio commissum est erratum, aliis temporibus etiam comunicatur, unde vetat Hippoc. ptisanam dare cum pedes frigidi sunt. Sed in statu tantum non est periculum, ob calorem vehementer accensum solum prorogatur accessio. Alii his omninò adversantur, quia virtus in statu plus laborat in universo corpore quam in principio, & *Galenus*, videtur huic sententiae assentiri *xj. Methodi* ad finem, ubi nisi adsit inflammatio ventriculi, aut hepatis, in principio cibum dare non vetat. Attamen prior sententia ob rationes dictas verior videtur, falsum enim est, virtutem plus



plus laborare in statu quam in principio paroxysmi, pejus enim est virtutem opprimi, quam à calore paululum alterari, *Galenus* autem loco citato in casu proposito id non negat, tantum ait posse cibum in principio paroxysmi exhiberi, quod nos non negamus. Est enim quando invadente paroxysmo cibus est offerendus. Sunt enim corpora quædam biliosa, sensus exquisitissimi, quæ cum plurimis laboribus, copiosoque victu uti soleant, nisi cibus detur in paroxysmi initio, incidunt in syncopen, convulsiones, & marasmm, & propterea iis cibus dandus est. Non omnes tamen cholericis his periculis sunt obnoxii, sed ii tantum qui valde calidi sunt & sicci, rarioris texturæ, & qui exercitiis plurimis utuntur ex *Avicennâ*. In his enim invadente febre mittitur biliosus humor ad stomachum, qui pungit & vellicat, unde cadunt in syncopen, is autem cibi suavitate mitescit & temperatur. Attamen in casu supra proposito, nisi etiam casus qui modo dicti sunt, affuerint, satius est in fine status cibum præbere, qualis febricitantibus convenit, scilicet qui sit eupeptos & oligotrophos, sic enim citissimè concoquetur ante adventum novi rigoris, pauciores enim horæ ad sorbiles cibos concoquendos sufficiunt. Pariter in iis febribus quarum paroxysmi ita sunt connexi, ut declinationem unius statim excipiat invasio alterius, idem observandum, ut in statu cibum demus, eumque quam levissimum. Potum quod spectat, ipse *Avicenna* *Potus.* vetat dare aquam hordei, & Juleptoto paroxysmi tempore, nisi coacti simus, ipsisque consentiunt ipsius interpretes, præter Jacobum de Partibus, qui verius concedit decoctum hordei, (quod nos ptisanam male vocamus) quando calor in universum corpus expanditur, crudele enim est ægrum siti enecandum tradere. Potus enim interiora roborat, calorem sitimque compescit, exsiccationem prohibet, sudores promovet, & negat inde febrem prorogari, Rigente autem corpore valde nocet. In continuis autem quorum nulla exacerbatio est, eo tempore dandus est cibus, quo per sanitatem sumere consueverant, ex *Galeno* xj. *Methodi* cap. 5. Nunc ad cibos febricitantium in specie accedamus.

v. Ptisana veteribus & recentioribus cibus est familiaris, in febribus *Ptisana.* præsertim acutis & biliosis, nā refrigerat & humectat, idque magis aut minus pro varia præparatione hordei, decoctione, aut aquæ quantitate. Nam fit ex hordeo decorticato, vel integro, & hæc magis deterget, illa magis humectat, sitim & asperitatem sedat, inflammationem extinguit,

S

guit,



guit, pulmonem lenit, & hæc maxime competit febribus biliosis & sanguineis in quibus refrigerandum est & humectandum, sicut prior magis competit pituitosis & melancholicis, in quibus absterfio necessaria est & apertio, maximè si apium & fœniculum addantur. Quod si ventris lenitio desideratur; addi possunt manna, & Saccharum violatum, ad pectus liquiritia, sebesten, tragacanthum, aut hyssopus, aut calamentum. Et si magis nutrire intentio sit, coquatur hordeum dum crepet, & quodammodo in pultes redigatur. Non omnia autem quæ ex hordeo fiunt habent eandem virtutem, nam panes hordeacei omnes exigui sunt alimenti, succum crassum & flatum generant; Præterea fiunt potentia & maza de quibus abundè *Plinius lib. 18. cap. 7. Galenus lib. j. de alim. facultatibus cap. xj. & xij.* fiunt quoque potiones zythum, curmi, cerevisia, sed apud nos in frequenti usu sunt aqua hordei & ptisana. Aquæ hordei usus antiquissimus est, nam ejus meminit *Hippoc. 3. de rat. victus 43.* & alibi ad sitim tollendam. Sed *Galenus* illius non meminit, imò fatetur se ignorare quænam sit illius præparatio. Arabibus ac deinceps nostro seculo facta est familiaris, ita ut omnes hodie illius confectioem norint. Hordeum autem ex *Galeno primo de alim. facultatibus* in eo differt à tritico, quod hoc insigniter calefaciat, hordeum verò refrigeret, sed præterea siccit lib. *de ptis. cap. 3.* decoctum vero in aqua siccitatem amittit, ejus enim siccitas temperatur aquæ humiditate, & sic fit potio frigida, humida, præterea sudorem provocat, unde febricitantibus evadit utilissima, aqua enim non imbibit hordei siccitatem, sed manet tum actu, tum facultate humida; siccitas enim cum sit qualitas minus efficax, sese aquæ communicare non potest. Coquitur autem hordeum ex aquâ simplici, idque diutius, ut flatum deponat, adduntur interdum passulæ, glycyrrhiza, & in frigidis affectibus cinnamomum. Ptisana præterea ex hordeo conficitur, imò ipsum hordeum tritum, corticeque exutum ptisana dicitur, ut exponit *Suidas* hordeum scilicet tundendo cortice expurgatum. Ante omnia hordeum eligatur, candidum, densum, ponderosum, omni ex parte plenum, neque nimis recens neque nimis vetustum, ex *primo de alim. facult.* siquidem recens nimis statuosum est ob largam humiditatem, vetustum autem effœtum est & sine viribus. Tale hordeum in optima aquâ infundendum est per quatuor horas ex *Averrhoë*, aut per duas tantum secundum *Avenz.* deinde manibus conterere oportet, donec externa superficies excutiat, nisi

pti-



ptisanam magis abstergentem facere sit animus, tunc enim melius est hordeum integrum cum membrana coquere. Hordeum ita præparatum quod *mundum* vocatur, coquatur primum vehementi, dein minori igne dum totum in cremorem vertatur. Permiscit Galenus parum olei, dein aceti, & demum sal addit, dein porrum & anethum. Proportio autem aquæ ad hordeum varia est apud authores. Auerrhoes accipit duas partes aquæ, unam hordei, *Avenzoar* contra duas hordei, unam aquæ. *Avicenna* viginti partes aquæ, unam hordei. Paulus quindecim aquæ, & jure cum hordeum longiorem coctionem postulet, copiosior aqua sumenda est, tum etiam hordeum pro varietate soli aliud facilius, aliud difficilius coquitur, tum quoque in quibusdam aquis cerealia omnia difficilius quam in aliis conficiuntur, quæ ratio est cur *Galenus* quantitatem aquæ nunquam expresse- rit. Erat autem ptisana duplex, una quam simpliciter ptisanam, vel ptisanam integram vocant, non colatam, alteram quam succum ptisanæ, cremorem ptisanæ, aut ptisanam calatam nominant, quando ex hordeo tenuior & liquidior pars excolatur & elicitur. Potest autem hodie ex jussulo carniū parari, sive integra, sive colata paretur, addito pauco sale & saccharo, mel enim addebat *Galenus* 5. *de tuenda Valet. cap. 8.* cui saccharum substituemus, quia minus calet, indito autem aceto in calidis febribus prohibemus sacchari in bilem conversionem, aut loco aceti succum arantiorum, citri & limonum, modo succi aliquantulum cum reliquis ebulliant, ut acerbitem deponant, nam ut monet *Septalius* nimius usus acidorum nisi coctione aut saccharo temperentur, ob acerbitem obstructions parit inemendabiles, & vidit *Duretus* stomachum nimio usu succi limonum aphtosum factum & ulceratum. Reprehendendi autem in præparatione ptisanæ qui hordeum sumunt torrefactum ad flatum exuendos sic enim ptisana minus humectans redditur, magisque alvum cohibet, ut docet *Oribas. 4. Collect. cap. 7.* Sic *Trallianus* in dysenteria & diarrhoea voluit hordeum torreri, nam frixa omnia ex Galeno flatum deponunt, sed difficile concoquantur, & alvum sistunt. Male etiam alii præparant ex farinâ hordei, aquæ aut jussulo incocta, pultemque efformant, est enim flatulenta admodum docente *Galeno primo acutor. 18.* Præstat igitur morè Galeni jam dicto præparare. Ptisanæ autem usum Manardus reprobatur, satis levibus rationibus, cum tamen eam *Galenus* tum in aliis morbis, tum maximè in febribus, aliis ferculis anteponat, quia facilè coquitur, refrigerat, ab-



sterget, lenit alvum, non adstringit, caret flatibus, ita ut *Galenus* peculiarem librum de hoc ferculo scripserit. Tempus autem accommodatum ad sumendam ptisanam ex Hippoc. primo de rat. vict. acut. est, cum caliditas ad pedes descenderit, scilicet in declinatione, ut docet *Galenus* in commentario. Convenit autem morbis acutis, sed non ante celebrata remedia universalia, aut antequam coctio & vacuatio per sputa incipiat in morbis thoracis. Demum prohibet *Ayicennas* dare ptisanam cum oxymelite, quod est verum, quando exhibetur ratione alimenti, & jure, sicut improbantur à *Galeo* primò de alimentis, quæcunque possunt stimulare naturam ad expulsionem, antequam alimenta percoquantur. Optimè autem permiscetur tum oxymel, tum acetum, ut prohibeant ne aqua inflammetur, ipsiusque penetrationem juvet, tum etiam ptisana lenit, absterget, oxymel incidit, attenuat, & stimulat ad expulsionem, ut plenius videre licet apud *Gorrihaum* in definitionibus & *Massariam*. Est etiam ptisana quædam triticea quam *ῥοδὸν πλωσάδην*, aut *πλωσάδην πνευμάτιον* vocant ex *Galeo* primo de alimentis, estque halica præparata cum vino dulci, aut mulsa, cum oleo & sale, aut interdum cum aceto, vel præparata eodem modo quo ptisana, ut sit integra & colata, quam per *ῥοδὸν* intelligere videtur, Hippocrat. libro de morbis. Sed rarus aut nullus est ejus usus in febribus.

*Panatela.* VI. Panatela in febribus utimur diversimodè. Quidam panem lavant aquâ ut vis fermenti ab eo eluatur; alii panem prius assant, dein bis vel ter aquâ abluunt, quod *Oribasius* fecisse videtur, sed sic ferculum evadit calidius & siccus, quam ut febricitantibus convenire queat, nisi alvi profluvio aut diuturniori febre tementur. Ablutum panem quidam incoquant, vel lacti amygdalino, emulsioni seminum frigidorum cum saccharo, vel succo granatorum, ptisanâ, vel jusculo, vel lacti, prout aut nutriendi aut alterandi est animus. Quidam etiam panem lotum ex aqua simplici cum ovo integro prius agitato, & saccharo coquant additis refrigerantibus herbis, interdumque butyro, fitque ferculum nutriens satis & refrigerans, præsertim addito succo limonum & arantiorum, & ejusmodi panatela præparatio competit febribus acutis, in aliis autem parari potest ex pane non loto & jusculo aliquantum validiore.

*Ova.* VII. Fuit olim, hodiernoque die durat altercatio maxima inter Medicos, an ova febribus conveniant. Præstat autem ovum alimen-



mentum corpori temperatissimum & optimum, est cupepton, euechymon, polytrophon, peneque nihil excrementi relinquit, vixque ullus cibus est qui melius alat, neque oneret, si sit recens, vetusto etenim nihil deterius, siue sit *ovum* siue *caro*. Ovum *ovum* dicitur quod incubando corruptum, luteumque evahit, aut à quo pullus excludi incipit, *ovum* vero quod longo situ ab aëre depravatatum est, ut æstate sub cane, calidove tempore fieri solet. Coctum autem sum debet, sed forbile, aut tremulum, non coctione induratum fit enim dyspepton; non frixum quod *truximon* Græci vocant, fit enim nidorulentum, pravumque & excrementitium succum corpori subministrat. Tremulum autem quod in aquâ exempto putamine eatenus coquitur ut non dureseat, aut forbile quod simul cum putamine coquitur sed minimum, optimè convenire potest, ob rationes dictas, nam vires roborat, facillimè concoquitur, plurimum nutrit, humoralibus ideo febribus coctâ materiâ, & minorante aliquantulum evacuata utiliter præscribit. Sed ratione ipsius febris & symptomatum ova non competunt, quia non sunt medicamentosa, nec enim alterant, nec vacuant, sed potius ipsa facillimè alterantur, in stomacho corrumpuntur, & inflammanur: sunt enim unctiosa & oleosa. Præterea plus nutriunt quam quibusdam febribus utile est, ut synochis & acutis ante statum, in quibus tenuiori victu est utendum & oligotropho, nisi virtutis imbecillitas nos urgeat, & à legitima curandi ratione avocet, sed in aliis febribus, ut pituitosis & melancholicis, omni tempore utiliter dantur, & in acutis ut diximus concocta & evacuata materiâ, aliàs minimè.

VIII. Cum dixerimus sorbitionibus alendos ægrotantes & potulentis secundum Hippocratis placita, sequitur carnes non esse febricitantibus idoneas, maximè quæ inter illas sunt crassioris succi, coctionisque difficilioris, ut bubula, vervecina, leporina, sunt enim cibus sanorum non ægrotantium, etsi in chronicis febribus iisque intermittentibus minori forsan cum noxâ concedi possint, & sic semper juscula, consummata, restaurantia dicta carniū ipsarū substantiæ præferri debeant. In acutis autem nocent, quibus tenuior victus competit, eoque tenuior, quo virtus validior est, aliàs in eiusmodi febribus vel mors, vel morbi longitudo, vel symptomatum sævities sequitur. Nec confugiendum ad consuetudinem, quod antiquorum



rum victum parcum ægri nostri sustinere non possint. Id enim falsum esse ostendit experientia, cum plurimi in carceribus per annos plures pane & aquâ victitantes, incolumes vixerint. Tum etiam veteres etsi non tam sæpe cibum sumerent, quoties tamen illum sumebant lautius epulabantur & copiosius, ut etiam arietem integrum quidam devorarent, ut de Ephæstione in vita Alexandri refert Plutarchus. Sub declinationem tamen morbi, ad carnes eupeptas quales sunt avium montanarum, sensim deduci possunt laborantes, in principio autem usque ad statum minimè, nisi virium imbecillitas plenior victum suadeat; sicut in iisdem acutis in principio ipsa juscula consummata, non adeo prosunt, etsi enim facillimè concoquantur, tamen in bilem faceffunt, nisi alterantibus herbis, saccisque refrigerantibus ut limonum, arantiorum cæterisque ejusmodi temperentur. Ita ut melius fuerit tum hordeatis seu ptisanâ, tum jusculis dilutioribus uti. Quod si solidior cibus concedi debet, pisces carnibus præferri debent. Eos etenim probat *Galenus primo ad Glaucon capite decimo*, quia facile concoquantur si sint saxatiles, carnibusque præfert, saxatiles autem sunt, non ut quidam putant, fluviatiles qui in saxosis & glareâ refertis fluminibus degunt, ut Trutta dicta, sed omnes sunt maritini, ut ex *Galeno & Athenæo in Dipnosophistis* patet, qui nunquam inter saxatiles fluvialem ullum numerant, etsi fluviales etiam competant, ut Trutta dicta, Lucius, alique eupeptoi, friabiles, quique facile non putrescunt, febrique ipsi qualitate suâ frigidâ resistunt. Arabum interpretes ita distinguunt. Pisces ratione temperamenti frigidi & humidi maximè competunt, præcipuè febribus cholericis, sed quia facile corrumpuntur, & putrescunt minus convenire censent. Sanè carnes in sanis semper præferri debent, nam quod ex piscibus succrescit alimentum tenue est, humidum facileque resolvable. Est enim omnis piscis frigidus, humidus, pituitamque plurimam generat. At in ægris alia ratio est, etsi enim semper solido cibo præferri sorbitiones debeant, in iis tamen febribus quibus cibi concedi possunt pisces, quia refrigerant & humectant carnibus præferendi. Nec verum est eos facillime corrumpi; Optimi enim pisces quales febricitantibus concedit *Galenus* satis laudabilem succum præbent, nec adeo corruptione obnoxium. Vitandos tamen eos esse puto *primò* in continuis acutis febribus, sicut & carnes omnes, ne corrumpantur, & stomacho coquenti negotium faceffant; *secundò* in pituitosis ne causam



sam febrilem augeant. Sed intermittentibus ut tertianis, quartanis, intermissionis tempore concedi possunt, nam eos *Galenus* præscripsit & carnes etiam eupeptas avicularum, idque summa cum ratione, nam in febre non tantum spectamus naturam morbi calidam siccam, sed etiam consumptionem humoris primigenii à febrili calore factam, cui utrique succurrere debemus, non tantum refrigerantibus remediis, sed etiam alimentis & carnibus quarum pars maxima in probum sanguinem facessit. unde sicut iuscula refrigerantibus herbis alterata in inclinatione paroxysmi conveniunt, ita in ipsa quiete carnes pullorum similesque eupeptas dando nihil peccabimus, maxime si intervallum sit longum, ut concoqui cibus possit ante novi paroxysmi adventum, quale solet esse in exquisitâ tertianâ, corpora enim calida sicca, raræ texturæ quæque humores habent tenues, quia facile resolvuntur, crassiorem cibum postulant, unde si utraque die tenui victu alantur facile in marasimum præcipientes ruunt. Quod si carnes in intervallo conceduntur quidni pisces ut diximus?

ix. Olera & herbæ febribus conveniunt ad alterandum, frigida *Fru-ctus*  
ut lactuca, endivia, spinachia in biliosis, calida ut thymus, hyssopus, *& olera.*  
majorana in pituitosis, sed solis non est utendum, nulla enim iis nutriendi vis adest, aut exigua, potius sunt medicamentosæ, ideo iusculis incoctæ præscribuntur ut sit in alimento medicamentum. Igitur non est ægris concedendum ut herbis & radicibus vescantur, solent enim earum plurimæ in bilem porraceam verti in ventriculo, & *Galenus* cum ferme omnes herbas in ratione victus vituperasset, solam lactucam tanquam minus noxiam concessisse visus est. Igitur sumantur decoctæ cum aliis alimentis ad alterandum. Sed & acetaria à quibusdam non improbantur, *Galenus* enim primò ad *Glaucón. cap. 9. & 10.* non solum lactucos, sed & attriplicem, malvam, lapatium concedit, quod si acetum addatur, appetendi vim excitabit, putredini resistet, tenaces humores dissecabit, obstructions aperiet. Parum tamen olei addendum, quia in febribus facile inflammatur. Sed & sal tum acetariis tum reliquis cibis additum in paucâ quantitate exsiccare non potest plurimum, quin potius ex *Galeno* putredini resistit, appetitum excitat, cibi tædium aufert, crassa colliquat attenuatque, & sic olera minus nocent, parum nutriunt, humida frigida sunt, appetitum excitant, & decocta in iusculis aut acetariis cum sale & aceto præparata conferre possunt.

x. Fru-



x. Fructus quod attinet generaliter pronuntiat *Apicenna*, omnes nocere febricitantibus, cui tamen repugnant *Græci* omnes, qui fructus libentissimè præscribunt. *Galenus* primò ad *Glauconem*, in curâ tertianæ fructus concedit, qui sint faciles coctu. *Trallianus* persica cocta & non cocta præscribit, melonem, & melopeponem: insurgitque adversus Medicos quosdam Romanos, qui à peponibus abstinabant, quod bilem procrearent. ex *Galen. 2.* De alimentis, cum tamen, inquit, *Galenus* eo loco dicat pepones parere choleram morbum, si copiosius assumantur. Ipse autem horâ una ante paroxysmum pepones præscribit, tum ut superbibat æger aquam temperatam copiosam, inde enim vacuatâ bilè plurimâ per alvum aut sudores febris cessavit. Itaque addit, in calidâ intemperie omni, renum, jecoris, stomachi, capitis; in tertiana, in ardente, nihil præstantius pepone, aut melopepone, quem quoque præfert peponi, quod omnino sit innoxius. *Hippocrates* ipse libro de affectionibus, pag. 90. sect. 5. Sic de peponibus scribit. Cucumis pepo alvum & urinam movet, ac levis est, alter autem pepon refrigerationem quandam inducit & sitim sedat; ab horum neutro nutritio non nisi tenuis quâdam procedit, sed neque malum aliquod effatu dignum ab horum neutro. Tum præterea suavitas melonum, gratissimusque odor ipsos commendant. At nos hoc tempore ignoramus quid sint pepones, melopepones, cucumeres antiquorum, & propterea ut ad nostros accedamus, Melones nostri, qui plurimis sunt in deliciis ob saporis & odoris admirabilem suavitatem, sunt tamen insalubres, in stomacho fervido facile putrescunt, sunt enim humidissimi, ut patet quod ex parva radice in amplam molem crescant, ab omni aëris qualitate statim corrumpantur, terræque perpetuo inhæreant, unde ex eorum esu putres & serosi humores sensim coacervantur in venis, unde febres increpant & prorogantur, aut si non adsunt, accersuntur, ut inter horæos fructus insaluberrimi censeantur. Ergo quod de suavitate & gratissimo odore quidam afferunt, nihil facit, ad melonum bonitatem commendandam, nam hoc intelligi debet in eodem genere cibi, non in diversis, nam plurima gratissima ingratoribus sunt perniciosiora. Cucumeres verò nostri, qui immaturi solent edi, etsi salubres dici non possint, minus tamen noxii censerî debent, tum quia habent quandam acerbicatem, tum quia aceto & sale emendantur, & in copiâ tot remedium satius est iis abstinere, quam sese periculo objicere. Ad reliquos fructus ut accedamus. Varii illi sunt calidi, frigidi,



gidi, humidi, facile corruptibiles, horæi, acidi, dulces, recentes sicci. Calidi indicatione à febre desumptâ omnino nocent, tamen ratione causæ febrilis aut alicujus symptomatici concedi possunt, ut carica ad abstergendum, & si colicus dolor feбри adjungatur. Frigidi autem conveniunt ratione febris, & prosunt heceticis & ephemeris; Putridis verò et si refrigerando prodesse possunt, tamen ratione putredinis nocent, quia in stomacho immundo & fervido facile inflammantur & ebulliunt, quod maxime intelligendum de horæis, ut sunt fraga, mora, pruna, persica, cerasa. Est autem æstas, & fructus qui eo tempore colliguntur ob humiditatem plurimam servari non possunt, sed cito corrumpuntur, nisi siccentur aut condiantur, & omnes ejusmodi fructus quos fugaces vocant Latini, pravi sunt succi, flatulenti, & dum corrumpuntur venenis similes evadunt. Sed fructus qui possunt servari, ut uvæ, amygdalæ, pruna damascena sicca, poma, possunt concedi. Item omnes acidi, ut Limones, arantia, granata, temperant enim calorem febrilem; sitim arcent, appetitum excitant, vaporum ascensum prohibent. Sed tamen nimia acidorum copia vitanda, quoniam si plus assumantur, aut nisi coctione temperentur, ut in illorum syrupis fieri solet, obstructions maximas procreant, aliàs plurimum prosunt, refrigerando, incidendo, putredini resistendo. Horæi quoque quidam possunt concedi, quia decoctione corriguntur, & sacchari admittance, a quo tamen si in febribus biliosis abstineamus, aut saltem parcissime utamus, melius erit, quia calefacit, & in bilem, ut dulcia solent, se convertit. Sic in tertianâ exquisita commendat *Avicenna*, granata dulcia, pruna, melonem indum, quia solvit, urinam provocat, calorem frangit, sudores aliquantulum movet. Recentes quoque fructus minus in quibusdam conveniunt, quam vetusti, solent enim quidam cum tempore rancescere, ut amygdalæ, strobili, sic fiunt oleosi, ideo minus febribus acutis competunt, quoniam oleosa pars facile inflammatur & in bilem vertitur, & propterea in lacte amygdalino dicto, maxime curandum ne amygdalæ, rancidæ sint, nam quo recentiores eo meliores. Quidam illud lac coquunt, sed crudum melius est cocto, nam refrigerat magis, ob permissionem aquositatis plurimæ, quæ coctione consumitur, & ideo minus alterat, crassiusque redditur, febrilique calori temperando minus idoneum. Contra quidam fructus vetusti magis competunt, ut passulæ, pruna, omnesque qui recentes nimia humiditate scatent, possuntque repositione in salubriorem naturam deduci.

T

x i. Potus



Quantitas.

x i. Potus autem febricitantium quod spectat, primo statim occurrit aqua, tum quæ ex aqua conficiuntur. Aquam pro potu ordinario valde improbat Hippocrates, sicut eam commendat pro medicamento, scilicet affatim sumptam. In potu autem ordinario eam nocere ait, quod crassa sit, hypochondria non permeet, & in biliosis facile bile scat, putrescit enim facile evicta à calore febrili, aliàs quia frigida humida febrì omnino adversatur, illique ideo convenit. In assuetis ergo aquæ potui non video cur dari non possit, sed melior erit si aliorum admistione corrigatur, decoqui autem illa potest ut tenuior evadat, alii illam distillari volunt, dein admistione refrigerantium syruporum & aperientium temperari, alii panem infundi jubent, ut vim fermenti aliquantulum imbibat, alii cinnamomum, coriandrum, anisum, hordeum, passulas, liquiritiam, saccharumque incoquunt pro variâ causæ febrilis ratione, sed maximè celebris est aqua hordei quam nos ptisanam male vocamus, cum vere ptisana ipsam habeat hordei substantiam, sitque cibus, aqua autem hordei potus, de quibus diximus superius, debet autem hordeum optimè decoqui ut flatulentiam amittat, sicque fiet potus acutis & fervidis febribus valde conveniens. In pituitosis febribus hydromel valde commendatur ex aquâ & melle confectum, quo etiam sanitatis tempore quidam septentrionales populi utuntur, & vocant meteglin. Sunt autem variæ illius differentiæ, quatenus sit ex melle crudo vel cocto, est etiam simplex, compositum, meracius aut dilutius. Quod sit ex melle crudo flatulentum est, alvum citius dejicit, fervet enim & intumescit à calore stomachi & hypochondriorum, ut facere solet dum ad ignem ebullit, ex cocto autem melle confectum magis nutrit, coquitur autem ad mellis despumationem, dein colatur. Utrumque dilutius sit vel meracius pro varia aquæ & mellis quantitate. Nam meracissimum vinosum dictum, è quo spiritus ardens elici potest, habet mellis partem unam, duas aquæ, sicut dilutissimi habet octo partis aquæ, sed tamen nimis exigua quantitas est aquæ ad mellis proportionem, cum mel sit acris & calidioris naturæ, valdeque spirituosum, ideo rectius certa aquæ quantitas præscribi non debet, cum pro bonitate mellis variari possit, nam bonum mel celerrimè coquitur, paucam spumam emittit, & propterea minus aquæ absuitur, contrâ si mel minus fuerit laudabile. Præterea hydromeliti addi poterunt herbæ & simplicia instituto accommodata, ut magis evadat medicamentosum

Hydromel.

in



in morbis frigidis & chronicis. Solet autem esse megalosplanchnois & biliosis adversissimum, ut docet Hippocrates libro de rat. victus acutorum. Sed & loco mellis saccharum addi poterit, quod minus calidum est, ideoque biliosis febribus minus noxium evadet, praesertim si acidus aliquis succus addatur. Sicut ad refranandam mellis acrimoniam acetum addi solet melicrato, sicque fit oxymel dictum.

XI. Idem ferme mihi de cerevisia dicendum videtur, quantumvis Cerevisia enim imbecilla sit, tamen semper habet aliquam calefaciendi & inebriandi vim, etsi minor ea sit & imbecillior quam in fortiori, unde febricitantibus acutè & capite dolentibus non adeo convenit, quia inflammant, & sitim generant, si copiosè assumatur, ut febricitantes solent, qui valde sitiunt, & propterea quod de vino diximus illi commodè attribui potest. Nec obstat quod quidam mihi objiciebat cerevisiam esse meram aquam hordei, nec ex lupuli additione ullam vim contrahere febri adversam, cum lupulus quotidie ad depurandum sanguinem à Medicis praescribatur. Magnam enim esse differentiam inter aquam hordei & cerevisiam experientia docet, cum aqua hordei refrigeret, nunquam copiosè pota corpus accendat, nec caput tentet, nec sitim excitet, quod de cerevisia quantumvis imbecilli nemo sibi polliceri ausit. Differentia autem ex eo pendet, quod cerevisia ex hordeo non simplici, sed torrefacto conficiatur, lupulus siccus addatur, qui satis calet, dein fermentetur, unde calidam qualitatem contrahit, quæ non est in aqua hordei, nec in pisanâ, ideo non adeo commoda esse mihi videtur, ejus tamen usus magis quam vini tolerandus est, quod minus caleat, & diuretica sit.

XIII. Quantitatem potus quod spectat, plurimi verentur ne multum aeger bibat, consuluntque ut quam minimum aeger hauriat, at sic sitis non sedatur in æstuosissimis febribus, cujus tamen gratia potus assumitur quin & ipsa potus à febrili calore transmutatur & corrumpitur, inde noxium humorem auget, potius ergo quando bibit aeger, tantum hauriat quantum ad sitim sedandam & compescendam sufficit, sic temperatur calor febrilis, & mitescit, siccitasque temperatur.

De reliquis rebus non-naturalibus satis multa diximus in generali nostrâ medendi methodo, quæ huc referri possunt, ideoque plura non addemus.

XIV. Explicata victus ratione quæ febribus debetur, ad reliquam



Curatio  
febris.

curationem veniamus, quæ fit per causæ febrilis aut alterationem, aut evacuationem, alteratio emendat & sistit putredinem, remanente substantiâ, ex *Galeno* in arte parvâ. Evacuatio fit per phlebotomiam, purgationem per alvum, urinam, sudorem, & vomitum, quibus interdum causa febris continens & propria, interdum antecedens & communis, vacuatur, nam in syncho phlebotomia sanguinem febris hujus causam propriam educit ita ut unicâ venæ sectione sæpe cesset, ut *Galenus de seipso refert*, se febrem unicâ sanguinis missione jugulasse, sic in tertianâ, cum movetur humor biliosus ad stomachum in paroxysmi principio vomitu educitur, aut si ad alvum feratur enemate. Similiter interdum rarefactis poris corporis, evacuantur humores putridi, qui sunt causa conjuncta febris, ita iidem etiam evacuari possunt per urinam. Interdum verò non conjuncta sed antecedens & communis expurgatur, ut quando venæ sectionem Medicus imperat in febribus, in quibus sanguis non dominatur, sed tantum alii sunt humores sanguini permixti, aut ne sanguis ipse convertatur in naturam humoris peccantis, & ut naturæ oneris parte levetur, quâ de causa etiam in tertianâ intermittente sanguinem mittimus. Idem dicere possumus de reliquis evacuationibus, quibus sæpissime non ipsa febris causa, sed alius humor febres augens fovensque expurgatur, ut in quartanâ vomitum præscribimus ad vacuandum humorem pituitosum è stomacho, qui etsi quartanam non faciat, ipsam tamen fovet & auget. Est autem materia hæc communis triplex secundum *Gentilem*, aut sunt viscositates quædam stomachi & intestinorum, ex quibus crassi vapores & putres suscitantur, aut serositates aquosæ venarum, quæ inflammantur à calore febrili, aut excrementorum à secundâ & tertiâ concoctione proventus.

Quæstio  
an in om-  
nibus fe-  
bribus  
vena sit  
secunda.

xv. Primum itaque quod spectat an conveniat venæ sectio. *Chrysippus Cnidius, Erasistratus, & Aristogenes* Medicus referente *Galeno* in nullo morbo venam secabant. Alii contra tam audaces erant ut nullo demum in morbo ab ea abstinerent, quos *Galenus* summâ cum ratione rejicit, est enim venæ sectio tempestivè & cum ratione administrata multorum affectuum præsens remedium, eadem in multis aliis morbis summè nociva. Quæstio tamen maxima est apud Medicos, sitne sanguis mittendus in omnibus febribus putridis. Dubium oritur ex *Galeno* qui vult optimum esse sanguinem mittere in febribus non continuis



tinuis modo, sed & in omnibus quas putrescens humor parit, modo vires & ætas consentiant; sed premitur ista sententia maximis dubitationibus. *Primò* siue indicatio petatur à plethora, multæ dantur putridæ in quibus nulla est plenitudo, siue petatur à morbi magnitudine, multæ putridæ non sunt magnæ, non igitur in omnibus vena est secanda. *Secundò* idem Galenus nec tertianæ, nec quotidianæ phlebotomiam idoneam censet, nec quartanæ, nisi cum sanguis exit niger & fœculentus, si vero flavus tenuisque emanat, suppressendum jubet. *Tertiò* si febris ex frigido humore fiat cui bono vena secabitur. *Quarto* febrium intermittentium materia est mera cacochymia, eaque extra vasa consistens, unde vacuari venæ sectione commodè non potest, nec febris competit quatenus febris, sic enim omni conveniret, nec quatenus putrida, nam nec putredo nec obstructio venæ sectione proprie curantur, ex xj. method. Qui in Galeni verba jurarunt, multa excogitarunt, quibus sese ab istis difficultatibus expediunt. *Mercurialis* dupliciter respondet. *Primò* in omni putridâ vult adesse & plenitudinem & magnitudinem. Plenitudinem quidem, quia sanguis ad partem affectam in qua fomes est, confluit, unde si universalis ea non est plenitudo, est tamen particularis quæ sufficit ad indicandam sanguinis missionem: Magnitudinem verò si non præsentem saltem futuram, periculum enim est ne febris putrida neglecta evadat acuta & magna. *Secundò* advertit Galenum non dixisse necessariam esse phlebotomiam, sed tantum optimam, cum revera multæ febres sine hoc auxilio curari possint, etsi multo citius curentur si adhibeatur, quam si negligatur. Sed error hic est multiplex, etsi enim plenitudinem illam particularem, morbiq; magnitudinem aliquam concedere possumus, scimus tamen in multis febribus non utilem, sed noxiam esse phlebotomiam, ut in pituitosis & quartanis, si sanguis floridus exit & flavus; deinde nec verum est, putridam omnem esse magnam, cum tertiana ex Galeno mitissima sit & tutissima. Quod autem fieri possit, ut febris putrida fiat magna, id omnibus morbis convenit, si male curentur, qui tamen venæ sectionem non postulant, estque accidentarium, cum per se licet & morbi & causæ naturæ non conveniat his morbis magnos fieri, sed per accidens, ob errores causarum externarum, aeris, Medicorum, &c. Ars autem ea tantum considerat quæ per se adveniunt. Nec obstat

Prima ratio.

Secunda.

Tertia.

Quarta.

Refutatio \*

T 3

quod



quod alii dicunt refrigerandum esse in omnibus febribus, venæque sectionem omnium commodissimè refrigerare, nam si hoc verum est, cur idem non fit in diaria & hectica: deinde refrigeratio sequitur venæ sectionem per accidens tantum, at indicationes petuntur à naturâ rei, quod autem per accidens sequitur, à nullo propriè potest indicari. Quin etiam ejusmodi refrigeratio catharsi perfici potest, non minus quam phlebotomiâ. Deinde venæ sectio causæ debetur, at causa febris sæpe calefacientia postulat. Argenterius plane negandum censet omnibus putridis hujusmodi remedium convenire, cum rei naturæ reclamet, Galenumque ait temere & inconsiderate hæc & multa alia scripsisse. Dicere autem possumus Galenum intelligendum esse, non de omnibus febribus quæ in singulis individuis contingere possunt, sed de omnibus generibus putridarum, nam verbi gratia etsi quotidiana in Sempronio venæ sectionem non postulet, in Titio tamen ob alias causas eam admittet, sic de quartana sentiendum est, ut nullum sit genus febrium cui venæ sectio adversetur. Unde lib. ad Glaucon. in febribus continuis sanguinem mitti vult, si rubor tumorque major sit quam pro consuetudine, modo vires & ætas consentiant. Aliàs non video quomodo servari Galeni sententia queat, dicit Mart. Henr. quæst. xj. sanguinem mitti debere in omnibus, non ratione plenitudinis, nec quia humores sanguini permisti sunt, sed quia obstructio illis remediis tolli debet, quibus ante venæ sectionem uti non est tutum, quia 8. Meth. t. 4. si obstructions tollere ante venæ sectionem tentes, eas magis impinges.

xvi. Quantitas autem vix certo definiri potest, sed Medici judicio relinquitur, antiqui enim ad libras plures extrahebant, & ad animi defectum, nam Galenus interdum ad libras sex detrahebat, Refert Avic. septendecim sanguinis libras effundi posse unâ die absque interitu animalis. Spectandum autem solusve sanguis peccet, exuperetque quamplurimum, an cum eo reliqui humores: si solus peccet, copiosè detrahendus, solent enim vires esse robustæ; Monet tamen Celsus satius esse iterare venæsectionem bis terve, quam semel affatim detrahere, totiesque iterare jubet Argenterius donec urinæ crassities & rubedo abeant, dum enim crassa rubraque permanet urina indicat plus esse sanguinis quam natura vincere possit. Si reliqui humores peccent, distentque plurimum à natura sanguinis, sintque à sanguine secreti, tunc aut nullo modo aut parce detrahendus sanguis. Quod si sanguis

Argenterii  
sententia.

Responsio  
propria.



guini permitti fuerint in venis, vel sanguis cacochymiam foveat, tunc mitti copiosius debet habita semper ratione virium, non tantum presentium sed etiam futurarum. Sic *Galenus* 8. Methodi in obstructionibus facientibus aut facturis febrem, sanguinem mittendum jubet etiam sine plenitudine.

xvii. Tempus quod spectat statim mittendus est sanguis, nisi vires prohibeant, ex *Galenus* & *Avicenna*. Ipse *Celsus* ultra quartam non vult esse mittendum, *Hippocrates* tamen Anaxioni pleuritico post diem octavam sanguinem, misit, quia prius non fuerat accersitus. Docet enim *Galenus* mitti posse sanguinem quoties principes adsunt scopi phlebotomiae, etiam si is vigesimus à principio dies foret. Ubi quatuor notanda sunt. *Primo* ut Stomachi intestinorumque impuritas vel blando cathartico, vel clystere prius educatur, ne crudi humores rapiantur in venas, obstructionesque faciant, humoresque sinceros labefactent. *Secundo* ne in inedia unquam, aut saltem parce detrahat, adjectio enim tunc potius convenit, quam detractio. *Tertio* ut eligatur hora diei frigidior quantum fieri potest. *Quarto* ut nunquam in ipso paroxysmo sanguis mittatur, nisi periculum adsit suffocationis, ut pluribus explicatum videre licet in nostra generali medendi methodo.

xviii. Sequuntur medicamenta, quae in quatuor, dividere possumus, lenientia, preparantia, purgantia, & roborantia: Lenientia ventrem tantum subducunt, eorumque virtus ultra primam regionem vix se extendit, suntque diversi generis, vel enim occulta tantum proprietate id faciunt, ut aloë, cassia, manna; vel tantum exigua quantitate, ut rhabarbarum, etsi valide satis purget, tamen ad 3ss. exhibitum, redditur eccopropticum tantum medicamentum. Aut id manifestâ faciunt qualitate, vel detergendo, ut mel rosatum, vel abluendo, ut serum, aquae thermales, vel molliendo, ut malua, vel comprimendo, ut myrobalani, tamariindi, sebesten, hæc medicamenta cruditates ventriculo contentas tantum subducunt, & quæ sunt in intestinis & primis viis, proptereaque utilis est illorum usus ante venæ sectionem, tum quia in febribus utimur attenuantibus, incidentibus, aperientibus, quæ aliàs crudos humores, quos in prima regione invenerint, rapient ad venas & secundam regionem, obstructionesque ingeminabunt, ideoque febris principio lenientibus uti commodissimum est. Quidam, quibus omnis purgatio ante coctionem suspecta est, solis clysteribus contenti sunt,

Tempus  
missionis.

Medica-  
menta.

Lenientia.



sunt, & quidem si prima regio ab excrementis, crudisque succis libera sit, nec enematis, nec lenientibus opus erit. Id autem cognoscetur tum ex præcedente inedia, tum alvo fluida. Quod si impuritas in crassioribus fuerit intestinis, clysteres sufficere possunt, si vero ventriculum & superiora occupaverit, lenientibus assumptis erit opus, eo enim clysteres non perveniunt. Cognoscitur autem esse in ventriculo, si præcellerit laeta & opipara vivendi ratio, si appetitus langueat, gravitasque in ventriculo persentiat, si adfuerit sitis, oris amarior, dolorque sit supra umbilicum, maximeque si alvus fuerit adstricta tunc lenientia maximè sunt ex usu, quæ exhiberi possunt clysteribus, bolo, potionibus & pilulis. *Avicenna* ipse laudat vomitum.

*Præparantia & coquenda*

xix. Post lenientia præparantia sunt, hæc autem vel aperiunt, vel attenuant, vel incidunt, vel detergent, suntque plerumque calida & tenuium partium, sed in febribus minus calidis utendum est *oxymelite*, *melle rosato*, *syrupo de betonica*, *de cichorio*, *de oxalide*. Simplicia sunt, *adjanthum*, *hyssopus*, *pentaphillon*, *scolopendrium*, *cuscuta*, *radix graminis*, *cichorii*, *petroselini*, *apii*. Plurimi coctionem confundunt cum præparatione, coctionem enim definiunt humorum præparationem ad expulsionem, quos non sine ratione refellit *Argenterius*, quoniam confundunt duos aphorismos simul, nonum scilicet libri secundi Corpora cum quis purgare voluerit fluida faciat oportet, & 22. libri primi Concocta medicari non cruda, cum in illo de præparatione, in hoc de concoctione, tanquam de rebus diversis agat; *Secundò* cum purgatio fiat trahente medicamento, attrahantur autem facilius quæ tenuia sunt, coctioque omnis incrasset, tantum abest ut coctione idonea fiant ad purgationem, quin potius magis repugnantia fiant. *Tertiò* cum coctio assimilet quantum potest, quò similiores fiunt humores, tanto retinebuntur avidius, minusque facile purgabuntur, natura enim coquendo non intendit purgationem, sed potius contrarium, scilicet assimilationem, alius enim finis est alteratricis, alius expultricis, illa similibus gaudet, hæc vero contrariis irritatur. *Quartò* morbi sunt nonnulli qui per solam coctionem finiuntur, sine ullâ evacuatione. *Quintò* si concoctio est præparatio, humores tenues non concoquantur, sunt enim paratissimi ad expulsionem. Rationes hæc *Argenterii* sunt speciosæ & aliquatenus veræ, nisi quod non observavit coctionem de quâ hic agimus esse præparationem ad evacuationem, humores enim crudi inepti sunt ad purgationem, ideo eos purgare vetat *Hippocrates*,

*An coctio sit præparatio.  
Rationes  
tertiæ.*

\*



res, sed non omnem præparationem esse coctionem, convenit enim præparatio etiam corpori, non tantum humoribus, ut præparatio lactis pateat coctione. Itaque primum de præparatione agimus, deinde de coctione.

xx. Præparationem vult esse *Galenus*, quando viæ referantur, humores crassi & glutinosi attenuantur, inciduntur, detergentur. Est *Præparatio* que præparatio semper necessaria ante catharsin, præterquam in duobus casibus, Primus est si materia turget, secundus, si tenuis est qualis est biliosa & serosa, quæ facillime cedit cuilibet trahenti remedio, alias si sine præparatione humores purgentur multa contingunt symptomata, ventris tormina, vertigines, fastidia, anxietates, aliaque à *Galeno* recensita *comment. ad aphorism. 9. lib. 2.* Contingitque ex importuna illa vacuatione plus boni interdum quam mali evacuari, humorque noxius non ita facile potest deinceps coctionem subire, inò sæpiissime malignior redditur & ferocior: jam vero tempus præparandi in morbis est quando prima regio fuerit à suis excrementis liberata, alias periculum est ne præparantium usu in venas impuritas illa rapiatur, ideo tum lenientibus pharmacis, tum clysteribus, tum sanguinis missione opus est ante usum præparantium, hæcque ratio est cur etiam vacuo stomacho sumi debeant, quo facilius penetrent, nec cibum incoctum deducant in venas.

xxi. Hic revocatur in dubium an tenues humores sint præparandi, id est incrassandi, humores enim vacuari non possunt nisi sint concocti, sed coctio in crassat ut docet *Aristot. 4. meteoron.* Coctio, inquit *Avicennas*, est adæquatio quædam & reductio ad mediocritatem, si igitur tenues sunt concoquendi, reducendi erant ad mediocritatem, igitur incrassandi. Præterea humores tenues facile elidunt vim medicamenti, quod cum operetur vasa comprimendo, humores tenues facile eliduntur. Sed contra tenuitas humorum requiritur ad vacuationem, sponte enim tenues humores exeunt, nec resistunt trahentibus pharmacis, ut docet *Galenus 3. prognost. 23.* & aliis in locis. Dicendum est ad purgationem idoneam tria requiri, medicamentum efficax, quod debita mensurâ, debito tempore & modo exhibeatur, secundo debet viæ esse apertæ, alias aut nulla aut molesta evadit purgatio. Tertiò humor debet esse dispositus, talis est si nullam faciat pharmaco resistantiam, ut si viscidus non sit, crassus, glutinosus, aut sanguini aliisve humoribus immistus, à quibus motus ejus impediatur. Itaque humores



mores tenues naturâ suâ facillime expurgantur, sed vel sanguini, vel aliis humoribus immisti sunt, vel viâ possunt esse clausæ & obstructæ. Itaque sunt aperiendæ, dein humores vacuandi à reliquis sunt separandi. Coctio duplex est unâ in quâ humores reducuntur ad benignum ut nutrant, altera in quâ redduntur apti ad expulsionem. Si de prima loquamur humores tenues concoquere oportet ut redeant ad mediocritatem, ideo increassandi. Si de secundâ, crassi humores potius sunt attenuandi, quia resistunt motori, non autem tenues quia facile mobiles, ut docet *Galenus* loco citato. Sed si tenues humores fuerint sanguini permisti, prius præparari debent. Cognoscetur id primum misso sanguine, si multi ichores fuerint separati, secundò quando sunt secreti fiunt pruritus, ulcuscula, scabies, tertio si urina rubra sit & crassa, signum est humores tenues esse sanguini permistos, si vero sit copiosa tenuis & clara, signum est esse secretos & separatos.

*Coctio.*

xxii. Coctionem autem quod attinet Rectè docuit *Manardus* non posse unam definitionem omni concoctioni convenire, cum coquantur alimenta, humores putridi & alii, unde *Galenus* generalem coctionis definitionem non attulit, sed modo humorum putridorum, modo alimenti coctionem definit, hæc est conversio alimenti in substantiam nutriti, illa est alteratio quæ putredinem emendat manente substantiâ, sic pus coctum dicimus. Differt itaque utraque coctio variis modis, *Primò* ratione materiæ subjectæ, nam in priori coquuntur humores boni, in posteriori vero humores morbifici, qui naturæ gratiam amiserunt, *secundò* ratione finis, nam in priori humores coquuntur ut convertantur in naturam & substantiam partium nutriendarum, in posteriori vero humores morbifici à naturâ præparantur ut possint expelli. *Tertiò* differunt in formali ratione, nam in hac posteriori coctione est tantum mera alteratio qualitatum in humore morbifico, in priori vero non alteratio est, sed etiam mutatio substantialis ut in chylosi, hæmatosi & assimilatione. *Quartò* differunt ratione efficientis, etsi enim à calore naturali utraque fieri potest, posterior tamen quæ est humoris morbifici etiam ab extraneo calore fit, teste *Galenus* in fine *primi* prognost. Unde patet nihil habere has coctiones præter nomen commune, nec posse utrisque definitionem unam assignari. Sed adversus hæc insurgit *Argenterius*. *Primò* quod si ex varietate materiæ naturæ actiones definiamus jam multiplicabuntur facultates.

\*  
*Quomodo  
ha coctio-  
nes differ-  
rant.*

\*  
*Argente-  
rii ratio-  
nes Gea-  
rum solu-  
tiones.*



cultates concoctrices & retentrices & expultrices. Respondeo concoctricem non multiplicari, sed eam aliter operari in materiâ alibili, aliter vero in excrementitiâ, quoniam etsi modus operandi forsitan sit idem, humores tamen varii non possunt eodem modo immutari. *Secundò* ait, cum causa efficiens coctionis sit una & eadem idem semper & ob eundem finem facit, etsi ob materiæ varietatem finem non semper assequatur. Una est materia coctionis scilicet humor, una causa efficiens facultas concoctrix, unum instrumentum calor natus, quare omnium una debet esse natura, unaque definitio. Diximus superius materiam utriusque coctionis non esse unam & eandem, humor etenim putridus ab alimentario & utili differt quamplurimum, si non in substantiâ (quatenus idem numero humor qui hodie bonus est & alimentarius cras fieri potest putris & naturæ adversus) saltem in qualitatibus suis & operationibus. Efficiens vero etsi sit unus & idem, est tamen causa universalis, quæ agit secundum dispositionem patientis, sic idem calor solis indurat lutum, emollit ceram, idem calor natus alimenta convertit in naturam corporis nostri, & excrementa expellit & ab utilibus separat, sic in eodem hepate ab uno eodemque calore, non tantum sanguis sed etiam excrementitii humores generantur, & propterea causa universalis etsi semper eodem modo operetur, non tamen semper agit idem, nec ob eundem finem, inservit enim calor natus variis animæ operationibus, quarum diversi sunt fines. Vel possumus dicere coctionem communem quadam definitione fuisse ab *Aristotele* comprehensam, sub quâ tanquam sub proprio genere, tum alimentorum, tum noxiorum humorum, concoctio contineatur.

XXIII. Definit autem *Aristoteles* coctionem in genere, perfectionem quæ à naturali proprioque calore ex oppositis sit passiva, quam definitionem explicavimus in Physiologicis nostris disputationibus & ab omnibus difficultatibus vindicavimus, ubi docuimus definitionem hanc convenire quidem omni coctioni, sed analogicè, & ut dicunt Philosophi, ab uno. Sed insurgit *Argenterius* definitionem hanc aut non convenire omni coctioni, aut falsam esse, non docet enim *Aristoteles* numerum perfectionis sit alteratio aut generatio, cum quædam coctio sit alteratio tantum, ut maturatio, assatio, elixatio, quædam generatio, ut chylosis, hæmatosis. Respondere possumus primo perfectionem neutrum esse sed utrisque communem, nam & quod generatur & quod alte-

*Coctio Aristotelis.*

*Refutatio Argenterii.*



alteratur interdum perficitur. *Secundò dico quod concoquitur alterari tantum, quod si hæmatosis & chylosis sint generationes substantiales, id fit quia post alterationem à calore nativo factam, introducatur forma in materiam dispositam, aliàs calor natus qui qualitas est alterare tantum potest, non generare, sic in productione puris, generatio conspicitur non minus quam in chylosi, & hæmatosi. Idem*

*Definitio* *Argent-* *vii.* *ius* coctionem definit alterationem ad assimilationem, quæ fit à re concoquente caloris beneficio, quæ descriptio non repugnat superioribus quas ex aliis retulimus, sed non facit ut coctio sit genus univocum ad omnes illius species. Natura inquit quando concoquit, semper id facit ut assimilet, ut voluit *Galenus* 8. *lib. 11. capite de hepate*, quamvis non semper id assequatur, sive ob facultatis concoquentis debilitatem, sive ob materiæ repugnantiam. Quæ tamen propositio non est universaliter vera, nam quod natura non intendit in bonis humoribus, multo minus præstabit in malis, sed non semper in-

*Refutatio* *Argent-* *vii.*  *tendit assimilationem in bonis humoribus, nam bilis & melancholia quæ sunt secundum naturam in venis cum reliquo sanguine, nutritioni non destinantur, sed aliis usibus, quos ubi expleverunt expurgantur & amandantur per urinas aliasque vias naturæ consuetas, nec vestigium apparet ullius alterationis quæ possit esse rudimentum coctionis, nam quales in primâ generatione sunt, tales excernuntur. Quod si humores naturales non coquantur ad assimilationem, multo minus quando putredine præternaturales evaserunt; quamvis ut verum dicam quæstio hæc problematica cenferi potest.*

*Materia* *coctionis.* *xxiv.* Nunc videamus quid concoqui possit. Quidam ex prædictâ definitione putant id tantum concoqui quod nutrire potest, ideo nec flavam bilem, nec atram, nec serosos humores esse concoquendos, cum eam perfectionem non possint assequi, ideo *Galenus* in herpete bilem nunquam concoxisse visus est: Sed falso nituntur fundamento, finem scilicet coctionis esse nutritionem, nam natura quæ per calorem coquit, conatur sibi similem reddere materiam, quod ubi perfecit, quiescit, quando scilicet evicit qualitates repugnantes easque sibi similes fecit, tunc sequitur nutritio, si substantia sit alibilis, aut solum victoria adest qualitatum, si substantia est inutilis: Sic *Galenus* bilem acriorem jubet concoqui, & de constit. artis, scribit melancholiam difficile, bilem facilius coctionem admittere, sic lacrymas, sic catharros dicimus concoqui, nam naturâ in omnem materiam quæ



quæ dissimilis est agit, ita ut quilibet humor coctioni subjiatur, modo crudus sit & naturæ adversus, talis autem est omnis humor putridus.

xxv. Causa efficiens est calor non solum temperatus & halitus. *Efficiens*  
 sus, sed etiam à medio recedens, sic febrilis calor branchos & coryzis *coctionis.*  
 concoquere dicitur, sic à sole ferventissimo etiam fructus maturefcunt,  
 sic biliosi carnes bubulas melius conficiunt, quam pituitosi aut temperati. Nec tamen reprehendendus *Aristoteles* quod coctionem fieri voluerit à moderato calore, nam calor fortis & validus respectu materię aut frigidioris, aut crassę, aut copiosę vim habet temperati, sicut imbecilliori materię concoquendę quilibet calor sufficit, ubi verò immodicę naturę gradum excessit, ut in febribus ardentibus, putredo fit potius quam coctio. Sed non tantum calor spectandus est, verum etiam Idiosyncrasia peculiarisq; partis temperies, qua Strutiocamelus ferrum coquit vehementiori igne indomitum, sic Ventriculus chylum, hepar gignit sanguinem, in ceteris partibus etsi calor adsit hæc tamen non fiunt. Quæritur hic an Syrupi juvent humorum coctionem. *Quæstio an Syrupi juvent coctionem.* Negant *Manardus, Valleriola, Fuchsius*, quia coctio fit à calore temperato & nativo, pauci autem aut nulli tales sunt Syrupi, cum omnes vel refrigerent, vel calefaciant, extenuent, detergeant; At *Galenus* primo ad *Glauconem*, ad concoquendos humores pituitosos præscribit piper, & alibi origanum, serpillum, thymum, *Olivomethodi* laudat aquę potum ad coctionem bilis. Cum enim non sit una natura eorum quę coquantur, propterea varia quoque erit concoquentium, cum alia fortem, alia debilem calorem requirant, aut si organum sit labefactatum ut coquere non possit, contrariis illi erit succurrendum, ideo vinum in pituitosis febribus, aqua in ardentibus coctionem promovet. Propriè autem loquendo solus calor innatus concoquit, quę autem coctionem juvant varia sunt, nam vel caloris substantiam augment, vel generant, ut vinum ex quo plurimus spirituosus sanguis gignitur, vel exhaustum illius prohibent, vel ipsius qualitates excedentes temperant, vel imbecilliolem excitant, ut exercitium, vinum & cætera. Syrupi igitur propriè non concoquant, sed tantum coctioni opitulantur.

xxvi. Species coctionis tres sunt apud *Aristotelem*, maturatio, elixatio & assatio; Tres hæc concoctiones in nobis reperiuntur, elixatio in generatione humorum in ventriculo & hepate, maturatio in tuberculorum



lorum & humorum noxiorum coctione, affatione in generatione offitium, humoris gypsei, & aliorum induratorum, ac etiam atræ bilis, quamvis Galenus omnem coctionem, quæ in nobis fit, voluerit esse elixationem, tamen verius cum *Aristotele*, quasdam dicemus esse maturationes, nam quæ maturantur coquuntur à calore proprio, fiuntque crassiora, sed quæ elixantur coquuntur etiam à calore igneo, nec necessario fiunt crassiora, sed quædam tenuiora, alia graviora, alia minora.

*Digressio  
an qua  
coquuntur  
fiant  
crassiora.*

xxvii. Solet hoc in loco à multis interpretibus quæri, an cocta fiant crassiora etsi disputatio hæc alterius loci esse videatur. *Aristoteles 4. meteor.* generaliter pronuntiat cocta esse & calidiora, & dulciora, & crassiora, quam sententiam postea ad maturationem, solam reduxit, ideoque rerum crudarum succi tenuiores & frigidores sunt quam coctarum. *Galenus 4. acut. 4.* ait dejectiones liquidas ab *Hippocrate* dici non concoctas, coctio enim cogit & increffat, sic mel & alii succi cum concoquuntur crassescunt, & ratio id suadet, est enim coctio perfectio rei à calido innato, cum enim fiat ex actione caloris innati resolutis partibus tenuioribus, patet res quæ concoquuntur, fieri crassiores, sic pus ulcerum, sordes oculorum, lacrymæ, cæteraque coctione crassiora redduntur. Contraria tamen sententia ratione & experientie consentanea videtur, multa enim concocta tenuiora sunt

*Dubium.*

iis ex quibus generantur, in corpore fit chylus ex pane, ex chylo sanguis, ex sanguine spiritus tenuissimi generantur, fructus omnes in fine coctionis, evadunt tenuiores & molliores, quam antea fuerint. Urina quoque crassa dicitur cruda, quæ coquendo attenuatur. Quæ elixantur ut carnes, pisces, olera, primò sunt sicciora, & solidiora mox attenuantur, & humectantur. *Arist.* inquit aquam non maturari, quia non increffatur, sed tantum elixari, quasi elixatio non increffat. Præterea calor dum agit in humidum semper attenuat, sic aquam vertit in aerem, aerem in ignem, frigidi contra est condensare & increffare.

*Solutiones  
varie  
Prima.*

Varie sunt hac in re solutiones. Vulgaris solutio est duplicem esse coctionem unam alimentorum, quam vocant in jувativo, alteram excrementorum, quam vocant in nocitivo. Priorem fieri semper increffando, quandoquidem membra quæ nutriuntur crassiora sunt ipso alimento. Posteriores vero quandoque increffare, quandoque attenuare, ut excrementorum natura postulat. Sed non solvuntur hæc dubia ista responsione. Primò quia *Aristoteles* generaliter affirmat omnia

*Everfio.*

cocta



cocta esse crassiora, secundo coctio alimentorum etiam attenuat, nam chylus tenuior est carnibus & pane ex quo primum genitus est. Tertio Galenus primo aphor. 12. & 2. prognost. 37. docet coctionem reddere crassiorem urinam, ejectiones, sputa. Quare hæc responsio non docet quid coctioni per se competat, sed tantum quid ex accidenti, imò tam facile fuisset absolute propositionem hanc negare, quæ tot urgeatur difficultatibus. Ideo alii dixerunt Arist. esse tantum intelligendum de ultima coctione scilicet alimenti conversione in substantiam corporis. Alii respondent eorum quæ concoquuntur quædam mutari in membra dura ut ossa, quædam in substantias tenues ut spiritus, ideo quædam attenuari. Crassescere ea in quibus humidum aqueum & æreum perficitur exquisitâ mistione cum sicco terreo, ut in amygdalis, nucibus, aut in quibus coctione humidum aqueum separatur, ut cum sanguis convertitur in carnem & ossa. Attenuari vero ea in quibus siccum terreum perficitur admistione humidi aquei & aerei, ut in pyris, pomis, ficibus aliisque fructibus, qui primum crassi & terrei, postea humidiores fiunt & molliores. Quæ etsi in vera sint, non tollunt tamen difficultates propositas, quoniam Aristoteles universaliter pronuntiat omnia coctione crassescere, ob actionem caloris innati, quasi sit universalis & necessaria propositio, illam autem reddunt tantum parte veram. Deinde non docent attenuetne coctio an incrasset per se an per accidens.

Solutio  
secunda.  
Tertia.

Everfio.

Respondet itaque Argenterius coctionem per se semper incrassare, quod si quædam coctione tenuiora facta videntur id fieri per accidens, quatenus aut sit ab iis quædam separatio, aut alicujus humoris permistio, sic in fructibus humor quem è terra alliciunt, exquisitius permiscetur cum sicco, ideo maturi fructus tenuiores videntur. Alia tenuiora fiunt per separationem, sic mustum principio crassius, ebullitione, quæ est ipsius coctio, separatis facibus fit tenuius, non ratione concoctionis, sed separationis, vinum autem quando est defæcatum, tanto crassius evadit, quanto sit vetustius, sed si materiam coquas quæ nec concreta sit, nec humore egeat, semper ea fit crassior. Interdum quoque attenuatio & humectatio fit ab attenuantibus, & humectantibus, humores fundentibus, aut separantibus partes crassas, quæ interdum ab ipso calore fiunt, interdum à causis externis & medicamentis; sic docet Galenus 4. de Sanit. Tuenda vinum facere ad coctionem; Separatis igitur operibus quæ non fiunt à coctione, eo quod non

Responsio  
Argente-  
rii verior.



*Massaria  
responsio  
vera.*

non respiciant cruditatem; semper coctio incrassabit. *Massaria* quoque recte respondet sententiam *Aristotelis* intelligendam esse de parte illâ materiæ quæ est concoquenda, cum enim alimentum variis conslet partibus, quæ non sunt omnes æquæ ad nutritionem necessaria, sed facessunt in excrementa, pars illa quæ nutrire apta est, coctione semper crassescit, sic sanguis crassior est parte illa chyli ex quo generatur. Sic se habet in excrementis, nam urina cocta etsi videatur interdum tenuior crudâ, reverâ tamen crassior est, nam substantiæ liquoris qui concoquitur, sola apta est ad coctionem, non autem excrementa quæ in ea separantur & subsident, hæc autem substantia liquoris crassior semper evadit. Cum enim caloris opus sit heterogenea separare, videtur ex hac separatione aliquid fieri tenuius, cum tamen coctio potius attendenda sit ratione homogeneorum, cum unum & idem coctum, crassius sit quam crudum. Reverâ tamen magna est utrinque difficultas. Respondere etiam possumus suppositis quibusdam fundamentis. *Primo* distinguendam esse humectationem, depurationem, attenuationem, contemperationem à coctione, si siccum, si humectetur ut in tabe, ea humectatio non est coctio, sed contemperatio, pariter in vino dum fax subsidet, coctio non est sed expurgatio. *Secundo* distinguenda est coctio ab humorum præparatione, ut superius diximus. *Tertio* comparandum est humidum quod superest in re cocta, cum seipso crudo. *Quarto*, non est comparanda res una cum altera ex qua genita sit, aliud enim est loqui de generatione unius ab altero, & de coctione quæ est alteratio & perfectio. His suppositis facile est concludere omnem coctionem incrassare, & ad instantias prædictas respondere, in spiritibus, bile flavâ & similibus non habet locum vera coctio, sed depuratio, attenuatio, exsiccatio, & generatio, & in universum omnis humor alimentorum crassior est post, quam ante coctionem: fructus maturi etsi tenuiores videantur & molliores immaturis, humor tamen illorum redditur crassior coctione, ut patet in uvis maturis & immaturis. In elixatione fit varia separatio, coagulata liquescunt, solida solvuntur, viscida inciduntur, varia excrementa per spumâ secernuntur, superstes tamen rei elixatæ humor crassior redditur quam erat ante coctionem, & sic patet solutio ad reliquas omnes instantias quæ adversus prædictam sententiam afferri possunt.

*Purgatio.* xxviii. Succedunt purgantia de quibus dubium est an in principio conveniunt, nam *Hippocrates* scribit concocta medicari, coctio tantum fit



fit in statu cui succedit declinatio, in quâ tantum videtur purgandum, *An ha-*  
 etsi enim morbus solutus esse videatur, reliquæ tamen permanent quæ *mor in*  
 solent facere recidivas. Cocta autem sunt purganda quia materia se- *principio*  
 quax est, nec resistit medicamento purganti, dein naturæ motus se- *purgan-*  
 quendus, quæ primum coquit, separat, dein purgat. Ex his quidam *das ante*  
 negarunt esse unquam in principio purgandum. Quidam purgationem *coctionem*  
 distinguunt in eradicativam & minorativam, quæ partem tantum ma- *Purgatio*  
 teriæ morbificæ demit, dicuntque minorativam in principio convenire *eradica-*  
 posse, eradicativam autem tantum perfectâ coctione, & absolutâ. Sed *tiva, &*  
 in harum vacationum explicatione non satis consentiunt. Nam qui- *minorati-*  
 dam omnino minorativam istam purgationem derident, aut si detur *va.*  
 negant tamen eam ante coctionem convenire. Alii definiunt minorati-  
 vam quæ partem materiæ morbificæ subtrahit, eradicativam vero quæ *Refusatio*  
 universum humorem; At si ita est, raro ea purgatione utemur, etsi  
 enim interdum quando humor paucus est, unica dato cathartico totus  
 vacuari potest, tamen id raro contingit, cum sæpius cogamur cathar-  
 sin iterare, nec satis tutum sit talem purgationem aggredi, quæ præter-  
 quam quod non semper succedit, corpus præterea in multa pericula  
 conjicit & præcipitat. Sed quid dicent de Epicrasi, quæ paulatim tan-  
 tum humores concoquit & expurgat. Præterea purgatio instituitur in  
 morbis ad eorum curationem, unde purgare tantum in declinatio-  
 ne, curato scilicet morbo, aut inutile est, aut saltem id non fit ad cu-  
 rationem, sed tantum ad præcavendam recidivam, quæ à priori mor-  
 bo distincta est. Demum per blanda & minorantia pharmaca, sed  
 sæpius repetita universum humorem morbificum sæpe expurgamus,  
 ut Apozematis nostris in quatuor vel quinque pluresve doses institu-  
 tis, & violentis pharmacis aut semel tantum, aut minore dosi ex-  
 hibitis partem tantum educimus, unde confundi possunt istæ duæ va-  
 cuationes, si *minorando*, ut loquuntur, eradicamus, totumque hu-  
 morem vacuumus. Aliter igitur istas purgandi rationes explicandas *\* Nova ex-*  
 censeo, ut *eradicativa* illa sit quæ humorem morbificum totum edu- *plicatio*  
 cere & expurgare apta est, sive id unica dosi sive pluribus exhibi- *utrinque*  
 ta præstat, ut rhabarbarum universam bilem quæ tertianam com- *istius e-*  
 mittit purgare aptum est, si sæpius, debitaque quantitate exhibea- *vacuatio-*  
 tur, *minorativa* vero illa sit quæ non ipsum humorem morbificum, *nis.*  
 sed quoslibet humores in primis viis latitantes educit, ita ut hu-  
 jusmodi medicamentum natura suâ nunquam morbum ipsum cu-  
 ret,



ret, cum naturâ suâ nullam morbi partem demat, subtrahatve. Dixi naturâ suâ, quia etsi *minorativum* (quod idem cum leniente esse puto) promiscuè quoslibet humores, non hunc illumve seorsim, vacuet, fieri tamen potest ut humoris morbifici portio quædam iisdem in viis latitet, quæ una cum reliquis à cathartico expurgetur, & sic tum Apozemata nostra in plures doses præscripta, tum Galeni epicrasin, ad eradicativam purgationem reducemus, in id enim sunt instituta, ut humores morbificos seorsim funditus educamus, sicque morbum ipsiusque à corpore radices evellamus. Id confirmatur ex purgatione materiæ turgentis quam omnes fatentur in principio eradicativè purgandam, id autem rarò imò sèrmè nunquam fit semel tantum exhibitò cathartico, sed sepius reperito, unde concludere licet, etsi primo exhibitò purgante universus humor vacuatus non fuerit, eradicativam tamen purgationem fuisse institutam. His sic explicatis ad quæstionem veniendum.

*Prima  
Conclusio.*

Sitque prima conclusio leniens medicamentum sive minorans utiliter in morbi principio administratur, cum quia primam regionem expurgat, cujus impuritas morbum fovere potest, cum quia aliàs nec venæ sectione, nec aperientibus pharmacis tutò uti licet, & huiusmodi catharsin non Arabes tantum, qui falsò illius inventores perhibentur, sed & Hippocrates & Galenus & veterum quamplurimi laudarunt & probarunt, ut superius diximus.

*Secunda  
Conclusio.*

Secunda conclusio: Medicus interdum regulariter operatur, interdum coactè. Regulariter non debet in principio purgare, quia humores crudi etsi possint esse tenues & parati ad expulsionem, tamen non sunt à reliquis separati, viæque non solent esse apertæ. Coactè autem potest purgare in principio, primò quando materia turget, secundò quando humor pestilens est & venenatus, nam quod putridum est inquit Galenus statim è corpore pellendum, ne reliqua inquinet, & de tuenda valet.

*Tertia  
Conclusio.*

Tertia conclusio: non licet ante coctionem perfectam & completam purgationes repetitas, quales sunt per Apozemata, instituerè, cum enim natura coctionem intendat, istis purgantibus interturbatur, nec præterea purgatio succedit, sed ea succedunt incommoda, quæ Galenus aphorism. xxij. libri primi recenset, & de huiusmodi purgatione intelligendus est Hippocrates, quando dicit concocta medicari non cruda.

Quar-



Quarta conclusio: non est semper expectanda perfecta concoctio ad purgationem, sed sufficit qualiscunque, ideo licet in principio & augmento quando coctio incipit apparere, catharsin institueret; Id docent *Fernelius*, *Fuschius* & plurimi recentiores, ut enim humor coquitur per partes, ita & per partes evacuetur. Id maxime apparet in chronicis febribus & longis, ubi alternis purgare solent Medici, & præparantibus uti, sicque sensuisse visus est *Galenus*, quando per epicrasin purgare jubet, ut diximus in nostra generali medendi methode. Idque tutius facere nunc possumus, quando nobis suppetunt benigna medicamenta, quibus veteres carebant, quæ neque febres accendunt, neque humores nimium exagitant, neque naturam debilitant.

x x i x. Rectè igitur Hippocrates præscripsit cautè & cum præmeditatione utendum esse purgantibus, nam cavendum jubet *Avicennas*, ne catharsi maturus accersamus paroxysmum. Id quod fieri potest quinque modis, *primò* si medicamentum sit violentum & inflammans, ut scammonium in febribus ardentibus, eadem ratione pilulæ non adeo profunt febribus, nimis enim calefaciunt, ideo in potu potius quam solidâ formâ propinanda sunt cathartica. *Secundo* si medicamentum in majori detur quantitate quam sit necesse, sic enim humores nimium agitando eos inflammant. *Tertiò* si minor sit quantitas quam oporteat, humores enim tantum movet, non educit. *Quartò* si non purgentur qualia oportet purgari, ut si in febre biliosâ pituita evacuetur. *Quintò* si purgatio ante coctionem detur, quod quomodo verum esse possit jam supra diximus.

x x x. Vomitu quoque utimur in febribus idque scelicissimè, non quidem semper, sæpius enim & tutius per alvum purgamus & intestinalia, quæ ignobiliores sunt partes, minusque ab humoribus transeuntibus offenduntur, sed eo utimur quoties natura vacationem hanc affectare videtur, id quod maxime contingere solet in principiis paroxysmorum febrium intermittentium, tum etiam interdum in continuis si æger nauseat, os habeat amarulentum, cæteraque humoris in stomacho stabulantis signa adsint. Ideo Medicus naturam imitari debet, eamque adjuvare levioribus præsiidiis. Nihil enim æque citò intermittentium febrium saburram & fomitem evacuat & emendat quam Vomitus. Solebant autem veteres uti Helleboro albo, quo tamen tanquam periculosissimo remedio, cujus formidabilis operatio est, sole-



mus abstinere, tum quia ignota nobis est illius præparatio quâ veteres tam feliciter illo utebantur. Leviora quæ tantum aut copiosâ quantitate aut oleaginosâ qualitate ventriculum subvertendo, aut acriter irritando vomitum concitant, ut *aqua tepida, oleum, juscula pinguis, flores anethi, atriplex, &c.* ea ventriculum tantum vacuant, nec longius sese illorum vis in corpus traducit, propterea etsi aliquantulum profint ventriculum exonerando, non tamen adeo magna est illorum utilitas, nec morborum causas adimunt. At vehementiora ut asarum, Antimonium, Nicotiana, vitriolum album non ventriculum tantum, sed jecur & viscera exonerant, unde sæpe eos humores educunt quos nulla unquam catharsis per alvum forsitan evacuaasset, sicque febres intermittentes si quid aliud citissime solvunt. Nec moveat nos gravissimorum Medicorum autoritas qui Antimonij usum reformidant, cum interea azaro non minus gravi & violento utantur. Quisquis enim asaro utitur ad vomitum concitandum, is Antimonio uti potest, cum & gratius sit remedium, & minore cum periculo, faciliusque multò ventriculum subvertat, & à penitioribus partibus attrahat, præsertim si infusio sumatur, potius quam substantia, vis enim illius tunc altius subit, nec tantam ventriculo molestiam facessit, & in quibusdam imò sæpissime alvum moveat. Observatis igitur iis quæ in omni vomitu observanda diximus in *nostrâ generali medendi methodo* Antimonio ritè & debite præparato quilibet uti potest tutius & minori cum periculo quam asaro, quicquid multi reclamant, qui omnia tuta timent. Vacat autem præcipue humores biliosos, raro pituitosos, rarius melancholicos, nisi sint in ventriculo, tunc enim eos sicut & omne emeticum promiscue evacuat. Antimonio validius est vitriolum album, utroque validior Nicotiana quæ impensè ac supra modum corpus exagitat, Multos tamen novi qui eâ infusâ, tum in substantiâ satis commodè purgantur, vixque ullo alio remedio utuntur. Vitrioli albi præparationem ad vomitum rectè describit *Crollius in Basilica Chymicâ*, & potest commodissime reduci in usum, etsi Antimonia gravius & violentius sit remedium. In universum omnis vomitus naturæ gravis est ob motum ventriculi naturali contrarium, nam qui ex sola aquâ tepidâ vomunt, quæ aliàs innoxia est, ii gravius multò afficiuntur quam si purgarentur per inferiora, ut apparet quoque in ipsis spontaneis vomitibus, qui violentiores sunt & molestiores ferme qualibet artificiali purgatione factâ per alvum.

\*  
Antimo-  
nium.

\*



alvum. Est enim os stomachi pars nobilis quæ noxiorum humorum occursum non nisi graviter ferre potest, unde sæpe ex maximo cum corde consensu syncope succedit; plethoricis, Asthmaticis, tabidis, debilibus nocet.

xxxI. Nec tantum per alvum & vomitum, sed per urinas & sudo- *Diuretica*  
res corpus in febribus evacuamus, de quibus aliquid dicendum. Vacuamus per urinas naturæ imitatione, quæ sæpissimè per perirhiam criticam humores expurgat. Commodè autem hæc viâ expurgantur non tantum humores tenues & serosi, sed etiam crassi pituitosi & melancholici, quoties remediis extenuantur, & aquoso humore diluuntur, unde quartanis & quotidianis febribus hæc quoque evacuatio convenit. Obstare autem possunt tum magna humoris quantitas, tum locus, humor enim copiosus & crassus non facile potest per angustos renum meatus expurgari, unde *Galenus* satius esse ducit humorem copiosum trahere ad alvum, quam ad renes & vesicam, eoque magis si partes illæ vel ulcere, vel calculo, vel alio affectu laborarint. Præterea commodè hac viâ vacuari non possunt humores qui vel sunt in primis viis, vel in habitu corporis, sed ii tantum qui in venis & arteriis continentur, nec semper illac ducendi sunt, nisi natura per eas partes sese exonerare cupiat. Sunt autem diuretica ut plurimum extenuantia & calefacientia quæ serosam humorum partem à reliquâ separant, quæ crassos humores incidunt & fundunt: Quædam aquositate multa abundant, unde diluunt reliquos humores, & ad vias urinæ præcipitant, & hæc ut plurimum sunt frigida. Quædam evacuant proprietate occultâ, ut adiantum, haliacabum, & alia multa, quæ nec calore, cum eorum quædam sint frigida aut temperata, nec aquositate, cum quædam sicca esse possint & terrenæ substantiæ, nec acrimonia cum eâ careat haliacabum, sed inexplicabili quadam proprietate, urinas ducunt, sic rhabarbarum & Cassia humores per urinas trahunt. Sed dubium est quæ vi semina frigida majora urinas proliciant, difficileque est hoc determinare, nec valde necessarium; Putant quidam id facere ob humiditatem plurimam quam habent, at sic non pertingerent ad vias urinæ, nisi quando in maximâ copia sumerentur, non solent autem dari nisi in exiguâ quantitate multo liquori admixta, unde dubium est num vis diuretica à liquore sit an à seminibus. Alii putant caliditatem aliquam ipsis inesse. Alii denique credunt id habere à proprietate occultâ, & forsan omnes



verum aliquatenus dixerunt. Cum itaque varia sint diuretica, non est promiscuè quibuscumque utendum, nam si febris sit vehemens, humorque copiosus, benignioribus utendum, minusque calefacientibus, ne vehementioribus agitatus humor, & ad angustos meatus deductus obstructions plurimas pariat, ideo necesse est prius cathartice corpus vacuare. Leviora quoque sufficiunt si Natura jam eò inclinet. Quod si febris sit remissior, humor crassior, corpusque prius aliquomodo repurgatum, validioribus uti commodius poterimus, sic *Galenus* primò ad *Glauconem* valentioribus utitur in quotidiana. Iis autem uti non debemus nisi in morbi declinatione, humore scilicet concocto, & à bonis separato, nam si in purgatione per alvum concoctio expectatur, multo magis in ea quæ sit per uri, nam.

*Sudorifica.*

xxxii. Per sudorem autem evacuari solet humor qui tenuis est ferus & biliosus, & in habitu corporis exiguisque venis continetur, qui autem in prima secundaque corporis regione stabulatur, non nisi violenter eo impellente natura per illam regionem vacuatur, sic quotidianis febribus non admodum familiaris est sudor, in tertianis autem exquisitis uberrimus esse solet, ob humoris tenuitatem. Sed ut ut sit, nunquam arte provocetur ante totius corporis vacationem per phlebotomiam & catharsin. Sunt autem sudorem moventia omnia acria, & tenuium partium, quæ non peculiari facultate, sed summa humores extenuandi vi sudores concitant. Sed non solum acria, verum quædam modicè calida, sudores cient: ut aqua hordei, decoctum chamæmeli, syrupus Sancti Ambrosii, præterea quædam proprietate quadam sudorifica sunt ut Gajacum, radix chinæ, quæ minore acrimonia prædita est quam alia multa, quæ tamen inefficacius sudores eliciunt. Sed his in febribus non solemus uti nisi rarissimè, & in pituitosis, ut dicemus capite de quotidiana. At cum non solum requiratur materiæ, sed etiam viæ aptitudo, extrinsecus utemur rarefacientibus ut frictionibus, fomentis, unctionibus ex oleo chamæmelino liliaceo, & aliis ejusmodi, tum etiam balneis.

*Balnea.*

xxxiii. Sed balneorum curiosus apparatus apud nos desit, vixque unquam nisi in hæticis eo utimur. Laudatur tamen plurimum à veteribus tum Græcis tum Arabibus, non tantum calidum, sed etiam frigidum, quod præscribit *Avicenna* si temperies sit calida sicca, si febris valida fuerit, si evacuationes universales præcesserint, si morbus



bus sit in declinatione, sic enim contemperatur calor, resolvuntur humorum reliquiae tenuiores, sicque febris solvitur, superfluaque siccitas prohibetur, maximè ex temperato balneo, sed frigidum pericula secum habet, ne calor naturalis extinguatur, partes nervosae convellantur, humores recrudecant; ideo non convenit febribus pituitosis aut melancholicis. Ante coctionem quoque in febribus acutis non petit, sed post concoctionem si temperies sit calida, habitus corporis carnosus, aut saltem non macilentus, ætas juvenilis, nullaque adsit internorum viscerum imbecillitas, competere potest ex *undecimo methodi*. Tepidum autem balneum poros aperit, humectat, humorum reliquias resolvit, sed calidum nimis inflamat, humoresque colliquat, partiumque debilitatem cæteroque affectus fovet & auget, ideo non competit febribus acutis, sicut nec tepidum iis febribus, quæ pendent ab humore crasso, viscido & tenaci, quique non in habitu corporis sed in intimis visceribus delitescit, sed competit febribus, quæ fiunt ab humore tenui paucò, in habitu corporis stabulante, modo nulla viscerum adsit imbecillitas, ne humores balneo concitati facilius eo confluant: sed quia rarò aut fermè nunquam balneo utimur in febribus putridis, plura de eo addemus, Legatur *Fuschius* in Paradoxis, qui dolet ejus usum veteribus familiarem exolevisse, quamvis non sit valdè necessarius.

xxxiv. Ultimò de corroborantibus medicamentis agendum, *Corrobo-*  
nam viscera debilitatem contrahunt tum à febre tum à medicamen-  
tis, unde laxitas partium consequitur, aut intemperies tum calida, *rantia.*  
tum frigida, sed potissimum calida. Laxitas postulat adstringentia  
& roborantia. Intemperies calida emendatur *Saccharo rosato, conser-*  
*va nymphaeæ, cichorii, diarbodon,* tum balneis, epithematis, unguen-  
tis. In frigidâ conveniet diatrionpipereoon, aromaticum rosatum,  
cæteraque calefacientia interna & externa. Obstructiones quoque  
viscerum contumaces in febribus diuturnis contingere solent, quæ  
aperientibus sunt curandæ, ut trochiscis de absinthio, de eupato-  
rio, de rhabarbaro, sed maximè & potentissime limaturâ chalibis *Chalibis.*  
variè præparatâ, ut alibi dicemus. Rhazes nono ad Almanzorem  
describit electuarium de scoria ferri. Croco Martis utuntur chymi-  
ci, qui tamen non ab illis, sed à Galenicis aut Arabum Sectatoribus  
multis jam retroactis seculis fuit descriptus. Sed de viribus chalibis  
maxi-



maxima est inter Medicos altercatio, quam componere non est adeo facile, nam veteres eo utebantur ad adstringendum & aperiendum, quæ operationes omninò contrariæ sunt in una eademque re, sic miratur *Galenus* in vitriolo cum tanta acrimoniâ tantam adesse austeritatem & adstringendi vim. *Dioscorides* cœliacis, stomacho dissolutis, mulierumque profluviis, dysentericis vinum præscribit chalybeatum, cui consentiunt *Galenus*, *Paulus*, *Aetius*, *Avicenna*, & cum iis omnes fermè recentiores. Sed alii contra volunt esse summum aperiens, obstructiones viscerum omnes, præsertim splenis referare, alvum & vomitum ciere, ut docent *Oribasius*, *Aetius*, *Cornelius Celsus*, plurimique recentiores, unde *Crato* illius usum improbat in dysenteria & fluxibus, imo ipse *Avicennas* inter venena refert scoriam ferri & limaturam chalybis. Certum itaque est autoritate & experientia chalybi utraque inesse vires aperiendi & obstruendi, sicut multis aliis medicamentis ex variis partibus constantibus & heterogeneis, variæ quoque adsunt vires & plane contrariæ. Sed id dubium est in quibusnam partibus hæreat vis adstringendi, in quibusnam vero vis aperiendi, ne dum chalybem ad aperiendum solvendasque obstructiones præscribimus, contrarium potius præstemus, easque augeamus. Alii non sine probabilitate dubitant duplexne sit illa virtus in chalybe aperiendi & adstringendi, scribit enim *Celsus* aquam faborum lienem absumere, quâ tamen ad adstringendum quoque fœlici cum successu utimur, sic aquæ ferreæ minerales potentissimè solvunt obstructiones, eadem desiccant ulcera. Eadem experientia ostendit limaturam crudam cum melle sumptam chlorosin curare, estque familiare & vulgare remedium, attamen scoriam ferri laudatur ad ulcera, quæ tamen ab aliis laudatur ad splenem obstruendum, ex his qui chalybem præparant, eadem præparatione utuntur ad utrumque præstandum, unde quamvis Chymici quidam duplicem crocum Martis constituant, unum adstringentem per fortes & repetitas calcinationes factum, alium aperiens per aquas acutas præparatum, inter Chymicos tamen non infimæ notæ quidam ut *Crollius* & *Libavius* eundem crocum aperiendo & adstringendo destinant. Concedendum igitur utramque operationem inesse chalybi, constat enim partibus frigidis quia terreum, tum quibusdam calidis, quia omnia metalla ex *Galeno* plurimam habent igneam substantiam, idque ob sulphur quo constant. *Iulius Caesar Claudinus* in appendice libri



bri de ingressu ad infirmos, ita hanc difficultatem solvit, aperire cha- *Claudini*  
libem ratione adstringentis facultatis quâ pollet, & adstrictionem non *Solutio.*  
parum facere ad obstructions referendas, quod partes roboratæ fa- *Refutatio*  
cilis deinceps materiam morbificam vincunt. At hallucinati mihi  
videtur, quia sic cetera adstringentia naturam roborando omnia fie-  
rent aperientia, quod tamen non fit, cum contrariæ omnino sint  
operationes adstringere, & aperire. *Secundò* omnia metallica vim quan-  
dam habent naturæ nostræ adversam, ob sulphuris & hydrargyri ad-  
missionem, maxime quæ sunt impuriora, ut ferrum, tantum abest ut  
naturam nostram roborare possit, unde etsi præparetur vomitum ta-  
men longo usu concitat, & alvum movet. *Tertio* non quæcunque ad-  
stringunt naturam roborant, nec omnis imbecillitas adstringentia po-  
stulat, sed quæ ex laxitate contracta est. *Quartò* non opus esset ullo  
modo chalibem præparare, nam quò magis adstringeret, eo magis  
roboraret & per consequens aperiret, cum tamen omnes præparatio-  
nem putent esse necessariam, & præparatum potentius aperit, ut ex-  
perientia docet. *Quintò* non propriâ vi sed per accidens tantum ob-  
structa solveret, quod tamen falsum esse ostendit *Celsus*, qui aqua  
chalibeata absumi vult lienem, quod nunquam natura quantumvis  
robusta facit, imo quanto robustior sit, eo partes omnes melius &  
potentius tuetur, tantum abest ut eas absumat. *Sextò* non satis est ad  
obstructa expedienda naturam roborare, sed humores obstruentes  
oportet attenuare, incidere, expurgare, quod natura nunquam, aut sal-  
tem rarò præstare solet. Unde concludendum chalybi inesse vim pe-  
culiarem obstructa referandi, ob maximam sulphuris & mercurii co-  
piam quibus omnia metalla, maxime quæ rudiora sunt & impuriora,  
constant, adde quoque vitriolicam naturam, cum vitriolum aliis sit  
proxima metallorum materia, unde ex omnibus ars Medica vitriolum  
extrahere novit, etiam ex chalybe quocunque modo calcinato, habere  
autem vitriolum vim adstringendi, aperiendi, purgandi, vomitum ex-  
citandi, omnibus constat ex *Galeno, 9. simplic.*

*Ludovicus Mercatus* capite de scyrrho uteri, rectè putat chalybi vim ef- *Mercati*  
se abstergeri obstructos meatus ex copiâ sulphuris & mercurii quo *opinio.*  
constat, idque probat exemplo Chymicorum qui in croco Martis ad-  
stringendis fluxibus destinato, valido igne & sæpius adhibito, sul-  
phuris & Mercurii recrementa omnino absumunt. Ferrum autem ha-  
bet sulphur & mercurium valde crudum, crassum & perniciosum, ex  
cujus

Y



cujus usu varia oriuntur symptomata, unde chalybem prius præparare necesse est, ut separetur ab ipso quod crudum & alienum est. Unde concludit debere variè præparari ut fluxiones sistat, & ut obstructa liberet, nam ut alvum sistat sulphur & mercurius validâ & multiplici ignitione auferri debent, sicut in croco Martis, quo præsidio quilibet fluxus validè sistitur, ut vero aperiatur, hæc sunt servanda, ideo primas extinctiones rejicit, cum est adstringendum. At hinc sequitur præparationem non esse necessariam, nam in integro major adest copia

*Objection-*

sulphuris & mercurii quam in præparato, & proinde major vis aperiendi, & demonstrat experientia solam infusionem chalybis & ferri etiam rubiginosi sine ullo calore chlorosin curare. Tum etiam præparatio suspecta est, tam quæ fit cum aceto, ob illius frigiditatem quæ etiam chlorosin inferre aptum est, quam quæ fit cum igne, quia calore vis spiritiosa absimitur. Tum demum quia ferrum exquisitè limatum convertitur in argentum vivum. Certum tamen est præparationem esse necessariam, ut excrementitiæ partes ferri tollantur, ex quibus plus damni subsequitur, quam ex majori purgatione beneficium, tum ut substantia crassa attenuetur, facilius penetret, humores crassi magis incidantur, tum demum quia maligna est omnis metallorum

*Solutiones*

materia ex sulphure & Mercurio promanans. Respondemus itaque etsi in integro major adsit aperiendi vis, tutum tamen non esse illius usum ob rationes dictas, quod si interdum scilicet successit, id factum aut ob levius malum, aut ob naturam robustiorem, quæ malignam illius naturam superavit, utilis autem est præparatio, tam quæ igne quam quæ aceto perficitur, nam etsi acetum chlorosin obstructionesve intempestivè & copiosè sumptum inferre possit, in præparatione tamen limaturæ additur tantum ad penetrationem & humorum crassorum attenuationem. Igne autem etsi vis spiritiosa auferri videatur, non omnis tamen tollitur, modo sit moderata, nam sæpius adhibito igne tandem omnis aufertur aperiendi vis, ob omnimodam consumptionem partis illius Mercurialis, & sulphureæ, & hæc de chalybe secundum Mercati sententiam.

*Aliorum opinio.*

Alii tamen contrarium omnino sentiunt, vim aperiensem chalybis non esse superficiale, sed intus reconditam, quæ non nisi multis ignitionibus, & longâ præparatione, quæ solvat arctam illam ferri compagem, elici possit, unde statuunt primas illius infusiones adstringere, validas & sæpius repetitas aperire, sic lac & vinum chalybea-



beatum adstringunt, modo extinctio sit moderata, nam copiosiori alvus turbatur ob maiorem chalybis substantiam admistam, vim siquidem illius aperiendi, in vitriolica substantia consistere, quæ non ita facile educi potest, ideoque ferrum vetustissimum sæpius ignitum præfertur, quod facilius præparari potest & dissolvi. Aceto quoque præparari solere & vino, acutissimisque liquoribus, ut educatur & extrahatur vis illa aperiens quæ intus recondita latet. Aqua autem & lac, aliique liquores blandi nihil educere ex ferro possunt, & propterea adstringunt, nisi multiplici ignitione vis ejus ab igne eliciatur, sic minerales aquæ ferreæ & vitriolatæ potentissimè aperiunt, quæ non ipsam ferri substantiam, sed puriorem tantum illius partem & spirituosam ab igne subterraneo admistam habent. Huic opinioni fermè consentit Doctissimus *Daniel Sennertus, libro de dysenteria*. Vult autem spiritum quendam coagulantem inesse chalybi, à quo liquores quibus extinguitur adstringendi vim habent, viresque has in vitriolicâ substantiâ consistere. Unde concludit lac & vinum chalybeata adstringere, ob spiritum illum coagulantem, modo extinctio sit moderata, nam copiosiori alvum turbari ob maiorem chalybis substantiam admistam, cum metalla si copiosius sumantur noxia sint, statuit tamen minus adstringere quam aperire, tum recentes extinctiones sumendas, ne frequentioribus alvum potius moveat quam adstringat; Monet quoque crocum Martis potius usurpandum, qui solo igne paratur, quam qui per aquas fortes, acetum, spiritumque vitrioli præparatur, habet enim hic vim magis vitriolatam, fortiusque aperit.

Convenit itaque chalybs in contumacibus viscerum obstructionibus, in febribus tertianis nothis, & quartanis, non ratione febris, sed ratione obstructionum & lienis intumescens, in cujus curatione *Aetius, Paulus, Dioscorides, Avicennas* mirificè ferrum & chalibem commendant. Non convenit autem emaciatibus & tabescentibus, nec in summo virium languore, nec in febribus, præterquam tertianis nothis & quartanis, nec præsentè plethorâ & cacochymiâ antequam phlebotomiâ & catharsi solvantur. Non debet autem ut volunt quidam, admisceri cum nutrimento, ne vi aperiente incoctum alimentum deducat in venas, obstructionesque augeat, tum quia omne metallum Naturæ contrarium est, nutritionique adversatur. Solet autem chalybs dari vel infusus in vino & aquis idoneis, vel in propriâ substantiâ,



postquam fuerit exquisitè præparatus, igne vel aquis fortibus, vel aceto. In cuius usu observare debet, Medicus, an per alvum excernatur, an non, quod cognoscet ex fœcibus nigricantibus, atque si viderit eum non excerni, naturam eccoprotico, blando medicamento, vel clysteribus adjuvabit, quod si alvus adstringi soleat imperabit Medicus ut deinceps ab illo abstineat, ne obstructions potius augeantur quam solvantur. Varias autem præparandi formas in vino, in syrapi formâ, electuarii, pulveris, extracti, croci, videre licet apud *Ludovicum Mercatum & Claudinum*, qui videri possunt, & nos in sequentibus etiam quasdam afferemus in descriptione effectuum lienis. Et hæc de chalybe.

Capite de  
tertiana  
morba.

## D E F E B R I B V S

Putridis in specie.

### LIBER TERTIUS.

#### C A P U T. I.

#### De Sanguineis Febris.

**S**YNOCUS putris est febris continens conclusa, ex putrido sanguine ortum habens, quando scilicet in magnis vasis putrescit, quæ inter alas & inguina excurrunt. Quibus distinguitur ab imputri synocho, à qualibet continua, & à periodicâ. Diximus, ex putrido sanguine, universam humorum massam & congeriem intelligentes, tum ipsos sanguinis ichores, à quibus putrescentibus excitari posse febres docuit *Hippocrates in Epidem.* Sanguis ille, ut diximus, in magnis vasis putrescit, quamvis enim continua ex humoribus in vasis hepatis, pulmonum, cæterarumque partium corruptis accendi queat, ut sæpius docuit *Galenus*, tamen febris ea aut symptomatica tantum est, aut simul majorum venarum sanguis inficitur, nec amplius parte determinatâ coercetur putredo.

II. De



11. De generatione hujus febris magnæ existunt controversiæ, an ex solo sanguine generetur, tum ad quas febris species sit referenda. *Avicennas* validis rationibus *Galenum* refellit, quod negarit ex putredine sanguinis fieri febrem sanguineam, sed biliosam, quia sanguis cum putrescit degenerat in bilem. Non negat *Galenus* sanguinem posse putrescere, id enim omnibus mistis est familiare; sed sanguis corruptione faceffit in bilem. Ergo febris fiet biliosa non sanguinea. Quæstio hæc cum curandi rationem non mutet, inutilis, otiosa & logica censenda est, & tamen inter nobilissimas recensetur. Quidam omnino *Galeno* repugnant: Alii, cum *Galeno* febrem hanc dari negant: Alii *Galenum* eam admisisse tuentur: demum Alii *Galenum* cum *Avicennâ* conciliant. Sed ut rectè advertit *Averrhoes* 4. Collig. *Galenus* hac in re satis sibi non constat. Itaque rem hanc breviter explicemus. Repetendaque ex Physiologia sanguinis distinctio, quâ vel universa humorum massa, vel quartus humor à cæteris distinctus intelligitur. Inde duplex emergit quæstio, quam Interpretes sub unâ complexi non mirum si in varios errores lapsi sint. Sit itaque.

An febris  
ex san-  
guine fit  
biliosa.

III. Prima conclusio. Certum est tum quartum humorem quem *ἰσχυρὸν* sanguinem vocamus, tum humorum massam posse putrescere; Cum enim putredo fiat ab extraneo calore, sanguis putrescet, cum alieno calore corripitur. Sicillum videmus extra venas effusum putrescere, pariter dubitandum non est quin in venis putrescere queat, quoties ab extraneo nativus calor superatur. Talis putridus sanguis venâ emissus se prodit, cum interdum fibris omnibus putredine absumptis, concreescere amplius non potest: sic in inflammatione hepatis non solum putris, sed & purulentus etiam apparet.

IV. Secunda conclusio. Si universa humorum massa putrescat febris fit synochus dicta. *Primò* hæc febris fit à plenitudine; At in plenitudine omnes humores augentur. *Secundò* fit inquit *Galenus* 9. *Methodi* 3. Synochos, quando in omnibus vasis aut maximis æqualiter humores putrescunt. *Tertio*, ex eodem loco, synochos neque in frigida ætate, ut senectute, neque in pituitosis, melancholicis, gracilibus seu biliosis, sed tantum in carnosiss & plethoricis fit. Ergo erit à sanguine. *Quaridè* in synochos pulsus est maximus & plenus, qualis sanguineis tantum competit. *Quintò* *Galenus* 9. *methodi* scribit plenitudinem ad vires synochon non parere, quia nec obstruit, nec di-



stendit venarum tunicas, nec tumorem, nec ruborem inducit. Ergo sola plenitudo quæ est ad vasa faciet synochon. At plenitudo est æquabile omnium humorum incrementum. Fit igitur synochos quando humorum massa putrescit. Et hæc putredo similis est secundum *Galenum* generationi puris, *primò de diff. feb. cap. 7.* ut ex venæ sectione apparet, in quâ sanguis in substantiam puri similem conversus cernitur, ut docet *Hippoc.* dum pus fit febres fieri intensiores.

v. Tertia conclusio, secundum recentiores. Si quartus humor putrescat, febris hæc sanguinea est, & tamen ad biliosas referenda, & sic omnem difficultatem se superasse putant *Massaria* & *Capivaccini*; sed pessimè. Nam cum *Galenus* ut superius diximus, synochon ex omnibus humoribus simul putrefactis fieri probatit, eandem tamen synochon ad biliosas refert, duobus in locis in quibus hanc quæstionem expresso tractat. Primus est *secundo de diff. feb. cap. 9.* ubi concludit febrem ex putrescente sanguine, tertianum circuitum observare, exemplo pleuriticorum qui rubra expuunt, in quibus sanguis putridus, systrophicâ inflammatione contentus tertiano circuitu movetur. Quod si quis objiciat diversam rationem esse putredinis quæ fit in venis, & loco inflammato, respondet idem *Galenus* eandem prorsus esse rationem putredinis, quæ fit in venis & in abscessibus, ita ut idem de utraque sit statuendum. Secundus locus est *2. de crisib. cap. xj.* ubi manifestè ait febrem sanguinis ad biliosas esse referendam, quia sanguis dum putrescit fit biliosus. Et alibi tria tantum febrium genera constituit. Præterea vix verisimile videtur posse sanguinem qui omnium maximè naturæ familiaris est, nativoque calore & Spiritu abundat, putrescere cæteris humoribus intactis, ita ut necessum sit quoties humor ille quartus putrescit, cæteros ipsi admistos eodem incendio corripì. Nec tamen si concedatur ea putredo solius sanguinis, probari poterit febrem inde excitatam esse biliosam. Id enim *Avicenna* rationes manifestè demonstrant. Nam dubium non est quin sanguis sub propriâ formâ putrescat, neque opus est fieri biliosum, si in phlegmone in pus vertitur, non in bilem, cur idem in venis non fiet? Si pars tenuior & pinguior calore extraneo in bilem, crassior pariter eodem calore in atram faceffit, & tamen putredo ipsius sanguinis præcedit. Id docet *Galenus 2. de diff. feb. 9.* Vbi, inquit, sanguis supra modum assatur, mutatur penitus, pars enim tenuis & pinguis in pallidam



dam bilem, crassior autem in atram vertitur, ut in carbunculis. Et post, febres igitur consistent pro specie humoris in quem sanguis mutatur. Et nono *Galenus notatur.* methodi aliisque in locis synochon esse dicit in qua nullus est paroxysmus de tertio in tertium diem. Ex quibus duo concludimus. *Primo* Galenum sibi non constare, ut animadvertit Averrhoes. *Secundo* male dixisse putredinem vasorum & abscessuum, cum in pus vertuntur, esse similem, cum in abscessibus putridus humor moveatur tertiano circuitu, non autem in venis, pusque fiat à victoriâ caloris naturalis, putredo autem venarum à præternaturali, nec cum naturalis vincit extraneum, ut in crisiibus, sanguis in pus mutatus cernitur, sed ruber floridusque, ut paulò antè crisin misso sanguine observavi, cum antea putris sanguis apparuisset. Instante crisi venâ, me repugnante, apertâ, purus, ruber, cito concreescens, tanquam à victima emanavit, ut appareat vincente naturâ non mutari in pus, ut in inflammationibus. Idem de reliquis humoribus dici potest, nam nunquam bilis aut melancholia quantumvis probe concocta in pus mutata cernitur, sed flava aut nigra, neque materia febrilis concoctione speciem mutat, sed tantum qualitatem: febris synochos, inflammationes, hepatis, lienis, fluxu sanguinis finiuntur, sic febris ardens bilis vacuatione, non puris. Non videtur autem *Galenus* cognovisse rationem cur in phlegmone tertianus adsit circuitus. Id enim *primo* non est perpetuum, & quoties contingit non in principio, sed tantum in incremento & statu apparet, quando coctiones fiunt, non quod sanguis mutetur in bilem, ut male *Galenus* autumat, potius enim pus evadit, sed quod bilis quæ tunc est sanguini immista motus suos observet, interea dum reliquis sanguis quiescit, nullumque circuitum habet.

VI. Quidam ut *Augenius, Altimarus, Massaria, alique* negant secundum Galenum sanguinem fieri bilem, sed tantum fieri quodammodo biliosum, quod putredine acrimoniam bilis acquirat, febremque ex eo genitam non simpliciter & absolute, sed quodammodo esse biliosam, non autem ardentem & tertianam. Quæ mera sunt subterfugia, nam cur potius erit biliosa quam melancholica, ut docet idem *Galenus* loco citato, aut quomodo tertianus obtinebit circuitum, cum sanguis periodicum motum non habeat, alias cur in venis eodem circuitu non movetur, si secundum illos tertianus circuitus tantum bili competit. Hæc etsi sufficiant ad Galenicæ sententiæ refutationem, addendæ tamen sunt *Avicennæ* rationes. Sententia *Galen*i, sanguis dum putrescit.

*Rationes  
Avicennæ.*



*Prima**\*  
Augenius  
refutatur*

trescit. Non priori modo; Primò sanguis ubi putruit non degenerat in solam bilem, sed etiam in atram, ergo febris non erit inagis biliosa quam melancholica. Respondet *Augenius* post *Gentilem*, majori alteratione egere sanguinem ut in melancholiam, quam ut in bilem vertatur, & propterea febrem ex sanguine biliosam potius esse quam melancholicam. Quæ responsio nullius est momenti. Est enim *Avicennæ* argumentum de sanguine non putrescente, sed putrido. At tunc ipso *Galenus* confitente loco citato, pars ejus crassior in atram bilem degeneravit, non minns quam tenuior in flavam, febrisque inde genita pro specie humoris denominari debet. Secundò quæstio est de sanguine dum putrescit. At tunc febrem non facit biliosam, quia nondum est putrefactus, ergò sanguineam. Tertiò quod ex putrefactione emergit non semper est putridum, ut vermes ostendunt. Bilis igitur genita ex sanguine putrescente non necessario erit putrida, ideo non faciet necessario febrem biliosam.

*Secunda.**Tertia.**Quarta.**Quinta.**Sexta.**Gentilis  
refellitur.**\*  
Objectio.  
\***Solutio.  
\**

V I I. Posteriori quoque sensu intellecta sententia *Galenus* falsa est, scilicet sanguinem dum putrescit fieri bilem. Primò putrefactio est via ad corruptionem, ergò sanguis dum putrescit minimè mutatus est sed mutatur. Ergo febris ex eo genita erit sanguinea. Secundò bilis ex sanguine non potest generari in instanti: egro sanguis putrescet sub suâ formâ antequam bilis evadat. Tertiò putredo accidit sanguini sicut cæteris humoribus: Si ergò illi servatâ propriâ formâ putrent, Cur idem de sanguine non dicemus, sicq; febrē faciet sanguineam, non biliosam.

I I X. *Gentilis* ut utrumque authorem conciliet, respondet rationes *Avicennæ* concludere pusillo tempore dari febrem sanguinis, quod *Galenus* nunquam negasset, sed id tempus adeo breve esse, ut Medicæ non sit considerationis. Errat tamen quia synochus toto morbi decursu dici & censerī debet sanguinea. Obijcies curari synochon per alterantia & extinguentia bilis acrimoniam, tum per evacuantia bilem. Docet enim *Galenus* in hac febre post missionem sanguinis ad animi deliquium, succedere aut sudores, aut vomitus, aut spontaneas dejectiones. Quod spectat alterantia, ea non bili quâ bilis est, sed quâ fervida, conveniunt, unde non mirum si temperando quoque sanguini fervido inserviant. Evacuantia verò sanguinem ab humoribus excrementitiis depurant, & defæcationem reddunt. Itaque statuendum est febrem ex sanguine non biliosam, sed verè sanguineam & esse & vocari debere.

IX. His



ix. Ex his solvi potest altera quæstio à Neotericis agitata, an ex bile fieri synochus possit. Si enim secundum *Galenum*, synochus inter biliosas sit referenda, cum sanguis in bilem vertatur, cur biliosa inter synochos non refertur. Synochi eæ dicuntur quæ à principio ad finem eodem tenore sine paroxysmis perseverant, ob humorum intra majora vasa incendium, in quibus si bilis putrescat ardentem febrem parit, quæ non immeritò synochus vocari potest. Hinc 2. de differ. febr. cap. 2. *Galenus* synochon speciem facit continuorum ex bile. Aliis tamen in locis idem *Galenus*, negat synochon fieri in biliosis, sed tantum in sanguineis, & plethoricis, unde quamvis ardens etiam synochus dici possit, quando bilis sincera in majoribus venis putrescit, tamen ne febrium genera confundamus, synochon à sanguine, non à bile, causon à bile non à sanguine fieri dicamus.

An synochus ex bile.

x. Differentiæ eædem sunt quæ synochi imputris, scilicet alia omotona est, alia epacmaistica, alia paracmaistica. *Differentia.*

xi. Causas habet easdem quas synochus imputris, sed validiores, scilicet quæ sanguinem cumulant, eundemque accendunt, & nonnunquam similibus putridorum occursum accenditur, ut fructuum, *Causa.* *ἀπαίρειν* esu, ex quibus in Ventriculo putrescentibus aquosus putridusque generatur sanguis, sanguineos occupat, carnosos, juvenes, tum quibus retenti menses, suppressæve fuerunt hæmorrhoides. Ver, regio septentrionalis, victus polytrophus, otium, vini generosi potus, somnus immodicus, quia sanguinem cumulant, occasionem præbent: Cujus febris generationem optimè descripsit *Hippoc.* lib. de locis in homine. Cum corpore supercalefacto carnes intumuerint, pituita bilisque conclusa quieverint, neque refrigeretur quippiam neque exeat, neque moveatur, neque aliud quippiam subeat. Ostendit enim plenitudinem ex obstructione pororum cutis genitam, in quâ post quartum diem purgandum esse docet, nisi febris cessarit, quia in putridam degeneravit.

xii. Hic quæritur à quibusdam quid febrem continuam faciat esse synochon. Quidam ad obstructionem pororum cutis referunt, sed id simpliciter non est verum, nam cum obstrui cutis in quibusvis corporibus possit, in illis quoque fieri synochus posset. Attamen non fit in frigidis, nec in gracilibus, sed tantum in corpulentis, & sanguineis. Obstructio quidem continuum febrem, sed non necessariò synochon facit. Alii referunt ad locum in quo humores putrescunt, scilicet si

Quæstio.

Z

valis



vasis majoribus concludantur, unde synochon ex bile etiam fieri vult Galenus, At id quoque non sufficit, quoniam reliqui quoque humores vasibus majoribus contineri possunt, qui febres pariunt quidem continuas, sed quæ remissiones habent & exacerbationes. Quod vero dixit Galenus synochon esse ex bile, quibusdam aperte fallum esse videtur, ut *Argenterio*: Aliis vitiosa lectio esse dicitur, aliis id tantum de progressu febris intelligendum videtur. Demum *Argenterius* causam refert ad humorem putridum qui non nisi synochon facere potest  
 \* eam enim in solis sanguineis corporibus Galenus statuit. Sed ut superius diximus nihil absurdum ab aliis humoribus quam à sanguine fieri synochon, etsi quam sæpissimè ab illo fiat. Igitur omnes hæ causæ conjungendæ, si fiat à sanguine, in venis majoribus putrescente & obstructâ cute, synochus erit.

*Signa.*

XIII. Signa eadem sunt quæ in simplici, sed insigniora, nisi quod calor acrior est, pulsus non tantum magnus, vehemens, frequens, sed etiam inæqualis, urina turbida, crassa, rubra, sedimentoque nullo, adsunt redundantis sanguinis signa, ut rubedo oculorum, inflatio venarum, temporum, constrictio anhelitus, somnolentia, de quibus *cap. de syncho imputri diximus*.

*Prognostica.*

XIV. Prognostica quod spectat. Periculosissima est quæ continuò augetur, deinde quæ eundem servat tenorem, mitissima quæ semper decrescit. *Secundò* synochi sæpe intra diem quartum solvuntur *3. de crisib.* In solis synochis quarto die sæpè feliciter crisis succedit, sicut & die sexto, quod aliis febribus non contingit, ut docet Galenus, & post eum *Amatus*: sæpius tamen ait *Avicennas* ad septimum crisis extenditur, & ad decimum quartum. Sed si quarto die Galeno consistente crisis fit in syncho, quomodo ab eodem biliosa vocatur. *Tertio* gravitas symptomatum attendenda ut sunt gutturis inflammationes, sermonis difficultas, lacrymarum involuntaria profusio, somnus profundior, aut vigiliæ immodicæ, anhelitus difficultas, phrenitis, signum sunt mortis. *Quarto* variolæ, pustulæque lividæ, nigræ, virides, malæ secundum Arabes, quibus febres nostras purpureas cognitæ fuisse colligitur. *Quintò* jactatio de loco in locum, ventris borborygmi, præsertim si alvi profluvio inflatio non quiescat, malum. *Sextò* Urina alba ut in ardente, ita & in syncho mortem prædicat. Dolor gravans in collo & cervice vel mortem, vel delirium portendit, inquit *Rhazes* ex proprio experimento. *Septimò* si diutius duret in ardentem degenerat, quod



quod tamen non est necessarium. Longitudo autem ejus cognoscitur ut in aliis morbis ex coctionis signis, tum ex faciei & corporis constitutione in mole & caractere, tum ex aliis dictis *capite de signis tempor. morborum.*

xv. Curatur refrigerantibus, putredinemque emendantibus, quod *Curatio.* fiet primò victus ratione, quæ similis omnino esse debet victui febris *victus* ardentis, nisi quod minus nutriendus esse debet quam in causo, unde *ratio.* *Avicennas* lentes, jujubasque commendat, quæ sanguinem minuunt & incrassant. *Secundò* statim tenuis instituatur, quoniam status in propinquo est. *Tertiò* cum continuò affligat, hora exhibendi cibum eadem servetur, quæ sanitatis tempore. *Quarò* à dulcibus absteineat, quæ faciliè incalescunt, ideo melicrati usum improbat *Galenus*, nec valde probandi qui dulcissimis syrupis utuntur, nisi valde dilutis, cum acida potius convenient, nam ut rectè docet *Avicennas hoc capite*, *Jujubæ dulces in aqua tibi v. coquenda sunt tantum ad tertias, & quo minus sacchari decocto addetur eo melius erit.* Aër itaque frigidus sit naturâ vel arte, quia *Aër.* inspiratus plurimum juvat. Tamen cavendum ne corpus denudatum aëri exponatur, (quod ægri inquieti & ferventes faciunt,) ne pororum cutis obstructio augeatur, sudoresque si qui tunc insint, aut saltem perspiratio prohibeatur. Radii solis, hominumque frequentia ab ægri cubiculo arceantur, fenestræque ad septentrionem aperiuntur. Cibi sint refrigerantes, & oligotrophici, ideoque absteineat à vitellis *Cibi.* ovorum, carnibus, omnibusque polytrophis. Sufficiunt juscula alterata endiviâ, lactuca, oxal. portul. cucurbitâ, scariola, cichor, hordeo, succo arantior. limon. granat. Lac amygdalinum cibus est & potus. Poma, pruna cocta, arantia, fraga, berberis, concedantur ad ægri lasciviam. In potu à vino abstinendum, tum ob febrem, tum ob capitatis dolorem, tum quia plurimum nutrit, præterquam in virium imbecillitate & morbi declinatione. Ejus loco detur aqua hordei, aqua cocta. Sequens potus secundum *Gordonium* vini albi oligophori saporem & calorem imitatur. *Et aqua fontis tibi v. aceti vini tibi s. sacchari 3 iij.* simul coquantur. Ad cujus similitudinem alios componere possumus, ex succis acidis. limon. granat. cum aquis stillatitiis & saccharo.

xvi. Victu instituto remedia instituantur. Inter quæ duo præcipuè *Curatio.* commendantur, venæsectio & frigida potus. Et sanè venæsectio ma- *Venæ-* teriam peccantem statim vacuat è venis majoribus, ideoque nunquam *sectio.*



differranda, impendet enim periculum ne suffocentur ægri, syncope præhendantur, nisi vel plurimo sudore, vel sanguinis profluvio liberentur ex *Galeno 9. meth. cap. 4.* Sed id semper memoriâ retinendum ut ante venæsectionem, intestinorum excrementa clystere molli & refrigerante, cruditas vero ventriculi, primarumque viarum blando cathartico repurgetur, ne id majorem perniciem in venas transferatur; Aut saltem statim à venæsectione clyster infundatur. *R. folior. malva, althea, violariæ, cucurb. melon. lactuca ana M. j. bordei, fursuris ana P. j. Prunor. Par. v. seminis anisi ʒ ss. In colat. lb j. diss. cass. vel diapr. vel cathol. ʒ j. mellis viol. buryi recentis ana ʒ jss. olei violati ʒ ij. M. F. clyster. & hoc semel dixisse sufficiat, ne inutiliter in posterum repetantur.*

An ad animi deliquium sanguis mittendus.

XVII. Sed quantitas sanguinis mittendi valde dubia est. Vult enim *Galenus* in utraque syncho sanguinem ad animi deliquium educendum, quod remedium tum ratione, tum experientiâ inniti asserit *9. meth. 4.* namque corpus in contrarium statum deducitur, ab animi deliquio refrigeratum, cui succedunt alvi dejectio, vomitus, sudoresque, quoniam natura humoris noxii vacuatione recreata, facilius reliquum expellit. Aliis remedium hoc suspectum est, voluntque *Galenum* animi deliquium non includere, sed excludere, cum tamen scribat manifestè loco citato, se de industriâ sanguinem mittere, quoad æger animo deliquerit, includens non excludens lipothymiam. Quidam distinguunt lipothymiam à syncope, quæ est præceps virium lapsus, ajuntque sanguinem ex *Galen*i præceptis educi debere non ad syncope, sed tantum ad lipothymiam, quæ levis est affectio, levibusque ex causis gaudio, timore, irâ, solet provenire, facileque sanatur. *Libro de phlebot.* Duos ægros recenset *Galenus* quos liberali hac vacuatione perfectè sanavit liberavitque, triaque illius commoda recenset. Primum totius corporis refrigerationem; secundum, alvi purgationem, bilisque vomitum. Tertium, sudorem mollem toto corpore manantem. Eodem tamen libro tres ægros narrat qui nimia sanguinis missione mortui sunt. *Et 9. meth.* tria incommoda recenset tantæ vacuationis, primum ne repente effuso sanguine moriantur: secundum, ne post breve tempus, nondum finito morbo & prostratis viribus id accidat: tertium, ne ægritudo diuturna permaneat, aut cachexia, aliave perniciofa dispositio introducat. Præterea non videtur animi deliquium mensura idonea venæsectionis, tum quoniam quidam sunt adeo animosi

ut



ut plures sanguinis libras constanter sine deliquio ferre possint, alii statim ante sufficientem sanguinis vacationem animo linquuntur. Tum quia etiam si ex largâ vacatione succedat animi deliquium, nihilominus tamen repeti etiam venæsectio potest, ut sæpius experientia comprobatum est. Habebam nuperrimè ægrum synchocho laborantem, cui quinquies sanguis missus fuit satis abundè, tandemque ex vacatione animo deliquit, nec succederunt vomitus, dejectiones, sudores, ut vult *Galenus*, hæc enim perpetuò non contingunt, illi tamen cum urina rubra & crassa permaneret sanguis sequenti die missus fuit iterum, ad uncias ad minimum decem, meliusque habuit, ex quo conjiciendum lipopsychiam non esse terminum quo educendi sanguinis quantitas debet æstimari. Absurdum est inquit *Thriyerus in aphor.* ægrum ad eum statum deducere quem Medici reformidant, contra quem perpetuò pugnant. *Hippoc.* terminum bonæ vacationis ægri constituit, at animo delinquere & facillè ferre contraria sunt. Sed præ cæteris *Averrhoes* hoc remedium improbat 7. *Collig.* variis rationibus. *Primò* Medicus est imitator naturæ, sed natura nunquam vacuat sanguinem ad animi deliquium, nisi forsan in crisi-  
*Rationes*  
*Averrhoes.*  
*Prima*  
 bus malis, quando expellens irritata, aut retentrix imbecilla, plus effluere sin-  
 it, quam corpus postulet. Respondet *Augenius* Medicum imitari quidem naturam, sed tamen plurima facere quæ natura ipsa non possit, ut luxata reponere. Ars vacuat humores turgentes, in morborum principiis, natura nunquam. Et 4. *aphor.* dejectiones versicolores malæ si sint à natura, bonæ verò si sint à medicamento. Quia imò sæpè natura in crisi-  
*Secunda*  
 bus salutaribus & bonis, sanguinem evacuat per uterum, hæmorrhoides, nares ad animi deliquium, hinc *Avic. sen. 17. doct. 3. cap. 2.* fluente sanguine per hæmorrhoidas, non vult illum esse compescendum, donec æger cadat in *ἔκλυσις*. *Secundò* vacuatio tantum superfluum debet evacuare, sed hæc venæsectio unà cum inutili, etiam utilem humorem educit. respondeo laudari vacationem tam largam tantum in plethoricis quæ eam ferre possunt, nec tantum laudari propter sanguinis vacationem; sed propter refrigerationem, ut naturâ recreata; possit per alvum, vomitum, sudores reliquum humoris morbifici expellere; Nec enim noxius humor totus vacuatur, cum natura vacationibus prædictis, etiam post venæsectionem aliquid expellendum habeat. *Tertiò* remanent in corpore humoris putridi, qui immodicâ hæc inanitione debilitato calore nativo, non poterunt concoqui magisque corrumpentur.



Fallitur tamen *Averrh.* Non enim debet tanta esse vacuatio, ut vires prosternat, quin potius ut eas recreet, alacrioresque fiant ad morbum profligandum, cum enim ventilatio, transpiratioque ægris restituantur, putredo facilius curatur, & quæ futura est prohibetur. *Quarta.* Vacuatio ad deliquium refrigerationis causâ imperatur. Sed hoc remedium operatur tantum per accidens, refrigeratio enim sequitur penuriam sanguinis & spirituum, quæ est nociva. Respondeo idem dici posse de purgantibus quæ febrem tollunt, & refrigerant per accidens. Quod si omnia quæ hoc modo operantur remedia tollamus, universam pariter artem evertere necesse erit. Præterea etsi refrigeret per accidens, causam tamen febris per se adimit, quæ non posset refrigerantibus & alterantibus temperari. *Quinta.* Quinò his addere possumus argumentum *Celsi lib. 2. cap. 10.* scribit Hippocrat. 6. aphorism. 27. *Qui suppurati, aut hydropici, utuntur aut secantur, si pus & aqua confertim fluxerit omnino moriuntur.* Ergò si non licet inutiles humores confertim & semel evacuare, pariter non licebit sanguinem naturæ familiarissimum tam abundè profundere. Respondeo diversam esse rationem hydropicorum & synochæ febris, in illis vires sunt attritæ, & debiles quæ facile concidunt qualibet vacuatione. In hac sunt constantes, nec nisi plenitudine humorum gravantur, quâ demptâ statim natura erigit sese & alacrior evadit. Animi deliquium non adeo adversatur ægri tolerantia, quia statim abit sine gravi ullâ virium jacturâ, ut experientia quotidiana patet.

xix. Hæc omnia addidimus, ne terreatur Medicus si quando largæ sanguinis profusioni succedat leve deliquium, non ut quempiam hortari velim ad tam largam sanguinis missionem. Satiùs enim est sequi recentiorum consilium, sanguinisque missionem iterare etiam sæpius, donec indicationi satisfactum sit, quam simul & semel tam abundè evacuare, quia periculosa est subita mutatio, nec vires eorum satis perspectæ esse possunt, cum quibus antea non sumus versati, ut quoque diximus *cap. de synocha simplici.* Secunda autem est basilica dextra, propter hepar qui fons est & origo sanguinis & plethoræ, nisi ob hæmorrhoidum, menstruorumque retentionem febris hæc generetur, tunc enim aliarum venarum sectio prodest, ut in illis affectibus dicetur. Loco venæsectionis si eam vires non ferant, hirudines, scarificationes, cucurbitulæ laudantur, rarò tamen solent vires abesse, in ejusmodi affectu.

xix. Ve-



xix. Venâ secta humores sunt alterandi & præparandi, ut naturâ <sup>Alteran-</sup>  
 vel arte possint postea evacuari, id præstant syropi refrigerantes putre-  
 dinemque coërcentes, cum aquis accommodatis, qui eligendi sunt <sup>tia.</sup>  
 secundum ægrotantis dispositionem, nam alii leniunt, alii incidunt,  
 alii incrassant, siquidem si alvus fluit, syr. granat. oxsacch. de limon.  
 de acetosif. citri, Iulep alexand. tinctura rosar. conserva rosar. conve-  
 niunt, quia simul putredinem arcant, & adstringunt. Si alvus sit ad-  
 stricta, syr. violar. de cucurb. quia leniunt, de fumar. de cicbor. de endivia  
 quia abstergunt. Sanguis crassior attenuabitur leviter incidentibus, &  
 acidis, tenuior incrassabitur decocto lentium & jujubar. ex Avicen. Si  
 vigilæ adsint adde papaver; si tussis, cavendum ab acidis, ut grana-  
 tis, limon. sed addantur passula, sebesten, jujuba, in cardiacâ adde ro-  
 sas, santal. Spodium, cornu cerui, rasur. eboris; in alvi constipatio-  
 ne pruna dulcia, tamarindos. Aqua distillata ex Anguria secretum quibus-  
 dam est in his febribus remedium. R succi anguria lb j. sacch. lb ss. co-  
 que in syrupum.

xx. Apparente coctione nullum remedium aquâ frigidâ præstan- <sup>Formulae</sup>  
 tius, refrigerat, humectat, calorem extinguit, & demum vacuationi <sup>horum re-</sup>  
 humoris febrilis opitulatur, servatis tamen quibusdam conditioni- <sup>medio-</sup>  
 bus. Prohibent enim ejus potum Primo humor crudus & crassus, quia <sup>rum va-</sup>  
 illius concoctionem impedit. Secundo si viscera fuerint imbecilla. Tercio <sup>rias seq.</sup>  
 si in iis fuerit inflammatio, aut dolor, adsitque mala nervorum affe- <sup>cap. lector</sup>  
 ctio. Quarto si calor innatus fuerit imbecillior, corporisque constitu- <sup>habebis;</sup>  
 tio frigida. Quinto si æger non fuerit assuetus potioni aquæ frigidæ, <sup>semel di-</sup>  
 quibus addit Avicenna corporis extenuationem. In his casibus si detur, <sup>xisse satis</sup>  
 sequuntur incommoda quæ Galenus recitat, scilicet lentorum, crasso- <sup>est.</sup>  
 rumque humorum digestionem prohibet, imbecillas corporis partes <sup>Aqua ex-</sup>  
 concutit, nonnullis spirandi difficultatem, tremorem, & convulsio- <sup>hibenda</sup>  
 nem conciliat. Contra si humor fuerit calidus, ut bilis & sanguis, aut <sup>conditio-</sup>  
 saltem concoctus, si corpus fuerit carnosum, si calor innatus pluri- <sup>nes.</sup>  
 mum abundet, si virtus sit robusta, si viscera omnia sint sana, si na-  
 turalis constitutio non fuerit frigida, si demum æger illi assuetus fue-  
 rit, nullum præstantius ad febres extinguendas remedium poterit ex-  
 cogitari. Quas omnes condiciones ad tres reduxerunt Galenus  
 xj. meth. 9. & Paulus lib. 2. 18. Ergo si vires cuncta valentes sint, & fe-  
 bris ardentissima, coctionis nota evidentes, frigida detur audacter. Sed capite 28.  
 cæteras conditiones exprimit. Verumtamen Hippocrates 3. acut. 40.  
 nul-



*Objectio.* nullam se potuisse frigidæ utilitatem in acutis morbis percipere testatur, quin potius multa ejus narrat incommoda, ut quod longo tempore moretur in ventriculo, difficulter concoquatur, fluctuationes pariat,

*Solutio.* neque urinas, neque sudores moveat. *Respondeo* aquam frigidam exhiberi vel ratione potus, vel ratione medicamenti, *Hippocrates & Galenus* aquam damnarunt in potu, quod prædicta contineat pericula, non sunt autem intelligendi de aquâ ratione medicamenti, adeo ut videatur minus probare *Πυρροποιον* non quatenus pertinet ad facultates refrigerandi & humectandi, quæ oriuntur ex primis qualitibus, sed ratione secundarum & tertiarum, cum aqua neque incidat, neque abstergat, neque urinas, aut sudores moveat. Itaque licet paulatim assumpta noceat, copiosius tamen epota refrigerando & humectando, & per varias partes vacuando insignem operam præstat. Rhazes sui temporis Medicos ridet, qui ab ejus potu crisin retardari aiebant, eamque maximè commendat, duabus de causis, scilicet quia contraria est febre, & ejus symptomata sedat, dolorem capitis, æstum, sitim, vigilias. contrarius tamen videtur *Hippoc. lib. de locis in hom.* In potu, inquit, exhibenda

\* calida, & mulsæ, & acetum cum aquâ, eaque sapius propinanda, potus enim minimè frigidus assumptus, cum calidus sit, & maneat, ex agro corpore detrahit, sive per urinas, sive per sudorem; undique enim apertum corpus & respirans, ac motum faciet. Unde non frigidam, sed tepentem aquam ad diaphoresin commendat. *Respondeo* hoc intelligi debere post purgationem, &

*Solutio.* in declinatione morbi, ad reliquias putridorum humorum vacuandas, non in augmento aut statu, quando vacuare non est consilium, tuncque frigida ad extinguendum febrilem ardorem prodest.

xxi. Nunc paulò plenius explicandæ sunt aquæ exhibendæ conditiones considerandæque sunt res naturales, non naturales, & præter naturam, à quibus incipiemus. Convenit itaque tantum in calidâ & siccâ intemperie quoniam frigida & humida est; Est autem intemperies vel totius corporis, vel alicujus partis, vel cum materiâ, vel sine materiâ, quibus omnibus frigida prodest, ut in calidâ & siccâ ventriculi intemperie, in febribus sanguineis, tertianis, ardentibus, pestilentibus, hæcticis, ephemeris, in ipso erysipelate, quod affirmat *Galenus 9. meth.* aliter non posse sanari. Attamen eodem libro scripsit. *Quibusunque in principe parte aliquis tumor consistit de genere inflammationis, œdematis, aut scyrrhi, his frigidam dare non convenit.* *Respondeo* id verum esse in aliis tumoribus, sed non in erysipelate exquisito. Ubi tamen me-

tus



tus est ne ex phlegmone hectica febris contingat, phlegmonem augere non veremur 14. meth. cap. 6. Quod causam morbi & symptomata attinet, si fuerint humores frigidi, crassi, crudi, symptomata sint ejusdem naturæ, certum est frigidam esse valde noxiam, contra si tenues fuerint calidi, & concocti, usus illius maximè est opportunus. Inter res non naturales unus occurrit aër, sub quo anni tempus, regioque continentur. Potissimum itaque convenit frigidæ potio, in aëre calido, minus in frigido, sicque opportunissima est ætate, cœli constitutione, regioneque calidis. Attamen si aut febris ardens, aut synochus hyeme urgeat, nihilque repugnat, tutò & audacter poterit propinari.

*Res non  
naturales*

xxii. Ad res naturales pertinent temperies, habitus corporis, ætas, sexus, consuetudo & similia. Si enim æger temperiem habuerit frigidam aut totius corporis, aut principum partium, ventriculi, jecoris, cordis, pulmonis, huic frigida non convenit, sed tantum temperaturis calidioribus, maximè si sanguine & spiritu æger abundaret. Hinc intempestivo illius usu plurimi in aquam intercutem, spirandi difficultatem, tremorem, convulsionem, soporem, lethargum inciderunt, in summâ gulam, ventriculum, intestina, omne nervosum genus, & caput offendit. Ætatem quod spectat, non convenit senibus, quia vires habent debiliores, caloremque imminutum, nec pueris propter naturalem infirmitatem, & nervosi generis mollitiem, sed tantum robustis, & ætate florentibus. Si habitum corporis spectemus, non convenit gracilibus, neque extenuatis, hujusmodi enim corpora, ut ait Galen. 2. aph. 28. debilia sunt, parumque habent sanguinis, unde eorum viscera vehementer & statim ab aquâ offenduntur. Si objicias Galenum 10. method. 5. ægro cuidam extenuato, ne caderet in hecticam aquam plane gelidam dedisse. Respondeo dedisse quidem, sed neque copiose, neque semel, verum pluribus vicibus, idque potius pro potu, quam pro medicamento, sic scribit 9. meth. 5. febres hectice aquam neque multam, neque planè gelidam desiderant. Sunt tamen quidam graciles qui venas habent amplas, plurimumque sanguinis, quibus si febribus ardentibus laborent, quæ sunt illis familiares, tutò & utiliter frigida debet & potest propinari. Sexum quod attinet, quamvis certum sit magis convenire viris, ut pote robustioribus & calidioribus, utrique tamen sexui competit, dummodo adsint requisitæ conditiones. De prægnante major est dubitatio, nisi enim detur, ægra de vitâ periclitatur.

*Res naturales.  
Temperies.*

*Ætas.*

*Habitus.*

*Sexus.  
An conveniat  
prægnantibus.*



tatur. Si detur extinguet calorem fœtus, qui minus refrigeranti causæ resistere potest, quam mater. *Herculanus* qui solus hanc difficultatem movit, putat anceps hoc remedium omittendum, cum alia suppetant, ut *aqua hordei saccharata*, *syrupus acetosus*, aliàs infamia Medico continget, si infans pereat. Sed non minus periculum est in prædictis, quam in aquâ, si frigida, eademque quantitate præscribantur, non enim aqua lædit quâ aqua, sed quâ frigida, assâtique & copiose sumpta. Non minus ergo noxia erit aqua hordei si frigida, copioseque assumatur, eodem siquidem res redit. Sed non adeo lædi potest fœtus, datur enim tantum in summo ardore, à quo fœtus magis periclitatur. Deinde temperat tantum sanguinem matris, si non extinguit calorem matris quam tangit immediate, multò minus calorem pueri, qui non nisi mediante sanguine materno afficitur. De consuetudine dubium est an sit necessaria conditio. Respondeo non esse, adeo ut si cæteræ affuerint conditiones, etiam si hæc desit, licet tamen frigidam exhibere, quod si simul cum cæteris accedat, tunc certi sumus viscera illius occursum familiariter innoxie tolerare, audacius ergo & promptius potest administrari.

xxiii. His finem imponam, si prius explicavero qua quantitate, quo tempore, & quænam aqua sit propinanda. *Avicennas* eam exhibet, donec æger fiat viridis, & rigore corripiatur, sed periculum est ne calor natus extinguatur, & obruatur. *Galenus* vero 8. methodi tantum propinat quantum ægro bibere libet, sic flammâ extinctâ natura roboratur, quod tutius certiusque est consilium. Tempus quod spectat, *Galenus* illam prohibet ante coctionem, quamvis enim febris ut febris est proprium remedium sit frigida, cum illius calori & siccitati utraque qualitate repugnet. Attamen eadem frigida non est remedium humorum putrescentium, nisi quatenus per alvum, sudorem, aliasve vias, à naturâ frigidæ potu recreatâ, dejiciuntur; cumque utiliter hæc vacuatio ante coctionem fieri nequeat, ideo ante coctionem non licet frigidam administrare, nisi in imputri synocho, in quâ sanguis temperari tantum debet, non evacuari, quia nulla putredo, cruditasve fatigat. In febribus quoque pestilentibus, & synecticis, frigida statim, & in magnâ copiâ exhibenda est, quoniam urgentiori semper est occurrendum. Sed quæritur an in die criticâ liceat illam præscribere, quod omnes firmè asserunt, quia natura quæ excretionem molitur, roborata, facilius crisin perficit; Quod tamen non placet



placet *Massaria*, ne critica evacuatio aut retardetur, aut contrarius naturæ motus succedat, nam ex *aphorism. 20. lib. 1.* die criticâ nihil movendum, innovandusque est. At aqua non movet, sed tantum naturam roborat, ideo non sicut catharticum, aut venæsectio, crisin impedit, quin potius naturæ in motibus suis perficiendis opitulatur. In morbis qui per paroxysmos affligunt, in statu ipsius accessio-  
*An in pa- roxyfmo.*  
 nis convenit *9. meth. cap. 5.* Tunc enim incendium visceribus conceptum, partes principes, nervosumque genus propugnat, quominus insigni & repentinâ aquæ frigidity lædantur. Hic addequâ videtur præclara *Avicennæ* sententia cap. de synocho. Cavendum ne infri-  
*Qua aqua propinanda.*  
 gidantia dentur ante phlebotomiam & purgationem, nam obstructions au-  
 gent & putredinem. quamvis enim *Galenus* videatur haustum hunc aquæ, agnosticum à quibusdam vocatum, præscripsisse, quando omiſſa fuit ve-  
 næ secandæ occasio, tutius tamen datur, si venæsectio præcesserit, citius enim coctio succedit, antequam frigida non est danda, citius-  
 que illius frigiditas per venas in universum corpus penetrat. Aquam ipsam quod spectat *Galenus* simplicem è puro fonte haustam tan-  
 tum commendat. Sed in iis qui illius usum reformidant, nullam ra-  
 tionem video cur aut decocta, aut saccharata, aceto addito, syrups-  
 que refrigerantibus, aut aqua hordei non possit pari cum utilitate pro-  
 pinari. Quænam autem aqua eligenda sit fusè explicat *Aetius*, & *Gal. 3. de rat. victus 40.* optimamque eam esse dicit quæ est purissima, omnia alienâ  
 qualitate destituta, si nullum habeat, saporem, aut odorem, si pelluci-  
 da sit, & sincera, de qua alibi diximus.

xxxiv. Si frigidam exhibere non liceat, purgantia erunt ex usu, In diata  
 tum quia sanguinis quædam partes in utramque bilem facessunt, tum *favorum.*  
 quia sanguis à reliquis humoribus expurgatus, depuratur. Levioribus  
 tamen utendum, ut cassia, sero lactis, rhabarbaro, manna, myrobala-  
 nis, tamarindis, sennâ. *R. rad. oxalid. ʒ ss. cichor. totius, endiv. scariol. ca-*  
*Purgan- tia.*  
*pilli vener. ana M. ss. semin. cucum. cucurb. ana ʒ j. sennæ ʒ ss. sem. anisi ʒ ss.*  
*flor. viol. samb. ana P. ss. santali citrini ʒ j. f. decoct. ad ʒ iij. infunde rhab.*  
*ʒ j. dissolve syr. ros. solut ʒ j. M. f. potio.*

xxxv. Post hæc roborantibus utendum tum internis, tum exter-  
 nis, quæ principes partes cor & hepar refrigerent, quæ sequenti capi-  
 te explicabuntur. Saccharum rosatum maximè prodest, quia non fa-  
 cile in bilem vertitur. *R. conserva rosar. ʒ j. conserva nymph. ʒ ss. pul-*  
*veris diamarg. triasant. ana ʒ ss. sacch. ros. tabulati q. s. f. conditum.*  
*A a 2 vel*



vel R̄ conserva viol. borrag. buglos. ana ℥ ℔. pulveris margarit. ℥ j. coralli, crystalli ana ℥ ℔. ofis de corde cervi, vel bovis ℥ j. sacch. q. s. f. conditum auro coopertum. Plura & magis composita à Medico præscribi possunt, sequenti capite materiam horum indicabimus. Extrinsecus epithemata applicantur & inunctiones, hepatis & cordi, quorum paradigmata in affectuum cordis & hepatis curatione describentur, & in remediorum formulis, ne remedia hæc quæ quilibet tyro præscribere commodè & facile potest, sæpius inutiliter in libris nostris repetantur, Propterea deinceps rarò clysterum, purgationum, juleporum, apozematum descriptiones hic lector inveniet, sufficiet methodum medendi, materiamque Medicam indicasse.

Ceratum  
refrige-  
rans Ga-  
leni.  
Vide Gal.  
10. meth.  
cap. 9.  
j. simplis.  
cap. 6.  
§ 6. de  
tuenda  
sanit.  
cap. 14.

xxxvi. Solet etiam in his febribus relinqui incendium in dorso & renibus, quia per illas partes perreptant venæ magnæ & arteriæ, in quibus cum maximè ferveat sanguis, etiam post febrem relinquitur intemperies quæ molestiam parit, quapropter renes sunt refrigerandi, oleis rosato, violato, &c. unguento rosaceo Mesue cum camphora. Sed Galenus inter refrigerantia externa principem locum attribuit suo cerato, quo adversus eresipelata, & inflammationes uti consuevit. Fit ex cera alba lota ℥ j. olei rosati omphacini sine sale præparati ℥ iij, liquentur in duplici vase, addatur tantum aquæ frigidissimæ, quantum molliendo poterit accipere, cui si parum aceti albi tenuis & clari admisceatur, efficacius fiet medicamentum. Cum magis refrigerandum est, succum psyllii, sempervivi, solani, portulacæ & similium addere non erit inutile. Modum autem abluendi ceram describit Galenus 2. simpl. 15. Monet autem mutandum assiduè medicamentum, priusquam incalcescat, ne calorem ingeminet, ac demum tantummodo parti calidiori admoveatur, ut thoraci, cordi, renibus, hepatis. Unguentum verò rosatum Mesue minus isto refrigerat, & præterea rancescit, ideo Galeni unguentum præferendum, quia ex tempore parari potest.

xxxvii. Ultimò laudant veteres Balneum aquæ tepidæ, quidam etiam frigidæ, sed suspectus esse debet illius occursum, ne calorem febrilem, putridosque vapores intus coërceat. Tepida autem corpus refrigerat, & reliquias materiæ resolvit. Sed nostro tempore sine balneo hæc febres curantur.

CAP.



## CAP. II.

*De Febris biliosis, & primo de tertianâ exquisitâ.*

**I** Febris biliosa est quæ ex putrescente bile generatur; Hæc ferme causa est omnium febrium, aut saltem sese cæteris humoribus immiscet, ut docuimus ex Hippocrate. Est autem vel continua, vel intermittens. Continua ex humoribus fit in vasis putrescentibus, vel minoribus, tuncque tertio quoque die exacerbatur, vel maioribus & cordi proximis, tuncque febris ardens dicitur. Si quæras cur materia interdum propellitur extra venas, interdum in iis remanet, facilis erit ex supradictis responsio, humorem expelli, quando facultas expultrix robusta est, viæ patentes, & expeditæ, sine obstructionibus, humor non ita multus, aut crassius. Contra retineri, ubi multus est aut crassus, viæ impeditæ, obstructiones adsunt, neque facultas ita valet. Intermittens autem vel habet accessionem quæ intra duodecim horas terminatur, & vocatur tertiana exquisita, vel longiorem habet paroxysmum, ita tamen ut *ἀντιπύρετος* sit longior ipsâ accessione, quæ simpliciter tertiana vocatur. Quæ autem productam habet accessionem, & breve intervallum, tertiana extensa nominatur, ex Galeno 2. de differ. febr. cap. 8. Avicennas aliam profert divisionem, Galeni tamen placitis consentaneam, ex parte materiæ putrescentis. Quæ enim fit ex sinceræ bilis putredine exquisita est, quæ verò alios humores admistos habet, notha, sive spuria nuncupatur. In quâ mistione necesse est humores simul uniri, ut ex utrisque una forma resultet, nam si humores seorsum putrescant, duæ erunt febres, ut in hæmitritæo, & duabus tertianis; de quibus omnibus dicemus.

11. Exquisita igitur tertiana ex putrescente flavâ bile accenditur, extra venas motâ, & tertia quoque die redit, eam Galenus optimè describit 2. de diff. feb. cap. 3. Tertiana exquisita est, *qua fit à bile per sentientes corporis partēs delatâ, cum rigore invadens, & ardentis febris similitudinem gerens, & bilis vomitibus, aut dejectionibus, aut sudoribus, vel horum quibusdam, vel omnibus solvitur, cujus accessio duodecim ad summum horarum æquinoctialium spatio finitur.* ex bile humore calido siccissimoque generatur, & sero bilis 4. acut. 2. proinde eos invadit qui habitu gracili, naturâ calidi, sicci que sunt, quique maximum bilis fecerunt pro-

*Tertiana  
exquisita.*



ventum, ex causis ipsam generantibus, quales vel materiam suppeditant, ut alimenta pingua, dulcia, calida siccaque naturæ, ac tenuis substantiæ, vel efficiunt ut corporis, viscerumque constitutio calida, sicca, ætas juvenilis, æstas, vigiliæ, ira, corporis nimii motus, quæ causæ quò vehementiores sunt, eò bilem magis adurunt, & nunc hanc, nunc illam, illius speciem producant. Aliæ causæ bilem in corpore detinent, ut suppressa & impedita illius à jecore, & vesiculâ fellis in intestina evacuatio. Hæc si putrescat in vasis cordi proximis febrem facit ardentem, si extra vasa, exquisitam intermittentem. Scribit *Averrhoes* 4. *Collig.* 28. non esse necessarium omnes febres quæ tertio quoque die repetunt esse à bile, & *Galenus* ac *Avic.* eos reprehendunt Medicos qui ex tertiano circuitu febrem biliosam esse judicant. Nostro tamen tempore omnis tertiana perîodus bili refertur accepta, ita ut etiam *Galenus* voluerit 1. *aph.* 12. pleuritides quæ fiunt à sanguine bilioso, tertia quæque die exacerbari. Verùm ut diximus in *questione de perîodis*, quæ prohibet bilem multam & tenuem quotidie, aut paucam & crassam quarto tantum die moveri, sicut melancholia potest facere periodum quintanam, & sextanam, quidni faciet quoque tertianam. Ut plurimum tamen non tantum tertiana, sed & qualibet febris fit à bile.

III. Fernelius vult bilem putrescere in propriâ cysti, & circa viscera, quam sententiam *libro secundo* explicavimus, fieri nequit intermittens ex bile in proprio folliculo putrescente, potius erit continua, ut eo loco diximus, sed putrescit in habitu corporis, aut circum viscera, ut ostendunt rigor, lassitudo ulcerosa, quæ in principio paroxysmi fatigant, sudor paroxysmum finiens, quia eo sudore causa febris vacuatur. Quæret quispiam quomodo bilis putrescat, cum obstructionem parere non possit, quæ causa est putredinis? Fit enim obstructio ex humore multo, crasso & lento. At bilis nec crassa est nec lenta. Respondeo bilem vitellinam crassam esse & obstructionem parere, vel quotiescunque aliâ quavis ex causâ obstructio fit in corpore, bilis putrescere potest & febris accendi. Ideo *Galenus* etiam in febribus à bile utitur *origano*, *hyssopo* ad obstructiones solvendas quas crassus humor parit, non ipsa bilis.

An ab  
aliis bilis  
speciebus  
fieri possit.

IV. Nec tantum à bile simplici, sed ab æruginosâ, vitellinâ, porraceâ fieri potest secundum quosdam, ut ostendit experientia purgatis per alvum & vomitum hujusmodi humoribus febres tertianas finire; scri-



scribit *Galenus* 5. *aph.* 1. se vidisse juvenem qui expurgatâ per vomitum bile æruginosâ, à febre & convulsionibus liber evasit. Vidimus nos mulierem quæ in singulis paroxysmis bilem vomebat æruginosam & vitellinam interdum. De his febribus doctè tractat *Averr.* 7. *Colliget.* cap. xj. ubi docet eas potissimum quæ fiunt ex bile æruginosâ, habere accessiones longas, periculosa symptomata, & esse admodum exitiales. Eas quoque admittit *Avenzoar* capite 6. lib 3. *Thezir*, quas vocat fraudulentas & perniciosas. At *Conciliator* negat dari febres ab ejusmodi bile generatas, ob malignam & venenatam humoris naturam. *Massaria* eas reponit inter spurias, sed sine ratione, & autoritate, cum potius inter exquisitissimas debeant numerari. *Ludovicus Mercatus* perniciosas quasdam tertianas describit, inter quas eas recenset quæ ab ejusmodi humoribus procreantur. Rationes *Conciliatoris* potissimum duæ sunt. *Prima* quæ sunt valde ignita non putrescunt, quia calida sicca, ut prædicti humores: Ergo nec febrem generabunt. *Secunda* oportet adesse tempus idoneum ad febrem generandam, sed hic non adest, quia humor propter malignitatem & venenositatem statim à naturâ expellitur. Sed Respondeo dubium non esse humores hos posse putrescere, cum omnia putrescant, imo nihil sunt quam bilis intensè putrefacta, si igitur retineantur facient febres, sed valde malignas. Retineri autem contingit & in venis, & extra venas ob rationes à nobis alibi relatus. Dicit *Galenus* in febribus salutari-bus nunquam rejici bilem æruginosam 3. de *alim.* cap. de melle. Ideo 5. de *loc. aff.* cap. 3. ait ejusmodi humores esse signa inflammationis jecoris, quibus verbis non negat, ut malè infert *Saxonia*, ex ejusmodi bile fieri febrem, sed negat eam esse salutarem, dicemus cap. de causo.

v. Ex his patent febris tertianæ differentia, quæ à variis petun- *Differen-*  
tur. *A quantitate*, nam quædam horas 12. durat, alia minus, quia ex *tia.*  
pauciori materiâ, aut saltem bilis ichore generatur, quæ febris be-  
nignissima est. *A qualitate*, aliæ sunt valde mites, aliæ violentæ,  
prout materia putrescens acris fuerit, nam bilis simplex generat fe-  
bres benignissimas, acrior autem malignissimas, ut æruginosa & quæ  
ad hanc accedunt.

vi. Causa est ut diximus bilis putrefacta: Pendet autem hæc ex cau- *Causa.*  
sis superius à nobis enarratis. Potissimum ex jecore retorrido, unde  
scribit *Galenus*, tertianas semper fieri, jecore laborante.

vii. Signa



Signa.

VII. Signa ex quinque prædictis fontibus repetantur. *Primo ex calore.* Est enim calor valde acris, sed qui longo manus contactu facile superatur, quia humor tenuis & calidus facile exhalat, ac citò discutitur, quod intellexit Hippocrates cum febres quasdam esse dicit valde acutas, sed à manu victas. *Secundo ex pulsu,* qui in principio contractus est & parvus, postea vehemens, celer, quod magna sit refrigerationis necessitas. Nullam habet inæqualitatem, aut certè minimam præterquam febrilem, quia bilis tenuior est, nec ita gravat naturam ut melancholia & pituita, tùm quia non minor est refrigerationis ex diastole, quam expellendarum ex systole fuliginum necessitas, ut docet Galenus j. ad Glaucon. cap. 5. *Tertio ex urina* quæ solet esse flava, aut flammea, substantia mediocris, & odore gravis in exquisita, nam ut docet Avicennas in nothâ potest urina esse cruda & crassa. *Quarto ex formâ febris,* nam tertio quoque die invadit, principium non est diuturnum, in augmento & statu symptomata incrementum; æger somnolentus non est, sed vigil, nisi in nothâ cum humores sunt crassiores, in quibus interdum sopor contingit, dolor adest capitis, vigilia, delirium, sitis, nausea, oris amaror, inappetentia, cardiogmos & similia, declinatio est cum sudoribus, & remissione omnium symptomatum. *Ultimo ex causis prægressis* de quibus supra diximus, ut ætate, regione, anni tempore, victus ratione, consuetudine, corporis habitu: Quibus addere possumus conjecturam Archigenis, de quâ Galenus loco citato, si biliosæ febres eo tempore sint epidemicæ. Et hæc sunt generalia signa febris biliosæ.

Signa intermittens.

VIII. Intermittens autem esse dignoscitur ex propriâ formâ. Incipit enim cum rigore valido & pungente instar acus, qua differt à quotidianâ in quâ sola adest refrigeratio, in quartanâ verò vehemens adest perfrictio, ossa ipsa quasi afficiens. Præterea tertianæ rigor primo statim die vehemens est, quia biliosus humor in morbi progressu à naturâ superatur, in quartanâ verò humor in dies magis ac magis putrescit, nec punctiones, sed vehementis refrigerationis sensum inducit. In tertianâ verò pauca est refrigeratio, tantum ob caloris ad interiora recursum contingens, sed in quartanâ & quotidianâ frigus adest ex ipsâ humoris qualitate, ut ait Gentilis. Quatuor igitur observat Avicennas in rigore tertianarum; *Primo* incipere cum horrore, deinde rigorem fieri majorem, ac deinde in dies minui, contra quam in quartanâ. *Secundo* rigorem esse pungentem instar acus. *Tertio* non esse valde



valde frigidum. *Quartò* citius sedari quam reliqui rigores à materiâ frigidâ pendentes solcant. Præterea pulsus in principio sunt parvi ac debiles, mox in statu magni fiunt & veloces, nullam aut exiguum habentes inæqualitatem, præterquam febrilem: calor per universum corpus expanditur, sitis urget, homo uritur, ut se denudet, magnūque spiritum ducat, sed ex facili, tandem declinatio cum sudore fit ob materiæ subtilitatem, quam excipit omnium symptomatum remissio & *anapaesta*.

ix. Sed exquisita tertiana à notha differt in plurimis. *Primò* quod *Signa ex-*  
ejus accessio duodecim horas non excedit. *Secundò* in septem circuitibus *quisita.*  
judicatur longissima. *Tertiò* incipit cum rigore intenso & brevi, & terminatur sudore magno. *Quartò* quia in primâ, secundâ, aut septimâ die, urina cernitur concoctio, in spuria nequaquam. *Quintò* quia calor exquisitæ mordacior est & acrior, quam nothæ. *Sextò* quia paroxysmi ordine quodam antecedunt, aut postponunt, ob materiæ uniformitatem, & subtilitatem. Sed in spuria non servatur proportio, propter materiæ & crassitiem, & difformitatem. Quod si paroxysmi eâdem horâ invadunt, notha est ob materia crassitiem, nam aphorismo 3. lib. 4. Si paroxysmi eâdem horâ repetunt, morbus longus significatur, tertiana autem exquisita non solet esse longa.

x. Si à bile æruginosâ & prasinâ fiat, longos habet paroxysmos in- *Signa bi-*  
quit Averrhoes, & pessima symptomata, quæ ita describit Avenzoar, *lis prasi-*  
Cum invadit paroxysmus, angustiantur multum patientes, & habent in- *na ærugi-*  
quietudinem magnam cum siti validâ, & alienationes varias, atque magnas, *nosa.*  
jactant se per lectum huc & illuc, cum instantiâ vigiliarum, & pulsus eo-  
rum est durus, parvus, & diversus, & pro majori parte finis hujus fe-  
bris est malus. Et accidentia quæ superveniunt sunt pessima & fraudulen-  
ta, & deceptoria, urina ad viriditatem, vel nigredinem tendit, & hypo-  
stasis ejus etiam est talis; & hæc omnia ex malignitate humoris depen-  
dent, unde febres hæc sunt valdè periculosæ, vixque infirmi eva-  
dunt, ut idem docet, si hypostasis nigra sit in medio, moritur patients in  
brevis, si sit in fundo, adhuc citius. Quod si in die criticâ incipiat appa-  
re urina nigra sine hypostasi est signum salutis, nam hypostasis nigra est  
semper mala, quia ostendit debilitatem virtutis in digerendo, nam natu-  
ra quando est fortis, convertit hypostasim ad albedinem. Sed Averrhoes im-  
possibile esse putat, quenquam ab hoc morbo evadere. Ipse Ga-  
lenus in febribus salutaribus nunquam vult rejici æruginosam bi-  
lem.



lem. Juvenis tamen de quo *s. aphorism. j.* vomitu æruginoso à febre & convulsionibus liber evasit, & experientia ostendit etiam post humorum acrium istorum rejectionem plurimos ægros fuisse sanitati restitutos.

*Prognostica.*

x1. Simplex autem tertiana salubris est, nec ulla ratione sui lethalis, *j. Epidem. unde aphor. 59. sect. 4.* In septem periodis longissima judicatur. Dixit tamen in *Coacis* terminari novem circuitibus, sed & sæpe ante septimum paroxysmum, scilicet quinto, imo & tertio solutas videre licet. Quod sunt in continuis dies, id sunt in intermittentibus paroxysmi, unde secundum eandem numerationem, earum fiunt crises. Solvitur ergò tertiana hoc tempore si nullus error ab ægro aut Medico committatur, nam ut docet *Trallianus* si malè curetur redditur insanabilis, aliàs ulterius prorogari non solet ob humoris tenuitatem & fervorem, qui eo temporis spatio absumpto fomite, ipse quoque consumitur. Sed si bilis sit crassiuscula, ait *Foroliviensis*, accessiones poterit producere, & crisin ultra septimum circuitum prorogare; sed hæc febris non potest esse pura, sed potius notha. Scribit *Galenus 2. de crisib. cap. 3.* Si urina subflava fuerit, & mediocriter crassa, & paulò post vel nebulam albam, vel enæorema bonum habuerit, quantum non excedit circuitum, nebula alba est certissimum criseos futuræ indicium *aph. 71. lib. 4.* Quibus septimo die sit crisis, is nubecula rubra quarto die in urina apparet, & alia adsunt secundum rationem, est enim quarta index septimæ, quod si rubicunda nebula bona est quarta die, inquit *Galenus*, multo magis si alba fuerit, si laudabile enæorema adsit, in morbo autem acutissimo sola caloris & substantiæ mutatio sufficit. Meminit autem solius nebulæ rubræ; quoniam hæc rarius accidit, ruber enim calor indicat coctionem inchoatam, albus vero progressam, partes enim solidæ quæ in humorum coctione operantur, sunt albæ unde materiam morificam sibi similem reddunt. Nubecula autem rubra rarior est, & quidem hunc colorem salutarem esse ait *Hippoc.* sed diuturnioris morbi signum, in *prognost.* Et in *Coacis* sic scribit, *aphor. 7. lib. 4.* Nebula in urinis albæ quidem & fundum versus utiles, rubræ autem lucidæ, nigrae difficiles, unde rectè ait *Galenus*, signum hoc non esse perpetuò verum, & tantum in morbis qui citissime moventur, nam si undecimo appareret, tres dies non sufficerent ad plenam morbi coctionem absolvendam, ut crisis decimo quarto contingat, quoniam nebula rubra levem tantum coctionem indicat, quæ si citò non appareat, non potest citò



citò perfici, unde proficitur se rarò quam in quarto die ejusmodi nubeculam vidisse, cum vero eam septimo observavit, crisis ad 14. prorogata fuit. Addit deinde *Galenus* 2. de crisi. si urinæ sint flaviores, nec encephaloma, aut nebula in primo circuitu apparuerit, ad septimum usque extendetur, quia nulla adsunt certa coctionis in primo circuitu indicia, Deinde subdit. *Omnium februm simplicissima est, quæ habet exquisita tertiana indicia, & hypostasim albam, levem, & æqualem, hæc enim tertium circuitum non transcendet.* Sed etiam si ex se sit salutaris, interdum tamen, ut observat *Saxo*. movetur humor ad os ventriculi, unde qui illud habent valdè sensibile, ex cardialgiâ incidunt in syncopen, & moriuntur, quod tamen non est perpetuò verum, nam sæpe & ordinariè movetur humor in principio paroxysmi ad os ventriculi, qui vomitu utiliter excluditur, & vidimus convulsiones & cardialgias singulis paroxysmis ex bile æruginosâ enatas, quæ ejusmodi bilis vomitu sedabantur, morbusque septimo paroxysmo solutus fuit. Circa hæc coctionis signa, quæ celeritatem solutionis ostendunt, monet *Amatus*, si duplex sit tertiana, ea non esse certa, nisi de unâ tantum, quæ alterâ remanente cessare potest. Præterea quando tertiana solvitur, ea aut vomitibus, aut sudoribus, aut dejectionibus terminatur, rarò per urinam. Labiorum & narium exulcerationes febris finem significant 6. *Epid. sect. 8. aphor. 41.* Sic igitur istius febris longitudinem & brevitem cognoscemus, ex accidentibus, & paroxysmis, si enim secundâ accessione omnia fuerint fortiora, & in tertio incipiant remitti, quarto finietur. Sed si septimo terminari debet, in quarto morbus erit in statu, & quinto symptomata incipient remitti. Unde jubent Arabum interpretes, ut prædicant Medici quartum paroxysmum fore maximum, ne si phlebotomia, fuerit prius administrata, aliudve remediî genus usurpatum, dicant adstantes ægrum à Medico fuisse interfectum. *Altimarus* febrem tertianam statuit esse acutam, quod repugnat iis quæ à nobis ex *Hippocrate* & *Galeno* allata sunt. Est enim morbus acutus, non tantum qui brevis est, & celeriter sua tempora percurrit, sed qui periculosus simul est, quod tertianæ non competit, quæ est securissima, & mitissima. præterquam quod omnis intermittens periculo caret, intermittens minimè periculosa est tertiana exquisita, j. ad *Glaucon. cap. 8.* Respondet *Altimarus* acutos morbos esse duplices; vel enim fiunt ex humoribus, citra ullum determinatum locum affectum, vel fiunt aliquâ parte inflammata & patiente, & hi sunt periculosi, priores

B b 2

non



non item, unde negat esse de naturâ cujuslibet morbi acuti habere periculum annexum, sufficit si sit velocis motus & magnitudinem habeat, quod *Galeno* manifestè repugnat, cum periculum non possit à morbis acutis separari. febris ardens est acuta & periculosa, & tamen sit ex humoribus parte aliquâ non patiente. Acutorum morborum non sunt certæ prænotiones salutis, & mortis. Sed certum est tertianam esse omnium febrium mitissimam, non igitur acuta est. Acutis quoque victus tenuis competit. Sed in tertianâ *Gal. j. ad Glaucon. 10.* alimenta præbet crassiora, ut ova sorbilia, fructus, suum pedes & similia. Ergo nō est morbus acutus. Celeriter judicatur, inquit *Alim. 7.* Ergo est morbus acutus. Præterea est magnus morbus, tum ratione partis affectæ scilicet cordis, tum ratione suæ essentia si ad diarias comparatur. Sed fallitur, nam nec est morbus magnus ratione cordis, sic enim ephemera magnus quoque foret morbus, nec ratione suæ essentia, cum sit *Galeno* simplicissima, sed tantum respectu diariorum, quæ vix morbi vocari debent. Quod si decimoquarto die aut citius finitur, id tantum ejus ostendit brevitatem, non autem acutiem. Objicit præterea, senitertiana est morbus acutus, sed non habet acutiem à quotidianâ, quæ est morbus chronicus, nec ex utrisque simul junctis, quia si quotidiana acuta non est, acutiem non dabit. Ergo habet à tertiana. Erit igitur morbus acutus, cui argumento nunquam potuit *Augenius* satisfacere.

\* Sed Respondeo hæmitritæum ab utrisque habere acutiem, simul junctis, à bile habet velocitatem, à quotidianâ continuitatem & periculū, unde quamvis seorsim morbos acutos non faciant, simul tamen conspirant in animalis perniciem, quibus adde difficultatem curationis, ob contrarias intemperies bilis & pituitæ, quæ inducunt periculum.

*Curatio.*

*Quid faciendum in paroxysmo.*

xii. Nunc itaque ad curationem veniamus, & primò quod in paroxysmo agendum sit videamus. Cavendum itaque imprimis est à somno ante accessionis declinationem in quâ si dormierit, sudaveritque erit bonum, nam ex somno in accessionibus symptomata fiunt deteriora, augentur viscerum incendia, & inflammationes, paroxysmusque longior evadit, ut docet *Galenus com. ad aphor. j. lib. 2.* Ubi horrent rigentque ægrotantes, si sint nauseabundi, vel aquâ tepidâ, vel hydreleo vomant, aut si tenacior materia est, oxymel addatur scylliticum, aut etiam vehementioribus utendum erit, si opus fuerit. Alvus tamen sollicitari non debet in ipsâ accessione, sed longè ante insultum, ut in declinatione, aut intervallo, glande scilicet, aut clystere molli, *ex sero, cassiâ,*



*castia, catholico, & similibus.* Accedat enim paroxysmus ventris vacuo, inquit *Avicenna*. Ideoque unicè observandum ut ante paroxysmi adventum cibus in ventre concoctus sit, nihilque comedat bibatque in accessione ante declinationem; sed sitis si valde urgeat, ad ejus tædia devitanda, aquâ frigidâ sæpe os colluat, vel mulsa aquosâ 2. *de morb.* aut succum limonum aquâ diluat, vel Julepo Alexandrino utatur. Quod si sitim ferre nequeat in statu paroxysmi bibere poterit ex *Aetio cap. 79. lib. 5.* & *Galeno 2. de crisib. 3.* In fine status, cum sudare incipit, leviter operiatur, sudores abstergeantur, ubi multum sudaverit. Vinum album mediocriter lymphatum quidam præscribunt ad sudores copiosius eliciendos, aut syrupum *S. Ambrosii* dictum, quem *Guainerius & Vvec-* *Syrupus*  
*kerus* describunt. *Quercetanus* in Pharmacopœa sub nomine decocti ad *S. Am-* *brofsii.*  
*brofsii* describit. *℞ milii decorticati quantum*  
*voles, coque ad crepaturam, decocti accipe ℥ v. vini albi ℥ ij. & calidum præbea-*  
*tur,* nam & sudorem provocat, & sitim ardoremque febriles extinguit; Cum febris remiserit, inquit *Hippoc.* *piisana succum, aut milium liquidum*  
*sorbendum dato, aut vinum album generosum,* unde observo syrupum præ-  
*dictum Ambrosii, cognitum fuisse Hippoc. 2. de morb.* refrigerat enim,  
 desiccatur, & aliquantulum aperit ex *Galeno,* & secundum *Dioscoridem*  
 album sistit, & urinas movet, plurimasque habet egregias virtutes, quæ  
 non sunt hic recensendæ, dysenteriam, alique fluxus ex *Hippoc.* certò  
 sanat pluresque ejus vires *Solenander* in consiliis recenset, & propterea  
 deberet ad usum revocari. Quod si sudor naturæ beneficio non erum-  
 pat, non est vi & remediis eliciendus ante quartum accessione. Solet  
 tamen sudor paroxysmum finire, aliàs periculum est ne in continuam  
 degeneret. Vidi tamen sæpe non sudoribus sed biliosi alvi profluvio  
 singulas accessiones solutas, quod me in *Fernelii* sententiâ confirmavit,  
 intermittentiam febrium materiam sæpe latitare in præcordiis, non  
 autem in corporis habitu.

XIII. Ad curationem hujus febris ex præcepto *Galeni* refrigerandum est & humectandum, quia contrariorum contraria sunt remedia, & quò febris calor acrior erit, eo magis refrigerandum, unde etsi continuæ & intermittens eadem sit curatio, in continuâ tamen efficacior, sæ- *Victus*  
 piusque repetita esse debent alterantia, victusq; tenuior. Aer igitur fri- *ratio.*  
 gidus sit & humidus quantum fieri poterit, somnus prodest, vigiliæ nocent, præterquam in accessione. Et uno verbo ex rebus sex non naturalibus vitet eas quæ calefacere possunt, ut motus, iram, venerem, similiaque, quamvis *Trallianus* iram imperet, ad vacuandam facilius bilem, ve-



rum malè nam irà fervet bilis, & ad os ventriculi sæpe fertur, ubi pessima excitat symptomata. Cibi sint eupeptoi & refrigerantes, quorum quantitas ea sumi debet, quæ faciliè concoqui possit. Pisces saxatiles, suam pedes, testiculos gallorum, aviculas concedit Galenus j. ad Glaucon. Sed à pinguibus, dulcibus, acribus, salis abstinentium, & etiam, si fieri potest, ab omni cibo, quia facilius humor concoquitur, si forbitionibus solis agri victitent. Has condiciones observat Avicennas ut primùm alvus libera sit, prioribus concoquatur, ante adventum paroxysmi, nullus detur, nisi tempore quietis, aut saltem in declinatione, & quò magis ad statum morbus accedit, tantò tenuior præscribatur. Fructusque concedit, ut granata, pruna, cucumeres, melonem Indum, à quibus ipse Galenus non abstinere, cum tamen faciliè corrumpantur, & putredine suâ febrilem causam augeant. Trallianus peponem præscribit ante paroxysmum, & aquam temperatam superbibere jubet, vel potius vinum temperatum, (*Excerpt* enim sic vertendum puto,) hinc inquit quibusdam sudor, aut bilis copiosè per alvum exiit. Negatque Galenum dixisse unquam pepones bilem generare, sed tantum choleram morbum; idem quoque probat lactucas, cucurbitas, cucumeres, persica cocta, cerasa. A vino autem ante coctionem abstinentium ex j. ad Glaucon. at ubi morbus concoqui ceperit, id autem fit in augmento, tenue, aquosum & paucum dare non veretur, sed satius est & tutius uti aquâ hordei, aut aliis stillatitiis, ut superiori capite diximus.

Vena-  
sectio.

xiv. Victa instituto ad humoris alterationem & vacationem veniendum. Alteratur humor, universumque corpus refrigeratur, aut venæsectione, aut refrigerantibus medicamentis. De venæsectione maximè dubium est an conveniat. Quidam convenire volunt, alii negant, alii demum post tres paroxysmos eam concedunt. Galenus venæsectionis non meminit in curâ tertianæ, primo ad Glauconem in tertianâ vero nothâ, & quartanâ eam admittit. Paulus, Aetius, qui à Galeno sua transcripserunt, eam pariter omittunt. Solus inter Græcos Actuarius illius meminit, lib. 3. cap. 19. In omnibus, inquit, febribus sanguinem mittere convenit, nam cum is post spiritum primum fervorem concipiat, & totum corpus afficiat, si aliquid ejus effluerit, multum caloris unâ detrahatur. & quamvis à flavâ bile fiat, tamen sanguis qui promptè succenditur ei materiam subministrat, & cum universum corpus permeet, illud calefacit, quare si quid ejus evacuetur, multa quoque febris dissipatur portio: Quare si ab insensili transpi-



transpiratione febrientes opem sentiunt, febremque densata cute magis accendi constat, an non melius agris fuerit, si humores qui eam in corpus distribuit, sensibili fiat evacuatio? Sanguis igitur mittendus bis vel ter, & interdum ad animi deliquium. Et si Galeni consilium sequamur libris methodi, Saluberrimum est in omnibus putridis sanguinem mittere. Cur notha requirit venæsectionem potius quam exquisita? Id non fit ratione pituitæ, hæc enim venæsectionem non postulat, nec ratione sanguinis inflammati. Accenditur enim sanguis in exquisita, non minus quam in nothâ. Verentur alii ne venæsectione tertiana intermittens evadat continua, aut duplex. Non enim, ait *Fernelius*, evacuatur morbi causa quæ est in præcordiis, sed per venæsectionem attrahitur in venas, unde febres fiunt ardentes, idque experientiâ se didisse profitetur. Præterea corpus est omnino cacochymum, & generatur in regione, atate, cœli statu calidissimo, in quibus venam secare prohibet *Galenus*, tum quia humores in exquisita tertianâ non sunt in venis, fomes est extra venas. Ita ut neque ratione causæ conjunctæ, neque ratione fomitis vena secanda sit. Respondet *Gentilis* venæsectionem administrari, non ad causam conjunctam, sed antecedentem, ne sanguinem vitiet, & in bilem convertat, Materia enim bilis sanguis esse solet, qui febrilem calorem in universum corpus defert. Quidam addunt febrem tertianam non esse morbum magnum, cum sit omnium febrium simplicissima post diarias, ideoque venæsectionem ipsi non competere quæ tantum magno morbo debetur. Sed non observant febrem hanc etsi naturâ suâ mitissima sit; facile tamen degenerare in acutam, & ardentem, incendiumque suum facile venis communicare. Arabes venam secant si tertiana non sit adeo exquisita, hujusque humor in jecore generetur, aut si sit in corpore plethorico sanguini immixtus, scilicet si sanguis unâ cum bile accendatur, quod ex urinâ rubrâ dignoscunt. Et quidem certum est tunc tutius venam secari, hæc tamen conjectura non semper respondet, ut observat *Hollerius*, nam urina rubra potest fieri jecore infirmo, aut renibus plus æquo attrahentibus, aut aliis de causis, non ex naturâ febris. Præterea urina rubra & flammea tantum in ipso paroxysmo apparet, in intervallo autem quando vena secanda est, naturali similis redditur, & tamen sæpe observavimus venarum sanguinem venæsectione emissum, alteratum fuisse, & etiam corruptum, nec tantum in tertianâ, sed & in ipsâ quartanâ quæ longiora & dilucidiora habet intervalla, nec explicant Arabes quando urinam hanc



hanc rubram velint esse venæsecandæ signum, nam in paroxysmo semper rubra est & valdè crocea, in intervallo raro, & sic aut semper vena secanda est, quia urina semper in insultu rutilans est & rubra, aut nunquam vena secanda, quia in tertianæ exquisitæ <sup>ἀπὸ πύλης</sup> urina semper naturali similis est, quod si non sit, tertiana non est exquisita, nec ad perfectam devenit infebrecitationem. Non est igitur adeo curiosè spectanda urinæ rubedo, sed vena in omni tertianâ si vires & cætera consentiunt, injecto prius clystere secari debet. Nec metueda est bilis effervescencia, ut volunt *Arabes*, non minùs enim bilis educitur, quam sanguinis, quia tenuior est, deinde universum corpus, tum hepar, qui tertianæ fomes est, temperantur, quò fit ut deinceps pro fervidiori succo temperatiorem procreet, tùm etiam natura reliquam materiæ morbificæ concoquit, expellitque facilius, crisiisque acceleratur, febrisque in ardentem mutatio præcavetur. Observandum tamen febrem hanc fieri æstuoso cælo, quo tempore Venæsectio, cautè est administranda. Quod vero ajunt *Galenum*, ejus non meminisse, soluit *Altimarus*, id à Galeno omissum inquit, tanquam notum & explicatum in universali methodo, eam verò commendasse in nothâ, quia dubitare quispiam potuisset, an in nothâ conveniat ob misionem humoris pituitosi, omisisse verò tanquam clarum & manifestum in tertianâ exquisitâ. Et sane judicent omnes quam valeat illorum ratio. *Galenus* omisit venæsectionem in exquisitâ, ergo non debet fieri. Etenim si noxia est in hac febre sanguinis missio, quanta fuit in Galeno negligentia, id non indicasse, quod tanti est ad artem momenti, silentio enim suo dubium reliquit, fierine debeat, necne. Verisimile est igitur Galenum id supposuisse, cum alibi docuerit in omnibus putridis venam esse secandam.

*Tempus  
Venæ-  
sectionis.*

xv. *Arabes* authore *Avicennâ* venam non secant ante tertium paroxysmum, quod potius experienciâ quam ratione inniti videtur. Venæsectio siquidem ex præceptis *Galeni*, semper in principio celebranda, quantum fieri potest. Cum enim hæc febris septem circuitibus terminetur, post tertium paroxysmum status vel adest, vel instat, quo tempore secundum Hippocratem nihil est movendum. Itaque si venæ multo sanguine turgeant statim sanguis mitti debet, quod si verò sanguinis non adsit copia, sequendum *Avicennæ* consilium, quod experienciâ verum esse sæpius nè comprobavi. Jubet autem *Avicenna*, ut si possibile sit venæsectio fiat ante quartum paroxysmum. Si possibile est ut

*phle-*



phlebotomes, usque ad tres periodos fac, inquit ille. Ubi notandum quod observat *Gentilis*, estque verissimum, tertianam exquisitam primò incipere ab humore bilioso qui sanguini commistus non est, sed postea in sequentibus paroxysmis vitare & labefactare sanguinem, ideoque in primis paroxysmis non esse necessariam venæsectionem, sed tantum in sequentibus, quod cognoscetur si urina primò citrina & flava, postea tendat ad rubedinem. Si igitur mittatur sanguis post tertiam accessionem, quoniam quarta proxima est, quæ status est morbi, ideoque omnium gravissima futura est, id erit *Guatnerii*, *Gentilis*, cæterorumque Arabum consilio prædicendum, ne gravitatis illius morbi culpa in Medicum transferatur.

xvi. Alteratur etiam bilis refrigerantibus medicamentis, ut ad purgationem aptior reddatur, qui tamen usus præparantium non debet nos à minorantibus abstergere. Præscribatur igitur ante omnia clyster, quæ *j. ad Glaucon.* debet esse mollis & refrigerans, ne jecur incalcescat. & decocti communis clysteris emollientis & refrigerantis lb j. Infusionis *Minoratio.* croci metallorum ꝯ ij. mellis violati ꝯ j. f. clyster. vel purgetur blandè cassia, diaprano, syr. rosar. solut. mannâ, quam tamen improbat *Massaria* ob dulcedinem ne in bilem vertatur, sed *myrobalanos* ante coctionem improbat *Avic.* quia adstringunt. *Rhabarbarum* probat *Averrhoes*, sed illud rejicit *Massaria*, (qui solet in rebus nihili esse valde cautus,) ob fervorem & adstrictionem, quasi infusione aquarum non temperaretur.

xvii. Humore ità leviter purgato, alterantia frigida debent administrari, ut reliquos præparent. Id præstat serum lactis caprini, aut emulsio seminis melonum, & similia quæ in varias formas Juleporum, Apozematum aliasque à Medicis concinnari solent, ideo hic illorum materiam describemus, quæ ex hoc capite in posterum repetatur, ne multa & eadem sæpius frustra repetantur.

### *Bilem præparantia.*

Bilis igitur quia calida sicca refrigerantibus & humectantibus temperanda, quia acris lenientibus, si tenuis fuerit debet incrassari, si crassior ut vitellina attenuantibus erit utendum, sed frigidis aut mixtis. Id faciunt.

Et ex his variæ fiunt medicamentorum formæ ad alterandos humores & roborandas partes internas formâ Julepi, Apozematis,

Cc

&amp;



& Syrupi, julepi ex aquis distillatis & Syrupis fieri solent, interdum addito succo defæcato, & saccharo, sensim coquendo & despumando ad consistentiam julepi, quæ media est inter apozema & syrupum. Accommodantur humoribus præparandis, leniendi siti, frænando humorum ardori. Apozemata verò ex decoctis plurium simplicium. Veteres olim herbas multas incoquebant, nos aquæ, sero lactis, addito saccharo, quod si magnâ copiâ addatur, fiet syrupus R aquæ hordei lb j. julep violati, syr. de acetosa ana ℥ ij. M. F. julep. R aquar. rosar. ℥ ij. aquar. plantag. cichor. endivia ana ℥ iij. succi granator. limon. ana ℥ j. sacchari clarificati ℥ iij. M. F. julep. R aqua pomor. redolent. lb j. incoque corticum pomor. redolent. M. ss. santali citrini ℥ ss. adde syr. violati ℥ ij. succi limon. ℥ j. aceti rosacei, vel cariophyllati ℥ ss. omphacii ℥ ss. sacchari clarificati ℥ iij. M. F. julep. R aqua fontana lb j. aqua rosar. sacchari albi ana ℥ iij. aceti vel omphacii sub finem injecti ℥ ij. conserva berberis prædictis dissoluta ℥ iij. f. colatura; syrupi officinarum aquis dissolvuntur, & addito spiritu vitrioli fiunt julepi. Conservæ idoneæ dissolvuntur aquis prædictis, dein colantur & additis Syrupis fiunt potiones, interdum si opus sit pulveribus aromatizata. R radicum cichor, dentis leon. graminis, acetosæ ana ℥ j. folior. endiv. hepat. lactuca, acetosa, ana M. j. flor. violar. buglos. sambuci ana P ss. semin. endiv. portul. melon. ana ℥ j. f. decoctio in quâ per residentiam clarificata dissolve syr. limon. ℥ ij. syr. capilli vener. ℥ j. f. apozema vel R rad. gram. asparagi, oxylapat. filicis, plantag. cichor. ana ℥ ss. vel unius horum ℥ ij. folior. cichor. sacriolæ, borrag. rostri porcini, dentis leonis, herbar capillar. agrimon. hepaticæ ana M. j. lactuca M ss. prunor. sebest. ana Par. v. sem. frigid. major. sem. citri ana ℥ j. sem. apii, petros. anisi ana ℥ j. flor. nymphææ, cichor. trium cordial. ana P. j. decoct. ad lb j. ss. in qua clarificata dissolve sacchari lb ss. & dein adde aceti rosacei ℥ j. aromatizetur ℥ ss. pulveris triasantali, si malignitatis suspicio adsit, addantur radices tunicis termentillæ, succus citri limonum, & similia. Hyeme in herbarum inopiâ radices & semina coquantur in Apozema, temperari autem possunt radices in aceto, aut saltem acetum addi sub finem coctionis. Oxy-mel simplex tepidum vel calidum datur etiam in acutis. 3. acut. nam concoctioni humorum opitulatur. Huc referri debet decoctum hordei, quod magis compositum sic fiet. R hordei mundi M. j. sem. endivia, acetosa, frigid. major. ana ℥ j. coque & in lb j. Colat. dissolve vini granat. ℥ ij. syr. limon. vel de acetos. citri, sacchari candi ana ℥ j ss. ad ignem parum bulliant, pro potu ordinario. Vel quæ præ-



præscriptum capite de syncho huc transferri commodè possunt.

xviii. Materia concocta purganda est per vomitum, per alvum, per urinas, & sudores, sed raro utimur diureticis sudorificis, sæpius *Vomitum.* aut vomitorio, aut catharsi per inferiora. Vomitu autem utimur si ad ventriculum humor moveatur, quod fieri solet in principio accessio- nis, tunc levioribus medicamentis irritetur, ut aqua hordei cum oleo amygdalarum dulcium. R̄ oxymelitis ℥ ij. decocti seminis raphani ℥ vj. bibat tepide, Fortiora sunt anethum. semen attriplicis, quibus validius est azarum, nec nisi cum impetu vomitum provocat, commodè tamen Fer- melii diazaron in usum revocari potest, sed omnium emeticorum præ- stantissimum est antimonium, & omnium minimè vires labefactat. Non debet autem ipsius substantia dari, sed sola infusio, quæ neque ex floribus, neque ex vitro, sed ex solo croco metallorum optimè defæca- to præparetur. Est enim hæc omnium Antimonii præparationum tu- tissima, & vim quandam balsamicam post operationem visceribus aspirat. Vomitoria cætera quibus familiariter utuntur, qui Galenici esse & dici volunt, parata ex Azaro, florib. genistæ, hellebor albo, & aliis ejusmodi, de quibus abunde in generali methodo diximus, præter- quam quod sunt ingrata, & ineptè composita, multò pejora sunt & va- lidiora quam Antimonium, id quod millies experientiâ probavi. R̄ croci metallorum optimè præparati, ut alibi docuimus ℥ j. vini albi lb j. Inf. per dies xv. In vase optimè clauso, quotidie bis vel ter agitando. Post residen- tiam, vinum filtretur, cujus R̄ ℥ j ss. aqua fontana ℥ ss. sursum deorsum- que operatur sine gravi molestia. Puerulis sufficiunt ℥ ij. vix ultra ℥ j ss. adultis unquam propinavi, & semper foeliciter successit. Helleborus au- tem albus quo veteres familiariter utebantur, iis relinquatur, qui me- tallica adeo superbè refugiunt, sed à veri dogmatici præscriptioni- bus in posterum fermè perpetuò exulet, tanquam noxium medica- mentum. Sed faciliior est ac tutior minusque molestia per inferiora purgatio, & primum mollibus clysteribus alvus subducenda inquit Ga- lenus j. ad Glaucon. cap. ix.

xix. Purgationem probant Avic. Trall. alique est morbus acu- tus à cacacochymia & bile prognatus cui debetur purgatio, si natura per vomitum urinas, sudores & alvum bilem in hac febre sponte vacuat, indicat purgationem in hoc morbo esse bilem, ideo naturam imitari Medicus debet. Si ardenti convenit purgatio, quidni tertianæ? Quæ per os sumuntur benigna sint, non diagridiata propter vehementem illorum calorem,



unde rectè Averrhoes 7. Colliget. xi. prohibet usum scammonii, quia quantumvis rectè corrigatur, partibus principibus nocet, vires debilitat, febris calorem & siccitatem auget. Quod si scammonium detur, jubet admiscere nympheam, aut syrupum de pomis, quæ frigiditate & humiditate scammonium emendant, & præterea vi aromatica viscera roborant. Sintque potius in formâ liquidâ quam solidâ, ideo à pilulis abstinendum, quia nimis impensè calefaciunt & exsiccant. Docet autem Hippoc. 2. de morb. & lib. de internis affect. in tertianâ ante quartum paroxysmum pharmacum non esse dandum, quia ante illud tempus vix ulla adest coctio. Benigna tamen & levia quæ nos habemus medicamenta in principio innoxie propinari possunt, non obliiti tamen quod tertiana ex j. ad Glaucon. potius alterantibus, quam vacuantibus sit curanda. Quod si paroxysmus tardius invaserit, ut horis pomeridianis, suadet Ioubertus, ut die paroxysmi detur catharticum, sic enim accessio futura est remissior, quod consilium in tertianâ nothâ, & quartanâ est certius quam in exquisitâ, ut capite de quartanâ dicemus. Scribit Hippocrates 2. de morbis. Vbi nonum diem attigerit, medicamentum deorsum purgans exhibeto, si enim statim in principio exhibueris, postquam purgatus fuerit, febris repetit, rursusque medicamento indiget. Cum vero os minimè laboret, sed ad imum ventrem tormina decumbant, deorsum purgans pharmacum dato; quæ consentanea sunt iis quæ aliis libris protulit. R. cassia extracta, catholicon. ana ℥ iij. rhabarb. electi cum santalo citrino infusi & expressi ℥ ij. syrupi rosar. solut. manna ana ℥ j. cremoris tartari ℥ j. jusculti prunorum ℥ ij. f. potio. R. aquarum fumarie, cichorii ana ℔ j. aquæ agrimonie ℔ ss. folior. endiv. dentis leonis, Oxalid. cichorii, flor. violar. ana P. j. tamarind. ℥ j. prunor. dulc. Par. iij. passular. ℥ ss. f. decoctio Celatura adde succi limon. vel sp. vitrioli q. s. ad gratam aciditatem, dein macera foliorum semina mundatorum ℥ ij. sem. fenic. dulcis ℥ j. santali citrini ℥ ss. rhabarb. ℥ iij. cremor. tartari ℥ j. fiat lenis ebullitio, sinantur infusa per biduum. Colatura adde manna ℥ ij. syr. rosar. solutivi ℥ iij. sacchari ℥ iij. M. f. Apozema dosis ℥ iij, blande bilem evacuat. R. rad. cichorii, oxalidis ana ℥ iij. endivia fumar. agrimon. ana M. ss. folior. semina, seminis carthami ana ℥ ss. sem. anisi ℥ ss. f. decoctio pro dosi in colat. dissolve rhab. infusi in aqua endiv. ℥ ij. elect. de succo rosar. ℥ ij. syr. de cichor. compositi cum rheo ℥ j. f. potio. Rarò tamen electuariis utendum, tum quia scammonium obtinent febribus insensum, tum quia ingratam reddunt potionem, & valdè



valdè spissam, tum quia ut plurimum illorum compositiones sunt ineptæ, forentque meritò à Pharmacopolarum officinis ablegandæ, aut novæ substituendæ, aut nunquam illis utendum, quamdiu decocta suppetunt. R. prunorum, sebesten ana Par. xx passul. Par. xv. anisi ʒj. semin. frigid. major. contusor. ʒiij. flor. cord. P. j. tamarind. ʒj. f. decoctio in aqua endivia. pulpa fructuum transmittantur per setaceum, adde Cassia extracta ʒiij. tamarind. ʒij. rhabarb. ʒiij. senna pulverisata ʒj. manna calab. ʒiij. scammonii ʒj. confect. alcermes ʒss. syr. rosar. solut. q. s. f. elect. dosi sit ad ʒj. in formâ boli aut in decocto cicchorii, vel pulli.

xx. Præterea ad bilis vacationem laudat Galenus absynthium cum <sup>absyn-</sup>melicato. Id damnat Alexander, propter summam absynthii caliditatem, propter quam multos vidit colliquatos, potius videtur convenire pituitosis. Respondent interpretes Galenum uti tantum comâ absynthii, quæ est humidior illius pars, quam incoquit melicato ad temperandum illius siccitatem, magisque ideo deterget. Deinde utitur apparente coctione, ubi stomachus à bilioso succo infestatur. Valet enim absynthium secundum Galenum, non ad pituitosos humores purgandos, quibus potius nocet, quia ob adstrictionem illos magis orificio ventriculo affigit 6. de Tuenda Valet. 10. sed præcipuè valet adversus bilem stomachum infestantem, propterea potius biliosis, quam pituitosis febribus convenit, nec timenda est nimia ejus caliditas, quia ex 5. simpl. tantum in primo gradu calidum est, & viride ac exiguâ quantitate exhibetur, quam exiguam quantitatem Galenus hoc verbo exprimit, quantum sit satis, docens non adeo exiguam illius debere esse quantitatem. Refert Theophrast. 9. Plant. pecora in ponto quæ absynthio pascuntur felle carere tantam vim habere ad bilem compescendâ traditum. Sed ego potius Tralliani consilium sequerer ob siccitatem absynthii, cum enim febris sit calida sicca, humectantia illi conveniunt, unde quamvis bilè in hypochondriacis quibus maximè convenit, compescat, tamen in febribus valdè noxium est & cū eo hætenus sæpius usus sit, nullum tamen insigne ex eo emolumentum percepi, quin potius ferè semper in febribus nocuit, ipsaq; sæviores reddidit, sed tertianis nothis valdè prodest, ob mitionem humorū pituitosorum, quos bili admistos unâ evacuat. Quamobrem cū alia suppetant, optimū erit eo abstinere.

xxi. Per urinas etiam humor morbificus interdum vacuatur, ad quod <sup>Diuretica</sup> Galenus laudat potiones in quibus maduerit apium & anethū, utitur autē iis viridibus & in aquâ plurimâ coctis ut eorū calor remittatur. Fam-



liare est *Galenus* his calidis uti sine ratione cum febrem augeant. *Trallianus* laudat decoctum apii, & adianti, improbat verò anethum ob nimium calorem, quasi apium sit anetho temperatius, cum anethum 3. simpl. paulum à mediâ temperie recedat. Sed tutius est uti frigidis diureticis, ut decocto graminis, asparagi, capilli veneris, cicerum rubr. cuscute cum pauco chamemelo, & syrupo de duabus radicibus, vel in jasculo semen melonum, cum ciceribus rubris additâ radice petrosel. decoquimus, illudque per aliquot dies propinamus, quod etiam emulsio feminum frigidorum major. & amygdalar. cum aquâ parietariæ, vel fragorum, vel hordei facta, addito syr. limon. & capilli veneris præstabit, tum etiam serum lactis caprini cum emulsione prædictâ mistum prodest. Sed cassia & rhabarbarum, per alvum, & urinas commodè vacuant, ideoque utiliter prædictis poterunt admisceri.

*Sudorifica.*

xxii. Denique sudorum provocatio laudatur, sed ii nunquam nisi in fine paroxysmi provocandi in intermittentibus, tunc enim natura eò viam affectat, in intervallo autem, non nisi magnâ vi elici possunt, & calidis remediis, quæ febrem augent, sequentemque paroxysmum ingeminant. Ad id utemur aut frictionibus validis, aquâ cardui benedicti, chamemeli, nepetæ, hordei, aut vino tenui & oligophoro, oxymelite, syrupo Sancti Ambrosii prius dicto.

*Balneum*

xxiii. Demùm ut omnia veterum remedia cognoscamus, Laudat *Galenus* balneum, humectat enim, refrigerat, & aliquid bilis educit, sit autem ex aquâ dulci, non sulphureâ, aut nitrosâ paratum, nam quamvis plus vacuet, suis tamen qualitatibus plus nocet, quam juvet vacuando. Quo tempore morbi, balneum sit utile *Galenus* scriptum non reliquit. Sed ex xj. *methodi cap. ix.* non convenit ante coctionem in putridis, In hecticis verò omni tempore idoneum est, modo hectica putridæ non sit conjuncta, & 7. *aphor. 42.* Idem ait, cui Paulus & omnes consentiunt. Sed hodie ut plurimum sine balneo, sudorificis, & diureticis febres curamus, quibus tamen uti, si occasio sese offerat, non erit inutile.

*Roborantia.*

xxiv. Post purgationem, quæ partes nobiles alterare & roborare possunt in usum sunt revocanda, id quod superius descripti julepi, opiatæ, tabellæ præstabunt. R. aquar. endiv. acetosæ. buglos. nymphaeana 3 iij. vini granat. 3 ij. syr. de limon. aut de acetosæ. citri 3 j. sacch. 3 ij. coque in julepum. R. conservæ rosar. nymphaeana 3 lb. specier. diamarg. triasanti. ana 3 j. diarrhod. abbat. 3 lb. trachiscor. de Caphurâ 3 j. coralli 3 ij. alcer-



*alcermes* 3 ss. cum syr. violato f. *Electuar.* Externa autem epithemata, unguenta in febre ardenti describentur, eadem enim prorsus hic esse debent, nisi quod minus illis utendum sit, ardor enim non adeo fatigat, sed si iis opus sit, ex prædicto capite repetantur.

## CAP. III.

*De tertianâ nothâ.*

**T**ertiana notha secundum *Galenum* est, cujus paroxysmus ultra duodecim horas extenditur. Secundum *Avicennam* autem quæ ex bile cum aliis humoribus putrescente generatur, vincente tamen bile. Sic tumores vocamus exquisitos qui ex sincero humore, alterius mixture non inquinato, oriuntur, quod si varii humores simul misceantur fiunt tumores nothi, ut *erisipelas phlegmonodes*, sic in febribus sincera bilis, exquisita, aliis admista notham parit tertianam. *Galenus* 2. de diff. feb. enumerans signa tertianæ exquisitæ, addit, quibus vero aliquid horum deficit hæ non amplius exquisitæ, sed simpliciter tertianæ dicuntur, & quod magis à purâ distabunt, toties magis spuria censebitur. Suntque hic duo advertenda. Primum bilem in illâ permissione vincere debere, ut nomen formamque feбри largiatur, aliàs si copiosior esset pituita, non tertiana, sed quotidiana notha potius deberet appellari. Secundum, humores hos varios simul permisceri debere, ut unam faciant febrem, unumque paroxysmum, nam si Differen-  
tia. diversi humores, diversis in locis putrescant & accendantur, aut diversis temporibus moveantur, duæ erunt febres ut in *hamitritæo*, duabus tertianis, non una. Duplex autem est secundum Arabes bilis mixtio, vel enim admiscetur pituitæ, quod ordinariè & sæpius, imo ac fermè semper contingit, ideo vocatur tertiana majoris famæ, cujus tantum *Galenus* meminit; vel miscetur cum melancholia & dicitur tertiana minoris famæ.

**II.** Causas propterea habet mistas communes scilicet tertianæ & Causa. quotidianæ, ut si causæ bilem generantes superius recensitæ, incidant in hominem habitus crassioris, in otio viventem, crapulæ deditum, aut qui aliâ quacunque de causâ crudos humores cumularit, fient nothæ biliosæ, ut æstate & Autumno ex fructuum usu; Autumno ait *Hippocrates* 3. aphor. plurimi æstivi morbi fiunt, quia, inquit *Galenus*, rema-



remanet bilis in corpore, quæ reliquis humoribus immista nothas febris facit. Ideo rarissimæ sunt exquisitæ tertianæ, nunquam enim bilis adeo sincera est in corpore, quin plurimam habeat pituitam, maxime in mesenterio, & hypochondriis admistam.

*Signa.*

III. Cognoscitur secundum *Galenum*, si non omnia tertianæ exquisitæ signa adsint propterea hic non adest rigor pungens ob mitionem humoris crudi, & pituitosi, sed fit horror, affectus inter rigorem & refrigerationem medius, solet autem esse longior horror quam rigor tertianæ, quod tamen non est perpetuò verum, cum sæpissimè brevissimos horrores videamus, longos rigores, id igitur non est necessarium, nisi suppositâ eadem humoris quantitate in utraque febre. Paroxysmi principium longius est imò totus paroxysmus excedit paroxysmum tertianæ, durat enim ad horas interdum 40, plus minusve pro maiori aut minori pituitæ copiâ, & mitione, imò totus morbi decursus longior est, excedit enim septimum paroxysmum, ad quadraginta dies, interdum & menses sex prorogatur. *Galenus* solas has spurias vocavit quarum accessio duodecim horas excedit, idque parum curare videtur sintne à cincerâ bile, aut aliis humoribus admistâ, quamvis ex signis ab ipso recensitis colligi possit, exquisitam à sincerâ bile, notham à permistâ generari. Sed hæc signa non semper sunt vera, ideo non injuria quæstionem moveo, an tertianæ nothæ paroxysmus intra horas duodecim possit terminari, cum exquisitæ tertianæ id tantum competere dicat *Galenus*. Vidimus autem & observare qualibet potest, febres plurimas tertio quoque die repetentes, interdum cum longo, interdum cum brevi horrore, quarum reliqua symptomata humoris frigidioris permissionem arguebant, quarum tamen paroxysmus ad horas xij. non extendebatur. Et ratio suffragatur. Cum enim brevitæ paroxysmi ex paucitate, & tenuitate humoris, ac robore naturæ contingat, quid obstat quin tertianæ nothæ paroxysmus his de causis brevior fiat. Non igitur ex hoc solum signo exquisita à spuria distinguitur, sed adjuagenda simul & alia sunt. Si prolongetur rigor, signum est esse tertianam non puram, inquit *Avic*. In fine paroxysmorum sudores sunt pauci, quique non sunt universales, sed determinatam tantum partem occupant, & in quibusdam febribus paroxysmum perfectè non finiunt, quando scilicet humor crassus est, copiosus, corpusque obstructionibus scatet. In quibusdam tamen superante naturâ sudores erumpunt copiosi. Calor non est adeo acris, omniaque symptomata sævitie & gravitate cedunt ex-

qui-

*An paroxysmus  
semper  
excedat  
horas  
duodecim  
\**



quisitæ. Urinæ non sunt adeo flammæ, nec tam citò coctionis indicia ostendunt. Imò in principio sunt crudi admodum, interdum crassæ usque ad septimum paroxysmum. Pulsus sunt minores, tardiores, rariores, duri, ac in dies eorum durities increseit, longamque ægritudinem portendant, donec vincente naturâ mollescere incipiant, tunc fiunt paroxysmi breviores, urinæque coctionis notas præbent. Hic plurima capitis corporisque gravitas adest, lassitudinemque habent tensivam, caput gravatur, pandiculationes frequentiores experiuntur, inflatio ventriculi, fastidia, sitis, oris amaror fatigant, sed vigilæ sunt minores, & rarò delirant.

IV. Prognosis quod spectat, febris hæc ut plurimum longa est, nam ad sextum mensem protenditur, nisi rectè curetur, aut materia sit paucior. Maxime si autumno aut hyeme inceperit, si rigor parum pungat, frigus longius sit, paroxysmus longior; urina parum accensa, sudor exiguus aut nullus, longiorem futuram esse probabile est, ob maiorem humoris crudi missionem. Periculosa quoque est, non quidem ex naturâ suâ, intermittentes enim periculo carent, sed propter longitudinem immedicabiles: interdum viscerum, maxime splenis obstructions parit. Gal. 1. ad Glau. vidisse se ait quæ autumno inceperat, vere desierat, tum quod æger Medico non paruisset, tum quod læsus ab hyeme fuisset, illi lien intumuit, facies facta decolor, hypochondria & crura intumuerunt. Prorogantur enim febres, fiuntque chronicæ ex 2. prognost. 25. vel ob affectam partem aliquam nobilem, vel ob humorum crassitiam & cruditatē, vel propter errata adstantium, ægrorum, aut ipsorum Medicorum. Hinc rectè jubet Aris. in morbo longo contrectare hypochondria, ut exploretur num intumuerint. In regionibus septentrionalibus solet degenerare in scorbutum: Propterea diligenter est illi prospiciendum.

V. Ad tertianâ notham referuntur à quibusdâ febres quas bilis vitellina, æruginosa, porracea, isatodes pariunt, sed hæc febres potius exquisitæ quam nothæ censeri debent, cum nullum aliam humorem admixtum habeant, imò sunt ipsâ tertianâ exquisitâ ardentiores. Sed dubium est, an ex his possit intermittens generari, cum bilis æruginosa quasi venenum hominem citò jugulet. Verum docet experientia, talium humorum excretionem fuisse ægros à tertianis liberatos. Rare autem sunt hæc febres breves, & periculose, ob humoris sævitiam, quam natura ferre non potest; qui acris est, sincerus, suoque sero privatus & destitutus, parum autem aut vix sudant ægri, nisi prope mortem sudore dia-

D d

pho-



phoretico. Cum igitur in febre tertianâ symptomata extremum obtinent, scilicet ardor, sitis, linguæ nigredo, anxietas, urina ignea, quasi lixivium, respiratio crebra, suspicio est humores hos adesse, maxime si dejectione, vel vomitû, cum angore, animique deliquio rejiciantur.

*Curatio.*

*VI.* Curatio secundum variam bilis cum reliquis humoribus permissionem debet variari. Si itaque pituita admista sit, Victus ratio et si communi febrium lege refrigerans & humectans esse debeat, hic tamen ratione pituitæ aliquomodo calefaciat & incidat, ex *Paulo, Aetio, Avicenn. & Galeno j. ad Glaucon.* Ideo vitanda quæ nimium refrigerant, ut cucurb. cucum. lactuc. fructus, pisces saxatiles & similia. A vino quoque abstinendum, nisi apparente coctione, cujus loco aqua cocta cum petroselino, & cinnamomo ac saccharo præbeatur. Laudat *Galenus* ptisanam paucis pipere, vel hyssopo medicatam. Reprehendit *Galenus Alexander*, quod calefacientium nimio usu febres ipsas exasperet, reddatque vehementiores, sed *Galenus* ptisanæ immiscet, quæ ipsorum calorem retundunt, sicut hæc ptisanæ refrigerantem vim minuunt & corrigunt. Sit autem modo plenior, modo tenuior victus, pro morbi longitudine vel brevitate, in chronicis enim plenius, in brevibus parcius nutriendum. Imo alternis tantum diebus cibum præbendum esse vult *Avicenna*, ut humor crassus à naturâ concoquatur, tum ob paroxysmorum longitudinem, in quibus à cibo abstinendum, nostro tempore tam longa inedia difficilis est observata, tum quia etsi pituita adsit, bilis tamen adest plurima, quæ longiorem inediam non requirit. Non est tamen copiosè alendum, sed mediocriter, ne vires fatiscant, sed integræ ad finem usque conserventur, observatâ semper ægri naturâ, ætate, temperie, habitu, consuetudine, anni tempore, regione, nam si æger sit habitu corporis calido sicco, ætate puerili, anni tempore calido, minus quidem, sed sæpius erit nutriendum.

*VII.* Victu instituto reliquum curationis ita exequemur. Primo clysteres injiciantur ratione humoris pituitosi qui in intestinis plurimus esse solet, aliquantulum calefacientes & *malva, violar. mercur. ana M. j. bord. fursuris ana P. j. prunor. Par. vj. sem. anisi ʒj. flor. chamameli, melil. ana P. j. f. decoct. ad lbj. diss. mellis rosati, catholic. ana ʒj. olei chamam. ʒij. f. clyster.* si opus sit fortiora addantur, ut hiera, diaphoenic. oleum rutaceum, & similia. Ventriculi quoque cruditas blando

ca-



cathartico emendetur, ut cassia, cum diaphœnic. mannâ cum syr. ro-  
 far. solut. & *florum cord. Pj. prunor. Par. vj. passul. ʒj. tamarind. ʒvj.*  
*sem. anisi ʒss. f. decoctio ad ʒiiij. In colat. dissolve cass. ʒss. diaphœn. ʒij.*  
*syr. ros. solut. ʒj. f. potio.* Evacuato ventriculo Galenus venæsectionem *Venæ-*  
 commendat, quam in exquisitâ prætermisit, nam optimum est in om- *sectio.*  
 nibus putridis sanguinem mittere, maxime autem in tertianâ nothâ,  
 præcipue si adsit plethora. Ergo si vires, ætas, anni tempus, & cætera  
 consentiant, aperiatur basilica dextra, aut mediana, eaque copiâ ex-  
 trahatur quæ & plenitudini, & natura ægri respondeat, idque in prin-  
 cipio morbi si fieri possit, & quoniam longa febris esse solet, etiam  
 post quartum paroxysmum venæsectioni locus est, contra quam in ex-  
 quisitâ.

VIII. Venæsectâ præparandus est humor uterque, biliosus & pitui- *Præpa-*  
 tosus, remediis quorum mixtæ sint facultates. Syrupi conveniunt sine *rantia.*  
 calore magno aperiens, & sine adstrictione refrigerantes, ut *de en-*  
*div. capilli vener. bizant. de endiv. compositus, acetosus simplex & compositus, de*  
*quinque radicibus, mel rosatum, oxymel, cum aquis aut decoctis petros. endiv.*  
*sumar. cichor. gramin. aspar. apii, fœnic. Galenus mulsæ incoquit hyssop-*  
*pum, organ. spicam nardi, sed ut rectè docet Alexander cavendum à*  
*calidioribus & siccioribus, vix enim calidiora meræ pituitosæ febri*  
*præscriberentur, quæ bilem non haberet admistam. & radic. cichor. aspar.*  
*fœnic. ana ʒj. rad. enula ʒiiij. solior. endiv. cichor. capilli vener. hyss. ana M. j.*  
*sem. frigid. major. sem. anisi, petros. ana ʒss. flor. cord. calendula, anthos ana*  
*P. ss. f. decoct. In cuius tñ j. diss. oxymel. ʒij. syr. de cichor. ʒj. f. Apozema*  
*in quatuor doses. Galenus 3. simplic. cap. ix. chamæmelum commendat*  
 ad febres biliosas, & eas quæ citra visceris inflammationem infestant,  
 syrupum quidam facit ex succo chamæmeli, cuius ʒiiij. per triduum  
 exhibet, & quia parum succi habet, infundit in ptisanâ, aut lacte  
 amygdalino. Prodest quoque taraxacum, & tartarum chymicorum  
 vitriolatum, ideoque optimum erit tartarum decoctis & syrupis ad-  
 miscere.

IX. Dubium hic quispiam movere posset *Avicennas cap. de tertianâ Dubium.*  
*non purâ,* dicit missionem illam gravare putredinem, & impedire di-  
 gestionem, quod verum esse longitudo febris testatur: Attamen vi-  
 dentur hæc sese mutuo digerere ob contrariarum qualitatum concur-  
 sum. Bilis enim quia calida sicca, pituitam incidit & præparare vide-  
 tur ad purgationem, pituita pariter quia frigida & humida præparat  
 D d 2 bilem,



bilem, & concoquit. At tantum abest ut id fiat, quin potius pituita bili permista bilem ipsam refrigerat quidem, sed incrassat, digestionique ineptam facit. Pariter bilis admista pituita, etsi illam calefaciat, tamen non juvat naturam in humorum coctione, non enim calore bilis utitur natura ad coctionem, quin potius calor ille praternaturalis, quia oppugnat nativum, pituita digestionem, & calor pituita retardat bilis concoctionem. Quae solutio etsi omnium ferme sit interpretum, qui hanc quaestionem tractarunt, difficultatem tamen continet non exiguam, an non possit humor a calore praternaturali concoqui & preparari, de qua alibi diximus, cum febris morbis a pituita remedio sit. Credo itaque ex his duobus fieri quandam missionem naturae valde molestam, simulque in unam quasi massam concurrere utrumque humorem, nec suas amplius qualitates retinere, sed simul putrescere, & febrem facere, ut in Arabum bile vitellina, quae ex bilis & pituita commistione generatur. Et hanc missionem chymici apposite nomine tartari explicarunt, qui mihi videntur plenius & verius febrium istarum chronicarum, quas humorum faeces in mesenterio coacervatae pariunt, causas, tartari, quam humorum naturalium nomine, nuncupasse, est enim illis tartarum nihil aliud quam foex humorum a naturalibus humoribus segregata, ut alibi diximus.

*Vomitus.* x. Preparatus humor purgari debet, vel vomitu, vel per alvum: Vomitus febribus longis & contumacibus unice confert. Testatur Galenus primo ad Glaucon. quosdam solo vomitu fuisse perfecte sanatos. Paulus, & Aetius vomitum laudant post cibum quibus febris haec in vetustatem incidit, similiter Avicenna 4. Can. 2. tract. cap. 40. Confert autem secundum quosdam tantum in principio paroxysmi, quia tunc natura humores ad ventriculum transmittit, ex Galeno lib. quos & quando. At tunc cibum dare potumve valde noxium est, vapores enim cibi, tenuioresque partes febrem ingeminant, vixque potest cibus ita vomitu evacuari, quin aliquid ejus remaneat in corpore, quod causa febrili permistum corrumpitur, paroxysmum longiorem facit. Nec puto unquam hanc fuisse Avicennae Paulique mentem, cibum in principio paroxysmi praeberet, ut facilius vomitus succedat, sed id tantum voluerunt, quando vomitus in intervallo praescribitur; observavi saepe, & ratione non caret. Si vomitus instituatur ad ventriculum solum ab humoribus crassis expurgandum, utilior erit post cibum, quia cibus humores a ven-



à ventriculi parietibus & tunicis absterget, sicque facilius educuntur, modo tamen paroxysmus febrilis caveatur, in quo cibum præbere noxium est. Si vero ab universo corpore evacuandum sit, utile erit jejuno ventriculo & in principio paroxysmi præbere, quia cibo obtunditur vis attrahens remediū; vidi sæpe paroxysmos post vomitum graviores, quod non ad aliam causam referendum judico, quam ad imensam potus copiam, quam ægrotantes ut liberior vomant, assument. satius erit jejuno ventriculo assumere quam pleno, nisi longè à paroxysmo detur; Quidam tantum utantur vomitu, quando æger nauseabundus est, ob naturam eo tempore vacuationi opitulantem, quod etsi verum sit de iis vomitoriis, quæ stomachum solum subvertunt, nec humores attrahendi vim habent (frustra enim ea præbentur, quæ ventriculo molestiam tantum facessere possunt) non habet tamen locum in iis quæ à jecore & penitioribus partibus eliciunt humores, ea enim, etsi natura non invitet, nec viam illam affectet, si æger facilis sit & promptus ad vomendum, nihilque repugnet, præberi possunt, vixque ul-  
\* lum aliud utilius certiusve remedium febribus tertianis potest administrari. Fiat autem ex vitriolo albo à Crollio descripto, vel diazaro Fernelii, vel *R Infusionis Antimonii* ℥ j. *oxymelitis* ℥ ss. *aqua hordei* ℥ j ss. f. vomitorium.

xī. Sed purgationes per alvum sunt omnium securissimæ, non ante coctionem, nisi materia admodum turgeat, ex rhabarb. agarico, turbit, scammon. & similibus, nam mista purgatio esse debet ex iis quæ bilem & pituitam purgant. Verum quia febris ex crassiore accenditur bile, atque ut plurimum fiunt obstructions, utile erit repetitis præparationibus & purgationibus uti, ideo Apozemata præparantia simul & evacuantia præscribantur; Galenus laudat usum frequentem medicamentorum lenientium. *R radicum cichorii, gram. aspar. oxylapat. acetosa ana* ℥ j. *rad. petrosel. fœnic. liquirit. ana* ℥ ss. *folior. endiv. acetos. cichor. agrimon, quinque capillar. buglosi ana* M j. *beton. pimpin. ana* M. ss. *sem. frigidor. major. ℥ ij. sem. anisi, apii, petros. fœnic. ana* ℥ ss. *passul. prunor. ana* Par. x. *florum cordial. P. j. flor. chamam. calend. anthos ana* P. ss. f. decoctio ad lb j ss. in colat. diss. *oxymelitis simpl. syr. de quinque rad. bizant. ana* ℥ j ss. f. apozema, aromatizatum pulvere electuarii triasantali. *R prædicti decocti lb j ss. incoque tamarindor. folior. senn. sem. caribami comusi ana* ℥ j. *agarici trochisc. in nodulo positi* ℥ ss. *turbit electi & gummosi* ℥ ij. *hermodactyl. ℥ ij. zinzib. ss. santali citrini* ℥ ss. *flor. viol. nympha ana* P. j. f. decoct. in colat. dissolve rhabarb.

D d 3

barb.



barb. in aqua endiv. infusi & expressi ʒij. syr. de cichorio solutivi & rosar. ana ʒij. f. *ApoZema* in quatuor doses. In quarum ultimâ si satis purgatus esse non videatur, adde diaphœniconis. & elect. de succorosar. ana ʒj ss. & f. secundum artem colatura pro potu. Galenus post septimum diem utitur absynthio, humores enim biliosos vacuat, obstructa expedit, ventriculum roborat, ut supra diximus. Sed de tempore dubitatio est, nam hic spectanda est materiæ concoctio, non dierum numerus. Galenus 4. de rat. victus acut. 76. reprehendit *Hippocratem*, quod scripserit pleuritico die quartâ medicamentum dandum, vult enim dandum esse non ex dierum numero, sed ubi humores coctionem aliquam sunt adepti. Quapropter si dici septimæ tantum meminit, ea causa est quod ante diem septimam coctiones in tertianâ nothâ vix possunt apparere. Id tantum docere voluit ante diem septimam inutile esse absynthium, sed postea citius vel tardius posse dari, prout concoctio citò vel tardè apparebit.

De ob-  
struentia.

XII. Ad obstructions viscerum tollendas, & pertinacissimos humores edomandos probat Mercurialis farsam parillam. R̄ trochiscor de rosar. de Eupator. de absynt. ana ʒj. cum aqua agrimon. f. pilula x. sumat quinque in aurora, superbibendo syrupum capilli veneris dilutum aqua endiv. aut decocto agrimon. & cicerum rubror. Fetus quoque hypochondriorum convenient, de quibus in quartanâ, & quotidianâ dicemus, ad obstructions tollendas, materiam coquendam.

Curatio  
febris à  
bile vitel-  
linâ &  
aruginosâ

XIII. Hic notandus error quamplurimorum recentiorum qui describunt curationem tertianæ nothæ à bile vitellinâ, eandem cum curatione tertianæ quæ fit pituitâ bili permistâ. Purgant in hac febre, & diaphœnicone, carthamo, agarico, cæterisque phlegmagogismistis cum iis quæ bilem purgant. Ita faciunt *Guainerius*, *Savanarola*, *Montum*, *Fontanus*, quasi bilis vitellina fiat ex admistione pituitæ cum bile ut voluit *Avicennas*. Contra *Galenus* eam fieri docuit ex adustione bilis, quæ tenuiori dissipatâ substantiâ, crassiorem acquisivit consistentiam, & ex adustione fervorem. Si enim ex pituitæ mistione fieret, esset bile naturali frigidior, & colore pallidiori, cum tamen sit calidior & flavior. Vitellina enim dicitur, quod vitellis ovorum sit similis, colore & consistentiâ. Ex hac ulterius caloris vi assata fit præsina & æruginosa. Non itaque prædicto modo curanda est, sed refrigerantibus, & humectantibus, ac etiam aliquantulum attenuantibus, sed frigidis, ut sunt radices acetosæ, asparagi, cichorii, endivia, fumaria, buglossum



sum &c. quorum materiam vide apud Fernel. *cap. 4. s. methodi*. Quæ autem ad bilem atram profunt his humoribus conveniunt, sunt enim ejusdem fere naturæ, & valde parum gradibus caloris & malignitate differunt, tanta enim acrimoniâ sunt præditi, ut è corpore ejecti ebulliant, pelvesque argenteas vario calore, cyaneo, viridi, luteo, æruginoso inficiant, ita ut vix inde ullâ lotionem possint evelli, unde ab his humoribus *Mercatus* non sine ratione vult potius fieri intermittentes, quàm continuas, quia ob acrimoniam natura non patitur earum in venis collectionem. Purgentur itaque statim ut capite de tertianâ dictum, quod natura maximè vergit, sive per vomitum, sive per alvum, nullâ expectatâ coctione, tum quia sunt in primis viis, tum quia coctionem refugiunt, & quia si diutius eorum evacuatio differatur, noxas maximas corpori afferre possunt. Vacuari itaque possunt, vel per vomitum, vel per alvum, id semper observando, ut multo potu temperentur emetica, sic enim facilius vomitus succedit, humor diluitur & mitigatur, cujus contactus maximè perniciosus est & insalubris. Sufficiunt autem blanda vomitoria ex aquâ tepidâ, syrupo acetoso, cum oleo. In purgatione per inferiora, idem quod de vomitu dictum, observandum est ne scilicet humoris acrimoniâ dysenteria accersatur. Convenit *castia*, *infusio rhubarb. manna*, *confectio hamech*, *diasenna*, *syr. violatus solutivus*, cum magna quantitate *seri lactis*, vel *aqua hordei*, vel *decocti maluarum, violarum*. A purgatione sumat jusculum alteratum oxal. endiu. cichorio, borrag. maluâ. Deinde alterantibus utendum, consulit Galenus *12. methodi*, in doloribus quos erodentes succi pariunt, ut paulatim & sensim lenientibus utamur. Id præstant *syr. de limon. de cichor. de acetosif. citri, conserva rosar. buglos. saccharum rosar. cum margaritis*, aqua hordei, decoctum violarum, cum saccharo violato. Utendum etiam alexipharmacis, *theriacâ, sinaragdo*, sed præcipuè *crystallo*, cujus  $\mathfrak{z}j$ . sumatur ex decocto oxalidis, Intybi, cum syrupo de limon. Est enim crystallum porraceæ & æruginosæ bilis alexipharmacum, dysentericæque antidotum, totâ substantiâ, & qualitate manifestâ ut vult *Petrus Aponensis libro de venenis*. Langius 3. Epist. syrupum hunc valde extollit. Crystalli optimè triti  $\mathfrak{z}ss$ . aquæ vel decocti portul. oxalidis, *Crystallum endiv.  $\mathfrak{z}iij$ . syrupi de succo limon. aut citri  $\mathfrak{z}j$ .* In syrupis propinandis veretur *Marassaria* ne frigidate, & aciditate adstringant & obstructions augeant; sed nimis cautus esse videtur, nec enim soli dantur, nec obstructionem pariunt succi acidi, si parum decoquantur, ut monimus



nuimus superiori libro cap. x. Refrigerant autem, putredini & malignitati resistunt, obstructa leviter aperiunt, ita ut suâ adstrictione nocere non possint. Admoveantur præterea epithemata cordi & jecori refrigerantia & roborantia. Clysteres quoque sint lenientes ne acrimoniâ humorum intestina lædantur. Lubet hic materiam medicam subungere, quâ alterari humores isti possunt & debent, ut promptè in idoneas formulas reducat. Eadem autem atræ bili competit. Hi autem humores cum sint valdè calidi siccî, refrigerantia & humectantia postulant, qualia bili frænandæ dicata sunt. Sed quia simul crassi sunt, & obstructiones pariunt, attenuantia erunt miscenda, & simul aperiencia, & ex his fieri possunt julepi, decocta, electuaria ad libitum medicorum. Et hæc de tertianâ majoris famæ.

xiv. Est autem tertiana quæ dicitur minoris famæ, ex bile cum melancholiâ putrescente mistâ generatur, vel ut quidam volunt, cum bilis torretur, & degenerat in melancholiam, propterea magis humectantia postulat, ejusque curatio parum differt à quartanæ curatione, quæ ex melancholiâ adusta producit. Præparetur humor prædictis. *Radicum graminis, asparagi, cichorii ana ℥ j. endiv. scolop. lupuli ana M. j. flor. borrag. buglos. cichorii ana P. j. seminum frigidor. majorum ana ℥ j. f. decoctio, in cuius ℥ x. dissolve syr. de pomis, & de cichorio simplicis ana ℥ j. ℥. M. f. julep. R prædicti decocti ℥ vj. inf. & coque folior. sennæ ℥ vj. tamarind. ℥ j. myrabalanor. indar. oleo amygdal. dulcium conficatarum ℥ j. ℥. prunorum Par. iij. Coquantur parum, in colat. dissolve rhab. electi in aqua endivæ infusi & expressi ℥ ij. catholiconis ℥ j. confectionis hamech ℥ iij. syrupi rosar. solutivi ℥ ij. stent simul in infusione per noctem, mane colaturâ factâ fiat potio in duas doses. Potest etiam vomitorio humor expurgari. Clysteres pariter sint lenientes, quales superius descripti sunt.*

xv. Solent autem tertianæ nothæ partibus internis esse noxiæ, præcipuè ventriculo, hepati & lieni, quæ solent plurimùm obstrui, quapropter sunt roborandæ internis & externis. Ad ventriculum igitur roborandum. *R coriand. ℥ ℥. sem. anisi ℥ ij. coralli aqua rosar. loti ℥ j. rasura ebor. Diij. pulveris aromar. rosati ℥ ℥. sacchari ad pondus omnium. fiat pulvis. Vel R pulver. diamargarit. frigidi diarhod. abbat. ana ℥ j. triasant. ℥ ℥. rasura ebor. margarit. preparat. ana ℥ ℥. sacchari in aqua rosar. dissoluti ℥ iij. f. tabella ponderis ℥ iij. sumat unam post singulos pastus, nihil superbibendo. Inter externa Galenus laudat fotum. R summitat. absynth. mentha ana M. j. cinnam ℥ j. ℥. florum chamam. meliloti, rosar. rubrar.*



ana P. j. cyperi ℥ ss. sem. anisi, fœniculi ana ℥ ij. spicæ ℥ j. f. decoctio ex quâ cum spongis f. totus ventriculi, & hypochondriorum. Deinde ungantur unguento sequenti. ℞ Oleorum de absynth. mastic. nard. ana ℥ j. calami aromat. ligni aloës, aromat. rosati ana ℥ j. cera parum f. unguentum. Lien quoque & hepati prospiciatur ℞ conserva cichor. rosar. ana ℥ j. pulveris diarbod. triasantali ana ℥ j. trochiscor. de Eupator. ℥ ij. cum syr. de de cichorio f. opiata. Ad lienem ℞ Conserva florum tamarisci, cichor. borrag. adianti ana ℥ ss. diamarg. trochiscor. de capparib. ana ℥ j. cum syr. de cichorio fiat electuar. Plura in harum partium affectibus describentur.

xvi. Sed quoniam obstructions contumaces hic adesse solent, adversus eas fortiter pugnandum. Usus frequentem Aloës valde commendat Septalius. Syrupus quoque sequens præstantissimus est. ℞ radic. apii, eryngii, vincetoxici, enula, asparagi ana ℥ ss. folior. Agrimon. eupatorii Aricenna, quod ageraton est. ceterach. adianti albi, & nigri, cuscute, cichorii ana M. j. card. bened. M. ss. comar. absynth. quartam partem M. j. flor. centaur. minoris P. j. sem. alkekengi ℥ ij. cicerum rubror. P. j. tartari optimi ℥ iij. f. decoctio ad lb j ss. In colat. dissolve aceti optimi ℥ iij. syr. de quinque radicib. ℥ ij. sacchar. optimi lb j ss. Iterum coquantur, & clarificentur. f. syrupus mediocriter coctus, cujus dosi sit ad ℥ iij. singulis diebus mane.

xvii. Usus chalybis præstantissimus est ad inveteratas istas obstructions, Mercurialis hanc extollit præparationem. Limatura chalybis in aceto per dies sex maceretur, exsicceetur in umbrâ, inspergatur pulvis caryophyllorum, & hujus dosi est à ℥ j. ad ℥ ij. cum conservâ idoneâ. Vel chalybis frustum ignitum decies extingatur in vino generoso, aut succo limonum, dein totus humor vapore Alembici extrahatur, remanet pulvis infundo, qui iterum aquâ vitæ, aut potius aceto abluitur, & desiccatur, dosi erit à ℥ ss. ad ℥ ij. cum aliis medicamentis, ut conservis, superbibendo jus pulli herbis idoneis medicatum, quam posteriorem præparationem magis probat Mercurialis, atque educi feces copiosas nigras fœtentes. Electuarium de scoriâ ferri describitur à Rhaze, syrupus de scoriâ ferri à Ludovico Mercato, aliæque adsunt chalybem usurpandi formulæ apud Claudinum, & Mercatum. Notetur sequens præparatio. ℞ limatura, chalybis, aceti vini albi ana lb j. Coque in sartagine ferreâ lento igne, dum acetum absumptum sit, postea tere, adde pulveris caryophyll. ℥ j. In cucurbita vitrea affande vini hispanici lb iij. Obturatum vas expone soli,

Ec

vel



vel colloca retro fornacem, singulis diebus bis vel ter agitando, per dies xiiij. postea sine dum fæces subsidiant, cujus dosis est ab  $\mathfrak{z}$  ss. ad  $\mathfrak{z}$  ij. Valet ad menstrua virginum provocanda, ad pallidos colores, præcedentibus idoneis vacuationibus, & victus ratione, ad omnes denique internas obstructions. *Crystalli Martis sic fiunt* R<sup>x</sup> limaturæ chalybis, quantum videbitur, instilla paulatim & successivè oleum sulphuris, donec nulla fiat ebullitio, affundatur aqua pluvia distillata, fiat dissolutio; hanc philtre per chartam emporeticam, eique spiritum vini permisceto, Crystalli intra paucas horas decident ad fundum, qui in chartâ ficcati servantur ad usum. Chalybs ab aliis sic præparatur: scoriam ferri aceto distillato macera, tingetur colore rubro, filtra, & evapora, ac sæpius aquâ pluviali ablue, vel parum calcina in crucibulo, ut acrimonia aceti evanescat, postea si debite tractetur, sponte se in cella in oleum resolvit, dosis est à granis viij. ad xv. Aliter. Laminas chalybis ignitas extingue in aceto donec rubescat, tunc humiditatem aceti distilla, ferrum coagulat in pulverem siccum. Cui si spiritum Vini infundas, & vase bene clauso digeras in arenâ, emittet tincturam, dein in Balneo Maria sit oleum ad jecur & lienem roborandum, ad fœdos virginum colores, cum decocto Juniperi, aut simili; & Paracelfo attribuitur. Præparatur etiam cum aquâ forti, oleo vitrioli, aquâ salis armoniaci, spiritu salis, sed non adeo confert in Medicinâ. Probatum à Mercato præparatio sequens, quæ à secundâ parum distat. R<sup>x</sup> limatura chalybis lb j. ablue aceto, & expurga, adde pulveris cariophyll.  $\mathfrak{z}$  ss. sinantur per noctem. Postea R<sup>x</sup> vini albi lb iij. Misceantur simul, stent ad solem vel in stuphâ per viij. dies, donec tota limatura dissolvatur, exhibe singulis diebus  $\mathfrak{z}$  iij. quod medicamentum etiam scyrrihos sanasse testatur Mercatus. Vel R<sup>x</sup> limatura chalybis  $\mathfrak{z}$  iij. extinguantur in vini albi lb ij. idque per quinquaginta vices repetatur, dosis ad  $\mathfrak{z}$  ij. mane post corporis purgationem. Plures præparationes videre licet apud Quercetanum, Beguinum, & authores prædictos.

xviii. Ad febres quoque diurnas præsertim puerorum mirè conferre dicunt quidam decoctum radices eryngii cum drachmâ una rhabbari pro potu ordinario, debetque rhabbarum decoqui non infundi, ut vis ejus aperiens servetur, purgans evanescat. Gesnerus in epistolis laudat radices eupatorii Avicenna, quam ageraton, herbam sanctæ Kunigundis appellant, fibras in vino decoctas, alvum urinam, vomitumque cient, instar veratri albi, sed mitius. Idem gentianæ succum valde commendat. Quidam apud Anglos aquas quasdam



dam distillatas alexipyretas habent, quibus in qualibet intermittente febre utuntur statim, sunt autem omnes ex calidis herbis distillatæ, sed non valent in tertianâ exquisitâ, potius conveniunt in pituitosis febribus, aut in tertianâ nothâ, quando humoris pituitosi magna copia est, aut quando obstructions sunt maximæ, nec in principio ante coctionem, nam si absynthium ante coctionem Galenus improbat, in tertianâ, pariter eadem ratione rejiciendæ sunt istæ aquæ calidæ, sed post coctionem in malo contumaci & obstinatis obstructionibus utiles esse possunt. Dantur autem aliquot horis ante paroxysmum, ut æger sudare possit, cavendo semper ne temperamento lit valde bilioso, aliàs nimium inflammant. Duas ejusmodi aquas Quercetanus in Pharmacopœa recepit. R̄ melissa, beton. argentina ana quantum satius, ut extrahantur succi lb̄ iij. succi folior. & radicum centaur. minoris lb̄ ij. aquæ astacorum lb̄ j. aqua papav. albi lb̄ ss. aqua fragar. lb̄ j. M. & distillantur per cineres. Specificam esse ait ad omnis generis febres intermittentes, tertianas præcipuè nothas. Sequens mihi pro secreto communicata fuit, composita olim à celeberrimo apud Anglos Medico. R̄ absynth. angel. anagall. utriusque agrimon. betonica ana M. j. centaurii minor. calend. cardui bened. coronopi, (aliter cornu cervi vocant) draconitii, galege ana M. j. granorum paradisi ℥ ss. radicum caryophyllatæ M. j. caryophyllor. Zinzib. ana ℥ j. hypericon. Imperator. lori odorati, melissa, parthen. ana M. j. trium piper. ℥ j. rosis solis, rosmar. ruta, salvia, scabiosa, scordii, scorzonera, thymi, verbenæ ana M. ss. incidantur & contundantur, per bidduum in vino albo macerentur in vase clauso, dein distillantur ad siccitatem, quod si sal calcinando educatur potentissima fiet aqua ad omnes viscerum obstructions emendandas. Valet ad omnes febres potissimum contumaces. Alia. R̄ potentilla, melissa, florum beton. chamem. persicar. maculata, capitum papaveris albi cum floribus ana M. iij. astacos vivos contusos N. xx. florum centaurii minor. M. iij. Contundantur omnia, distillantur ad siccitatem. Exhibeatur iusta quantitas cum Spiritu vitrioli. Multa alia ad ejusmodi febres laudantur, ut sal genistæ ad ℥ j. sal absynth. ad ℥ ss. sal urinæ cum extracto gentianæ, & vino albo aut aquâ convenienti. Commendat Platerus camphora ℥ ss. solutam in ℥ j. spiritu vini, exhibeatur ante paroxysmum. Sed hoc esse falsum experientiâ certâ cognovi. Alius sequens laudat R̄ aqua nucum viridum ℥ iij. aqua verbenæ ℥ ij. theriaca ℥ ss. essentia croci grana tria. M. in tres doses. Vel R̄ vini albi ℥ v. sacchari ℥ j. olei tartari ℥ ss. M. fiat haustus ante febrem,

Ec 2

sudet.



sudetque in lecto, si fieri possit, Valet etiam in peste. R̄ florum sulphuris grana xij. aquæ cardui, vini albi ana ℥ ij. detur ante paroxysmum. Decoctum pilosella quoque laudatur. Aliaque apud authores reperiuntur, quibus tamen non est, temerè fides exhibenda, nec nisi cum iudicio sunt usurpanda, nam qui temerè ejusmodi calidis in febre quartanâ usus erat, ex simplici duplicem fecit, verendum est, ne idem in tertianâ nothâ, contingat, quod accidisse sæpe vidi ex Importuno aquarum febrifugarum usu, quas quædam mulieres temerè usurpabant, contra Medicorum consilium.

*Physica.*

xix. Præter hæc sunt quædam quæ occultâ proprietate ad tertianas profligandas valere dicuntur; sambucum, sonchum, plantaginem quidam terunt, ex aceto subigunt, carpis alligant. Folia bursæ pastoris carpis admota hanc febrem depellunt. Secundum Rondeletium ea species Thlaspi quæ similis est bursæ pastoris, teratur cū dentillariâ, addito sale & aceto, & pariter carpis admoveatur. Alii ad idē foliginem è furno, & salviæ contusam, vel hederam terrestrem, cum allio, capis, ovi albumine & aceto miscent, & apponunt. Sylvius asserit limacem pratensem cubito alligatum omnibus febribus conferre. Nobile est & familiare epicarpium ex unguento populeo & telis aranearum, quo sæpe usus sum satis sceleriter, quamvis non semper respondeat eventus. Itaque possunt hæc & similia in usum revocari, sed tamen non est iis fides adhibenda. Quidam sempervivum & alia refrigerantia hepati apponunt, sed ut advertit Hollerius, suspectum est remedium, quando timetur obstructio. Inter assumpta quæ proprietate conferre dicuntur plurimum commendat sequens remedium Alexand. Benedictus R̄ succi polygonati, rad. plantag. ana ℥ j. cuscute, seminis sinapi ana ℥ ss. fervescent & percolato succo adde sacchari quantum satis, detur tribus horis ante paroxysmum. Ad idem laudantur succus plantag. pimpinel. aquilegiæ, pulvis crystalli cum aquâ cicerbita, vel vino, os de corde cervi, coriandri tria grana trita & ante paroxysmum pota. Hæc qui volet poterit experiri; & de his satis.

#### CAP. IV.

##### De febre ardente & tertianâ continuâ.

I **T**ertiana continua duplex est, vel enim remissiones habet, & tertio quoque die exacerbatur, vel assiduo parilique incendio cor exagitat, & vocatur *notha*, sive ardens. Differunt autem non humore,



more, in utraque enim bilis putrescit, sed loco, quod in priori putrescat humor in minoribus vasis, in hac vera in majoribus, & cordi proximis, quæ exacta distinctio curationem tamen non variat, ideo de utraque simul agemus. Causos, si nomen spectemus, non est differentia febris, sed tantum conditio, quæ ejus gravitatem, vehementiamque denotat, quâ ratione febrem omnem, quæ ardorem sitimque gravem annexam habet, licebit ardentem appellare, nomen illud de pluribus quidem dici potest, sed non pari de omnibus ratione, sed secundum analogiam. Dubitaturque de syncho, de tertianâ exquisitâ, de tertianâ continuâ, an ardentes sint. Putant multi synochon esse de genere ardentium; *Horatius Augenius*, synochon posse fieri à bile statuit. At sic differentia febrium videntur confundi, si bilosas à sanguineis non distinguamus. Ut enim, superius diximus, febris synochos fit, cum omnes humores æqualiter putrescunt, at causos ex sola bile, aut bilioso sanguine generatur, ut præclare explicat *Aëtius* cap. 77. lib. 5. & *Galenus* 2. de cris. cap. 3. à tertiana ardentem differre statuit, non generationis modo, nec humore putrido, sed tantum loco putredinis, idemque docet *com. ad aphor.* 52. lib. 4. Sed ex *Galenus* locis quamplurimis probari posse videtur synochum esse ardentem. nam 2. de crisib. cap. 6. vult synochon esse de genere de-urentium; Et sanè rectè dixit de genere ardentium, nam si generalem significationem ardentis retineamus, poterit synochos ardens esse, at propriè loquendo nequaquam, differentiam enim inter illas *Galenus* locis citatis constituit, unde addit acutie ab illis differre. Præterea *Galenus* comment. ad aphor. 23. lib. 1. In ardentissimis febribus sanguinem mittit ad animi deliquium. At in sola syncho id licet. Ergo synochus est ardens. Respondeo usum esse nomine ardentium amplâ verbi potestate, non proprio significato, quod indicat verbum *ἄρδεντος*, quo ostendit *Galenus*, se de calidissimis quidem febribus loqui, quales synochos esse fatemur, sed non de ardentibus. Attamen sciendum est ex *j. Epid. sect. 3. t. 2.* Juniores Medicos, id est Hippocrate posteriores, *συνήχης*, & *συνόχης* distinxisse, nam *συνήχης* vocabant omnes continuas quæ remissiones habent & exacerbationes, *συνόχης* vero eas quæ ab initio ad finem perseverant, nullo stato excandescentiæ ordine, sic 2. de diff. feb. cap. 2. ac 9. meth. synochon eam esse dicit, cujus tempus uno tenore, quasi unâ tantum accessione à principio ad finem porrigitur. Ex quibus concludi poterit, nomen synochi non tantum sanguineæ febris, sed & omni continenti debere ac-

Ee 3

com-



commodari, qualis cum sit ardens, dubium non est ardentem synochon esse, nam ardens non differentiam febris, sed tantum magnitudinem indicat, ita ut optime synochos dividi possit secundum *Galen.* in sanguineam & biliosam, quæ ardens est. Cum igitur quæritur, an nomen causi synochi conveniat, idem est ac si quæreretur, an nomen speciei generi conveniat, cum potius nomen generis speciei attribuitur. Ideo quærendum potius erat, an nomen synochi conveniat ardenti, est enim ardens species synochi, non synochos causi. Ideo ardens potest dici synochos, sed non contrà. Quærit *Gentilius* an possit febris à pituita & melancholiâ generari, quæ sit continua sine exacerbatione. Respondet posse, si putredo cordi propinqua sit, & in venis majoribus, quamvis ab humore melancholico rarius fiat, ob humoris illius paucitatem, sed tamen possibilitas non est neganda. Quæ autem à pituita fit, febris lentæ imaginem refert, quam laticam vocat *Avicennas*.

*I I.* Præterea nomine ardentis tertianam exquisitam intelligere possumus, febris, inquit *Galenus* 2. de diff. cap. 3. *ex bile facta per sententia corpora delata, incipit cum rigore & causodes est.* Idemque aliis in locis constituit, quos sedulo collegit *Altimar. cap. 8. part. secunda de febrib.* Verumtamen tertianam ab ardente perpetuò separat, quod hæc sit sine rigore continua, illa vero cum rigore, atque intermittat. Proprie itaque loquendo tertiana non est ardens, sed tantum amplâ verbi potestate, quatenus ardentis nomen febribus opponitur, quæ fiunt ex humore frigido, ut ait *Galenus* lib. de tremore, agens de tertianâ intermittente. Nullus, inquit, *sana mentis hanc à frigido succo fieri ait, cum genere ardens sit, continuitatis tantum egens.* Ubi opponit ardentem ei quæ à frigido humore concitatur. Insuper differentia est inter *καυσὸς* & *καυσὸς πυρετός*, nam febres multæ possunt esse *καυσὸς*, sed *καυσὸς* nulla rectè dicitur, nisi quæ sit ex bile in vasis putrescente, reliquæ sunt *καυσὸς* prout magis vel minùs accedunt ad naturam *καυσὸς*.

*I I I.* Ardentis etiam nomine intelligitur febris ex bile continua, quæ nunquam intermittit, remittit tamen, iterumque excandescit tertio quoque die, nam 2. de cris. cap. 3. omnem continuam ex bile in ardentium numero collocat *Galenus*. Si sitis, calorque exurens signa sunt ardentis, tertiana continua ardens dici debet, nam si pituita falsa bile frigidior ardentem facit, cur negabimus tertianam continuam quam bilis parit esse ardentem. At maximè proprie & καὶ ἰσχυρὰ febris



bris ardens ea dicitur, quæ ex bile fit putrefactâ in venis majoribus, aut saltem, ex pituitâ falsâ, *καὶ οὗτος ἴσιν* inquit author definitionum Medicarum, *ὁ μὲν πυρετός ποτὶς γενόμενος πυρετός, ἀπασπλῶ μηδὲ μίαν σήμερον παρῆεν, γλῶσσαν ἐπιζηρεύων, μιλαιῶν, ἐπιθυμίας ψυχρῆ παρῆεν.* Vel definiri potest febris continua ex bile in vasis majoribus putrefactâ, aut saltem ex phlegmate falso genita, cum insigni calore & siti ægrum infestans. Reverâ tertianam continuam Galenus ardentem semper vocat, nec ab illâ distinguitur, cum nulla sit putrida febris, quæ remissiones quasdam non habeat, præter febrem à sanguine, ut rectè advertit Valles. c. 22. lib. 5. Hinc duæ statuuntur illius differentiæ secundum Galenum 4. de rat. viâ. acut. 13. Alias est legitima, alia notha, prior fit ex flavâ bile in qua adfunt omnia symptomata illius propria. Notha fit ex falsâ pituitâ, in qua omnia sunt remissiora, sitis scilicet minus urget, corpus minus uritur. De utroque seorsim agemus, non enim adeo mihi probatur *καὶ οὗτος* iste à pituitâ falsâ.

IV. Febris igitur ardentis causæ, vel sunt procatarticae, vel antecessæ, vel conjunctæ. Procatarticae sunt aëris nimius calor, alimenta acria & calida, cæteraque quæ bilem copiosam generare, eamque in putredinem deducere valent, de quibus *cap. de tertianâ diximus. Si æstas & autumnus pluvii fuerint, & Austrini. hyemem morbosam esse necesse est, & pituitosis ac annum 40. excedentibus fieri καὶ οὗτος.* lib. de aëre, aquis, & locis. ex pituitæ putrefactione & incandescentiâ, quæ falsedinem contrahit, aut simul putrefactâ bile, quod est verisimilius, nemo enim adeo pituitosus est ea ætate, quin bilem habeat plurimam. At aphorismo 7. lib. 3. In siccitatibus febres sunt acutæ, quoniam in siccitatibus bilis plurima generatur. Attamen eodem libro, siccitates salubriores esse dicit, ratione quidem aëris, præcipuò si squallidus non fueret, sed aquilonaribus ventis perflatus, sed per accidens acutos morbos gignit, ob bilis plurimæ proventum, sicut ver saluberrimum, morbos tamen producit quamplurimos, vel ut innuit Galenus in comment. febres in siccitatibus sunt quidem pauciores, sed acutiores, ita ut siccitates saluberrimæ dicantur, non quod morbi acuti & periculosi tunc non generentur, sed quod rariores sint eo tempore ægritudines. Rufus tamen in hoc aphor. per febres acutas intelligit pestilentes, carbunculos, bubones, quod etiam verum est, etsi enim siccitas salubrior sit humiditate, gignuntur tamen in vehementissimis squalloribus prædicti morbi, quia exuruntur humores, quia materia sunt pestis & carbun-



buncolorum. At aphor. 16. ejusdem libri. Febres in pluviarum multitudine longas generari scribit, quod videtur adversari iis quæ scripta sunt, lib. de aëre, aquis & locis, scilicet fieri tunc febres ardentes, non longas, dicendum id fieri per accidens, in iis tantum qui 40. annum exceſſerunt. suntque calidissimi & siccissimi, quibus aëris humiditas putredinem accersit, non autem in pueris & senibus, qui tunc in febres longas potius incident, quamvis omnibus temporibus omnes morbi fieri possint, ut alibi docet Hippocrates. Causa antecedens & conjuncta ipsa bilis est. Fit, inquit Hippocrates, *ardens*, quando *aſtivo tempore venulæ reſiccata attrahunt ad ſe calidas fluxiones, & bilioſos ichores*. Hic, docente Galeno, summus Præceptor proponit causas antecedentes & procatarticas febris ardentis. Procatarticæ sunt *aſtas*, *longa via*, *sitis*, quæ corpus calefaciunt, venas reſiccant, inanitæ autem obvios quoſque humores attrahunt, præcipuè tenues & acres qui facilius moventur, & inde febris accenditur ardens, vel quia ex prædictis bilis in venis contenta accenditur, & accensa febre parit. Per ſeroſos autem tenues intelligit Galenus, aut potius pituita falſa indicatur, quæ est altera febris ardentis causa conjuncta.

*An ſem-  
per bilis  
putreſcat.*

v. Sed dubium hic eſſe debet, an poſſit febris ardens fieri bile tantum accensa, non putrefacta. Et quidem Hippocrat. loco citato; nihil quod putredinem arguat recenſet. Longa via, æſtas, ſitis, non ſunt neceſſariò putredinis causa. Pariter nec humores acres, tenues, bilioſi, qui nec obſtructionem in internis, nec putredinem parere poſſunt. Fit enim obſtructio vel à multitudine & copiâ humorum, quæ hic nulla eſt, cum venæ ſint inanitæ, vel à craſſitie, & viſcoſitate, quæ hic quoque non adest, cum humores hi tenues & acres eſſe dicantur. Hic igitur tantummodo recenſentur cauſæ admodum calefacientes, quæ neceſſariò putredinem non pariunt. Præterea ſi illud quod difficilius eſt, tamen adest, illud quod facilius fit, aderit, ſed difficilius videtur ſanguis accendi ſine putredine, ob caliditatem & humiditatem, bilis vero facilius excaſceſcere ob calorem & ſiccitatem. Attamen accenditur ſanguis ſine putrefactione quidem, ergo idem bili contigit! Contrarium ſentit Galenus lib. 2. de criſibus cap. 3. cui omnes ferme conſentiunt. Cum enim ſanguis ſit admodum familiaris naturæ ab illâ conſervatur, & ab omni putrefactione corruptioneque defenditur. Quamvis igitur temperiem obtinuerit valdè putredini obnoxiam, tamen cum ſit plenus ſpirituum, & calore naturali influente abundet, caleſcieri quidem



quidem & accendi, sed non ita facile putrescere potest, à naturali si-  
quidem calore defenditur. At reliqui humores cum sint extra naturæ  
regimen, illique quoties abundant perpetuò graues, vix calore præ-  
ternaturali corripui possunt, quin statim putrescant. Non solet enim  
bilis naturaliter in corpore coacervari & redundare, sed semper à cau-  
sis præternaturam generatur, quoties redundat. Primæ itaque obje-  
ctioni respondemus, non omnem putredinem esse ab obstructione,  
quamvis hic etiam adesse possit obstructio. Putrescunt itaque humo-  
res, tenues, acres, bilioli, quia cum sint à naturâ alieni, calor natura-  
lis ipsos relinquit, nec à putredine tuetur, ut ostendunt fæces in intesti-  
nis, quæ sine obstructione graviter putrescunt, & fætent, humo-  
res enim in locis calidis conclusi, ubi à naturâ relinquuntur, necessario  
corrumpuntur, nam defectu caloris nativi omnes putredo contingit.  
Itaque quamvis obstructio ut plurimum febriam putridarum causa sit,  
non est tamen perpetua, & necessaria, sed humores à naturâ nostra  
alieni, possunt facile à quolibet calore labefactari, & corrumpi. Secun-  
dæ objectioni ita satisfaciemus, distinguendo. Sanguis enim diffi-  
cilis putrescere deberet, quam bilis ratione qualitatum, cum sit cali-  
dus & humidus, bilis calida sicca. At ratione caloris nativi id nega-  
tur, natura enim sanguinem conservat, quantum potest, non bilem,  
ideoque citius corrumpitur. Quamvis problematica ista quæstio cen-  
seri possit, & sine corporis humani iacturâ in utramque partem agita-  
ri. Nam etiam bilem atram & æruginosam plurimi censent posse à  
solo calore fieri sine putredine, non enim omnis calor immodicus  
putrefacit, ut docet Averrh. 3. Colliget. cap. 4. adversus Galenum.  
frequentior tamen est putrefactio, quia calor extraneus innatum labe-  
factat, & corrumpet.

v. 1. Sed hic aliud occurrit dubium An sola bilis sanguinis per-  
mixta ita putrescere possit, ut nec sanguini, nec reliquis humori-  
bus suam labem communicet. Ubi enim adsunt causæ putrefacien-  
tes, & humores à naturali calore non reguntur, necessario fit putre-  
do. At quando humor quispiam in venis putrescit, adsunt causæ pu-  
trefacientes, aliàs non putrescet, humores quoque à naturali calo-  
re non reguntur, quia adest præternaturalis qui naturalis actiones  
labefacit & remoratur. Ergo omnes putrescent. *Secundò* ut se ha-  
bet calor naturalis ad concoctionem, ita se habet calor præternatu-  
ram ad putrefactionem. Sed naturalis omnes simul humores gene-  
rat

*Quæstio  
an sola bi-  
lis putre-  
scat.*

Ff

rat



rat & concoquit. Ergo præternaturalis eos quoque omnes putrefaciet. Sed huic aduersatur experientia, quæ ostendit omnes humores simul non putrescere, præterquam in syncho. Id confirmant signa variæ humorum putrefactionis, tum excretiones tam naturales quàm artificiosæ, quibus unicus tantum humor sæpissimè evacuat. Et ratio quoque suffragatur, quia si putrefacto uno humore, reliqui etiam corrumpentur, in qualibet febre omnes febres darentur, sicque unica tantum febrium species foret, quod est absurdum, & contra *Galen* mentem. Quod ut plenius intelligatur, notandum duplicem esse misionem, secundum *Aristot.* 2. de generat. Prima est vera mistio, miscibilium alteratorum unio, in quâ quæ miscentur suam amittunt formam, & nova introducitur misti forma. Alia est mistio in quâ miscibilia suam naturam retinent, quæ potius confusio est quam mistio. Sic humores in venis sanguinem constituentes, ita uniantur, ut eorum quisque suum nomen, naturamque retineat, quod patet quia naturâ ad nutritionem eos secernit pro variâ partium nutriendarum natura, quin etiam in catharsi à medicamento trahente separantur. Quod si essent verâ misione uniti, non possent sine massæ sanguineæ corruptione sejungi, sicut elementa à misto sine misti dissolutione non secernuntur. Secundò notandum aliter se habere calorem naturalem ad humores generandos, aliter præternaturalem ad corruptionem. Nam calor naturalis agit uniformiter, (ut loquuntur Philosophi) ita ut omnes simul humores generet. At calor extraneus distinctè agit & difformiter, in humorem quæ magis ad putredinem dispositus est. Insuper natura utiles humores custodit quantum potest, inutiles vero relinquit, nec eos gubernat. Primæ itaque rationi ita satisfiet, si dixerimus, causas quidem adesse putrefacientes, sed non necessariò omnes humores labefactare, verum eos tantum adoriri qui magis ad putredinem sunt dispositi, suntque extra naturæ regimen, reliquos vero intactos relinquare, qui & corpori utiles sunt, & à naturâ reguntur, & putredinè minùs obnoxii. Nec ita ab extraneo calore natus debilitatur, quin coctiones promoveat, materiam morbificam oppugnet, humores idoneos à putredine vindicet, nisi forte ob omnimodam virium ruinam natura succumbat. Non enim quilibet humor à naturâ relinquitur, quando alter putrefit, nam quamvis sint simul commisti, non sunt tamen æquè dispositi. Secundæ rationi respondet *Valesc* negando calorem naturalem ita se habere ad humorum generationem, ut se ha-

bet



bet præternaturalis ad corruptionem, nam naturalis agit uniformiter, præternaturalis difformiter: Aut si quædam similitudo admittatur, in eo tantum erit, quod sicut naturalis ex chylo varios humores generat, secundum chyli dispositionem. Ità præternaturalis humores seorsim putrescit, pro ipsorum variâ dispositione. Ubi tamen observandum fieri vix posse quin reliqui humores incallescant & accendantur, et si non necessario putrescant. Itaque ut eò unde digressi sumus redeamus.

VII. Causos generatur ex bile sincerâ in venis putrefactâ, sed nota *Causa.* *Galenus* sententia 4. aph. 59. ubi inquit febrem ardentem habere in venis unâ cum sanguine bilem plurimam ebullientem, ubi videtur *Galenus* non tantum bilem, sed etiam sanguinem ardentis causam facere, quod satis respondet experientiæ, nam rarò febres ardentes fiunt, quin simul sanguis incalescat, unde etiam narium hæmorrhogiâ sæpe solvuntur, sed non est necesse sanguinem illum putrescere, sufficit si putrescentis & fervidæ bilis viciniâ alteretur. Quam autem bilis variæ sint species, vitellina, æruginosa, prasina, quæritur an ex illis ardens generari queat. Negat id *Averrhoes*, cum natura non possit illarum ferociam diutius sustinere, sed illas à se depellat, ideo *Mercatus* intermittentes fieri voluit potius quam continuas. At non valet ratio, quod à partibus expellantur, id enim brevitatem harum febrium denotat, non impossibilitatem, & necesse non est ut humor febrem ardentem faciens, sit in venis, sufficit ut sit circa viscera, ex quorum inflammatione sequitur febris ardens, periculosa quidem, sed periculum rem non tollit. *Parus* in *Tharso* 3. *Epid. sect. 3.* Octavo morbi die *ἡμεῖς* iudra, æruginosa vomuit. Eodem libro æger quartus phreniticus *ἡμεῖς* iudra πικρὰ, multa vomuit æruginosa, est enim ejusmodi vomitus febrium assiduarum comes, quæ ex viscerum inflammatione oriuntur, & cum vehementissimis deliriis ut plurimum ejusmodi vomitus recenset *Hippocrates*. Æger decimus tertius *Apollonius* in *Abderis*, post decimumquartum diem nigra, pauca, æruginosa, pinguis deiecit, & *seçãoe secunda* ejusdem libri. *Philistius* in *Tharso* primo die biliosa pauca, sed postea plurima æruginosa vomuit. Et *seçãoe tertiâ primi Epidem.* *Cleonactides* die 24. virulenta & æruginosa vomuit, quibus levatus est. Nam ut in *com.* docet *Galenus* vomitus æruginosus est ardentium febrium propius, loquitur autem de malignis, non possunt enim salutare esse febres, quas ejusmodi humores concitant. Ex quibus



bus locis apparet ardentes & continuas ab illis humoribus fieri, non tantum intermittentes.

VIII. Fit etiam secundum Galenum καὶ σφοδρὰς textu 1. lib. 4. acut. non solum quando in venis majoribus bilis putrescit, sed etiam quando putrescit in venis jecoris, ventris, aut pulmonum, de quibus variis in locis loquitur Galenus in Epidemia. Gignitur quoque ex illarum partium inflammatione & eresypelate, 2. de crisib. cap. 7. Sed hæc ardens maligna est, & à Galeno vocatur lipyria 4. aph. 48. aliisque in locis, quæcunque ex internarum partium inflammatione oritur, quamvis Aëtius alia nomina ipsis tribuat, quæ fit à ventriculi eresypelate, vocatur lipyria, ab hepate typhodes, à pulmone crymodes. Sed tamen aph. 42. lib. 7. lipyriam vocat eam quæ fit sine viscerum inflammatione & eresypelate, ex solis humoribus in venis partium putrescentibus. Scribit enim veteres eam tantum febrem vocare solitos quæ sine inflammatione fiebat, cujus species faciebant epialon, lipyriam, & typhoden; ex quo colligo secundum Hippoc. qui inter veteres numerandus est, lipyriam fieri posse sine partium inflammatione & eresypelate.

\* IX. Præter has causas sunt aliæ, sine quibus ardens raro fieri solet. Scilicet temperamentum, sexus, ætas. Temperies calida sicca biliosa, est huic feбри maximè obnoxia, & hujus ratione mulieres quia frigidiores rarius tentantur ardente saltem legitimâ, viri contrà facilius, ob corporis calorem, quamvis plurimas mulieres ardentissimâ febre laborantes videre liceat. Eadem ratione senes raro tentantur ardente, & acutâ febre, ψυχρὸν γὰρ τὸ σῆμα aph. 14. lib. 1. nam senibus pituita dominatur, nec potest ignavus illorum calor multum accendi. Sed cum accidunt illis febres ardentes pereunt, In morbis enim minùs periclitantur, quorum naturæ, ætati, consuetudini, vel tempori familiaris est morbus, quàm ubi nulli istorum congruit. aph. 34. lib. 2. Causa verò cur pereant senes, duplex affertur ab Avicenna, tum quia in senibus frigidis & pituitosis non potest quam à causâ maximâ febris ardens generari, tum quia vires eorum debiles sunt, quæ tanti morbi ferociam non possunt sustinere. Attamen lib. de aëre, aquis, & locis scriptum reliquit Hippoc. In plagis occidentalibus senes tentari febribus ardentibus, sed hoc non fit ratione ætatis quia frigida est, verum quia ob aëris calorem in regionibus ejusmodi corpora biliosa sunt, contingit autem illis dum senescunt alvum adstringi, & inde bilem retineri, quæ retenta febres ardentes facit. Ἐὶ δὲ χυμὸς, inquit, πῶς ἀγριεύει καὶ σφοδρὰς

213



Ἀλλὰ πλεὺς τῶν νεολίτων περὶ τὴν κεφαλὴν. Sed juvenibus & pueris sæpius accidunt, suntque in infantibus leviores propter humiditatem & facultatum naturalium robur, suntque in iis interdum cum somno profundo, ob vapores non biliosos, sed sanguineos & pituitosos in caput elatos.

x. Ad febrium ardentium diagnofin duo figna fufficiunt fecundum *Signa*.

*Galenum 4. acut. 13.* calor fcilicet ingens, & fitis maxima, ὅταν ἡ θερμότης, Ἀγλαίη τῇ ἀνθρώποις, ἀπώσῃ τοὺς πόδες ἔχῃ. Nec opus eft plura accedere quæ neceffaria non funt, etfi plurima confequantur, unde in mediis æstibus pullulant. Calor itaque maximus eft, ut neque vefte, neque lintea ferre poffint, quamvis in externis calor non femper appareat, ut in malignis, in quibus interiora calent, exteriora tepent. Ab hoc immenfo fervore procedunt linguæ afperitas, nigredo, vigilia, deliria, ventris morfus, dejectiones pallidæ, fitis, urina flammea, craffa, turbulenta, prout bilis hanc vel illam partem magis infestat. Non eft tamen neceffe, nec femper folent hæc omnia adefle, fufficit fi præcipua calor, fcilicet & fitis affuerint, nam interdum ventris morfus non adfunt, dejectiones funt graveolentes, fubnigræ, rufæ, interdum etiam fubalbicantes in futuro ictero, fopor quoque nonnunquam contingit, sæpe funeftus, urina decolor in phreniticis aut moribundis. Ipfa quoque fitis quæ hujus febris character eft abefle poteft, tribus de caufis, vel ob emortuam ventriculi facultatem, vel ob tuffim, quâ irrigantur pulmones humiditate diftillante, *aph. 54. lib. 4.* Quibus tuffes ficca leviter irritantes in ardentibus funt, non multum fiti infefantur. Euryanaftis filia ardente correpta nunquam toto morbi decurfu fitivit, tuffiebat autem *ex 3. Epid. feft. 2.* Vel denique ob mentis alienationem, propter quam ægri quantumvis fitiant, fitim tamen non percipiunt. Pulsus præterea frequens eft durus, propter arteriæ ficcitatē, inæqualis, minor quam in fynochis. Incepit fine rigore, aut fi rigor quidam in principio fatigat, non folet is poftea per paroxyfmos redire ante ftatum, quo febris fudore terminatur. Varius in locis Hippocrates eam egregiè defcribit. 2. de morb. febris, inquit, & fitis detinet, lingua eft afpera, nigra ex virore pallida, ficca & valde rubra, oculi ex virore pallescent, alvi excrementum deficit rubrum, talemque urinam reddit, & multum fpuir. Sed hæc non femper adfunt, nam in lethalibus decolor urina sæpe videtur, ut ex hiftoriis Epidem. annotare licet. Libro quoque de victu in acut. eleganter eam defcribit, tum 3. de morb. tum lib. de dieb. criticis.

Ff 3

xi. Pro-



Prognosis-  
ca.

XI. Prognosis quod spectat *Primò* omnis ardens periculosa est, quia continua & acuta, unde *Coaca* 137. febres ardentes die quatuordecim aut liberando aut perimendo decernunt, nam acutorum terminus decimus quartus dies esse solet, *aph.* 25. lib. 2. quod intelligendum est de vera ardente, nam notha ulterius perdurat, & libris *Epid.* multas ardentes etiam lethales recenset, quæ ulterius fuerunt prorogata, non sunt enim omnes febres æquæ acutæ. Brevitas autem & longitudo ex symptomatum sævitiâ & coctionis signis dignoscitur, unde scribit *Hippoc.* 2. de morb. & de dieb. criticis si in principio lingua nigrescit, exasperatur, crassescit, celeriores erunt crises, si vero posterius, diuturniores. Ostendit enim nigredo linguæ causæ vehementiam & motum. Sicut eadem cognosci potest ex urinarum intenso colore, aut remissiori, tum sputum præ calore, & siccitate exustum esse solet & crassum. *Secundò* febres quacunque non intermittentes tertiâ die fortiores sunt, periculosa. *aphor.* 43. lib. 4. Eas esse dicit *Galenus*, quæ ex inflammatione & malignâ putredine ortum habent. Non enim intelligi potest aphorismus de tertianis continuis, quæ tertio quoque die exacerbantur, non sunt enim periculosiores aut ardente, aut syncho, sed potius securiores, verum intelligendus est de febribus semitertianis, aut cum *Galeno* de iis quæ ex inflammatione oriuntur, aut maligna putredine non solent enim remittere: ut tertianæ, continuæ, & tamen semper tertio quoque die intenduntur, quas alibi vocat *regidius*. Tertiâ attendenda est signorum gravitas, ut si insomnes sint, fastidiosi, graviterque angantur, leniter sudant, malum, sicut si delirent, læsum enim cerebrum denotat. *Quartò* si ardente incipiente parum rigeant ægrotantes, in malis habetur. Rigor in ardente tantum decretorius esse debet, at decretoria statim non debent apparere, quod si appareant maligna sunt. *Quintò* ubi paululum in fronte & claviculis sudant, multumque delirant malum, maxime si sudor frigidus fuerit, syncopen enim denuntiat. *Hippocrates* *aphor.* 37. lib. 4. frigid. inquit, sudores cum acuta quidam febre mortem, cum mitiori morbi longitudinem significant. Fiant, inquit *Galen.* in comm. frigidi sudores aut humorum frigidorum copiâ, aut extinctione caloris nativi, vel ut vult *Argenterius* ob caloris ad interiora retractionem, unde habitus corporis refrigeratur. Scripsit *Avicenna*, in febribus acutis non fieri sudores frigidos, nisi ceciderit caliditas innata. *Sextò* timores ægrotantium & inæstitiæ malum, sunt enim atræ bilis & delirantium symptomata. *Septimò* febres omnes biliosæ

ex-



exsiccant viscera ignis instar, quod si alvus adstricta fuerit, suspicio esse debet phrenitidis, secundum Rhazin, ob humoris biliosi in corpore retenti motum ad superiora. Vox clangosa succedere solet resiccato guttore, & propterea mala aphor. 17. primi prophet. velut rauca, signum quoque malum est & funestum. Octavo partium extremarum frigiditas pessima est. In morbis acutis frigus extremorum malum aphorismo 1. lib. 7. & aphorismo 48. lib. 4. sitim addidit. fit hoc symptoma vel ob extinctionem caloris nativi, aut propter ejus retractionem ad interiora; Illa presentem mortem, hæc febris malignitatem significat. Non eadem de causâ extremorum lividitas & nigredo mala, ob summum caloris nativi languorem. Decimo lingua arida nigra sine siti vel delirium portendit, vel extinctionem facultatis naturalis ventriculi, quod si primum incandescentes sitierint, derepente à siti liberentur, signum est vel morbum solvi, si cætera signa consentiant, vel virtutem emori, 3. epid. sect. 1. com. 2. Undecimo. Urina nigra, tennes, pauca, aluique dura malum. Nigræ sunt ab humore adusto, pauca quod ab immenso calore omnis humor sit absumptus, aut instrumenta urinae sint emortua, tennes quod bilis non sit à naturâ evicta, alvi dura ab immenso calore, ut diximus ex Rhazi alvum duram portendere phrenitiden. Duodecimo sanguinis è naribus stillicidium malum, sicut & quælibet exigua excretio mala censenda est, signum est ob imbecillitatem non posse à naturâ evacuari, quamvis id perficere conetur, ut dicemus cap. de hæmorrhogiâ. j. Epidem. sect. 2. statu tertio scribit Hippocrates; Qui bene & largiter sanguinem è naribus profudissent ii omnes servabantur. Philiscus, Epaminon, & Silenus, quod quarto & quinto die parum è naribus stillaverit, mortui sunt. Decimotertio Lachrymæ involuntariæ ex oculis effluentes mortem significant, ex 6. Epid. sect. 1. com. 16. & aphor. 52. sect. 4. Causa, inquit Galenus est debilitas retentrix. Argenterius vult fieri ex colliquatione humorum cerebri factâ à calore febrili. Decimoquarto scribit Hippoc. 1. de morb. qui ex ardente intereunt, omnes ex siccitate moriuntur. Extrema manus pedesque primum ipsis resiccantur, deinde verò partes sicciores. Vbi penitus corporis humor exhaustus est, sanguis concrevit, & refrigeratur, reliquum verò corpus exsiccat, sicque interit. Calore siquidem febrili universum corpus exsiccat, ac demùm refrigeratur, quantumvis enim ardentissima febre quis moriatur, solet tamen is ex frigore interire, nam ante mortem calor extinguitur, succedit frigida intemperies fervori, ut ali-

bi



bi diximus. Decimo quinto Quibus in febribus ardentibus sunt tremores, delirium solvit, aph. 26. lib. 6. & Coaca 132. Quibus calor & tremor est delirium saluti est, vertit Celsus. Fiunt tremores in ardentibus exhaustis viribus, & hi delirio solvi non possunt, vel fiunt humoribus ad nervos transfusis, à quibus si ferantur in caput, fiunt deliria. Familiare autem est Hippocrati uti verbo *λῦσι* improprie pro succedere, sic ecstasis maniam solvit, hic enim non solvitur morbus, sed pejor succedit. At quoniam dubium est quomodo à calidis succis tremor fieri possit, improprie vocem tremoris usurpatam vult *Mercurialis* pro motu convulsivo, qui verè solet ardentibus succedere, & antecedere deliria, ut sæpe *Hippocrates* usurpavit in *prophet.* & *Coacis*. Sed casus hi rarè in febribus observantur nisi ad mortem, imo sæpe videntur tremores & deliria simul, usque ad mortem perdurare. Pessimus pariter tremor est delirio succedens. Decimo sexto Febris ardens *ἐκ κελύους ἀλγίμετος* *ἐκ πύου ἀλγέμετος*, Coaca 31. & 130. & *propheti* 56. addit saporem, quam sententiam *Galenus* exagitat tanquam veritatis non perpetuæ. Inteligit autem per laboriosum & vehementem dolorem, eum qui ex viscerum internorum phlegmone, aut erysipellate ortum habet, cui dolori maligna febris & lypyria succedit. Notandum dictum *Hippoc.* 1. de morb. peripneumoniam non facere febrem ardentem, cum tamen lib. de affect. scripserit febrem ardentem mutari facili in peripneumoniam. Rationem reddit *Alexander*, quia bilis agitata potest interdum in Pulmonibus firmari, & peripneumoniam facere, ubi autem illic semel stabulatur, vix potest redire in venas, ut ardentem faciat. At si *Galenus* vult ardentem fieri posse ex humoribus in vasis pulmonum putrefactis, si ex aliorum viscerum phlegmone in quibus humor fixus est, fieri ardens potest, rationem non video quare eadem ex pulmonis inflammatione non succendatur, nisi dicamus peripneumoniam potius ex pituitoso sanguine generari, qui frigidior est quam ut ardentem facere queat. Decimo septimo solet solvi febris ardens sanguinis profluvio, quod si accadat diè 4. malum, nisi aliud quippiam bene ceciderit, quia quarto die, critica sui tantum significationem dare debent, non autem apparere, quod si die quinto contingat, minùs affert periculi, quia aliquo modo criticus est ille dies, non tamen periculum adimit. Sic scripsit 2 Epid. *ἐν περπνεύσει αἱμορραγία δύσμετος*. Coaca 133. & 131. inquit, si in febre ardente aurium sonitus, cum visus habetudine, & ad nares gravitate accidunt, nisi sanguis ex naribus profluat, delirium metuendum. Sunt enim hæc



hæc signa futuræ hæmorrhagiæ, quæ si subsistat, incalescente ac putrescente sanguine, nec vacuato, cerebrum incalescit, phlegmonem concipit, succeditque delirium ferox, & maniacum, quod intelligit Hippocrat. per ἰσχυρῶς, quo verbo atrox delirium semper intelligit, soletque esse funestum. Idem repetitur *propheti* 18. Εἰ καὶ οὕτω κενὴ καὶ ἀβλαβὴς ἡ ἰσχυρὰ, *Colica* 129. quod non est absolutè verum, nam criticus fluor salutaris est, sed si ægro debili, aut crudo morbo id contingat vires prosterne & ægrum ad internecionem duci metus est. Dicit *Avicenna*, nullum morbum esse solutarem qui ab alvo fluidâ inceperit. Idem dicendum de aliis excretionibus, πρὸς κέντημα μὴ ἀνέχεσθαι ἐν τῷ σώματι. nam abundantiam humorum indicat, qui non potuerint febrem tollere, unde prorogari morbus solet ac esset longior, si non occidat. Sic ægro cuidam, cum hæc describerem, cui primis diebus in causa maximus sudor affuit sine febris remissione, longum & difficilem morbum prædiximus. Id legimus apud Hippocratem 2. *de morb. si sudet copiosè, nec febris remittatur, dicitur morbus esse solet, maxime si sudor frigidus est, si minimè exudarit, citius judicatur.* Unde Galenus primo *propheti* 15. ait febrium insultus cum sudore significare plenitudinem. 19. *febrem ardentem rigor solvit*, nam sequi solet sudor multus evacuatâ in cutim materiâ, tum interdum vomitus, aut alvi solutio sequitur ex *Galeno com. ad aphor. 58. lib. 4.* Non tamen semper rigor ille statim solvit morbum, ut exemplis quibusdam *Epidem.* probatur, in quibus non statim à rigore, sed postea excretio facta est, ut 1. *Epidem. agro 13.* mulier gravida undecimo riguit, & decima quartâ tantum judicata fuit, quamvis ut plurimùm in rigorem excretio sequi soleat, nisi virtus sit admodum imbecilla, facta quidem separatione humoris biliosi à venis fit rigor, sed ob vires attritas non potest fieri materiæ separatæ expulsio, hinc ægro jam debili rigor lethalis esse solet, 46. *ejusdem libri.* 20. *Causos in ambiente frigido lethalis, com. ad aphor. 34. lib. 2.* quia maxima causa est, quæ non potuit ambientes frigiditate emendari, ut diximus superius de senibus, quibus rarò ardens contingit, sed ubi accidit periclitantur ob causæ magnitudinem, & virium imbecillitatem. 21. solvitur ardens interdum per parotidas coacta 138. sed rara est hæc solutio, sicut & parotidum suppuratio rara est, estque ejusmodi febris in quâ adsunt parotides, potius notha, quam legitima. 22. *Ardente febre laborantibus, paululum frigescentibus, egestionibus aqua similibus, & crebris, oculorum perversio ma-*

Gg

lum,



lum, maximè si catochi detineantur, Coaca 134. qui casus in ardente sunt funesti, ostendunt enim inflammationem & phlogosin in visceribus conceptam, à quâ summo corporis habitu paululum refrigerantur, tum ascenduntibus in cerebrum humoribus, & facultatibus naturalibus pereuntibus, fertur alvus tenuibus & aqueis excrementis, quod in urinis quoque solet accidere, ac laceffito cerebro oculorum convulsio & perversio, ac demùm languente cerebri facultate sopor lethalis accedit, intemperies scilicet frigida calidæ succedens semper funesta. Hucque referri debet & accommodari descriptio ardentium funestarum, quæ est 3. Epid. sect. 3. quæ ex illo loco repetatur. Plura videri possunt cap. de prognost. febrium, libro secundo.

Curatio.

Victus  
ratio.

XII. Quod spectat curationem febris ardentis, eadem est inquit Avicenna cum curatione tertianæ puræ, major tantùm esse debet diligentia tum in evacuatione, tum in alteratione: bilis igitur refrigerantia & humectantia postulat, ut præparetur ad evacuationem, dein nobiles corporis partes sunt alterandæ. Adhæc victus ratio primum idonea est. Sit igitur aër frigidus ac purus, flabello concitetur, omnique arte refrigeretur. Propterea vitentur hominum frequentia, solum spargatur herbis refrigerantibus, aquâ frigidâ, & aceto. Rami salicis toto cubiculo componendi erunt, ac subinde mutandi, siccati enim lædunt, inquit Aëtius cap. 58. lib. 5. Videndum tamen ne aër frigidior ad cutim perveniat, & prohibita transpiratione febrem augeat, ex Galen. 10. methodi cap. 7. frigidissimus aër per respirationem attractus juvat, modo ægri opportunè cooperiantur, ne aëris frigus reliquo corpore sentiant, ideo utile erit fenestras aperire, quod tamen plurimi verentur: Mollis sit culcitra, non plumea si fieri possit, lintea nec sint sordida, nec aspera, & contra errorem vulgi sæpius mutantur. Lectus sit spatiosus: Et si luce offendatur, collocetur in tenebris, aut in luce mediocri, maximè si vires ejus sint infirmæ. Cibus sit refrigerans, humectans & eupeptos, & quamvis quidam tum carnes, tum pisces saxatiles concedant, juscula tamen sufficient herbis idoneis alterata, addito succo granatorum, citri, limonum, est enim morbus acutissimus, qui pleniorē victum non postulat, quamvis veterum exquisitissimus victus non sit nostro seculo imperandus ut diximus alibi, sit tamen tenuior versus statum, quam aliis morbi temporibus. Fructus omnes vetat Avicenna præcipuè horæos, qui faciliè corrumpuntur,  
aut



aut qui adstringunt. Concedimus tamen, pruna, pyra, poma cocta, cerasa condita, ribes cæterosque ejusmodi præcipuè conditos, & acidos. Vitentur omnia pingua, dulcia, oleosa, quia in bilem faciliè vertuntur, ut Amygdala, quamvis lac amygdalinum non noceat, quicquid dicat *Altimarus*, præcipuè si frigida semina addantur, utatur hordeato, panatela. Potus sit aqua hordei, aut aqua cocta cum succo granatorum citri, & saccharo, ut superius dictum. Vitandus aquæ frigidae potus in principio, quia bilem facit, concoctionem impedit, aliaque affert incommoda, quæ recenset *Hippoc. de victu acutor.* quod intelligendum est de aquâ pro potu ordinario. Extra pastum syrupi acidi refrigerantes, bilisque incendium extinguentes concedantur, cum aquis distillatis, vel tamarindi & pruna in iisdem aquis infundantur. A vino toto morbi decursu abstinendum, etiam diluto, præterquam in declinatione soluto prorsus morbo, tuncque etiam non multum prodest si superstes sit cacochymia, metusque recidivæ. Motus omnes vitet, tum corporis, tum animi, præcipuè iram, accendunt enim corpus, febremque augent. Dormiat potius quam vigilet, nam somnus concoquit, idque noctu potius quam interdiu, nisi nocte magis urgeat febris, tunc enim vigilare satius est. At quoniam in hoc morbo vigiliæ urgere solent, utile erit somnum remediis provocare, aut si sponte succedat, quocunque demum tempore contigerit eum non oportet interturbare.

XIII. Inter præcipua hujus febris remedia laudatur Venæsectio, *Venæ-* ab aliis improbatur ut ab *Avicenna*, quod bilis, evacuatione sanguinis, *sectio.* qui ejus frænum est, effervescat. Deinde *Galenus* in erysipelatis curatione non sanguinem mittere, sed purgare docet, 2. ad *Glauconem*. Demum fit à merâ cacochymiâ scilicet bile, cui purgatio non venæsectio competit. Alii tantum abest ut sanguinis missionem vereantur, quin potius ad animi deliquium mittendum velint; Alii demum distinctione quâdam utuntur, voluntque sanguinem mittendum, si adsint indicia sanguinis, desistendum verò si pura sit bilis. In febribus acutis, inquit, adest urina rubra & tincta, quod si primis diebus talis non appareat, bilis non est bene permixta sanguini, & propterea abstinendum à phlebotomiâ, donec urina rubra apparuerit, aut valdè tincta, quod si primo die talis fuerit, tunc mittatur sanguis, quod sane in praxi est notandum. At secandam esse venam voluit *Galenus*, in omnibus continuis, & acutis, quia noxius humor intra vasa continetur.



tur. Natura etiam per narium hæmorrhagiam solet causam judicare, ut testatur *Hippocrates* 1. *Epidem. sect. 2. t. 68.* eos à febribus ardentibus evasisse, quibus sanguis è naribus effluebat, aut quibus menstrua prodibant, si mulieres erant. Cum ergo Medicus sit imitator naturæ, debet etiam sanguinem evacuare. Nec metuenda est biliosi humoris effervescencia, ut volunt Arabes, non enim solus educitur sanguis, sed unâ cum eo bilis plurima, imò plus bilis educitur, quam ipsius sanguinis, & corpus plurimum refrigeratur, unde nova humoris biliosi impeditur generatio, & natura quod reliquum est evincit. Quod si in eresypelate venam non secatur *Galenus*, sed purgat, id summo jure factum, est enim ejus causa extrâ venas collecta, non sanguini permixta, ideo detracto sanguine bilis remanet, multò quàm antea ferocior, solis purgationibus educenda, at in febribus continuis quarum causa majoribus venis conclusa est, aliter se res habet. Nam ut suprâ dictum, non à merâ cacochymia ardens generatur, sed etiam sanguis unâ accenditur, neque etiam si à merâ cacochymia fiat, repudianda tamen venæsectio, dummodò humores noxii sint in venis, ut in generali methodo dictum. Hic tamen considerandum quidam volunt, quod suprâ dictum est, scilicet fieri causam interdum ex bile in venis partium, ut ventriculi, pulmonis, jecoris, putrefactâ, tunc veretur *Capivaccius*, ne per venæsectionem humores ex illis venis ad majores attrahantur, sicque morbus reddatur pejor, quasi verò id timendum sit. Videmus in inflammationibus viscerum tutò sanguinem mitti, etiam si is è venis effluerit, aut quasi ejusmodi ardens non sit deterior eâ, quæ ex bile in magnis vasis putrefactâ oritur, tùm demum si attrahuntur humores in majora vasa, eorum tamen portio evacuatur, corpus refrigeratur, deinde natura reliquum commodius superat. Considerant alii an bilis juncta sit sanguini necne, quod cognoscitur ex urina rubrâ, crassâ, & turbidâ, ut vult *Avicennas*, quales ardentes sunt nostris regionibus familiares, an verò ab eo sit sejuncta, quod mihi videtur impossibile, bilem in magnis vasis putrescentem à sanguine esse sejunctam. At ut ut sit, volunt illi sanguinem esse mittendum si urina rubra sit & crassa, si vero sejuncta sit, à phlebotomia abstinendum. Id videtur docere *Galenus* 1. ad *Glaucon.* 13. ubi, inquit, sanguinem mittere oportet, & ob morbi magnitudinem, & quibus multò plus ruboris insit, quam natura conveniat, & major quam pro consuetudine corporis tumor, & vires eminentiores, atque magis extensa, his omnibus auferendus, nisi vires, aut

at dē.



atas, aut aliquid aliud prohibuerit. Sunt autem hæc quæ commemorat, sanguinis abundantis indicia. Et sanè rarò aliæ apparent ardentes febres, cum ex bile una cum sanguine in majoribus vasis contentâ oriantur. Nec illud signum ex urinâ, quamvis ut plurimum experientiæ respondeat, perpetuum est. Nam interdum in ardente urinâ nulla admitti sanguinis signa habet, ubi phrenitis aut adest, aut imminet, & tamen sanguinem mittere tunc maximè necessarium est. Frustra igitur tot distinctiones adhibentur. Quod si causam ardentis ab Hippocrate allatam retineamus, scilicet fieri eam ubi venæ resiccatæ attraxerint ad se biliosos ichores, in eâ neutiquam vena erit secanda, qui enim ab inanitione morbi fiunt, ii non inanitione, sed repletione potius sunt curandi. Verum causa hæc Hippocratis rara est, fiunt enim ut plurimum à sanguine bilioso in venis putrefacto. Unde concludendum est, sanguinem mittendum esse, aut cum humores sunt in venis unâ cum sanguine, aut cum ab internarum partium inflammatione concitatur.

x i v. Secunda autem est basilica dextri brachii, sanguisque detrahendus quantum vires ferunt, id est satis copiosè. *Vallesius 7. controv. 1. as. Quanti.* voluit mittendum esse ad animi deliquium, autoritate Galeni 3. aphorism. 23. ubi docet in febribus ardentissimis tam copiosè esse mittendum, *Secundò* venam secat Galenus ut refrigeret, sed ardentes omnium maximè indigent refrigeratione. Alii volunt Galenum per ardentissimas febres intelligere tantùm sanguineas, ut ipse explicat 9. meth. & de curandi rat. per sanguinis missionem, nec tantùm sanguinem mittere ut refrigeret, sed ut plethoram & humores vacuet. Mihi videtur tamen Galenus, etiam ardentes febres complecti, tum quia generaliter in ardentissimis febribus hoc remedium celebrat, non sunt autem synochi ardentissimæ, cum quæ ardentes vocantur, syncho sint fervidiores, unde quamvis inter calidissimas febres sanguinea sit recensenda, tamen caufos semper fervidior haberi debet. Deinde addit post ejusmodi vacuationem subsequi sudores, vomitum, interdumque alvi dejectiones; quæ spontaneæ vacuationes magis conveniunt ardenti quam sanguineæ, quæ solâ plethoræ imminutione videtur posse sanari. Præterea in summis doloribus eandem vacuationem commendat; Certum autem est horum plurimos & maximos esse à bile. Maneat igitur ratum, non tantum in syncho, sed etiam in ardente sanguinem ad animi deliquium ex Galeni sententiâ mittendum. Sed quoniam



superiùs tutiorem esse repetitam vacationem pronuntiavimus, idem hic dicendum arbitror, ut caveat Medicus quantum fieri poterit à lipothymia ob rationes recensitas.

xv. Sed ante venæsectionem molli enemate, blandoque pharmaco, tum intestinorum, tum primæ regionis illavies expurgetur, ne in locum sanguinis putridi trahatur in venas. Aëcius probat clysterem ex ptisanâ, cui recentiores addunt succum lactucæ, cucurbitæ angurix, imo quolibet die ejusmodi clysteres injicere utile erit. Rabbi Moses præparat ex aquâ tantum & oleo. Ipse Oribasius 7. Collect. laudat clysterem ex aquâ purâ frigidâ. Sed nos non nisi ex variis herbarum decoctis enemata præscribimus, majori quidem cum fastu, sed non majori cum utilitate. Deinde præscribatur blandum catharticum ad humores qui turgere solent evacuandos, non enim coctio expectanda est, cum humores impetu quodam moveri soleant. Sic docet Hippoc. aph. 29. lib. 2. Cum morbi inchoant, si quid videtur movendum move. Et aphor. 24. In acutis raro & in principis purgandum. Galenus 4. acut. prima interdum die, secundâ, quartâ, ac quintâ medicamentum dedit. Sint autem purgantia mitiora, ideo vitanda quæcunque scammonium recipiunt. Rhabarbarum & myrobalani secundum Rondeletium, nocent morbis biliosis, nisi vi adstrictoriâ quam habent spolientur, ut si rhabarbarum in aquâ endiviæ infundatur. Manna quoque, quia dulcis cum sit facili in bilem vertitur, minùs convenit. Sed cassia quia humida est, saporemque habet acidum, non est contemnenda. R̃ prunor. Par. iij. passular. mundat. ʒ ss. folior. endiv. lactuca ana M. j. folior. portul. scariola ana M. ss. tamarind. ʒ j. seminum frigid. major. ʒ j. flor. violar. P. j. f. decoctio pro dosi in qua infunde rhab. ʒ j ss. express. adde Cassia ʒ vj. syr. rosar. solutivi ʒ j. f. potio. Plurimi serum lactis commendant in quâcunque febre biliosâ continuâ, temperat humores biliosos eosque evacuat, poteritque in eo infundi rhabarb. ʒ j. Bileeductâ, & primâ regione evacuatâ vena secari potest, sed si urgeat sanguinis mittendi occasio, etiam ante potionis, clysterisve usum mittatur. Quod si bilis non turgat, primum præparari & concoqui. Deinde evacuari debet medicamento dicto eradicante. Præparabitur julepis, apozematis & syrupis. R̃ aquarum lactucæ, nymphææ, cichorii, sempervivi ana ʒ ij. vel decocti harum herbar. ʒ viij. syr. limonum, de cichorio ana ʒ j ss. f. vitrioli guttas vj. M. f. julep. ut cap. de tertianâ exquisitâ abundè diximus. Sed maximè laudantur à Mesue & Averrhoë aquæ angurix, & cucurbitæ; Illicò



Illicò sanguinis æstum extinguunt, & febrem placant. Aquam anguriz frigidiorē aquā nive refrigeratā statuit *Averrhoes*, quia non tam citò incalescet, & sanguinem generat temperatiorē, quod aqua pura non præstat. Distillatur anguria instar aquæ cichorii, vel *℞ sac- ci anguriz* ℥ ij. *sacchari* ℥ ss. *coquantur*. Cucurbita vero maza involuta clibano coquitur, & aqua intus natans colligitur. *℞ hujus aquæ vel succi expressi* ℥ v. *sacchari* ℥ iij. *decoq. simul*. Excellentissimum est ad febres ardentē remedium, quo Nobilem quendam à Judæo Medico confectum persanatum scribit Sylvius comment. in Mesuen. Valet insuper ad gutturis asperitatem & pleuritiden.

xvi. Ad bilem præterea alterandam maximè commendatur frigida potio, de quā multa diximus. Id restat inquirendum, quo morbi tempore sit exhibenda. Certum est post signa coctionis apparentia scilicet in statu esse utilissimam & tutissimam, nam & refrigerat & crisin promovet. Sed *Averrhoes* 7. *Colliget*. 8. quocunque morbi tempore eam exhibet, in febre ardentissimā, nam cum ardentium varii sint gradus, non in omni ardente statim frigida exhibenda, sed tantum in eā, quæ ob sui vehementiam periculum colliquationis, & exsiccationis partium solidarum infert, citius enim consumetur, *inquit*, quam concoctio appareat, quod si concoctio expectetur, forsan nulla erit, humores comburentur, tuncque frigida potus non proderit. Deinde in ejusmodi febre, humor biliosus cum extremè calidus sit, nec crassus est, nec viscosus, nec etiam crudus, nisi ob extremum calorem, qui dum à frigida largo potu emendatur, bilis ipsa statim cocta apparet. Demum melius est febrem immutare in longam, & chronicam, quam ut homo ante coctionem pereat, nam damnum ex alteratione emergens levius est periculo mortis. Testaturque *Rhazin* dominum & servum curasse, servatumve fuisse dominum aquæ potu: servum verò mortuum, quod aqua ipsi fuisset denegata. Quibus ratio-  
Mercurialis re-  
futatio.
nibus conatus est Mercurialis respondere. Cum enim, *inquit*, aqua frigida non tantum ad extinctionem caloris febrilis, sed ut naturam ad humorum putridorum expulsionem roboret, præbeatur, non debeant autem humores ante coctionem vacuari, pariter nec aqua frigida ante coctionem danda erit. Quapropter cum aliis remediis exsiccationem illam prohibere possimus, non erit aqua propinanda, in humore crudo. Nec credendum posse humorem febrilem ab aquā concoqui, cum potius secundum *Hippocratem* aqua coctionem



nem prohibeat. Atque dum humor crudus est, periculum impendet ne calor naturalis suffocetur, morbusque periculosior evadat. Historia *Rhazis* frigida quidem usum commendat, sed non probat dari eam debere ante coctionem. Sed non negat *Averrhoes* coctionem expectandam quantum fieri potest, id enim eodem capite profitetur, venam in febre quæ extremum possidet caloris, ne majora ex calore damna subsequantur, bilem statim extinguendam profitetur; sic dicit *Avicennas* febrem interdum tantæ esse vehementiæ, ut indigeat refrigeratione extremâ, & curandi rationem non expectet. Urgentiori enim semper occurrendum. Nam quod exsiccatio febrilis aliis remediis possit præcaveri, id sanè verum est, sed ea vim aquæ possident, id est refrigerant simul & humectant, atque in eo casu, quem *Averrhoes* proponit, non possunt bilem abundè temperare, nisi affatim & copiosè instar aquæ frigida sumantur. Tuncque arbitror non habebit *Averrhoem* repugnantem, si ea copiâ & quantitate refrigerantes potus exhibeat, ut id præstent, quod aqua frigida eadem quantitate potâ præstitisset. Vult enim *Averrhoes* omni arte in hac febre refrigerandum esse quod si aqua non placeat, modo id julepis & syrupis fiat, perinde est. Ideo de hoc diutius non disceptabimus.

xvii. Concoctâ materiâ si natura crisin molitur, sufficienterque excernat, sinenda est, debetque Medicus esse naturæ bene agentis spectator otiosus. Quod si reliquiæ à crisi imperfectâ supersint, purgari poterunt cholagogis remediis, *sennâ, rhabarb.* aliisque quorum formulæ ex cap. de tertiana repetantur. Post purgationem alterandæ sunt corporis partes internis, & externis. *R. conservæ rosar. violar. nymphaeæ ana ℥ iij. pulveris diamarg. frigidi, triasant. ana ℥ j. coralli rubri, crystalli pulveris. ana ℥ j. spir. vitrioli guttas iij. cum syr. de cichor. f. opiata.*  
*R. pulverum prædictorum triasant. diamarg. ana ℥ j. diarhod. ℥ ss. margarit. ℥ ij. coralli ℥ j. ossis de corde cervi ℥ j. trochiscor. de camphora ℥ j. sacchari aqua rosar. dissol. ℥ vj. f. tabella.* Externa sint epithemata, unguenta. *R. aquar. endiv. cichorii, nymphaeæ, hepaticæ ana ℥ iij. aceti ℥ j. trochiscor. de camphora ℥ ss. pulveris diarhod. triasantali ana ℥ j. f. epith. jecori vel cordi applicandum.* Solent plurimi epithematis adicere pulveres margaritarum, corallorum, lapidum pretiosorum, ossis de corde cervi, qui in utiles plane sunt, quod earum virtus eo non penetret, cum vix certum sit an hæc in corpus assumpta, quicquam prosint, unde simplicissimum epithema ex solis aquis cum aceto, sæpe non minùs utile est, imò

&amp;



& melius, quia tamen hæc non nocent, & magnatibus placent, addi possunt, ut si prædicto epithemati addas *rasura eboris*, *cornu cervi ana 3 ss.* *pulveris diamarg. 3 j.* *coralli rub. fragmentor. pretiosor. ana 3 j.* *margarit. crystalli ana 3 ss.* *croci 3 iij. f. epithema.* Ungantur renes, cerato *santalino*, vel refrigerante *Galenii*, vel unguento *rosaceo*. Testiculis quidem eadem epithemata possunt applicari, ob maximum quem habent cum universo corpore consensum, sic refrigerantibus testibus ad motis, hæmorrhagia statim undequaque prodeat, conquiescit, interiusque ardor extinguitur. Extremorum quoque lotiones multum conferre dicuntur, ob eundem consensum magnum quem habent cum universo corpore, propter vasorum, nervorum, venarum, & articularum congeriem, maximeque si æger insomnis sit, utiles sunt, & *lactuca*, *violar. sempervivi*, *portul. salicis*, *cucurb. ana M. ij.* *flor. nymph. rosar. viol. ana P. ij.* *sem. papaver. albi 3 ss.* decoq. in aquâ ad lotionem brachiorum, & crurum. Cautè his topicis utendum. Cum enim frigida sint, periculum est ne oclusis poris fuligines retineantur, ideo præsentē plenitudine non sunt admovenda, nec ante statum, & si febres paroxysmos habeat: non in principio accessionis, sed tantum in vigore, tepidaque potius sint, quam valde frigida, quæ maximè omnium vitanda sunt, si crisis immineat. *Varignana* in secretis laudat portulacam tritam, cum farinâ hordei subactam stomacho & hypochondriis admotam.

xviii. Tandem balneum universum corporis habitum præclare refrigerat; Illis propterea convenit ex *Aëtio & Paulo* qui citra phlegmonem, vel erysipelas ægrotant, ubi apparuerint signa concoctionis; Si verò æger juvenis sit, carnosus, *Corax*, cœli status calidus, siccusque, vires valentes, concoctionisque notæ affuerint, frigida natatio utilis erit, protinus enim inquit *Galenus* in *method.* sudabunt, nonnullis eorum alvus biliosa redditur. *Alexandri* consilium videtur tutius, ut tepentis aquæ solium paretur, aqua enim tepens humectat non calefacit, plurimos vapores fervidos discutit, illicque poterit immorari dum aqua paululum refrigeretur, non autem ut rigeat. In medio-cris quoque febre tutius est tepentis aquæ balneum, quando vires sunt paulò debiliores; concoctionisque notæ adsunt. At sicut veteres in omnibus ferè febribus balneo utebantur, ita nos eo nunquam aut saltem rarissimè utimur, præterquam in hæcticis.

xix. Est alia febris ardens à phlegmate salso genita, quæ spuria vocatur.

H h

catur.



*Ardens  
Spuria.  
\**

*Error Ga-  
leni &  
ejus in-  
terpretum*

catur. Fit autem pituita falsa secundum *Galenum* à putredine, aut falsa serosa humiditatis permissione. *Avicennas* à bilioso & adusto humore cum pituita permisto fieri voluit, ita ut sit similis generationi lixivii. Dicunt alii amara humore aqueo diluta non falsa evadere, sed amarescere, idque se expertum esse dicit *Valleriola*, dum fel aquæ admisceret, propterea *Galenus* sententiam certiorē esse, fierique pituitam falsam, aut ex putredine, aut falsæ serosæ humiditatis admistione, sic aqua dulcis longâ coctione falsa evadit. Sed mihi videtur *Galenus* nihil docuisse, nam primò certum est permissionem humoris falsi inficere eodem sapore universum liquorem cui permiscetur. Secundò non docet unde falsedinem contrahat serosa humiditas, quæ pituitæ debet permisceri, putredo enim sola non potest facere falsedinem, nisi humores putridi & adusti permisceantur sero; Tertiò cur dicit febrem ardentem fieri à pituita falsâ, non autem ab ipso falso, nam ex illo colligi videtur, pituitam quæ primò dulcis erat admistione falsi humoris falsam evadere, sicque febrem ardentem facere posse, at hæc pituita minùs falsa erit, minùsque calida ipso sero falso, cujus tantum permissione falsa evasit, sicque serum falsum febrem generabit ardentiorē quam pituita falsa. Demùm explicandum erat unde serum falsedinem contrahat, nam sola putredo id facere non potest ut diximus. Verior igitur videtur sententiâ *Avicennæ*, non enim intelligit quodlibet amarum, sed amarum adustum, & falsum, bilis autem adusta, ad atram bilem accedit; Et hujusmodi bilis vehementer adusta sero permista falsum generat saporem, unde videmus vix unquam quam in valde calidis & biliosis hujusmodi humorem falsum defluere è capite in os, maximè in hypochondriacis, & sic ardentem hanc non à pituita ipsâ sed è sero falso humoris adusti & quasi atrabilarii permissione genito, fieri credendum, quod serum pituita vocari non debet, cum à phlegmate differat. Quando inquit *Hippocrates*, venulas arefactas attrahere ad se biliosos ichores, nihil diversum dixisse visus est, cum ichores & serosi humores mistione bilis adustæ fiant falsi. Nec obstat eundem *Hippocratem* describere 4. acutor. duo genera *καυστῶν*, primum in quo lingua amara est à biliosis ichoribus genitum, alterum in quo minora sunt symptomata, & lingua falsa est, nam hæc duo ardentis genera ipsâ causâ non differunt, sed tantum secundum magis & minus, non enim solent humores æqualiter semper accendi, deinde in priori humor biliosus minus est sero dilutus, in poste-



posteriori verò multa adest cum bile humoris serosi permistio, à quo falsedo provenit. Præterea non est necesse quamvis lingua sit falsa, falsum humorem esse in venis, nam sæpe distillat humor tenuis falsus serosus in fauces, in iis qui temperamento sunt fervidiori, & hypochondriacis, cum reliquum corpus, non pituitâ, sed bile retorrída abundat, ita ut sapor oris falsus non sufficiat ad probandum huiusmodi febrem à pituitâ generari. Quod si pituitâ putredine falsedinem acquirit, cur putrescens in quotidianis febribus, in lethargo, demum in constitutione pituitosa falsa non apparet, sed tantum adest, in temperamento fervidiori, maxime bilioso, quando humores biliosi torrentur & aduruntur. Verius est igitur à pituitâ ardentem febrem non generari, & hunc nothum *καὶ* esse à bile adusta, sed multo sero permista, aut etiam à sanguine ipso, cum quo huiusmodi serosus humor plurimus permiscetur, ut sæpe venâ sectâ sanguis serosus, & ichorosus cernitur. Unde etiam secundum *Hippocratem* sanguinis è naribus profluvio iudicatur. Igitur quamvis ejusmodi ardentem spuriam concedamus à falso humore proficisci, negamus tamen eam fieri à pituitâ, cum serum non sit pituita, sed potius à bile valde adustâ, quæ sero permista ipsum falsum reddit, quod si sero non misceretur, forsan non multum ab atræ bilis naturâ distaret. Nec valet humoris amari mistione tantum amarescere liquorem, non contrahere falsedinem. Est enim humor ille biliosus non simpliciter amarus, sed valde adustus, & acris saporis, unde non mirum si mistione humoris falsedo contingat, ut cum cineres aquâ diluuntur; unde concludo hunc *καὶ* tantum à priori differre, quod humor biliosus adustus sero sit dilutus, minusque acris redditus, sed reverâ ab eodem humore fieri, hinc fit post multas inedias omnesque causas quæ humores accendere possunt, quæ causæ in pituitosis corporibus pituitam dissipant, non autem eam falsam reddunt, aliàs in pituitosis morbis calidorum usus pituitam falsam redderent, quod tamen non fit, quin potius morbos omnes frigidos curant & pituitam resolvunt. Cum igitur humores hi sint calidi sicci febrem accendere possunt, quæ hominem exurat sitimque magnam inferat. Legitima ardens ea est secundum *Galenum*, quæ omnia habet ardentis symptomata, febrem, sitim, linguam aridam nigram. Spuria verò in quâ quædam symptomata deficiunt, in qua *Hippoc.* loco citato linguam dixit esse aridam siccam, sed non nigram, verum potius falsam, cæteraque symptomata minora sunt quam in legitimâ. Si falsam

H h 2

oppo



opposuisset, summus præceptor amaræ, conijcere possemus cum *Galenus* fieri hanc febrem ab humore falso, sed falsam opposuit nigræ, cum potius albam dicere debuisset, si sit à pituitâ, nam sapor non opponitur nigro. Sed tantum omisit nigram, non opposuit falsæ, ut ostenderet solum intentione à priori legitimâ differre, non autem humore febrem generante. In eo igitur, inquit *Hippocrates*, lingua arida est, sicca, non nigra, sed falsa, quia minor ardor est, unde reliqua symptomata minora sunt quam in ardente legitimâ. Judicatur ex *Hippocr.* sanguis ex naribus profluvio, quod *Galenus* ait esse valdè mirum, aut abscessu per parotidas, aut sputo crasso, præsertim si pulmo fuerit affectus. Ut ait *Galenus* in *comment.* caput incalescens sanguine repletur, inde sanguinis per nares effluxus, aut abscessus. Expuuntur crassa criticè, dum pulmones afficiuntur, cocto jam morbo, ac interdum urinæ difficultas succedit.

*Curatio.*

xx. Curatio eadem ac in ardente, nisi quod volunt minus esse refrigerandum, sanguis mittendus si vires ferant, urina rubra sit & crassa, aliàs non, corpus vacuandum, humor temperandus sero lactis, aquâ hordei, decocto aut emulsione seminum frigidior. malvæ, liquirit. adiant. cichorii, solet enim adesse quædam stranguria, ideo juvanda est istis urinam temperantibus. Deinde purgetur cassiâ, syrupo rosarum solutivo, manna & similibus. *Rx borrag. buglosi cum toto, endivia, scariola ana M. j. lupuli M. ss. flor. cordial. P. j. passul. sebesten ana Par. v. liquirit. ʒ ss. sem. frigid. major. ana ʒ ss. f. decoctio ad t̄b j. diss. syr. de cichorio simpl. de pomis ana ʒ ij. syr. capilli veneris ʒ j. f. apozema. In cuius ʒ iiij. si infundas & coquas rhabarb. ʒ ij. senna ʒ iiij. & expressione factâ dissolve cassia, manna ana ʒ ss. syr. rosar. solut. ʒ j. fiet potio purgans. Conveniunt deinde alterantia, electuaria mollia, solida ex conservis, pulveribus prædictis cum confectioe alkermes, de hyacintho & similibus. *Rx conservæ rosar. violar. borrag. ana ʒ iiij. pulver. de gemmis, triasani. ana ʒ j. confect. alkermes ʒ ss. magister. perlar. & corallorum ana ʒ ss. cum syr. violato f. opiata.* Conveniunt etiam epithemata refrigerantia superius descripta. Aquæ potus nullus veterum hic meminit præter *Alexandrum*, qui negat in hac febre convenire. Postremum in hac febre curandâ est balneum aquæ dulcis, de quo disceptatur an conveniat. *Galen. 3. de rat. vict. acut.* negat convenire in ardente, quæ sit ab humore falso. *Avicennas* contra magis convenire vult quam in legitimâ. Conciliant hos aucthores plurimi, qui dicunt balneum non convenire, nisi post concoctio-*



tionem, quia materia crassa jam concocta per balneum commodè potest evacuari. Debet autem esse tepidum ut resolvat, & attenuet humorem crassum. Et hæc de febre ardente.

## CAP. V.

*De febribus pituitosis.*

**EX** variis pituitæ speciebus oriuntur febrium pituitosarum omnia genera, quotidianæ, continuæ, intermittentes, diurnæ, nocturnæ, epialæ, syncopales, de quibus sigillatim agendum. Febris quidem quotidianæ veteres, excepto Platone, non meminerunt, nec apud Hippocratem ejus nomen extat, forsitan quod putarit omnem febrem esse à bile, vel ut ait Galenus 3. epid. textu 64. sub nomine nocturnæ & diurnæ eas complexus est. Nam liber secundus de Nat. humanâ, ubi quotidianæ fit mentio, non est Hippocratis. Vocatur à Græcis ἀμφημερίς. Galenus cap. 8. lib. 2. de diff. febr. non probat eos qui febrem hanc vocabant καθήμενος, quod nomen apud quempiam veterum reperire non licet, sed vult dici ἀμφημεριος absolute, quæ intermittens est, & ἀμφημεριος συνεχῆ eam quæ non intermittit. Quotidianæ autem nomen duobus modis sumitur. Primò generaliter omnem febrem significat quæ singulis diebus repetit, à quocunque denuum humore fiat, ut duplex tertiana, triplex quartana, ut apud Celsum lib. 3. cap. 18. & 27. Nec videntur veteres febrem à pituitâ cognovisse. Author lib. 2. de Nat. humana, qui si Hippocrates non est, inter vetustissimos tamen est recensendus. Quotidianam à plurimâ bile fieri statuit. Et lib. 2. de morb. febris, inquit, ex bile quotidieprehendit, & admittit, καθήμενος, unde forsan deductum nomen καθήμενος, quicquid Galenus de hoc nomine dixerit. Propriè verò apud Medicos febris ea quotidiana vocatur, non solum quæ singulis diebus redire solet, sed quæ fit ex humore pituitoso, qui humor sive naturâ suâ, sive ob copiam singulis diebus repetere solet. Nam quod duplex tertiana quotidie invadat, id dicunt esse non ex naturâ febris, sed quod duæ sint febres ejusdem generis diversis diebus affligentes, ex humoribus in diversis locis putrescentibus ortæ, qui diversis diebus moventur. Id autem quamvis possibile sit, ut observare licet in iis, quæ quamvis singulis diebus affligant, proportionem tamen habent tertiani circuitus.

Hh 3

Non



Non negandum tamen bilem ob causas à nobis superiori libro recensitas, ita posse incrementum & augeri, ut singulis diebus moveatur, eoque magis cum quotidiana satis frequenter observetur, & certissimum sit febrem à pituita esse adeo raram, ut eam veteres non videantur cognovisse. Sicut pariter negandum non est, posse quandam pituitæ speciem tertiano & quartano circuitu moveri, ut alibi diximus. Ordinariè tamen pituita cum febre facit quotidie moveri. Ideo cum satis de biliosis febribus hæcenus dixerimus, hic sub quotidianæ nomine agemus de pituitosis.

*Differen-  
tia.*

II. Dividitur in intermittentem & continuam, quamvis rarò intermittere soleat, aut saltem in perfectam non desinit *ἀνὰ πρῶτον*, quia humor pituitosus, cum sit crassus, tenax, & copiosus, rarò per sudores digeritur, ut docet *Gal. 2. de diff. feb. 4.* Utriusque causa est pituita, quæ si in magnis vasis putrescat, continuam, si extra vasa, faciet interpolatam.

*Causa.*

III. Causæ itaque quæ pituitam generant istius febris causæ sunt. Eæ autem vel materiam suppeditant, ut cibi frigidi humidi, crassi, lenti, concoctu difficiles, & multo humore crudo abundantes, cibis item plenior, & liberalior, potus largior ac intempestivè priore nondum concocto assumptus. Vel efficiunt, ut corporis constitutio frigida humida, ut in senibus, mulieribus, aut iis qui ventriculum, vel hepar aut naturâ, aut usu causarum refrigerantium frigidum habent, hyems, otium, somnus nimius. Vel genitum hunc humorem retinent, ut suppressa per nares, per os aliasve partes, hujus humoris vacuatio. Accidit igitur iis quibus pituitæ copia inest, naturâ vel ætate humidis, obesius, mulieribus, eunuchis, senibus, infantibus, & iis qui vel otio, vel somno longiore, vel crapula, edacitate, ebrietate, humidioribus cibis, vel crebris balneis, cruditis & pituitæ copiam congefferunt, maxime vero hyeme, frigidis regionibus, & pluvioso Cælo. Generatur rarò citra ventriculi, aut hepatis offensionem, in his enim duobus locis pituita generatur, vel ex debili & imminuto viscerum calore, vel cibi frigidity & copiâ, unde juvenum biliosâ & siccâ naturâ præditum tali febre correptum Galenus se non vidisse scribit, 1. ad *Glauc.* Unde rara quoque hæc febris est, nemo enim adeo pituitâ refertus est, quin bilem quoque plurimam habeat, unde rarò exquisita quotidiana cernitur.

*Signa  
calor.*

IV. Signa ex supradictis fontibus repeti possunt. Calor est debilis vapo



vaporosus, cum quâdam acrimoniâ, quæ non statim, sed tantum longo manus contactu percipitur, estque calor quasi in humore suffocatus, qui propterea quasi per cribrum transmissus inæqualiter manum *Vrina.* Medici ferit. Rationem reddit *Galenus*, quia cum humor lentus sit & crassus, difficulter extenuatur, unde neque totus, neque æqualiter accenditur, unde calor redditur inæqualis. *Secundò* urinae in principio crudæ sunt, albæ, tenues, aqueæ, procedente morbo crassæ, solutis obstructionibus, quia humor morbosus permiscetur sero, quâ etiam ratione interdum rubicundæ sunt. *Tertiò* pulsus sunt parvi, debiles, *Pulsus.* rari, & minores quam pulsus quartanarum, inordinati & inæquales in principio accessionis, idque quia pituita frigida humida, copiosior est in corporibus nostris, unde calor in ea non potest habere *καλαμψον*, & ideo facultas velut consopita est, & arteria humoris copiâ impedita, ut dilatari & constringi faciliè nequeat, nec usus & necessitas admodum urget. Tarditas verò pulsum in quartanis & quotidianis æqualis esse videtur. Sed pulsus quartanarum sunt rariores pulsibus quotidianarum, sicut pulsus quotidianarum rariores sunt pulsibus tertianarum, & ratio est quia pulsus in quartanis majores sunt, quàm in quotidianis, unde magis expletur usus in quartanis quam in quotidianis, hinc fit ut quod in magnitudine deest, frequentia compensent. Rariores igitur sunt pulsus quartanarum, sed majores. Frequentiores verò sunt pulsus quotidianarum, sed minores, sed in utrisque sunt æquè tardi. Malè igitur scriptum est libro de typis, in quotidianâ esse pulsus magnos; in statu verò pulsus sunt celeriores & frequentiores, ob calorem acutum qui magis refrigeratione indiget. Atque hæc quæ de pulsibus ex *Galeno* diximus, mihi videntur esse ipsius Galeni contemplationes, quomodo enim cognoscere possumus has varias differentias pulsus in variis subjectis, in quibus variis ex causis pulsus immutari solent, nec febres sunt ejusdem semper vehementiæ, nam quidam gravius, alii levius ægrotant, ut si Petrus graviter ex quotidianâ, *Paulus* leviter ex quartanâ laboret, non potest fieri comparatio inter pulsus istarum febrium in ejusmodi ægris. Sufficit id scire in quotidianâ pulsus esse parvos, debiles, sed crebriores quam in quartanâ, in quâ impossibile non est, pulsus esse eosdem ac in quotidianâ, quo ad parvitatem & debilitatem, nisi fieret comparatio inter duos ejusdem temperamentis, sexus, ætatis, habitus, quorum unus quotidianâ, alter quartanâ æqualiter laborent, aliter prædicta *Galen*i comparatio incerta est, &

*Diffo-  
rum Ga-  
leni consi-  
deratio.*



*Præsentia  
febris.*

& non nisi quâdam ratiocinatione, potius quam ullo experimento cognita. *Quarid* febris hæc incipit sine punctione, rigore, sed tantum cum refrigeratione, præterquam in Epialo, in quâ fit rigor à pituitâ vitreâ. Hic autem humor quia frigidus crassus, difficulter accenditur, propterea incrementum febris longiusculum est, status pariter sine siti, multoque calore, nec linthea ægri à se abiciunt. Declinatio primis diebus est sine sudore, propter humoris crassitiem; at tandem materia concoctâ & attenuata in sudores sed paucos solvitur, & raro in perfectam desinit *ἀποψέλει*, estque accessio ad minimum horarum octodecim. *Quind* præcellerunt causæ pituitam generantes, facies sublivida est & subhumida, color ex pallido albus, corporis gravitas, ad somnum inclinatio, plurimæ adsunt cruditates, ventriculus est imbecillior, dejecta appetentia, ructus acidus, capitis adest gravitas ob copiam vaporum, à quibus quoque inexpugnabilis oritur dormiendi necessitas, plerumque in principio ob debilitatem stomachi animus defectione, aut syncope languescit, nam propter offensionem oris stomachi, & inappetentiam sequitur nutritionis defectus, totius corporis, & spirituum imbecillitas, ac demum syncope. Præterea hypochondria inflantur, & distenduntur, vomitus dejectionesque pituitosæ interdum succedunt. Quibus adde præcedentem victus rationem, ætatem, regionem, æris constitutionem frigidam humidam, pituitæ feracem, & reliqua dominantis pituitæ indicia. Quibus interdum id accedit, quod quotidianæ sunt epidemicæ, & vulgares.

*Differen-  
tia quoti-  
diana ab  
hectica.*

v. Cum autem quotidiana continua, quam laticam vocat *Avicennas*, sit febris hæctica simillima, ita distinguuntur, quod in quotidiana calor est semper sui similis, in hæctica sub noctem & post cibum augetur. *Secundò* pulsus in hæctica est durus, in quotidiana mollis & latus. *Tertiò* cutis pariter est mollis in pituitosis, dura, squalida & arida in hæctis. Demum causis differunt.

*Prognosis.*

vi. Prognosis quod spectat; febris hæc longa est & periculosa; Longa quidem quia pituita crassa est viscida, copiosa, quæ non potest facile nec citò à naturâ superari. Periculosa verò, tum quia ob debilitatem ventriculi syncope facillimè succedit, tum quia jecur, splen, facile trahantur in consensum, sicque fit hydrops ex *Averrhoë*, tum denique quia assidue, aut saltem quotidie affligit, ex *Stephano Atheniensi*, nullas ideo naturæ affert inducias, sed eam perpetuò gravat. Mi-  
nus



nus tamen gravius est quæ sit à pituitâ in intestinis putrescente, quia levi medicamento, aut enemate, potest sanari, cum hæreat pituita in viis excretioni dicatis. Et quo exquisitior, eò diuturnior est, ac periculosior, ob corporis imbecillitatem, duratque ad dies quadraginta, nonnunquam & menses tres, interdumque plures. Quartana tamen longior esse solet, quia pituita minus tenax est & rebellis, naturæ magis amica, à quâ facilius alteratur & edomatur, quam melancholia. Securius ea est, cujus intervalla sunt manifesta, & quæ sudoribus liberè & liberaliter solvuntur, quod rarum est, ostendunt enim materiæ tenuitatem, corporis rationem, & virtutis sive caloris nativi robur, ex *Avicennâ*. *Secundò* si Medicus observaverit humorem esse crassum, copiosum, viscosum, tempus anni frigidum humidumque, ætatem, temperiemque pituitosam, paroxysmum longum, cum paucò aut nullo sudore, stomachi imbecillitatem, anorexiam, somni profunditatem, naturamque debilem, hypochondriorum inflationem, periturum ægrum pronuntiabit, contraria autem signa salutem portendunt; *Tertiò* sternutationes post statum bonæ & salutes, quia ostendunt naturæ supra morbum victoriam? *Quartò* solvuntur frequenter quotidianæ febres vomitibus, & excrementis pituitosis, tum per dolores articulares, metastasi humorum ad articulos factâ.

VII. Quod curationem spectat; refrigerandum non est & humectandum ut in aliis febribus, quia materia frigida est, crassa, tenax, ideoque præparanda est calefacientibus & attenuantibus, quod si bili admista sit, aliquid refrigerantium admiscendum est, ut in tertianâ nothâ, deinde humor vacuandus, partes nobiles roborandæ. *Curatio.*  
*Victus ratio.*  
 Victus itaque sit tenuis & incidens propter pituitam. Aër calidus siccus vel naturâ vel arte. Cibus eupeptos, propter ventriculi & jecoris debilitatem, & extenuans propter pituitam. Panis sit optimè coctus & fermentatus cum aniso subactus. Carnes sint avicularum, pullo-  
 rum, juniorum columbarum, perdicum, assæ potius quàm elixæ; imò optimum erit abstinere carnibus ob stomachi languorem, earumque loco jusculis uti, in quibus radices *apii, fœniculi, petroselin. hyssop. thymus, majorana, salvia, incoxerint*. Abstineat pariter ab oleis frigidis, à piscibus, nisi sint saxatiles, grandiores, delicati, quibus etiam parcè utendum, quamvis *Trallianus*, utatur piscibus salsis, encatherâ, hydrogaro, & vino aquoso. Fugiat usum leguminum, lactis, casei, omnium lacticiniorum, fructuum immaturorum, horæorum crudorum.



dorum. Sed asparagi, avellanæ, cappares, olivæ, passulæ, ficus, pistacia, strobili conveniunt. Potus sit ptisana, quæ quamvis refrigeret, & humectet, tamen quia attenuat, absterget, alvum lenit, propinari potest, præcipuè si pipere, cinnamomo, & aliis ejusmodi alteretur. Dubium est an vinum competat, periculum enim est ne febris augeatur. Vinum tamen concedunt *Valescui*, & *Averrhoes*, quia concoquit, aperit, urinam provocat, modo sit album, tenue: Et enim si calida conceduntur, ut *cinnam.* *petros.* *anisum*, *cuminum*, *ruta*, quidni vinum, quod naturæ est magis amicum & familiare, ac ventriculum roborat. Alii vinum quidem non probant, mirantur tamen cur Medici ab eo abstineant, cum remedia vino calidiora interdum præscribant, ut mulsam cum origano, thymo, aromatibus, quæ vino diluto & aquoso sunt calidiora. Alii id fieri respondent ob summam penetrandi vim quam vinum possidet, cum promptè in venas, & arterias rapiatur, caputque vaporibus repleat. Sic podagrici jubentur à vino abstinere, cum tamen interea calidioribus utantur. At hæc vini incommoda minùs percipiuntur in melancholicis, & pituitosis febribus, ob humoris crassitiem & frigiditatem, quapropter tutò tum vino, tum reliquis calidioribus utemur in his febribus. Quod si vinum non arrideat, potest pro potu mulsæ propinari. Quatenus autem pertinet ad tempus nutriendi & quantitatem alimenti *Celsus* triduo primo ab omni cibo jubet abstinere, quæ erat hæreticorum diatritariorum consuetudo. *Avicenna* quoque primis diebus tenuem victum instituit, & solâ ptisanâ contentus est, sed post diem septimam transit ad victum pleniorum, quod adversatur *Hippocrati*, qui jubet ægros in principiis morborum plenius, circa statum vero tenuius nutriendos, ut diximus superius. Quod si pituita fuerit acida, aut dulcis, tenuior victus imperandus, ut à naturâ coquatur, si vero fuerit salsa, plenius. Est enim coctioni inepta. Somnus brevis sit, nunquam diurnus, ne cruditates augeat. Motus convenit potius quam quies, sicut & ægrum ad iram concitare: Sicque cætera quæ ad diætam spectant ad has indicationes referantur, scilicet ut calefaciant, & attenuent, ac incidant. Unum notandum est quod scripsit *Aristoteles* coitum morbis à pituitâ plurimum conferre, nocere tamen febri quotidianæ; Est enim sententia Philosophi vera, quando calor innatus plurimus est & fortis, ita ut spermatis emissionem non debilitetur, & quando in corpore nec putredo adest, nec ad putredinem præparatio,

cum



cum autem ægrorum corpora in pituitosis corporibus, & calorem habeant debilem, & sint putridis referta humoribus, atque ad ulteriorem putredinem valde disposita, ipsis omnis veneris usus nocivus erit & exitialis.

VIII. Victu instituto curatio instituatur præparantibus, vacuantibus humorem pituitosum, hepar, ventriculumque roborantibus. Sed ante omnia alvus lenienda; in quâ solet magna pituitæ copia stabulari, primumque injiciatur clyster, qui paulò acrior esse debet, quia facultas expultrix humoris copiâ sopita est, non sit tamen acris nimium, quia ob imbecillitatem facilè cadunt in syncopen. *Be malva, parietar. mercurial. ana M. j. origani, ruta, hysopi, ana M. ss. passul. ficuum, ana Par. x. sem. anisi, fœniculi ana ʒ ij. florum cord. chamam. ana P. j. furfuris in panno raso ligati P. j. decoque in aqua hordei ad lb j. in Colat. dissolve mellis rosati, sacchari rub. ana ʒ j ss. olei chamam. ʒ ij. M. f. clyster.* Procedente morbo fortiori erit agendum, addendo agaricum, carthamum, diaphœnicon, benedictam, hieram, & similia, nisi metus sit de alvi profluvio, quo febris hæc non rarò solvitur, tuncque abstinendum ab acrioribus. Potest etiam blandis pharmacis pituito è primâ regione vacuari, nisi sit nimium tenax, tunc enim prius præparanda. *Catholic. diaphœn. mel rosat. solutivum, Cassia cum pulvere mechoacanna utilia sunt.* Quæritur hic an *Vena-* venæ sectio conveniat, nam nec à *Galeno, Aëtio, Paulo, Averrhoë*, alio- *sectio.* ve authore commendatur, Actuarius ex professo improbat. Cum enim humor sit frigidus crudus, à naturâ sanguinis valdè alienus, viresque sint valde debiles, piaculum est cum sanguine calorem nativum profundere. *Avicenna* tamen phlebotomiam non improbat, si urina crassa sit & rubicunda. *Galenus* ipse sanguinem mittit in omnibus putridis, si adsit morbi magnitudo, viriumque robor, tunc sanè vena secari poterit. Neque adeo metuenda est humorum crudorum copiâ, siquidem cum duobus prædictis non possunt adeo humores crudi dominari, ut hoc auxilium prohibeant. Spectandum igitur num vires & ætas consentiant, quod rarò in exquisitâ quotidianâ accidit, quia ab humore crudo in senibus, pueris, anni tempore frigido contingit, at phlebotomia corpus magis refrigerat, inde sanguine vacuato humores recrudescunt; inde ait *Avicenna*, cave ne agrum perducas ad frigidorum in crudationem, si igitur ex urinis sanguinis permissionem judices, fiat phlebotomia, alias non. At non solet tunc esse exquisita. Raro itaque sanguis mitti debet.

Ii 2

ix. Sed



ix. Sed præparantibus utendum est, inter quæ præcipuè laudat Galenus oxymel simplex, sed quando conveniat dubium est, propter variam lectionem verborum Galeni 1. ad Glauco. 12. Oxymelite, inquit, utitur, quidam legunt *μὲλ μετὰ μέλιτος ἢ μέλιτος* ut leonicenus. Alii verò ut Acakia, Mena, Massaria, Andernacus legunt *μέλι μετὰ μέλιτος ἢ μέλιτος*. Nulla enim causa videtur, cur oxymel simplex, remediumve aliud ejusdem naturæ primis diebus exhiberi non possit, cum pituita qua corpus scatet, attenuari, calefieri, moderatè incidi debeat. Et hanc posteriorem lectionem sequitur Aegineta, cum Aëtio, qui ad verbum Galeni textum transcribere. At quoniam oxymel nocet ventriculo, admiscenda erunt, quæ ipsius robur tueantur, ut mel rosatum, quod ratione mellis absterget, ratione rosarum adstringit. Avenrh. admiscet, *maslichen, glycirh. cinnam.* Eadem difficultas moveri potest de syrupo de quinque radicibus, & aliis incidentibus & attenuantibus, quia ut plurimum per urinas vacuant. Diureticis autem non est utendum in principio. At si is non utamur, humorem non præparabimus, cum omnia pituitam præparantia fermè sint diuretica. Respondeo incipiendum esse à levioribus minus calidis, minusque aperientibus, ne si fortioribus utamur, crudus humor in venas deducatur, obstructionesque plurimæ contingant. Præterea diureticum medicamentum redditur tantum incisivum variis modis. *Primo* si blandum sit; *Secundo*, si humor sit admodum crassus & viscosus. *Tertio* si parvâ dosi exhibeatur. *Quarto* si quædam addantur quæ remittant vires diureticas, ut saccharum rosatum. *Quinto* si natura aliam viam affectet, aut urinæ meatus sint valdè obstructi, sic diarrhoea laboranti jus cicerum rubrorum raro movet urinam, potius abstergendo alvum magis movet, quod tamen non est semper verum. Igitur primis diebus non inutile erit hujusmodi aperientibus pituitam præparare, sed levioribus.

Igitur primum utemur oxymelite simplici, & levioribus, deinde accedemus ad oxymel compositum, syrup. de quinque radicibus, bizantinum, de hyssopo, quibus, cum magnus est calor, admisceri possunt, syrupi de endiviâ, de cichorio simplex, compositus, cum quibusdam aquis refrigerantibus. Ex prædictis itaque fiant julepi, apozemata, syrupi. *R. aquarum betonica, fœniculi, hyssopi, ana ℥ iij. syr. de hyssopo, mellis rosati ana ℥ j. sacchari ℥ ij. M. f. julep. aromatizatus ℥ iij. cinnamomi. R. syrupi de quinque radicibus, bizantini ana ℥ j. ℞. Sp. virioli ℥ ℞. aqua borrag. ℥ ij.*



ij. aquarum hyssopi, melissa ana ℥ iij. aque cinnamomi ℥ j. aceti caryophyllati ℥ ss. cremoris tartari ℥ j. M. f. julep. ℞ Syrupi conservationis nucum conditar. conservat. corticis citri ana ℥ j. aquarum absynthii, betonica ana ℥ ij. aque theriacalis, ℥ j. aqua Maria ℥ ss. confectiois alchermes ℔ j. moschi, ambra ana ℥ j. M. f. julep. in duas doses. Stomachum roborat, & animi deliquio medetur, quod solet in hac febre esse frequentissimum. ℞ Radicum graminis, asparagi ana ℥ ss. capilli veneris, chamad. hyssopi ana M. j. sem. fœniculi ℥ j. Coque ad ℥ viij. In colat. dissolve syr. bizantini, de quinque radicibus ana ℥ j. spiritus vitrioli guttas vj. f. potus in tres doses. Syrupus aperiens. ℞ succorum endivie, apii, buglos. ana ℔ ij. Incoque puleg. chamad. lupuli ana M. ss. rad. endiv. petros. fœnic. ana ℥ j. sem. anisi ℥ ij. capilli veneris, schœnant. ana ℥ ij. spica celtica ℥ j. Colatura clarificata adde sacchari ℔ ij. aceti caryophyllati ℥ iij. f. syrupus. Alius. ℞ radici pyret. ℥ iij. radici aconiti, aristol. bryonia, distamni albi, valeriana, gentiana ana ℥ ss. quinque aperient. ana ℥ vj. Infundantur per horas xxiiij. in libris sex aqua somana. Coquantur lento igne ad ℔ duarum consumptionem, dein adde chamad. chamapit. salvia, rosmar. puleg. hyss. thymi, ruta, calamint. serpilli ana M ss. stoechados P. j. seminis anisi, fœnic. sesel. carui, ligustici, ameos ana ℥ ss. spica nardi ℔ ij. croci grana vj. Iterum coquantur ad ℔ j. consumptionem. Colatura adde sacchari ℔ ij. mellis despumati ℥ iij. Clarificentur. dein injice aceti caryophyllati ℥ ij. fiat syrupus. Et isti duo syrupi optimi sunt ad omnes frigidos viscerum morbos. ℞ radicum fœniculi, petros. apii ana ℥ j. folior. pimpinel. melis. agrimonie, calend. adiant. mentha, chamad. chamam. orig. beton. calamint. ana M. j. sem. anisi, fœnic. ana ℥ j. liquirit. passular. ana ℥ ss. florum stoechad. anthos, genista, cicerum rubror. ana P. j. f. decoctio ad ℔ j ss. in quâ dissolve oxymelitis compos. syr. de stoechade ana ℥ ij. sacchari ℥ iij. M. f. apozema in sex doses. ℞ radicum enula, ireos, galanga ana ℥ iij. quinque capillor. agrimon. cichorii, ana M. j. pimpin. cuscuta, filipend. absynt. beton. ana M. ss. passular. ℥ j. semin. communium calidorum ana ℥ ss. stoechad. lavend. calend. sambuci ana P. ss. cinnamomi ℥ j. spica ℔ j. croci grana iij. M. f. decoctio ad ℔ j. in quâ dissolve sacchari ℥ iij. M. f. apozema clarificatum, & aromatizatum drachma semis pulveris electuarii aromatici rosati.

x. Concocta materia evacuari debet tum per vomitum, tum per alvum. Vomitum valdè commendant Galenus, Aëtius, Paulus, quoniam humor pituitosus ut plurimum in ventriculo stabulatur, sit autem emeticum ex levioribus, ut diasaro Fernelii, ex raphano, oxymelite, aquâ tepidâ, quoniam in hoc morbo stomachus infirmus est. ℞ semi-



*ana anethi, attriplicis, raphani ana ʒ j. azari ʒ j. coque ad lb j ʒ. dissolvē*  
*Oxymel. ʒ ij. pro vomitorio. Sed purgatio per alvum tutior est; Inter*  
*solutiva damnant quidam, cassiam, tamarindos, mannam, quia nimia*  
*humectatione dissolvunt ventriculi robur. Item colocyntida, quod*  
*turbet & lædat os ventriculi. Syrupus quoque rosar. laxativus in uti-*  
*lis est, sicut & catholicum, nisi cum phlegmagogis, & decocto pi-*  
*tuitam attenuante misceantur. Sed prodest agaricus, turbit, cartha-*  
*mum, rhabarb. & cætera ejusmodi. R̄ diaphenicon. ʒ iij. catholiconis*  
*ʒ ʒ. agarici trochisc. ʒ ʒ. cum saccharo fiat bolus. Vel R̄ seminis carthami*  
*contusi ʒ j. agarici trochiscati ʒ iij. senna ʒ ij. mechoacan, hermodact. ana*  
*ʒ ʒ. turbit. ʒ ij. jalap. ʒ j ʒ. seminis anisi, fœnic. ana ʒ j. rad. iræos flo-*  
*rent. ʒ j ʒ. caryophyllor. nucis muscata ana ʒ j. chamæd. eupator. adiant. ana*  
*M. j. card. bened. M. ʒ. corticis citrisicci ʒ j ʒ. florum anthos, calend. trium*  
*cordial. ana P. ʒ. fiat decoctio ad lb j. In quâ calente infunde per noctem dia-*  
*pheniconis ʒ vj. Manesactâ colaturâ, & clarificatione, adde aqua cinnamo-*  
*mi ʒ ij. mellis rosati ʒ j. f. Apozema in quatuor doses. Pilulæ quoque præ-*  
*scribi possunt, opiatæ, laxantes, pulveres ex phlegmagogis. Sequens*  
*pulvis optimus est. R̄ turbit, hermodact. jalap. scammonii, crystalli tar-*  
*tari ana ʒ j. senna ʒ iij. cinnamomi, sem. anisi, sacchari candi ana ʒ ʒ. dosis*  
*ad ʒ iij. Crassos humores evacuat. Morbus hic quia longus non po-*  
*test unicâ vice aut præparari, aut evacuari. Qui propter ut recte docet*  
*Alexander, debent & præparantia & evacuantia repeti, utendumque*  
*est epicrasi, quod prædicta remedia sæpius repetita commodè præsta-*  
*bunt. Hic dubium esse potest, an perfecta coctio sit expectanda ante*  
*purgationem. Nam Galenus, Paulus, Aëtius, non nisi completâ coctio-*  
*ne evacuant. Trallianus & Avicennas laudant frequentes & repetitas*  
*purgationes per epicrasin, etsi humor non sit perfectè coctus, quam*  
*sententiam meritò amplectuntur quidam recentiores, nam ut docet*  
*Saxonia coctio maximè longa esse solet, deinde materia in tantâ est*  
*copiâ, ut post coctionem unico non possit expurgari cathartico. Præ-*  
*stat itaque levî apparente coctione, sæpius & paulatim vacuare, nam*  
*propter longitudinem debilitantur ventriculus, hepar, hinc prima*  
*& secunda coctio malè perficitur, quo fit ut & pedes, & crura intum-*  
*escant, imminetque aquæ intercutis periculum, quæ mala prædi-*  
*ctis remediis frequenter repetitis præcaveri possunt, ut jusculis qui-*  
*bus incoqui possunt radix apii, fœniculi, adiantum, &c. Avicenna lau-*  
*dat acetum & oleum, acetum quidem confert, quia aperit, attenuat,*  
*sed*



sed forsan oleum minùs prodest, quia laxat ventriculum, etsi hepatis amicum.

x1. Solet enim hæc febris maximè lædere orificium ventriculi, quapropter est roborandum assumptis & admotis, ut sunt *diarhodon, aromati, rosar. diambra, trochisci de rosis, de rhabarb. de absynt. theriaca, conferva rosar. anthos, betonica, &c.* quæ repetantur ex materiâ Medicâ. Tandem conveniunt decocta ex *chinâ, sassafras*, cum herbis prædictis, pro ratione ætatis, temporis, anni, temperiei, & similibus, nam tempore anni calido admisceri quædam temperantia debent, ut *cichorium, agri-monia*. Commendatur quoque sal absynt. cardui benedicti, cum *theriacâ*, vel rob sambuci cum aquis idoneis. Decoctum *chamadryos* per urinas vacuat, & multum prodest inquit *Trallianus*. R. *agarici, gentiana ana ʒ ss. detur ante accessionem*. Item R. *seminis dauci, castorei ana ʒ iij. opopanax ʒ j. cum melle fiat massa, dosis sit ʒ j. ante accessionem ex Tralliano*. Inter externa laudantur frictiones, fons ex decocto absynt. menthæ, rosar. corticis citri, macis, caryoph. galangæ, ligni aloës; Post fontem ungatur oleo de nuce moscata, anethino, nardino, de absynt. de mastiche, cum *carioph. nuce moscatâ, rosis, vel cerato stomachico*. Tela araneæ imbuta his oleis applicetur stomacho. Sed consilio *Tralliani* hæc calida non dentur ante signa coctionis, & corporis purgationem, aliàs inflammationes pariunt, humoresque attrahunt, sicque viscera reddunt imbecilliora, inquit *Avicenna*. Refert idem *Trallianus* ætitem de collo suspensum omnibus intermittentibus, sed præsertim quotidianis prodesse. Item araneam linteo involutam de collo suspensam.

x11. Febris quotidiana continua eodem prorsus modo curatur, nisi quod minùs calefacientia & siccantia postulat, vocatur ab *Avicenna lactica*, similisque est hectica, rectè mihi videtur *Fernelius* eam sub lentæ nomine descripsisse, solet autem eos infestare qui cachetici sunt, in iis enim plurima pituita accervata est in venis, sed hoc valdè rarum est, nam vix possunt venæ tantâ caloris inopiâ laborare, potius sit ex obstructio-nibus à pituitâ factis, quæ pituita cum vix absorbi possit, in continuæ modum affligit. Plura vide apud *Avicennam*, qui solus hujus febris in-venit.



## C A P. V I.

*De aliis febribus quæ ad pituitosas referuntur.*

Febris  
nocturna,  
& diurna,  
na,

I **A**D quotidianas referuntur diurnæ, nocturnæ, epialæ, lipyriæ, syncopales, quamvis non omnes fiant à pituitâ: de illis tamen hoc loco reliquorum imitatione agemus. Primo sunt febres nocturnæ & diurnæ, sic dictæ quod earum paroxysmi interdiu vel noctu præhendant. Videtur hæc divisio à tempore accessionis desumpta, merè accidentalis & mala, cum aliis febribus communis esse possit, interdiu enim & noctu invadere solent febres omnis generis, maxime tertianæ & quartanæ interdiu ægros corripunt, quamvis videri sæpè possunt tertianæ noctu infestantes. Nihil videtur Hippocrates dixisse quod ad curationem aut dignotionem istius morbi prodesse possit, tantumque addidit prognostica harum febrium, scilicet nocturnam esse longam sed non lethalem, diurnam longiorem, & ad tabem vergere. Hic igitur duo explicabimus, primo quid sint istæ febres, secundò an verum sit earum prognosticum ab Hippocrate & Galeno descriptum.

II. Primum quod spectat Galenus per nocturnas intelligit semper pituitosas, quia solet pituita noctu exacerbari & accessiones facere. Verumtamen hoc non impedit, quin febris phlegmatica interdiu præhendant, unde etiam per diurnam febrem pituitosam intelligit Galenus, com. 3. primi Epid. textu 2. & 6. Ita ut ex Galeno, tam nocturnæ quam diurnæ sint pituitosæ, at omnes febres sunt nocturnæ, vel diurnæ, omnes igitur erunt pituitosæ, cum enim febris omnis humoralis sit nocturna vel diurna, non potest esse divisio bona à tempore invasionis desumpta, sed tantum ab humore putrescente. Quod si Hippocrates per nocturnas pituitosas intellexit, quomodo sub diurnarum nomine eas quoque complexus est, nam si pituita adeo proprium est noctu exacerbari, ut nocturnam semper febrem pariat, quomodo faciat diurnam, aut diurna & nocturna erunt idem, quod est ab Hippocratis *ἀνελκεία* alienum. Dices febrem pituitosam fieri diurnam, ob maiorem pituitæ copiam, quæ interdiu etiam movetur, cum noctu tantum moveri deberet, ideoque addidisse summum præceptorem, diurnam esse periculosiorem nocturnâ. Sed hoc nihil est, nam si pituita noctu



noctu facere solet paroxysmos, quamvis interdiu ob maiorem copiam moveri possit, multò citius & acrius eadem noctu exacerbabitur, ob eandem humoris quantitatem, sicque malè diurna vocabitur, quæ sub noctem ingravescit. Præterea nullibi *Hippocrates* meminit febrium à pituitâ saltem solâ putrescente, veteresque *Galenus* antiquiores eas ignorasse videntur, & reverâ sunt raræ, cum tamen febres & nocturnæ & diurnæ sint familiares, imo necesse est omnes febres esse aut nocturnas aut diurnas. Videtur igitur explicatio ista febrium nocturnarum esse *Galenus* somnium, cum ex nullis *Hippocratis* locis colligi possit, nec verisimile est *Hippocratem* peculiarem febrium differentiam, tam generali nomine voluisse compleri, nisi vi quâdam dæmoniacâ ab inferis excitatus *Galenus* mentem suam aperuit. Demum ex ipso *Hippocrate* concludi posse videtur, sub diurnis & nocturnis nullam peculiarem febrium differentiam contineri. Ideo locum apponemus, quem male *Foesius* explicavit, *Galenus* non intellexit, *sectione tertiâ primi Epid.* Πυρετοι. οἱ μὲν ἐνήμεροι, οἱ δὲ ἡμέτεροι ἔχουσιν ἄλγος. ἡμέτεροι ἄλγος ἔχουσιν, ἡμικαὶ ἔχουσιν, τεταμένοι ἔχουσιν, πεμπτικοί, &c. Febres alia quidem continua, alia interdiu detinent, noctu intermittunt, noctu detinent, interdiu relinquunt, semitertiana, tertiana, quartana, quintana, &c. Ubi febres quæ interdiu aut noctu invadunt continuis opponit, dicitque eas esse semitertianas, tertianas, quartanas, &c. quod verissimum est, cum hæ febres omnes tam tertianæ quam quartanæ, & noctu & interdiu paroxysmos facere possint, ut experienciâ patet: *Foesius* autem ita explicavit, sunt & semitertiana, præter Græci codicis anthoritatem, qui non dividit semitertianas à præcedentibus, sed cum iis conjungit. Postea subjungit *Hippocrates* prognosin primum continuarum, quas lethales esse dicit, deinde intermittentium, quas salutare esse ut plurimum docet. Inter quas ait nocturnam esse longam, diurnam longiorem, quod intelligendum est de eodem genere febris, ut sensus sit tertianam nocturnam esse longam, sed diurnam longiorem, & sic de reliquis. Quamvis hoc prognosticum non sit necessarium, ut videbimus.

III. Prognosin igitur quod spectat, scribit *Hippocrates*, nocturnam non esse lethalem, sed longam, diurnam longiorem, & ad tabem in quibusdam vergere. Duplicem affert rationem *Galenus* in *Commentario*, prima, quia accessio quæ interdiuprehendit difficilior est & malignior, quia corpus condensatur, & constringitur, quando rarefieri

Kk

con-



consuevit. cuius rationis levitatem cum viderent Arabum interpretes *Gentilis & Arculanus* dixerunt omnem febrem pituitosam esse malam ob ventriculi & stomachi læsionem, paroxysmi que longitudinem, diurnam tamen esse periculosiorem, ob maiorem pituitæ copiam, quæ etiam interdium movetur, cum noctu tantum moveri deberet, & propterea longiorem, difficilioremque facit paroxysmum, quam si noctu invaderet. Verum sanè est, doctrinæ *Galenus* & veritati consentaneum, periculosam valde esse eam febrem quam pituita parit. Sed nocturna secundum *Hippocratem* non est lethalis, nec unquam diurnam lethalem esse pronuntiavit, verum longiorem, unde infero non intelligere cum per nocturnas & diurnas, febres quæ sunt à pituita. Quod si pituita interdium movetur, multò magis noctu ingravescet, cum nocturna periodus illi propria esse dicatur, nam si ob humoris copiam paroxysmus anticipet, idem erit longior, & sub noctem, quo tempore humor moveri creditur, fiet exacerbatio, unde periculum non ex accessione diurnâ sed ex nocturna impendet, nam si paroxysmus quotidianæ quando noctu invadit, soleat esse horarum octodecim, si ob rationes ab Arabibus allatas, interdium invadat, ultra unum diem extendetur, imò & ultra horas quadraginta, ut in tertiana nothâ. Præterea facilius resolvitur humor interdium quam noctu, at facilius humoris resolutio morbum facit brevior & salubriorem. Nec obstat materiæ copia, non enim sola humoris quantitas spectanda est, sed etiam consistentia, nam pituita crassa, viscida tenax, quamvis parcius, noctuque infestans, difficilius tamen resolvitur, quam multa blandior, & tenuior, quæ interdium agitatur. Demum unde id habet *Galenus*, corpus in paroxysmo constringi & condensari, quod etiam si concedatur, cur periculosius id erit in quotidianâ, quàm in tertianâ interdium infestante, eadem enim utrobique ratio est. At tertiana infestans de die non creditur à *Galenus* esse periculosior ob corporis constrictionem. Ergò in quotidianâ constrictione corporis non affert periculum. Secunda ejusdem *Galenus* ratio est, quia cum febris diurna totum diem occupet, sola nox relinquitur cibis & medicamentis, unde homines coguntur vitam agere velut vespertilionis, nam à stomachi repletionem non est dormiendum. Quod ergò febricitant interdium, & vigilant noctu, multum consumuntur, sicque facile in tabem incidunt. At sic non minus periculosa est febris nocturna quam diurna, quia noctu dum febris detinet, vigilandum est, quare non minus imminet tabis

*Galenus*  
*Refutatio.*  
\*



periculum, & interdiu dormiendum, quod non est adeo salutare. Deinde cibum noctu sumere non est adeo periculosum, cum id sit plurimis consuetum, tam quia horâ post cibum sumptum somnus iniri potest, at noctu vigilare est pejus; unde potius nocturna censenda est periculiosior diurnâ. Propterea statuendum est per nocturnam & diurnam nullam peculiarem differentiam febrium intellexisse Hippocratem, nec esse absolutè verum diurnam esse longiorem & periculosiorem nocturnâ. Ita que de curatione hic nihil addendum, nam curari debent pro naturâ humoris febrem committentis.

## CAP. VII.

## De Epiala.

**I** Η ΠΙΑΛΟΣ febris est alia pituitosâ febris species, in quâ simul *Epiala* febricitant & rigore corripuntur ægri. Dictam vult *Paulus Avicenna* ab ἡπιός & ἀλαΐδι, quod est blandè calefacere, unde apud Hippocratem, epiala febrem mitem lenemque significat, ut virgines ex suppressione menstruorum Η πιαλὸς πυρετὸς ἔχει, ubi significat mitem, vel dicitur δὸς ἡπιὸς καὶ ἀλ- à mari, quod videtur in principio tranquilum, postea evadit turbulentum. Vocatur febris algida, & à veteribus *quercera*. De ea autem variè locuti sunt *Galenus* & *Avicennas*. Siquidem Avicennas describit febrem epialam, in quâ exteriora uruntur, interiora frigent de qua multa profert imaginaria potius quam vera, quam ait fieri ex pituita vitrea, quæ putrescens vapores mittit ad ambitum corporis, sic exteriora calefiunt, cum verò materia sit frigida in interioribus partibus, immota & quiescens, vel etiam commota & agitata illas refrigerat. Per partes internas intelligit ventriculum, intestina, jecur, renes; corde inquit *Gentilis* excepto, subolfaciebat enim difficultatem, quomodo cor refrigerari possit, cum subjectam febris esse dicatur. Sed hoc est etiam præter mentem *Avic.* vult enim ex pituitâ vitreâ putrescente emanare vapores, qui ad externa corporis perveniant, non ad cor. Sed hoc subterfugium *Gentilis* adinvenit ut inveniret modum generationis febris, scilicet *uno absurdo dato plurima sequuntur*. Quomodo enim febris esse poterit, si frigeant interiora, caleant exteriora. Deinde sequeretur omnes febres quas pituita parit esse epialas, deberet enim pituita partes internas refrigerare.

Kk 2

Præ-



Præterea si pituita vitrea putrescens partes externas calefacit, quibus non continetur; multo magis calefaciet internas in quibus stabulatur. Unumquodque enim fortius agit in proximum, quam in remotum, febris lipyria secundum *Avicennam* fit ab eadem pituita in internis putrescente, cur pariter non calefient interna in *Epiala*; Demum verisimile est naturam ut partibus internis refrigeratis succurrat, revocturam calorem & spiritus ad interiora, sicque pariter externa frigescent.

*Epiala  
Galen.*

11. Melius igitur & veriùs de hac febre loquitur *Galenus lib. de inaq. intemp. & 2. de diff. feb. cap. 6.* ubi docet simul febricitare, & rigere ægrotantes, eodem tempore in quavis corporis parte, velut si quis in hominem valde calentem aquam injiciat, calorem simul, frigusque sentiet, propterea quanquam in omnibus putridis adsit inæqualis intemperies, in iis tamen non reperitur omni tempore, nec in omnibus partibus, tantum id contingit in morbi principio. In *epiala* vero toto morbi tempore, simul frigus calorque fatigant, ex *Galeno, loco citato*. Fit autem ex pituita quam *Praxagoras* vitream vocavit, quæ si per partes sentientes moveatur, quando non putrescit, rigorem affert sine febre, quando verò putrescit febrem facit, & siquidem parum corrumpatur, faciet *epialam*, si multum putrescat, præcedit rigor, febris verò subsequitur, devicto frigore à caloris copia ex *Galeno, & Aëtio*. Humor enim iste cum sit frigidus & tenax, vix potest æqualiter totus putrescere, hinc fit ut ex parte putrescente febrem, ex non putrescente rigorem soleat excitare, secundum *Paulum*. Unde causa ex quâ hæc febres generantur, non videtur esse simplex, nam quod putrefactum febrem accendit, non est ejusdem qualitatis cum eo quod frigore suo rigorem generat, unde duplicem in hac febre causam statuunt recentiores. Sed præterea idem *Galen. lib. de inaq. intemp.* bilem cum pituita contingit. Si pituita, inquit, quæ est frigida, quam vitream *Praxagoras* appellavit, & amara bilis quæ calida est, simul abundant, & per sensibilia membra moveantur, nihil mirum est utrumque pari modo sentiri. Bilis enim calore pituita in internis externisque partibus accenditur, & dissolvitur, inde ægrotantis sensus qui minimas & differentias non percipit, calorem & frigus in eadem parte esse indicans, hallucinatur. Et hæc de causis *epialæ* ex sententiâ *Galen.* & *Avicennæ*, nam etiam aliter sumitur à *Serapione* nomen *epialæ*, scilicet pro febre in quâ exteriora frigent, interiora calent, quam nos vocamus lipyriam. Sed hoc est nominibus abuti, febris enim  
in



in quâ uruntur interiora vehementissimum habet incendium, contra Epialâ parum fervet, ut nominis ratio sonat.

III. Differt igitur hæc febris à quotidianâ simplici, quod in hâc addit tantum horror, qui etiam præcedit, febris verò sequitur, in illâ vero est rigor, qui simul cum febre ægrum detinet. Attamen quia fit ab humore pituitoso ad genus quotidianarum referenda est, ut vult *Galenus, loco citato*. Hic duplex notandus est error quorundam recentiorum. *Primus* eorum qui quotidianam in exquisitam & spuriam dividentes, epialon inter spurias numeraverunt, sed malè, febres ex spuria dicuntur, quæ ex duobus humoribus eodem loco putrescentibus oriuntur. Epiala autem cum à solâ pituitâ fieri dicatur, nullamque cum bile aut melancholiâ permissionem habeat, necesse est eam exquisitam esse potius quam notham, nisi eorum opinionem sequamur, qui etiam à bile eam fieri voluerunt ut diximus, tuncque nihil erit absurdi, si spuriam eam esse dicamus. *Secundus* error est eorum qui non simplicem febrem, sed compositam esse voluerunt, sed male, nam à simplici causâ ortum habet, non à geminâ. Quamvis enim pars pituitæ putrescat, alterâ incolumi manente, tamen una eademque est causa, non duplex, hinc febris fit simplex, non composita.

IV. In principio cum oscitatione invadit, & rigore magno, pulsus minimus, tardus, rarus est, urinæ crudæ sunt & aquosæ, quotidie fatigat, accessioque ad horas fermè viginti quatuor protenditur. Sed aliquando propter humoris crassitiem, frigiditatem, & paucitatem, tertio aut quarto die tantum commovetur, nec tamen putandum est eam esse aut tertianam, aut quartanam, nam quotidiana dicitur ob putredinem pituitæ, non quod singulis diebus redeat, inquit *Avicennas*. Itaque ut à prioribus distinguatur, cætera signa consideranda sunt. Unde possumus inferre paroxysmorum ordinem & recursum, non pendere ab humorum proprietate, sed ab humorum conditionibus, crassitie, tenuitate, copiâ, paucitate. Etenim species febrium non cognoscitur ex paroxysmo, sed ex humoris putrescentis naturâ, qui est causa febris conjuncta. Præterea ad cognitionem hujus febris vita anteacta, cælum, ætas, temperamentum, cæteraque addenda sunt, quæ pituitam possunt indicare. Rarò autem hujusmodi febres contingunt, vixquæ ad finem usque tales perseverant, sed tandem auctâ putredine in aliud febris genus degenerant.

K k 3

v. Ean-



Curatio.

v. Eandem prorsus curationem postulat cum quotidianâ, nisi quod propter humoris frigus, calefacientia & attenuantia debent esse validiora, sed ut docet *Avicennas* purgantia sint leviora, ob virium debilitatem, quia natura cum perpetuò & calore & frigore affligatur, validiores vacuationes perferre non potest, quæ tamen conveniunt in quotidianâ. Præparetur igitur humor syrupis & apozematis præscriptis, sed quoniam juncta esse solet insignis stomachi debilitas, jubet *Avicenna* remediis ea addere quæ stomachum roborant. Deinde humor purgetur vel per vomitum, si æger nauseabundus sit, vel per alvum, ut supra dictum fuit in curatione quotidiana. Iterum præterea redeundum erit ad præparantia & purgantia validiora, sintque enemata calefacientia & attenuantia. *Galenus* oleo rutaceo injecto se excrevisse pituitam vitream testatur. R. malva, parietar. orig. puleg. calament. centa. minor. ana M. j. f. chamom. meliloti ana P. j. medulla carthami ʒvj. sem. anisi, fœnic. ana ʒij. furfuris bene macri in panno raro ligati P. j. f. decoctio ad lbj. in quâ diss. mellis rosati, sacchari rub. ana ʒj. hiera picra, aut diaphœniconis ʒvj. olei rutacei ʒiij. aque cinnamomi ʒj. salis parum fiat clyster. Vel decoquantur prædicta in decocto pulli, aut galli decrepiti. Post purgationes ventriculus & viscera roborentur aromatico rosato, diatrionpip. diamoscho, dianth. diacalaminthe, quod etiam à cibo conferre creditur. A phlebotomiâ autem omnino abstinendum, quia nequeunt vires cum tantâ cruditate esse robustæ. Probant quidam thermas siccas apparente coctione, meliores erunt si ex rebus calefacientibus parentur, ut calamintha, origano, saturciâ, thymo, stochade, &c. In exitu corpus validè fricetur, spina inungatur oleis calefacientibus capite de quotidiana recensitis. Viæ ratio eadem prorsus sit at in quotidiana, sed feligantur ea quæ magis attenuare & calefacere possint. Semen seseleos cum vino potum tormina discutit, epialis febribus utile ex *Dioscor.* Idem scribit folia alterci trina quaternave pota epialas febres sanare. Sed suspectus esse debet tanti narcotici usus. Et de hac febre fatis.

CAP.



## CAP. VIII.

## De febre lipyria.

I. **D**E febre lipyriâ non esset hic dicendi locus, quoniam aut ad arduas, aut ad malignas refertur, nisi de ea *Avicennas*, ejusque imitatione reliqui interpretes hoc loco agerent. Vocatur autem *λεπυρία*, quia *λείπῃ* πῦρ ignis sive calor deficere videtur secundum *Aëtium*. Est enim febris in quâ interiora æstuant, exteriora tepent; Alii di&am volunt ab anxietate & molestia, *διὰ τῆς λύπης*. De ejus causis & origine inter Græcos & Arabes non convenit. *Avicennas* *Lipyria* inter pituitosas eam recenset, quamvis unam ejus speciem faciet à crassâ bile ortam. Ut plurimum tamen eam generari ait à pituitâ vitreâ, idque dupliciter, vel quia eâ putrescente vapores elewantur crassâ, qui nequeunt ferri ad exteriora, & illa calefacere, vel quod in partibus externis frigidi adsint humores, quia à pituitâ in alto putrescentis calore non possunt calefieri. Febres senum quas ipse vocat sepultas, quod foras se non prodant, videntur esse lipyriæ, quod tamen falsum; in lipyriâ vehemens est incendium, febres autem senum sunt mites, deinde febrem epialam eodem modo generari dixit; Cur autem pituita putrescens in lipyria interna viscera accendit, in epialâ eadem quasi gelu quodam refrigerat? A bile quoque eandem generari stuit, sed paucâ & crassâ, cujus vapores crassiores & pauci non possunt ad habitum usque corporis expandere sese, unde tantum interna calefiunt. In hujus febris curatione utitur syrupo acetoso, oxymelite tum simplici, tum diuretico ad humorem crassum frigidumque incidendum & præparandum. Purgat aloë, hierâ, rhabbarbaro. Demum eandem prorsus ac Epialâ curationem instituit.

II. *Galenus* longè diversum ab *Avicennâ* de hac febre scripsit *aph. 48. lib. 4.* Ubi ab ipso inter arduas febres recensetur easque malignos, fierique dicitur ab inflammatione, vel erysipelate in aliquo interno viscere existente. Vehemens enim phlegmones calor, instar cucurbitulæ ab universo corpore sanguinem attrahit, ideo iis uruntur interiora, sed cutis refrigeratur. *Aëtius* vult lipyriam tantum fieri ab erysipelate ventriculi, eam vero quæ jecori inflammato succedit typhoden, quæ pulmone, crymoden vocari. Sed huic distinctioni repu-

gnat



gnat Galenus, qui *cap. 7. lib. 2. de crisi*bus apertè docet lityriam fieri ab erysipelate, pulmonis, jecoris, ventriculi, & 2. *prognosi. textu 4.* generaliter pronuntiat lityriam ab inflammatione internarum viscerum generari, ita ut lityria genus sit ad omnes prædictas. Docet præterea Galenus loco citato febrem hanc semper esse continuam, nunquam intermittentem, nam quoties in continuâ febre interiora uruntur, exteriora frigent, lityria illa censenda est. At si in intermittente id contingat, nec maligna propterea judicanda est, nec quicquam mali inde pronuntiandum. Contingit autem in accessionum principiis exteriora rigere, & refrigerari, interiora uri & sitire, ut superius docuimus. Idem symptoma accidere potest ob causas externas, ut in timore, retracto ad interiora calore, sic illi qui hyeme frigent & algent, ventres habent calidos, nec tamen lityriâ laborant. Per externas autem partes intelligere debemus cutim universam, non tantum manus & pedes, ut *aphorism. 1. lib. 7. In acutis frigus extremorum malum*; At pejus est cutem frigare, quam si solum extrema frigeant; Artus enim quoniam longius distant à fonte caloris leviori de causâ refrigerantur, maxima autem causa debet esse quæ prohibet caloris ad vicinas usque partes diffusionem: Et hæc de lityriâ secundum Galeni sententiam.

*Galenus  
malè ex-  
plicavit  
febres li-  
tyrias.*

III. Quæ tamen non adeo certa esse mihi videntur. Nam secundum Galenum febres istæ non differunt symptomaticis. *cap. 3. lib. 1. ad Glaucon.* docet febres vel ex inflammationibus, vel ex humoribus accendi, illas quidem esse symptomata partium inflammatarum, has verò morbos. At febres lityriæ non sunt symptomaticæ, veteres enim ut idem docet Galenus febres non vocabant eas quæ alios morbos comitabantur, ab iisque dependebant, & tamen lityriam inter febres easque ardentis Hippocrates omnium vetustissimus numerat. Non sunt igitur symptomatica, nec ab inflammatione viscerum dependent, etsi cum eâ esse possint, ipse Galenus negat *com. 4. lib. 7. aphorism.* lityriam esse symptomaticam, quomodo ergo fiet ab inflammatione viscerum. Secundò docet Hippocrates, febres lityrias non nisi cholera superveniente solvi; At febres inflammationum cessant ut plurimum soluta inflammatione, quæ vel resolutione, vel suppuratione, rarissimè aut nunquam cholera morbo solvuntur. Tertio ipse Hippocrates semper distinguit febrem lityriam à febre quæ fit ex hypochondriorum ἀλγύγεῖς ἐπιπύρις, nam

de



de iis tanquam de diversis semper agit. *Quartò* in inflammationibus jecoris, pulmonum, febres perpetuò forent lityriæ. At experientia ostendit in ejusmodi inflammationibus non semper interna uri, cutim frigere, cum utrobique quam in externis quam in internis ardor sentiatur maximus, nisi forsan moriente homine, at hic casus cum communis sit omnium morborum lethalius, non constituit lityriam. *Quintò* malè dicit *Galenus* inflammationes viscerum attrahere ad se sanguinem & humores, instar cucurbitulæ addunt recentiores, cum tamen cucurbitula attrahat vi vacui, inflammatio vero vel calore, vel dolore. Nec attrahit nisi forsan in principio cum humores fluunt ad partem inflammata; At in augmento & statu nullus fit confluxus ad partem affectam; Ergò tunc non est necesse humores moveri ad interna, aliter inflammatio perpetuò augeretur, si toto morbi decursu, fieret humorum confluxus. At quando is cessat, non potest fieri ista retractio caloris, nec partes externæ frigent internis ardentibus, ut experientia ostendit. Ideo in principiis inflammationum utimur derivatione & revulsione, quamdiu humor est in motu, postea vero ad usum resolventium & suppurantium devenimus. At si humores non moventur ad interna non fit refrigeratio cutis. At post principium in internis viscerum inflammationibus humores non moventur ad interna. Ergo non fiet cutis & extremorum refrigeratio. *Vallesius* multum se torquet ut ostendat quomodo lityria morbus sit, & non symptoma alterius morbi! dicit febres quasdam posse esse cum inflammatione, ab eâ tamen non pendere, & omnes febres quæ sequuntur phlegmonem esse diarias. Sed fallitur, nam febres ex bubone malas esse scribit *Hippocrat.* præter diarias, innuens non omnes febres symptomaticas esse diarias. Deinde ipse *Galen.* apertè dicit febrem lityriam non solum esse cum inflammatione, sed ab ea fieri.

I v. Statuendum igitur febrem lityriam esse de genere earum quas veteres morbos vocabant. *Hippocrates* eam inter ardentes numerat. Sed quælibet ardens non habet hoc symptoma, sed tantum ea quæ maligna est & pestilens, ideoque ipse *Galenus* eam interdum malignam esse vocavit. Ratio autem hujus symptomatis difficilis est explicatu, quam *Galenus* malè, ut diximus, ad phlegmonem erysipelæ viscerum retulit, cum plurimas malignas febres viderim, in quibus exteriora tepebant, interiora ardebant, nulla tamen aderant

L1

inflam-



inflammatorum viscerum signa, & symptomata. Duplicem igitur hujusce symptomatis causam reddi probabiliter posse crediderim. *Prima* est, cum hujusce febris natura in malignâ venenataque qualitate ac putredine consistat, sitque omnis veneni proprium cordi insidias struere; natura ut partem nobilissimam tueatur, illique suppetias ferat, undique sanguinem spiritusque ad cor partesque nobiles transmittit, unde per accidens ejusmodi extremorum refrigeratio consequitur. Ubi observandum ejusmodi refrigerationem ut experientia ostendit, non esse toto morbi decursu perpetuam, sed interdum recalescere superficiem corporis, iterumque refrigerari, quasi per vices, quod valde maligni morbi signum est, id quod ante annotavit Hippocrates, nam *historiâ quintâ, sect. 3. tertii Epidem. Pythio Thasius* habuit sapius apparentem ejusmodi febris remissionem, eodem tamen die recalescere solebat, decimoque interiit, & *Philiscus primo Epidem.* Tertio die à febre immunis esse videbatur, eadem tamen die recaluit, & sexto mortuus est. *Secunda causa* est quod febris hæc fiat ab humoribus valdè putrefactis in præcordiis stabulantibus, qualis est bilis æruginosa, & summè putrescens, cujus occursum cum naturâ ferre non possit, conatur per vomitum & secessum eos evacuari. Ideo omnibus id viribus contendit, sitque inde humorum ad interiora concursus. Quid si adderemus peculiarem humorum malignorum proprietatem, ut potius ad interna vergant, quam ad externa, quamplurimis nihil dixisse videremur, forsitan tamen nihil absurdi dixerimus.

*Signa.*

v. Signa hujusce febris præter calorem internum, & frigus externum ex Hippocrat. 2. de morb. sunt urinæ flavæ, lingua arida, exspiratio fervida, vomitus biliosus, vigiliæ, anxietas maxima, ita ut ægri nullam neque figuram, neque locum patienter ferant, pulsus præterea parvus est & debilis, inferiorisque labii tremor adest & commotio, quæ ardentem malignam denuntiant. Scribit Hippocrat. aph. 48. lib. 4. *In febribus non intermittentibus si partes exteriores sint frigida, interiores vero urantur & sitim habeant, lethale.* Et primo aph. septimi lib. *In acutis frigus extremorum malum, & Coaca prima, lib. tertii Caput, pedes, manus perfriguisse costis & ventre calentibus malum.* Et cap. xi. lib. 2. *Coacar. aph. xi. stomachi dolor, pulsus hypochondriorum febre extinctâ malum,* quod intelligendum est de febre lipyriâ non de febre solutâ, sed de eâ tantum in quâ videntur exteriora esse temperatiora. Et Coaca 14. cap. 6.

*Qui*



Qui ad tactum minime sunt aestuosi, evadunt phrenitici, maxime si sanguinem non profundant. Demum scribit Hippocrates coaca 120. Febres lipyriam non nisi per cholera solvi, vacuatione scilicet bilis sursum deorsumque factâ, quâ vacuatâ pristinum parti temperamentum restituitur, unde concludebam superius febrem hanc non esse ab inflammatione viscerum; quâ non per cholera, sed resolutionem, & suppurationem solvi solet. At quomodo potest morbus acutissimus alium acutum solvere. An cholera duplex est, critica, quæ materiâ concoctâ crisis ratione contingit, estque salutaris; symptomatica, quæ accedit naturâ ab humoribus noxiis irritatâ, cum virium exolutione & syncope, ac surarum contractione, quæ acutus morbus est & periculosus.

VI. Curatio à phlebotomiâ auspicanda est, præmissis clystere, dein- *Curatio.*  
de refrigerantibus ac cardiacis utendum, ut succo citri, limon. granator. Aquæ potus non nisi post coctionem convenit, ut alibi diximus. Cataplasmata ex farinâ hordeaceâ cum succo sempervivi, similiumque refrigerantium subactâ, hypochondriis applicentur, & sæpe commutentur. Demum eadem huic feбри quæ ardenti malignæ curatio debetur, additis iis quæ proprietate malignitati adversantur. Notandum autem ex Hippocrate 2. de morb. & lib. de affect. Solis sorbitionibus utendum dum febris desierit, in potu exhibendam mulsam dilutam, solisque clysteribus non autem aliis catharticis purgandum, antequam febris abierit. Sic autem scribit. libro de affectionibus.  
ὡς τὸ πρὸς τὴν μὴ πυρετὴν ἢ σφοδρὰ, πρὶν δὲ εἶναι, καὶ ἡ γλώσσα θερμὴ καὶ μελαίνη γίνεσθαι καὶ οἱ πόδες καὶ αἱ χεῖρες ἀκραὶ ψυχραὶ, τότε φάρμακον μὴ μὴ δίδωαι ἡσυχάζειν δὲ τὸν σφίον ὑγνάζειν, καὶ πρὸς τὴν κεφαλὴν, καὶ πρὸς ἄλλο τὸ σῶμα. καλῶς τὰ δὲ ἐπὶ τοῖς καυσώδεις, ἐπὶς κερνίται δὲ μέλιτι δισκὰ καὶ πικραρισκανδρακὰ καὶ πικρὰ. Ubi docet hanc febrem esse de genere ardentium, & dignoscendi ac curandi methodus perspicuè explicatur.

## CAP. IX.

## De febribus syncopalibus.

I. Tandem inter febres pituitosas de syncopali tractat Avicenna. Est autem febris putrida, in quâ ob læsionem oris ventriculi syncope succedit, potestque esse continua & intermittens. Fit autem vel à pituitosis humoribus, vel à biliosis, illam humorosam, hanc mitam vocant Arabes, de utraque hic seorsim agemus

Ll 2

II. Plu-



*Syncope-  
lis humo-  
rosa.*

*Signa.*

*Prognos-  
tica.*

II. Plurimi itaque, ut prius diximus, febricitant, ubi maximam crudorum humorum copiam, vel ex cruditatibus, vel aliâ occasione congesse-  
runt, quæ periculosa febres sunt, ob læsionem oris ventriculi, soletque iis variis ex causis syncope succedere. *Primò* quia cum maxima pituitæ copia in ventriculo redundet, totoque corporis habitu, tunc quantitate & qualitate suâ vires opprimit, & quia naturæ gravis putrescit, febrem excitat, unde hic humor putris oris ventriculi calorem suffocans ducto in consensum corde syncopen parit. *Secundò* inappetentiâ vexantur, inde languente stomacho totum corpus ruit. *Tertiò* ob corporis totius frigiditatem, nutriri probè non possunt, inde spiritus, humores, solidaque partes absumuntur, sicque præcipites labuntur vires, fitque syncope. Signa verò quæ febrem hanc demonstrant hæc sunt ex *Ætîo*. *Primò* iis hypochondria intumescunt, totumque corpus præter naturam inflatur. Color nonnullis ad album, vel lividum declinat, pulsusque sunt minores quam pro caloris ratione, obscuri, inæquales, exigui, rari, tardi, quibus adde plurimos flatus, ructus acidos, otium, balnea, immoderatum usum aquæ, vini crassioris, præcedentem denique victus rationem pituitæ feracem. His succedit mala affectio oris ventriculi, & syncope. Periculosissima est hæc febris ex *12. methodi*, quia nisi cruditas concoquatur, certa mors est, tum nisi ægros nutriamus, vires infirmæ collabuntur; si vero eos alamus, ob infirmitatem ventriculi, coqui cibi non possunt, cruditas incre-  
scit, & cumulatur. Quod si remedia ipsa spectemus, humorum copia vacationem postulat, quæ nec per venæsectionem, nec per cathartica ob virium imbecillitatem institui potest. Si enim materia quiescens & immota syncopen facit, multò magis mota & agitata faciet. Quod si prædictis accesserit pessimus faciei color, urinarum summa cruditas, pulsuum inæqualitas, parvitas, tarditasque, mentis sensuumque hebetudo, totius corporis gravitas, in angusto spes est, multoque magis si inflammatio ventriculi, vel hepatis adfuerit, nam ob crudorum humorum plenitudinem, & virium infirmitatem, syncope & mors expectanda est. Si vero omnia leviora sunt ad curationem veniendum. Igitur quamvis vacationem desiderent, attamen neque phlebotomiam, neque catharsin possunt sustinere, ob virium imbecillitatem, etsi *Alexander* venæsectionem probet, quando adest plenitudo sanguinis: Sed ut docet *Galenus*, præsentibus crudis succis semper vires languent, vixque potest ulla adesse sanguinis copia



copia, cum tantâ pituitâ mole, quæ tamen si adesset, plus tamen valet, cruditas ad dissuadendam venæsectionem, quam sanguinis abundantia ad suadendam. Propterea cum vacuationem postulent, nec eam ferre possint, *Galenus* solam frictionem commodissimam esse statuit, quæ mediocriter sine virium dispendio resolvit. Igitur aspero linteo crura, brachia, spina deorsum versus perficiuntur, dum incalescant, & postea si ex perfictione lassitudo oriatur, inungantur oleo relaxante & paululum dirigente, ut *chamæmelino*, *anethino*, ab adstringentibus autem perpetuò abstinendum, ut *Omphacino*. Præter frictiones *Galenus* victum instituit admodum tenuem, qui primo triduo ægrum nullis alimentis, sed solâ mulsâ cum hyssopo, & origano sustinet. *Alexander* etiam vinum concedit optimum, & generosum. Præterea somnus & vigilia sint moderata, nam somnus concoquit, vigiliæ digerunt. In majori cruditatis copiâ, etiam oxymelite utitur. Quod si pulsus fuerit parvus, & valdè inæqualis, æger in maximo est discrimine, nihilque præterea faciendum. Sed si pulsus fuerit mediocris, minimè intercisus sed æqualis, nisi alvus spontè dejiciat, clysteris usum concedunt *Aëtius* & *Galenus*. Hanc curandi methodum improbat *Alexander*, qui miratur *Galenum* cum tantâ inedia, tam vehementes frictiones imperasse, quandoquidem ex *Hippocrate*, ubi fames laborandum non est, quem aphorismum tam de sanis quam de ægris *Galenus* interpretatur, unde testatur idem *Trallianus*, ægros se vidisse à Medicis interemptos, quod simul exercitationes corporis, inediamque imperassent. Pro solutione sciendum, quoties vires onere premuntur, calorque natus exiguus est, sufficere corpori exiguum cibum, nam pituita longiore coctione & attenuatione in sanguinem facessit, ut ostendunt animalia in latibulis totâ hyeme degentia, quibus pituita pro alimento est. In istis itaque febribus à frictionibus excitato calore veritur in sanguinem humor pituitosus, qui ad nutritionem sufficit. Falsum propterea est ægros sub regulâ *Hippocrati* contineri, cum famem non patiantur, suppetit enim internum alimentum, nec appetunt novum, ideo periculum non est ne ex fame vires corruant & labantur. Hic advertunt quidam usu mulsæ, & mellitorum, alvum mellis acrimoniâ interdum subduci, consequi diarrhoeam, quæ si perseveret, hominem ad extremam imbecillitatem deducit, tunc potius pitisanæ cremore esse utendum, cum pauco pipere.

111. Sed præterea concedi possunt præparantia superius recensita

L1 3

quæ



quæ cardiaca sint, vimque habeant attenuandi & incidendi citra molestiam, ut oxymel, cum decocto majorana, hyssopi, beton. polii, &c. Purgantia prohibet Galenus, leviora tamen concedit Alexander. Validiora quidem jure improbantur, quia in hac febre syncope succedit humoribus etiam non motis, multo magis si à pharmaco moveantur. At si vires sint paulò validiores, apparente coctione, sublatoque synopes metu, leve pharmacum inutile non erit, quod judicio præsentis Medici relinquendum est. Præterea valent confectiones ventriculum & cor roborantes, tum quæ ad mota ventriculum calefaciunt, & roborant. R. folior. mentha, absynt. orig. calament. puleg. ana M. j. florum chamam. anthos, ana P. j. calami aromat. schœnant. ana ʒ ss. sem. anisi, fœnic. ana ʒ ij. f. decoctio pro fotu ventriculi & hypochondriorum. Sed in principio istis non est utendum, ne humores crudos dissipent, sed tantum fundant, humores autem fusi ventriculum magis onerant, sed post coctionem conveniunt. Denique balneum ipsis est adversissimum, ut intelligi potest ex iis quæ cap. de hēlicā diximus. Cum enim materia crassior sit, nondum extenuata, meatus magis infarciuntur, febres augebuntur ex Tralliano, qui tamen concedit post humorum coctionem, quamvis meo judicio in syncope à crudis humoribus, satius sit eo abstinere.

IV. Quando vero syncope jam premit, mica panis vino intincta offerenda est, aut vinum dilutum, aqua cinnamomi, cardiaca potio, tum demum quicquid paroxysmum removere potest. Deinde reliqua curatio eo quo diximus modo instituenda.

*Synopalis minuta.*

*Signa.*

*Curatio.*

V. Est alia febris syncopalis species, quam à biliosis humoribus & tenuibus fieri diximus, quam Arabes minutam vocant. Quidam humores habent tenuissimos corporis habitum rarum, hinc ex facili spirituum resolutione syncopē corripuntur. Fit igitur à biliosis humoribus, qui ventriculum affligunt, faciuntque vel *ἀσπλην*, inde *ἀσπλην* febris, irrequieta & implacida, vel syncopen. *Ασπλην* quidem quando non adeo insigniter læditur os ventriculi, syncopen verò ubi gravius affligitur. Facies squallida est & sicca, pulsus sunt exigui, inæquales, inordinati, dejectiones biliosæ, sitis, vigiliæ, præcesserunt follicitudoines, cibus vitiosus & acris ex Tralliano.

VI. In hoc affectu tria sunt consideranda, humorum tenuitas, corporis raritas, paucitasque spirituum. Ideo triplex sese offert indicatio, incrassandi humores, constringendi meatus, habitumque corporis,



poris, & spiritus regenerandi. Hæc omnia commodè præstant alimenta quæ nec promptè diffuant, nec faciliè corrumpantur, qualia sunt non malsa, non ptisana, sed panis sorbitio cum vino granatorum, aut alio adstringenti, fructus austeri tum per se, tum cum pane exhibiti, ut refert *Andernacus in Paulum*, se usu uvæ immaturæ curasse agrum huiusmodi syncopè laborantem. Præterea conveniunt ova recentia, eorumque vitelli, tum quæcunque euchyma sunt & polytropa, quæ & sæpe & parum exhibenda sunt, quia ex 2. *aph.* 17. virtus imbecilla plurimè eget nutritione, multa tamen alimenta simul ferre nequit. Quod si ager ad sanitatem tendere videatur, potissimum post diem quartam, humoribus ad coctionem tendentibus licebit carnes offerre. Ut autem densetur cutis, spirituumque dissipatio prohibeatur, aër in quo versatur ager refrigeret, & adstringat, qui si naturâ talis non fuerit, arte paretur, inspersis foliis nenupharis, myrti, rosar. labruscar. & similibus. Ungantur oleis eadem facultate præditis, ut rosar. cidon. myrt. cum succis portul. sempervivi, solani, agrestæ, imò farina hordei succo lactucæ, vel sempervivi subacta præcordiis imponatur, vel unguentum rosatum Mesue, refrigerans Galeni, &c. Hic nec frictionibus. nec purgatione, nec venæsectione, nec sudorum, aut urinæ provocatione, ullove alio vacuationis genere opus est, cum ægri jam nimium spontè vacuentur & dissolvantur. Sed ut diximus summa curationis esse debet, vires instaurare, humores in crassare, humorum exhalationes sistere. Quod syrupis acidis & cardiacis quoque præstatur, ut de agrestæ, de ribes, limon. nenuphar. portul. rosar. siccat. granat. arantior. cum aquis idoneis. Humore crassiori reddito, eum purgare quidam audent, quod *Galenus* summo perè vetat, propter syncopen quæ agitatibus humoribus magis exacerbat, aut si purgandum videatur, id tantum in declinatione levioribus catharticis præstetur. Quidam etiam vomitum commendant ad bilis educationem, nec improbat *Averrh.* sed tantum ex levioribus præscribit, & quando ager nauseabundus est. Quamvis in quâdam syncopè ab humoribus biliosis factâ vomitus sit salutaris, ut dicemus capite proprio. In hoc tamen casu nulla vacuatio convenit, sed potius analeptica curatio instituatur. Extrinsecus epithematis utendum ventriculo, cordi, jecori que admotis, quibus etiam testiculos fovere possumus. R. aquarum oxalid. nymphaeæ, solani, rosar. ana ℥ iij. tritum santalæ. pulveris diamarg. ana ℥ j. aceti ℥ j. caphura grana tria f. epithema præ-

dicta



dictis partibus applicandum. Addi etiam possunt trochisci de spodio, de caph. de terrâ ligilatâ, & similiâ. Imo quidam ægrum involvunt lintheo madefacto aquâ rosarum, quod tamen est periculosum, nam tantum frigus excarnes ægri perferre non possunt, ut diximus capite de heclicâ.

Quomodo  
Syncope  
occurren-  
dam.

VII. Syncope ipsi in Paroxysmo omni arte providendum, aspersione aquæ rosarum & similium, cum aceto, super faciem, deinde sumpto pane vino adstringenti, aut omphacio macerato, vel potione cardiaca. R. pulveris diamarg. ʒj. confectionis alkermes ʒj. confect. de hyacintho ʒss. syr. limon. ʒj. aquar. buglos. oxalid. ana ʒiij. f. potio in duas doses. Vel R. conserva rosar. nymph. buglos. ana ʒj. cidonior. saccharo condit. ʒiij. pulveris diamarg. ʒj. margarit. preparat. coralli, crystalli ana ʒj. rasura eboris, cornucervi usti ana ʒss. confect. de hyacintho ʒj, syr. de limon. vel corallor. q. s. f. electuar. Dosis sit ad ʒij. superbibendo parum aqua rosar. & buglosi. Et hæc de syncopali; ac pituitosis omnibus febribus.

Generaliter autem omnibus febribus à pituitâ proprietate quâdam conferre dicuntur gentianæ succus cum vino tepido sumptus, ante paroxysmum febrem omnino tollere creditur, sicut theriacæ, aut mithridati ʒj. ex vino albo, post corporis purgationem. Quidam insuper asferunt tribus guttis succi mercurialis in dextram aurem & nares instillatis febres istas solvi posse. Alii jubent instante paroxysmo, ut pedes detineantur in decocto herbarum calidarum. Pariter oleum scorpionum pedibus, manibus, naribus, dorso illitum ante paroxysmum remedio est. Refert Varignana in secretis, milii solis ʒj. cum vino vel aquâ tepidâ sumptam, febrem experienciâ certâ, tollere, idque fieri putat, quia diureticum valde est & abstergens. Quæ experiatur qui volet.

## C A P. X.

### De febribus melancholicis.

1. **A** melancholiâ febres quartanæ fieri dicuntur. Sunt autem eæ quæ quarto quoque die repetunt; Dividuntur, ut aliàs diximus, in intermittentes & continuas, sed quæ exacerbationes habent. Hæ ex humoribus intra vasa putrescentibus; Illæ verò ut intermittentes



res reliquæ ex humoribus per partes sentientes delatis fiunt. Communis generatio utriusque est ex melancholiâ putrescente, quod probat Hippocrates in calce lib. de Nat. hum. quod autumnno maximè generetur, & eâ ætate, quæ est à 25. ad 45. quæ ætas omnium maximè atræ bili est obnoxia, ut etiam inter anni tempora autumnale est maximè accommodatum. Additque si quis extra hoc anni tempus & ætatem quartanâ corripitur illam minimè diuturnam fore. Refert Avicennas quosdam negasse quartanam fieri à melancholiâ, quoniam ipsa non putrescit, quos ideo refellit, quia omnis humor putredini obnoxius sit. At quamvis negandum non sit à melancholia posse fieri quartanam, sic ab eadem posse fieri & tertianam & quotidianam jam superius ostendimus, pro variâ humoris quantitate, tenuitate, crassitie, mobilitate. Sic pariter negandum non est ab aliis humoribus quam à melancholiâ posse fieri quartanam, nam si tertiana quam bilis parere dicitur, adeo interdum postponit, & remoratur, ut periodi suæ ferme obliviscatur, cur adeo retardare non possit, ut quartano tantum circuitu moveatur. Sic quoque pituita vitrea quæ epialon facit, movetur quarto die. In plurimis biliosis pituitosisque febres fiunt quartanæ, quarum symptomata, alium quamlibet humorem quam melancholicum indicant. Præterea non melancholici humoris sed pituitosi, aut alterius cujuslibet vacuatione solutas fuisse febres, has experientia ostendit. Imo rarissimè quispiam aut urinis, aut dejectionibus, aut vomitibus humorem atrum excretum vidit, nec minus frequenter huius humoris excretio in aliis febribus, quam quartanis cernitur. Nec perpetuum est quod scribit Hippocrat. & autumnno & post annum 25. ordinariè contingere, nam & in mulieribus, pueris, & ætate, & vere quartanas cernere licet etiam diutissimè infestantes. Quod si idem scripsit illas minimè esse diuturnas, non negat tamen posse fieri, nam brevitatis, aut longitudo rem non tollunt, verisimile est enim quartanam quam bilis aut ætate, aut vere parit breviorē esse illā quæ autumnno aut hyeme ex melancholiâ contingit. Hic igitur de iis febribus agimus, quas melancholia parit, sive quartanam, sive aliam periodum observent, ut plurimum tamen quartanæ esse solent ob humoris & paucitatem & crassitiem.

I I. Cum autem variæ sunt melancholiæ species, Arabes post Alexandrum ex omnibus illis fieri febres has voluerunt. Alii vero ex solo humore melancholico naturali, nequaquam verò ex aliis speciebus.

M m

Et



Et quidem quod spectat naturalem istam melancholiam, certum est secundum *Galenum*, ex ipsâ putrescenti fieri febrem, quoties propriis ex causis abundè cumulat, nec caloris nativi beneficio regitur. Sed de melancholiâ præternaturali maximum dubium est. Fit enim vel ex naturali ulteriori incendio in atram degenerante, vel ex flavâ superassatâ. At quomodocunque generetur, humor est acris, malignus, corrosdens, perniciosus, unde concludere possumus ab atrâ bile non posse fieri quartanam, quia tunc acutissimus morbus foret & periculossimus, cum natura humoris adeo noxii præsentiam ferre non possit, deinde sævissima inducerentur symptomata, partium exulcerationes, phrenitides, ardores maximi, sitis inexhaustæ, inquietudines, aliæque id genus maligni humoris propria, quibus tamen quartana naturæ suæ ratione caret, cum sit febris diuturna, minimeque periculosa. Ideo *Galenus* 2. de diff. feb. cap. 5. ex solo melancholico humore frigido sicco generari vult, nullibique eam fieri ab atrâ bile prodidit. Quamvis enim 2. prognost. 32. & 3. aphor. 22. duplicem illius generationem faciat, unam ex assato sanguine, alteram ex bile deustâ, non vult tamen ab illis quartanas oriri, sed tantum ab humore melancholico frigido sicco. Unde reprehenditur à *Tralliano*, quod unam tantum ejus curationem scriptis tradiderit, cum tamen alia ex bile flavâ deustâ, alia ex fœculento sanguine nascatur, quæ curandi ratione differunt, cum una calefacientibus, alia refrigerantibus sit curanda, cui consentit *Avicenna*. Respondere possumus, quartanam vel primò incipere, vel aliis febribus succedere, præsertim erraticis. Cum primò incipit, ab humore sit frigido siccoque. Cum aliis febribus succedit, sit ab humore adusto. Non omnis autem humor adustus adeo acris est & malignus, ut atra bilis, putredine enim melancholia incalescit, nec tamen in atram degenerat. Pariter qui calido sunt temperamento ætate inclinante valde fiunt melancholici, remanentque calidi & sicci, nec tamen atrâ bile acris & malignâ, de quâ diximus, abundant. Et ab ejusmodi humore incalescente possunt fieri quartanæ, non autem ab atrâ bile, cujus occursum partes ferre non possunt, & à quâ omnes morbi lethales: fit igitur à melancholiâ quæ atra bilis nondum est, sed est in ejus veluti confinio, quod si ingravescente putredine atra bilis aliis humoribus sit permixta, febris quidem generabitur, sed valdè periculosa ac lethalis, quam nullam habituram periodum puto, sed continua fiet. Proxima igitur causæ humor melancholicus statur-



tuitur. Remotiores sunt quæ ejusmodi humorem in corporibus acervare possunt. Ex autem vel materiam suppeditant, ut cibi dyspeptoi, succi crassi, terrei, caro bubula, aprina, cervina, panis furfuraceus, caseus vetus, legumina, brassica, pisces, setacei, sale conditi, fumove indurati, vina crassa nigra, sed maximè acetum. Est enim melancholia aceto persimilis, siccatur enim & refrigeratur; Sic quoque in quartanâ fit humorum in acidum permutatio, sicut docet *Galen. 2. de sympt. causis cap. 2.* eodem prorsus modo quo ex vino acetum, ita ex sanguine melancholiam generari, ideo acetum melancholicis noxium perhibetur, quia sanguinem refrigerat & exsiccatur, humorem ipsum fermentat ex 3. acutor. vel eam efficiunt, ut sicca frigidaque corporis constitutio, ætas inclinans, autumnus, vigiliæ, curæ, tristitia. Vel eam cumulant ut suppressa ejus è corpore vacuatio per hæmorrhoidas, vel uterum, aut ob lienis imbecillitatem in universum corpus regurgitat. Recenter uxorati quando immodicè coeunt has febres incurre solent inquit *Valesius*, quia ex nimio coitu corpora redduntur imbecillia, refrigerantur & exsiccantur, hincque succrescit copia humoris melancholici. Item pueris propter edacitatem contingit. *Galenus 2. prognost.* ætatem consistentem quartanis obnoxiam esse scribit. At primo ad *Glaucon.* idem de ætate simili scriptum reliquit. Et quibus colligitur omnibus ætatibus accidere posse, sed pueris non ratione temperamenti, sed vel ob ingluviem, vel ob sanguinis materni quo in utero nutriuntur vitium. Sicut in sanguineis apparent sæpe quartanæ, quod fieri dicitur propter malam vivendi rationem, quæ succum melancholicum plurimum parit: Sed potius meo judicio dicendum, etiam ab aliis humoribus fieri posse quartanam.

III. Nam etiam à pituitâ eam fieri vult *Hollerius*, quæ tam crassa est & contumax, quam ipsa atra bilis. Docet enim febres quartanas fieri vel vitio hepatis sanguinem adurentis, vel vitio lienis melancholiam non expurgentis, vel vitio ventriculi crudum humorem generantis, à quo quartanam fieri posse ipse *Aristot.* concessit, problemate 19. lib. primi, ubi ait pueros esse quartanæ obnoxios. Neque id ait *Hollerius* repugnat Græcis aut Arabibus, nam pituita consistentiâ crassa, quantitate pauca, quartanos aut etiam rariores circuitus facere potest. Sic *Rhazes* docet quartanam fieri successione quotidianæ, & tertianæ, adustis scilicet, aut incrassatis humoribus. An autem ex pituitâ possit fieri melancholia alibi diximus, in Physiologiâ.



*Signa  
calor.*

*Urina.*

*Pulsus.*

*Forma  
febris.*

iv. Cognoscitur autem quartana si prædictæ causæ præcesserint. Deinde calor quidem magnus est & mordax, minùs tamen quàm in tertianâ, unde nonnulli tertianæ calorem flammæ ardenti, quartanæ vero fervorem carboni accenso compararunt. Urinæ variæ sunt, principio crudæ, propter materiæ crassitiem, quæ obstructions generat, procedente merbo urinæ fiunt coloratiores, crassiores, hypostasimque habent ex *Actio*; Sed ex *Galeno primo ad Glaucon. cap. 7.* In quartanis variæ sunt urinæ, sed crudæ omnes, quod intelligendum est de principio, nam in statu & declinatione apparent urinæ coctæ, unde falsò quidam *Galenum* de toto morbi decursu intelligendum volunt, nam urinæ perpetuò non possunt esse crudæ, maximè quando natura morbo dominari incipit. Observat *Gordonius*, urinam interdum in ipso principio apparere bene coloratam cum laudabili hypostasi, quoniam ægri in intervallo optimam servant vivendi legem, bene dormiunt, tunc coctio quæ videtur, non est humoris morbifici, sed cibi, ideo humoris coctio tunc ex remissione tantùm symptomatum cognoscitur. Est autem urina quartanæ adeo similis urinæ febris pituitosæ, ut discerni vix possint, unde *Gilbertus Anglicus* in praxi suâ cap. de quartanâ, & *Richardus* quidam doctissimus referente *Arculana*, sancte professi sint se nunquam potuisse ex urinis quartanam cognoscere, aut epilepsiam, aut mulieris graviditatem, quod est verissimum, & experientiâ comprobatum. Pulsus præterea in hac febre sunt tardi, rari & duri in principio, dum rigent ægrotantes, sed postea fiunt majores, validiores, & paulò velociores. In tertianis quidem pulsus sunt parvi, tardi & rari, sed minùs quam in quartanâ, in quâ scilicet videtur arteria quasi ad interiora retracta, cap. 3. 2. de crisi. unde quamvis æger sit juvenis, talis tamen sit pulsus qualis in ætate descriptâ fieri consuevit, in quâ ob caloris nativi paupertatem, & spirituum paucitatem, pulsus sunt parvi, tardi, & rari, tarditas autem quæ in tertianis apparet, parùm abest à motu naturali. Et quamvis in augmento pulsus fiant celeriores ob caloris incrementum, tamen si comparetur quartanæ status cum statu tertianæ, pulsus in quartanâ tardiores sunt & rariore quam in tertianâ. Demum addit *Galenus*, in tertianâ arteriæ inæqualitatem in uno pulsu manifestius apparere, quàm in reliquis febribus, siquidem multo velocius habet principium, finemque motus quam medium. Forma autem febris talis est. Incipit cum oscitatione, refrigeratione, aut rigore sed exiguo, post verò auctâ febre



bre augetur rigor, qui quidem non sicut in tertianis pungens est, sed contundens, & ossa gravans, refrigerationemque percipiunt, qualem homines per gelu sentire solent, idque propter humoris crassitiem, qui cum impetu moveri non potest, cuiusque vapores crassi sunt & sicci, unde quando membranas ferit, non pungit, sed gravat. Ubi recedit frigus, vomitio erumpit amara & biliosa, quamvis *Galenus* negarit vomitum biliosum adesse in quartanis, observatus tamen is sæpe fuit, unde absurdum non esse crediderim, etiam à bile fieri posse quartanam. Augmentum difficile est & prolixum, quoniam humor frigidus, crassus difficulter accenditur, & putrescit. Sitis, vigilia, capitis dolor, symptomata reliqua mitiora quam in tertianâ. Nec in statu multus calor est. Tandem declinat in principio cum pauco sudore, sed temporis progressu attenuato humore copiosissimi sudores erumpunt. Paroxysmus longus esse solet & quarto quoque die redire. Quod si humor ad atram bilem vergat, calor erit acrior, urina magis colorata, pulsus majores, frequentiores, aderuntque humoris adusti & calidioris signa, soletque potius aliis febribus succedere, quam primò incipere, quia humor adustione atræ bilis naturam subit; Habet præterea plurima signa cum bile flavâ communia. Adde quod postridiè accessionis æger etiam vestigia quædam percipit caloris non naturalis, nam & lassitudinem sentit, & malè dormit, nec bene appetit, demum notha hæc brevior quidem, sed molestior est quam exquisita ob humoris feritatem, & malè curata, aut calidis irritata facile in duplicem, triplicemve, & quod pessimum est, in continuam degenerat.

v. Prognosin autem quod spectat. I. *Æstiva quartana breves, autumnales verò longa, maximè quæ hyemem attingunt*, 2. aphorism, 25. *Prognostica.*  
quod in universum de omnibus morbis intelligendum vult *Galenus* in comment. quia humores excrementitii æstatis calore diffunduntur, & facilius dissilantur, in quibus igitur vires validæ sunt, evacuationis noxiis humoribus ægritudines cessant, quibus verò vires sunt imbecilles, dum noxii succi evacuantur, unâ etiam ipsæ dissolvuntur. Autumno autem & hyeme longi fiunt, quod eo cœli statu nihil exudet è corpore, sitque materia contumacior quam aliis anni temporibus. Contingit autem sæpius apud nos quartanas Autumno, vel inclinante æstate genitas solstitio hyberno vel solvi, vel le-



viores fieri. Attamen sæpe non nisi verno tempore solvuntur, quia veris temperies calida est humidaque, sanguis calorque natus abundans, quæ humori melancholico frigido siccoque contraria sunt.

II. Quartanæ omnes sunt longissimæ, & ratione sui salubres *primo Epidem. sect. 3.* Longæ sunt adeo, ut per annum, duosve durent, interdum & decem, idque quia pendent ab humore terrestri, qui facile nequit aut à natura, aut à medicamentis edomari, μέλαινα γὰρ πολλὰ ἐστὶ τῶν ἐν τῷ σώματι ἐκείνων χυμῶν γλιχρότατον ἐν τῷ ἔδρατι χρονοτάτος πεποίηται. 2. de natura humanâ in fine, nam tertianis, inquit, sunt longiores quando minus habent bilis illius quæ calorem præbet, id est flavæ, quem locum male transtulit *Foesius*, cum particulam τῆς omiserit, nam dixerat omnes febres esse ex bile, in quartanâ pauciores esse bilem quam in tertianâ, ita ut cum ab atrâ eam fieri dixerit, bilis sit genus ad atram, & flavam, ut in *Physiologiâ nostrâ* diximus. Salubres autem sunt quartanæ, quia manifesta habent intervalla, in quibus vires recreantur. Non tamen id intelligendum de omni quartanâ, nam & continua valdè periculosa est, quia assidue ægrum fatigat, tum intermittens quæ sit cum lienis, alteriusve visceris affectu periculosa est, quia in hydrophen de degenerat. Dignoscuntur autem à splene originem ducentes quartanæ ex colore, cruditatibus, & quod venter non facile egerit, tum splenis in sinistro latere intumescentiæ secundum *Aëtium*. Ex hepate verò si sit, coloris sunt albicantis, toto corpore tumidi, urinæ sunt valdè rubræ sandaracham referentes, dextri hypochondrii tumor infestat, difficulter magis quam splenici spiritum ducunt, sub-  
 \* tussiant, & demum labuntur in hydrophen ex *Aëtio*. III. Quartana placidissima est, ab aliis magnis morbis liberat, epilepsiâ, lepra, vitilagine, 1. *Epidem. sect. 3.* & 6. *Epidem. sect. 6. textu 9.* Quartano à magno morbo liberat. Ubi Galenus per magnum morbum intelligit epilepsiam, Alii tamen legunt ab aliquo magno morbo, ut sensus sit, quartanâ de-  
 tentos nullo magno morbo laborare, hancque esse vulgarem omnium ferme codicum lectionem testatur *Foesius*, quam sequutus Celsus Hippocratis interpretis, scripsit quartanam per se neminem jugulare, sed à magnis morbis liberare, quod tamen falsum esse ostendit experientia, & ipse Hippocrates 3. *Epidem. sect. 3.* quartanarios, refert, qui peste laborarunt, & acuti febribus, ac mortui sunt, & in *Coacis* febres quartanus in acutos morbos degenerare scripsit. At quod generaliter de morbis magnis in Epidemiis, aut ut vult Galenus de magno morbo

sci-

\*  
*Foesius*  
 notatur.



scilicet epilepsiâ dixerat, id 5. aphor. 70. ad convulsiones refert; Quartanâ laborantes convulsionibus non capiuntur, si vero prius capiantur, & quartana supervenerit liberantur. Ratio est ait Galenus in comment. quia fit convulsio ab humoribus crassis & pituitosis, quorum curatio coctio est & excretio; Utrumque habet quartana, excretionem quidem ex rigore quo partes exagitantur, & humor expellitur, coctionem verò caloris febrilis curatione. At hæc ratio Galeni non sufficit, nam in febre tertianâ & rigor adest, & calor quam in quartanâ major, qui facilius tum conquerere humorem pituitosum, tum excernere potest. Et tamen id de tertianâ Hippocrates non protulit. Quod si ob calorem & rigorem febris quartana humores pituitosos concoquere & excernere valet, unde fiunt tot in hac febre obstructions, tumores, hydropes, qui morbi ab humore pituitoso generantur. Demùm quartana ab humore fit melancholico secundum Galenum, quomodo potest rigor excernere humorem pituitosum, cum ipsum melancholicum non excernat, nam qui humor rigorem concitat, is paroxysmum facit, valdè longum, sub cuius finem tantum excernitur in sudores. Dicere possumus ab eodem humore fieri posse convulsionem & quartanam, sive is pituitosus sit, sive melancholicus, sive biliosus, sive convulsio propriè dicta intelligatur, sive epilepsiâ, (ut quidam voluerunt per convulsionem hic intelligi Epilepsiam) unde febris quartana morbos hosce curat, quia dum humor melancholicus ad hypochondriâ vergit neque amplius cum sanguine miscetur, morbi illi solvuntur, aut ægri in eos non incidunt, quin etiam vomitu multi humores mali vacuantur. At iterum dices idem contingit in tertianâ. Sane rationem non video cur tertiana convulsionem æquè ac quartana solvere non possit, si enim convulsionem febris ardens etiam solvit, quidni tertiana? At in tertianâ fiunt sæpe convulsiones in principio paroxysmi. Respondeo intelligendum esse Hippocratem, de convulsione idiopathica quam humor pituitosus parit, non de sympathica quam vapor acris è præcordiis elatus suscitatur, priorem febris tertiana curat, non minus quam quartana, posteriorem minimè. Hæc verò posterior in quartanâ fieri non solet, quia ab humore fit ejusdem quidem generis cum tertianâ, sed minùs acris, minùs mobili, minùsque tenui. I V. Quartanæ secundum recentiores quosdam ut Augerium, succedere solet lapsis renibus; sed id non est necessarium, nam & sine quartanâ, & post alios morbos solet generari, nec semper in quartanâ fieri ostendit

\*  
Galenus  
refellit.

ex-



experientia. V. Quartana quamvis sit salutaris, in senibus tamen ut plurimum lethalis esse solet, quia corpora ipsorum debilia ab hac febre valde agitantur, quæ cum fiat ab humore rebeli & contumaci, ab ipsis concoqui non potest & excerni, ob caloris & virium defectum.

VI. Febres quartanæ aliis ægitudinibus succedunt, maximè febribus erraticis, idque citiùs instante Autumno, humor enim fervens æstivo tempore per febres desinit in atram bilem. Hujus mutationis signa tradit Hippocrates coaca 30. capitis 3. *Quæ in urinis sunt nigrae nubecula, in erraticis febribus, quartanas denuntiant*, quia scilicet oriuntur ab humore nigro à quâ quartana dependet. At coaca 35. ejusdem capitis. *Quæ in tertianis cum horrore nubecula nigra sunt, incertum horrorem denuntiant*, ἀναγίστατον. Ubi videtur Hippocrates nubeculam nigram quartanæ facere indicium in febribus erraticis, & in tertianis nothis febrium erraticarum. Semper autem in prognosticis nubeculas nigras damnat, quod humorum incendium maximum, interdum etiam necrosin indicent. Hic verò videtur humoris biliosi affatio significari per nigras nubeculas. At quomodo febris quartana succedet, quæ cum non sit lethalis ab humore adusto & atrabilario fieri non potest, aut quomodo ex febribus tertianis fient erraticæ, unde Duretus mendum esse suspicatur, & pro ἀναγίστατον, legendum ἀγίστατον, nam ex febribus incertis, nascuntur certæ. Sed malè meo iudicio, nam nubecula nigra periculum denuntiant, & propterea in tertianis apparentes sunt malæ, febres autem ἀναγίστατον. ut plurimum sunt pessimæ & τριημιόβειες, in quibus fiunt etiam rigores incerti, unde etiam quidam distinguunt inter ἀναγίστατον & τριημιόβειες, priores sunt periculosa, continuæ, hæ posteriores minus. Sensus igitur Hippocratis est nubeculas nigras indicare has febres continuas periculosas, non erraticas. At non est perpetuò verum quod prius scripserat quartanam denuntiari si nubecula nigra in erraticis apparuerit, ut certâ experienciâ in quibusdam erraticis observavimus, quibus quartana etiam succedit. Quod si quartanam futuram denuntiat, cur ipsâ quartanâ præsentem non adest ejusmodi nubecula, nam multo magis adesse deberet. At non adest. Non igitur videtur esse hoc signum ullius necessitatis. VII. Quartanæ ut plurimum ultra annum non exporriguntur. 6. Epidem. sect. 6. t. 23. quod est intelligendum modo non nascatur ex affectu alicujus visceris, tum quoque prava victus ratio quartanam producere potest ultra annum, intra cujus spatium ordinariè finiri solet, quia iniquiunt quidam morbi

\*  
Hippocras  
res nota-  
tur.



bi chronici sequuntur motum solis, ut breves lunæ, quod an verum sit alibi explicavimus. VIII. Hybernæ quartanæ præter omnium opinionem in morbos acutos transeunt *coaca 159.* quod rarò contingit, & quoties contingit, externarum causarum ope fit, ægri vitio, intemperantia victus, Medici ignorantia, aut latente interno corporis vitio, vel prohibitâ vacatione per sudores, unde humor in venis putrescens quartanam continuam parit, valdè periculofam. IX. In febribus quartanis valdè rubentia & æruginosa dejici malum, quia ostendit humores aduri & torreri, malignitatemque acquirere, vitio ut plurimum hepatis nimium calefacti. X. Solvuntur interdum quartanæ urinis crassis, nigris, interdum fluxu menstruorum & hæmorrhoidum: Sed quod de urinis nigris dicitur id rarum est, nam rarò in febre quartanâ apparent, nec minùs frequenter in aliis quam in quartanis. XI. Quidam scribunt eundem hominem bis quartanâ non laborare, quod falsum esse demonstrat experientia, siquidem quosdam bis terve quartana tentatos vidi. *Argenterius* com. ad aphorism. 25. lib. 2. causam hujus repetit ex nostris principiis; Remanet enim quædam in nobis humorum corruptio, quæ necessariò expurgatur per papulas, acciditque ut qui plurimum habent melancholici, si non ritè expurgentur, iis superveniat quartana, quæ reliquias omnes abscindit, hinc nemo bis quartanâ laborat. *Hippocrates* referente *Aëtio* fuit ejusdem opinionis. Sed hæc præter rationem dicta sunt. Si enim nemo eâ de causâ bis afficitur quartanâ, pariter demonstrare licebit, neque bis tentari aut tertianâ, aut quotidianâ. Cum enim in principiis generationis nostræ plurimum quoque remaneat biliosi, si universum semel per tertianam expurgetur, nemo bis tentabitur tertianâ, quod est absurdum. Verum cum in nutritione & humorum generatione, multum semper generetur melancholici humoris, si ipsum putrescere contingat, quartana excitabitur, quâ semel sanatâ, ubi corpus denuo nutriri incipit, iterum generabit melancholiam, quæ rursus putrescere poterit, & novam morbi historiam aggredi, denuoque febrem generare. Falsum est igitur neminem bis quartana affici. *Mercurialis* plurimum se torquet in reddendâ problematis hujus ratione, cum tamen simpliciter sit negandum, aut dicendum foret aliquid esse in febre quartanâ divini, quod in aliis morbis non reperiatur. XII. In quartanis sanguinis è naribus profluvium malum, indicat enim vel sanguinem tenuem esse & serosum, ob debilitatem caloris, ut in lienosis contingit, aut

\*  
Argente-  
rius refil-  
litur.

N n

san-



sanguinis hoc profluvio vires debiles magis exhauriuntur. XIII. Quartanæ continuæ raræ sunt, quia humor melancholicus naturæ adversus & contrariis expellitur ab internis partibus, unde fiunt intermittentes, quod si continuæ contingant, solent esse valdè periculosa. XIV. Intermittens quartana curatu admodum difficilis est, quia fit ab humore crasso, lento, tardo, quique remediis non cedit. Succedit viscerum imbecillitas, unde fiunt cruditates, quæ morbo fomitem subministrant. Quapropter curationi diligenter incumbendum, nam vulgò opprobrium Medicorum esse dicitur.

Curatio.  
Victus  
vario.

VI. Victus ergò ratio instituatur contraria humori melancholico, qui frigidus siccus est, ideo calefaciendum est & humectandum. Aër ergo sit calidus humidus, somnus longus, quia concoquit & humectat. Profunt in intervallo leviora exercitia, imo solent ægri ad consueta negotia redire, & à plurimis sani habentur, sed die paroxysmi quies imperanda. Vitentur demum omnia quæ tristitiam & mœrorem parere possunt, quin potius perpetuò gaudeant, quæ lætitia calorem auget, & recreat, quamquam interdum magno, sed repentino timore quartanam solvi scripserit *Rhazes*, ratio est, quia repentinus timor calorem auget in præcordiis, ob sanguinis ad interna recursum. Scribit *Livius* Quintum Fabium maximum, apud flumen Isaram prælio commisso adversus Allobrogum Regem febre quartanâ liberatum esse. Quod cibum & potum spectat, quatuor in eo conditiones Avicenna requirit, *prima* ut non sit crudus & refrigerans, quin potius cruditates resolvat, quæ fovere solent humores crassos quartanæ auctores; *secunda* non incrasset, sed attenuet; *tertia* non adstringat, sed alvum potius fluidam servet; *quarta* sanguinem procreet laudabilem. Talis erit victus calidus & humidus. Sed scribit *Galenus* 1. ad *Glaucon*: quartanis nocere refrigerantia & humectantia. *Trallianus* ideo *Galenum* damnat, quod humectantia prohibuerit, cum melancholicus humor sit siccus, propterea humectari postulet, quod cum videret *Leoniscenus* loco ὑγραίνοντων correxit ξηραίνοντων, quem sequutus est *Andernacius Pauli Aegineta* interpres. Sed hæc difficultas nullius pretii mihi esse videtur, nec antiqua *Galen*i lectio immutanda, cum eam servant *Oribasius*, *Aëtius*, qui de febre quartanâ *Galen*i verba transcripserunt. Quin etiam malè *Leoniscenus* *Galenum* corrigere ausus est, quia siccantia ut piper & sinapi etiam concedit. Dicendum igitur *Galenum* prohibuisse non quæ humectant simpliciter, sed quæ simul refrigerant & humectant,



meētant, quia crudus est humor, multo copiosoque sero abundans, corpus quartanarii debile est, propterea refrigerantibus & humectantibus cruditas augetur, quæ fomes est istius febris. satius igitur est victum esse calefacientem, attequantem, incidentem, humectantem. Distinguendum tamen est an fiat ab humore melancholico naturali, an ab eo qui ad atræ bilis naturam vergit, nam in hoc conveniunt quæ refrigerant & humectant, quibus utendum præcipiunt *Avicenna*, & *Trallianus*. Cibi sint concocti faciles, ut aviculæ quæ in campis & collibus, non in aquis & paludibus degunt, ova tremula, juscula alterata radicibus aperientibus petrosel. fœniculi, asparagi, buglossi, borrag. &c. Fugiant verò omnes cibos glutinosos & crassos, ut carnem suillam, bubulam, aprugnam, cervinam, leporinam, pisces cetaceos, fumo induratos, salitos, tum etiam palustres, sed minus nocent saxatiles, molli carne præditi, qui pipere, sinapi, nuce moscatâ condiri debent. Sed tamen salsamenta laudant *Galenus* & *Alexander*, quia humores crassos glutinososque extenuant. Sane quæ nostro tempore salsa servari solent, ut carnes bubulæ, suillæ, & haleces, &c. nec recentia, nec salsa conveniunt. Quod si per salsamenta intelligat *Galen.* carnes, piscesve molles recenter salitos, ut eorum visciditas corrigatur, convenire possunt quartanis, quamvis satius fuerit ab iis abstinere. Videntur præterea omnium leguminum genera, præcipue lentes. Sed ex herbis conveniunt lactuca, buglos. borrago, melissa, ex fructibus olivæ, cappares, pruna, pyra, poma cocta. Rapas laudant aliqui elixas cum prædictis carnibus. Sed nocent fructus crudi, melones, cucumeres, castaneæ, nuges, tubera, brassica, acetum, & cætera, quæ humorem melancholicum flatumque generare possunt. Præterea sunt quidam cibi potusque, quorum materia adeo adversatur humori melancholico, ut nunquam in illum transmutari posse dicantur, inter quæ numerant quidam aquam ex vino & lacte distillatam, oleum amygdalarum dulcium, cum croco & aceto sumptum, quorum altero potu testantur quartanam posse sanari. Potus sit vinum album tenue, mediocriter calefaciens, quod tenuitate suâ humorem crassum attenuat, calore mediocri corpus calefacit, coctionem juvat, urinas provocat. Crassum verò & calidum humiditatem resolvit, crassos humores cumulat, ægrè concoquitur. Abstineat à copiosiore aquæ, pomacei, ptisanæ alteriusve cujuscumque refrigerantis potus usu, si sit abstemius utatur mulsâ aquosâ, aut aquâ decoctâ cum aniso,



sceniculo, cinnamomo. In pastu abstineat à variis cibis unâ tantum aut altera cibi specie contentus, nam varietas ciborum est cruditas parens, cruditas autem febrem hanc fovet & diuturniorem reddit. Secundâ mensâ sumat poma cocta, aniso, aut feniculo conspersa, passulas & huiusmodi bellaria. Caterum etsi acetum in omnibus externis splenicis medicamentis commodè addatur, 9. κατ. τόν. 14. method. & 5. simpl. quia lieni opitulatur, cui fermentatio non est molesta, in quartanariis tamen & melancholicis per os parcissimè dari debet, sicut & oxymel, & syrupi qui acetum recipiunt, quia fermentationem faciunt, melancholiam attollit, & multiplicat, ex Hippocrate 3. acutor. Sed semper observandum cibum non debere exhiberi in die paroxysmi, ne natura coctioni cibi intenta humorem morbificum relinquat. Sed dubium est de victu, an in principio tenuis esse debeat, an plenus. Tenuem præscribit Avicenna, ut humor morbificus concoquatur, cruditas tollatur. Contrâ in morbis chronicis in principio victus competit plenior, quem commendant Galenus, Oribasius, Aëtius, Valescius. Respondet Guainerius si corpus sit plethoricum, victus sit initio tenuis, si verò non fuerit, victus sit crassior. Satiùs est tamen mediocrem servare vivendi rationem, quæ corpus nutriet, humorum coctionem copiâ suâ non impediat, sed potius qualitate juvet. Quidam contra putant excessu & copiosiore meracioris vini potu, sanari posse quartanam, quod verum esse confirmat experientia, asseritque Aristoteles primo problematum 2. ubi tamen notandum an materia sit cocta si enim cruda esset, mors subsequi posset. Causa est secundum Amatum, quia natura calore vini excitatur, & humorem jam coctum per vomitum, sudorem, alvum ejicit. Aristoteles vero loco citato, causam tantum generaliter reddit, cur morbi curentur, ubi quis abundè excessit. An quia causæ morborum & remedia inter se contraria sunt, hinc sit ut per unius excessum, alterum reduci possit ad mediocritatem: Sic per aquæ frigida potum largum synochus & ardens curari potest, quid mirum si quartana vini tenuioris maximâ copiâ curetur, cum inde augeatur calor nativus, humores crassi attenuentur, corpus humectetur, quod tamen remedium noxium esse crediderim, ubi melancholia paulò calidior est & adusta. Consilio Medici cujusdâ vir mihi maximè notus, paulò largius præter morem se invitavit, mirum quam malè inde se habuerit, in quantam sitim devenerit, noctem insomne duxit, & multò postea pejus se habuit, ut non sit huic remedio fidendum. Et hæc de victus ratione.

VII. Cu-

Historia.



VII. Curationem autem quod spectat: cum quartanâ clementer agendum, neque cathartici fortiorique medicamento natura irritanda, ne ex simplici duplex, triplexve, aut etiam continua evadat ex *Aëtio, Paulo, & Galeno j. ad Glaucon. cap. xj.* sed gradatim à debilioribus ad fortiora ascendendum, nec nimis calidis, nec nimis frigidis, nec nimium siccis utendum. Ante omnia causæ habenda ratio est, quæ concoqui primum dein evacuari postulat. Dein viscerum habenda ratio est, hepatis scilicet, & lienis. Blandis ergo in principio medicamentis utemur. Alvus enim ex Galeni consilio semper mollis esto. Ad quod opportuni sunt clysteres primum molles, dein in morbi progressu aciores. *R. malva, bismalva, mercurial. beta, buglossi ana M. j. passular. ficuum ana Paria quatuor. pruna N. x. sem. anisi, fœnic. frigid. major. sem. apii, petros. ana ʒ j. medulla semin. carthami, polypod. ana ʒ j. flor. chamam. meliloti, sambuci, tamarisci ana P. j. f. decoctio ad lb j. in colat. dissolve catholic. sacchari ana ʒ j. mellis rosati ʒ ij. olei chamam. & violacei ana ʒ j. ss. M. f. clyster.* Aut propinentur levia cathartica ex manna, cassia, fennâ, electuario lenitivo, & similibus. Post excrementorum communium educationem, vena secari potest, ex primò ad *sectio. Glaucon. Paulo, & Aëtio.* Jubet Galenus inspiciendam esse sanguinis qualitatem, nam si tenuis flavusque fuerit statim suppressendus, si verò crassus & niger audaciùs mittendus pro ægrotantis naturâ & viribus. Sed rarò mittitur sanguis à principio, magis verò circa medium tempus augmenti, quando omnia consentiunt, ex importunâ enim venæsectione inquit *Avicennas*, partes debilitantur, melancholia redditur ferocior, vacuato sanguine qui ipsi utraque qualitate adversatur. Unde potius frænum melancholiæ quam bilis dici debet. Mirum est Galenum secundum recentiores in tertianâ prohibere venæsectionem, & eam concedere in quartanâ, cum in utraque humor putrescat extra venas. Sed reverâ *Galenus* in utraque febre sanguinis missionem concessit, & sæpius observatum etiam venarum sanguinem alteratum fuisse & infectum à calore præternaturali quartanæ. Secunda autem est ex *Aëtio*, vena interna aut mediana dextræ brachii, si affectum sit hepar, aut sinistri si lien afficiatur. Non enim semper ex lienis vitio dependent quartanæ, sed interdum earum formes in hepate est. Et quamvis semper ex liene dependerent, nullam rationem video cur potius in sinistro quam in dextro vena secari debeat, cum utriusque brachii venæ ab hepate oriantur. Sed tamen re-



fert *Valescus* multos sectione salvatelæ manus sinistrae in horâ accessio-  
nis fuisse servatos, quod fieri posse credo, cum salvatela à venis bra-  
chii oriatur, sed sanguinem mittere in accessione est contra regulas ar-  
tis, & malum. Quod si hujus venæsectio curavit quosdam, verisimile  
est eodem potuisse sanari eadem venâ in brachio lecta. Quod si hæ-  
morrhoidibus olim æger laboravit, eæque suppressæ sint poterunt pro-  
vocari, sicut & menstrua in mulieribus.

VIII. Post venæsectionem præparandus humor est & purgandus,  
& quia morbus longus est qui remediis non cedit, iterandæ sunt  
præparationes purgationesque, atque interea quiescendum per ali-  
quot dies à primâ purgatione, victus optimâ ratione interim serva-  
tâ, alvumque lubricam servando, clystere præscripto, aut alio ejus-  
dem naturæ.

### *Melancholiam præparantia.*

Melancholia igitur quæ fæx est sanguinis crassa, sicca, terre-  
stris, obstructions rebelles & indomitas parit, quare ad præpara-  
tionem eget, calefacientibus, humectantibus, attenuantibus, mea-  
tus aperientibus, quod præstabunt sequentia, in quorum censu si  
quædam sicciora videntur, humectantium admistione temperanda.  
Atram autem bilem quæ præparent dictum est capite de tertianâ no-  
thâ. Eadem enim atræ bili qua humoribus æruginosis conveniunt.  
Ex prædictis igitur, ut alibi diximus, fiant præparantia in formâ jule-  
pi, Apozematis & syrupi. R syrupi de scolopendrio, capilli veneris de  
bugloso ana ℥ j. aquarum fumar. fœnic. endiviæ ana ℥ ij. fiat julep. Vel R  
oxymelit. simpl. bizant. de fumariâ ana ℥ j. aquarum borrag. buglofi, lupulo-  
rum ana ℥ iij. cremoris tartari ℥ j. M. f. julep. Si ad atram bilem vergat.  
R florum violar. borrag. buglof. florum pomorum redolent. ana M. ij. melissæ  
M. j. macerentur horis xij. in tb ij. aqua tepida, super cineres calidos, in ex-  
press. dissolve sacchari tb ss. f. julep. Vel R aquar. violar. buglof. borrag. ana  
℥ iij. succi pomor. redolent. sacchari albi ana ℥ v. M. f. julep. Demum ea-  
dem quæ bili conveniunt. Apozemata autem ad melancholiam quæ  
est fæx sanguinis sic fiant. R radicum buglof. rusci, asparagi, cichorii, saty-  
rion. fœnic. apii, petros. enula, glycyrrhizæ ana ℥ ss. corticis citri sicci ℥ iij. cor-  
ticis cappar. tamarisci ana ℥ vj. passul. ℥ j. herbar. capillar. melissæ, cichorii,  
chamad. chamæp. lupuli, fumar. borrag. buglof. cardui bened. thymi, beton.  
mercur. ana M. ss. prunor. dulcium N. x. capparum ℥ j. quatuor seminum  
frigid.



frigid. majorum ana ʒ ss. sem. petrosel. endivia, acetosa, ana ʒ j. cicerum rubror. P. j. tartari vini albi ʒ j. florum genista, hypericon. violar. borrag. sambuci, anthos ana P. j. f. decoctio ad lb j ss. In Colat. dissolve syrupi de pomis simplicis ʒ ij. syr. bizantini, capilli veneris ana ʒ j. sacchari lb ss. aceti, caryophyllati ʒ j. M. fiat *Apozema clarificatum*, & aromatizatum ʒ j. cinnamomi in plures doses. Crato decoctum raporum valde extollit, dicitque proprietate quadam melancholice aduersari, sicut prodest tartarum vitriolatum Crollii, crystallum cremorque tartari. Commendant alii radices juglandis cum aliis coctas. Sed his præparantibus utendum est diutius, ut per dies duodecim, quindecim, pluresve.

ix. Post præparationem purgandus humor est. Sed *Galenus*, & cum *Pragratio*. eo recentiores fortioribus non utuntur, sed tantum benignis, humor enim rebellis non cedit cathartico, sed exasperatur. Sic *Plato* in *Timæo*, morbos melancholicos leniter tractandos docet, siue sint interni, siue externi, sicut cancri fortioribus remediis curati deteriores evadunt. Attamen quartana levi medicamento non cedit scribit *Hippocrates aphorismo nono libri quarti* melancholicos plenius per inferiora esse purgandos. Per inferiora quidem quia humor gravis est qui deorsum vergit, ideo quo natura vergit ducendum, quamvis *Apicenna*, *Galenus*, *Paulus* vomitum imperent in quartana, sed non respexerunt ipsam causam morbi conjunctam, sed antecedentem, ex qua multa sæx in sanguine pullulat, quæ quartanam fovet; etsi ut experientia docet vomitu sæpe cessavit quartana, vacuato non tantum humore crudo & pituitoso, sed etiam bilioso. Plenius verò, quia humor gravis, contumax, vehementi impulso eget, aliàs turbatio fit in corpore & agitatio, potius quam vacuatio scribit *Hippoc. lib. de aëre, aquis, & locis*, eos qui utuntur aquis stagnantibus validis medicamentis debere purgari, sunt autem ii ut plurimum melancholici & lienosi. Quod si *Galenus* & alii vetant usum validiorum, intelligendi sunt tantum in principio, ante coctionem & præparationem humorum, ante quam si cathartica exhibeantur, sæva inducuntur symptomata, humores terrestres non cedunt medicamento trahenti, quod si semel fuerint præparati & edomiti, tunc valido medicamento eradicantur. Id docent *Galenus* & *Paulus*. *Galenus enim primo ad Glaucon*. elleborum album exhibet, tum cum radiculis tum per se, sed si vomere nequeant, vehementius inquit per inferiora purgantur. *Paulus* vero post concoctionis notas exhibet melanagoga, non semel, sed etiam sæpius, & post validam, inquit,



quit, purgationem, medicamentum ex viperis exhibeto. Ubi purgantia non levia, sed fortia imperant. Gordonius cap. de quartanâ optime rem hanc explicavit, validum medicamentum tale est ratione quantitatis suæ, vel qualitatis, in principio non competit forte medicamentum, ratione quantitatis & qualitatis, resolveretur enim tenuius crassiori remanente. Sed si debile sit in qualitate, detur in majori quantitate, & contrâ si validum sit detur in minori dosi. Et sanè repetitæ purgationes per Apozemata nostra in plures doses instituta valde utiles sunt humore præparato. *Averrhoes* prohibet helleborum nigrum 7. *Colig. 14.* & plurimi Medici ab eo tanquam à veneno abhorrent; *Attamen Mesue* scribit helleborum nigrum clementer utramque pituitam & bilem purgare, quod experientia quotidiana ostendit esse verum, eoque utendum cum seminibus anisi, citri, spicâ, floribus nymphææ. *Aëtius* helleborum præscribit, quod citra molestiam evacuet, sicut & vinum dulce in vacuum colocyntidis calicem infusum, Addit apium, anisum, dauci semen ad jucunditatem. Non est igitur adeo à validis medicamentis abhorrendum in hoc morbo. R decocti epithymi Mesue ℥ iij. rhabarb. in aqua borrag. infusi & expressi ℥ ij. syrupi rosar. solut. vel de pomis compositi ℥ j. f. potio. R confect. hamech ℥ iij. elect. indi ℥ ij. pulveris mechoacan ℥ ss. cremoris tartari ℥ j. f. bolus. R folior. borrag. buglosi, violar. ceterach, summit. thymiana P. j. passul. ℥ ss. folior. senna, epithymi, seminis carthami ana ℥ ss. tamarind. ℥ ss. prunor. dulcium Par. iij. myrobalan. indar. ℥ j. ss. seminis anisi ℥ j. seminis citri ℥ ss. florum cordial. calend. ana P. ss. f. decoctio pro dosi. In quâ dissolve syr. de pomis solutivi ℥ j. M. f. potio. Vel R decocti præscripti Apozematis præparantis ℥ ij. Incoque myrobalanor. omnium ana ℥ ij. epithymi ℥ j. senna ℥ ij. helleb. nigri ℥ ss. jalap. ℥ j. mechoacan ℥ j. hermodact. turbit ana ℥ ij. seminis carthami contusi ℥ ss. agarici ℥ ij. florum nymphææ P. j. santali citrini ℥ ss. zinzib. spicæ ana grana v. Infundantur omnia simul secundum artem & parum ebulliant. Colatura adde sacchari ℥ j. ss. manna ℥ ij. rhabarb. in aqua endiviæ infusi & expressi ℥ ij. f. syrupus, cujus dosi sit ad ℥ iij. blande evacuat, & sine torminibus. Pilulis quoque uti possumus, sed quia humor siccus est, quidam satius esse putant potionibus uti, quamvis quoque pilulæ non sint adeo repudiandæ. Sequentes utiles esse possunt. R aloes ℥ ij. ammoniaci aceto dissoluti, myrrhe ana ℥ j. ss. mastiches, gentiana ana ℥ ss. rhab. electi, extracti hellebori nig. ana ℥ j. trochiscor. de capparib. ℥ ss. extracti croci g. iij. salis absinthii & fraxini ana ℥ ss. cum syr. rosar. soluti-



ro f. massa, cujus dosis sit ad ℥ij. vel ℥j. Electuaria quoque fieri pos-  
sunt. R syrupi præscripti q. s. adde catholiconis, confect. hamech ana ℥j.  
pulpæ castiæ ℥ij. folior. senna ℥j℥. epithymi ℥iij. elect. de citro soluti-  
vi ℥℥. seminis anisi ℥j. olei piperis, succini ana guttas iij. pulpæ passu-  
lar. ℥j. f. elect. cujus dosis sit ad ℥vj. vel in formâ boli, vel cum sero ca-  
prino dissolutum. Addi possunt agaricus, turbith, extractum hellebori  
nigri.

x. Nec tantùm per alvum vacuare convenit, sed etiam per vomitum, ut jubent & suadent *Galenus j. ad Glaucō. cap. xj. Paulus, Aëtius, Alexander. Avicenna*, maximè si æger ad vomitum sit pronus, fecus per inferiora purgandum. Quamvis enim humor melancholicus videatur potius per inferiora quam superiora debere expurgari, ex 4 aphorism. ix. quia crassus est & terrestris, tamen quia quartanarii ob coëctricis debilitatem, & morbi longitudinem plurimos coacervant in ventriculo crudos humores, qui vomitu debent expurgari, sic fomes subtrahitur quartanæ, quin etiam humor melancholicus aliene sæpe regurgitat in stomachum, unde commodè potest evacuari. *Saxonia* singulis fermè paroxysmis vomitum movet, summo cum fructu, & ostendit experientia nihil hoc remedio utilius esse. Utebatur autem *Galenus* hellebro albo primum cum raphano, dein solo. At recentiores blandis suis vomitoriis utuntur, ut oxymel. cum decocto raphani, attriplitis, anethi & similium & seminis erucæ, attriplit. raphani, ana  $\mathfrak{z}$  ss. aq. *azari* 3j. florum genista anet. anthos ana P. j. f. decoctio, in cuius  $\mathfrak{z}$  vj. dissolve oxymel.  $\mathfrak{z}$  ij. bibat tepidum. Quidam in quartanis commendat succum verbenæ igne depuratum, ad  $\mathfrak{z}$  ij. melior erit si succus mense Majo educatur. Operatur eadem violentiâ quâ Antimonium, sed aqua benedicta, seu infusio croci metallorum propinari potest, quamvis potius biliosos quam melancholicos humores evacuet. Nec inutile erit vitriolum Crolli vomitivum administrare. Multò felicior, minusque molesta ex illis succedit evacuatio. quam ex vegetalibus, quæ si magis arrideant diafaron *Fernelii* usurpetur. Novi quosdam qui infusione foliorum siccorum tabaci commodè susque deque purgantur, sed est remedium supra modum violentum, & formidabile. Quod si valdè robusti sunt patientes Helleborismus Heurnii poterit in usum vocari, estque extractum Hellebori albi per decoctionem paratum, quam præparationem Heurnium sibi malè attribuit, cum sit Aëtii, & forsan aliorum ante Aëtium, ut ut sit aut nunquam, aut saltem rarissimè in usum



usum veniat. Jubet autem *Galenus* vomitum cieri à cibo. *Avicennas* verò & ante cibum, & post cibum, & omni horâ. *Trallianus* *Galenum* reprehendit, quod vomitum præscribat à cibo, quum melius provocetur in principio paroxysmi ante cibum. *Altimarus*, utrumque auctorem conciliare nititur, dicendo vomitum à cibo futuram accessionem prohibere, quia materiam ejus minuit; Si verò fiat ante cibum crassos humores accessionem facientes evacuat. At hoc nihil est, hinc enim sequitur & à cibo, & ante cibum utilem esse vomitum, nec determinat *Altimarus*, utrius consilium sit sequendum. Deinde supponit vomitu evacuari causam febrilem, quod etsi verum esse credam, repugnat tamen tum veteribus, tum recentioribus, qui à solâ melancholiâ febrem quartanam fieri volunt, ajunt enim vomitum præscribi non ad melancholiam vacuandam, quæ potius per inferiora purgatur, sed ad cruditatem stomachi exhauriendam, quæ fomes est quartanæ, cui sententiæ ipse *Altimarus* consentit, cum tamen ut alibi diximus non sit semper vera, nam ut docent *Ætius* & *Trallianus*, assiduo vomitu plurimi perfectè curati sunt, quod ostendit etiam causam conjunctam febris fuisse evacuatam. *Mercurialis* quoque *Altimarus* reprehendit, quia vomitus à cibo ventriculum tantum, humoresque in illo contentos evacuat, non autem quæ sunt in venis, nisi maximo naturæ conatu. Igitur satius erit *Avicenna* consilium sequi, qui vomitum præscribit à cibo, & ante cibum; A cibo quidem facilius vomit æger, sed minori cum fructu, si vero sit ad vomitum propensus, satius erit ante cibum, sic attrahit melius ex venis, quoniam emetici vis cibi permistione non hebescit, ut capite de tertianâ nothâ diximus. Optimum igitur est non semel, sed & sæpius vomitoriis uti, & die intervalli si præbeatur, facilius à cibo vomitur, minorique cum molestiâ. Sed die paroxysmi quoniam humor faciliè movetur, & cibum dare noxium est, satius erit jejuno dare, secundum *Alexandri* consilium, unde male faciunt Angli, qui potum quamplurimum hauriunt, quando vomitoriis utuntur, in ipso paroxysmo, quod est valdè nocivum, ut experientiâ ostendit sæpius inde paroxysmos fieri graviores, & longiores, stomachumque debilitari.

An in die  
paroxysmi  
purgan-  
dum.

xI. Cum itaque viderimus quartanarios tum per alvum, tum per vomitum debere expurgari, id expendendum nobis est, an in die paroxysmi id fieri debeat, quæ quæstio est maximè utilis & necessaria ad medendum. Vomitum quidem in die paroxysmi & ante paroxysmum



sumum commendant *Avicennas*, *Alexander*, omnes denique recentiores, quia tunc humores moventur. Nam cum atra bilis humor sit omnium maximè purgationi rebellis, minùs trahenti medicamento repugnabit, circa accessionis initia, quoniam in paroxysmo humor agitur, commotus autem facilius expurgatur, & ut dicit *Alexander* humores tunc ad stomachum confluunt, illum rodunt, nauseamque excitant. Purgationem autem in ipso Paroxysmo quidam præscribunt, alii die paroxysmi ut *Amatus Lusitanus*, *Arculanus*, *Gentilis* ex opinione Mauri cujusdam Medici. Alii contra id negant, quamvis de vomitu concedere omnes videantur. Quapropter majus dubium est, de evacuatione per alvum. *Avicennas* sen. primâ 4. cap. 7. *Non moveas*, inquit, *in die paroxysmi quantum possibile est, nec cures febrem*. Quibus addi potest ratio. Primò non debemus simul jungere duos motus violentos, ne natura nimis agitur, & debilitetur, & à pharmaco, & à paroxysmo. Secundò vel evacuatur causa antecedens, vel conjuncta. Non conjuncta, quia hæc movetur à centro ad circumferentiam, medicamentum vero à circumferentiâ ad centrum. Nam quos humores natura pellit in habitum corporis, eos medicamentum retrahit in alvum, sicque motus fit naturali contrarius. Nec etiam purgatur causa antecedens, cum hæc nondum peccet, nec debeat evacuari, imo ex ejus evacuatione natura nimis agitur, dies igitur quietis expectanda est. Tertio venam secare non licet die paroxysmi, multò minus purgare, nam purgatio majus facessit naturæ negotium: Et quidem venam non esse tunc secandam, docet *Galenus*, de sang. missione 21. Sed febris declinationem expectandam. His verò rationibus respondent contrariæ sententiæ authores, naturam nimis non agitari, nam vacuato humore noxio paroxysmus levius fatigat, si enim vomitorium, quod naturam magis fatigat, conceditur, quidni catharticum leve & benignum, nam eadem ratione emeticum esset repudiandum. Evacuari autem dicunt portionem causæ conjunctæ vel antecedentis, nec fieri motum contrarium naturæ, cum in accessionis principio humores ad centrum ferantur, non ad circumferentiam, atque eandem esse rationem de vomitorio, quod tamen ab omnibus conceditur. Demum venæsectionis aliam esse rationem, siquidem phlebotomia plus spirituum exhaurit, materiam proximam paroxysmi non subtrahit, cum sit extra venas, quod tamen medicamentum facit.

*Ratio prima partis negativæ. Ratio secunda.*

*Ratio tertia.*

*Solutio prædictarum rationum.*



*Affir-  
mans  
pars.*

*Prima  
ratio.*

*Secunda.*

*Tertia.*

*Quarta.*

*Quinta.*

*Sexta.*

*Septima.*

*Octava.*

*Resolutio  
prioris  
difficul-  
tatis.*

XII. Alii igitur his omnino contrarii in ipso Paroxysmo catharsin imperant per inferiora, variisque utuntur rationibus. *Primo*, Avicennas loco citato, *Cave*, inquit, ne paroxysmus contingat ventre pleno, providendumque vult ut ventrem habeat vacuum. Ergo licebit saltem clystere, aut leviori medicamento uti. *Secundo* quando humor melius movetur, tunc facienda evacuatio est. Sed in paroxysmo materia melius movetur, ergo tunc quoque facilius evacuabitur. *Tertio* Avicennas, Alexander, omnesque ferme recentiores consentiunt vomitum utilem esse instante paroxysmo: Ergo multo utilior erit purgatio, quæ securior est, minusque agitat quam vomitus. *Quarto*, natura vacuat in accessione Ergo & Medicus qui est naturæ imitator. Scribit enim Galenus 3. de crisib. cap. 4. crisin concurrere cum die accessionis, idque secus factum semel tantum se vidisse refert. Et 1. Epidem. sect. 3. textu 13. Qui diebus paribus accidunt, paribus judicantur, qui verò imparibus exacerbantur, imparibus judicantur. Galenus in comment. causam reddit cur in accessionibus contingant crises, quia tunc humores moventur, & veluti ebulliunt, natura gravata & oppressa irritatur ad ejusmodi expulsionem, tum demum agitat humoribus facilius fit illorum evacuatio. Cum ergo pateat naturam vacuare in ipsâ accessione cur Medicus idem non faciet? *Quinto* Gentilis affert auctoritatem Mauricijusdam Medici, qui vacuare præcipit, horâ motus humorum: At cum potissimum moveantur in accessione, in eâ erit purgandum, *Sexto* Hippocrates lib. de humor. solutiva præscribit diebus paribus, si accessiones diebus paribus contingant, ut in quartanâ fiunt accessiones diebus paribus. Si verò diebus imparibus fiant paroxysmi per superiora vacuandum jubet, quia bilis imparibus diebus movetur. Ergo in quartanâ die paroxysmi purgandum. *Septimo* Avicennas ad sedandum rigorem utitur agarico, diaphcenico, pilulis fœtidis, diacitonio quæ validè purgant. *Octavo* Hippocrates libro de affectionibus scribit. Si quartana apprehenderit, siquidem impurgatus esse videbitur, primum caput. purgato, & interpositis tribus, aut quatuor diebus medicamentum sursum purgans dato in ipsâ accessione, & interpositis diebus aliud deorsum, purgans dato in ipsâ accessione. Ubi præcipit Hippocrates purgationem in ipso paroxysmo.

XIII. Videndum igitur nobis, quid in hac re sit sentiendum. Sanè in ipso paroxysmo purgare minime tutum videtur, ut rationes superioris sententiæ probarunt, nec ullus opinor est, qui id facere unquam ausus



ausus fuerit, addere scilicet afflictionem afflicto, natura enim satis turbatur ab humore morbifico. Sed si purgationem præscribamus non instante paroxysmo, verum quinque vel sex horis ante accessionem, ita ut omnino completa sit vacuatio ante aduentum paroxysmi, id maximè fuerit ægris utile, sic enim materia accessionem factura imminuitur, natura oneris parte levatur, præcipuè si catharsis instituat ex medicamentis benignis quæ naturam minimè exagitant. Nec metuendus est motus pharmaci contrarius motui humoris quia duo hi motus diversi simul non concurrunt, purgatio enim finiri debet ante accessionis invasionem. Idque vult *Gentilis*, *questione xj. in primam Fen. lib. 4. tract. 2. cap. 7.* Idem senserunt *Arculanus*, *Amatus Lusitanus* curat. 8. centur. prima. Probat quoque purgationem & vomitum die paroxysmi iudiciosus *Riolanus* adversus *Turquetum* in historiâ *Simonis le Tourneur*. Sed *Fernelius* doctissimè id universum explicat cap. 12. libri 3. methodi. Tranquillo die tutior purgatio, expeditior perturbato. Quum enim morbus minus fatigat, & collectæ vires melius constant, facilius medicamenti vis & impetus tolerari potest, at quo die morbus exasperatur, agitataque ejus materia in motu est, promptius detrahatur. Et paulò post, In febrium intermittentium quiete, medicamentum tanto ante accessionem tempore offerendum, quo possit purgatio compleri; Per accessionem quippe materia non in alvum, sed sæpe in diversum ruit, & plerumque accessionis vehementiâ purgatio subsistit, præstat tamen ante accessionem, quam mox ab eâ, & pridie quartana, quam postridie medicamento uti. Hæc *Fernelius*, quibus nostram sententiam confirmat, quod in intermittibus tantum convenit, & præcipuè quartanis aut tertianis notis, in exquisitis vero aut continuis non licet, quia perpetuò morbus ægrum fatigat, viresque ejus deterit, ita ut non possit motum medicamenti, & exacerbationis morbi simul perferre. Id innuit *Hippocrates 4. de morb.* ubi veteres Medicos reprehendit, quod diebus imparibus purgarent, quia illis diebus humor movetur, non mirum igitur si corpori à motu humoris perturbato, accedens novus è pharmaco labor, ægrum in certam perniciem præcipitet, quod quidem præcipuè in ardentibus verum, & reliquis continuis, sed in intermittibus non semper locum habet ratio *Hippocratis*. quia medicamenta habemus, quæ non adeo naturam exagitant, sed benignè purgant, quibus carebat *Hippocrates*, qui helleboro similibusque validis purgabat, quæ quidem si darentur tempore paroxysmi, non dubium quin magnâ illâ agitatione natura tanto



*Solutio-  
nes ratio-  
num con-  
traria-  
rum.  
Solutio  
prima.  
Solutio  
secunda,  
& tertia.*

oneri ferendo impar succumberet, sed nostra paulò mitiora die pa-  
roxyfmi innoxie dari possunt, modo universa ipsorum operatio ante  
adventum paroxyfmi completa sit. Hinc patet malè à quibusdam pur-  
gationem in ipso paroxyfmo præscribi. Propterea ipsorum rationibus  
respondendum. *Ad primam* igitur Respondeo, locum Avicennæ esse  
intelligendum de cibo, ut scilicet ità instituatür victus ratio, ut paro-  
xyfmi non nisi plenè concocto cibo contingat, aut si intelligendum  
id sit de purgatione, sequetur tantum purgandum esse ante adven-  
tum ipsius paroxyfmi, ita ut eo accidente sit venter vacuus, & ab ex-  
crementis repurgatus, quod nos etiam concedimus. *Ad secundam* Re-  
spondeo, & *ad tertiam*, quamvis humor moveatur in paroxyfmo, non  
est tamen cathartici expurgandus, tum quia motu suo lædit naturam,  
& propterea metuendum ne afflictio detur afflictio, tum quia mo-  
tus naturæ contrarius est motui Pharmaci. Nec eadem est ratio  
emetici, & cathartici. Emetici enim operatio citò perficitur, intra  
unam horam vel alteram, unde præscribi commodè potest in ipsâ ac-  
cessione, sed catharticum non nisi post horas plures perfecit opus  
suum, interdumque totum diem perdurat, unde si in ipso tantum pa-  
roxyfmo præbeatur, antequam incipiat operari, transit accessionis  
principium, quo humores moventur ad centrum, & quando succeden-  
te augmento Natura humores ad circumferentiam pellit, eosdem in  
alvum retrahit medicamentum, unde simul adfunt duo motus contra-  
rii, duplexque accedit ægrotanti labor, & à pharmaco, & à paroxyf-  
mo. Quod si medicamentum intra horam unam aut alteram opera-  
tionem suam absolveret, sicut vomitorium, posset forsan utiliter in  
ipso paroxyfmo præscribi, sicut Antimonium, quod non tantum per  
superiora, sed per alvum evacuat, utiliter tunc propinatur. Præterea  
vomitus ea levioribus tantum præscribitur, faciliorque est ob commu-  
nionem splenis cum ventriculo, quibus in locis humor in *innoxia* agi-  
tari incipit, tuncque vomitus facillè succedit. Deinde vomitus sæpe  
non causam febris conjunctam, sed tantum humores quosdam in ven-  
triculo corruptos evacuat, qui corruptione suâ calorem febrilem au-  
gent, fomentumque morbo suppeditant. At catharticum non tantum  
humores ventriculo contentos, sed & reliquos exagitat, naturæque  
motum interturbat. Demum tutius est vomitum ipsum non ipsâ ac-  
cessione, sed horâ unâ aut alterâ ante ipsam præscribere, quod si ve-  
rum est de vomitorio, multo verius erit de cathartico, ob rationes prædi-



prædictas. *Ad quartam* Respondeo, concedendo naturam evacuare *Solutio*  
 criticè & salutariter tempore paroxysmi, sed negamus consequen- *quarta.*  
 tiam, Natura enim evacuat utendo spiritu & virtute partium. Medi-  
 cus verò vacuat, utendo medicamentis, quæ naturam fatigant & debi-  
 litant, quia purgantia qualitatem habent naturæ inimicam, propterea  
 non est par ratio purgationis criticæ à naturâ factæ, & artificialis quæ fit  
 à medicamento. Instabit quispiam, quoniam *Avicenna* capite citato, si na *Instantia.*  
 tura non movet move tu horâ motus ejus. Sed hora motus est paroxysmus. *Solutio.*  
 Ergo Medicus in paroxysmo debet vacuare. Resp. *Gentilis*, tempus  
 motus naturæ esse duplex, primum generale post coctionem perfe-  
 ctam, & particulare scilicet principium paroxysmi & diem criticam.  
 Non vult autem *Avicenna* purgationem fieri aut instante paroxysmo,  
 aut in die criticâ, quam sæpe prohibuit, sed si natura coctione absolutâ  
 non evacuet, tunc jubet nos vacuationem moliri, sic hora motus in-  
 telligitur de generali tempore, ubi scilicet coctio est perfecta, non de  
 particulari. Vel dicamus posse purgationem institui die paroxysmi, ut  
 diximus, etsi non in ipsâ accessione. *Ad quintam.* Respondeo senten- *Solutio*  
 tiam illius Mauri Medici quam affert *Gentilis* nullius esse apud nos au- *quinta.*  
 thoritatis, qui vix Galeni ipsius autoritate movemur. Præterea in-  
 telligi potest de tempore motus humorum, qui motus fit secundum  
 quatuor diei partes, non autem de motu qui fit in paroxysmo, qui est  
 motus præter naturam. *Ad sextam & Octavam* Respondeo hinc tan- *Solutio*  
 tum probari ex sententiâ *Hippocratis* posse catharticum die paroxysmi *sexta &*  
 propinari, modo ipsius actio ante paroxysmum compleatur. *Ad septi-*  
*mam* Respondeo *Avicennam* præscribere agaricum cum opio & paucâ *octava.*  
 quantitate, non tanquam solutivum, ut diximus *cap. de rigore*; Cætera *Solutio*  
 autem purgantia quod attinet ut diaphœnicum, ait *Gentilis* præscribi *septima.*  
 ea ab *Avicennâ*, ante paroxysmum, quod rationi convenit, aut in ipso  
 paroxysmo, quando magnum imminet periculum viribus, nullaque  
 alia ratio est quâ æger ab imminente bericulo liberari possit. Sed quic-  
 quid dicat *Gentilis* periculosius est morbo remedium, cumque alia ad  
 rigorem curandum tutiora suppetant, posthabita *Avicennæ* autoritate  
 à purgantibus in accessione abstinemus. Sed ante accessionem præ-  
 dictis purgare possumus, tum emeticis, tum alvum subducentibus.  
 Infusum *hellebori nigri* secundum *Mesuen* cum pulvere cimini omnibus  
 febribus longis convenit, quicquid contra scripserit *Averrhoes*. Cujus  
 loco succus *radicis lauri* in vino albo extractus convenit, sursum enim  
 deor-



deorsumque purgat, Idem facit succus corticis mediani sambuci, in vino albo extracti, si per triduum initio accessionis exhibeantur. Et de hac quaestione satis.

xiv. *Quercetanus* describit pilulas quasdam ex sagapeno, diagridio, sale gemmæ, colocyntid. quas attribuit *Camillo* cuidam Medico *Genuesi* quarum una si horâ ante paroxysmum detur omnes quartanas sanari posse testatur, quia dissolvunt tartareos humores & crassos, Eadem describit & laudat *Stoferus* in *Empiricâ* suâ, nam præter purgantia ordinaria quidam requirunt ad curationem dissolventia dicta, Id quod aiunt præstare gummi sagapen. ammoniacum, myrrham, sulphur, mercurium dulcem, oleum succini, gagatis, piperis, quæ reliquis catharticis si admisceantur, tutius evacuabitur humor. Addunt etiam quidam *Saccharum & Spiritum Saturni*, *saccharum Martis dictum*, quibus ad edomandos hos humores maximam vim tribuunt. Ex oleo quoque siue tincturâ Antimonii medicamentum componit *Tyrocinii chymici commentator pagina 176.* cum aloe, croco, & ambra gryfia, qui videri poterit.

*Diuretica.*

xv. Sed præterea apparente humorum coctione laudant *Galenus, Aëtius*, *Paulus* diuretica ex mulsâ, cum apio, anetho, rutâ. Sed ante coctionem his non est utendum, ne obstructions augeant contumacioresque reddant.

*Balnea.*

xvi. Balneum etiam commendatur, quia humectat, reficit, concediturque quolibet morbi tempore ab *Avicennâ* capite de curâ quartana. In principio quidem ante humoris coctionem ex aquâ dulci moderatè calidâ, in quâ diutius non sedeat æger, nec sudet, ne humores crudi vi caloris in cutem rapiantur, & augeatur obstructio, sed tantummodo ut hâc coctione corpus humectetur. Apparente verò coctione licet diutius in balneo immorari, & sudare, quia sic humores evacuantur, corpusque etiam humectatur. Ingrediatur autem balneum vacuo ventriculo ante paroxysmum, pareturque ex aquâ dulci, in quâ herbæ emollientes & humectantes coquantur, aut etiam *Chamæmelitor. Stoechas, organ, melissa, anethum, pulegium, & similia.* Aut etiam loco balnei stuphas quidam imperant, ex prædictarum herbarum decocto, cujus vaporem calidum excipiens æger sudet. Balneis autem & stuphis utebantur olim frequentius, nos verò rarius, nisi quod in Germaniâ familiaris solet esse usus hypocaustorum. At quia balneo uti non solemus, solis frictionibus ex consilio *Galen*i contenti esse possumus, qui quamvis



vis in reliquis febrium speciebus balnea valdè commendat, in hac tamen febre ea non admodum probat, sed illis præfert frictiones. *A frictionibus*, inquit, *ambulationibus, balneis, omnino arcendi non sunt. Verum si à balneis omninò abstinere possent, solis contenti frictionibus plurimum juvantur.* Ubi *Galenus* non probat usum balneorum, eaque tantum ex indulgentiâ quadam ægris ob consuetudinem concedit, quod si tamen ægri abstinere possent, frictiones utiliores esse declarat. Cum igitur balneis non sumus assueti, illisque ideo facile carere possumus, solis frictionibus contenti esse debemus.

xiv. Post concoctionem *Galenus* præscribit calida medicamenta, ut *Calidiatrionpip. diaspolit. piper ipsum cū aquâ, theriacam, mithridatium.* <sup>rum usus in quartana.</sup> Hæc enim humorum reliquias dissipant, & coctionem juvant, sed maxime commendat *Galenus* medicamentum ex succo cyrenaico, cujus hanc affert descriptionem *Aëtius*, *Et succi syrenaici, piperis, myrrhæ, ana partes aequales, seorsim trita succo ruta, & melle excipiantur.* Fiantque pilulæ quarum ℥ ss. sufficit in dosin. Sed *Gal. lib. de tremore* ex succo cyrenaico & castoreo componit, ideo utile erit prædictis adjicere castoreum: imo *Altimarus* testatur se per duas ante accessionem horas post concoctionem *castorei & myrrhæ ana ℥ ss. cum vini albi aquâ borraginis diluti ℥ iij.* exhibere consuevisse sælicum cum successu. Quid autem sit succus cyrenaicus nunc dubium est. Esse autem succum silphii, vel lasepitii vult *Galenus*. Silphium aliud est ex Cyrene, aliud ex mediâ & Persiâ. Cyrenaici silphii succus odorus est, quidam nostrum volunt esse benjoinum: silphii autem Persici & Medici succus foetet admodum, quem assam foetidam esse putant *Matthiolus & Amatus*. Angelicæ radices succum cyrenaici loco poni posse putat *Ruellius*, tum quod Angelica silphio admodum similis existat, tum quod ejus vires omnes æmuletur, ut videri potest apud *Matthiolum*. Quicquid sit vero succo cyrenaico caremus. Horum calidorum usum improbat *Alexander*, cum enim humor melancholicus sit frigidus siccus humectantia non siccantia postulat. Sed respondendum *Galenus* hæc concessisse apparentibus signis coctionis, & corpore jam purgato, ad reliquias humorum dissipandas, humores crudos concoquendos, ventriculum roborandum, coctionem juvandam. Vetat enim *Galenus*, ne hæc dentur ante coctionem in principio, ne ex simplici quartanâ fiat duplex, triplexve aut etiam continua. Quod si piper præscribit omni tempore, aquâ dilutum præbet, quomodo minus calefacit, minusque exsiccet, & præterea in paucâ quantitate



tate datur. Docet enim *Galenus 4. de sanit. Tuenda diatriopipereonis* calorem circa primas venas extinguere, quia ut inquit *Amatus Lusitanus*, eorum calor in materiâ est crassâ & terrestri, & ideo alteratione ipsius medicamenti facillè extinguitur, aut saltem ad secundam corporis regionem non pervenit, sed crudos humores qui sunt in primis viis alterat & educit. Tempus autem dandi hæc medicamenta est quibusdam horis ante paroxysmum, aut in ipso rigore. Id tamen semper observando, non convenire ejusmodi medicamenta in quartanâ, quam bilis affata & in atram versa generat. Quidam tamen his calidioribus utuntur etiam in principio, quia tunc humores sunt & crudiores, & frigidiore. At quò quartana ad statum magis accedit, eodem materiam habet tenuiorem, calidiorem, acriorem, vehementiaque tunc apparent symptomata; Ideo si tunc calefacientia præscribantur, facillè duplex, triplexue quartana fiet; Cui tamen repugnat *Galenus*, ut diximus, & experientia ostendit ea non conferre. Igitur in principio calefacientia quidem conveniunt, sed minùs quam in statu & declinatione, quia humor tunc facillius educitur, & dissipatur edomitus jam à Naturâ. Quod si solam alterationem spectaremus, sanè minus in statu calefaciendum videretur. At hic non tantùm alterationem, sed humorum resolutionem attendimus, quæ non potest statim in principio fieri, ob humoris crassitiem qui à nimium calidis forsitan magis incrassaretur. Præterea est humor rebellis, qui facillè exasperatur, proinde debet sensim & blandè edomari, & vinci. Ubi igitur signa coctionis appaue- rint, post purgationem sequentibus uti licebit, & ad corpus roborandum, & ad febrem propulsandam. *℞ conserva anthos, Zinziber. conditi ana ℥ j. theriaca ℥ ℔. benjoini ℔ j. pulveris angelica ℔ ℔. croci ḡ ij. olei piperis guttas iij. cum aqua cinnamomi f. bolus, in duas doses. ℞ syr. de calamentha ℥ j. confect. alkermes ℔ j. aqua cinnamomi ℥ j. M. fiat potio. ℞ pulveris aromat. ros. diamoschi ana ℔ j. piper. Zinziberis ana ℔ ℔. myrrha grana v. croci granum unum, benjoini ℔ j. sacchari ℥ iij. f. pulvis. ℞ rad. gentiana, angel. ana ℥ iij. summit. centaur. minoris, serpilli ana P. ℔. nucis moscata ℔ j. caryophyllor. ℔ ℔. bulliant in vino albo. Colatura propinetur calida. Plura videri possunt capite de rigore.*

Narcoti-  
ca. \*

XVIII. Observo autem à veteribus addi solere narcotica, ut opium. *Galenus* theriacam & mithridatium probat, quorum compositionem opium ingreditur. *Aëtius* præscribit sequens *℞ piperis longi, myrrha, opii, castorei ana, detur oboli dimidium, cum aceto mulso duabus horis ante accessio-*  
nem.



nem. Idem alibi addidit semen hyosciami. Avicennas cum agarico miscet opium. Inter recentiores Seillerus in Epistolis Scholtzii Philonium commendat ante paroxysmum. Angelus sala laudanum die accessionis post purgationes. Fit autem ipsius laudanum ex opio, per acetum distillatum extracto, tum ex aloë, myrrhâ floribus sulphuris. Ipse Hippoc. 2. de morb. post repetitas purgationes præscribit semen hyosciami, milii magnitudine, mandragoræ pari portione, laseris succum trium fabarum quantitate, & trifolii parem modum ex vino meraco bibendum. Gesnerus in Epistolis observat veteres opium antidotis suis admiscere solitos, atque opium asserit promovere sudores. Sane puto posse nos commodè post purgationes ante paroxysmum uti his opiatis, sic enim sedatur motus humorû ab opio, deinde calore medicamento edomatur, & vincitur. Sed ab his cavendum est in principio, & ante coctionem.

xix. Roborandæ præterea sunt partes nobiles, præcipuè splen, & je- Roboran-  
tia.  
cur, quæ solent obstructione laborare, idque præstabimus conservis  
borrag. buglossi, anthos, cortice citri, pulveribus diarthod. aromat. ro-  
fati, diamargar. theriacâ, trochiscis de capparibus, dialacca, & similib.  
℞ conserva buglossi, borrag. violar. ana ℥ j. conserva florum genista, ℥ ss. corti-  
cis citri conditi ℥ iij. theriaca, mibrid. ana ℥ ss. confect. alkermes, pulveris elect.  
de gemmis, & lætificantis Galeni, ana ℥ ij. croci martis ℥ j. cum syr. de pomis f.  
opiata. ℞ conserva anthos, capilli veneris, scolopend. tamarisci ana ℥ ss. pulveris  
aromat. ros. diarthod. ana ℥ ss. pulveris diamoschi dulci, diamb. ana ℥ j. pulveris  
diamarg. frig. ℥ ss. trochiscor. de cappar. de eupat. de absynt. de rhabarb. ana ℥ ss,  
cum syr. conservat. corticis citri fiat electuarium. Fetus quoque fiat hypoc-  
hondriorum ℞ rad. althea, liliorum ana ℥ ij. rad. bryon. enula camp. corticis  
mediani fraxini & tamarisci, capparum ana ℥ j. quatuor remollient. sumar. ruta  
ana M. j. seminis lini, fenug. viticis ana ℥ ss. flor. sambuci, genista ana P. ij. f.  
decoctio pro foru. Deinde ungantur oleo ammoniaci chymicè destillato,  
addito aceto acri. Unguentum & emplastrû describuntur à Bauderono  
in Pharmacopœâ ad viscerû obstructiones optima, quæ huc referantur.  
Plura in affectibus splenis dicemus, & videatur caput de tertianâ nothâ.

xx. Antequam finem imponamus, addere lubet plurima quæ pro- Empirica  
prietate conferre dicuntur. Quidam probant hunc pulverem ℞ cineris  
cancrorum fluviatilium, cranii humani, eboris usti ana ℥ j. cinnam. ℥ ss. croci  
℥ v. fiat pulvis, detur ℥ j. cum vino. Alii laudant decoctum agrimonie, aut  
verbasci, aut succum radice ejus datum in ipsâ accessione. Commendat  
Rondeletius, usum vini albi in quo salvia per noctem maduerit, idque ad



omnes morbos melancholicos certum esse remedium affirmat. Alii laudant vermem repertum in carduo qui labrum veneris dicitur, appensum collo. Scarabæum vivum fulvo linteolo appensum commendat *Trallianus*. Alii probant cor leporis præparatum, ut solet pulmo vulpis, dividatur in tres partes æquales, dentur ægro cum vino ante paroxysmum. Varignana laudat succum plantaginis minoris cum mulsâ & saccharo, duabus horis ante paroxysmum, item quatuor semina heliotropii cum vino pota, & semen hypericonis ante paroxysmum. Idem laudat nectar suum, cujus solo usu quartanam se solvisse affirmat. R̃ *epithymi, folior. fenæ, flor. borrag. ana* ʒ j ʒ. *cinnam.* ʒ ij. *castia lignea, macis, spica, cardam. ana* ʒ ʒ. *zinzib. cario. seminis anisi ana* ʒ j. f. nectar cum vino subtili, dosi cyathus unus mane. Alius commendat vinum sequens R̃ *rad. enula* ʒ iiij. *rad. capparum* ʒ j. *rad. Angel.* ʒ ʒ. *summitatum absynt. vulgaris fisci, P. ij. vini albi* lb j. *serventur in loco tepido per quadriuum, dosi sit ad* ʒ iiij. Amatus Lusitanus laudat haustum aquæ rosarum ante paroxysmum, ut vomitum cieat, nam nisi vomitu rejiciatur valdè nocet, insignemque angustiam circa præcordia excitat. Sal ammoniacus sublimatus ad ʒvj. à quibusdam chymicis præscribitur. Experimentum sequens ad omnes febres, sed præcipuè quartanas laudatur. R̃ *aceti optimi pintam unam, panis albi* è furno calentis crustâ detractâ lb j. *pulveris bombardici* ʒ ij. *caryoph. cinnam. ana* ʒ ʒ. *croci* ʒ ʒ. *aquæ centaurei* ʒ iiij. *sacchari* ʒ vj. *dosi sit ad* ʒ ij. vel tres. Visci quercini ʒ j. cum vino ante accessionem sudores movit, & ægrum quartana liberavit. Scribit *Platerus* camphoræ in spiritu vini dissolutæ ʒ j. ad idem prodesse, quod falsum esse novi. Decoctum ligni hederæ per plures dies exhibitum commendatur. Pariter in fictile non plumbatum pone acetis fortis pintam unam, cum salis cerussæ venetæ quartario uno, cooperiatur vas, servetur in loco humido, & quotidie crebrò moveatur. Tandem quiddam salis instar penetrabit vas, cujus si ʒ j. cum vino albo accessionis initio exhibeatur, secunda aut tertia accessione febris evanescet. Id è sit ex sale vitrioli, alumine, & sulphure. Item R̃ *succi polygoni cochlearia* vj. *piperis longi* ʒ ij. sumat sæpius jejunus. R̃ *seminis sinapi cochlearia* duo, terantur cum aceto albo optimo, addendo macis ʒ j. expressio exhibeatur paulò ante accessionem, oscitationibus supervenientibus, decumbat æger & tegatur. Primò erumpunt sudores, mox vomitus febrem tollens, si non tollat repetatur. Decoctum quoque abrotani & centaurei minoris ante paroxysmum confert. Semen Aristolochiæ longæ ad ʒ xij. exhibitum susque deque operatur. *Aëtius* laudat bitumen, myrrham,



rhæ, castoreum, semen trifolii bituminosi, absynthii decoctum, hederæ corymbiferæ folia v. cum myrrhâ ex aquâ mulsâ pota. Plantaginis radices quatuor potas, verbenacæ recte quartum est terræ geniculæ potum, seminis myrrinæ 3j. Iridis, calaminthæ, & chamædryos decoctum, sulphur, aliaque plurima, quæ apud eum legi possunt. Radicis bryoniæ 3j. infunde in vino albo, colatura propinetur in paroxysmo, vomitum provocat, sed debiliori sufficit 3ss. Petrolei guttæ aliquot è liquore conveniente ante paroxysmum propinatæ valde conferunt. Mirum est sequens: subige farinam cum urinâ ægri ad formam placentulæ, coquatur in furno instar panis, objiciatur piscibus, ut ab iis devoretur, abit febris maximè quartana. Idem refert *Reusnerus* de ovo in urinâ ægri decocto. Irritis aliis remediis profuit linteum madidum aquâ vitæ ventriculo impositum. plura ejus farinæ remedia legere licet in practicum libris, quæ quia non ratione, sed solâ experientiâ nituntur, amplius describere non libet.

xxi. Quod spectat quartanas spurias quæ sunt aut ex mixtione cum aliis humoribus, aut bile per adustionem in melancholiam degenerante, (si ea spuria dici debet) tractandæ erunt pro ratione humoris admisti. Posterior verò vere refrigerantibus & humectantibus, ut tertiana, addendo ea quæ melancholiam respiciunt, ut lupulus, fumaria, scolopendrium, &c. quæ impensè non calent, nam ab omnibus calidis & siccis cavendum, quibus tamen utimur in melancholiâ naturali. Cognoscitur autem præcipue ex formâ febris, ut si quarto quoque die exacerbetur, tum ex causis prægressis, ut si tertiana præcesserit, si ætate juvenis calidis usus cibis quartanâ laboret, maximum signum est eam ex bile adustâ genitam esse.

xxii. Si vero quartana continua sit admodum periculosa est, & gravis, ut ægri vix mortem evadant. *Avic. cap. de curâ quartana continua*, tria commemorat in quibus differunt, continuæ & intermittentes curationes. Primum quod magis refrigerandum sit in continuâ quam in intermittente, ut sunt syr. de lactucâ, portul. borrag. de fumariâ, de limonibus, de pomis, violatus & similes. Secundum, quod sanguinis missio magis convenit in continuâ quam in intermittente: Tertium victus ratio tenuior sit quam in interpolatâ. Præterea purgandus est humor blandis & lenientibus, ut cassiâ, catholico, sennâ. Dein viribus est consulendum, ob morbi gravitatem restaurantibus & conditis ex confervis buglossi, borrag. violarum, capilli veneris, cicchorii, pulveribus diamarg. frigidi, de gemmis. Fiunt etiam potiones cordiales ex confectioe alchermes cum aqua violarum, borraginis, syrupo violato, de limonibus, & si vigiliis æger torqueatur, syrupo de nymphæâ, de papavere. Et hæc de febre quartanâ.



## CAP. XI.

## De febre quintanâ, sextanâ, nonanâ.

Galenus  
opinio.

I. **A**D quartanas febres longiores periodi referri solent, quarum meminit Hippocrates 1. Epid. sect. 3. textu 2. Galenus in commentario hæc verba non esse Hippocratis, sed à quibusdam addita putat; Malè quidem meo iudicio, non enim febris quintanæ, sextanæ, nonanæ mentio fit, sed etiam prognostica harum febrium subiiciuntur. *Septana, inquit, longa est non lethalis, nonana longior, nec lethalis, quintana & antetabem, & jam tabificis supervenit.* Galenus negat se unquam vidisse nonanam, aut septanam, quintanam verò admodum obscurè, unde has periodos dari negat. *Primo* quia unaquæque periodus sequitur peculiarem humorem, sed tantum sunt quatuor humores, ergo saltem tantum erunt quatuor periodi. *Secundo* Hippocrates signa non describit quibus dignoscantur, quia non credidit tales dari periodos. *Tertiò* nullum in Epidemiis ægrum proposuit, qui prædictis febribus laboraret.

Avicenna  
opinio.

II. Avicenna verò has periodos confirmat, autoritate Hippocratis, qui fuit vir sanctissimus, neque has febres unquam proposuisset, nisi eas aliquando observasset. Deinde quidam easdem se vidisse retulerunt. Sic Gentilius narrat se vidisse quintanam & sextanam. Amatus nonanæ febris meminit. Gorrhaeus, quintanam observavit cujus fuerunt accessiones quindecim. Refert quoque Salius se vidisse bis octavum circuitum. Quamvis igitur eas Galenus nunquam observavit, non tamen illas negare eam audacter debuit. Est enim, inquit Avicenna, possibilitas res ampla, præsertim cum ejusmodi febres dari rei naturæ non adversetur. Nam si paucitas & crassities humoris melancholici facit quartanam periodum, paucitas & crassities major faciet & quintanam, & sextanam, & nonanam. Galenus nec lapidem vidit intestinorum, nec dracunculos, quos tamen morbos plurimi recentiores observarunt.

Causa

III. Causa igitur harum febrium est eadem cum causâ quartanæ, humor scilicet crassus, viscosus, & in paucâ quantitate. Paroxysmorum enim redintegratio fit ex copiâ materiæ, quæ ubi naturæ gravis est agitur, & paroxysmum facit, quando igitur pauca est & tardè cumula-



mulatur, antequam paroxysmum possit excitare, quinque, sex, interdum etiam dies plures excurrunt. Accedit crassities quæ facilem motum impedit, hincque fit ut tardius accedant paroxysmi. Humor autem ille crassus & paucus vocatur ab *Avicennâ* melancholia phlegmatica, quæ à quibusdam sumitur pro melancholiâ ex pituitâ genitâ, non autem ex aliis humoribus, quia non sunt adeo tenaces, ut quamvis in melancholiam degenerare possint, tamen vix possunt tam lentè moveri: Secus est de pituitâ quæ viscosa est & crassa, ideoque cum putrescit tardè progreditur. Alii per melancholiam phlegmaticam intelligunt melancholiam mistam cum pituitâ, vincente tamen melancholiâ, ex quibus fit unus quasi humor, qui ob viscositatem quam ab humore pituitoso recipit, adjuvante paucitate tardius movetur, unde fit quintana pro majori aut minori humoris crassitie, aut copiâ. Hinc solvi possunt rationes *Galenî*, melancholia enim non quâ melancholia est, generat quartanam, sed quâ pauca est & crassa, unde non solum melancholia, sed etiam pituita facere potest has periodos, ac etiam rariores, sic epiala quarto quoque die movetur. Aliam præterea harum febrium causam ex mente *Galenî* assignat *Avicennas*, scilicet malam victus rationem, quâ fieri potest ut qui à febre liber erat, cum talis malis humoribus, nono aut decimo die in febrem recidat, sed tunc non erit febris nonana, sed potius recidiva. Est etenim revera morbi circuitus, quando exactè servatâ victus ratione febris eodem constituto die redit, ut in tertianâ & quartanâ patet.

iv. Signa autem ipsarum peculiariora non dantur, quia à peculiari humore non fiunt, tantum cognoscuntur ex circuitus ordine. Ex quibus patet solutio ad duas postremas rationes *Galenî*. Prognostica verò describit Hippoc. loco citato. Quintana pejor statuitur, nonanâ, aut septanâ, quia sequitur phtisin aut precedit, quod non est universim accipiendum de omni quintanâ, sed de ea quæ est cum phtisi. Nonana longa est, sed non lethalis, pariter & septimana, circa quæ multæ moveri possent quæstiones, ut num quartana præcedat quintanam in phtificis, numque sit lethalis, cur quintana periculosa existat, cum quartana sit salubris, num septimana & nonana hæcticæ copulari possint, & sic fieri lethales, quas quæstiones omittimus, cum sint inutiles, quia hæ periodi rarè aut nunquam videntur.

v. Quod si contingant, curentur ut quartana, & quotidiana. *Lau- Curyatio.*  
dat *Avicennas* tenuem victus rationem, somnum digerentem in principio,



pio, deinde ad pleniorē victum transit. Commendat quoque vomitum die paroxysmi ex validioribus ut helleboro albo, nuce vomica, tum purgationem, calidorum ut theriacæ, mithridatii usum, sudoris provocationem, balneum resolutivum, ut prius in quartanâ dictum. Monet Rhazes semper alvum esse leniendam aut clysteribus, aut aliis medicamentis, ante paroxysmi adventum. Advertit autem Arculanus, si febres hæ præcedant hæcticam & phthisin, ut solent secundum Hippocratem, cautè esse utendum tum calefacientibus, tum vomitoriis, tum purgantibus, tum sudorificis, ne citius tabes accersatur, quod si illis utendum sit leviora esse debent, humectantia verò magis conveniunt, tum ratione ipsius morbi, tum ratione ipsius tabis.

## C A P. XII.

*De febribus compositis.*

I. **A**bsolutâ simplicium febrium tractatione, ad compositas veniendum, de quibus multas agitant quæstiones inutiles, ideo eas omitemus, & necessaria tantum tractabimus. Sed in principio notandum est magnum esse inter spurias & compositas febres discrimen: spuria enim ex diversis fiunt humoribus eodem loco, eodemque tempore putrescentibus, propterea simul incipiunt, simulque desinunt, nec peculiaribus dignoscuntur symptomatis, sed habent omnia signa confusa, ut tertiana notha, quartana notha, speciemque & nomen fortiantur ex vincentis humoris naturâ, & tertiana notha in quâ plus est bilis quam pituitæ, quod si æqualis foveat humorum putrescentium copia, nullo peculiari & proprio nomine sunt definitæ.

II. Compositæ autem febres sunt, quæ ex diversis humoribus consistunt, qui nec eodem loco, nec eodem tempore putrescunt, unde & diversis horis incipiunt, diversisque desinunt, quamvis interdum quædam paroxysmorum partes simul concurrant: Unde Erravit Gordianus, qui Epialon scripsit esse febrem compositam ratione materiæ putrescentis, & non putrescentis, quem optimè refellit Rondeletius. Primò quia febrium differentia sumuntur à materiâ putrescente, non autem ab eâ quæ non putruit, nam sine putredine aut inflammatione non fit febris. Secundò omnes putridæ essent compositæ, nulla enim est febris



febris putrida, quæ materiam non habeat putrescentem & non putrescentem. Nec dicendum febrem dici compositam ob mixtum sensum caloris & frigoris, nam in principiis intermittantium interiora calent, exteriora frigent, & tamen una tantum simplexque febris esse dicitur. Nec propriè dicuntur compositæ cum accidentibus, nam accidentia sequuntur morbos, tanquam umbra corpus. Nec ex diversorum humorum miscelâ, nam febres nothæ istæ dicuntur non compositæ. Componuntur autem febres vel diversi generis vel ejusdem. Diversi generis ut putrida cum hæcticâ, ephemera cum putridâ, supposito quod ejusmodi compositio dari possit, cum ephemera sit salutaris & brevissimâ.

III. Ejusdem vero generis febres componuntur, ut putrida cum putridis, quod contingit trifariam, vel continuæ cum continuis, vel intermittentes cum intermittibus, vel intermittentes cum continuis. Suntque vel ejusdem speciei vel diversæ, Ejusdem speciei, ut duæ tertianæ; Diversæ verò speciei, ut tertianæ cum quotidianâ. Continuæ cum continuis confundi duntaxat non componi possunt, quia materia in venis est majoribus, unde in uno eodemque loco simul putrescit. Attamen, *dicet quispiam*, in venis majoribus diversi sunt loci in quibus humores diversi putrescere possunt, sicquæ duæ continuæ conjunguntur. Contraria tamen sententia verior est, quam sequuntur *Fernelius, Augenius, Mercurialis*, scilicet duas continuas tantum confundi, non componi, non quidem duæ continuæ ejusdem generis, ut duæ tertianæ, quia duo accidentia ejusdem speciei non possunt esse simul in eodem subiecto, ut in corde. Non possunt ergo duæ tertianæ continuæ simul esse compositæ. Quod si febres sint diversæ speciei, ut tertiana & quotidiana, ex in venis majoribus confundi queunt, sed non implicari, quia bilis & pituita in diversis locis non putrescunt, aut quamvis putrescere posse concedamus, tamen fuligines, quæ de putrescente materiâ suscitantur, simul concurrunt & confunduntur, propterea confusam non compositam febrem faciunt. Unde concludo confundi tantum simul, non complicari. Quod tamen intelligendum est de continuis primariis, nam symptomatice, quæ omnes continuæ sunt, possunt complicari; Quid enim obstat quin cum febre ab inflammatione obortâ humores in majoribus vasis putrescant, duæque continuæ conjungantur. At quia id admodum insolens est, signisque vix perceptibile, ideo Medici qui sensibus ut plurimum reguntur, negarunt continuas simul componi posse.

Qq

IV. In-



iv. Intermittentes verò complicantur, aut cum aliis intermittenti-  
bus, aut cum continuis, tum ejusdē speciei, tum diversæ. Intermitten-  
tes simul componuntur, quando humores distinctis in locis putrescunt,  
si sint ejusdem generis, ut si bilis distinctis in locis putrescat, erunt duæ  
tertianæ, duplex tertiana, Si melancholia duobus aut tribus in locis pu-  
trescat, erunt duæ aut tres quartanæ. Duplex quotidiana dicitur quum  
singulis diebus accessiones duæ contingunt, quod admodum rarum est.  
Frequentior est duplex tertiana, quæ in modum quotidianæ proce-  
dit, ejus enim accessiones singulis diebus contingunt, sed nec pares  
sunt, nec iisdem horis fiunt. Duæ verò tertianæ dicuntur secundum  
quosdam, quando eodem die bis contingit accessio, altero quiescente,  
& tertio die repetunt. Fiunt à bile in locis diversis putrescente, sed  
eadem die commotâ, verum non iisdem horis, quamvis quidam non  
ponant hanc distinctionem inter duas tertianas & duplicem tertia-  
nam. Triplex verò tertiana est, quando bis unâ, die alterâ semel febris  
occupat, servatâ semper proportionem de tertio in tertium diem. Inci-  
piunt autem duæ tertianæ primum à simplici, ut notat *Fernelius*, cui  
dein succedit altera; & harum una prior terminari solet manente al-  
terâ, ut notat etiam *Amatus Lusitanus*: unde in hujusmodi febribus ex  
urinæ concoctione, non semper prædicenda febris terminatio & solu-  
tio. Pariter complicantur simul quartanæ, unde fit duplex quartana,  
triplexque. Duplex quartana est, quando duobus successivè diebus ex-  
ercet, uno intermittit: Triplex quartana singulis diebus accessiones  
habet, servatâ proportionem motus de tertio in tertium diem. Hæ fe-  
bres procedunt in formâ quotidianæ, sed ab eâ distinguntur, quod  
quotidianæ accessiones sint similes, harum verò dissimiles, & quod  
symptomata flavam bilem aut melancholiam, non pituitam arguant,  
Causæ pariter non sunt eadem, quamvis absurdum non sit & vero  
quam simillimum, à bile & melancholiâ posse fieri periodum quoti-  
dianam, ut prius diximus.

v. Intermittentes etiam complicantur cum intermittentibus diver-  
sæ speciei, quamvis rarò, ut tertiana cum quotidianâ, quâ qui labo-  
rant singulis quidem diebus febricitant, altero tantum semel, altero  
bis; Tertiana aut quotidiana cum quartanâ, quibus febribus qui con-  
sistuntur singulis diebus febricitant semel, & quarto quoque die bis,  
si adfuerit quotidiana, aut si fuerit tertiana tertio & quarto quoque  
die laborant, imo accessiones tertianæ & quartanæ in eundem diem  
con-



concurrunt, servatâ proportionē tertiani & quartani circuitus, ut si hodie invadat tertiana, cras vero quartana, tertio die redibit tertiana, quartus erit sine febre, quinto die fiet accessio tertianæ & quartanæ, sexto nulla erit febris, septimo accessio tertianæ, octavo accessio quartanæ, nono tertianæ, decimo apyrexia, undecimo duplex iterum accessio tertianæ & quartanæ simul, ac sic deinceps. Si vero quartana præcedat, sequenti die adsit tertiana, tertio nulla erit febris, quarto duplex accessio quartanæ & tertianæ, quinto apyrexia, sexto accessio tertianæ, septimo quartanæ, octavo tertianæ, nono nulla febris, decimo duplex accessio, & sic in posterum eodem ordine. Sed si eodem die tertiana & quartana inceperint, tertio erit accessio tertianæ, quarto quartanæ; quinto iterum tertianæ, sexto nulla febris, septimo duplex erit accessio, octavo nulla, Nono tertianæ, decimo quartanæ, undecimo tertianæ, duodecimo nulla, decimo tertio duplex accessio, & sic de cæteris. Sed hæ compositiones quamvis sint possibiles, tamen ob raritatem à Medicis parum considerantur.

VI. Harum autem intermittentiam paroxysmi secundum *Avicennam*, vel sunt subintrantes, vel communicantes, vel coalternantes; Subintrantes dicuntur quando ante prioris finem, alter supervenit, ita ut febris videatur continua: Verum reditus horroris, rigoris, frigoris & nova pulsus coarctatio, eam esse compositam indicant. Communicantes sunt qui simul incipiunt, fiuntque quando contingit diversos humores diversis in locis putrescentes simul moveri, unde eorum paroxysmi simul contingunt. Quando vero inter duos paroxysmos intercedit quies, vocantur coalternantes. Denique componitur intermittens cum continuâ, vel contra continua cum intermittente, ut tertiana cum quotidianâ, aut quartanâ. Cognoscuntur quando in continuâ adest rigor, postea sudor contingit, nec tamen febris definit, certum est compositionem adesse intermittētis à quâ fit rigor, quæque in sudorem definit, & continuæ quæ nunquam intermittit. Et hæ sunt compositionum præcipuæ formæ. Inter quas cum nobilis sit ea quæ ex tertianâ & quotidianâ constat, quam vocant hæmitritæum, paulo diligentius venit explicanda, cum reliquæ more simplicium curentur. hæ verò periculosa sit admodum, quamvis rariùs contingere dicatur, aut probè non cognoscatur, siquidem eam *Galenus* Romæ suo tempore fuisse familiarem scripserit,



## C A P. X I I I.

## De semi-tertianâ.

I. **A**D hujus igitur morbi pleniorē intelligentiā, quædam nomina sunt intelligenda, quæ tria sunt, *hamitritæus*, *φρικώδης πυρετός*, & *ἡμισυφύς*. *Hæmitritæus*, Latinis Semi-tertiana dicitur, servatâ ad verbum nominis etymologiâ *Galenus* 1. *Epidem. com. 3. textu 5.* miratur cur veteres hanc febrem semi-tertianâ vocarint, iis enim tantum attribuius dimidii vocabulum, quæ integram consummationem non habent, sic semi mortuum, semideum, semi asinum vocamus; At *hæmitritæus* tantum abest ut dimidia sit tertianæ febris, aut symptomatum multitudine, & viribus, aut utrisque, ut potius tertianâ pejor existat, ita ut satius fuerit hanc illius dimidiam statuere, quam illam hujus. Attamen hujus nominis varias rationes affert, quod cum tertiana duas habeat conditiones, *primò* quod tertio quoque die invadat, *secundò* quod incipiat cum rigore, *hæmitritæus* quidem tertio quoque die invadit, sed incipit cum horrore, qui medius est inter rigorem & frigus, nec definit in *ἀπυρεσίαν*. Præterea *hemitritæus* excretionē non finitur, nec diem unum habet integrum ut tertiana, ideo ex parte tantum tertianam æmulatur, hinc fit ut semitertiana vocata fuerit. Sed & aliam addit rationem *Galenus* cap. 8. lib. 2. de febrib. ex generationis modo, quoniam scilicet ex tertianâ, & quotidianâ componitur, propterea partem habet prædictarum febrium, sicut semi-asinus, & semideus dicuntur, ita & *hæmitritæus*. Mulus enim partim equum refert, partim asinum, & tamen ab eorum altero tantum denominationem desumpsit, ea amissa quâ equum refert. Pariter semi-tertiana quamvis non minus ad quotidianam quam ad tertianam accedat, tamen à tertianâ tantum nomenclaturam accepit. Pars autem altera semper intelligitur particulâ *Semi*, quæ ostendit ipsam non esse absolutè tertianam, nec omni ex parte.

*Horrida febris.* II. Quia verò his febribus horror familiaris est, ideo *φρικώδης* vocantur *hemitritæi*, non simpliciter, quia cum horrore invadunt, id enim aliis quoque commune est, sed quia per totam accessionem horrore extenditur symptoma, idque tertio quoque die, quando pituitæ & bilis paroxysmi concurrunt. Fit autem hic horror, vel brevibus



vibus intervallis, per inæqualem incrementi motum, vel longioribus, per reduplicationem, *com. 1. in 1. Epid. textu 22.* Nam quando horror in eadem accessione sæpius repetit, & brevibus intervallis, vocatur ejusmodi motus inæqualis *ἀνίσταται ἀνίσταται* cum videlicet Natura conatur humorem excludere, sed aut propter crassitiam, aut cutis densitatem, aut virium imbecillitatem, id perficere non potest. Tunc tardissime incallescunt, accessionisque principium & incrementum, longius producantur. Aliis autem cum bilis motus remissus est, novus redit horror, novusque insultus, quia dum calor in universum corpus expanditur, frigidi humores putrescentes & agitati novam accessionem commovent, inde frequens fit reduplicatio, quam *ἀνίσταται πάλιν* vocant, sicque succedens accessio est deterior præcedente, quia virtus prior accessione defatigata est. In his, scribit *Hollerius*, mala esse omnia. Sudores mali sunt, etenim vi exprimuntur, non victoriæ naturæ, idque vel propter crudorum copiam, vel virium imbecillitatem. Frigent extrema, uruntur interiora idque per vices, soporosi fiunt, ventris cruda deijciunt, urinæ crudæ, decolores, tenues, aliàs turbulentæ, & crassæ, nullo sedimento, aut malo, inæquali divulso, fastidia animi, deliquia, syncope, convulsiones, mala omnia. Pessimæ enim febres sunt, in quibus crudorum copia bili permixta est, inquit loco citato post *Gallenum*, *Hollerius*.

III. Quod spectat nomen *πριμαιοφύων*, generaliter omnes febres *Febria* intelligit *Galenus* quæ tertio quoque die invadunt, *comment. 2. in 6. πριμαιοφύων* *Epid.* At *Erotianus*, vult dici *πρὸς πριμαιοφύων ἐμφανὲς χάριν*. Magis tamen accedere videtur ad *Philonidis Siculi* sententiam, ut *πριμαιοφύων* eas esse velit, quæ cum insultuum significationes habeant, inordinata tamen habent intervalla, neque ad integritatem desinunt, sic autem eas vocari, quod magnam habeant cum tertianis similitudinem, & esse parvos hæmitritæos dictos, ut *aphor. 43. lib. 4. febres quæcumque non intermittentes tertiam die fortiores fiunt, magis periculosa*, *Semitertianas* intelligit, non tertianas continuas, quæ etsi tertio die exacerbentur, non sunt tamen ardentibus periculosiores, sed hæmitritæos, quarum proprium est tertio quoque die cum horrore fieri fortiores, quia tunc accessio fit tertianæ & quotidianæ, at die intermedio sola quotidiana fatigat. Dicit autem *Hippocrates* fieri fortiores non autem habere accessiones, quia sæpe confunduntur paroxysmi, ut nullum evidens sit principium, sed solum omnia symptomata vehementiora fiunt, & febres ipsæ, Tales



ex pituitâ & bile putrescentibus, Autumno sæpe generantur quæ diebus imparibus gravius habent, quia tunc accessio fit tertianæ, paribus verò non item quia sola quotidiana fatigat. Die autem quo utriusque febris accessio contingit fiunt *ἀναδιπλάσις* propter inæqualem humorum motum, pituitæ tardiolem, bilis celeriolem, hinc fiunt in compositi & velut errabundi rigores, ut docet *Foesius j. Epid. cap. 19.* In medio scilicet cursu frequentes fiunt ingeminationes, ut veluti quædam novarum accessionum significationes ex vagis & incertis rigoribus insultibus, qui faciunt *ἀναδιπλάσις* & ordinem perturbant, hic frequentia sunt animi deliquia, resolutiones, interdum convulsiones maligni morbi indicia. Quamvis igitur non sint veræ semitertianæ, tamen ad eas referuntur, fiunt enim ex bilis & pituitæ permissione, habentque in principio horrorem, & propè ad integritatem veniunt, unde habent multa cum semitertianis communia, ideo hemitritæ parvi dicuntur *Eratiano.*

Quod sit  
semiter-  
tiana &  
quomodo  
fiat.

iv. His nominibus explicatis, ad ipsius hemitritæ explicationem veniamus. Est autem febris composita ex tertianâ & quotidianâ, quarum una est continua, alter intermittens. Tertianæ autem & quotidianæ quatuor modis componuntur. Aut enim continua tertiana cum quotidianâ continuâ componitur, aut intermittens cum intermittente, aut tertiana intermittens cum quotidianâ continuâ, aut quotidiana intermittens cum tertianâ continuâ. At ex his omnibus non potest fieri semitertiana. Quod ut intelligatur sciendum est semitertianam esse & horrificam, quod horrores maximam accessionis partem occupent, & continuam secundum *Hippocratem*, *Galenus Archigenem*, & *Agathinum* reprehendit, quorum ille semitertianam inter intermittentes, hic verò in eodem genere cum tertianâ collocavit. Et sanè erravit *Archigenes*, cum enim hemitritæ sit periculosa non potest esse intermittens, quæ naturâ suâ salutaris est. Quod si aliquando *Galenus* eam intermittentem vocat, id facit ex *Agathini* sententia, aut saltem quemlibet implexum quotidianæ & tertianæ vocavit hemitritæum. At vera semitertiana semper continua est ex 1. *Epid. febris horrida, continua, acuta, omnino non intermittens, modus autem hemitritæus erat, uno die gravius, altero levius se habens.* Cum ergo semitertiana sit continua & horrida, ex duabus continuis tertianâ scilicet & quotidianâ componi non poterit, continuæ siquidem nullum rigorem horroremve per se pariunt, quia humor venis contentus partes sentientes



tes non ferit & vellicat, proinde quæ ex his componitur horrida non erit, proinde neque semitertiana. Pariter duarum intermittentium commistio, non potest continuam, sed tantum intermittentem parere, quæ propterea semitertiana non erit, cum non sit continua. Restat igitur complicatio continuæ cum intermittente, quæ necessaria est ut horrida simulque continua febris fiat. Parum autem videtur interesse utra harum continua sit, utra intermittens. Nam si biliosæ continuæ jungatur quotidiana intermittens, febris erit continua & horrida, nam continuitatem habebit à bile, horrorem à pituitâ, anadiplosin ex pugna mutuâ. Sed aderit hic tantum frigus, non horror, quia pituita non solet horrorem parere, deinde hic calus admodum rarus est, cum pituita raro pariat intermittentem. Præterea ut docet *Rondelet*. si quotidiana intermitit, & tertiana continuò affligit, singulis diebus fient accessiones quotidianæ, quæ cum longissimæ esse soleant, altera dies non erit levior, qui tamen est verus character hemitritæi. Quamvis igitur prædicta febris à *Galeno* semitertiana vocetur, alia tamen est quæ propriè & exquisita dicitur, quæ scilicet ex quotidianâ continuâ, & tertianâ intermittente constat, habetque continuitatem à quotidianâ, horrorem verò à tertianâ, unde tertio quoque die exacerbatur. Est autem duplex ex 2. de febris ejus differentia. Aut enim exquisita est, in quâ æquales sunt utriusque febris vires, neuterque humor vincit, superatque, aut non est exquisita, in quâ alter prædictorum humorum præpollet, quos duos posteriores modos agnovit *Archigenes*, ex *Galeno*, loco citato, non autem primum, in quo æqualis bilis & pituitæ permistio est, quæ sane æquabilis duorum humorum miscela rarissimè contingere potest. Cum itaque triplex sit semitertianarum forma, exquisitæ principium est cum horrore, eo scilicet die quo tertiana & quotidiana simul invadunt, qui horror medicis est inter rigorem tertianæ, & refrigerationem quotidianæ, propterea mixtis hisce duobus humoribus, horror generatur. Postea in incremento calefit à bile, sed nonnunquam interrumpitur à pituitâ & retardatur, adestque pugna inter hos affectus, ægro interdum incaliente propter victoriam bilis, cujus motum pituita lenta & tardigrada detinet, & ad interna retrahit. Tunc superante humore frigido redeunt horrores, contractiones, extremorum refrigerationes, ita ut altera accessio videatur renovari, sed statim ferme redit ardor, & expanditur in universum corpus, videturque febris in summo esse, cum redeunte ad pituitam victo-



viſtoriâ, iterum horrent & refrigerantur, tamdiuque durat ejuſmodi certamen donec febris ad ſumum perveniat, quod citiùs accidit quam pituitofi humoris motus fert, tardius verò quam bilis natura poſtulat, quoniam bilis motum pituita detinet, at bilis ſegnem pituitam exacuit. Ejuſmodi horrorem crebras repetitiones, ſi brevibus ſiant intervallis ἀνάμυλοι αἰήσεις vocantur, ſi vero repetant per longiora intervalla ἀναδιπλώσεις & ἐπιπληψείς dicuntur, quoniam bilis pituitam ſed inæqualiter accendit, ita fit ingeminatio, horrorque inæqualis & inordinatus, ἄτακτοι vocat Hippocrates & febribus tritaëphysis attribuit. Hic ſtomachi adeſt labor, totiuſque nervoſi generis. Quando verò exquiſita non eſt, ſed alteruter humor exuperat, ejus ſigna ſe produnt. Si enim bilis præpolleat, febris erit magis horriſica, atque horror ad rigoris naturam accedit, & in acceſſione celeriùs & ardentius incaleſcit, citiuſq; ad ſumum pervenit, & in fine aliquid bilis per alvum, vomitum, & ſudorē, potiùsve madorem excernitur, & reliqua ſymptomata magis bilem quam pituitam arguunt, vigiliæ, ſitis &c. Si verò pituita prævalet horror minor erit ad refrigerationem accedens, ſed longior, pulſus contractio major, lentè acceſſio procedit, non tamen ſitim efficit, neque ardorem magnum infert, nec vomitus, neque deſectio bilioſa fatigat.

Duplex autem eſt generationis ſemitertianarum modus, nam vel duæ acceſſiones ſtatim à principio ſimul concurrunt, & ſic per totum febris decurſum durant, quæ propriè ſemitertiana eſt, aut duæ acceſſiones in unum tempus concurrunt, quia una anticipat, altera poſtponit, ut ſi quotidiana duabus horis anticipet, tertiana verò totidem poſtponat, concurrent duæ acceſſiones uno die tantum, quia acceſſiones anticipantes unius & poſtponentes alterius à ſe recedunt. Sed hæc non eſt vera ſemitertiana, quæ continua eſt ſemper habere debet ſaltem paroxyſmos communicantes, aliàs non fieret horror, niſi tertianæ & quotidianæ paroxyſmi ſimul concurrerent.

*Dubium.*

v. Cum autem continuam illam eſſe dixerimus, mirabitur quiſpiam quomodo acceſſiones poſſint concurrere, cum continua non habeat paroxyſmos. Gorrhæus in definitionibus dicit non eſſe ex eo genere continuarum, in quibus unica eſt à principio in finem acceſſio, quas continentes vocamus, ſed de genere earum quæ acceſſiones habent & remiſſiones. Ut autem acceſſiones ſimul concurrant, non ſatis eſt febres eſſe miſtas & complicatas, verum ita confuſas ut utriuſque paroxyſ-



paroxysmus eodem tempore accedat. Id quod perpetuum esse potest accessionibus eundem ordinem servantibus, sicque intelligendus venit *Galenus*, quando vult duas accessiones concurrere, estque hæc febris hæmitritæus toto morbi decursu: vel hoc non est perpetuum, semelque tantum vel bis in compositione febrium contingit, quando unus paroxysmi retardant, alterius verò anticipant, ut vult *Galenus* loco citato: *Quo* in casu febris non est propriè hæmitritæus, sed ejus tantum paroxysmi, qui simul concurrunt, simulque invadunt, erunt hemetritæi, ut explicat *Gorrhaus* in voce *ἡμιτρίαιος*. Sed quæres quomodo misceri hæc febres possint, cum pituita intra, bilis extra venas putrescat. Respondet *Amatus* permisceri paroxysmorum tempore, tum fuligines pituitæ bili permiscentur, ipsiusque acrimoniam retundunt, inde pro rigore fit horror. Adde ego bilem dum tempore accessionis pellitur extra venas, deducere secum aliquid pituitæ putridæ, unde accessio contingit horrida. Hinc patet discrimen inter tertianam notham, & hæmitritæum, quod sit intermittens, hæmitritæus continuus, quod in illâ putrescant bilis & pituita extra venas, in hac vero pituita intra, bilis extra venas contineatur.

VI. Reprehendit *Galenus* Agathinum, qui tertianam extensam semitertianam nominabat: Est autem tertiana producta tertiana notha, quæ scilicet excedit tempus exquisitæ tertianæ, cujusque paroxysmi interdum ad 40 usque horas extenduntur. Unde ea divisio semitertianæ, quam *Galenus* affert libro de typis, potius ex Agathini sententia, quam ex rei veritate traditur. Parva viginti quatuor, media triginta sex, magna quadraginta octo horarum spatio finitur, quæque continuæ jam proxima est. Sed hæc tertiana notha est, non semitertiana, quæ continua est.

VII. Sed insuper notandum alias esse divisiones semitertianæ allatas ab Arabibus, quas *Gentilis* in *Avicennam*, cap. de hæmitritæo, dicit introductas fuisse antequam *Galenus* & *Avicenna* scripta ad nos pervenissent. Devidebant scilicet hæmitritæum in majorem, minorem, & medium, & quidam quartam speciem addebant, quam vocabant hæmitritæum nondum baptisatum. Major hæmitritæus est, quando quartana continua jungitur tertianæ intermittenti, qui casus admodum rarus est. Minor est ea quam ex *Galeno* descripsimus, quamque exquisitam vocat, quando tertiana intermittens quotidianæ continuæ copulatur. Medicis contra quando tertianæ continuæ connectitur quotidiana in-

R r

ter-

Dubium.

Divisio hæmitritæi secundum Agathinum

Divisio secundum Arabes.



termittens. Sed hæmitritæus nondum baptisatus est quando tertianæ continuæ quartana intermittens adjungitur, quam divisionem sequitur *Guainerius*, sed est præter Galeni mentem, qui tantum hæmitritæum agnovit compositum ex tertianâ & quotidianâ. Reliqui tamen implexus quartanæ & tertianæ sunt possibiles, & à Galeno probantur, *cap. x. de diff. febrium, lib. 2.* Ex iis, inquit, quæ diximus de febre pituitosâ, & biliosâ invicem permixtis, licebit hæc ad atram bilem transferre, & de implexu cum utraque ac temperamento conjicere, implexum nominantes ubi diversis horis incipiant, temperamentum verò ubi initium eodem tempore fit. Ubi probare videtur *Galenus* implexum quartanæ cum aliis febribus. Sed hæmitritæi nomine non sunt donandæ, nec *Galenus* unquam eas ita vocavit. Itaque illis omisissis ad verum hæmitritæum redeamus.

*Causa.*

Cujus causa bilis est & pituita, quarum hæc intra, illa extra vasa putrescit, succedere potest tertianæ extensæ & nothæ, quæ ex eisdem humoribus fit, sed extra venas putrescentibus, hinc putredo in majora serpens vasa semitertianam concitat, propterea quæ bilem pituitamque generant, etiam huic febre occasionem præbent, ut victus promiscuus & inordinatus, immutatio vitæ à negotio ad otium, ab otio ad negotium: Autumnus ob antegressum æstum qui succos adurit, ob subitam ad frigus mutationem, & plurimorum fructuum esum, qui crudis humoribus materiam suppeditant. Frequens est Romæ, & in Æthiopiâ cæterisque locis, ubi cælum calidius cum adventitiâ humiditate: Sedes ejus ventriculus est & hepar, ventriculus ratione pituitæ, hepar ratione bilis.

*Signa.*

VIII. Diagnostica signa ex prædictis haberi possunt, scilicet si in febre continuâ tertio quoque die contingant exacerbationes, cum horrore, hæmitritæus est, tum quæ differentias ejus distinguunt ex prædictis colligi possunt, sed præterea lethargicæ adsunt affectiones, & veluti mentis stupores, stomachus dolere consuevit, lingua arida est, pulsus quam in febre quotidianâ major & frequentior, minus tamen velox quàm in tertianâ, urinæ variæ & semper crudæ, in quibus signa coctionis tardissimè apparent. Vomitus adsunt interdum biliosi, interdum pituitosi, raro finitur cum sudore copiosa, sed sæpius alvi excretionem, urinarum copiâ, vel parotidibus.

*Prognostica.*

IX. Prognosis autem quod spectat, hæmitritæus est valde periculosa & lethalis, tum propter varium contrariorum conflictum, tum quia nullum tempus relinquit ad corpus alendum coquendos cibos, humo-



humores noxios edomandos, vires reparandas, unde excrementa copiosè cumulantur, tùm demùm stomachum, nervosasque partes lædit, unde frequens syncope succedit. Scripsit Hipp. 1. Epid. sect. 8. textu 5. In semitertianâ morbi fiunt acuti, unde præter cætera est lethalis, ac tabidi & qui longis morbis laborant, præcipuè tenentur. Mirum hic quomodo inter acutos & diurnos numeret semitertianam. Avicenna eam scribit extendi usque ad septem menses, Galenus libro de typis secundum Hippocratis mentem vult eam non solum acutis, sed etiam diurnis esse annumerandam. Respondet Mercurialis id fieri quia ex diurnâ degenerat in malignam, Maligna enim est & naturâ suâ & gravium symptomatum accessione, & quia febris quæ nunquam intermittit nova febris succedit. Parum remitti, & ex levi remissione violentius exacerbari maligni morbi inditium est. Malignitatem augent partis affectæ conditio, humoris copia, variusque motus. Igitur ratione sui morbus est acutus, quamvis interdum chronicis morbis accidat & tabidis, quia propter coëctricis debilitatem humores crudos copiosè congerunt, qui à calore febrili adurantur, & putrescunt, sicque hemitritæus contingit. In Coacis τὸ φρεσῶδες, καὶ τὸ διακρινεῖν τῶν πύλων, καὶ οὐκ ἐκ φρεσῶδους horrent enim tabidi, quia acris humor thorace contentus membranas vellicat, unde ex sympathiâ quam partes inter se habent reliquæ concutiuntur & horrent: Et hoc modo acuta dici potest & diurna. Periculosam autem esse docet Galenus libro de typis quod non solum stomachum & nervosas partes lædat, sed lethargicas passiones attonitasque vigilias invehat, animi defectionem, syncopenque inferat, humores in alto latitantes commovens; In universum typus hic ferus & periculosissimus est, Febres non intermittentes, qua tertio die fortiores fiunt, magis periculosa, aphor. 43. lib. 4. & in Coacis febres περιττωσύναις cum anxietate conjuncta maligna sunt.

x. Curationem quod spectat, mista esse debet ex iis quæ pituitam Curatio, bilemque præparant & purgant, qualem curationem descripsimus capite de tertianâ notha. Eodem enim prorsus modo curandæ sunt omnium authorum consensu, nisi quod in hemitritæo major pituitæ habenda ratio est, magisque cardiacis utendum & roborantibus. Cornelius Celsus sanguinem mittit, nisi quid impediat, Sed Galenus & Arabes illius remedii non meminere, & sane nisi adsit sanguinis copia venæ sectione abstinendum, vires enim maximè laborant; Circa purgantia monet Avicenna, ut præparemus, purgemus, vomitum urinalque cieamus,

Rr 2



mus, sed blandis medicamentis, tum ut accedente statu demus absynthium ad ventriculum & viscera roboranda, quæ propterea roborari possunt, assumptis & admotis, ut prius fuit explicatum. Cum duæ hic sint febres quidam considerant in quo sint tempore, nam si ambæ increfcent, purgandum, si continua sit in statu nihil movendum, sed si biliosa sit in statu, poterit vacuatio blanda concedi ad pituitam vacuandam. Et hæc de compositis febribus.

## CAPUT XIV.

## De Symptomaticis febribus.

*Primum  
genus  
Symptomaticum.*  
I. **F**ebres divisimus in primarias & symptomaticas, Illæ à nullo alio morbo dependent, hæ vero morbum aliquem tanquam umbra corpus sequuntur, cur autem symptomaticæ dicantur explicavimus *capite de diff. febr.* Nunquam autem docente Galeno à veteribus febres vocabantur. Sunt autem omnes continuæ, nunquam intermittentes. Estque earum causa non in venis majoribus conclusa, sed parte quæpiam contenta, ex quâ calor febrilis in universum corpus dimanatur. Earum genera sunt quam plurima, *Vnum* sequitur inflammationes, quæ si externæ sint, & à corde longius distitæ tantum faciunt ephemeram, ut in bubone, quia solâ partium continuitate cor alteratur. Internæ verò cordi proximæ putridam febrem concitant, ut in pleuritide, peripneumoniâ & cæteris, quas variis nominibus distinxit *Aëtius*, in lipyriam, typhoden, crymoden, ut diximus *capite de lipyriâ*. Nam ephemeræ docente *Gal. 2. aph. 18.* nec ex putredine, nec ex internâ inflammatione ortum habent; Attamen si inflammatio sit exigua, fieri potest ut nec acutâ, nec putrida febris succedat, sic docet *Gal. 2. prophet. 17.* ex jecoris inflammatione non semper fieri febrem acutam, aut si pars à corde sit remotior. Differunt autem febres symptomaticæ à sese invicem & causis & parte affectâ, nam quæ sunt ab erysipelate fortiores sunt iis quas phlegmone parit, quanto bilis sanguine ferocior est, tum quæ propius ad cor accedunt, vehementiores sunt iis quæ longius absunt; Item quæ sunt in partibus sanguineis benigniores sunt iis quæ nervosis partibus inflammatis succedunt, nam symptomata ex nervosis partibus sunt multò graviora & maligniora, ut dolores, vigiliæ, convulsiones, quamvis in sanguineis soleant tumores



mores fieri majores, sicque sæpe calor erit vehementior, sed minùs periculosus. Præterea febres quæ sequuntur tumores partium arteriis refertarum, sunt fortiores iis quæ fiunt ex aliis partibus, in quibus tantum sunt venæ, quod tamen capiendum est cæteris paribus, potest siquidem tumor ex parte venosâ majorem febrem inferre quam arteriosâ, si venosa sit cordi propinquior, nobilior, majorique inflammatione laboret, sic inflammatio cavæ hepatis vehementiorem febrem concitat, quàm inflammatio splenis, & tamen splen arteriis refertus est. Dicuntur autem febres symptomaticæ sequi motum humorum ex quibus generantur, ut in pleuritide febris videtur tertiano circuitu exacerbari, etsi nunquam intermittat, ex *Galeno & Tralliano*.

11. Distinguitur à primariâ quod nullis periodis exacuitur, urinæ *Signa*. rarò putredinis habent indicia, nisi interdum ex affectâ sede putredo obrepit in venas, distinguitur etiam inflammatae partis signis, qualia sunt actiones læsæ, excreta, qualitates mutatae. Actiones sunt pulsus, dolor, lassitudo; Pulsus durus est & inæqualis usque ad declinationem. Dolor comes est inflammationis, partemque læsam ostendit, & quâ parte sentitur lassitudo, ea sedes est morbi; Actio quoque partis aliqujus læsa ostendit eam affici, sed præterea pars unaquæque propria sua habet symptomata, quibus ipsius affectus dignoscuntur. Urinæ si parùm à naturali statu sint immutatae febris oritur à parte determinatâ, ostendunt enim vitium non esse in venis. Sudores quâ parte erumpunt affectam partem indicant, 4. aph. 38. & quâ parte corporis calor est, vel frigus, ibi morbus aph. 39. lib. 4. Sed insuper inflammationibus fiunt aliquando rigores, refrigerationes, horrores, maximi & longissimi 4. aphor. 48.

111. Solent autem hæ inflammationes resolui intra 14. vel 20. *Prognostici* diem ex 1. aphor. 12. Sed si febris vigesimum superet expectanda suppuratio est, tum si quo tempore illam cessaturam spes erat, symptomatica augeantur, & si rigor sæpiùs accidat, abscessum fieri verisimile est 2. pronost. 38. & 4. de locis affectis, pulsatio post vigesimum diem, aut increascens, aut perseverans, pariter spirandi difficultas aucta, suppurationem minantur. Monet quidam non semper has febres sequi inflammationem, quin potius eas inflammatio sequitur, unde potius committas quam symptomaticas illas *Platerus* vocandas censet, incipit febris primaria, cujus humor orgasmo continere se non potest in venis, sed ob copiam, tenuitatem, acrimoniam effundit sese in viscera,

Rr 3

ibique



ibique phlegmonen, vel erysypelas concitat, à quibus postea febris fovetur & conservatur. De quibus febribus intelligendi sunt multi Hippocratis loci in *Coacis* & *prorheticis*, *Præcordiorum dolores in febribus si sine sudore solvantur cum loquendi impotentia, maligni sunt. In his dolores ad coxendices, & alvus soluta perniciem ostendunt, prorhesi 90. lib. primi. Id repetit coaca 297. & 299. Item in febre palpitaciones circa ventrem, ecstases pariunt, & Hæmorrhagia cum horrore accidit Coaca 298. & prorhesi 144. addit hypochondrii *ἐν τῷ ὑποχόνδριον*, ut intelligatur hypochondriorum inflammatio quæ horroris sensum sæpe inducit, acribus humoribus præcordiorum membranas lacescentibus, nam 1. *Epid.* inter hæmorrhagiæ futuræ signa recensetur hypochondriorum *ἐν τῷ ὑποχόνδριον*, ut videri potest apud *Galenum* in comment. Periculum designat Hippocrates cum scribit *febres implacidas*, id est in quibus ægri eodem loco jacere nequeunt, cum *hypochondriorum contentione*, ab inflammatione obortâ, multâ curâ & custodiâ indigere, fiunt enim ab inflammatione in intimis visceribus conceptâ, ut alibi diximus.*

*Curatio.* 1 v. Curatur eodem prorsus modo quo tumor à quo dependet, & quamvis refrigerari & humectari febris postulet, à balneo tamen & aquæ frigidæ potu abstinendum, quia balneum humores commovet ad locum affectum, aqua frigida coctionem remoratur, ut docuimus propriis capitibus. Sed *Trallianus* scribit se frigidæ potu erysypelata & febrim extinxisse, & sanè in erysypelate non nocet, sed in phlegmone. *Aëtius* vero balneum prohibet, sed post statum & coctione peractâ frigidissimam aquam & multam imperat, cui consentit *Paulus cap. 31. lib. 2.* Uterque applicat præcordiis refrigerantia, ut lactucam, intybum, sempervivum, portulacam, attriplicem, solanum, plantaginem, cum panè trito, rosaceo & omphacio, ac sæpe renovant ne incalescant, Historiamque narrat *Aëtius* mulieris cujusdam quæ frigidis potibus ex diacodio, cum vino & aquâ curata fuit, cum mors fermè instare videretur. Et de hac satis.

*Secundum genus symptomaticum.* v. Est aliud genus symptomaticarum febrium, quod febrem lentam non acutam complectitur, propterea non ex partis inflammatione aut erysypelate, sed vel obstructione, vel visceris alicujus putrefactione generatur. Obstructio fit ex crassis viscosisque humoribus in aliquo viscere latentibus, præcipue in mesenterio ob venarum exilitatem, quia est universi corporis velut sentina, interdumque in jecore, splene, pancreate, ventriculo, imò & toto corpore, ut in cachexiâ, palidisque



lidisque virginum coloribus; Hi crassi lentique humores cum putredinem sortiuntur, febres has ingenerant, placidas mitesque, nulloque gravi symptomate infestas, sed diurnas, quas videtur sub febris latice nomine *Avicennas* intellexisse, atque ut in hecticis, æger vix se febricitare percipit, tamen debilitatur & contabescit. Putredinis quædam vestigia urinæ proferunt, pulsusque nec magnus est, nec vehemens ob virium imbecillitatem, sed tamen celer & inæqualis, viresque sensim & sine sensu labefactantur, ac quantumvis cupepton, euchymon, polytrophum, copiosumque sumatur alimentum, corpus tamen eo non sustinetur, sed universa illius moles absimitur & colliquefcit. Oritur autem interdum per se, aliàs acutis febribus succedit, quando humor intempestivè refrigeratus, ita retunditur & incrassatur, ut quasi pituitescat, nec facile deinceps aut concoquatur & ardescat, sed solet ejusmodi febris iterum redire ad pristinam ferociam, accenso, ut prius, humore. Igitur quando ex inscitia Medicus aut frigida potum intempestive præscripsit, aut coquendi purgandive occasionem neglexit, morbus acutus retusus in lentam febrem hanc degenerat. Quoties igitur hujusce febris suspicio est, diligenter omnibus expensis signis investigandum, quænam pars præcipuè affecta sit, morbi que hujus fomitem contineat, sapissimè tamen, ut diximus, mesenterium affligitur, ob humorum crudorum copiam, quæ illic stabulatur, atque defectionibus liquidis, chylosis, subalbis cognoscitur, quia non potest chylus obstructis viis ad hepar deduci. Ad curationem humores crudi & crassi incidi debent & præparari syrupis aperientibus de quinque radicibus, bizantino & similibus, de quibus cap. de quotidianâ fatis diximus. R. Radicum aperient. cichorii, oxalid. ana ℥. j. folior. agri-  
mon. capilli venera betonia, chamad. ana M. j. flor. Stoechad. centaur. mi-  
noris ana P. j. spica nardi ℥. j. sem. anisi, apii, fenic. ana ℥. j. f. decoctio ad  
℔ j. quæ dulcoretur saccharo, clarificetur, & sæpius de die agro propinetur.  
Dein purgetur catholicone, agarico, rheo, sennâ, cuscuta. Postea par-  
tes idoneis remediis roborandæ, opiatis, conservis aliisque superius in  
reli quarum febrium curationes recensitis. Celsus cap. ix. lib. 3.  
Nonnunquam inquit lenta febres sine ullâ remissione corpus tenent, neque ulli re-  
medio, neque cibo locus est. In hoc casu medici cura esse debet ut morbum mutet,  
fortasse namque curationi opportunior fiet, ad id utitur balneo, aquæ mulsæ  
potu, inunctione ex oleo & sale. Sed an per lentam febrem nostram  
intellexerit ignotum est, quicquid sit non est temerariè hoc consilium  
sequen-



sequendum, ne acuta febris succedat ægro jam debili, quæ vires omnino prosteruat, interdum tamen ut idem ait, quos ratio non restituit, temeritas adjuvat.

vi. Est alia lenta symptomatice, quæ non ex viscerum obstructionibus, sed ex ipsorum putredine corruptioneque emergit, de quâ *Fernelius* primus omnium doctissime scripsit. Fit autem non ex humore ullo pãtri, sed à tetrâ expiratione, quam putrescentia viscera in cor emittunt, estque continua, & instar hæticæ mitis & lenta, ideoque illam hæticam plurimi esse volunt, talis est ea quæ pulmonum ulcus in phthisicis sequitur, quam *Fernel.* non vult esse hæticam, sed putridam ex putrescente visceris substantiâ prognatam. Dignoscitur autem quod sensim invalescit, multoque tempore procedit, aliisque ferè morbis succedit, raro per se incipit, vacationibus non mitescit, & remediis potius exacerbatur, corpus sensim marcore conficit, & extenuat, syncopeque accersit. In primo principio forsan sisti potest, ne ulterius procedat, sed in progressu sanari non potest, ideo remedia adhibenda potius protrahendæ vitæ causâ, quam sanandi spe, pars enim interna, & princeps corrupta redintegrari non potest, nam putredo est interitus substantiæ, & privatio à quâ ad habitum non datur regressus.

## C A P. XV.

### *De symptomatice febrium & primum de dolore capitis.*

i. **F**ebbris omnis symptomatice quædam habet, quæ vel ideam, vel malignitatem vel magnitudinem demonstrant. Atque quando intenduntur, morbum augent, viresque labefactant, ad se curationem trahunt, alias spontè evanescere solent. Graviora autem symptomatice reddit humoris situs, partiumque imbecillitas, si quæ enim pars veteri quodam malo afflicta sit, in febre prima solet indolescere. Omnia autem sunt, vel actiones læsæ animales, naturales, vitales, vel spirituales, vel qualitates mutatae. Quædam tantum explicabimus, à dolore capitis initium sumentes.

ii. Variis autem ex causis dolor capitis in febribus adesse solet.

*Primo*



Primo ob retentas feces, unde mittuntur vapores in cerebrum, & huic clysteribus medemur. Secundo per consensum aut partis cujusdam, aut totius corporis. Consentit caput stomacho, lieni, utero, jecori, si in illis humor putridus lateat & effervescat. Toti vero corpori in febribus continuis, in quibus tenuior sanguis sursum impulsus, membranas feriens, dolorem concitat, fitque ab omnibus humoribus & flatibus, cognosciturque ex doloris specie, nam erodens & pungens à bile est & acri vapore, distendens cum gravitate ab humorum copiâ, sine gravitate verò à flatibus. Rationem verò doloris capitis elegantem reddit Hippoc. lib. de flatib. sanguinis viis angustia in capite contingit, quia flatu replentur, repleta autem distentionem pariunt, & dolorem à vapore spiritus, sanguis autem vi impulsus cum calefactus sit per angustam viam non potest celeriter permeare, multa enim impediunt & obstruunt, inde pulsationes fiunt circa tempora; quæ ratio vera est in febribus à calidis humoribus generatis quales sunt synochi inflativæ dictæ. Observandum autem quod scribit, Fernel. cap. de feb. sympt. dolorem omnem ex febre genitum aut tempora, aut frontem, prioremve capitis regionem occupare, eum vero qui in vertice, aut occipitio, aut circum aures figitur, etiam si cum febre excandescat, peculiarem habere causam in capite, neque esse symptoma febris: sæpe enim vetus dolor quasi sopitus cum febre irritatus excandescit.

III. Ad curationem autem scire necesse est, an criticus sit, an Symptomaticus; critico enim remedia non sunt adhibenda. Docet Galenus 1. ad Glaucon. criticum distinguere 1. ex specie febris, an calida sit & ardens, nam excretionem solvitur, an mitis & diuturnior, abscessu enim terminatur. 2. An sit salutaris vel lethalis, nam in morbo pernicioso bonam crisin nemo speraverit: sunt autem morbi vel naturâ suâ lethales, vel salutaris, vel ambigui, quorum eventus ex coctionis & cruditatis signis, viriumque naturæ & morbi consideratione cognoscitur. Coctio salutem, cruditas verò morbi longitudinem, vel perniciem designat. Quod si cætera signa bona affuerint, ut pulsus laudabilis, facies similis sanorum, facilis spiratio, decubitus decens, animus fortis, æqualis totius corporis calor, certius salus significatur. At si cum cruditate contraria prædictis apparuerint, morbus lethalis est. Tertio videndum an in principio dolor invaserit, & ante signa coctionis, tunc enim criticus non est. Adjungenda quoque sunt reliqua signa crisin comitantia, & antecedentia, ut dysphoria crisin præcedens.



dens. Solet autem portendere crisin per hæmorrhagiam, vel vomitum. Hæmorrhagiæ futuræ signa sunt, splendores ante oculos obversantes, oculorum hebetudo, rubedo, lachrymæ; malæ naresque rubicundæ, hypochondriorum sine dolore tensio, respirandi difficultas, dolor capitis gravans, distendens, pulsans, narium pruritus, *ex 1. Epid. sect. 2. textu 55. & 3. prognost. textu 37.* Quibus addere possumus consuetudinem, ætatem, regionem, cœli statum, anni tempus, cæteraque humorum calorem indicantia. Vomitus verò critici futuri signa sunt stomachi vellicatio, dolor capitis, vertigo tenebricosa, labii inferioris agitatio, ptyelismos. His signis criticus dolor à symptomatico discerni potest. Futurum autem capitis dolorem ostendunt urinæ instar subjugalium perturbatæ, *ex aphor. 70. lib. 4.* propter vaporum caput petentium multitudinem.

*Curatio.*

I v. Dolorem autem hunc si criticus non sit, curare oportet. Si sit ab humoribus feruidis vitanda lux est, humores enim agitat, vitandus pariter omnis calor à carbonibus, sole, fumo, item quilibet injucundus odor, *ex Aëtiolib. 5. cap. 11.* Ubi quoque ait vitandum esse omnem potum, orisque collutionem, nam statim ab ore, aut humecto stomacho vapores ad caput jam ignitum deferuntur, quod tamen non est absolutè verum, nam potu frigido humor calidus delatus in cerebrum temperatur. At cum curandi ratio optima ea sit, quæ causam tollit, clysteres, venæ sectio, purgatio, ut in curatione febrium dictum, hunc dolorem potissimum demulcent. Sed præterea cucurbitulæ occipitio & cervici applicentur, sine vulnere, si tantum vapor est, cum vulnere verò si subsit humor. Probat etiam hirudines *Paulus* quæ venis sedalibus utiliter applicabuntur. Parti autem affectæ topica apponantur, ex refrigerantibus. *Celsus* rosas aceto madefactas imponit, addere possumus *lactucam*, *portulacam*, *nympheam*, *sempervivum*, *papaver*. unde quidam imponunt farinam hordei cum succo sempervivi subactam, vel cum hyosciamo, papavere, psyllio, contritam, addito oxyrhodino, Embroche ex oleis vel decoctis rerum prædictarum, & oxyrhodino. Cavet autem à repellentibus istis *Apicennas*, si cum cephalalgia catarrhus adsit tussive, ne humor in subjectas partes repellatur, propterea frigidis admiscere possumus temperatiora, ut chamæmelum, lac muliebre, crocum nam cataplasma anodynum ex lacte, croco, micâ panis, oleo rosato, plurimum commendatur, *R. florum chamæm. P. j. flor. violar. rosar. nympheæ, furfuris ana P. j. s. f. decoctio*, materia sacculo excipiat, cipiatur,



ciatur, & capiti applicetur. Oxyrhodino quoque oleum chamæmel. addatur. Sed in doloris acerbitate narcotica usurpentur tum assumpta, tum admota, ut laudanum, oleum mandrag. papaverinum, &c. quæ ad vigilias & delirium sequenti capite præscribemus. Sed de lacte dubitatur an conveniat, nam lac prohibet Hippocrates capite dolentibus & febricitantibus, & Avicennas lac prohibet quando multa adest humiditas cum inclinatione ad somnum. Respondeo lac admodum non improbari, præterquam in duobus casibus. *Primò* si materia sit humida somnum inducens, *Secundò* si resolutione indiget, lac enim poros obstruit, vaporesque intus cohibet. Igitur optimè convenit in febris declinatione.

v. Si dolor sit ab humoribus frigidis, remedia debent esse discutientia, ex decoctis rerum calidarum, oleo chamæmelino, anethino; & similibus, de quibus capite de dolore capitis agemus.

## CAP. XVI.

*De vigiliâ & delirio in febris.*

i. **V**igilias inferunt secundum Galenum tres causæ, dolor, calor, *vigilia.* siccitas, quibus totidem contraria opponuntur, refrigerantia, humectantia, anodyna: in febris igitur vigiliæ fatigant à calido acrique vapore cerebri substantiam feriente, quam exsiccant, calefaciunt, spiritusque attenuant, & mobiles reddit. Mala autem est excedens vigilia, *aphorismo 3. lib. 2.* & ut causa, & ut signum. *Ut causa* quia coctionem cibi potiusque impedit, cruditates parit, ob evocationem caloris ad externa, cerebrum spiritusque exhaurit, corpus desiccant, & infirmum facit, humores ferocios reddit. *Ut signum* verò, quia cerebri siccitatem, humoris acrimoniam, ejusque in cerebrum delationem arguit.

ii. Ab iisdem causis fit delirium, fervidâ scilicet bile cerebri tem. *Delirium.* periem evertente, tuncque solent urinæ esse albæ & puriores ex *Aphorismo*, ob raptum & ascensum bilis ad superiora. Cognoscitur futurum, ex importunâ loquacitate, gestu immoderatiore, aut effrænata quavis laborantis impudentiâ, hinc à *modesto & prudenti viro ferox responsio malum*, sicut contrâ in omni morbo mente constare, & bene se habere ad ea quæ offeruntur bonum. Ideo in causâ sitiferâ non sitire ma-



lum, sicut in causâ dolorificâ non dolere, nam qui aliquâ parte dolentes dolorem non sentiunt, iis mens ægrotat. Insaniâ autem & phrenitides in principio acutorum apparentes sunt funestæ, & quæ superveniunt internis inflammationibus, ut peripneumoniâ, pleuritidi *aphor. 12. lib. 7.* propagatâ ad cerebrum usque causâ morbificâ. Quæ autem contingunt in statu post signa coctionis non sunt formidandæ, sicut tutiores sunt quæ accidunt cum risu, quam quæ serio, & cum feritate contingunt.

Curatio  
vigilium.

III. Quando igitur vigilie infestant, quia morbum augent, viresque labefactant, illis citò occurrendum, sicut & delirio, internis & externis, quod sæpe non est adeo facilè; Occurrerunt sæpe mihi tales vigilie quæ nullis narcoticis cedere poterant. Conveniunt igitur refrigerantia primùm & humectantia, dein narcotica, ut *emulsiones, syrupus de papavere, de nymphaea, diacodium, cum aquis vel decoctis lactuca, nymphaea, portulaca & similia.* In quorum usu id observavi, cum vigilie rebelles sunt, non tantùm horâ somni ad parvam dosin debere propinari, sed sæpius de toto die, sicque tandem æger in placidum somnium labitur. Tandem ad *Philonium, pilulas de cynoglossâ*, veniendum, si cetera non sufficerent; Laudanum creditur esse prædictis tutius, quia magis extractione correctum, sane minore dosi datur, & id tantùm habet commodi, aliâs prædicta non minùs tuta sunt, ut *cap. de vigilis tomo secundo* plenius demonstrabo, ubi ineptas *Quercetani* circa laudanum cautiones refutabo. *Gentilis* laudat opium vino dissolutum & potum. *Hollerius* aquam stillatitiam è floribus croci ad ℥. iij. propinatam, quæ mihi suspecta est ob vim croci deleteriam, quæ in qualibet illius parte magna est, in radicibus & flore; Syrupus sequens somniferus mihi est instar omnis syrupi. ℞. *capitum papaveris albi recentium & contusorum* ℥. x. *florum nymphaea* ℥. iij. *florum papaveris rhoeados* ℥. j. ss. *florum violar.* P. ij. *foliorum lactuca, sempervivi, portulaca ana* M. ij. *seminis lactuca, portulaca ana* ℥. ij. *opii grana* vj. *aqua* lb. v. coquantur lento igne dum capita contabuerint, dein cetera addantur, & cum saccharo fiat syrupus. Præstantior est syrupis de papavere officinalibus. ℞. *Confectionis alchermes* ℥ ss. *syr. de papav. de nymphaea ana* ℥. j. *aquar. vel decocti lactuca, portulaca, nymphaea* ℥. iij. f. potio danda horâ somni. Foris sunt lotiones tibiarum ex decocto foliorum *vitis, arundinis, lenticula aquatica, salicis, portul. lactuca, cucurb. cucum. melon. nymphaea, rosarum, violarum, solani, mandragora, hyosciami, sempervivi, papaveris albi, & similia,* quo



quo decocto foveri quoque potest caput, addito coriandro, floribus chamæmeli, & rosar. & feminibus frigidis, sicut, quoque prædictorum vapor naribus excipi potest, quibus illini quoque potest oleum aliquod narcoticum, cum quibusdam granis opii. Succum memithæ, sive chelidonæ agrestis laudat *Gentilis* supra omnia. *R. nng. populeon.* *℞ ss. olei papav. nymph. ana ℥ ij. opii g. iij. Misce f. linimentum, quo tempora & nares illinantur.* *R. flor. violar. nymph. papav. ana P. j. corticis mandrag. ℥ iij. opii g. vj. croci grana iij. ligentur in syndone, fiatque nodulus, naribus sæpe admoventus.* Suntque linimenta sæpius renovanda, quia statim incalescunt; Non est autem utendum narcoticis instante crisi, ne naturæ motus inhibeatur, atque intus assumpta nocent mulieribus, corporibus mollioribus, memoriam lædunt, & sæpe lethargum excitant. Quidam ipsi ano admovent suppositorium ex opio, aut composito narcotico cum melle. Præter hæc *Paulus* ad somnum conciliandum præscribit frictions & ligaturas extremorum, ad ægros defatigandos, quas statim solvit, ut postea æger in somnum labatur, sed ligaturæ debent esse leves, sæpius repetitæ, cavendumque ne æger sit arthriticus. *Aëtius* laudat crocomagma & trochiscos cypheos, quæ tamen capite noxia sunt ob crocum, & cyphi, & quamvis iisdem *Galenus* utatur ad dolores qui fiunt ex humoribus acris, hoc tantum verum est quando sejuncti sunt à febre, in febribus autem quibus refrigerantia competunt, non sunt satis tuta hæc remedia.

IV. Delirio eadem conveniunt, sed præterea utendum clysteribus *Chratio* refrigerantibus, sanguinis missione, cucurbitulis scarificatis, purgationibus, repellentibus, refrigerantibus, iis denique omnibus quæ in verâ phrenitide utilia sunt. Plurimi commendant pulmones animalium, pullos gallinæos vel columbarum recenter necatos, & calentes capiti impositos, nam blando suo tepore cerebri fervorem temperant. Quidam etiam adhibent extremis partibus vesicantia, quæ *Mercurialis* non improbat, si valde urgeat delirium, ita ut curationem ad se trahat febre relicta. Cavere autem debent adstantes ne irascendi occasionem ægro dent, quin potius omnia illi concedant, non enim audiendi sunt qui durius illos tractari volunt. Consideranda quoque pars ea est à qua delirium procedit, ne illi noceamus, ut in inflammatione pulmonis abstinemus à syrupis adstringentibus, de agrestâ, de granatâ, & similibus qui sputi educationem non promovere, sed remorantur, quorum loco utimur *syrupo jujubino, violato de papavere.* Sed in



hepatitis inflammatione timere non debemus adstringentes Syrupos, quia partes pectorales non sunt in vitio. Topica sint epithemata varia partibus affectis apponenda, inter quæ laudat *Rondeletius* sequens *R. decocti hordei & violar.* ℞ j. olei violati qv. j. & panni intincti applicentur, convenit pleuritidi, peripneumonix, febribus ardentibus, hecticis, colliquantibus, nam refrigerat, humectat, thoracem lenit, respirationemque liberam reddit.

## C A P. XVII.

*De somno in febris.*

I. **N**aturalis somnus causas arguit moderatas, præternaturalis contrarias, ut in lethargicis; somnus si modum excedat, sicut & vigilia noxius est, *aphor. 3. lib. 2.* præcipue si laborem ægrotanti afferat. *In quo morbo somnus laborem facit lethale, aphor. 1. lib. 2.* Nam somnus ex naturâ suâ viscera omnia roborat, spiritus reparat, causas morbificas concoquit. Funestum igitur est si symptomata, febris, dolor, delirium, gravitas capitis, inflammatio, cæteraque ingravescant & exacerbentur, aut ea somnus accersat, sicut contra, quando somnus delirium sedat bonum, *aphor. 2. lib. 2.* ubi paraphrosynes exemplo reliqua intelligit symptomata; Delirium quidem facere potest & dolorem, quia vapores acres & calidi in cerebrum sublati lædunt phantasiam, vasa distendunt, & exagitant. Auget verò febres & inflammationes internorum viscerum, quia per somnum intrò revocantur humores, sicque febre & inflammationi materiam suppeditant, unde & initiis accessionum, & in internis inflammationibus, & in peste somnus noxius est, præcipue si multa sit cacochymia, nam symptomata auget materiâ in intimum corpus cefluente *aphor. 1. lib. 2.* Malus est igitur somnus immodicus & ut causa, & ut signum. Ut *causa* quia torpidum dissolutumque corpus reddit, capitis gravitatem parit, excrementorum omnium effluvia cohibet. Ut *signum*, quia arguit imbecillitatem caloris nativi, qui non potuit materiam evincere & edomare, tum indicat cerebrum esse nimium refrigeratum, & humectatum, materiamque morbificam contumacem. Ideo excitationes ipsas è somno turbulentas & feroces valdè exhorrescit *in prophet.* & convulsionis



tionis prænuntias esse existimat, potissimum si cum sudore quodam appareant, qui symptomaticus vel diaphoreticus est, ostendit enim ejusmodi somno humorem morbosum non fuisse edomitum, sed potius exacerbatum. Ideo febres somniculosas non minus periculi plenas esse statuit, quam pervigiles, nam temperari somnus & vigilia debent, siquidem somnus concoquit, vigiliæ digerant. Non est tamen omnis somnus longior lethalis, nam *Coaca 151.* somni profundi & non-turbulenti criseos firmitatem denuntiant, quos ibi distinguit à comate & cataphorâ. Placidi somni sunt quando inter dormiendum non perturbatur æger, aut commovetur, nugatur, delirat, aut turbulentis insomniis divexatur. scribit *Aëtianus* somnos accedentes qui antea deerant ægrum à languoribus levare, & in phrenitide ac febribus judicii firmitatem stabilire, nam contingit interdum ex *Galeno 2. prophet.* ægros post crisin integrum diem placidè dormire, præcipuè ubi per plures dies insomnes fuerint, idque maximo naturæ solatio. Sic pueri dormiunt nonnunquam per biduum, in quibus tamen somnus non dicitur esse immodicus, quia talem necessitas exigit, ac manifesta utilitas excipit, isque causis naturalibus succedit. At quando præter necessitatem, causarumque præternaturalium vi somnus obrepit, profundior ille, immodicus, & noxius censendus est, atque excitatis laborem asferre solet.

II. Fit autem somnus in febribus, aut ob pituitæ copiam in cerebro putrefactæ, ut in lethargicis, aut ex vaporibus frigidis in cerebrum elatis, qui condensati somnum accersunt, Interdum contingit ob nimium usum narcoticorum, aut ob summam debilitatem exolutionemque virium, unde calor ad sensoria usque extendi non potest, ideoque talis somnus profundus cum pulsum debilitate lethalis censendus est, in quo roborantibus calorem nativum, cibo potuque utendum est. Sed si fiat à pituitâ, aut vaporibus pituitosis opus est dissipantibus, quæ vapores aut resolvant, aut revellant; Revellunt autem clysteres acres, suppositoria, frictiones extremorum, ligaturæ dolorificæ, cucurbitulæ scapulis appositæ cum sacificatione, phœnigmi, vesicatoria; Vacuant verò *Sternutatio* ex helleboro, euphorbio *suffitus* ex aceto acerrimo tegulæ candenti insperso, odor panis cum aceto, *odoramenta* ex rutâ, castoreo, coriis perustis, extinctâ lacernâ, quem tamen odorem improbat *Aëtius*, quia nimis cerebrum ferit; *Apophlegmatismi* ex discutientibus, inunctio palati, ex *theriacâ, mihridatio, hievâ, pictâ.*



*pietâ.* Confert quoque olfacere peucedanum, thymbam, pulegium, spicam nardi, melanthion. Forus capitis fiant, sacculi, cucuphæ ex discutientibus, & resolventibus. Repellunt verò oxyrhodina ex oleo rosato, aquâ & aceto. Sed *Aricennas* maximè probat librorum lectiorem; At aliis librorum lectio tantùm abest ut somnum prohibeat, quin potius eum inducit. Respondet *Gentilis*, id fieri ex diversâ audientium legentiumve temperie; Quidam enim pituitosis in cerebro scatent humoribus, qui si legendo agitentur & moveantur, ex commotione spirituum, sineatus cerebri occludunt, unde somnus. Si verò humores fuerint calidi, tenuisque, motu illo spirituum agitati, vigilias reddunt deteriores, ut plenius explicabimus *capite de vigiliis tomo secundo.* Prædictis quoque remediis capitis gravitas, cum eâdem causâ contingat, curari potest.

## C A P. XVIII.

*De sternutatione in febris.*

I. **S**ternutamenta in febris incidentia tribus de causis molesta sunt ex *Paulo.* *Primò* quia caput replent, quoniam tali motu attrahuntur ad caput humores, maximè in morbi principio, nam in declinatione post humoris coctionem, arguunt virtutem naturæ quod noxium est expellentis. *Secundò* importuna sternutatio virtutem reddit imbecilliorē ob motum concussivum; *Tertiò* sanguinem è naribus elicit, qui fluxus si intempestivè accadat, potiùs nocet quam juvat, maximè si Natura hanc viam non affectet. Fit autem à vaporibus cerebro molestis quos omni conatu expellere nititur. Quare si nimium molestat, demulceri debet & temperari, quod fiet frictionibus palati, nasi, frontis, oculorum, colli, ex *Paulo*, aut etiam posteriorum capitis partium, quibus perfrictionibus resolvitur humor, sternutamentum concitans; Pariter oleum anethinum, laurinum, auribus instillatum, spongia aceto macerata naribus admota eam sedat, item musculorum maxillæ ex oleis calidis perunctio, capitis in altum elevatio, inclinatioque ad latus, & pulvinum calidum mento subjectum profunt, hæc enim humores resolvunt ex *Paulo.* Caveri autem debet repentina à somno excitatio, fumus, pulvis & acriorum, ut euphorbii, castorei, odoratus. Menthæ verò, pomorum, & panis, vel polentæ odor



odor prohibet sternutationem, & spongiæ ex mari recentes secundum Paulum; ut plenius explicavimus capite de sternutatione; Symptoma autem rarum est in febribus, nec ordinariè cernitur: Ideo de hoc satis.

## CAP. XIX.

*De hæmorrhagia in febribus contingente.*

I. Sanguis effluere solet ex naribus, vel per anastomosin, vel per diæresin, vel per diapedesin, sanguine transcolato, & sudoris modo transmissio, quod tamè rarum est. Aperiuntur oscula vasorū, vel sanguinis copiā, vel ejusdē tenuitate & acrimoniā, vel ob partis ipsius debilitatem, quæ mediocri copiā gravatur. Fit verò diæresis, vulnere, contusione, erosione, ruptione. Vulnerant acuta & secantia, contundunt gravia rumpunt quæ distendunt, ut plethora, clamor, tussis; Erodunt verò acia omnia. Demum transcolatur sanguis si serosus fuerit, tunicoque fit rarefacta. Rarò autem in febribus, nisi ob copiam, vel calorem, vel utroque modo effluit, sic juvenes qui sanguinem fervidum plurimum habent, frequenter hæmorrhagiam patiuntur. Fluit autem sanguis vel criticè vel symptomaticè, vel parçè, vel nimium. Estque ejusmodi vacuatio febribus ardentibus inflammationibusque internis familiaris, quæ debet esse larga & liberalis, & fieri ex directo partis laborantis, ut jecore inflammato ex nare dextrā, liene affecto ex sinistrā, damnantur ideo ab Hippocrate sanguinis stillæ 1. Epidem, quia nihil paucum est criticum, tūm quæ fiunt cum gravibus symptomatis, ut delirio, syncope, vel quæ illa accersunt. Si hæmorrhagiam sequitur perfrigeratio malum, ob extinctionem caloris nativi.

II. Igitur si die critico profluat, compescendus non est, nisi immoderatā profusione vires labefactet, sed si parcius exeat, provocandus erit aquā tepidā, typhæ, sive gramine sanguinario, pennā naribus immisā. Quod si nimis abundè profluat, vel criticè vel symptomaticè, omni arte listendus est. Idque vel ipsius affluxum prohibendo, vel locum apertum occludendo. Primum quatuor remediorum generibus perficietur, revellentibus, derivantibus, lipothymiam inducentibus, & refrigerantibus internis, nam externa refrigerantia locum apertum

T t

occlu-



occludunt, quam curandi rationem insinuat Hippocrates 6. Epidem. Sanguinem è venis fluentem sistant animi deliquium, figura aliò tendens, interceptio, linamenti in orbem convolutio, oppositio, deligatura, quam sententiam admirabilem in commentario vocat Galenus, eamque fusè exposuimus capite de hæmorrhag. Primum igitur sanguis revellendus est, frictionibus partium externarum, deligaturis validis, imò ipsam præputii deligationem peculiari vi hæmorrhagiam compescere scribit Paulus. Quidam frictiones instituunt ex calefacientibus, pipere, pyrethro, & similibus, quorum calore humores potentius revelluntur. At sæpe inde sanguis fervidior redditur, & facilius caput petit. Utuntur alii lotionibus partium inferiorum, sed Galenus 1. ad Glauconem 14. docet Balnea sanguinis fluxum acrius irritare, calore enim suo corpus univèrsum calefaciunt. Revellunt pariter clysteres, purgationes, cucurbitulæ hypochondriis affixæ, jecori si ex dextrâ nare, lieni si ex sinistrâ sanguis dimanet, si ab utraq; utriq; visceri affigendæ; Avicennas mammillis è directo naris fluentis applicat, pariter quidam cruribus apponunt; sed venæ sectio omnium optimè revellit, quæ ideo sæpius repeti debet, parum singulis vicibus extrahendo. Secundò sanguinem derivant sectio venarum sub linguâ, in auribus, scarificationes, hirudines, cucurbitula scarificata cranio imposita, ut quibusdam placet, potius vero occipiti & principio spinalis medullæ. Tertiò lipothymia sanguinem compescit, nam ex animi deliquio sanguis ad interiora recedit, sicque avertitur à nare fluente. Inducitur autem variis modis, improvise fastidio, nuntio inopinato, dolore gravi, ut si digiti, manus, testes, mammæ in mulieribus arctè vinciantur, sed hoc remedium ad revulsionem referri potest. Quartò refrigerantibus internis & externis est utendum. Intùs conveniunt syrups de agrestâ, de portulacâ, de ribes, conserva rosar. nymphæ &c. adstringentia. Sal prunellæ cum aquâ adstringente propinatum sanguinem undequaque fluentem sistit, nam eum abundè refrigerat, quo remedio sæpe usus sum foeliciter, edoctus primum à Scharpio Medicinæ apud Monspelienfes Regio Professore, & quidem sequenti remedio hæmorrhagiam in quâdam muliere sedavi, omnibus aliis irritis. R. syrups de rosis siccis, de plantag. cytoniorum ana ℥i℥. aceti vini albi ℥℥. aquar. symphyti, plantag. ana ℥ iiij. salis prunellæ ℥ j. Sp. vitrioli guttas x. M. fiat lulep. Si cætera non proficiant, ad narcotica confugiendum, ut philonium, laudanum, requiem Nicolai, & similia. R. conserva rosar. symphyti ana ℥ j. laudan grana iiij. M. f. bolus. Externa refrigerantia sunt



sunt & adstringentia, quæ variis partibus apponuntur hypochondriis, testibus, capiti, naribus. Inter quæ laudatur oxycratum ore contentum, naribus attractum, fronti, faciei que aspersum, quia constringit & repellit, & probatur ab *Aristotele sect. 9 problem. sect. 9*. At *Cassius* *Dubium.* in problematis quærit cur aqua frigida sanguinis fluxus augeatur. Respondet id fieri quia vasa constringuntur, sic replentur, distenduntur, & distenta referantur. Rectè huic contradictioni satisfacit *Mercurialis*, si in principio aqua frigida affundatur, id fieri scribit quod ait *Cassius*, scilicet sanguis fervidus cohibitus vasa replet & frangit, sicque uberius postea profluit. Sed postquam sanguinis aliqua quantitas effluxit, nullum periculum impendit repletionis vasorum, propterea tutò aquæ frigidæ affusione reprimi potest. Loco simplicis, aquæ stillaticæ *rosarum, plantag. portul.* aut earum succi valdè prodesse possunt. Eadem epithemata capiti, testibusque admoventur possunt, probatque *Avicenna* aquæ frigidæ balnea, quæ tamen non sunt àdeo tuta in febribus, aut saltem non quolibet tempore, potius hepatis & spleni linteæ prædictis madefactæ aut oleis adstringentibus imbuta apponantur. Possunt quoque eadem collo & venis jugularibus adhiberi. Fronti quoque & temporibus emplastrum ex bolo armenâ, argillâ, terra sigillatâ cum aceto admoveatur. Postremo in nares adstringentia immittantur, ut medicamentum *Galen*, ex aloe, mannâ thuris, albo ovi & pilis leporis, quo quidam credunt etiam ex arteriis fluentem sanguinem posse cohiberi. Thrombus quoque in naso factus, si non expurgetur, obturat orificia vasorum, & sanguinem cohibet. Idem præstat sponsa poscâ imbuta, tû hædi coagulû, vel leporis, instar turundæ inditû. Proprietate conveniunt stercus asininû, porcinum, vel capræ linteolo ligatum, cujus quoque pulvis si sanguini dracon. argillæ, thuri, mastiche admisceatur, præstantior erit. Præter hæc à proprietate conveniunt lapis hæmatites, corallus, jaspis. Victus sit refrigerans, sanguinem incrassans, vinumque prætermittatur, nisi ex immodicâ vacuatione vires prosterantur, nam solo aquæ potu plurimos curatos vidi, quibus familiariter sanguis profluere solebat. Quæri posset quantum sanguinis homo innoxie amittere possit, quod est cognitu necessarium, cum insignes hæmorrhagiæ Medicis & adstantibus formidabiles sæpe contingant. Sanguinis quantitatem metiri non est possibile, cum eadem non sit in omnibus. Sed historias habemus insignium hæmorrhagarum, nam *Avicennas tertio Canon. sen. 5. tractat. primo, cap. ix.* hominem supersti-



tem esse posse testatur emissis viginti quinque sanguinis libris. Refert *Brassau. aphor. 23. lib. 4.* illustri cuidam mulieri sanguinem effluxisse ad viginti duas libras quæ tamen sanata fuit. Idem *Amatus Lusitanus* de aliis prodidit. *Massaria* quoque narrat puellæ annorum undecim profluxisse sanguinem ad libras duodecim, quæ tamen sanata quoque fuit. Curavi mulierem quæ per hebdomadas tres plusquam sanguinis libram unam singulis diebus amiserat. & de hæmorrhagiâ satis, de quâ, sicut & omnibus reliquis morbis, abundè scribemus sequentibus operum nostrorum voluminibus.

## C A P. X X.

*De lingua scabritie, nigredine, deglutienti diffi-  
cultate, inappetentiâ, gustu depravato.*

I. **T**unicam habet lingua communem cum ore, gula, stomacho, ventriculo, quibus propterea facile consentit, nam in febribus sæpe exasperatur, & nigrescit. Idque vel à causâ extrinsecâ, vel ab internâ. Externâ ut ab immodico æstu, cum quis hiante ore dormit, aut ab immodicis querimoniis, planctibus, vociferationibus, tuncque nulla adest sitis. Internâ vero, calore immodico ventriculi, vaporibus acerbis in os, fauces, palatumque elatis, à quibus lingua primùm exsiccatur, dein scabra nigraque efficitur, postmodum finditur, eademque affectio totum os, asperam arteriam, oesophagumque interdum occupat ex *Hollerio*. Hinc linguæ asperæ, multumque siccæ, atque alieno colore inbutæ passim phreniticæ ab *Hippocrate* vocantur. Valde notandum quod idem scribit, si in medio linguæ ubi linea linguam per medium dividens excurrit, post ejusmodi alienos colores, appareat saliva alba ob edomitos scilicet & mitigatos humores, securitatem in morbis pollicetur. Quod si contra bullæ quædam ferventes, aphthæ & velut ecchymata appareant in superficie linguæ pessimum, ob magnum incendium fervoremque in visceribus conceptum. Quod si præterea præcordia mollia reperiantur, periculosius signum est ex *Aëlio*. Vapores autem hi crassiusculi, sive è cerebro, sive è ventriculo in os & palatum delati, vi caloris crassescunt lentores pariunt circa dentes, de quibus est *aphor. 53. lib. 4.* *Quibus in febribus lentores fiunt*  
circa



*circa dentes, iis fortes sunt febres. In Epidemiis addit malum. Celsus lib. 2. cap. 4. Ait morbi mali indicium esse habere humorem lentum & glutinosum dentibus inhaerentem. Addidit in febribus, quia sine illis sæpe sunt ejusmodi lentores, ex humoribus è capite delapsis, ut in sanis potissimum noctu contingit, & in lienosis, quibus etiam gingivæ computrescunt. In febribus autem mali sunt, quia resiccatur humor ab incendio febrili, interdumque aptas generat. Iisdem quoque ex* *Deglu- tiendi difficul- tas, appe- titus pros- tratio.*  
*causis oritur deglutiendi difficultas, quando aut magna faucium siccitas, aut lenta pituita oesophagi introitum coangustat, etsi nunquam fauces omnino præcludat. Hi pariter humores vaporesque gustum depravant, appetitum prosterunt. Si biliosi sint lingua amarescit, nigrescit, si falsi, omnia falsa gustanti apparent, salvâ interdum appetentiâ, quod tamen rarum est.*

**II.** Quibus symptomatis occurritur refrigerantibus, humectantibus, lenientibus, & interdum detergentibus, ut aquâ tepidâ, hydreleo tepido, decocto hordei, prunor. jujub. violarum, portulacæ, seminis cidoniorum, alibea, malvæ, psyllii, portulacæ; similiaque humectantia & lenientia decoqui debent additis syrupo violato, granat. nenuph. oxycrato, aquâ lactucæ, prunellæ, sempervivi, cum sale prunellæ, Et si detergendum est addi potest saccharum candum, mel rosatum, quibus cum lingua abluta fuerit, vel linteo, vel spongiâ, vel cochleari, detergenda. Avicennas baculo rusci, vel salicis deterget, humectat oleo Amygdalino, vel lacte amygdalino, butyrum recens sapius aqua rosarum ablutum cum saccharo commistum idem præstat. Aëtius laudat adipem gallinaceum lotum; Commendat idem portulacam, lactucam, symphitum, sumach quoque incoquit mulsæ ad scabritiem detergendam. R aquæ prunellæ, acetosæ, rosar. ana ℥iij. diamoron. ℥j. salis prunellæ ℥ss. fiat gargar. vel R hordei mundi P. j. tragac. albi, seminis malvæ; cidonior. ana ℥ss. liquiritiæ rasæ ℥iij. vel succi ejusdem ℥ss. f. decoctio in aqua hordei, in colat. dissolve sacchari candi, violati ana ℥j. sacchari penid. ℥ss. M. f. gargar. ex Hollerio, qui valet etiam ad cancrum oris. Valde quoque commendat sequens R sacchari albi, tragac. gummi arabici ana ℥ij. sem. psyllii, cidon. portul. ana. ℥ss. conservæ violar. ℥ss. Uniantur omnia, dein dissoluta in quantitate sufficienti syrupo violati, fiat gargarisma, contra scabritiem arteriæ, & totius oris. Mucilago quoque psyllii humectat, & nigredinem aufert. Colli quoque illitionem commendant Amatus, Hollerius, R olei violati ℥ij. butyri recentis ℥ss. prodest ung. ros. refriger.



*Gal. popul.* aut folia *lactuce trita* & cum linteo imposita, ut & alia folia refrigerantia. Decubitus supinus & hianti ore factus multum nocet, sed sternutationes valde humectant, quia motu humiditas è cerebro in os excutitur.

III. Iisdem quoque remediis curantur gustus depravatus, deglutendi difficultas, appetentia prostrata, quia ab iisdem causis generantur. Non omnino autem denegandum est quod æger appetit, nam *aphorismo 32. lib. 2.* deterior cibus & potus, suavis tamen præferendus, quia cum familiaris ventriculus amplexatur; quod si nihil appetat, clysteribus nutriatur ex *jusculis*, *Amygdalatis* cum saccharo, sed prius alio clystere intestina repurgentur, in potu dentur acida, & refrigerantia, ut syrupus de agrestâ, granator, rosarum, demum humor ut prius dictum purgetur.

## C A P. X X I.

*De spirandi difficultate, raucedine, tussi.*

I. **S**pirandi difficultas in febribus non à distillatione, hæc enim inter febrium symptomata recenseri non debet, vel aliis ex causis generatur, quas quatuor recenset *Avicenna*; Prima est siccitas musculorum thoracem moventium; *Secunda* maximum incendium pulmonum & cordis, cum bilis in causo putrida, turgensque illos sedes occupavit. *Tertia* est humorum calidorum turgentia, tunc impetu irruunt in cor, pulmones, diaphragma, & dyspnoeam pariunt. *Quarta* est imbecillitas facultatis motricis, ut in moribundis, quando præ imbecillitate thoracem movere nequeunt, tunc respiratio frigida est, rara, exigua, sicut in delirantibus rara & magna. In morbis omnibus chronicis & acutis facilem spirationem laudat *Hippocrates*, i. prognost. Quando autem in febre acutâ, difficultas spirandi adest cum delirio, lethale, affecto scilicet corde & cerebro, *aph. 50. sect. 4.* Quod si simul æstuosus valde sit spiritus, periculosum, propter maximum febrile incendium; Pariter frigidus valde exitiosus, quia denotat extinctionem caloris nativi qui in corde residet.

*Raucedo.* II. Raucedo iisdem fermè ex causis fit, ut plurimum ex humoribus acribus, siue à toto, siue à cerebro in tracheam arteriam demissis,  
aut



aut à nimia vociferatione & querelis ægrotantium, à quibus ipsi etiam sani rauescunt.

III. Tussis pariter affecto pulmone contingit, idque vel sympto- *Tussis*  
maticè, quando tumor in aliquo viscere comprimit diaphragma, ut in jecoris inflammatione contingit, fit præterea in febribus continuis & intermittentibus, vel à tenui humore in pulmones è cerebro delabente, vel ab intemperie calidâ siccâ instrumentorum respirationi interfervientium, vel ab eorundem asperitate, estque ejusmodi tussis sicca, talisque solet perseverare. Contingit etiam in principio intermittentium, propter diaphragmatis oppressionem, dum humores & vapores in principio accessionis agitati diaphragma & pulmones tetigerint, tussis illa generatur inanis & sicca, & quæ ægrum non assiduò, sed tantum cum rigore infestat, vaporibus siquidem à calore resolutis cessat: scribit autem Hippoc. 4. aphor. 54. *Quibus sicca tussis leviter irritantes in febribus ardentibus sunt, illi parum siticolosi existunt*, quia irrigantur fauces humore tenui & seroso tussim excitante; Nam ut docet Galenus à quacunque causâ fiat tussis sicca, semper aliquis humor attrahitur in fauces, qui sitim demulcet. Nocet autem tussis, quia commoto corpore febrem auget, dolorem, vigilias, cæteraque febris symptomata exasperat.

IV. Spirandi igitur difficultas, si fiat à siccitate musculorum, curatur *Curatio*  
refrigerantibus, humectantibus & emollientibus, oleo violato, butyro recenti, lacte muliebri, decocto malvæ, althææ, lini, psyllii, & seminum mucilaginis, similibusque partibus exsiccatis admotis. Si ab æstu & humorum turgentiâ fiat hæc difficultas spirandi, refrigerantibus internis & externis, venæ sectione, purgatione, aquæ frigidæ potu, epithematis, demum sanata ipsâ febre à quâ procedit, symptomata evanescent. Tussis pariter quæ inchoante accessione contingit, peculiarem curam non postulat, siquidem in incremento & statu sponte cessat; Si perduret R̄ diacodii ℥ss. syr. violati ℥ss. aquæ papaver. rhœad. ℥ij. specier. diatrægac. ℥j. M. f. potio. R̄ loboc sani & de papavere Mesue ana ℥j. syr. viol. ℥ij. Misce.



## CAP. XXII.

## De syncope.

I. **S**YNcopen in febribus parit vel morbi sævities, vel symptoma-  
tum gravitas, Morbi sævities contingit ob humores venenatos  
in febre malignâ & pestilenti, vel ob eorundem acrimoniam, ut in bile  
prasinâ & æruginosâ, quæ ventriculi os ferit & vellicat. Si sit ab hu-  
moribus venenatis, alexiteriis utendum; si ab humoribus acris aut  
corruptis, curatio capite de syncopali, & de tertiana repetatur. Ex ac-  
cidentibus morbi quamplurimis syncope succedit, si ea nimis urgeant.  
Quatuor numerat *Paulus* post *Galenum*, dolores, vigilias, immodicas  
inanitiones, motus corporis & animi, præcipuè timores. Quibus ta-  
men addere possumus victum tenuem parcumve nimis, qui spiritus  
exhaurit, Syncope autem quæ sine manifestâ causâ contingit, perni-  
ciem minatur, præsertim si frequenter & initio morborum accadat, in-  
de continuæ febres cum syncope sunt valdè periculosæ; Nam vel ma-  
lignitas occultâ subest, vel interdum abscessus quidam latet, è quo teter  
vapor in cor effertur, qui si rumpatur repentinam mortem affert. Do-  
lori, vigiliis, inanitioni, propriis remediis est occurrendum, ut alibi fu-  
sus explicabitur; Timores sedandi blandâ adhortatione, animusque  
est erigendus, tum frictio extremorum, oculorum ex poscâ asper-  
sionumque vellicatio revocant. In gaudio contrâ utendum aëre fri-  
gidiori, aquæ gelidæ aspersione, herbis refrigerantibus. Sed paroxys-  
mus revocatur, frictionibus, optimis odoribus, faciei ex aquâ asper-  
sione, succo granator. Berberis, citoniorum, demum vini usu, quod  
etiam si febris admodum noceat, nihilominus in periculo imminenti le-  
vius damnum non est adeo formidandum. *Galenus* tamen quem sequi-  
tur *Paulus* in quatuor casibus vinum improbat, si sit interna viscerum  
inflammatio, si febris ardens, si delirium, si capitis dolor; *Avicennas*  
tamen in summo periculo nihil excipit, ut si adsit syncope, sed in levi  
deliquio, prædictos casus approbat, ut dicemus capite de syncope.

CAP.



## CAP. XXIII.

*De dolore Stomacho.*

I. **V**ariis ex causis dolere Stomachus in febribus solet, vel ob malam victus rationem, si ægri se nimium potu cibo repleverint, vel ob biliosos humores in ventriculum aliunde transmissos, à quibus dolores atrocissimi, convulsiones, syncope, vomitiones, diarrhoeæ contingunt, vel ob inflammationes, erisipelata, vel ob flatu quos cruditates pariunt. Prior causa exactâ victus ratione emendatur; Inflammationis & erisipelatis remedia propriis capitibus describemus. Humores biliosi primùm vomitu educantur, si æger pronus sit ad vomendum, tùm clysteribus, purgatione, dein contemperentur refrigerantibus, ut oxysacchar. succo granator. cidonior. mororum, epithematis, roborantibus electariis, de quibus jam sæpius diximus. Victus ratio refrigerans sit, stomachusque *oleo rosato*, myrtino, cum fantalis & similibus inungatur. Si fiat à flatibus, panis calidus stomacho applicatus, vinoque generoso immaceratus prodest; Pannus quoque lineus in decocto calente carminativo immersus fortiterque compressus apponi debet. Utendum quoque temperatioribus arminantibus, non calidioribus, ne febrem augeant, ut puleg. fœnic. & de hoc satis. Plura ex proprio capite repetantur

## CAP. XXIV.

*De ulcere circa os sacrum.*

I. **S**olet in longis lentisque febribus ex longo decubitu fieri ulcus circa os sacrum, primùm rubescit locus dein inflammatur, ac deinde exulceratur. Ut ulcus præcaveatur cum rubescere incipit, circulum ex lanâ appone, dein emplastrum ex lithargyro, cerussâ cû oleo rosaceo, myrtino; Quod si jam inflammatio facta fuerit, præter superiora, cataplasma fiat ex solano, polygono, plantagine, sempervivo, scabiosâ cum pane, vel farinâ hordei, sed si ulcus ulterius serpat, addatur lenticula cum malicorio ex *Paulo, & Aëtio*, imo reliquorum ulcerum more curetur.

V u

C A-



*De Siti.*

I. **S**itis contingit in febribus vel à calore & siccitate ventriculi, totiusve corporis, vel à copiâ humorum salforum, bilioforum, aut ab ingenti æstu pulmonum. In hydropicis contingit vel ab humore salso & putri, vel à ventriculi exsiccatione. Idem contingit iis quos vipera dipsas momordit, ob nimias vacuationes exsiccato ventriculo, ob purgationes immodicas, ob salforum nimium usum, aquæ marinæ, vini liberaliorem potum. Contrariis fermè ex causis in febribus etiam ardentissimis nulla sitis interdum adest, aut quia sentiendi facultas demortua est & extincta, aut quia tenuis humor distillat, aut ob delirium, unde sitim non sentiunt, etiamsi valde sicci sint. Unde in *Coacis* sitis præter rationem soluta in morbis acutis malum, nam vel mentis errorem, vel extinctionem caloris nativi significat. Pariter inexhausta sitis quæ largo & sæpius repetito potu sanari non potest, mala, ob magnam intemperiem partium interiorum supra modum æstuantium, vel ob humidi substantifici maximam absorptionem. Remedium autem in omni siti præsentissimum potus est. In paroxysmi tamen principio & augmento potus prohibendus, quia calor tunc suffocatus est, & potus à materiâ morbificâ immutatur, unde accessio fit mali, nam ut ignis aquâ affusâ, sic magis potu calor effervescit. In statu collutionibus & gargarismis utendum. In declinatione autem potus magis convenit, neque permittendum ut diutius sitiant, ne cadant in hecticam, maxime si siccitas valdè infestet. Ideo si sitis valde urget demulcenda est. Eam autem imprimis aqua compefcit, pura, levis, omnis alienæ qualitatis expers, quæ amplius extenuabitur, vel agitatione crebrâ, vel immersâ panis medullâ, quæ fermenti acrimoniâ illam emendet. Cocta levior quidem sed minus suavis, quod ignis vi fuerit immutata, incoqui solent hordeum, glycirh. passulæ, saccharum, maxime ubi pectoris aliquis affectus est, sed ad humores frænandos, viscerumque servandum, si dulcia ingrata sint, addantur grana aliquot mali punici, vel citrii pulpa, vel baccæ oxyacanthæ, eorumve succus expressus & defæcatus; Conveniuntque ejusmodi potiones febribus malignis, pestilentibus, ubi ventriculus, visceraque sunt debilia, ubi  
nausea



nausea fatigat, alui profluvium, animi defectio, spirituum ac virium dissipatio adest, ut docet *Fernelius*. Utimur præterea Syrupis ad sitim, & siquidem febris sit ardens citra obstructionem, datur Syrupus violatus, quia refrigerat & humectat. Syrupis verò compositis raro utimur, quia ad humorum præparationem destinantur. In pestiferis Syrupus de acetos. citri, in ardentibus ex aquâ rosarum & saccharo fit *Julep. Alexandrinum*, sed in intermittentibus & quando obstructio adest, non est ex usu, ubi advertendum an alvus fluat, necne, nam si alvus liberior sit, loco violacei & lenientium, adstringentes usurpabimus, ut *granator. cidonior. myrtillor.* si verò alvus sit adstricta, lenientes, qui refrigerent & alvum faciant liberiores. At in diuturnis febribus, & aliis morbis, quos jecoris, lienisque intemperies, & obstructio progenit, ut in utero, cachexiâ, leucophlegmatiâ, pro potu erit decoctum radicis *graminis, acetosæ, cichorii*, si jecur in vitio est, quemadmodum asplenii, buglossi, tamarisci decoctum, ubi lien laborat. In malignis decoctum Cornucervi, cum vino granator. Julepo violato, sale prunellæ. R̄ aqua hordei lb j. incoq. sacchari candi ℥ ij. seminis citri ℥ j. rad. acetosæ, graminis, ana ℥ j. Cornucervi usti ℥ iij. flor. violar. P. j. vini granator. ℥ i ss M. f. potio pro potu ordinario. Adde si vis conservam rosar. vitriolatam. Conservæ quoque violar. borrag. buglos. caules lactucæ conditi, pruna, cerasa condita, conserva berberis in aquâ dissolutæ profunt, sicut eadem pruna & poma in taleolas divisa concoqui possunt, ad oris humectationem. Sed si adsint in ventriculo biliosi humores, vomitu & medicamentis sunt educendi, quod si post purgationem sitis non cessaverit, prædictis erit utendum & oxycrato, oxalidis, lactucæ seminibus & foliis in aquâ maceratis, emulsionibus seminum frigidorum; Præterea cidonia, pyra, cucumer, cucurbita in rotulas concisa, infunduntur in aquâ gelidâ; Somnus sitim sedat à siccitate, vigilia sitim lenit interdum, quia calorem evocat ad externa. Pilulæ hypoglottides sequentes commendantur à Paulo. R̄ seminis cucumeris ℥ viij. gummi tragacant. ℥ iij. dissolvatur gummi cum ovi recentis albumine, dein semina trita commisceantur, fiant pilulæ, quæ siccantur in umbrâ, paulatimque deglutiantur. Gargarismata quoque conveniunt ex superiorum decocto. Tum R̄ conserva rosar. violar. ribes, ana ℥ iij. pulver. triasant. diatragak. ana ℥ ss. sacchari rosati tabulati ad pondus omnium. M. Extrinsecus conveniunt inunctiones capitis ex oleis refrigerantibus rosar. & nymph. de cucurbitâ, & xperitæ, id est cum impetu in caput expressis,

V u 2

super-



superfufisque, ex *Avicennâ*, & *Paulo*, quoniam stomachus capite contentit per nervos sextæ conjugationis, conveniunt autem ejusmodi inunctiones, nisi quid prohibeat, ut catharrus, tussis. Fiant quoque gutturi epithemata ex oleo rosato, cum mucilag. seminis psyllii, granis aliquot camphoræ, & succis lactucæ, sempervivi, solani, similiumque refrigerantium, in quibus linteola madescant, & frequenter gutturi apponantur. Probant alii detentionem & immersionem manuum in aquâ frigidâ, propter maximum consensum manuum & jecoris.

## C A P. XXVI.

## De vomitu &amp; nausea.

I. **V**omitùs & nausea contingunt in febribus, vel ob humorum malignitatem, putri vapore os ventriculi stimulante, & labefactante, vel ob crudorum humorum copiam, vel biliosorum acrimoniam. Isti autem humores vel in ventriculo ipso generantur, vel aliunde in ipsum confluunt. Interdum quoque vomitus causa est ventriculi relaxatio à pituitâ dulci, unde ventriculus imbecillis nihil potest retinere. Est autem vel criticus, vel symptomaticus: Criticus si fiat die criticâ, præcedentibus signis coctionis, cujus futuri signa superius exposuimus, atque huic remedia non sunt adhibenda, nisi modum excedat, symptomaticus vero curandus est. Utilis autem ille est qui bilem exhibet accuratè pituitæ permistam, sincerus autem variisque coloribus præditus malus est, ut ceruleus, viridis, niger, ob malignitatem horum humorum, & inter hos maximè lividus cum fœtore junctus ob maximam putredinem & caloris nativi extinctionem; Paucus quoque & laboriosus periculosus, maximè si vigiliis torqueatur, eoque magis si multa adsit dejectio, lumborumque dolor, hinc in febre continuâ damnantur ab *Hippocrate*, nausæ & ægrorum fastidia cum sialismo; In *Coacis* quoque damnat singultum, perfrigerationem, sudorem, convulsionem singultui supervenientem, quia indicant magnam exsiccationem & caloris nativi extinctionem.

II. Ad curationem autem revellendus fluxus est, vires sunt instaurandæ, stomachus roborandus. Revellunt plurima superius recensita, frictiones, ligaturæ, balnea, cucurbitulæ stomacho affixæ, quibus etiam



etiam adhuc adhærentibus alimenta sunt exhibenda. *Secundò* ventriculus roborandus, sed non nisi purgatis prius humoribus, & præparatis. Roborant autem frigida adstringentia si humor sit calidior, ut conservâ *rosar. cicher. syr. de ros. sicis*, de agrestâ, de Portul. de limonib. de berberis, ribes & similia. Panis vino granatorû intinctus vulgò exhibetur. Quæ si non prosint narcoticis utendum, ut *laudano*, *philonio*, *theriacâ recentî*, sed cautè admodum, nam non nisi magnâ cum necessitate iis uti oportet, & si quidem vires sint imbecilles perpetuò abstinendum.

III. Extrinsecus apponantur linimenta ex oleis *rosar. cidonior. menthæ*, mastiches, fomenta ex decocto adstringente absynt. menthæ, *rosar. balaustr. myrti, sumach, granator.* Emplast. ex *cidoniis, acacia, hypocysside*, & similibus. Emplast. de *crustâ panis Montagnanæ*, & *diaphœnicum*; Optima est crusta panis assata & vino intincta cum nuce moscatâ & similibus; valdè quoque confert sequens. R̄ *fermenti acerrimi* ℥ ss. *mastiches* ℥ ss. *mentha sicca* M. j. *Carnis cidonior.* ℥ ss. *pulveris coralli rubri* ℥ j. absynt. *nucis moscatæ ana* ℥ ss. cum oleo *mastichino* fiat Cataplasma. Paulus sequens imperat. R̄ *palmular. balaustr. acacia, sumach, gallar. malicorii ana* ℥ j. Coquantur dum contabescant, Transmittantur per setaceum, & stomacho applicentur. Laudant *Avicenna & Paulus* spongiam aceto calido imbutam stomacho admotam. Si humor malignus sit, addantur *cardiaca, bolus armena, terra sigillata, Cornu cervi, theriacâ, mithridatium*. Si humores sint frigidi, calida addantur, absynt. *sampsuchus, nux moscata, mentha, betonica, semina odorata*. Postremo vires roborentur odoratis, aceto, aquâ rosarum, ambrâ, moscho, sed præcipuè vino generoso, unde panis ex vino optimè & celerrimè nutrit, propterea vinum nisi quid prohibeat exhibeatur, ut febris ardens, viscus inflammatum, capitis dolor, deliriumque in quibus casibus vinum nocere superius diximus. In victus ratione exhibeantur ovorum vitelli, testiculi gallorum, mala cidonia, pyra, cavendo semper ab aquâ mulsâ & ptisanâ, ex 12. methodi.



## CAP. XXVII.

*De oppreffione, jaſtatione, inquietudine.*

1. **O**ppreffio & inquietudo in febricitantibus vel critica eſt, vel ſymptomatica; Critica non a deo mala eſt, ſi à principio non adfuerit, & poſt ſigna coctionis contigerit, ſi *criticus rigor ex inquietudine fiat, morbum ſolvit*, ſcilicet aut per ſudores, aut vomitus, aut alvi fluxum. Symptomatica vero in febricitantibus contigit ab humoribus acris & putridis qui circum cor exeftuant, ut bilis æruginofa, praſina, vel circum viſcera firmantur, ut in hepate, præcipue verò tunicis ventriculi imbibuntur, qui per febrem impulſi comprimunt diaphragma & cor, unde oppreffio contingit ſuffocationis metum inferens, tuncque in tali cauſa hypochondria contenduntur, & contrectata indoleſcunt, ſitiunt, vigilantque, interdum poſt levem ſomnum delirant. *αση* pariter & jaſtatio unde febris *ασυνδης* dicitur, in quâ perpetuò viget hoc ſymptoma, vel critica eſt, vel ſymptomatica, quando ægri omnis figuræ & loci ſunt impatientes, *αλυσιμης* aliter Hippocrati dicitur; fit vel à fervore & æſtu febris, vel dolore aliquo viſcerum interiorum, ut phlegmone, vel in acutis cum humores in venis turgentes huc illuc feruntur, unde homo nullam certam decubitus formam ſervat; *Sed aphoriſmo 34. libri ſeptimi* duplex cauſa redditur *αλυσιμης* prima quando os ventriculi à pravis humoribus mordetur, cujus ſignum eſt naufea; cibi magnum faſtidium & *ριπτοιμης*, unde Coacâ 2. *Anxietates cum perfrigeratione peſſima* & phrenitim portendere ait *prorheſi 27.* ut in ardente lipyriâ viſcerumque inflammationibus. Vel fit à virium omnium proſtratione, quando facultas à corpore ita gravatur, ut nullam facile ferat figuram, corpus enim amplius ſuſtinere nequit, atque hic nulla eſt naufea. & de hac extat Coaca 57. *οι ασυνδεις ανεμεπας παροξυνόμενοι κειν* quod etiam repetit *prorheſi 76.* ob virium languorem corpus non amplius ſuſtinentium, unde mors inſtat, vixque poſſunt huic alia remedia quam cardiacâ & roborantia adhiberi. Critica periculofa non eſt, ſi vacuatio ſequatur, nec quæ a cibo fit, nam eo concocto ceſſat, ſed quæ aut ab humorum malignitate, aut viſcerum inflammatione, aut virium debilitate contingit, periculi plena eſt, tum quia graviffima hæc mala indicat, tum quia corpus agitat, viresque proſternit, & labefactat, unde in acutis



acutis corpus nudare, nullam decubitus formam servare, malum signum est, 1. progn. 12. ob causas jam dictas. In priori autem iis utimur quæ adversus febres acutas & ardentem præscripta fuere. Obscuro loco jaceat æger, ne splendore spiritus agitati, majorem faciant anxietatem, mollisque sit lectus, in quo corpus contineat, minimumque disjiciat. Utatur oxyfaccharo, syr. citon. ribes. limon. granator. Purgatio quoque levior sit ex rhabbarbo & similibus, victus refrigerans & humectans. Hypochondria secundum *Holler.* foveantur hydrelæo in quo semina lini, althææ coxerint, vel farina hordei ex eodem hydreleo subacta præcordiis admoveatur. Si fiat ab humorum malignitate, ut in pestilentibus fieri solet, alexiteriis erit utendum.

## CAP. XXVIII.

*De alvi fluxu in febris.*

I. **I**N febris fluxus alvi contingunt omnis generis, diarrhoea, dysenteria, lenteria, idque vel ab humorum acrimoniâ, vel copiâ, vel intestinorum exulceratione, vel medicamento effræni, à quibus natura vel excitata vel imbecillior reddita humores per alvum protrudit, interdumque ventriculus prædictis ex causis languidior, cibum nec continet, nec conficit, unde lenteria. Est autem vel criticus vel symptomaticus omnis alvi fluxus. Criticus sinendus, non sunt enim naturæ motus inturbandi, nisi major abundantia vires labefactet. Criticus autem cognoscitur, si præcedentibus coctionis signis, & in die criticâ, contingant ructus, flatus, crepitus, rugitus, & inflationes in alvo, alvus fluere solet, ostendunt enim hæc humorum in alvum & intestina translationem, quibus addunt alii urinas suppressas, aut albas, translatâ bile in alvum. Symptomaticum autem quod attinet. Rectè dixit *Avicennas* nullum morbum esse salutarem qui ab alvo fluidâ inceperit, & cum ea perseverat, ob maximam humoris morbifici copiam, unde in *Coacis* perliquida dejectio & multa, neque quiescens in acutis valde mala censetur, potissimum si absuerit sitis, indicat enim caloris nativi extinctionem & facultatis debilitatem. Pessima quoque est alvi dejectio copiosa, cum ventre subtumido & excrecente, debet enim æger hypochondria habere mollia, & molis convenientis, non intumescencia, non dura, nec dolentia. Non est autem alvi fluxus statim suppressendus,



mendus, nam à corruptione & cruditate emanat, docente *Paulo*. Quod si sponte non cesset, tunc internis & externis adstringentibus utendum erit, quæ si non profint, narcotica erunt in auxilium advocanda. Interna autem sunt cibi refrigerantes, boni succi, & crassioris, si humores sint fervidiores, aut sicci & calidiores quatenus febres permittunt, si humores sint pituitosi, ex *Paul.* Purgatio instituenda ex *rhabarb.* & *agaricò*, & *myrobalanis*, deinde convenient adstringentia *succus granator*, *torm.* *corall.* *camphora*, *crystal.* *bolus armena*, *terra sigillata*, & cætera ex materia Medicâ repetenda, clysteres sint adstringentes ex lacte chalibeato, vel decocto adstringent, Plura ex tractatu de alvi fluxibus repetantur.

## C A P. XXIX.

*De lumborum gravitate & incendio.*

I. **E**X lumborum doloribus & gravitate multa præfagia desumpsit *Hippocrates*. fiunt autem isti dolores cum peccantis materiæ pondus in venam cavam, aut majorem lumbarem arteriam illabatur, Natura enim in lumbos tanquam in sentinam humores transmittit, illi neque per patentissimos meatus interdum ad inferiora usque se exonerat. Lumbis enim magna vena affidet, quæ in crura propagines mittit, unde lumbis crassorum humorum colluvie affectis, varices interdum contingunt, in inguinibus & poplite. Fiunt quoque ex humorum illorum incendio renum lumborumque ardores. Quod si pars quæpiam illorum humorum in minimas venulas quæ per habitum corporis disseminantur transmittatur, lassitudines faciet, membrorum gravitates, artuumque dolores, hincque fiunt prædictæ jactationes & inquietudines, quæ si absque ullo dolore contingant, vel ex humorum malignitate, vel fervore & orgasmo contingunt. Cæterum lumborum dolor *ἡ δὲ κατὰ τὴν ὀστέανωσιν καὶ τὴν σπονδυλικήν*, *Coaca 323.* & *prorhesi 42.* ubi quidam legunt *καὶ τὴν σπονδυλικήν*, & utrumque verum est. & *Coaca 309.* Ex dorsi dolore initia morborum difficilia, nam ob viciniam viscerum & spinalis medullæ verendum ne partes principes & cerebrum afficiantur, ideo jactationem & inquietudinem ex lumborum dolore malam esse pronuntiavit, maxime si tremor & gravia symptomata simul affuerint, ut sudores tenues, convulsio, delirium, vomitus, nigrorum dejectio, Nam  
coacâ



coacâ 318. Qui lumborum dolore conflantur ii malè habent; Nam his tremores fiunt & maculae in tibiis *phidæ* cum rigore. Nam siue lumborum dolor à tuberculo fiat & inflammatione spinalis medullæ, musculorum, membranarumque lumbarium, siue à malignis humoribus in magnâ venâ arteriaque latitantibus, siue à calculo & inflammatione renum contingat, semper malus est, multi enim morbi inde pullulant. His tremor interdum accidit spinali medullâ nervisque affectis, *phidæ* vero apparent ex vitiosis ferventibusque humoribus sub cute latitantibus, & per rigorem impulsis & agitis non autem exclusis aut sudore, aut alvi profluvio, aliâve vacuatione, unde fiunt macularum & exanthematum genera. Sunt autem *phidæ*, maculae rubentes ex ignis viciniâ in tibiis ortæ, & Coacâ 319. In lumborum dolore, cum anxietate circa vomitum, si ferociter desipiant, nigra per secessum prodi e spes est. Sunt enim hæc materiæ turgentis, maximique incendii symptomata. Sic dicitur ni lumborum dolores in febre tritaophya, sanguinis grumosi secessum faciunt, nam ut plurimum lumborum dolores alvi profluvio solvuntur, sed possunt etiam per urinas sanguinis grumi expelli, fit autem sanguinis secessus aut inflammatione suppuratâ, aut valis humorum acrimoniâ erosis, inde contingit dysenteria sanguinea *diagonia* vocat Galenus, quâ plerumque lumborum dolores materiæ depositione solvuntur, & ut docet coacâ 306. lumborum dolores sanguisui in ipsis enim mulieribus lumborum dolor & calor, menstruorum eruptionem significant. In aliis sanguinis exertionem per alvum, hæmorrhoidas, aliasve partes, solent autem hæmorrhagiæ illæ esse liberales, quia lumborum vasa magna sunt, & magnam sanguinis copiam profundunt, & coacâ 312. addunt lumborum dolori cardialgiâ, dolentibus lumbis si cardialgia accesserit signum est sanguinis profluvii, quod repetit prorhesi 130. Sed coacâ 320. & prorhesi 106. lumborum dolor, cardialgia cum forti screatione, est quodammodo convulsifica, ubi convulsionem non sanguinis profluvium denuatiare dicit, de quo videri potest. Galenus in comment. Præterea coacâ 322. lumborum dolor sine causâ manifestâ crebro revertens malignitatem denuntiat. & coacâ 314. Ex lumborum dolore revertente oculor. perversio mala, quod repetit prorhesi 69. Et coacâ 317. dolores circa lumbos, ilia, & hypochondria in febre cum cibi fastidio, si simul caput doleat, crudeliter cum convulsione interficit. & coacâ 316. dolores lumbor. ad cor recurrentes cum febre, horrore, si tenuia, aquosa vomuerint, delirarint, muti fiant, post nigrorum dejectionem moriuntur. Coacâ autem 305. & prorhesi 130. Quibus ex

X x

lumborum



lumborum dolore recursus fit ad caput, manus torpidæ sunt, doletque ventriculi os, & aures sonant, iis sanguis erumpit, alvus solvitur, & ut plurimum perturbata mens est. Ostendit enim sanguinis motum ad superiora. Item coacâ 313. Si ex lumbis dolor in cervicem & caput redundat, æger resolvitur, convellitur, mente aberrat. Hic paraplegiam convulsio solvit, alique solvuntur, explicationem vide apud Galen. *prorhesi* 113.

11. In lumborum igitur gravitate & incendio refrigerandum modicè, sed non adstringendum, ad quod conferunt oxyrhod. ceratum Galeni, olea papav. nymphææ, ung. popul. epithemata ex aquâ plantag. rosar. aceto, caphurâ, folia vitis aquâ rosacâ irrorata. panni lacte macerati, albumen ovi cum aquâ lactucæ, & similia quæ ad renes temperandos præscribi solent. Sicut interius sumi debent clysteres refrigerantes, emulsiones, hordeata, amygdalata &c. de quibus abundè alibi dicemus.

## C A P. X X X.

*De sudoribus in febribus.*

I. **S**udores in febribus apparentes, vel sunt critici, vel symptomatici. *Critici* qui fiunt die criticâ, præcedentibus signis coctionis, qualitate tepidi, toto corpore manantes, sine ullo gravi odore, cum pulsu bono & undoso, à quibus levatur febris, ægerque melius habet. *Periodici* in fine febrium intermittantium accidunt. Quod si post sudorem febris in quietem non desinat, præcesseritque signum aliquod eorum quæ febrî intermittenti accidere solent, ut rigor, composita vel confusa febris est, non omninò periculi expers. *Symptomatici* verò, qui alio morbi tempore emanant, qui febrem non minuunt, nec symptomata tollunt, sed potius vires prosternunt, ut *septimo Epidem. in principio*. Post caniculam multi sudores in febribus contingebant, nec morbum solvebant, erantque febres hæ & *ακαρπιδι & δυνεστοι*. Est autem sudoris triplex materia, vel portio tenuior alimenti, vel serum humorum, vel colliquatio ultimi alimenti partium. Et quidem sero immiscetur biliosus, & febrilis humor, hinc in ardentibus, & intermittantium singulis paroxysmis sudoris eruptio solvit morbum, quia materia morbificâ unâ evacuatur. In sanis quidem rarò contingit sponte naturæ sudor, sed omnis externæ causæ vi ciatur. Quod si in eo qui nondum



nondum ægrotat, sponte prodeat, is vel plethorâ, vel cacochymia morbum quamprimum facturâ laborat, nec satis sanus haberi potest. Quod si aliqua tantum pars in sano sudore diffuat, affectum quendam in eâ aut esse, aut fuisse credendum, ut docent partes illæ quæ olim vulnera abscessusve sunt passæ, è quibus emanare sudor levioribus ex causis solet, sic si in coquendo cibo ventriculus laboret, circa illum sudor emanat, & in magnâ respirandi difficultate circa faciem & cervicem, & si abscessus aliquis circa inferiorem maxillam olim fuerit, imbecilliori parte illâ redditâ inter masticandum, levi scilicet ex labore, sudor prorumpit. Idem de articulis, aliisque partibus sentiendum, quæ imbecilliores factæ excrementa cumulant; qui levi postea ex causâ effluunt. In ægris vero sudor aut est humorum noxiorum sero immistorum, aut partium alimenti soboles.

II. Cujus variæ differentiæ à Medico sunt considerandæ, Alius est *Differens* universalis è toto corpore manans, alius particularis à parte tantum *tia.* quâpiam effluens. Alius calidus, alius frigidus, alius foetidus, alius odore carens; Alius copiosus, alius paucus; Alius tenuis & aquosus, alius crassus & viscidus, quod tactu, interdumque & visu dignosci potest. Alius amarus, falsus, acris, alteriusve saporis, nam sudorem per ora copiosè diffluentem, interdum gustari posse docet *Galen.* alius est flavus, sanguineus, aquei coloris, viridesque secundum *Avicennam*, nam sudoris sanguinei meminerunt quidâ authores, quamvis sit rarus. Alius spontè, alius causarû externarum vi cietur. Quæ sunt præcipuæ differentiæ; in quibus spectandum an acuto, an chronico morbo laboranti contingant, an uno eodemque tempore, eodem modo plurimos ægros infestent, tum quotâ morbi die erumpant, quomodo æger illas ferat, facile, an difficulter, an aliquam salutarem, liberam liberalemque vacationem sequantur. His enim ritè perpensis facile erit sudorum universam naturam intelligere. Itaque differentiarum prædictarum causas quoque explicabimus & judicia.

III. Universalis sudor fit ob cutis raritatem, vel ob humorum in *Causa.* toto corpore redundantiam; Particularis vero materiam morbificam *Univer-* in parte quâpiam adesse, aut adfuisse significat *aphor. 38. lib. 4. Quâ salu.* *parte corporis sudor est, ibi significat morbum.* quod tamen non videtur semper verum, nam toto corpore laborante, viribus exhaustis sudatiuncula perniciofa apparet circa cervicem, thoracem, caput, in quibus materia morbifica non continebatur, atque ejusmodi sudatiuncula



semper ab Hippocrate damnatur, & qui syncope ex stomacho corripiuntur, quamvis ventriculus laboret, tamen in facie sudant; Et contra laborante tantum parte quapiam, ut in interiori phlegmone, tamen sudor salutaris etiam & universo corpore prorumpit. Nisi dicamus intelligendum esse *Aphorismum* non de sudatione, sed de sudore copioso frequenter, non semel tantum, ex qualibet parte erumpente, vel de eo qui in principio morbi aut viribus constantibus accidit, ex quo diagnosis tantum, non prognosis desumitur. Aliter universalis sententia esse non potest. Universales autem sudores ut plurimum laudavit Hippocrates, particulares vituperavit, Nam universales significant Naturæ super morbum victoriam, humoris morbifici tenuitatem, & per universum corpus diffusionem. Particulares verò vim & conatum Naturæ ad humores noxios expellendos, vel facultatis imbecillitatem, humoris in aliquo viscere collectionem denotant, à quâ pars opprimitur. Calidus sudor omnis esse debet, qui ab interioribus partibus quæ calidæ sunt promanat, nihil enim naturaliter constitutum in corpore actu frigidum est, serum, urina, humores omnes calidi percipiuntur, unde non mirum si in febribus, interno scilicet æstu, & ardore, ab humoribus fervidis biliosisque calidus sudor proveniat, qui ex se nihil sinistri portendit. Frigidus vero semper malus est, fit autem vel in acutâ febre, vel in mitiori, idque vel ob caloris ad interiora retractionem, quando viscera conflagent, vel lippyria febris subest, cum habitu corporis refrigerato, vel ob caloris nativi paupertatem & extinctionem, ut in syncopeticis & morituris, vel ob humoris frigidi copiam, hinc aphorismo 37. lib. 4. *Frigidi sudores cum acutâ quidem febre mortem*, ob caloris scilicet nativi extinctionem, morbi ipsius sævitiam, vel crudorum humorum copiam, qui à calore febrili superari non possunt. Cum mitiori vero morbi longitudinem significant, quia materia frigida multa non potest statim superari à calore, ut docet Gal. in comment. Qui odore caret sudor naturalis est, atque ex optimâ concoctione promanat. At foetens cruditate humorisque foetidi & putris permissionem donotat, vel ipsius feri putrefactionem, ut in corporibus calidis & humidis, quorum excrementa omnia foetent, tum in iis qui indusia non permutant, quibus sudores exceperunt, sic sub axillis sudores foetere solent, ob defectum perspirationis. Sed & causæ externæ malum odorem sudoribus conciliant, ut scribit Galenus omnia acria sudores foetidos reddere, quia humores foetidos commiscunt ferro. Est

Causa  
calidi &  
frigidi.

Causa  
foetidi.



ro. Est autem rarus foetidus sudor, nam in febribus pestiferis, aliisque putridis, quamvis cætera excrementa foeteant, sudores tamen non solent malè olere, quod mirum videtur si humores putridi & foetentes sero commiscantur. Sed non omnis putredo est cum foetore, ut sanguine emisso in febribus putridis patet, vel putredo si sit in vasis intimis, & procul à cute diffitis, foetor non solet in sudoribus adesse, sed si eadem putredo sit juxta cutim foetor etiam contingit, si putredo magna sit, aliàs non: sic eorum qui humorum vitio laborant, leproforum, & impudicorum hominum sudor, hircum olere solet. Ideo talis sudor è toto corpore manans, testis est cacochymiae & putredinis interioris corporis, propterea non semper formidandus est sudor malè olens, potest enim per sudorem humorum foetidorum excretio salutaris fieri, ut plurimum tamen malus est, maximè si in principio, aut saltem ante crisin contingat, ob humorum magnam corruptionem, quæ nunquam bona est, tum quia signum est eos non fuisse à Naturâ edomitos, nam cessante putredine post coctionem cessat quoque foetor, unde sudores critici rarè aut nunquam foetent, quod si foetent vix potest evicta putredo fuisse. At qui ex alis, pedibusve malè olentes promanant, nihil mali pronuntiant, id enim illis locis satis est familiare. Omnes autem sudores quamvis primum nihil tetri aspirent, tamen cum refrigerantur aliquid grave spirant, ut in iis qui sudantes pectus denudant, quia tunc putrescunt à naturali calore destituti. Causa totiosus sudor in sanis vel alimenti copiam, vel cacochymiam quandam piofi. indicat, aphor. 41. lib. 2. Sudor multus ex somno factus absque causâ manifestâ. corpus plurimo alimento uti, vel vacatione indigere significat. In ægris vero acuto morbo laborantibus fit ob humorum copiam, vel tenuitatem, cutis raritatem, facultatis retentricis imbecillitatem, expultricis robur. Cutis raritas fit ex nimio calore aëris, balneorum, integumentorum, & violentis motibus. Humorū tenuitas fit ut plurimum à calore febrili, humores liquante & dissolvente. Retentricis imbecillitas ex caloris naturalis defectu, & intemperie frigidâ calori succedente, tunc effluit sudor frigidus ut in morituris. Expultrix irritatur vel copiâ, vel qualitate humorum. Contra autem paucus sudor effluit, aut ob humoris paucitatem, aut ejusdem crassitiem, meatuum constipationem & adstrictionem, aut retentricis robur. Bonus est copiosus sudor si die critico contigerit, naturâ per crises humorem excernente, unde æger melius habet, nam nihil paucum est criticum.



Quod si initio morbi ante coctionem profiliat, si vires sint robustæ, plenitudinem, copiam, morbi longitudinem, si imbecillæ mortem denuntiat. Nam critica ne statim appareant, hinc Coacâ 574. & prorhesi 58. Copiosus sudor cum febre acutâ malus. & aphorismo 42. libri quarti sudor copiosus sive calidus, sive frigidus damnatur, & aphor. 56. lib. 4. Febricitanti sudor superveniens, febre non deficiente malum, prorogatur enim morbus & multam significat humiditatem. Unde dicit Avicenna, malum esse si à sudore ægritudo non desinat, nec æger levius habeat, sed potius morbus augeatur. Contra paucus sudor seu *ἰσχυρὸς* sæpe damnatur ab Hippocrate, prorhesi 39. si sit circa caput cum inquietudine & urinis nigris, & prorhesi 68. *οἱ ἐφιδρώντες ἄρρωστοι ἀνυπερμεγέθυτοι γίνονται.*

*Causa  
tenuis &  
crassi.*

Alius sudor est tenuis ex humorum tenuitate, & pororum cutis angustia, sicut aquis contingit eas fieri tenuiores, dum per terram percolantur. Alius crassus ex humoris crassitie, & meatuum amplitudine; Alius viscidus ex materiæ viscositate, & colliquatione ultimi alimenti partium, ut accidit hecticis, & paulò ante mortem, ad quem

*De sapore  
sudoris.*

sudor miliiformis refertur tantopere ab Hippocrate damnatus. Saporem quod attinet, naturalis sudor mediocriter salus est, in ægris vero si valde salus sit, sanguinem aduri & assari significat, insipidus & dulcis serosum sanguinem, amarus, acris, bilem flavam indicat, sicque de reliquis saporibus judicandum. Pariter & de coloribus, nam referunt naturam humorum qui unâ evacuantur, ut plurimum sudor aquei est coloris, quando nihil alienum sero admiscetur, aut quia humor crassior est, meatus sunt angusti per quos sudor percolatur. Sed flavus à bile, viridis à porraceâ vel atrâ gignitur. Ruber rarus est, quem tamen se vidisse refert Rondeletius, & Fernel. 6. Pathol. cap. 4. fitque vel à sanguinis tenuitate & serositate, vel à vasis rarefactis & relaxatis, vel apertis illarum osculis, aut imbecillitate retentricis, atque quoties ejusmodi sudor contingit semper pravus est, & toto genere præternaturam. Reliqui autem humores denotant à quibus fiunt. Prognostica igitur quod spectat, Sudores in febricitantibus boni, si cæperint tertio die,

*Prognostica.*

quinto, septimo, nono, undecimo, quartodecimo, decimo septimo, vigesimo primo, vigesimo septimo, trigesimo primo, trigesimo quarto, hi enim sudores judicant morbos, reliqui vero, dolorem significant, morbi longitudinem & recidivam. aph. 36. lib. 4. quod non solum de sudoribus, sed etiam de aliis evacuationibus criticis intelligi potest. quæ si die critico incipiant salutare esse solent. Totam sudorum *τεκμήριον* complexus est Hippocrates

tes



tes 1. prognost. 29. Sudores in acutis morbis boni sunt, si in diebus decretoriis proveniunt & febrem prorsus tollant, boni quoque qui è toto corpore manant, faciuntque ut homo facilius ferat morbum, qui autem nihil horum effecerint, haudquaquam commodi videntur. Pessimi autem sunt frigidi, & qui circa caput & faciem tantum oriuntur. Isti enim cum febre quidem acutâ mortem, cum mitiori autem morbi longitudinem significant. Criticus autem sudor cognoscitur, si præcedentibus signis coctionis calor æqualiter per totum corpus expandatur, credibile est sudorem criticum, die critico futurum. Ante cuius eruptionem sentitur pulsus magnus, mollis & undosus, cum faciei quodam rubore, & tumore, cui succedit levis mador; Præcedit quoque frequenter horror & rigor, interdum cum urinæ suppressione, refluyente sero ad habitum corporis, hinc 6. Epid. ait Hippocrates ante vigorem urina sistuntur & 7. aphorism. 4. A sudore horror malus, quia iudicatoria quæ non iudicant mala sunt, nam ut docet Avicenna horror significat expulsionem humoris noxii, hinc si fiat in sudore, vel post sudorem significat humores noxios aut non fuisse excretos, aut saltem illorum maximam copiam superesse, hinc humoris multitudinem, vel naturæ imbecillitatem arguit, unde qui referuntur in Epidemijs horruisse, vel riguisse post sudores, omnes ferme interierunt, ex quo particulari generalis sententia inferri potest, mala esse symptomata quæ post criticam vacationem, aut remanent, aut redeunt.

IV. Curam autem quod spectat criticus distinguendus est à symptomatico, nam criticus naturæ relinquendus nisi modum excedat, <sup>Curas.</sup> sudores <sup>parce pro-</sup> symptomaticus cohibendus. Generaliter autem in febribus sudor non <sup>fluant.</sup> est vi exprimendus, sed si natura eam evacuationem affectet, adjuvanda erit. Si igitur sudores commodè non effluant, vel ob copiam, vel ob visciditatem & lentorem humorum, vel ab externâ causâ, harum remotione causarum sudores elicientur. Paulus sudorem ciet fortu, quiete, sorbitionibus humores scilicet attenuantibus, ut aquâ hordei calidâ, decocto hyssopi, thymi, pulegii, oxym. syrupo Sancti Ambrosii, aquis cardui benedicti, cerefolii, limonum. Præterea aëre calido, multis integumentis, balneo calido. Difficulus autem erumpit sudor iis quibus scyrrhosa & indurata sunt viscera. Vult enim Fernelius in hepate & liene esse sudorum scaturiginem, quod qui calida ea habent humidaque, quâvis ex causâ sudore diffuant, contra vero quibus ea inaruerunt, ii nullâ vi sudare possunt, quia exhausta est sudorum scaturigo. Cum autem tenuior tantum humorum portio sudore vacuetur,



vacuetur, nisi cathartico crassior pars subtrahatur, recidiva expectanda est. Pariter qui in accessionibus nimium potant, tardiùs sudant, quod si parcè bibant sitius multò sudore diffluunt, & à febre liberantur.

*Sudores  
qui cohi-  
bendi.*

V. Sudori autem modus esse debet, nam omnis immodicus etiam criticus suppressendus est. Modum autem indicat pulsus, qui cum incipit minui & languescere vires laborare indicat, tuncque eo concidente cohibendus est, ne in syncopen ægros perducant, quod præstant refrigerantia & adstringentia. *Primò* aër eligatur frigidus, talisque arte paretur, & ventiletur flabello, hominumque frequentia vitetur, sudorque effluens non abstergeatur, quia sudor obstruit poros, absterfio verò eos aperit, ex *Arist. 2. probl. 12.* quicquid dicat *Paulus*, qui censet sudores esse abstergendos, aliàs, inquit, sudor sudorem allicit. *Secundò*, extrinsecus refrigerantia & adstringentia sunt admovenda, ut sunt faciei conspersio ex oxycrato, Epithemata sæpiùs præscripta, fots præcordiorum ex decocto cidonior. balauftior. plantag. portul. malicorii, galan. acaciæ, hypocyst. & similia. Inunctiones thoracis, spinæ, extremorum ex oleis adstringentibus, *rosar. citonior. myrtillor. nenuph.* cum mucilagine seminis pŷyllii, citon. tragac. gummi arabici. Farina hordei ex aquâ, oxycrato, succo portulacæ subacta, hypochondriis apponatur. Non inutile quoque erit pulŷibus epithemata adhibere, quia totum corpus refrigerant. Sed & odor camphoræ aquâ rosar. dissolutæ juvare creditur. Interius laudantur trochisci *de terrâ sigillatâ, de carabe, cum syr. de rosis ficiis, limon granator. myrtillorum & aquis idoneis.* R̄ *conserva rosar. ʒj. pulver. triasant. margarit. prepar. ana ʒss. Cornucervi usti, spodii ana ʒj. cum. syr. de rosis ficiis f. Electuarium.* Et hæc de febrium symptomatis.



## D E F E B R I B V S

Malignis &amp; pestilentibus.

## LIBER QUARTUS.

## CAPUT PRIMUM.

*De morbis epidemicis & sporadibus.*

I. **A**bsolutâ simplicium febrium tractatione, ad pestilentes veniamus, de quibus antequam agamus, quædam præludii causâ explicabimus. Primò agemus de morbis epidemicis & sporadibus, secundo de morbis malignis & benignis, tertio de contagio, faciunt enim plurimum ad febris pestilentis cognitionem.

II. Morbi igitur dividuntur in sporadicos & communes. Sporadici sunt morbi diversæ naturæ, qui homines seorsimprehendunt & detinent, ut cum unus febre pituitosâ, alter dysenteria, alius calculo laborat, solentque ex particulari cujusque vitio & errore, in sex rebus non naturalibus provenire. Communes vero qui in eundem modum affligunt, quando eodem tempore, eodemque in loco plurimi, aut omnes quomodolibet viventes, eodem morbo consimilique corripuntur, Græci *πυξίνος* vocant, solentque indifferenter omnes occupare, tam juvenes quàm senes, tam viros, quam fœminas, tam aquæ quam vini potatores, & propterea horum causa communis est, quâ scilicet omnes utuntur. Sunt autem communes hi morbi vel endemii, vel epidemii; endemii vernaculi (quos Hippocrates *ἐνδημίου νοσήματα* nuncupat) aliquâ regionem infestare perpetuo solent, propter communem alicujus rei usum, ut strumæ hispanis, lues venerea indis; Epidemii verò ubique grassantur, & sunt vel perniciosi, tuncque pestilentes vocantur, vel non sunt perniciosi & simpliciter dicuntur Epidemici, primo acut. com. 9. Vocantur epidemii quasi in populum sparsi, cum ab externâ causâ accidunt, sicut endemii quasi in ipso populo nati, ex peculiaribus causis illi populo communibus. Sed dices Hippocratem in *libris Epidem.*

Y y

consti-



constitutiones quasdam recensere in quibus varii diversique morbi infestabant, unde Epidemios morbos à sporadibus non videtur distinxisse. Respondeo fieri posse ut varii morbi in epidemicâ constitutione grassentur, quibus tamen ex communi causâ aliquid commune accedet, quod eos in unam quasi Naturam coget, nam vulgari proverbio fertur in pestilenti constitutione reliquos morbos facessere in pestem, scilicet quia illis communis quædam malignitas adjungitur: Causa enim communis tantum agit secundum patientis dispositionem, unde cum varia sint hominum temperamenta, & in illis varii humores dominantur, quid mirum si in varios incurrant morbos, qui tamen habebunt aliquid inter se commune, à communi causâ profectum. Communis autem causa aer ab omnibus statuitur; Alii addunt communem victus rationem, alii communes labores, communes occupationes, quæ seorsim sunt considerata. De aëre dubium non est, quo omnia viventia fruuntur, quando igitur alteratur, corpora nostra perinde alterat, & immutat, sicque causa communis est. Verum non tantum communes morbi ex aëre, sed etiam sporades generantur, ut docet Hippoc. 3. aphor. ubi varios morbos recenset ex aëris constitutione prodeuntes. Verum in his aer primariâ causâ non est, nisi additâ victus ratione cujusque; peculiari: in communibus vero aer præcipua causa est. Quod vero victus rationem spectat raro ab eâ morbi communes procedunt, sed quia interdum contingit communem esse vivendi rationem, ut in annonæ caritate fieri potest ut eâ de causâ interdum morbi vulgares in populum grassentur, unde Galenus 2. de Nat. humanâ textu 3. reprehendit Hippocratem qui unicam aërem causam communium morborum statuebat, siquidem fame grassante in Aëno, qui leguminibus vesciebantur, cruribus debilitabantur, qui vero ervum edebant, hos genuum dolor corripiebat, sic ex frumento ciboque putri & aquâ infectâ, communis morbus sæpe exercitus graviter corripit. Verum rarior hæc causa est, quia vix eadem victus ratio singulis esse potest, etiam in magnâ fame, quia seorsim sibi quisque consulit, asseruatque curiosè quæ in posterum utilia sunt futura. Communes autem labores & occupationes possunt quidem esse causæ morborum communium, ut fossores, manus habent callosas, qui humeris sal & onera gestant scapularum incurrunt gravedines, inflammationes & tumores, inquit Augenius, sed tamen prædicta non sunt causæ morborum Epidemiorum, non sunt enim naturâ suâ causæ communes, sed tantum ex peculi-

Aër.

Victus  
ratio.

\*



peculiari cuiusque vitæ instituto, & electione hominum, unde quia multi eandem vitæ rationem profitentur, ea causa fit communis, sed morbum non generat epidemium, quia naturâ suâ communis non est, ideoque nec omnes indifferenter afficit, nec afficere apta est, sed tantum eos qui sponte eam eligunt, Ideo cum morbus Epidemius ex 2. de Nat. hum. omnes juxta afficiat, tam juvenes, quam senes, viros quam mulieres, tam qui multum quam qui parum laborant, tam vinum quam aquam bibentes, morbi hi prædicti non possunt censeri Epidemii, sed potius vel endemii, vel sporadici, siquidem morbo Epidemio quamvis omnes in aliquâ regione non laborent, nemo tamen ab illis certò tutus esse potest, at à prædictis quilibet sese tueri poterit qui voluerit, quia unicuique liberum est eam vitæ rationem sequi, vel rejicere. Ergo communis ille morbus est quem causa Naturâ suâ communis parit, vel manca divisio erit morborum in epidemios & endemios, quod asserere non est piaculum.

## CAP. II.

*De morbis malignis & benignis.*

I. **M**aligni morbi nomen tam variis attribuitur morbis, ut non sit facile eum definire: Galenus 1. prophetic. ait esse morbum, qui etsi periculosus sit, spem tamen salutis non adimit, quæ definitio etiam cuilibet acuto convenit. Sed 4. meth. definiens ulcera maligna, ea esse ait, quæ omnibus ritè factis non sanantur, quæ definitio, inquit Argenter. morbis magnis ex propriâ ipsorum naturâ convenit, sed male, nam magni morbi cedunt remediis ritè administratis, nisi simul sint maligni, nam si non cedant, malignitas subest; A more morbi sumitur maligni & benigni differentia, qui mos differt à magnitudine. Alii describunt malignum morbum, qui occultè & furtim nos invadit, quales sunt multæ malignæ febres, quarum calor blandus mitisque apparet, cum tamen postea ex Improviso jugulent; Benignum contra vocant eum qui palam grassatur, & symptomata sua prodit. Sed hæc quoque definitio non est universalis, etsi enim sæpe malignorum morborum symptomata sæva non appareant, interdum tamen vehementiam suam ostendunt, ut ulcera nervorum, venenorumque genus omne. Rectius itaque morbum malignum vocant alii, eum cujus

*Definitio  
morbi  
maligni,  
& benigni.*

Y y 2

sympto-



symptomata sæviora sunt quam Natura & essentia illius postulet, sic malignam febrem judicamus, quæ cum parva mitisque videatur, vehementia tamen habet symptomata, sicut in pestilentibus calor mitis videtur, urinæ concoctæ apparent, & tamen reliqua symptomata gravia sunt, id autem fit quia causæ febrili aliquid adest occultum, quod ad causas manifestas reduci nequit, sed ad totius substantiæ proprietatem, sic Elephantiasin morbosque venenatos malignos censemus, quod eorum Natura ad manifestas qualitates reduci non possit, sic homines malignos vocamus, qui speciem præ se ferunt bonitatis, & expressa habent indicia virtutis, interea tamen facinorosi sunt. Quidam omnes malignos volunt esse pestilentes, nec ullam inter eos distinctionem faciunt, sed malè, nam pestilentes sunt Epidemii, maligni vero possunt esse sporadici; *Secundo* causis differunt, nam pestilentes omnes vult *Galenus*, nasci ex causâ communi ut aëre, maligni vero sæpe ortum habent ex causâ particulari, sic ex phlegmone hepatis, ventriculi, diaphragmatis, febres malignas fieri vult 2. *prophet. textu 22*. Maligni igitur morbi nomen latius patet quam pestilentis, omnis enim pestilens malignus est sed non contra, unde rectè reprehenditur *Fracastror.* ab *Argenterio*, quod pestilentes febres definiërit quæ ut plurimum occidunt, malignas verò quæ aliquando occidunt, aliquando sunt salubres; Promiscuè tamen sumuntur pestilentis & maligni nomen, cum tantum gradibus differre videantur.

*Causa.*

II. Maligni autem morbi causæ petuntur vel à partibus affectis, vel ab efficientibus causis. *A partibus affectis* ut vulnera articulorum & nervorum maligna esse solent tum febres ex viscerum inflammationibus ortæ. A causis efficientibus, ut ab aëre maligno, humoribus malignis, quales sunt bilis atra, & æruginosa. Hæ causæ vel tales sunt Naturâ suâ ut venena, quæ totâ substantiâ agunt, vel alteratione & corruptione malignitatem acquirunt, ut cum bilis flava in æruginosam & atram degenerat.

*Signa.*

III. Cognoscuntur autem morbi maligni secundum *Galenum*, ex morbi naturâ, ex causis, ex partibus affectis, ex symptomatis, quidam enim morbi Naturâ suâ benigni sunt ut diaria, quidam maligni, ut cancer, elephantiasis, febris pestilens: Causæ quædam benignos morbos procreant, ut sanguis, quædam malignos ut bilis atra, æruginosa, aër pestilens, virus infectæ mulieris, venena, putres, corruptæque aquæ. Partes affectæ malignos morbos indicant, ut in nervis, pudendo, corporibus



poribus male affectis maligni sunt morbi, in carne vero & corporibus salubribus benignioris. Symptomata quoque varia sunt & magna, ut in parvâ febre sitis magna cum lingue nigredine, delirio, &c. diversaque ea sunt pro naturâ causæ, nam alia profert bilis æruginosa, alia venenum assumptum, ut capite de febre malignâ dicemus.

## CAP. III.

*De Contagio.*

I. **C**ontagium ut nomen sonat, est similis morbi communicatio, vel infectio ab uno in alium transiens; Non enim qualitas sola communicatur, ut cum à febriente aliquis calefit, non dicitur per contagium calefieri, sed tantum cum substantia patitur & corrumpitur, similisque morbus transit in vicinum, si enim morbi forent diversi non possent dici ex contagione nati, sicut quando aut veneno hausto, aut ab animali virulento demorsus quispiam male habet, ex contagione id non patitur, quia non est morbi communicatio, prædicta enim quamvis venenata sint, non sunt tamen morbosa, sic torpedo quæ stuporem inducit, non est tamen stupida.

II. At quamvis ex contagio morbus consimilis generetur, ipse tamen morbus non cōmunicatur, nam cecidens non transit de subiecto in subiectū, tum morbus ab uno in alium transiens afficeret prius corpus inanimatum, ut aërem aut vestes, nec symptoma transit, cum morbum perpetuò comitetur, sed sola causa morbifica ab ægroante in alium proficiscitur, quæ ut plurimum vapor est, vel humor, ut in scabie & lue venerea. Debet autem in omni contagio analogia quædam esse patientis ad agens, aliàs irrita erit actio, ut pestis quædam est bobus, quædam hominibus; sic achores caput tentant, phthisis solos pulmones inficit. Consistit autem hæc analogia vel in arcanâ qualitate, & inexplicabili plurium inter se sympathiâ, cujus plurima sunt in rebus naturalibus exempla, unde quidam sani facilius peste inficiuntur, quam alii malè habentes, & qui ab uno infici non potuit, ab alio morbum contrahet. Sympathia hæc intelligenda est inter corpus quod primò affectum est, & illud quod deinde afficitur, nam inter venenum ipsum & corpora affecta potius antipathiâ est quam sympathia. Vel consistit in manifestis qualitatibus, ut temperaturâ, corporis habitu,



bitu, &c. hinc corpora calida humida, rara, cacochema, facilius afficiuntur, alia verò difficiliter alterantur, & veneni vim superant.

III. Fit autem contagium tribus modis, aut per contactum, aut per fomitem, aut per aerem intermedium. Ubi notandum omnem contagionem esse cum putredine, aut magnâ corruptione, non tamen omnem putredinem aut corruptionem esse contagiosam, ut docent febres tertianæ, quartanæ, tum quia putredo summa non est, & eximia, & multæ activitatis vapor lentus non est & viscidus, tum propter occultas qualitates, ob quas naturæ vires non potest superare, nam si quod exhalat est facile resolubile, & paucæ activitatis, ideo nequit similem morbum inducere, & hæc tria requiruntur in contagio, putredo scilicet, lentor, & analogia, putredo si adest debet esse sordida & lenta, ut docent scabies, tabes, pestilentes febres cum bubonibus. Sed interdum contagium citra febrem apparet & putredinem, ut in elephantiasi, lue venereâ, & quibusdam pestilentibus in quibus ægri interdum sine ullo putredinis signo moriuntur, ideo accusanda est fomitis prava qualitas, cujus in parvâ quantitate magna est virtus, ut in hysteriis symptomatis, & scorpionum veneno cernere licet. Non est enim credendum morbos contagiosos esse omnium maximos, siquidem nec ardens febris, nec pleuritis, nec convulsio, nec cholera, nec apoplexia, qui morbi sunt & periculosissimi & maximi contagio inficiunt, contra morbi placidissimi, ut scabies, ophtalmia sunt contagiosi.

*Contagium per contactum.*

*Contagium per fomitem.*

IV. Contagium per contactum fit in pomis, uvis, quæ vicinas putrefaciunt, si ipsæ prius putruerint, sic partibus gangrenâ affectis serpit contagium ad cor usque, quoniam simile sibi simile generat, pars putrida corrumpit calorem alterius sibi analogæ, sicque & ipsa corrumpitur. Contagio per fomitem fit, quando vapor, vel humor morbificus in quapiam re ita continetur & servatur, ut postea alium contactu suo inficere possit. fomes verò id dicitur quod vaporem illum excipit & retinet. Debet autem vapor vel humor, (ut sanies bubonum, carbunculorum, sudor, sordes) calidus esse & subtilis ut putrefaciat, & penetret, tenax tamen & viscidus ut adhæreat, totâ substantiâ nobis insensus, ut nos inficiat; ex omnibus quidem corporibus aliquid perpetuo effluit, quod quia facile resolvitur, aut totâ substantiâ non operatur, inficere nequit. Fomes vero, ut causam morbificam excipiat, conserveque, debet esse rarus, & spongiosus, ut lana; Non debet



debet esse nimium calidus, quia calor dissipat illa seminaria, nec admodum frigidus, quia gelu impedit illorum actionem; *Tertio* debet esse in debitâ quantitate, ut agat & inficiat. Corpora quæ fomitis loco esse possunt, enumerantur ferme omnia xiiij. *Leuitici*, ubi Moses agit de contagio Leprosum, scilicet corpora lanea, lineæ, pellicea, subtegmina, stamina, ligna foraminulenta & rara, parietis ipsi si sint situ quodam oblitu & non perflati, addamus pilos, ut feles & canes in pilis suis pestem deferre possunt. Aë, aurum, argentum, marmora, & cætera quæ porosa non sunt, sed densa & solida, seminaria contagionis retinere non possunt, unde quidam nimis religiosè aurum ab homine infecto profectum, etiam lotum, non audent contingere. Conservat autem fomes causam morbificam diutissimè si non perfletur, sicut odores, foetores fumi, diu conservantur in vestibus. Quæsitum fuit à recentioribus an pestilens contagium remaneat in cadavere mortuo. *Rondeletius* negat cadaver esse contagiosum, seque ejusmodi corpora *An cadaver* innoxie secuisse refert, mortuo siquidem animali perit omne venenum, tum refrigeratum cadaver nullum de se vaporem emittit, tum ob *ver pestis* convenientiam & analogiam viventium inter se, facilius procedit infectio à vivente quam à cadavere. At potius crederem cum *Iouberio* *esse fomes* plus periculi latere in mortuo quam in vivente, quia calor natus venenum aliquantulum retundit, unde à cadaveribus insepultis pestis sæpenumero oritur. Refert *Thucydides* peste Atheniensi, canes & corvos qui cadavera peste infectorum attingebant omnes interiisse. Refert *Fernelius* ex esu lupi rabidi canes actos fuisse in rabiem, quod si aliud venenum remanere potest in cadavere quidni pestilens? Et quidem mortuo animali non interire venenum ostendunt maculæ quæ sæpe post mortem se produnt, nec ratio ulla esse potest cur venenata illa putredo quæ hominem extinxit etiam ipsa extingatur, Et cum videam diutissimè servari venenum in vestibus, cur non servabitur pariter in cadavere. Dicendum igitur in recens extincto cadavere, ubi semel refrigit, poros claudi, minimamque fieri expirationem, propterea minùs tunc inficere ejusmodi corpora, at maximum periculum impendere cum putrescere incipiunt, & foetere, tunc enim plurimos emittunt vapores pestilentes & malignos, ac maximè perniciosos, qui quamvis de mortuo corpore expirent, tamen quia prioris malignitatis vestigia retinent, pestem inferre possunt. *Tertia* demum contagii *Contagio* species ad distans usque propagatur, cum vapores putridi qui ab in- *ad distans*fecto



fecto corpore expirant, per aërem medium delati, adstantes inspiratione, aut insensibili perspiratu inficiunt, qui vapores si copiosi fuerint longè lateque propagantur, & disseminantur, sic pestis sæpè ex unâ regione in aliam deferitur. Aër autem qui vaporem hunc contagiosum deferit, interdum illi contrarius est, si sit nimium frigidus, aut fervens, tuncque illum extinguit, interdum vero similis est, aut saltem non est contrarius, tuncque fovet & accelerat, augetque malignam illam qualitatem, promovetque contagionem. Plura videantur apud *Fracastorium*.

## C A P. I V.

*De natura pestis & febris pestilentis.*

I. **D**istinguenda primum est pestis à febre pestilenti nam dari pestilentes sine peste docuit *Galenus 3. in 3. Epidem.* Sunt autem febres malignæ & perniciosæ; sed differunt à peste, quod hæc sit epidemia & vulgaris, ortumque habeat ex aëre & causâ communi, illæ vero ex interno humorum vitio oriantur, nec grassentur in obvios. Possunt enim humores corporis nostri adeo corrumpi, tantamque concipere malignitatem, ut in venena degenerent, & more pestis interimant, unde distinguit *Durerus* inter pestilentes & pestíferas, has vocat pestilentes illas verò pestíferas. De utrisque agemus, & primum de ea quæ verò pestilens est; Est autem febris epidemia, maligna contagiosa, quæ definitio essentialis esse non potest, nec explicat ideam morbi, cum non detur per differentias proprias, sed tantum accidentales, nam Epidemium, malignum, contagiosum sunt accidentales differentię morbi & conveniunt plurimis morbis qui sunt sine febre, tantum abest ut ullam febris speciem definiant. Potius ergò descriptio est, quam vera definitio, cujus singulas partes seorsim examinare oportet.

II. Diximus pestem esse febrem, quod tamen maximè dubium est, negant enim plurimi omnem pestem esse cum febre conjunctam, ut *Massaria*, *Petrus Salius*. Contra autem *Mercurialis*, *Cardanus* alique à peste febrem separari non posse contendunt, quod tamen repugnat veteribus, præsertim *Galeno*, qui pestes sine febre esse posse scriptis tradiderunt *Hippocrates 3. Epidem*, symptomata pestifera quæ recenset, ait



ait fuisse partim cum febre, partim sine febre, *Galenus* bolum armenum commendat ad pestis curationem, eamque præbet cum vino, si febris absit, innuens pestem non esse semper cum febre: *Paulus* dolorem colicum pestilentem recenser. Et ratio suffragatur, nam interdum à veneno jugulantur homines, antequam humores putrescant & accendantur, unde mortes repentinæ sine gravi symptomate contingunt, ut refert *Plutarchus in Romulo*, homines Romæ ex peste absque morbis periisse, scribit *Iacobus de Partibus*, se vidisse ægros sine febre, aliisque symptomatibus qui statim interibant. Cum enim aer venenatâ & occultâ qualitate operatur, non semper putredinem infert. Sed hæ pestes raræ sunt, sæpius autem cum febre contingunt. Sic *Hippocrates libro de flatibus* dividit febres in communes & particulares, Communes vocat pestem, sed non sequitur omnem pestem esse febrem. *Secundâ* pestis est morbus acutus, ergo habet febrem comitem: nam à morbis acutis febres sunt inseparabiles, 1. aphor. 7. quod tamen non est semper verum, nam apoplexia, tetanus, sunt morbi acuti sine febre. Alii dicunt morbos acutos, vel esse naturâ suâ tales, vel ratione partis affectæ, priores semper esse cum febre, non autem posteriores, quod etiam non est necessarium, nam qui ex veneno intereunt sæpe sine febre moriuntur. *Tertiâ* ex *Galeno*, pestis habet insignem putredinem circa cor, & proinde febrem insignem quæ comes est putredinis, quod pariter non est sempiternæ viritatis, non enim semper putredo, sed interdum etiam venenata qualitas & occulta fatigat, nec semper ad axillas, sed etiam ad aures, ad inguina humor detruditur, indicio putredinem non semper esse circa cor. Si septica partes putrefacere possunt citra febrem, quidni & venenum pestilens?

III. Præterea dicitur *Epidemica*, quia est ex genere morborum vulgarium, nam ut docet *Galenus 3. Epidem. sectione tertiâ com. 2.* Non est certi morbi nomen vulgare vel pestilens, sed quicumque uno in loco multos invaserit, vulgare est, qui si simul hoc habeat, ut multos perimat, pestis est, unde patet morbum hunc esse & vulgarem, & perniciosum, siquidem multos interimat. Si tamen in quâpiam civitate peste unus tantum laboret, non erit tamen negandum morbum illum esse Epidemium, etsi unus tantum eo correptus sit, sufficit enim, ut epidemius morbus dicatur, si Naturâ suâ se multiplicare possit, ita ut vulgaris sit actu primo, etiam si actus secundus impediri possit. *Saxonia* vult quoque pestem esse morbum endemium, qualis est illa quæ

Z z

Cairum



Cairum & Byzantium quotannis exercere solet, sed malè, nam Endemii morbi sunt illi, qui perpetuo exercent & occupant aliquem locum ob vernaculæ causæ perpetuam præsentiam, Talis autem non est pestis, quæ scilicet regiones illas perpetuò non infestat, nec causam habet assiduam & vernaculam, etsi frequenter repetat, quia urbes populosæ sunt, admodum calidæ, aut aliis ex causis quæ Epidemii morbi naturam non tollunt.

iv. Addidimus in definitione esse *contagiosam*, quod magno mortalium damno confirmat experientia. Infert autem contagium tum contactu, tum per fomitem, tum ad distans, quia aer inspiratus ab ægris inficitur, qui postea alios inficit, & quia mobilis est semina pestifera longè lateque propagat, sic quoque sæpe delatis vestibus aliisque rebus infectis pestilentia in aliàs etiam distitas regiones asportatur. Refert *Thucydites* plures contagio fuisse interemptos. *Hippocrates* tamen & *Avicennas* contagii non meminerunt; *Galenus* paucissima de eo scripsit, & valdè obscura. *Procopius* libro 2. de bello persico, scribit pestem Constantinopolitanam, minimè fuisse contagiosam, quod tamen non credit *Mercurialis*, historicumque fuisse deceptum putat, aut verba ab aliquo præter authoris mentem addita fuisse: nam veteres contagii vix meminerunt, sive quod illud non cognoverint, sive quod sub aère illud complexi sunt; Non desinit tamen morbus esse contagiosus, unde non valet quod scribit *Salus* Hippocratem & *Galenum* audacter ægros peste laborantes, invisisse, nec curasse tanti mali contagia, in Ægypto & Syriâ Turcas non vitare infectorum concursum. Quid tum! felices illi sunt errore suo, quos mortis non urget metus, unde fit ut in illorum regionibus pestilentia tam multos interimat, quia sibi non præcavent, ut dixi lib. 2. error. popular.

Febris pestilens si ne peste.

v. Ex his patet febrem pestilentem differre à peste, quod hæc sit Epidemica, vulgaris, contagiosa, illa verò etsi non minus sit maligna & perniciofa, non tamen grassatur in obvios, nec contagione inficit, unde ægrotanti ipsi pestis est, non autem obviis & adstantibus, quam pestilentem sine peste vocavit *Galenus*, habetque veræ pestis omnia indicia, præter supradicta, & quod non à causis procatarcticis ut aère infecto, sed ab internâ humorum pravitate oriatur, & quod tamen non est semper necessarium, possunt enim febres hæc etiam ex communi causâ ortum habere, etiam si non sint contagiosæ, & verâ peste minus perniciosæ. Sed convenit cum peste in communi perniciæ, quod



quod utraque prava sit, maligna & venenata, quam propterea definiemus febrem ex malignâ venenatâque humorum corruptione ortam. Tanta enim humorum in corpore fit corruptio, ut veneni vires acquirat, nam *sexto de locis affectis* eadem in corpore mala contingunt, & à lethali veneno, & ab humorum in corpore corruptione, sic *sexto Epidem. s.* quatuor constituit venenorum genera, unum ex feris venenum ictu fundentibus, alterum ex deleteriis assumptis, tertium ex pestilenti cœlo, quartum ex pravis succis in corpore genitis, aliisque in locis *Galenus* febrem ex veneno intus genito admittit. Cum igitur in communi naturâ, signis, curatione conveniant, de utraque simul agemus.

## CAP. V.

*An febris pestilentis natura consistat summa putredine.*

I. **Q**Uæstio hæc difficilis est magnâque animi contentione utriusque agitur. *Galenus* ab aliis putridis febrem pestilentem differre scribit tantum excellentiâ putredinis, quæ talis tantaque est, ut veneni vires acquirat, Extremus enim cuiusque rei gradus venenum est, sic quæ sunt extremè calida & frigida venena sunt, pariter & extremus putredinis gradus, venenæque in corporibus non nisi ex summa putredine generari voluit *Galenus*, quæ putredo proprietates habet & effectus veneni, curaturque Alexipharmacis. *Primo de diff. febr.* omnes pestilentes scribit esse ex putredine, & si earum generationem spectemus, sive ex aëre, sive ex victus ratione, sive aliis de causis oriantur, omnes illas comperiemus tales esse quæ putredinem facere possunt. Alii non ex putredine, sed ex malignâ & venenatâ qualitate quæ totius substantiæ proprietate noceat, oriri existimant, ut *Fernelius*, venenumque non ex putredine, sed ex humorum corruptione generari, nec omnem corruptionem esse putredinem; *Primo* pestilentia tam hyeme, quam æstate, tam sicco quam pluvio, tam temperato quam intemperato Cœlo grassari solet, cum tamen illam magis æstate, æstuante aëre, affligere deceret, sic *Virgilius 3. Aeneidos ex calidâ & siccâ*, *Livius* pariter Romæ grassatam pestem scribit ex nimia



siccitate. *Secundò* putridam aëris constitutionem quanquam magna  
 esse deprehendatur, plerumque sine pestilentia contingere videmus.  
*Tertiò* nulla putrida aut intemperata aëris constitutio potest in multas  
 regiones vagari, At pestis tam latè interdum sævit, ut penè universum  
 terrarum orbem occupet, nam cum propagatur in multas regiones per  
 contagium, illic apparet nullam præcessisse, nullamque adesse putre-  
 dinem; *Quartò* si putredo tanti mali causa foret ad omnes animantes  
 illa pertineret, nec ratio ulla reddi potest cur homines potius quam  
 oves sive peste corripiantur. Respondent quidam causam non age-  
 re sine patientis dispositione, differt enim corpus à corpore, natura à  
 natura, temperamentum à temperamento, propterea eadem omni  
 animantium generi commoda non sunt, aut noxia, quando igitur aër  
 hujusmodi inquinamenti plenus est quibus humana natura offendi-  
 tur, tunc soli homines ægrotant. Sed hæc responsio adstruit occultas  
 proprietates, nam quod omnia ab aëre non inficiantur, pendet vel ex  
 causa agentis debilitate, & quod non sit contraria cuilibet animanti,  
 vel ex resistantia patientis, quod non potest dici de putredine, nam  
 putris aër contrarius est omnibus iis animantibus, qui ipso sano puro-  
 que gaudent, nulla enim ratio est cur putredo aëris soli homini sit in-  
 fensa. Quod si cætera animalia resistunt causa agenti, habent id ex  
 occultis proprietatibus, non à temperamento, nam si homo omnium  
 temperatissimus noxam aëris vitare non potest, quomodo eam cæ-  
 tera animantia devitabunt? Jam igitur confugiendum est ad occul-  
 tum aliquid, quod huic potius quàm illi sit contrarium, quanquam  
 certum sit infecta fuisse interdum reliqua animalia, ut canes, feles,  
 equos apud *Homerum* in principio *Iliados*. *Quintò* occultam adesse qua-  
 litatem probatur ex iis qui in peste absque febre subito intereunt sine  
 ullis putrefactionis notis. *Sextò* sæpe ex aurâ quantitate quidem pau-  
 cissimâ sed qualitate valdè noxiâ pestis orta est, ut ex vaporibus ex an-  
 tris, specubus subterraneis elevatis. Duo exempla id testantur, pri-  
 mum apud *Marcellinum*, in Seleucia milites Avidii Cassii, quodam fo-  
 ramine aperto, tam teter inde spiritus erupit, ut maximam pestem in-  
 vexerit, secundum in Babylonîa in Apollinis templo vetustâ quadam  
 arcâ apertâ, tam perniciosus inde halitus expiravit, ut pestis non mo-  
 do inde orta sit, sed etiam ad Parthos usque dimanarit. *Septimò* idem  
 docet contagio per fomitem, in quo exigua materiæ morbificæ portio  
 in panno contenta tam gravia excitat symptomata, nam si sola adesse  
 putredo



putredo non posset non putrescere fomes ipse, cum id quod à putrido tangitur, putridum fiat. *Octavò* symptomata omnia venenum arguunt, statim corpus nigricans, lividum, foetidum redditur, mors quoque unicâ die, aut saltem brevissimo tempore insperatò contingit, absque ullius putrefactionis indiciis, quæ tam citò non potuisset produci. *Nonò* ingentem putredinem sequitur ingens calor, at febres pestilentes sæpe sunt cum exiguo calore, exiguâ pulsuum & respirationis differentia, unde multò mitiores videntur esse ardentibus, aut cur ardentibus non sunt pestilentes? *Decimò* ingens putredo non nisi à maximis causis fieri potest, nam cum pestis juvenes, senes, frigidos, siccos, humidos, calidos, viros, mulieres corripiat, vix potest in hac corporum diversitate eadem fieri putredo quæ eximia sit & excellens, docendum igitur erat in quo consistat differentia inter putredinem pestilentium, & aliarum febrium, nam quamvis putredo interdum adsit, ut ostendunt ulcera, abscessus, bubones, foetor, urinæ conturbatæ, ea tamen semper non adest, ut in febribus quæ nullam in pulsu & urinis mutationem obtinent, aut cum adest affectus, est venenum humores putrefacientis, potius quam ipsius febris pestilentis causa. Igitur cum constet omnes febres pestilentes non habere eandem putredinem, imò sæpe accidat ut ubi minora adsunt putredinis indicia, symptomata graviora contingant, ratio colligit præter putredinem adesse vim quandam occultam, quam medicamentis & venenis Medici inesse docent, & experientia etiam docet maximas & lethales putredines esse sine peste, ut in febribus ardentibus, quando ex iis ægrotantes moriuntur, quæ tamen non sunt pestilentes. *Vndecimò* accedit testimonium *Galen* 2. de Nat. humanâ textu 4. qui pravos & morbosos vapores aëri permistos docet noxios esse totius substantiæ proprietate, non manifestâ qualitate. *Duodecimò* pestis remediis arcanis ut theriacâ, bolo armeno & similibus curatur, quod si arcanum est quod juvat, arcanum etiam erit quod nocebat. Nam verum non est quod quidam dicunt hæc tantum siccando prodesse, nam alia dantur exsiccantia, quæ tamen non juvant, ut pumex, os sepiæ, conchiliæ, buccinæ ustæ, ipse *Galenus* docet theriacam occulta proprietate agere.

11. Ex prædictis concludendum videtur febris pestilentis naturam non consistere in putredine, quamvis putredo adesse possit & soleat, nam putredo sæpe gravis non est, quamvis morbus sit gravissimus, & sævissima habeat symptomata, imò interdum sine ullâ putredine mors



subsequitur, quando causa externa tam subito potenterque agit, ut, antequam humores putrefacere possit, interimat. Quando autem putredo adest, ea tamen non nisi quia veneno conjuncta est interimit. Et ex hac putredine nomen suum desumit febris pestilens, nam si omnes humores putrescant, synochus & caufos, cui putredini si praeterea venenata qualitas adjungatur, synochus & caufos fiet pestilens, unde observatum in pestilenti constitutione omnes ferme morbos converti in pestem, Putredo igitur sicut potest esse magna & eximia sine veneno, ita venenum potest esse sine putredine, Pariter potest utrumque simul adesse; nam qui distinguunt ideam à more morbi rectè concipere possunt synochum febrem ab omnium humorum putredine dici, quæ est ejus idea, eandem esse pestilentem si occulta simul & maligna qualitas adsit, quæ est ejus mos. Et sic solvi potest quod quidam dicunt morem morbi non distinguì à magnitudine, nec pestem à reliquis putridis, cum major & minor putredo non varient speciem, respondeo verum id esse per putredinem non distinguì febrem pestilentem à reliquis, quia synochi ardentes, tam pestilentes, quam non pestilentes conveniunt in putredine, quæ utrisque communis est, sed differre in malignitate, quæ febrium prædictarum accidentaliter est differentia, nam febris pestilens non est certi morbi nomen, sed omnibus fere morbis convenire potest, sicut malignitas apud *Galenum* cognoscitur non symptomatis ullis, sed symptomatum morbi pathognomicorum vehementiâ. Igitur si causam externam scilicet aërem spectemus, tantam in eo malignitatem interdum reperiri fatendum est, ut sine putredine humorum veneni instar interimat, quia spiritibus admixtus statim cordis vires labefactat, sic referunt historiæ homines sæpe subito mortuos concidisse. Sed si diutius agat in corpus, humores putrefacit, idem de contagio dicendum, nam causæ hæc procatartica occultâ proprietate agunt & humores putrefaciunt; Adesse autem putredinem ostendunt symptomata putridis communia, horrores, inquietudines, ciborum fastidium, capitis dolor, linguæ orisque siccitas, sitis, bubones, carbunculi, & similia quæ putredinem & febrem arguunt, sed hæc putredo ut diximus ideam febris constituit, ut sit synochus, vel ardens, alteriusve generis, sed ut pestilens fiat venenata qualitas adsit necesse est, at patet quia habet effectus veneni, solisque curatur alexipharmacis, universum corpus corrumpit & immutat sicut venenum, humoresque putrefacit, unde



de concludendum raras esse pestes quæ non sint cum putredine, non in putredine tamen, sed in venenatâ qualitate earum naturam consistere.

## CAP. VI.

*De causis febris pestilentis.*

1. **C**Ausæ febris pestilentis vel sunt internæ vel externæ. Externas ad quatuor reducemus, ad aërem, ad cibum & potum, ad contagium, ad veneficia. *Galenus & Hippocrates* solius aëris & cibi meminere, recentiores verò reliquas addiderunt. Aër si naturalem suam seruet constitutionem quam habere debet, nullam pestem, nullosque morbos generat, sed tantum cum præter naturam disponitur. *Prima causa aër.* Alteratur autem tum in manifestis qualitatibus, caliditate, humiditate, tum in propriâ substantiâ, quas mutationes cœli statum vocare consueverunt. Alteratur secundum regionum situm, si in sublimi, si in concavo sitæ fuerint, si ad orientem, vel occidentem spectent, si terra fuerit argillosa, sulphurea, aluminosa, maritima. Inde aër immutatur, morbi que fiunt populares & vernaculi, qui perpetuò regiones illas obsident. *Secundò* aër alteratur ex anni temporibus, sic qui hyeme fuerat frigidus, æstate fit calidus, nulla que pestis generatur, cum naturaliter anni tempora per vices sibi invicem succedunt. *Tertiò* alteratur ex peculiari cœli statu, temporibusque anni præter naturæ ordinem immutatis, sic *tertio Epid.* pestilens status describitur. *Annus austrius, pluviosus, à ventis in totum silens.* Particularis hic cœli status, vel tantum calidus est & humidus, vel in propriâ substantiâ aër immutatur, quandoquidem quæ in peste contingunt, non tantum à calido & humido, sed & à vi potentiori oriuntur, inde non alterantibus tantum, sed & aliis remediis pesti medemur. Hæc aëris immutatio, vel putredo est, vel occulta quædam & malefica aëri impressa qualitas. Putrescere autem posse aërem experientia testatur, tum *Aristotelis* auctoritas, qui omnia præter ignem putrescere posse scribit, Aër quidem si sincerus purusque foret, nunquam putresceret, tum quia humidior fieri non potest, cum sit primum humidum, tum quia putredo est passio misti. At apud nos elementa pura non reperiuntur, unde mirum non est si putrescant. Putredinem hanc habet aër vel à seipso, quando con-



clusus, nec difflatus prohibita transpiratione corrumpitur, ut de militibus Cassii, & Babylonis acra supra diximus, vel ob putrium vaporum permissionem, cum ex voraginibus, specubus, insepultis cadaveribus tetri vapores aerem inquinant; Sed non tantum putredo, sed & potentius aliquid diviniusque aeri permiscetur, nam referunt historiae non ex sola calida & humida intemperie, sed etiam ex calida sicca, imo etiam ex frigida pestem oriri posse; cum igitur in omnibus aeris intemperiebus pestes fieri possint, necesse est confiteri aliquid occultum esse cujus ratione pestis generetur, sic Hippocrates scribit aerem habere in se morbidam quandam excretionem, *τοῦ πλεονεκτήοντος*, quam explicat Galenus exhalationem proprietate totius substantiae, non simpliciter qualitate noxiam, *μικροῦς* dicuntur libro de flat. Morbosa vocatur per excellentiam ob saevum morbum quem inducit. Sic divinum Hippocratis explicat Galenus aeris constitutionem, non manifestam qualitate, sed occultam infestam, quam totius substantiae proprietatem vocat.

An à caelo  
fiat pestis.

II. Aeris hanc alterationem à Caelo interdum proficisci Fernelius cum Astrologis contendit, ideoque jussisse Hippocratem in prognosticis, ut Medicus observet si quid in morbis adsit divini. Contra alii id prorsus negant, sicut enim haec inferiora suo contrario non carent, ita caelestia omnis corruptionis & mutationis sunt expertia, male enim quis inferat, Caeli inest vis movendi, ergo est quiescendi, imò cum minimè sit aptum ad contrarietatem suscipiendam, una reposita, contrariam licet excludere, quia enim Caelum movetur, ideo nequit quiescere. Pariter quia caelo inest vis benefica & salutaris, omni malefica destitutum esse necesse est. Hinc Aristoteles 9. metaph. cap. 8. in aeternis neque malum, neque errorem, neque corruptionem inveniri testatur. Inde Averrhoes refutat Astronomos, qui stellas quasdam fortunatas, quasdam infortunatas statuunt. Deinde quod conservat ac continet, ceterisque est veluti forma, minimè potest inficere id quod conservat & continet, sed Caelum & Astra sunt huiusmodi, Insuper si constellatio esset causa pestilentiae, pestis universum orbem invaderet, cum ubique reperiri possint quidam ad causam efficientis vim suscipiendam dispositi, at pestis certas tantum regiones invadit. Quin etiam inutile esset Hippocratis consilium, *cito, longè, tardè*, cum Caelum terram undique ambiat. Ideo per Divinum illud, quod observari jubet Hippocrates, non intelligunt vim ullam è Caelo in aerem demissam, sed cum



cum *Galeno* peculiarem aëris nos ambientis constitutionem. Non est tamen negandum posse vi causarum cœlestium excitari pestem, sed per accidens, cum varia sydera contrariis dissidentibusque viribus prædicta concurrunt, & ad diversa respiciunt, hinc omnes æstates nec sunt æquæ calidæ, nec æquæ serenæ, sic ab iisdem concursibus variis potest aër ita alterari, ut inimicus fiat modo hominibus, modo aliis animantibus, & pestes à syderibus inductæ sæviunt tam hyeme quam æstate, tam sub calido quam sub frigido cœlo. Quamvis igitur cœlum singulaque sydera vim habeant salutarem, tamen cum contrarias vires obtineant, fieri potest ut ex vario contrariarum virium concursu aër noxius evadat, & sicut varias in Mundo alterationes efficit, ita & pestem inducat. Sic calidus aër quamvis beneficus sit & salutaris tamen quosdam in morbos præcipitat, quorum corpora vitiosis humoribus sca- tent. Non placet tamen quod Astrologi superstitioni ad præteritos aspectus pestem referunt, *Cornelius Gemma* pestem anni 1575. refert ad influxus anni 1571. & lenticularem Fracastorii quæ fuit anno 1528. refert Cardanus ad annum 1524. Quod non potest locum habere in causis naturalibus, nam tantum præsentem causâ sequitur affectus, nec est verisimile quod præsens causa non perfecit, absentem perficere posse, sic recedente sole, recedit calor, pluvix, serenitates, annonæ caritates fiunt quamdiu causæ sunt in actu, & cum salutaris est constellatio, vix fieri potest ut quæ insalubris per plures ante annos soluta fuit, forsitan nunquam reditura, suos tunc prodat effectus, qui tunc à nullâ causâ dependerent. Non est credendum ullas stellas esse infœ- lices, omnes ad universi commodum factæ sunt, sed per accidens ta- men nocent, quatenus variè concurrunt, & vario se modo respiciunt, ut alibi plenius explicavimus in Pathologiâ.

III. Post aërem succedit ratio victus, quam quidam nolunt inter causas pestis debere recenseri, nam quamvis ab alimentis aut naturâ suâ pravis, aut aliundè vitiatis, generari possint morbi pestilentes & maligni, veram tamen pestem fieri non posse tradunt, quæ morbus est Epidemius & vulgaris, fieri enim vix potest ut plurimi eâdem prorsus victus ratione utantur, aut si id contingat, rarum est admodum. Atta- men *Galenus* libris de cibis boni & mali succi meminit cujusdam pestis quæ ex pravo victu, pravisque alimentis orta est. Refert *Cesar* in com- mentariis Massilienses gravi peste fuisse conflictatos, quod in obsidione vetus panicum, hordeumque exoletum edere, fame coacti fuissent;

A a a

unde

Secunda  
causa vi-  
tus ra-  
tio.



unde quia sæpe ea incidunt tempora, in castris, & annonæ caritate, ut eadem vivendi ratione homines uti cagantur, inde ex pravis succis in corpore genitis, non pestilentem modo febrem, sed & pestem oriri posse fatendum est, unde *Galenus 2. de nat. humanâ* Hippocratem reprehendit, quod in unum aërem omnes morbos, communes retulerit, & ejusmodi pestis plura apud authores ad sunt exempla.

*Tertia  
causa  
Contagium.*

IV. Prædictis ex causis prima origo pestis est, sed pestis semel genita potest aliis regionibus communicari & sævire per contagium, quamvis iis in locis nullum sit aëris vitium, nulla sit annonæ caritas, nulla pravè vivendi necessitas. Non enim semper aër, cibus, potusve sunt causa pestis, sed contagium, defertur aliundè fomes pestis in linteis, vestibus, & uno in loco unus aut alter peste correptus per contagium regionem integram inficere potest, ubi nulla præcesserat aëris corruptio. Verum primò necesse fuit ex causâ communi alicubi incepisse, quæ deinde potest sese in varias regiones propagare. Sic docet *Galenus* pestem Atticam ex Æthiopiâ per contagium venisse, & experientia quotidiana id ostendit, unde sedulo cavendum est, ne merces, linthea, aliave ejusmodi ex infectâ regione in aliam deportentur.

*Quarta  
causa veneficium.*

V. Alterius causæ meminerunt historici, scilicet veneficii, nam refert *Livius lib. 3. Decadis prima*, Claudio Marcello, & Tito Valerio Consulibus, pestem Romæ maximam fuisse ex venenis quæ Matronæ decoquebant, ex quibus per indicem ancillam deprenhensis centum septuaginta fuerunt damnatæ. Scribunt *Dion. Nicæus, & Xiphilinus*, Commodò regnante pestem in urbe grassatam fuisse, quæ unâ die bina hominum millia interficeret, cum malefici homines mercede plecti, res venenis oblitæ in alios conjicerent. Vulgo creditur pestem quæ pecora & armenta affligit, à veneficis sortiariis inferri. Testatur *Fallopianus* maleficorum operâ fomitem contagiosum, ex cadaveribus peste defunctis & elixatis concinnari, quo ostiorum pessulos, repagula, manubria, limina, postes illinerent, & sic plurimos contactu pestifero interire.

*Causa interna.*

VI. Causa interna humorum est venenata qualitas, interdum putredini conjuncta, interdum sine illâ consistens; Venenum siquidem adesse superius ostendimus, quod proprietates adsint & effectus veneni, curaturque alexipharmacis, nam veneni instar corpus brevi tempore immutat, partes corrumpit, lividas, nigricantesque reddit, qui  
sunt



sunt effectus veneni 6. *de locis affectis*, quamvis venenum hoc ut plurimum si diutius in corpore retineatur, id est, nisi statim interficiat, humores corrumpere & putrefacere soleat, unde recentiores quidam cum Galeno tantum excellentem putredinem faciunt causam internam pestilentis febris, sed male ut supra diximus. Negat tamen *Mercurialis* <sup>An venenum in corporibus possit generari.</sup> venenum in corporibus humanis ab internâ causâ generari posse, nam cum author omnium actionum sit calor, fieret vel à calore naturali, vel ab extranea, non à nativo quia hic est author vitæ & salutis, nec à præternaturali quia nihil agit supra vires suas, ut vis veneni major est, quam potentia caloris naturalis, unde ait tantum aliquid simile veneno in corpore generari, non autem venenum propriè dictum. Contraria tamen est *Galeni* & recentiorum opinio, nam si effectus adsunt & proprietates veneni, cur negabimus venenum propriè dictum adesse, eosdem effectus edunt, eademque symptomata, dolores, lipothymias, dementias, Conveniunt quoque in celeritate mortis, æque citò interimunt, præterea æquè cito corrumpunt & putrefaciunt corpus nostrum: Demum eorum in minimo quanto maxima est virtus, ut in hysteris mulieribus & epilepsiâ sympathicâ cernere est, quod ostendit humores illos corruptos occultâ proprietate agere. Unde *Mercurialis* responderi potest, non esse necesse omnia à calore fieri, cum multa totius substantiæ, occultarumque qualitatum vi peragantur, etsi calor inserviat non ut agens primarium, sed ut instrumentale.

VII. Quidam etsi concedant venenum in corporibus nostris posse generari, negant tamen fieri illud nisi ab insigni humorum putredine, & propterea pestilentis causam internam esse, & putredinem insignem, cum insignis putredo venenum sit. Fatendum quidem ut plurimum adesse insignem putredinem, sed ea potius effectus est veneni quam causa, nec verum est venenum semper sequi putredinem, siquidem à digito pedis epilepsia, ab ore ventriculi convulsio, ab utero hysterica symptomata, mortesque repentinæ fiunt, sine putredine, ex solâ humorum corruptione, quâ inimicam naturam adipiscuntur, sic sanguis corruptus similia veneno accidentia profert, quando extra venas concrevit, syncopes affert, sudores frigidos, respirandi difficultates, pulsus imbecillitates, totiusque corporis frigiditatem, non temperiei mutatione, cum pituita vitrea frigidior eadem non præstet, non putredine, cum antequam putrescat, hæc contingant, tum putredinem sequuntur calor, foetorque, quæ hic non adsunt, putredineque sanguis diffuit, non concrevit, fiunt igitur prædicta solâ corruptione



venenatâ. Validitas quoque agendique velacitas ostendunt non agere per putredinem, licet enim quod à putrido tangitur putridum fiat, id tamen nec fit subito, nec statim, at per fomitem ex contagio subito procedit infectio, unico contactu, unicâ inspiratione, igitur distat corruptio à putredine, sic à gladio, à veneno, ab apoplexiâ corrumpitur homo, non tamen putrescit, sic in iis qui subito moriuntur ab humore venenato, cor labefactante, certum quidem est humorem corrumpi, sed non putrescere, nam putredo summa esse deberet, quod fieri non potest sine caloris sensu, & in pestilentibus minora sæpe adsunt putredinis indicia, in excrementis, & calore, quam in putridis quamplurimis, & tamen mors citius contingit, ardentes siquidem febres summa habent putrefactionis indicia, à quibus etsi homo ob morbi sævitiam intereat, pestilentes tamen non judicantur, quod maligna, venenataque qualitas absit, si igitur venenum in corpore genitum sequeretur putredinem, synochus, ardens, putridave quælibet febris ex quâ hominem ob putredinis sævitiam mori contingit, foret pestilens, & contra pestilens ea non foret, in quâ aut nulla, aut pauca adsunt putredinis symptomata. Præterea sicut in aliis venenatis, ita & in homine generari venenum potest non putredine, sed occultâ proprietate noxium, putredo in corpore diu latere non potest, at venenum canis rabidi diutissimè in corpore interdum latitat, sic & elephantiasis, & luis venereæ maligna & occulta qualitas, cum tamen putrefactionis nulla fermè adsint signa, & symptomata. Quamvis igitur humores in peste corrumpantur & putrescant, id tamen nacesse non est ut contingat, sed sine putredine corrumpi possunt, saltem in putredine illâ natura pestis non consistit.

*Dispositio ad pestem* v i r. Causis prædictis addemus corporis dispositionem, ob quam, etsi plurimi in eodem aëre versentur, iisdemque utantur cibis, citius tamen & facilius alii aliis corripuntur; Est autem dispositio hæc vel occulta, vel manifesta; Esse enim peculiarem quandam constitutionem præcipuè cordis, quæ pesti resistat, docet *Avicenna* capite de peste, & experientia testatur plurimos inter ægros versari, qui etiam si pravis scateant humoribus, peste tamen non tentantur, alios tamen statim affici, quæ arguunt latentem quandam adesse dispositionem ad pestem facilius aut difficilius suscipiendam. Sed est etiam dispositio quædam manifesta ratione temperiei calidæ humidæ, habitus rari & laxi, nam corpora calida humida, laxa & rara, pravis humoribus repleta, facilius

ab



ab aëre externo corripuntur, hinc mulieres facilius tentantur peste, maximè prægnantes, ob cacochymiam ex retentione menst ruorum, & quia ob calorem multum inspirant. Virgines quoque, tum ob ingluviem, tum ob seminis retentionem & libidinem. Pueri quoque pariter sunt obnoxii pesti, propter caliditatem & humiditatem, inordinatam vitæ rationem, & quia multum aëris attrahunt, ex *Rhazi*, sic qui plurimum corpora exercent, quia aucto calore multum respirant, facilius aërem venenatum suscipiunt. Timor quoque disponit ad pestem, & humores agitat, hinc qui intrepidi sunt & potius lætantur difficilius corripuntur, humorum siquidem perturbationem esse præcipuam causam ostendit experientia ut videmus *Vespillones*, qui propter lucrum ægris ministrant etsi cacochymi sint, ventri gulæque dediti, hoc tamen morbo facile non corripuntur, quia non conturbantur, sed potius gaudent ob lucrum imminens, sic docet *Celsus* tempore pestis non esse mittendum sanguinem, nec purgandum fortioribus medicamentis, ne fiat humorum agitatio: Venenum enim maximè corpora nostra inficit, quando humores suo loco moventur, unde venenum recipiunt, quia à naturâ non conservantur, siquidem natura humores quiescentis facilius regit quam agitados, sicut vinum tempore Caniculæ conturbatur & putrescit, fœce reliquo liquori admista ob ebullitionem, sic humores perturbati facilius putrescunt, & corrumpuntur.

IIx. Pestilenti autem quæ sine peste invadit, obnoxia sunt corpora calida humida, pingua, crassa, densique habitus, sicut raræ texturæ homines ab aëris vitio corripuntur. Occasionem præbent retentiones mensium, hæmorrhoidum, sanguinis, victus pravus, aër calidus humidus, unde vere & æstate, in regionibus fervidis fiunt potissimum febres malignæ, maximè si perflant Austri, qui aër concurrat non tanquam causa efficiens, ut in verâ peste, sed tanquam disponens ad putredinem: Mœror quoque, ira, Venus, nimia ciborum repletio & crapula febrem hanc procreare possunt: maximè autem fit ab interno viscerum ardore, ut *capite de febre lippriâ* diximus. Igitur ab humorum putredine prædictis ex causis generatâ fit febris, quibus si malignitas accedat fiet pestilens & venenata, cujus differentias nunc perquiremus.



## C A P. V I I.

*De differentiis febris pestilentis.*

1. **R**ECÈ scripsit *Galenus*, pestilens & vulgare non esse certi morbi nomen, aut genus, sed omnibus ferme morbis posse convenire, nam præter tria morborum genera non datur aliud, pestis autem est modus & conditio, aut quid extrinsecus accidens cuius horum morborum quorum non quidem naturam, sed modum & conditionem permutat, morbo manente eodem, quæ conditio adeo gravis est ut propriam rei naturam & nomen permutet, & pestis nuncupetur. Ideo à quamplurimis & ferme ab omnibus constituuntur febrium pestilentium differentia tres, ephemeræ, hæcticæ, putridæ, prout calor vel cordis substantiam, vel humores, vel spiritus occupavit. De ephemerâ pestilente nunquam locutus est *Galenus*, sed recentiores quidam eam fuisse in Angliâ scriptis prodiderunt, in quâ copiosis sudoribus levabantur ægri, quæ ideo sudor Anglicus dicebatur, qui incepit anno 1486, & duravit ad annum 1530, Correpti languore confestim dissolvebantur, animi deliquio, inquietudine, cardiogmo, pulsu crebro, immensa siti, sine bubone, exanthemate, carbunculo, tandem cum sudore vitam finiebant. Verumtamen nunquam credidi dari ephemeram pestilentem, cum febris ephemera sit suâ naturâ levis & salutaris, ut quæ in subiecto dissipabili resideat, unde etiam si spiritus putrescant (putrescere enim possunt omnia excepto igne) febrem tamen non generabunt perniciosam, sed quæ salutariter dissipatis illis spiritibus cessabit, nam casus virtutis, pulsus mutatio, lipothymia, si à solis spiritibus dependerent, dissipatis illis, ac novis regeneratis perfecta subsequeretur sanitas, ut in syncope contingit, quam venenata materia infert. Quod dicitur de sudore anglico nullius est momenti, nam febris fuit putrida, ut ostendunt sudores copiosi, qui nunquam apparent in ephemeris, quæ tam maligna fuit, ut natura ipsius vim ultra unum diem ferre non potuerit, quis enim audivit febres ephemeræ sudore copioso solvi solere. Non negandum tamen in verâ peste, ex inspirato venenato aëre spiritus infici, unde mors & prompta & subita ingruit, interdum sine febre, si enim subito spirituum motu syncope mortis æmula contingit, multo magis ubi veneno violati fuerint, mors accidet.

Vera



Vera igitur pestis quæ ab aëre fit, spiritibus noxam inferre potest missione tetri vaporis cum spiritibus, sed pestilens sine peste maligna nulla talis datur, nec quoque vera pestis, nisi subito nulla præcedente febre contingat, sicuti à veneno interdum prius jugulantur homines quam ulla putredo in humoribus accendatur, unde mortes repentinæ sine ullo gravi symptomata contingunt, ut refert *Iacobus de Partibus*, se vidisse ægros sine febre, aliisque symptomatis qui statim interibant, ob maximam scilicet veneni efficaciam, quod non intra horas xxiiij. sed & subito occidebant. Sed solam ephemeram febrem generari intactis integrisque humoribus, non est concedendum, idque me in hac sententiâ amplius confirmat, quod etiam si multæ pestes ex aëre inspirato factæ fuerint, quæ promptissimè jugulabant, nullam tamen pestem ad ephemeram retulerunt authores, præter sudorem illum Anglicum, in quâ tamen nulla ephemeræ indicia præter durationem conspicua erant. Quod tamen diximus nullam ephemeram esse lethalem, id sobriè intelligendum, nam potest quispiam in extremâ constitutus senectute, ita esse debilis, ut succedens ephamera gravior sit quàm attritæ vires ferre possint, cum enim sit morbus vim quandam habet debilitandi vires, sed hoc nihil ad pestilentem.

11. Hæticam autem pestilentem dari certissimum est apud *Galenum*, quam *tertio de prasag. ex pulsibus* cognosci ait spiritus seu animæ fœtore, in eâ dicunt recentiores & pulsus & urinam esse sanorum similia; At febres pestilens secundum *Galenî* doctrinam omnis est putrida, nula hætica est putrida, igitur nulla hætica est pestilens, Quidam dicunt putridam eam dici quia fit ex aëre putrescente, quæ responsio etsi sit ingeniosa, vera tamen non est, nam differentiæ febrium non petuntur à causis efficientibus, sed à subjecto, adde quod *Galenus* ubi omnes pestilentes ait esse ex putredine, internam tantum putredinem intellexit, non eam quæ ab aëre est, imo voluit idem *Galenus* putrescere substantiam cordis, aut saltem humores cordis secundarios, sicut in aliis hæticis consumuntur, ita in hac putrescunt. Præterea adest ex loco citato fœtor anhelitus, sed fœtor omnis est ex putredine. Invaluit usus inquit *Valesius* ut solæ humorales vocentur putridæ, non autem quæ in solidis aut spiritibus consistunt. Ideo alii respondent diversum quid esse febrem oriri ex putredine & esse putridam. Nam putrida genus febris designat ab ephemerâ & hæticâ distinctum, at ex putredine febres aliæ oriri possunt, ut

ex



ex putredine pulmonis, aut alterius cuiuspiam visceris, sic pestilens hectica est ex putredine, non tamen putrida. Putrescere autem dicitur substantia cordis, quod tamen quidam non admittunt, sed volunt substantiam cordis malignâ & venenatâ qualitate infici ab alienâ putredine, sicut corrupto vinô dolium etsi non corrumpatur, pravam tamen acquirit qualitatem, quâ quicquid infundis acefcit & pariter corrumpitur. Cor enim non potest gravem ullum affectum sustinere, nec abscessum, nec vulnus, nec inflammationem, multô minùs putredinem, sic docet Hippocrates 4. de morbis cor ex substantiâ solidâ fuisse conflatum, ut expers esset quantum fieri poterit & ægritudinum & putredinis. Sed responderi potest ex Galeno primo de locis affectis, cor posse omnes affectus pati, sed non nisi cum mortis periculo, sic 3. de præfag. ex pulsibus putredinem cordis statim occidere scribit, *quam enim medicinam excogites ad putredinem quæ cordis corpus occupavit.* Deinde si verum esset cor tantum pravâ qualitate infici, nulla differentia foret inter communem hecticam & pestilentem, siquidem in utraque calor extraneus cordis corpus occupavit. Sequeretur quoque nullam hecticam pestilentem fieri à principio, sed tantum successione aliarum febrium; quod apud Galenum falsum est, Præterea fœtor anhelitus putredinis magnum indicium, in hecticâ pestilenti adesse, solet. Hæc sunt quæ ex Galeni mente afferunt recentiores. Quæ tamen maxime dubia mihi esse videntur, nec piaculum esse existimo asserere Galenum hac in re turpiter fuisse hallucinatum, nam impossibile est putredinem solidas corporis partes prius occupare quam humores, præsertim cum causa externa scilicet aër contenta non minus afficiat quam continentia; Deinde febris hectica est morbus chronicus, pestis vero morbus acutissimus, tum si simplex hectica vix fieri potest incipiendo, ut loquuntur, sed aliis febribus putridis succedit, quid de pestilenti sentiemus. Nec sufficit fœtor ad dignotionem hecticæ pestilentis, nam fœtor potius putredinem arguit pulmonum per quos aër defertur, aut humorum quam ipsius substantiæ cordis; Quod si putredo quæpiam in corde inventa fuit, à quâ interemptus homo fuerit, ut historiis quibusdam constare potest, non tamen febre pestilenti laborabat necessario, indicio aliud quippiam requiri ad pestilentis constitutionem præter putredinem, cum putrescere solida possint sine pestis ullâ suspitione, ut si abscessus, ulceraque in corde fuerint. Deinde pestilens hectica vel contagiosa est vel non, si non sit contagiosa



giola vix pestis censenda est, si contagiosa, sive per fomitem, sive ad distans, sive immediato contactu, humoralis est, nam quod communicatur non qualitas sola est, sed substantia quædam, quæ non nisi ab humore derivari potest & deduci. Demum cum ejusmodi febris à Galeno insanabilis statuatur, de ea ars curare non debet, *quam enim medicinam excogites ad putredinem quæ cordis corpus occupavit.*

III. Nulla igitur est pestilens hæctica aut saltem rarissima, sed frequentior est putrida, & humoralis ex putrescentibus humoribus excitata, modo omnibus ut in syncho, modo uno aut altero, ut in reliquis febrium speciebus. Quidam volunt unicum tantum humorem putrescere, ut *Rondeletius* qui ait febrem pestilentem esse tertium genus ardentis febris à sanguine melancholico excitatæ. Esse ardentem probat sitis inexhausta quæ assidue infestat, incendium magnum circa cor, splenem, ventriculum, pulmones, difficultas anhelandi, aliaque quæ causon sequuntur symptomata. Atram bilem infestare ostendunt mania, delirium cum studio accedens proximè ad furorem, carbunculi, stigmata nigra, conjunctiones planetarum in Saturno, bella, annonæ caritas, unde crassissimis uti alimentis necesse est, quæ sanguinem melancholicum gignunt. Verumtamen cum pestis omnes saltemque plurimos invadat diverso victu utentes, spargaturque ab unâ regione in aliam, credendum non est omnes quos corripit atro sanguine abundare, nec omnis humor calore præternaturali adustus, sit melancholicus. Alii omnes humores putrescere volunt, quorum opinio quoque minus vero consentanea est, sequeretur enim omnem pestilentem esse synochon: Quin etiam ut diximus ex *Galeno & Hippocrate*, pestilens & malignum non est certi morbi & determinati nomen, sed omnibus convenire potest, cumque statutum sit à *Galeno*, pestilentem solâ putredinis excellentiâ à reliquis differre, omnibus humoribus poterit pestilentia convenire; Id demonstrant symptomata quæ pestem consequuntur, quæ adeo varia sunt & diversa, vigilæ, deliria, sitis, inquietudo, somni, sopores, lethargi, stupores, inestitia, timores, & alia infinita, quæ diversorum humorum putredinem arguunt: Quod præterea ex naturæ excretionibus innotescit, nam per alvum, urinas, vomitum, modo unum, modo alterum, modo omnes humores expurgari cernimus, à quibus verisimile est varias febres excitari, eademque fuit *Hippocratis* sententia, qui in Epidemiis, in pestilenti constitutione omnia febrium genera recenset, tertianas, quartanas, lon-

*Putrida  
pestilens.*

*Rondeletii  
opinio.*

B b b

gas,



An hu-  
mores pu-  
trescant  
tantum  
in corde.

gas, inconstantes; *Galenus* quoque narrat nonnullos febribus ardentibus & phrenitide, alios febribus pituitosis & sopore, alios aliter laborasse pro humorum putrescentium varietate, & naturâ partis affectæ. Ex quo aliorum quoque error detegi potest, qui febres ex humoribus in corde putrescentibus fieri volunt, cum tamen febrilis calor aliis in partibus possit contineri, cur enim humor putredinis & venenatæ qualitatis alio in loco, quam in corde non erit capax, corde tantum per sympathiam affecto. Deinde si in solo corde contineretur humor putrescens, perpetuò ad axillas fieret materiæ morbificæ excretio, quod experientiæ repugnat, cum ad aures & inguina, natura humores sæpe deponat, quæ sunt Cerebri & jecoris emunctoria. *Hippocrates* 3. *Epidem.* in statu pestilenti, febres ardentes phrenitici, &c. *Galenus* in commentariis inquit, febres ardentes fuerunt invadentibus jecur & ventriculum biliosis excrementis, phrenitici vero iisdem caput petentibus, quod etiam dicit 1. *Epid. sect. 2. textu* 73. unde patet febrem pestilentem fieri ex putredine non solum humorum qui in corde continentur, sed etiam eorum qui jecur, cerebrum, reliquasque partes infestant, quæque affectæ & laborantes cor possunt in sui consensum trahere, præcipuè tamen fit ex sanguine, aut bile, ut ostendunt variæ maculæ & exanthemata quæ in hac febre solent apparere. Ubi observandum quod superius diximus, putredinem aut massæ sanguineæ, aut cujusdam humoris seorsim febris pestilentis ideam & speciem constituere, sive genus in quo cum cæteris febrium speciebus convenit, pestilentia tamen naturam & formam ab hac putredine non dependere, sed à malignâ qualitate, à qua synochus, ardensque fiunt, dicunturque pestilentes.

An febris  
pestilens  
possit esse  
intermit-  
tens.

IV. Cum igitur constitutum sit à nobis ex omnibus humoribus hanc febrem fieri, non tamen sequenda est plurimorum opinio, qui etiam intermittentem esse posse asseruerunt, quod repugnat *Hippocrati* & rationi, febres enim quocunque modo intermiserint periculum ab esse significant, *aphor. 43. lib. 4.* utpote inquit *Galenus*, quæ nec ex inflammatione, nec ex malignâ humorum putredine originem habeant, Neutra enim harum, inquit ille, ad quietem pervenit febre vacantem. Nec refert quod alii respondent intermittentes non esse periculosas si fiant ex simplici humorum putredine, secus vero si fiant ex malignâ, sed hallucinantur, periculum enim tollit non humoris natura; sed intermissio, siquidem tertiana intermittens secunda est, nec lethalis, non quia



quia à simplici bilis putrefactione oritur, nam sic ardens lethalis non foret & periculosa, sed quia intermittit, & naturæ vincenti non resistit. Si igitur intermissio omne periculum, mortisque metum adimit, pestilens quæ omnium febrium periculosissima est, non potest esse intermittens. Deinde pestilens febris est maximè acuta; At morbi acuti si febres habent, eas sunt continuæ & inseparabiles, non omnes acuti morbi sunt cum febre, ut apoplexia, tetanus, sed qui febres habent, eas habent continuas. Quamvis autem continuæ sint, referunt tamen ideam illarum febrium quæ sunt propriæ humori putrescenti, sicque intelligi debet Hippocrates, quando 3. Epidem. sect. 3. In pestilenti illâ constitutione quam describit, ait febres adfuisse tertianas, quartanas, quotidianas, quia repræsentabant speciem hujus, vel illius febris. Objicit Saxonia datur pestilens sine febre, multò magis pestilens intermittens; Negatur sequela, nam omnis morbus perniciosus non est cum febre, sed si morbus sit intermittens non erit perniciosus. Idem Nicolai Massæ observationem opponit, qui scribit se observasse quartanam pestilentem, quæ ad sexagesimum quartum diem perduravit, quod tamen arbitror esse falsissimum, non fuisset enim morbus acutus, sed chronicus, proindeque salutaris: Nec impossibile fuit Massam in rebus Medicis non minus quam in Anatomicis fuisse deceptum, nam non est absoluta fides adhibenda observationum scriptoribus, qui sæpe nugæ, & deliramenta, somniaque sua observationum loco tradiderunt, turpiterque sæpissimè aberrarunt, quorum opera plurimis in locis indice egent expurgatorio.

## CAP. VIII.

*De signis febris pestilentis.*

1. **S**igna febris pestilentis vel futuram illam portendant, vel præsentem demonstrant, vel præteritam rememorantur. Futuræ autem pestilentis signa incerta admodum mihi videntur, nec necessaria, non negligenda tamen, quia minima hujus adventantis morbi suspicio cautos reddere nos debet, ne imprudentes opprimat. Sumuntur autem præcipuè à causis quæ si præsentis adfuerint, faciliè subsequi febris pestilens potest. Primum signum est aër calidus humidus, Primum ventis carens, 3, epidem. sect. 3. Annus austrinus, pluviosus, à ventis in signum.

Bbb 2

totum







Non impune vident populi, sed crine minaci

Nuntiat aut ratibus ventos, aut urbibus hostes.

An come-  
ta pestem  
portem-  
dant.  
\*

Dicunt quidam Cometas debere oriri ad orientem, quia cum moven-  
tur extra solstitia ad septentrionem & meridiem, minus mali inferunt,  
magis vero noxii sunt, si ad orientem ferantur, quia materia illorum ob-  
copiam non potest à sole edomari & dissipari. Sed hoc signum neces-  
sarium non est, nec respondet experientia, siquidem ut rectè inquit  
*Scaliger*, plurimi visi sunt Cometae, quos nulla sequuta est perniciēs  
mortalium. Anno 1618. apparuit insignis Cometa, quo tempore  
tractatum hunc de febribus anno ætatis meæ vigesimo non tibi Le-  
ctor, sed mihi, Burdegala componebam, quod sydus nec pestem, nec  
annonæ caritatem, sed Gallia & Germaniæ intestina bella, vel po-  
tius nihil portendebat. Non possunt autem esse propria signa, & na-  
turalia, quia non magis pestem quam bella demonstrant, nec super-  
naturalium præterquam Iridis nulla nobis cognitio revelata. Non es-  
se autem Cometas causas signaque pestilentia ita olim me demon-  
strasse memini, cum valde puer Medicinæ darem operam in Scholâ  
Monspelienti, adversus doctissimum Goudinum, qui tunc pro Regiâ  
Professione, quam postea obtinuit, respondebat. Prima ratio petitur  
ex generatione Cometarum, secunda ex effectis cometarum, tertia ab *Prima*  
exemplo *Hippocratis*. Quod autem eorum ortum spectat, ex *4. meteo-*  
*rum*, mista duobus modis intereunt, vel per putredinem, vel per com-  
bustionem, putredo humidorum tantum est, combustio siccorum, un-  
de quæ putrescunt uri non possunt antequam exsiccentur, tamdiuque  
combustioni resistunt, quamdiu humida manent. Febris pestilens ge-  
neratur, secundum communem fermè omnium sententiam, per putre-  
dinem vel ipsius aëris, vel eorum quæ aëri permiscuntur. Cometa ge-  
neratur per unctionem exhalationum. At putredo & combustio sunt  
contraria. Ergo cometa & pestis erunt contraria. Unum igitur non  
erit causa alterius. *Secundò* effectus cometarum duo sunt, *capite septi- Secunda*  
*mo primi Meteor.* Siccitatum & ventorum productio. Siccitates sunt *ratio.*  
contrariæ putredini, & proinde febri pestilenti, sed etiam *aphorismo xv.*  
*lib. tertii* sicca tempestates humidis sunt salubriores, minusque mor-  
tiferæ, sed per Cometas generantur sicca tempestates, ergo gene-  
rantur tempestates saluberrimæ, non igitur pestilentes quæ sunt  
omnium maxime insalubres. Ventorum quoque flatus pestem prohi-  
bet, quia venti aërem puriorem reddunt, perfiant & seminaria conta-



*Tertia  
ratio.*

gionis dissipant. *Tertio Epidem.* status pestilens describitur à ventis omnino tranquillis. *Annus Austrinus pluviosus*, ἀπνοια ἀπὸ πύλων. Est enim duplex constitutio austrina una in quâ flant austri, alia est constitutio calida, humida suffocans, quando cum calore & humiditate aër turbidus est, nebulosus, ventique aut nulli, aut rarissimè spirant. *Tertio* notum est exemplum Hippocratis à *Galeno* laudatum *libro de theriaca ad Pisonem*, qui pestem ab Æthiopiâ ad Græcos venientem accensis ignibus repulit, ex quo exemplo infero; si potuit ignis seminaria pestis aëri admista dissipare, multò magis id præstabit Cometa flagrantissimus, utpote qui sicuti prius ex *Aristotele* dictum, potentissimè exsiccet. Quibus rationibus tolli videtur Cometarum in inferendâ peste efficacia, & in præfagiendâ certitudo. Quidam tamen modum tradere conantur quo portendere & efficere pestem Cometa potest. Scribit *Genilis* hos ignes intelligendos esse conjunctos cum multâ evaporatione præter ipsorum apparitionem. Potest præterea vaporum multitudo esse in aëre, qui si non possint absumi calefiunt, inde excitantur exhalationes authores Cometarum, vapores reliqui remanent in aëre à quibus pestis. Sed hæc solutiones non sunt necessariae, nam si potest adesse vaporum in aëre copia quando cometa apparet, potest quoque non adesse. Tum Cometae faciunt siccitates, vaporesque; si qui sint in aëre dissipant. Alii dicunt Cometas inducere famem & sterilitatem, ex quâ deinde fit pestis. At sic Cometa pestem propriè non portendit, sed famem: deinde sæpe visi sunt Cometae quos nulla famem sequuta est, sed omnium bonorum copia. Invenerunt alii aliud subterfugium, dicunt deflagrante hoc sydere tetrum vaporem spargi per aera, sicut experienciâ videmus extincti ellychnii, carbonumque fumos noxios esse & pestiferos, deinde dum Cometa generatur, magna halituum venenatâ qualitate præditorum copia aëri permiscetur, qui halitus quia mineralem habent materiam & nitrosam, multum possident acrimoniæ & malignitatis, unde multa generantur mala; Et quoniam ex terræ cavernis expirant, putredinemque illic contraxerunt, aërem primum, dein cor inficiunt, Sed hæc negare tam facile est quàm asserere. Unde enim constat hos halitus esse metallicos, acres, malignos, nitrosos, venenatos, cum multi Cometae fuerint sine peste, & multæ pestes nullo præcedente Cometâ. Cum itaque experientia ostendat apparentibus Cometis nullas pestes fieri sæpissimè, nullaque mala inferri, concludendum nullam esse illorum in præfagiendo



giendo rationem habendam maiorem quam reliquorum meteororum. Sed prætereâ certum est multos fieri supra orbem lunæ, non ex materiâ sublunari, quorum significatio si ulla est non est naturalis.

II. Præsentem autem pestem demonstrant symptomata quæ in aliis febribus contingunt, si præter febris naturam & speciem intenduntur, ut febris maximâ quamvis exteriore tepeant, ardeant interiora, cordis palpitatio, lipothymia, syncope, capitis gravitas, delirium, inquietudo, sitis, oris siccitas, spirandi difficultas, vomitus, vigiliæ, &c. Sed maximè adfunt exanthemata, carbunculi, bubones, quæ quando in quopiam primùm apparent, malignam pestilentemque febrem judicare possumus, sed antequam morbus propagetur difficile est asserere peste verâ affectum esse illum qui primus in aliquo loco eo morbo tentatur, in quo nulla hujus mali suspicio est. Igitur si prædictis accedat infectio per contagium, aut morbus Epidemicus esse videatur & grassari in obvios, tunc veram pestem adesse certò asserendum. Sed hæc signa diligentius perscrutemur.

III. Calor nec acris, nec vehemens, sed mitis blandusque sentitur, partesque exteriores tepescere videntur, quamvis interno incendio maximè æstuent, sic refert *Thucydides* in peste illâ quam describit, interna viscera fuisse adeo ferventia, ut quamvis externa teperent, nec vestimenta tamen nec linthea ægri ferre potuerint, quia interior æstus spiritus sanguinemque ad se retrahit, quod tamen signum non est inspirabile, interdum enim vehementissimus & maximus tùm foris, tùm intus calor perferentur, interdum externa quidem tepent, sed non primis diebus, verùm in morbi progressu. Febris ergo videtur à principio mitis, sed gravissimis stipata symptomatis, majoribus, quam calor febrilis promittere videatur. *αὐτὸς τὸ ἀπὸρ μὴ ἀεὶ κατὰ φαντασίαν γίνεται, καὶ μέλλει ἐν αἵματι ποῦ.* concepto scilicet in præcordiis incendio uruntur & ardent, & sæpe fiunt phrenitici, quod maligni morbi signum est, ut sæpe observavimus, quando nec sanguinis fluxu liberari æger potest, multò minus si infra modum sanguis fluat. Quamvis igitur nec calor, nec urina, nec pulsus valdè immutentur, symptomata tamen gravia sunt, ut docent *Paulus* & *Aëtius*, quia venenosa qualitas, non putrefactio, ideo nec calor fatigat, vel ob humorum putrescentium crassitiem, unde non magnus calor foris, sed tantùm intus perferentur. Quod si simul humoris biliosi tenuis & acris putredo adfuerit, tunc magnus etiam ut in aliis febribus calor percipietur.

IV. Pul-



iv. Pulsus quandoque parvi sunt, languidi, frequentes, si vires cordis fuerint admodum labefactatae, aliquando maiores, & vehementiores, si putredo minor fuerit, in universum autem celeres sunt, frequentes, inordinati, inaequales, quia natura oppressa est & maxima urget refrigerandi necessitas, systole quoque celerior est diastole, propter copiam fuliginum. Interdum sanorum pulsibus similes sunt, ut docet *Galenus tertio de praesag. ex pulsibus cap. 3.* de cujus symptomatis causâ multa philosophatur à ratione satis aliena; ad inaequalem cordis intemperiem refert, quando frigida est cordis substantia, contenta autem calida sunt, vel vice versâ, hincque calorem reddi quasi moderatum, naturali similem, quique propterea pulsus non immutet, qualis intemperies imaginaria est, nec in febricitante reperiri potest, ullisque signis dignosci. *Conciliator* id fieri voluit, quia natura putredinis magnitudine & pravitate perterrita, humorem morbificum non aggredditur, unde nec pulsum neque urinam immutat. Quæ sententia absurda est, siquidem facultas corporis nostri est agens naturale, non voluntarium, agere solet quoties agendi causa est, adversus causas morbificas pugnat quantum potest. Præterea oporteret signum hoc frequenter apparere, cum tamen raro videatur. Denique putredo ut plurimum adesse solet, vixque ulla pestilens febris sine illâ consistit. At à putredine pulsus necessariò immutantur. Veriorem causam reddit *Galenus primò de causis pulsuum cap. 8.* ubi docet fieri pulsus similes sanis, quia facultas debilis est & usus auctus, unde ex his duobus pulsus fit veluti moderatus. Alii, ut dicemus, in solâ hecticâ pestilenti signum hoc apparere voluerunt, quod falsum est, cum talis nulla detur. Verisimilius est contingere symptoma hoc quoties sola venenata qualitas, nulla putredo aut exigua fatigat, unde nec humores, nec calor nativus quicquam patiuntur, unde neque pulsus, neque urina immutantur. Ubi notandum hanc pulsus moderationem contingere, vel in principio morbi ob rationem dictam, & postea in progressu succedente putredine pulsus immutari: vel in morbi progressu, etiam cum adjectâ putredine, ubi pulsus qui prius inaequalis erat & inordinatus, fit naturali similis ab rationem à *Galeno* redditam, nam non semper toto morbi decursu pulsus optimus apparet, sed interdum in principio, interdum in morbi progressu.

*Urina.*

v. Urina quoque varia esse solet pro humoris & partis affectæ diversitate, pro majori & minori cruditate & putredine, nam redundante pi-



te pituita, urina alba est crassa, aquosa, flavâ bile abundantē crocea, flava, à sanguine verò rubicunda, cum cruditate erit tenuis, & si humorum effervescentia & adustio fuerit, turbata, lotio jumentorum similis, livida interdum, plumbea & nigra, quandoque maximè foetida, si insignis putredo affuerit, quandoque oleaginosa, ~~neg. xruis~~ ex colliquatione. Scribit Hipp. 2. Epid. tenues & turbatas urinas habuisse eos qui feбри pestiferâ laborabant, quæ cruditatem, & caloris debilitatem ostendunt. Contingit autem, sicuti de pulsu diximus, urinam nonnunquam esse sanorum similem, quod contingere tantùm in pestilenti hectica volunt *Alimarus*, alique recentiores, quia putredo solidas corporis partes occupat, non humores, unde non alteratur urina, quæ tantùm ostendit vitium eorum qui in venis sunt humorum. At superiùs ostendimus non dari ejusmodi hecticam pestilentem, de quâ *Galenus* hoc prognosticum scripsit, incurabilem illam esse, cum nulla medicina inveniri possit ad putredinem quæ cordis corpus occupavit, unde sequeretur febres illas in quibus urina sanorum similis apparet, perpetuò esse lethales, quod tamen certò scimus experientia repugnare, cum plurimas ejusmodi sanaverimus. Imo judico cum *Petro Salio Rivero* febres has in quibus pulsus & urina sanorum similia sunt, inter omnes pestilentes esse curatu facillimas, quia sola viget maligna qualitas alexiteriis edomanda, nulla putredo infestat, quæ sola ægrotanti periculum portendit, difficilioremque curationem reddit, ut ostendunt ardentes febres, quæ solæ periculosæ sunt, quamvis nulla adsit malignitas, nulla venenata qualitas. Imò in illis prava non adsunt symptomata, nec anguntur, nec cruciantur, nec sitiunt, nec dolent, nec alia habent putridarum accidentia. *Argentarius* vult prædictas febres non esse pestilentes, sed malignas tantùm, ridendamque illorum opinionem, qui putant id fieri timiditate naturæ, quæ non audeat venenosam materiam aggredi, Natura enim non agit ex consilio, ipsiusque instrumentum calidum innatum non potest non agere, agitque quantum potest præsentē objecto. Verùm docere debuit *Argentarius* cur in malignâ adsit prædictum symptoma, non in pestilenti, siquidem pestilens non minus noxia est, quam maligna quæ ipsi ita vocatur. *Riolanus* id fieri vult tantùm in ephemerâ pestilenti, non in humoralī, aut quod venenum internum tantùm vitalem facultatem offendat, non jecur, non venosum genus, vel quod excretrix languida nihil humoris morbifici excludat. Vel demùm quoniam

Ccc

niam



niam illius natura in solâ venenosâ qualitate, non in putredine consistit.

*Symptomata.*

v. Pestilentem præterea indicant symptomata, quæ gravissima omnia superveniunt, & sicciora sunt quam in cæteris febribus, ut sunt vigilia, deliria, cataphoræ, memoriæ læsiones, convulsiones, tremores, fœtor anhelitus, syncope, jactatio, inquietudo, cardialgia, vomitus, inappetentia, sitis, respirandi difficultates, quæ febris parvitati non respondent, unde interiora vi & malignâ qualitate infestari est conjectandum. Interdum sitis major est, quam calor postulat, interdum, quoque exigua, lingua tamen existente sicca, quod malignitatis evidentissimum signum est. Excrementa sunt sæpe valde fœtentia quod maximum in leviculâ febre putredinis & venenositatis indicium, sicut & apostita ab humores malignos ventriculi robur dissolventes, aliaque multa prava. Sed maximè bubones, carbunculi, parotides, maculæ, aliæque excretiones ad ignobiles partes à naturâ factæ, quæ quidem inter se differunt colore, magnitudine, copiâ, nam nigræ, purpureæ, lividæ fiunt, interdum plures, interdum pauciores, minores quoque pulicum morsibus similes, interdum majores, ut sunt parotides, bubones, carbunculi, quæ omnes excretiones fiunt conatu naturæ materiam morbificam in habitum corporis expellentis. Contingit etiam ex Hippocrate alvi fluxus colliquativus, 3. *Epidem. Ventris vitio omnes ferè mortui, cunctos namque venter sustulit, quæ evacuabantur erant syntexes*, quod signum ut advertit *Saxonia*, non semper convenit, quia dantur pestilentes quæ non habent alvi fluxum, sed neque omnibus, quia dantur in quibus fluxus est humoris potius nigricantis, aut alterius coloris, quam colliquativus. Et præterea colliquatio symptoma est ardentium; itaque hoc signum cæteris symptomatibus adjungendum est. Appetentia quoque omnino prostrata est, ita ut potius eligant mori, quàm cibum assumant: Qui autem sibi vim afferentes oblata alimenta sumpserunt, omnes ferè fuerunt superstites, ex *Galeno*: atque prædictis signis cognoscuntur febres pestilentes humores.

*Signa hectica pestilentia.*

vii. Præterea signa hectica pestilentis tradunt authores, si nullus percipiatur calor, ita ut vix febricitare sibi ipsis videantur, deprehenditur tamen calor acris manu thoraci impositâ, anhelitus fœtor adest ingens, nullaque exacerbatio, nisi post unam vel alteram horam à cibo sumpto, quæ signa non conveniunt pestilenti hectica, quia nul-



la talis datur, siquidem priora conveniunt aliis febribus humoralibus, ut vidimus superius, postremum verò signum est hecticæ simplicis. Pariter nec describenda sunt signa ephemeræ, quoniam talis febris vix fieri potest, nam sudorem anglicum, quem solum in exemplum ephemeræ adducunt, fuisse febrem humoralem ex ipso sudore superius ostendimus.

IX. Cum autem ægrum jam defunctum invisit Medicus, eum pestis extinctum fuisse signa prædicta ostendunt, si illa adfuerint, tum maxime si maculæ appareant, quæ interdum non vivo, sed mortuo superveniunt ægrotanti, interdum majores, interdum minores, variique coloris; Pariter si appareant bubones, parotides, carbunculi, aliive tumores tetri & coloris & odoris. Quod si nihil eorum in extincto cadavere appareat, tunc sufficere debent quæ prius diximus de causis & signis diagnosticis febris pestilentis.

X. Morbus hic omnium morborum periculosissimus est, & maxime lethalis, ita ut quæcunque demum cura adhibeatur, ferme semper ægrotantium pars maxima pereat, ut vix ex centum decem servantur. Ita ut non sit fidendum plurimis impostoribus qui certam istius morbi curationem pollicentur. Refert *Platerus* Chymicum quendam qui stibio se omnes curaturarum gloriabatur, peste cum uxore suâ periisse & *Adamum à Bodenstein*, in Chymicis versatissimum, cum libello edito se pestem præcavere & curare posse divulgaret, peste correptum, cum ferme ea Basileæ cessaret, interiisse, & ratio est quia pestis verum Alexipharmacum ignotum est, cujus loco iis utimur, quæ vel putredini resistunt, qualis est succus citri, vel cor roborant ut veneno & putredini resistat, quamvis nullâ aliâ vi peculiari pestis causas oppugnent. Curant igitur pestem tantum per accidens, naturam roborando quæ est morborum medicatrix, & quia sæpe valida satis non sunt ista antidota, ideo natura sub onere morbi fatiscit. Periculosior tamen illa est pestilens, in quâ gravia adsunt symptomata, deliria, vigiliæ, convulsiones, sopores, extremorum refrigerationes, vomitus & dejectiones humorum virulentorum, in quâ adsunt exanthemata præsertim viridia, violacea, nigra; Deterrima verò quæ sunt livida, lata, copiosa, & quæ statim occulantur ex *Aëtio*, tum quæ in principio morbi apparent, arguunt enim humoris sævitiam naturam irritantem. Demum omnia symptomata malum præsagunt, nec bonis semper fidendum, visi enim plures sunt qui cum bonis signis interierunt. Mi-



nūstamen lethalis illa censenda est in quā sola venenata qualitas inficit, in quā propterea nec gravia adsunt symptomata, nec pulsus, nec urina immutantur, potest enim solis alexiteriis edomari, sed si putredo simul adfuerit periculosior morbus redditur, ob adjunctam putredinem, quæ alexipharmacis tolli non potest, sic continua omnis putrida acutus morbus est & periculosus, multo autem sævior erit si simul malignitas & venenata qualitas accesserit. *Quærit Mercurialis* an parotides & bubones signum sint exitiale, cum natura videatur per hos tumores humorem morbificum vacuare. Respondet parotidas si appareant in morbi principio vel labefactis viribus esse semper exitiales. Contra vero si in morbi progressu, viribusque firmis contingant, non esse semper lethales. Verum præterea videndum an apparentibus iis morbus levior fiat, symptomata minuantur, viresque redeant alacriores, tunc enim bonæ sunt, & salutares, sed si morbus remaneat, nec levior fiat, lethales, arguunt enim materiæ morbificæ copiam circa partem principem, nam judicatoria non judicantia mala, quod de cæteris excretionibus quoque dicendum est.

## C A P. I X.

*De præservatione à peste.*

1. **P**æservatio à peste in tribus consistit, primum ut causa morbifica evitetur, secundum ut corrigatur, tertium ut corpora adversus illius vim muniantur. Ubi fiunt ab aere morbi, sententia est *Hippocratis* 2. de Nat. humanâ, locum & aerem esse mutandum, *Celsus* dixit esse navigandum, quod si evitari & relinqui locus peste infectus nequeat, tunc adhibenda præservatio est, idque ex *Hippocratis* consilio curandum, ut & purissimus & paucissimus aer admittatur. Sitque ficior & frigidior, quandoquidem putredinem difficilius concipit, ædes ideo septentrionem admittant, claudantur austro, atque omni diligentia mudentur & expurgentur, quod potissimum exemplo *Hippocratis* igne accenso perficiemus, præsertim si ex odoratis accendatur, quia absorbit quæcunque in aere noxia esse possunt, & odore spiritus reficit, cerebrumque recreat. Urantur autem, *quercus, fagus, abies, olea, Juniperus, laurus, lentiscus, cupressus, rosmarinus, salvia, hyssopus, thymus, pulegium, serpillum, rosa, lavendula, xyloaloe, luncus odoratus, cinnamom. caryoph.*  
myr-



myrrha, styrax, benjoinum, ambra, moschus, ex quibus etiam suffitus fieri possunt. In summis autem æstatis ardoribus aer refrigerandus iis, quæ in febre ardente diximus. Potest etiam aer quem inspiramus pomis odoratis alterari, vitando semper calidiora & nimis odorata, quæ cerebro & spiritibus noxia sunt. Fiunt ex ladano, ambra, moscho, caryoph. styrace, benjoino, ligno aloes &c. R ligni aloes, carpobals. cassia ana ʒj. calami aromat. spica ana grana vij. caryophill. nucis moscata ana grana v. styracis ʒj ss. benjoini ʒj. gallie moscata ʒ ss. ambra, moschi ana grana duo, ladani ʒ ss. cum muscilag. gummi tragac. facta in aqua rosar. fiant trochisci, vel pila odorata. Vel R radici angelice ʒij. zedoar. ʒ ss. rosar. rubrar. lavend. ana ʒ ss. seminis nigella, coriandri, corticis citri sicci ana ʒj. nucis moscata, caryophyllor. ana ʒj. cinnamomi, ligni aloes, juniperi, ana ʒij. ladani, styracis ana ʒij. benjoini ʒij. myrrha ʒj. camphora grana vj. cum infus. gummi tragacant. f. pomum odoratum. Vel fiant candelæ odoratæ, quæ accensæ fumum reddunt gratissimum. R myrrha, thuris, benjoini, styracis ana ʒij. ladani ʒj ss. succini ʒ ss. ligni juniperi, aloes, caryophyllor. santali citrini, corticis citri sicci ana ʒj. carbonum salicis ad duplum pondus omnium, cum infusione gummi tragacant. fiant avicula cypria. Utuntur quidam pilis rotundis ex lignis odoratis, quæ intus sunt cavæ, intra quas spongia reconditur imbuta liquore quodam odorato, ut aqua nasse, rosar. cum aceto, ut R radici angel. ʒ ss. benjoini, styracis ana ʒj. camphora, croci ana grana v. Cum aceto fiat infusio, cujus portio spongiæ ad usum dictum excipiat. Præterea ad aerem expurgandum cadavera & res infectæ crementur, sed procul ab urbibus, aquarum stagnantium vapor declinetur, ideo Magistratus mundas servari jubeant urbes quibus præsent, cloacas, paludes, stagna depurent, & quicquid foetorem putredinemque generare potest, omnino tollant.

II. In cibis quantitatem, qualitatem, & utendi modum spectare debemus. Debent autem esse eupeptoi, euchymoi, minimè excrementitii, quique putredinem arceant, quibus addi possunt ad gratiam acetum, omphacium, succus citri, granator. saccharum. Allium vitandum, quamvis à Galeno vocetur theriaca rusticorum, nam æstuosos malosque humores gignit, & tetro odore spiritibus est noxium, Cicutis dixit Horatius allium esse nocentium. Alii tamen commendant quod venenis assumptis profit & valeat adversus aquarum corruptionem; sed aliud est loqui de cibo, aliud de medicamento, potest enim esse remediū ad-



versus venenū aliquod assumptum, quamvis alimentum sit cacochymū homini sano noxium; Eādem ratione vitare oportet raphanos, cepas, porros, fungos, tubera. Abstinere oportet ab omnibus antiquis carnibus, pinguibus & crassioribus & *Averrh. 6. Collig.* Præstantiores sunt carnes pullorum, gallinarum, caponum, phasianorum, perdicum, turturū, juvenum columbarum, hædorum, leporum, caprealorum, vervecum, vitulorum: Coqui possunt cum foliis acetosæ, borrag. pimpinellæ, & tempore frigido, cum zinzibere, cinnamomo, caryophyllis. Ova tremula, forbilia, omphacio & aceto condita profunt: Legumina omnia improbat *Mercurialis*, quod malum succum gignant, multosque scripserit *Hippocrates* in *Æno* ex esu leguminum ægrotasse unde Arabes malè lentes præscribunt. Fugiendi fructus horæi, melones, cucurbitæ, cucumeres, persica &c. quia pravum succum febresque malignas pariunt; Pistacia verò, amygdalæ, avellanæ, nuces conveniunt, sicut inter herbas melissa, borrago, buglossum, acetosa, pimpinella, sonchus, endivia. Pisces non omnino rejiciendos putant *Massaria & Altimarus*, si sint optimi, carne molli & friabili, & in aquis puris & limpidis degant, ut mullus, scorpius, trota, solea, &c. Illud in omnibus eduliis observandum, ut sint optimè parata, nitida, sine sordibus, visuique placeant, & ex locis salubribus defumantur.

*Potus.*

III. Rhazes in potu vinum omnino prohibet, quia humores calefacit, adurit, in caput exhalat, At sic etiam theriaca, & alia antidota rejici deberent. Ideo alii rectius vinum concedunt, quia cardiacum, spiritus instaurat, & roborat adversus causæ externæ efficaciam, nec exurit, nec inflamat, nisi immodicè sumptum. In quantitate ciborum & utendi modo id perpetuò observandum, quod inter sanitatis tuendæ regulas traditur, repletionem crapulamque esse vitandam, lubrica adstringentibus, humida siccis, eupepta dyspeptois præmittenda.

*Exercitia.*

IV. Moderata sint exercitia, imò secundum quosdam optimum nullis uti, sed domi se continere, quia exercitio augetur calor, sicque spiritus multò plus inspirare oportet, quod vetant *Hippocrates & Avicennas*. Attamen ea mihi maximè videntur convenire, si fiant in cælo bene puro, diffuso, ad Aquilonem spectante non autem in loco concluso, vaporoso, declivi, & infecto, sique fiant, non statim à cibo, sed ante cibum, & ejusmodi exercitia calorem nativum roborant, corpusque ab excrementis evacuant. Rhazes in quadam peste refert omnes fermè



fermè interiisse præter venatores, tum quia in aëre libero vivebant, tum quia exercitiis corpus confirmabant. Vitentur tamen choreæ publicæ, hominumque magnus concursus.

v. Somnus & vigilia, si modum excedant malum, igitur utraque sint moderata, dormiendum autem in cubiculo bene clauso, & obturato, ne pestilens aër subeat, qui suffita manè & vesperi emendari potest, dormire autem sub dio, vel juxta arbores quarum, umbra igravis est & noxia, malum.

Ira, metus, tristitia pestis timor, procul faceffant, vita potius hilariter & jucundè transigienda, nam inter omnia animi pathemata maximè nocet mortis timor, unde vespillones qui & assueti sunt & nihil timent, potiusque lucro inhiant, vix unquam peste afficiuntur.

vi. Inanitionem quod spectat, corpora quantum fieri potest excrementis vacua servantur, perspirabilia reddantur, obstructiones internæ aperiantur, unde inutilis quæstio eorum qui quærunt, habitus ratione an densior sit magis pestilentiae obnoxius, nam si transpiratione periculum corpori impendet, multò magis ex inspiratione. Vacuantur autem corpora *primò* venæ sectione, si plethora adsit, observatis iis quæ in ejusmodi remediis observari solent, cujus loco cucurbitulæ partibus inferioribus adhibeantur. *Secundò* purgatione, quam quidam ex fortioribus instituunt medicamentis, euphorbio, colocynt. stibio, diagridio, & similibus. Alii melius utuntur benignioribus, quia priora venenata sunt & maligna, Maximè laudantur pilulæ dictæ pestilenciales, de tribus & Rufi, quamvis Rufus non pilulas sed potionem describat, amarissimam, & ingratiissimam, qualem ægri nostri vix bibere vellent. Haud novi, inquit Rufus, qui hoc potu pestem non superaverit. Constant aloe, myrrha, croco, *Rufus* loco croci addebat ammoniacum: Rhabarbarum quoque salutare est & agaricus. Usurpari possunt cathartica superius in singulis febrium speciebus descripta, humoresque prius, sicuti illic diximus, præparentur, tum calidis tum frigidis, pro humoris peccantis ratione. Vomitus quoque, si adsit stomachi repletio, utilis est, & demum suppressa quælibet evacuatio consueta revocetur. Cauteria, per quæ ichores continuò effluunt, utilia judicantur à *Massariâ*, *Mercuriali*, *Nicolao Florentino*, brachiis, cruribusque apposita, testaturque Mercurialis se neminem vidisse peste extinctum qui cauterium haberet, unde *Galenus* s. *methodi cap. xij.* scribit in pestilentia quâdam sui temporis illos omnes evasisse, quorum scatebant ulceribus corpora.

vii. Præ-



*Acido-  
sa.*

VII. Præter hæc prophylacticis corpora sunt munienda, eadem autem tum præcautioni, tum curationi inserviunt, in formâ Julepi, Syrupi, decocti, infusionis, opiata, tabellarum, aquarum stillatitiarum, & cum verum pestis antidotum ignoretur, quæcunque cardiaca sunt tam calida quàm frigida promiscuè huc referuntur. Præcipua sunt theriaca, mithridatium, diascordium, electuarium de ovo, theriaca diateffaron, quæ remedia calidissima non censet Galenus de theriaca ad Pisonem capite 17. temerè pueris exhibenda, nec æstivo tempore, sed temperanda refrigerantibus; quamvis ostendat experientia felicissimo cum successu ejusmodi remedia laborantibus pueris præberi; Est alia Mithridatis antitotus, ex duabus nucibus, totidem ficibus, rutæ foliis viginti, salis grano, quam singulis diebus qui sumpserit à veneno tutus erit. Est antidotus magna Matthioli, ex infinitis simplicibus coagmentata, quæ à quibusdam valdè laudatur. Ejusmodi alia quamplurima à Medicis materiæ Medicæ peritis præscribi possunt.

*Externa.*

*Epithe-  
mata.*

*Sacculi.*

VIII. Externa medicamenta sunt epithemata cardiaca, & carpis & regioni cordis admota ex theriacâ, mithridatio, oleo scorpionum cum aceto caryophyllato, & succo limonum, R. olei scorpionum ʒ ij. theriaca ʒ j. confect. alchermes ʒ j. caphura g. vj. croci grana duo, olei caryophyll. angelica distillati ana guttam unam M. fiat Epithema. vel R. theriaca ʒ ij. rad. angel. ʒ j. caryophyllor. hortensium, corticis citri sicci ana ʒ ss. croci, camphora ana grana tria, succi limon. ʒ j. vel aceti rosacei tantundem, f. linimentum, regioni cordis applicandum. Sacculi quoque cardiaci assidue gestari possunt. R. flor. anthos, trium cordialium ana P. ss. rad. angel. cort. citri, rad. ireos ana ʒ j. ligni aloes, Santali citrini, macis, nucis moscata ana ʒ ss. croci grana v. fiat pulvis, ex quo sacculus cum bombace. Solent quidam addere lapides pretiosos, sed frustra, quia illorum virtus non potest à calore nostro reduci in actum. Sed sacculis addere venenata ut arsenicum, sublimatum, jam invaluit consuetudo, multorumque medicorum comprobatur auctoritas, & ratio suffragari videtur, ob vehementem scilicet siccitatem, quâ venenum omne absumunt, vel ob qualitatem occultam peculiaremque vim quâ venenum attrahunt, ut pharmacum humorem. Sic à Mercuriali componuntur, R. arsenici crystallini ʒ ij. dictamni albi, croci ana ʒ ij. camphora, euphorbii ana ʒ j. fiat pulvis, qui cum aquâ rosarum & gummi arabico reducatur in pastam, quæ postea exsiccet, & linteo involuta supra cor gestetur. Alii varia præterea ad libitum admiscunt cardiaca, imo & bufonis exsiccati pulverem. Septalio autem &

Massa-



*Massaria* non tantum inutilis, sed & periculosus illorum usus censetur, quia corpus potius lœdere possunt per vapores venenatos, quam cor cui adversantur tueri, si enim admota partes non exsiccant, sed putrefaciunt & corrumpunt, quomodo cor à malignâ qualitate defendent, ut fusè explicat *Massaria* libro de peste.

ix. Periaptis quoque utuntur alii: *Avellanam* argento vivo repletam de collo suspensam probat *Ficinum*. Idem præstare dicuntur *Sapphyrum*, *smaragdum*, *ebur*, *hyacinthus*, si nudum pectus attingant, sicuti pariter laudantur *pentaphylli*, *dictamni*, *betonicæ* radices, si manu gentur. Sed quanta ejusmodi periaptis fides sit adhibenda in methodo generali diximus.

## CAP. X.

*De curatione febris pestilentis.*

i. Illud primum inquirendum an methodo & per indicationes curari febris hæc debeat, Medicus rationalis, ne empiricus credatur, semper methodum affectat, at empirici etiam methodo utuntur, & ordine in curando, sed an indicationibus in febre pestilenti sit utendum hæc quaestio. Quidam solis alexiteriis contenti sunt, quæ omni tempore omni ætati exhibent sine methodo solâ innixi experientiâ. Præstantissimorum tamen Medicorum exemplo non omnis respuenda methodus. Non unam habent febres pestilentes curandi indicationem, sed geminam, triplicemve, nam ratione febris indicant refrigerationem, quæ quamvis evictâ putredine deleatur, non est tamen negligenda: Putredo quoque indicat alterationem & evacuationem; at quia venenata simul putredo est, alexiteriis est utendum. Ubi notandum si sola venenata qualitas fatiget, nec putredinis adsint indicia, ut in plurimis observare est, solis alexiteriis esse utendum, sed si unâ putredo affuerit, alterantia & evacuantia in usum esse revocanda: Solet autem putredo familiaris esse febribus malignis, vixque ulla est quæ illam non habeat comitem, quamvis illius natura in putredine illâ non consistat.

ii. Viçtus rationem quod spectat: Aër frigidus sit siccusque, talisque arte pareatur inspersis aquis refrigerantibus & odoratis, & aceto,

D d d

sub-

an methodo sit curanda?

Dista.



submoveaturque adstantium frequentia; Vigiliæ quæ ægros torquere solent submoveantur omni arte, somnus tamen sit moderatus, nam longior omnino exitialis est, quia qualitas venenata intus remanet, & promptius cor obsidet. Si ergo somnus nimis arctè ægrum detineat, frictionibus, ligaturis & aliis remediis inhibeatur. Omnis animi passio gravior vitanda, ut mœror, ira, timor, præter gaudium & lætitiā. Alvus si nimium adstricta sit, clysteribus interdum sed raro sollicitanda. Vinum non est concedendum ex *Avicennâ*, nec exercitium, neque sitis, quia corpus exsiccant, accendunt, & attrahendi aëris occasionem præbent, unde *Galenus* bolum armenam vetat propinari cum vino si adsit febris, vini autem loco convenit aqua hordei, acetosæ, cum vino granatorum succo berberis, aceto, &c. Nec obstat *Paulum* pilulas Ruffi ex vino propinare, nam tunc vinum ratione medicamenti in paucâ quantitate, non ratione alimenti præscribitur. De cibo dubium est copiosiusne an parcus esse debeat, siquidem ob virium imbecillitatem quæ faciliè dissolvuntur plenius est alendum, & *Galenus* 3. in 3. epidem. com. 58. ait eos servatos fuisse qui sibi vim inferentes cibos alacriter sumpserunt, cui consentiunt omnes Græci & Arabes Oportet inquit *Avicenna*, ut cibi eorum sint ex acetosis, & desiccativis, & eos oportet cogere ad cibum. Itaque quia in his febribus solent crises esse perniciosæ, declinandæ sunt, ideo non tenuis sed plenior victus impetrandus, quo humoris ferocia infringatur, nam ut inquit *Herodotus apud Aëtium*, inedia humorum malignitates augent. Alii tenuem victum imperant, tùm quia morbus est acutus, qui talem victum postulat, tum quia impura corpora quò plus nutries eò magis lædes, augentur enim humores pravi, tùm quia viscerum calor imbecillis est, unde non potest uberiorem alimenti copiam inficere, inde majus accedit corpori nocumentum, nam ut docet *Galenus* xj. method. cap. 16. corpora non aluntur ex his quæ devorantur, sed ex iis quæ in visceribus optimè concoquuntur, & concocta digeruntur. Ideo secundum *Mercurialis* sententiam mediocritas servanda, sæpe & parum exhibendo, nam ex cibo parciore vires collabuntur, plenior easdem obruit, cruditates putredinemque auget: Satiùs igitur est eum sæpius exhibere, modo sit optimi succi & facilis coctionis. Humidior ab omnibus ferme reprobatur, unde quidam etiam pisanæ usum damnarunt, quam tamen nisi alvi fluxus obstiterit, alii commendant, quod refrigeret,

cu-



eupepta sit, minimè excrementosa, præsertim si succo granatorum & similibus medicetur. Jusculis incoquantur, quæ malignitati ob-  
sistunt, ut folia acetosæ, scabiosæ, tormentillæ, melissæ, pimpi-  
nellæ, borraginis, succus citri, limonum, berberis, granator. ace-  
tum rosaceum, omphacium. Jusculum cum vitellis ovorum laudatur,  
sed fructus omnes rejiciendi quia facilè putrescunt, possuntque ci-  
bis admisceri cardiaca & alexiteria. Carnes non competunt in febri-  
bus acutis, multò minùs in malignis, quia corruptionem facillimè  
fubeunt, unde dicit Hippocrates solis sorbitionibus alendos esse ægro-  
tantes.

III. Reliquum curationis quod spectat. Consistit ea inquit *Avi-  
cennas*, in exsiccatione, quæ venæsectione & purgatione perficitur,  
de quibus tamen remediis dubitatio maxima est an convenient, quia  
quicquid fiat à Medico semper ægrorum pars maxima moritur, non  
remedii importunitate sed pravitate morbi. Magna autem hæc  
nusque sub iudice constituta lis est sanguis ne mittendus sit necne,  
cum alii asserant, alii negent, alii scarificatas cucurbitulas, alii hæ-  
morrhoidibus hirudines adhibeant. Quidam igitur venam secan-  
dam esse negant, primò quia vires imbecillæ sunt in pestilenti fe-  
bre, maligna qualitate viribus noxam infert, venæsectio sanguinem  
vacuando vires non sustinet, sed eas etiam labefactat, & ad mor-  
bi ferociam edomandam ineptas reddit. *Secundò Galenus lib. de ci-  
bis boni & mali succi*, omnes refert obiisse quibus sanguis missus es-  
set. Tertiò neque ratione putredinis convenit, quia venæsectione non  
curatur, sed aliis remediis *xj. methodi cap. 15.* nec ratione venena-  
tæ qualitatæ, quia venæsectio venenum à circumferentiâ ad cen-  
trum trahit, unde revocatis in penitiora corporis humoribus mors  
celerius contingit. *Quartò* experientia ostendit venæsectionem in pe-  
ste fuisse noxiam. Refert *Valleriola*, se observasse omnes eos quibus  
detractus fuerat sanguis, interiisse, reliquos autem evasisse magnâ  
ex parte. At qui phlebotomiam admittunt prioribus rationibus re-  
spondent. Primæ quidem in nullo morbo demendum sanguinem na-  
turæ thesaurum si vires non constent, at in pestilenti quamvis exi-  
mia urgeat putredo, vires tamen adesse posse, aliàs omnes interir-  
rent, & sanè recreata natura alacrius insurgit adversus morbum &  
illum superat. Secundæ vero, *Galenum* loqui de peste quâdam in quâ  
ob annonæ penuriam vires erant attritæ, quæque ideo venæsectionem

An vena  
secanda.

Rationes  
negan-  
tium ve-  
næsectio-  
nem.

Responsio.



dehortabantur, ex particulari autem casu universalis propositio non est inferenda. *Tertia* verò satisfaciunt, convenire phlebotomiam ratione materiæ putris quæ evacuatur, nec metuendum esse recursum à circumferentiâ ad centrum, nam præterquam quod quilibet naturæ motus non est imitandus ut symptomaticus, natura præterea onere suo levata, & expedita pondere, alacrius & facilius expulsio- nem in cutim molitur & perficit, ut *1. aphorism. 23.* sanguine ad li- pothymiam misso plurimis sudores contingunt. Nec absurdum ef- se putant venenum in vasis majoribus consistens venæsectione edu- ci debere, modò vires constent: Quamvis enim venenum haustum venæsectione in venas rapiatur, proptereaque statim aliis remediis è ventriculo vacuandum sit, antequam ulterius serpat, eadem ta- men ratio non est de veneno in venis majoribus concepto, è qui- bus nullo remedio commodius quam sanguine misso evacuatnr, ve- næsectione autem humores à centro ad circumferentiâ trahi non contra rectè ostendit Augen. lib. 4. cap. 19. de phlebotom. quia mi- nores venæ à majoribus, & hæ ab aliis trahunt donec ad jecur & ventriculum fiat attractio, tum quia naturaliter venæ habitus corpo- ris trahunt à primis venis. *Quarid* demum loco autoritatem oppo- nunt Medicorum contrariâ experienciâ certantium, qui pariter obser- varunt omnes, aut saltem quamplurimos venæsectione fuisse libera- tos, quamvis hæc sit hujus morbi sevitia, ut quibuscunque adhi- bitis remediis ægros interficiat, quod natura morbi, non remedio tri- buendum.

*Rationes  
proban-  
tium ve-  
næsectio-  
nem.*

v. Et quidem sanguinem mittendum esse voluit *Avicennas*, cum in- quit cardinem curationis esse exsiccationem, eamque fieri & pharma- cis & sanguinis missione, eandem probat *Galenus 3. epidem. 20.* In Cri- tone, & *3. in 3.* in proœmio, & in historiâ Calvi Larissæ *Rufus apud Oribas. 6. synops. 25.* *Aëtius sermone quinto, cap. 95.* *Paulus cap. 36. lib. 2.* *Avenzoar lib. 3.* *Theizer. Rhazes 3. Continentis*, quibus quamplurimi ex recentioribus adstipulantur. *Primò* in morbo magno mittendus est sanguis, sed pestilens febris est morbus magnus, magnum enim mor- bum etiam cacoethia constituit. *Secundò* est ex genere putridarum, at in omni putridâ, optimum est sanguinem mittere, si enim vacuatione indigeat, quis vacuantia remedia denegabit: Inde corpus refrigera- tur, febris minuitur, peccantis materiæ portio demitur, sudores ef- fluunt, libera in omnibus meatibus spiratio efficitur. *Tertiò* si vene-  
num



num citissimè est ex corporibus educendum, illudque potissimum in sanguine consistat, educto sanguine tolletur fomes veneno, causâ externâ prius aut evitatâ, aut alteratâ. *Quartò Galenus 3. epid. 1. textu 26. quærit cur Hippocrates in historiâ Critonis non miserit sanguinem, respondet id factum quia in principio non fuit accersitus, quasi si opportunè accessisset, sanguinem mittere debuisset. Idem Galenus 14. methodi cap. 16. in carbunculo pestilenti & 3. nat. teor. cap. 2. in parotidibus, & 6. Epid. textu 30. apparentibus exanthematis & posse mitti & debere. Plurima præterea addunt tum de tempore, tum de sanguinis mittendi quantitate, ex generali methodo repetenda. Quidam post quartum diem nefas esse putant sanguinem mittere, aliàs vires malignâ putredine concidunt, unde Hippocrates non meminit venæsectionis in casu Critonis, quia in principio non fuit vocatus, quasi post principium venam secare non liceat; Alii ex Galeni consilio non dierum sed virium rationem habent, ita ut præsentibus scopis phlebotomiæ, etiam vigesimo morbi die eam faciendam censeant, sicut etiam primâ die ab eâ abstinendum si vires fuerint exolutæ, & Critoni non missum fuisse sanguinem, non quia principium morbi præterierat, sed quia vires morbi sævitâ erant dejectæ, quod pustulæ nigræ in cute efflorescentes ostendebant.*

v. Affirmativa pars fermè in Scholis obtinet principatum, quæ *Conclusio*  
tamen non est absolutè sequenda, nec experientiæ consentit, si-  
quidem vidimus omnes quibus aut meo aut aliorum consilio san-  
guis in ejusmodi febre missus fuit, ad unum interiisse, reliquos fer-  
mè omnes sanatos, & ratio suffragatur. Siquidem eidem morbo  
non conveniunt repletio & inanitio, at febris pestilenti convenit re-  
pletio, scilicet victus plenus, non igitur venæsectio. Consideran-  
da hic venenata qualitas, quæ si sola fatiget, solis alexipharmacis  
erit utendum, sed si præterea humorum putrefactio conjungatur,  
plethora adsit, sanguis mitti poterit, aliàs minime, unde quam-  
vis quamplurimis phlebotomia prodesse queat pesti tamen non con-  
venit quâ pestis, sed tantum ratione adjunctæ plenitudinis, & pu-  
tredinis humorum in vasis. Unde superioribus respondemus, nec  
omni morbo magno, nec omni febris putridæ, nec veneno debe-  
ri sanguinis missionem. Non debet autem authorum recensitorum  
authoritas prævalere, quoniam veteribus pestis Natura & curatio  
vix satis cognita fuit, tamque jejunos de eâ reliquere sermones, ut



recentioribus in hoc morbo potius fides sit adhibenda quam veteribus.

*Hirudi-  
nes.*

VI. Sed loco venæ sectionis alii probant hirudines hæmorrhoidibus appositas, quæ prævum sæculentumque sanguinem attrahunt, quæ evacuatio præterquam quod per excretioni destinata loca evacuat, sit præterea sine magnâ spirituum refulatione, cum guttatim & per angustas venas sanguis profluat, & ab intimis partibus revellat, in quibus solet morbi fomes latitare.

*Cucurbi-  
tula.*

VII. Eâdem ratione cucurbitulæ profunt scarificatæ, quas ideo venæ sectioni quidam præferunt, quia ex hac interior sanguis magis vacuatur, spiritus magis exhauriuntur, venenum in corpus universum diffunditur, Cucurbitulis contra extrahitur magis venenum ad corporis ambitum, & superficiem, motusque naturæ adjuvatur. Sed principio febris non debent apponi, quoniam 13. *methodi* non conveniunt in plethoricis ante vacationem & purgationem, sicut neque in phlegmone, sive Cerebri membranas sive alias partes occupet, nō sunt scapulis apponendæ ut quidam faciunt, quia cor nimis calefacerent, humores ab universo corpore ad ipsum attraherent unde scribit *Avicennas* tremorem cordis generare, nisi ut docet *Antyllus*, ferventibus internis visceribus frigeant exteriora, ut in febribus lipyriis, tunc valde conveniunt. Applicandæ igitur sunt potius partibus inferioribus, ut natibus, & ex sententiâ *Apollonii Medici* apud *Oribasium*, cruribus, nam spiritus non dissipant & multum à corde revellunt. Sed operatio quam describit *Oribasius*, differt à cucurbitulis scarificatis, & à scarificatione vulgari, de quâ plura diximus in generali methodo.

*Vesican-  
tula.*

VIII. Inter Chirurgica auxilia laudantur Vesicantia, quæ à partibus internis ad externas venenum trahunt; Remedium erat veteribus familiare, nam *Oribasius lib. 8. Collect. cap. 19.* probat vesicantia ad revulsionem veneni à partibus nobilibus ad ignobiles; *Iacobus de partibus* valde ea extollit brachiis & cruribus apposita. Sed tamen non omnibus placent recentioribus. *Primò* quia calidissima cum sint in calido affectu non conveniunt; *Secundò* dolorem & molestiam ingentem pariunt. *Tertiò* ulcera pariunt curatu difficilia & turpia. *Quartò* naturæ motus remorantur. *Quintò* humorum coctionem prohibent. Sed convenire ejusmodi remedia censent authores quamplurimi. *Oribasius, Aëtius, Paulus, Mercurialis, Saxonia*, aliique, quia venenum à partibus internis ad externas & à corde remotas potenter revellunt, sic do-

cet



cet Galenus, fluxiones in caput & thoracem tendentes per acria esse retrahendas, siue cum febre fuerint, siue citra febrem. Rhazes aliqui veteres quibus ignota erant huiusmodi remedia, veneni tamen ad exteriora attractionem semper proponunt. Præterea calorem febrilem ad exteriora revocant, cataphoras, deliria, fluxusque sedant ex sententiâ, Rusu apud Aëtium. Paulus valdè probat cap. 36. lib. 2. In iis quibus ardor interiora occupat, Summa inalgescunt. præcordia contrahuntur, venter colliquata dejicit, mens desipit, lingua est aspera, hi calefacientia postulant, ut calor per totum corpus distrahatur, aut si alio modo ab internis foras poteris elici. Nec quicquam valent rationes prædictæ. Primæ satisfiet si dicamus phœnigmos præscribi propter symptomata febri adjuncta, non propter febrem, quin potius præscribi ad revulsionem & vacuationem humorum calidorum, quibus expurgatis interiora refrigerantur potius quam incalescunt. Ad secundam dico non esse adeo dolorosa, sed si essent quid tum! ratione doloris attrahunt, quod si dolorifica remedia exploderentur, funditus tolleretur ars medendi. Ad tertiam Respondeo, non semper sequi magna ulcera, quin etiam sæpe ejusmodi ulcera profunt, Naturâ expurgante quicquid noxium est & perniciosum in corpore. Ad quartam, negamus impedire Naturæ motus, quin potius in principio admota eos promovent. Sic quoque quintam negamus, scilicet prohibere coctionem, nam evacuant ea quæ noxia sunt, nec talem in his expectare oportet coctionem, qualis desideratur in reliquis humoribus, humor enim summè putridus concoqui non potest ex Galeno, ut docet Saxonia libro 2. de Phœnigmo. Statim autem in principio ubi malignitas morbis dignoscitur sunt adhibenda, non autem ut quidam faciunt rebus desperatis & in summâ virium imbecillitate. Apponuntur autem cruribus paulò supra malleolum, & carpis manuum, quod si capitis symptomata urgeant etiam pone aures. Fiunt autem ex variis rebus, flammulâ jovis, ranunculo, vulgo ex cantharidibus, sinapi, euphorbio, fermento & aceto acerrimo. R. cantharidum præparatar. ℥ iij. sinapi, euphorbii ana ʒ j. seminis ameos ʒ ss. fermenti ʒ iij. cera refina q. s. addito aceto acerrimo fiat massa, qua prædictis locis applicetur. Quod si metus sit exulcerationis vesicæ prætermisiss Cantharidibus, præparari poterit ex Sinapi, euphorbio, nitro, thapsiâ, Sandarac. Squamâ aris, are usso, vitriolo, elaterio, squillâ, lacte ithymali, nasturtio, lepidio, tartaro usso, fimo columbino, &c. R. Sinapi ʒ ij. euphorb. ʒ j. caricarum pinguium ʒ iij. cum aquâ vitæ fiat pasta. R. Sinapi, nitri ana ʒ j ss. eupho-



*euphorbii, thapsia ana ʒ ij. dissolvatur gummi in aceto squillitico, & cum cera fiat ceratum.* Pars primum abradenda est, dein ad ruborem fricanda, panno aspero, & acrioribus, non autem oleosis, quia acrium vim habent. Vesicæ autem apparentes acu perforentur ut ichor exeat, post illinantur butyro cum brassicâ, aut in nimio dolore unguento de cerussâ. Post admoventur attrahens aliquod ceratum ut diachylon, donec tempus sit ulcera claudendi, quod ceratum de minio, vel diachalciteos commodè perficiet.

*Purgatio  
114.*

ix. De purgatione pariter dubitatur, utrum illa conveniat? Quidam negant, alii concedunt, idque non nisi in principio, alii materiâ tantum concoctâ: Quidam lenientia tantum, alii vehementiora ut scammonium, antimonium præscribunt. Non convenire autem multi volunt; *Primò* quia vires languidæ vix possunt medicamento & morbi sævitiam ferre: *Secundò* sola venenata qualitas lædit in pestilentia, quæ non catharsi, sed alexiteriis edomatur. *Tertiò Hippocrates 2. Epidem. 56.* Omnes, inquit, venter sustulit, purgationes multos offendeabant, si igitur alui fluxus lethalis est, omittenda est purgatio, unde *Celsus & Rhazes*, nolunt, in pestilentia alvum esse ciendam. Contrarium docet *Avicenna*, cum prodidit febrem pestilentem exsiccationem per phlebotomiam & ventris solutionem requirere, & *Hippocrates 3. Epidem. sect. 3.* docet quosdam alui & urinarum excretionem fuisse sanatos, cum enim cacoehymia insignis adsit hæc aliter quam purgatione vacuari nequit. Respondent quidam si alui fluxus fuerit colliquativus, vel futurus timeatur, omnino abstinendum, quod cognoscitur si febris fuerit ardens, adsint ventris tormina, rugitus, murmurationes, viresque sint dejectæ, tuncque cautè esse agendum, quod si nihil tale adfuerint, catharsin posse commodè imperari. Dubitant alii an in principio danda sint, tùm qualia conveniant; Respondent plurimi statim in principio danda esse. Certum est in doctrinâ *Galenii*, humorem illum qui Naturæ gratiam acquirere nequit, statim è corpore esse educendum, ne putredo augeatur, ideo *cap. 18. lib. de Constit. artis*, pituitam salsam statim evacuandam consulit, quia concoqui non potest. Constituit siquidem humorum putrescentium species tres, unam eorum quibus Natura dominatur, alteram eorum qui partim superantur, partim superant, tertiam eorum in quibus Natura semper superatur, quia humores concoqui non possunt, & à Naturâ edomari, propterea statim è corpore sunt educendi. Præterea febris hæc



hæc est morbus acutus, in acutis autem si quid videtur movendum, move, siquidem tardare, malum ex aphorismo. Demum ubi materia turget statim est vacuandum, ne, *ut inquit Galenus*, in partem aliquam nobilem ruat. At in febre pestifera materia turget, imo & partem nobilem obsidet, quare est purganda, unde *Avicennas* statim vacuandum præcipit. Acris materia est ardens, virulenta, quæ undequaque agitata partes principes petit. *Oribasius, Aëtius, Paulus*, adeo varia pestis symptomata recensent, ut ea omnia à turgente materiâ proficisci facile sit agnoscere. Sed blandis potius quam vehementioribus medicamentis est agendum: Validiora enim quia calida venenata & visceribus ac naturæ insensa, plus detrimenti afferunt quam emolumenti, præcipuè cum in pestilentia, frequens sit alui fluxus colliquativus; Insuper introrsum trahunt contagem, sanguinem præterea, humores & corpus nimium agitant, unde ab iis abstinere bonum est, sic in bubonibus veneris purgatio perniciosum humorem in intima corporis deducit, multò periculosius idem in pestiferis contingeret. Convenient igitur leviora *rhabarb. agarius, myrobalani, tamarindi, syrupus rosar. solut. catholicon, hiera, pilula Rusi*; Sed Cassiam quidam prohibent, quod humectet; At pariter nec jusculis, nec ptisanâ, sed solo biscocto alendi forent ægrotantes, nec adeo humectat ac illi censent, tùm in corpore nec remanet, nec in eo putrescit. Gentilis & Savonarola fortia præferunt benignis, quia morbus non dat inducias, nec humor potest à naturâ probè concoqui. At dum promptum auxilium præcipiti malo adhibere volunt, verendum ne venenum multiplicent partes nobiles labefactent, & ægrum in mortem præcipitent. Clysteribus etiam uti possumus quotidie aut alternis diebus, ex decocto refrigerante, decocto hordei, vel sero lactis, cum Saccharo, butyro, & oleo ac melle violato. Decoctum veronicæ cum butyro bene salito injicit *Crato*. Alii cremorem hordei, ad humores ut aiunt contemperandos. Vomitoriis quidam utuntur etiam validissimis, stibium porrigit *Matthiolum*, quorum usu cum viderim plurimos interemptos, ab iis censeo abstinendum, nam humores venenatos, non tantum retrahunt in interiora, sed etiam in partem nobilem, valdè sensibilem per arterias & nervos cordi consentientem, unde convulsionis, delirii, syncopes, mortisque periculum impendet, unde si Natura in morbi principio hanc viam affectet, erit vomitus ille symptomaticus, perniciosus, & propterea cohibendus.

Ecc

x. Cum



Alteran-  
tia.

x. Cum igitur nec satis tuta sint remedia tum Chirurgica, tum purgantia, ad alterantia veniamus & alexiteria, quibus statim in principio quidam utuntur, antequam maligna qualitas cor occupaverit, nam ex 3. de prasag. expulsibus, ubi venenata qualitas cor obsidet, æger desperata est salutis. Ubi Notandum hæcenus verum pestis Antidotum esse ignotum, ex sententiâ Cratonis, Mercurialis, & aliorum Medicorum, nos tantum vulgaribus utimur alexipharmacis simplicibus & compositis quæ naturam roborent, unde non mirum si veri remedii ignoracione tot pereant. Quæstio est an calida esse debeant, an frigida. Recentiores quamplurimi qui methodum & indicationes affectant, sola commendant refrigerantia ratione febris; Rondeletius laudat pulveres diamargarit frigidi, triasant. Diatragac. addito crytallo, & à pulvere bezoardico tollere jubet semen ruta, dictamnium, radicem tunici, quia nimium calefaciant. Idem improbat pulverem de bolo, & theriacam quia calida habent quamplurima simplicia, probat autem refrigerantes syropos & aquas, eaque quæ in febre ardenti dicta sunt. At Galenus qui probat & laudat bolum armenam, idem probat theriacam quæ calida est; Agunt hæc non qualitatibus manifestis, sed totius substantiæ proprietate, unde quamvis frigida convenient, non tamen nisi quæ sunt cardiaca, & veneno opitulantur, nam cum ejusmodi refrigerantia vix ardentem synochonue febrem superent, quomodo evincant pestilentem. Non semper igitur frigida esse debent; Ideo fermè omnes qui pestilentium curationem tradunt, calida non minus quam frigida usurpant. Alterantia autem humorum qualitates emendant, obstructions aperiunt, putredinem prohibent, suntque pro humorum diversitate varianda, nam in calidis qui utplurimum peccare solent, conveniunt succi limonum, arantiorum, granator, acetum, & similia in febre ardente & synocho recensita, cum decocto acetosæ borrag. lactucæ, portul. scabiosæ, cichorii, endiviæ, R<sup>z</sup> Succigranator, limon. aceti rosacei, vel caryophyllati ana ℥ ℔. succi pomor. ribes ana ℥ j. aquar. acetosæ, buglos. melissa, scabiosa ana ℥ ij. camphora grana v. cum saccharo. fiat julep. R<sup>z</sup> aqua rosar. acetosæ, borrag. ana ℥ ij. aquæ cinnam. ℥ j. vini albi ℥ i ℔. manus Christi perlæ ℥ ij. cornucervi ℥ ℔. bulliant in alembico caco; Colat. adde sacchari ℥ iij. syropi de limonibus, vini granator. ana ℥ j. f. julep. R<sup>z</sup> conservar. florum cordialium ℥ j. ℔. corticis citri condii ℥ ℔. confect. alchermes ℥ ℔. boli armena optima ℥ j. coralli rub. crystalli, margarit. preparat. ana ℥ ℔. rosar. eboris, cornu cervi ana ℥ j. fragmentor. pretiosor. ℔ j. pulveris diamarg.



diamarg. & bezoardici ana ʒj. cum syr. caryophyllor. hortensium fiat Electuar. Tabellæ quoque fieri possunt ex prædictis, vel si nilibus pulveribus cum saccharo. Quidam adstringentia minus probant, ut granata, sed quia his febribus solet adesse fluxus colliquativus, humorumque putredinem & agitationem sedant, maxime conveniunt. Aquam quoque frigidam in pestiferis laudant Celsus & Avicennas, Mercurialis experientia propria idem confirmat, sunt enim ut plurimum febres ardentes. At quamvis in febribus ardentibus eam laudet Hippocrates, in pestilentibus tamen minus conferre censent alii, quia præscribitur ab Hippocrate gratia evacuationis post coctionem, ubi Natura valida est, at in pestiferis cum vires sint imbecilles, natura non sit valida, ea inferet mala quæ recensentur ab Hippocrate 2. acutorum. Sed si alteretur vel decoquendo cornu Cervi, vel auram extinguendo, vel admistis syrupis commodissime poterit propinari. In frigidis humoribus conveniet mel rosat. syrupus de beton. de scordio, de corticibus citri, cum decocto agrimon. torment. dictamni, scordii, pimpinellæ, myrrhidis, sem. citri & similia.

xi. Alexiteriis demum utendum est partim simplicibus, partim <sup>Alexite-</sup> compositis, qualia sunt corallia, margaritæ, Cornu cervi, rasura eboris, folia auri, fragmenta pretiosa, species cordiales, diamargariton frig. elect. de ovo, & similia, sed præcipue laudantur <sup>ria.</sup> bolus armena, terra sigillata, lapis bezoar, unicornu, theriaca, mithridatium, spiritus vitrioli, & ex his quæ simplicia sunt vix vera inveniuntur; Bolum quidem armenam valde laudat Galenus, eamque solam profuisse scribit, cum vino datam, ubi nulla aderat aut exigua febris, vel cum aqua ubi febris infestat, Nos cum aquis borraginis, acetosæ, scordii, florum citri exhibere possumus. Idem de terrâ sigillatâ dicendum. Sed hæc adulterata afferuntur, nec veram terram lemniam habemus, nec bolum armenam, si credendum Matthiolo, tum quia venalis non est apud Turcas, tum quia nec ex eodem monte eruitur, nec colorem habet illius quam vidit Galenus in Lemno. Vult Amatus terram eam quæ sub nomine bolli orientalis venditur esse veram lemniam, sigillatam autem esse adulterinam. Hodie ex Silesia & Hungaria defertur bolus non inferior terrâ lemnâ Galeni, qui ejus succedaneum esse potest. Lapis bezoar <sup>Bezoari.</sup> valde laudatur à Rhaze & à Matthiolo; sed recentiores plurimi nullum insignem illius effectum se percepisse afferunt, forsan quia verus lapis rarus est, promiscue lapides tum orientales, tum occidentales usur-



pantur, suntque alii ex Indiis allati, omnino veris similis qui tamen nullam vim habent, multi factitii sunt, novi Pharmacopœum qui ita affabre ejusmodi lapidem conficiebat, ut à nemine fraus detegi potuerit. Quicquid sit nullum unquam hujusce lapidis salutarem effectum videre mihi contigit, ut propterea mihi videatur in posterum ex antidotorum albo expungendus; si tamen quispiam illi confidat, ut conceptæ opinioni satisfaciatur eo utatur à granis tribus ad duodecim, cum aquâ cardiacâ, scorzonærâ, florum citri, cardui benedicti: Sed temerè non est illi fidendum, rarò siquidem verus reperitur. Quidam non minorem quam lapidi bezoar vim attribuunt oculis cancerorum, imò & à quibusdam pulvis chelærum cancri marini qui dicitur *laugousta*, censetur præstantior lapide bezoartico. Cornu quoque monocerotis primum obtinet inter alexiteria locum, sed nunc incipit in infima collocari, siquidem dubitatur an ejusmodi cornu possit reperiri. Quatuor sunt animalia ex Aristotele & Eliano, quæ unicum in fronte cornu gerunt, *Rhinoceros*, *monoceros*, *oryx*, *asinus Indicus*. Sed quid propriè sit Monoceros quæritur, cum hætenus navigationibus indicis non potuerit explorari, & qui se vidisse ejusmodi animal referunt, tam parum consentiunt in illius descriptione, ut vix abesse à fabulâ ipsorum relationes videantur. Servatur in æde Divi Dionisii juxta Luteriam ingens cornu quod dicitur esse Monocerotis, ad sunt quoque referente *Amato* in ærario D. Marci venetiis duo ejusmodi cornua, brachiali crassitie, longitudine bicubitali, prætii inestimabilis, quæ semel in anno ascensionis die cum pluribus & variis pretiosissimis rebus palam ostenduntur. Ex prædictis omnibus animalibus unius tantum cornu adversus venena prædicti authores celebrant, quo Reges Indorum utuntur. Quidam cornua illa probant quæ in aquam demersa spumam emittunt, sed idem præstant omnia cornua in scobem redacta. *Aristoteles* non meminit Monocerotis, sed tantum Asini Indici & Origis. *Alianus*, qui describit Monocerota, vim tamen alexiteriam illi non tribuit, sed Asino; Apud *Galenum* quoque aliàs diligentissimum materiæ Medicæ indagatorem altum est de ejusmodi cornu silentium, unde plurimi tutius esse putant familiaribus uti quam istis adeo incertis & ignotis. *Amatus* tamen ejusmodi cornu plurimum commendat ad ð iiij. datum, in aqua nasse adversus pestem, & operari ait interdum vomitu, interdum sudore, interdum secessu. Plura autem esse animalia tam terrestria quam aquatica quæ unicum in fronte cornu



cornu gerant recensent historiæ quorum plurima describit *Ambrosius Patens*, & quamvis ignoretur cuinam potissimum animali nomen monocerotis ~~quod~~ <sup>quæ</sup> ~~conueniat~~ <sup>conueniat</sup>, non deneganda tamen virtus horum cornuum, cum omnium exotericorum origo vix adhuc plenè innotuerit, nam si cornu cervi probamus, cur facultas eadem reliquis cornibus adimetur? Nam cum uaria sint colore, magnitudine cornua à diuersis prodire animalibus verisimile est, siue igitur cornu sit aut Asini Indici, quod *Ælinianus* comprobat, siue Rhinocerotis, siue animalis aquatici perinde est, dummodo vires experientiæ respondeant, non igitur morose inquirendum puto sintne Monocerotis, vel alterius animalis cornua, dummodo bona sint & efficacia, imo parum quoque refert sitne animal bicornè, an unicornè. Quod si non prodesse alicui videantur, nocere tamen nemo asseret, ideo illis suum in Medicinâ locum relinquendum esse puto, ut etiam dixi lib. 4. error. Popular.

xii. De auro, argento gemmisque dubitat *Erasmus* an quicquam *Gemma* prolint, nam si agere debet medicamentum dissolvi debet ut deducatur in actum. At hæc talia excernuntur qualia ingesta fuere, nullâ molis & ponderis imminutione. Hunc sequuntur Medici fermè omnes, qui ut rationales videantur, occultas qualitates libenter non condunt, nec arcana Paracelsica, nec magneticas virtutes, nihilque probant nisi quod *Galenus* olim dixerit. At posse gemmas dissolvi quotidiana demonstrat experientia, & præstantissimas habere vires, nec est necesse omnia in actum reduci qualem illi commenti sunt, emanare siquidem vires tanquam à magnete, tum succini, tum magnetis ipsius historia demonstrat, quidni idem de auro & gemmis dicetur? Aurum potabile laudant Chymici, cuius tamen præparandi modum hæcenus docere non potuerunt, nisi per aquas ardens & causticas, corpori perniciosas, unde auro foliato potius utendum quam ulla illius præparatione ut diximus *cap. de hecicâ*. Theriacam & mithridatium summis laudibus extollit *Galenus* in pestiferis, sed iis non est utendum ut quidam faciunt cum solutivis, quia pharmaci actionem remorantur, illosque substantiam corpori inimicam in præcordiis detinent. Monent quoque recentiores, non esse exhibenda ante coctionem, ne corpus nimium agitent, obstructions augeant, humores commoveant; Sic *Galenus* eos reprehendit qui in quartanis theriacâ utebantur, ante coctionem, siquidem ex simplici in duplicem, triplicemve immutabant,

Ecc 3

red-

De hæc  
quaestione  
in metho-  
do gene-  
rali agi-  
tur.



reddebantque curatu difficiliorem. Præter hæc summis laudibus camphoram extollit *Gesnerus*, Alii galegæ succum, juniperi extractum, baccarumque lauri, aliaque cardiaca, quæ seorsim & etiam aliis admixta profunt.

*De spiritu  
Vitrioli.*

xiiii. Sed spiritus vitrioli adeo magnis laudibus extollitur, ut nihil ferme huic remedio æquale habere credantur Pharmacopœi. Easdem vires obtinet spiritus sulphuris. *Quercetanus*, alique Chymici in aceto & succo limonum vires inesse vitriolicas volunt. Est autem prædictus spiritus valde acris, nec debet nisi in exigua quantitate alio liquore permixtus exhiberi, exsiccat enim, putredini & malignitati resistit; Quidam tamen sed pauci improbant, quia septicum cum sit non potest tutò exhiberi, sed ab acrimoniâ, ejusque vi putrefaciente nos vindicat dosis exigua, & alterius liquoris permixtio, sicut aceto, succo citri, limonum, berberis innoxie utimur, etsi gemmas lapidesque acrimoniâ suâ corrodant. Therma vitriolata salutarem ejus usum ostendunt, nam præparatione multa illi adempta fuere, quæ erant in integro, unde non sicut integrum corpus perturbat, aut vomitus ciet, sed calorem febrilem extinguit, & humorum ferociam consopit. Objicies *Galenum* xj. Methodi in febribus rejicere usum aquarum vitriolarum. Respondeo id intelligendum de externo earum usu, quod poros constringant, putredinem & calorem augeant. Quamvis igitur plurima adsint febribus istis idonea, spiritus tamen iste non est rejiciendus.

*Descri-  
ptiones  
varia-  
rum an-  
tidota-  
rum.*

xiv. Tam varia autem remedia adversus pestem à veteribus & Neotericis præscripta videre licet, ut tædiosum sit ea & legere & describere, similia quilibet componere potest, qui materiam medicam noverit, quam inter affectus cordis describemus, sunt enim omnia cardiaca quæ pesti destinantur, cum verum illius alexipharmacum hactenus ignotum sit. Commendantur autem præcipue aquæ distillatæ, extracta, electuaria, infusiones, syrapi, pulveres, quorum exempla quædam addemus, & primum aquas.

xv. R<sup>z</sup> rad. tormentillæ lb j. rad. enulæ ℥ iiij. rad. tunicis & dictamni ana ℥ iiij. acetosa cum seminibus lb j. buglos. borrag. cum florib. rosar. rubrar. ana lb j. pimpinella, scabiosa ana lbss. succi limon. lb j. theriacæ lbss. aqua vitæ optima lbss. santali albi, rubri, ben albi & rubri, margaritar. ana ℥ ij. ossis de corde cervi ℥ j. croci ℥ ss. caphuræ ℥ ss. Inf. simul, in fimo equino per dies xv. fiat distillatio lento igne, & ter cohobetur. Dosis cochleate unum, describitur à

Guai-



Guainerio, & summè laudatur ab Hollerio. R<sup>ad.</sup> tormentilla, lappa majoris, pimpinella, succisa, valeriana, ana  $\mathfrak{z}$  iij. Imperatoria, Angelica, dictamni, gentiana, serpentaria ana  $\mathfrak{z}$  j. caparum, nucum viridium ana  $\mathfrak{z}$  vj. foliorum scabiosa, verbenæ, calendula, ruta, acetosa, card. bened. ana M. ij. Camphora  $\mathfrak{z}$  j.  $\mathfrak{ss}$ . aqua vita  $\mathfrak{z}$  j.  $\mathfrak{ss}$ . vini albi Mensur. j.  $\mathfrak{ss}$ . mithridat. theriac. ana  $\mathfrak{z}$  j. aceti rosacei  $\mathfrak{z}$  ij. Eliciat<sup>r</sup> aqua, cujus dosi sit ad  $\mathfrak{z}$  j.  $\mathfrak{ss}$ . ad summum. Valde commendatur à Platero. R<sup>ad.</sup> angelica, imperat. valer. dictamni, succisa, pimpinella, bistorta, ana  $\mathfrak{z}$  j. Zedoar. rad. asclepiad. ana  $\mathfrak{z}$   $\mathfrak{ss}$ . folior. verbenæ, scabiosa, ruta, calend. ana M. j. granor. juniperi, baccar. lauri ana  $\mathfrak{z}$  j. cinnam.  $\mathfrak{z}$  iij. croci  $\mathfrak{z}$   $\mathfrak{ss}$ . aqua vita, vini optimi ana  $\mathfrak{t}$  j. stent in infusione per dies octo, distillantur, dosi sit ad  $\mathfrak{z}$  j. vel cochleare unum. Plures videri possunt apud Quercetanum in Pharmacopœâ, quæ huc referantur, ut elixir vitæ majus, aqua cœlestis, bezoardica Langii, aliæque ex antidotariis repetendæ. Nucum viridium aqua summopere laudatur, Macerentur nuces in aceto per octiduum, conterantur & distillantur sublato aceto. Usurpari quoque possunt aquæ cardiacæ Saxonie, quæ describuntur lib. de febribus, & de Plicâ, extantque in Pharmacopœâ Londinensi. Hic addenda est aqua Mariæ dicta quam Mouffætus olim composuit. R<sup>ad.</sup> aque Cælestis  $\mathfrak{t}$  ij. Moschi, ambra ana grana xvij. Croci grana xv. stent in infusione per dies xiiij. tunc adde Syrupum sequentem R<sup>ad.</sup> sacchari  $\mathfrak{t}$  j. vini canarini  $\mathfrak{z}$  vj. aqua rosar.  $\mathfrak{z}$  iij. M. Prædictis si addatur theriaca fiet aqua theriacalis cujus tam variæ sunt descriptiones. Extat optima descriptio in Antidotario Londinensi. & in Pharmacopœâ Quercetani. Sequens mihi est familiaris R<sup>ad.</sup> ruta M. j. dictamni cretici, card. ana M. j.  $\mathfrak{ss}$ . angel. zedoar. corticis citri viridis vel sicci ana  $\mathfrak{z}$  ij. flor. tunici, rosar. vel magmatis rosar. prius distillatar. ana P. j. Cinnamom. caryophyllor. ana  $\mathfrak{z}$  j. folior. melis. M. j. florum calendula, anthos P. j. semin. anisi, nuci moscata ana  $\mathfrak{z}$   $\mathfrak{ss}$ . theriaca Andromac. Mithridat. ana  $\mathfrak{z}$  ij. ligni aloes  $\mathfrak{z}$  j. vini Hispanici  $\mathfrak{t}$  vj. Inf. per dies tres vel quatuor, dein distillantur lento igne per balneum Mariæ, iterari potest bis terve affundendo priorem aquam facibus. Vel R<sup>ad.</sup> theriaca optima  $\mathfrak{z}$  j. myrrha  $\mathfrak{z}$  ij. croci  $\mathfrak{z}$  j. aqua vita  $\mathfrak{z}$  viij. distillantur. Dosi sit ad  $\mathfrak{z}$   $\mathfrak{ss}$ . cum S. Vurioli guttis aliquot, & Syrupi limonum  $\mathfrak{z}$  j. Similes quilibet ad libitum præscribere potest. Sed Infusiones aquis distillatis sunt longè efficaciores, quæ ex prædictis solum infusis componi possunt, tum ex sequentibus R<sup>ad.</sup> aqua vita  $\mathfrak{z}$  x. theriaca  $\mathfrak{z}$   $\mathfrak{ss}$ . myrrha croci ana  $\mathfrak{z}$  j. liquoris Zinzib. piperis ana  $\mathfrak{z}$   $\mathfrak{ss}$ . Misce, sit insigne diaphoreticum ex Paracello desumptum, quod imitatus est Quer-



Quercetanus R̄ theriaca ʒ j. B. myrrha ʒ B. croci ʒ ij. S. Vini ʒ vj. M. distillantur, sed infusio multo præstantior est. R̄ theriaca Andromachi, electuar. de Ovo ana ʒ j. camphora ʒ ij. zinzib. albi, caryophyll. ana ʒ j. aqua vitæ ʒ vj. Syrupi de succo limon. vel citri ʒ ij. sacchari candi ʒ j. croci ʒ B. pulveris diamarg. frig. de gemmis ana ʒ j. fiat infusio in balneo, cujus dotis sit ad ʒ j. Sequens à me fuit experientiâ comprobata R̄ succi limon. calend. ana ʒ ij. aqua cardui bened. ʒ ij. Sp. Vini ʒ B. theriaca ʒ j. B. myrrha ʒ j. rad. tussilag. ʒ j. Spermat. ceti, terra silestiacæ ana ʒ B. rad. Asclepiadis, seu vincetoxici ʒ B. dictamni, pimpin. valer. angel. ana ʒ ij. camphor. ʒ j. sacchari candi ʒ B. stent simul bene obturato vase ad solem vel in loco calido per octiduum, dos sit cochlear unum, aut alterum pro ratione personæ, sudores abundè movet, tuncque nihil cibi sumatur per horas quatuor. Infusio theriacæ solius in vini spiritu sufficere potest quoniam theriaca fermè omnia habet simplicia quæ ad hunc usum adhibentur, & notandum quod docet Gesnerus lib. 2. epist. theriacam recentem veteri esse præstantiorem, efficacius venenis & pesti adversari, quod credo esse verissimum, quicquid Galenus dicat in contrarium, mistioque opii non ad caliditatem medicamenti refrænandam ut Galenici sentiunt, sed ad sudores promovendos à veteribus omnibus antidotis addebatur, opium siquidem & narcotica frigida esse sensibus adversatur, ut alibi diximus, Extat in Antidotario Londinensi acetum theriacale optimum Magma-  
ti aqua theriacalis adde caryophyll. ʒ j. flor. lavend. tunicis ana ʒ vj. aceti ro-  
sati, & sambucini ana pintas ij. fiat digestio per octiduum. & per manicam co-  
latura.

Syrupi. xvi. Syrupi quoque fieri possunt R̄ rad. angel. bardana, petasit. chelidon. tormentilla, dictamni albi, pimpinella, cruciata ana ʒ B. rad. imperator. Zedoar. ana ʒ ij. foliorum acetosa, verbenæ, ruta, scordii, cardui benedicti, calendula cum floribus, salviæ ana M. j. granor. Iunip. baccar. lauri ana ʒ j. f. decoct. ad ʒ j. cui per residentiam clarificata adde sacchari ʒ j. Iterum clarificetur & coquatur in Syrupi consistentiam. R̄ Verbenæ, scabiosa, galega ana M. j. granorum Iuniperi P. j. f. decoctio & cum saccharo Syrupus.

Electua-  
ria. xvii. Pulveres quoque & electuaria ex prædictis confici possunt. R̄ boli armenæ ʒ j. rad. tormentilla, tunicis, dictamni, ana ʒ j. rasura ebo-  
ris, spod. corticis citri ana ʒ B. margaritar. ʒ ij. fragmentorum pretiosor. ana ʒ j. cornu monocerotus ʒ B. f. pulvis. Prostat in officinis pulvis liberantis qui à Valerio Cordo primum descriptus, postea fuit reliquis Antido-  
tariis



tariis infertus, Pulvis baccarum lauri, & hederæ vel arboreæ, vel muralis maximè commendatur. R rad. angel. myrrhid. imperator. ana ʒ ij. rad. torment. carlina, vincetoxici, pimpin. morsus, phu ana ʒ j. Zedoaria, Aristoloc. gentiana ana ʒ ss. granor. Iuniperi, baccar. lauri ana ʒ j. cinnamomi, ligni aloes ana ʒ ss. folior. cardui bened. scordii, ruta, verbenæ, florum cordial. ana ʒ j. croci, piperis, macis ana ʒ j. rasura eboris ʒ j ss. cornu cervi ʒ j. cornu monocerot. ʒ ss. lapidum pretiosor. margarit. ʒ j. boli sacco citri preparati ʒ ss. camphora ʒ ss. Semini acetosa, cardui, citri ana ʒ ss. pulveriscentur omnia, & cum sacchari ʒ iij. mellis lb j. fiat electuarius. Est præterea diascordium Fracastorii, electuarius de ovo, cujus varix sunt descriptiones, quæ omnes in idem redeunt, theriaca, mithridatium, electuar. de nucibus à Fuchsio descriptum, & Chalmetao, antidotus de sanguinibus, aliaque infinita ex authoribus practicis repetenda. R conserva flor. calend. corticis citri conditi ana ʒ j. conserva rosar. nymphae ana ʒ ss. theriaca ʒ ij. confectionis de hyacintho, pulveris liberantis ana ʒ j ss. boli armena, terra silestiacæ ana ʒ ss. cum syr. de limonib. vel caryophyll. hortens. fiat electuar. R mithridat. theriaca ana ʒ ss. rad. tormentilla, sem. Iunip. ana ʒ j. boli armena ʒ ij. specier. diamargarit. ʒ j. cum syr. idoneo fiat electuar. Trochisci, R radice Ireos ʒ j. rad. angel. ʒ ss. Zedoar. ʒ j. caryophyllor. ʒ ss. boli armena ʒ j. sacchari ʒ j ss. cum infus. gummi tragac. fiant trochisci. R corticis citri sicci, ligni aloes ana ʒ j. cinnam. ʒ ij. sem. coriand. santali citrini ana ʒ j. sacchari ʒ ss. cum prædictâ infusione fiant trochisci.

XIIX. Demum prædicta in varias potiones possunt efformari. R the- Potiones.  
riaca ʒ ss. succi scabiosa ʒ ss. aqua angel. & vini ana ʒ j. M. f. potio. R elect.  
de ovo ʒ j. decocti Zedoar. vel aquæ marie ʒ j ss. syr. limon. ʒ j. M. f. potio.  
R mithrid. ʒ ij. croci grana duo pulver. diamarg. ʒ j. diamoschi ʒ ss. aquæ  
nucum virid. ʒ iij. M. f. potio, adde si vis camphoræ grana duo aceti caryophyl-  
lati vel theriacal. ʒ ss. syrup. limon. ʒ ss. R capam parum coctam infunde in  
aceto & post succum exprime, adde theriaca ʒ j. syr. de acetos. citri ʒ j. aquæ  
bezoard. langii ʒ ss. aceti caryophyllati ʒ ss. f. virioli guttas ij. sacchari candi  
ʒ ij. f. potio. Gesnerus antidotum saxonicam aquis idoneis dissolutam  
maximè commendat.

XIX. Exterius admoventur epithemata, unguenta, sacculi, & alia Externa.  
ejusmodi ex superioribus capitibus repetenda. R aquar. acetosa, verbe-  
næ, melissæ, rosar. ana ʒ iij. aceti rosacei ʒ j. succi limonum ʒ ss. vini optimi  
ʒ ij. trochiscor. de camphora ʒ ss. specierum diamargarit. ʒ j. M. f. epithema,  
addi potest theriaca, crocus, moscus. R theriaca ʒ j. specier. diamb. ʒ ss. ca-

Fff

phu-



phura ʒj. olei scorpionum compositi ʒj. M. fiat unguentum regioni cordis applicandum. Oleum scorpionum compositum valde commendat Matthiolus, arteriis temporum & carpis illitum, cuius descriptio apud eundem videri potest. Hæc autem topica non nisi calefacta admoveantur, & ubi refrigerantur statim sunt amovenda, tum enim meatus constringunt & ægrotanti noxam haud exigua inferunt. Et hæc sufficiunt. Plura legantur apud Hollerium, & reliquos scriptores, qui ad nauseam usque varia remedia congesierunt, cum tamen unum & alterum bene probatum sufficiat.

## C A P. XI.

## De febre purpurea.

I. **D**E febre purpurea agunt recentiores, tanquam de morbo veteribus ignoto, & à febre pestilenti distincto, eodem prorsus modo quo Germani doctos & prolixos tractatus fecere de scorbuto, qui morbus non est, sed symptomatum multorum affectus hypochondriis succedentium congeries, sic purpura symptoma tantum est febris pestilentis, non autem ulla illius differentia, nec species. Vocantur quibusdam *peticula*, *pestichia*, aliis *lenticula*, aliis *purpura*, ob symptoma in cute apparens. Solent autem etiam in aliis affectibus maculae quædam purpuris similes apparere, quæ tamen malignæ non sunt, nec in pestilenti apparet affectu, sed in lienosis, in diuturnis viscerum obstructionibus, in icteritiis, in scorbuticis, in omnibus iis qui ex viscerum imbecillitate sanguinem generant aquosum, proclivesque sunt ad cachexiam; Fiunt sicut in enchymomate à sanguinis tenuitate, qui ex minoribus venis elapsus in cute efflorescit. In illis siquidem sanguis tenuis & aquosus, facile per nares effluit, aut exit è venis in habitum corporis, ubi livescit, nigrescit, & in alienum colorem permutatur, fiuntque à sanguine tenui & imbecillo jecore, ut in scorbuticis.

Macula  
lienosa-  
rum.

Macula  
pestilentes  
an sint  
morbus  
novus.

II. Maculae autem nostræ pulicum moribus similes, in febre tantum maligna & pestilenti, non in aliis sese produnt. Febres hæc antiquis incognitæ perhibentur, primumque à *Fracastrio* observatæ, quod tamen minus verisimile mihi videtur, siquidem *Hippocrates* in Coacis nominat, *Aëtius* ait in febribus malignis apparere ma-



maculas similes moribus culicum, quæ tamen non exulcerantur, unde quamvis antiqui febrium malignarum exquisitam non fecerint tractationem, symptomata tamen hæc ignorasse non est credendum, sed sicut cætera morbi accidentia parum curasse, siquidem curationem non immutant, & nihil propriè indicant, ideoque nos supra inter febres pestilentis signa recensuimus, & sub nomine exanthematum comprehendendi commodè possunt *ἐξάνθημα*, inquit Hippocrates, *διὸν καὶ γινώσκουσιν*; & ratio suffragatur, quamvis enim concedendum sit novos interdum morbos externæ causæ vi suscitari, Natura tamen corporis nostri gubernatrix quæ eadem perpetuò est, non solet novos affectare excernendi modos; unde cum semper familiaris fuerit excretio per corporis habitum in sudores, maculas, & papulas, cur hæc in febribus malignis sicut in aliis morbis contingere non poterunt? Si enim excernendi modus causæ procatarcticæ vi ciceretur forsitan novo morbo ingruente, novus quoque Naturæ impetus contingeret, qualis in aliis morbis non fuerat observatus. At humorum excretio Naturæ actio est. In lue venerea, quam novum morbum esse omnes fatentur, natura humorem malignum per bubones, alioque cutis exanthemata, non minus quam benignum in aliis morbis evacuat. Non est igitur novum, humores in cute efflorescere, eamque variè aspersis maculis inficere, cum ejusmodi excretiones sint naturæ familiares, & satis frequenter in aliis morbis apparentes, in sugillatis, in vitiligine, in scorbuticis cur insolens id erit in malignis? Quod si fiunt tubercula exanthemata, quidni maculæ? At nemo exanthemata nova dixerit. Idem de maculis sentiendum. Ad quod ulteriùs probandum referre possumus rationem illam quæ *Cælius Aurelianus* doctè & eleganter demonstrat hydrophobiam non posse esse morbum novum, de quâ alibi à nobis dicitur. Nostri temporibus omnes omnino febres pestilentes habent hoc symptoma, nec ulla est in quâ ægri ferimè omne maculis ejusmodi non laborent, *Thucydides* in peste illâ maximâ quam describit, corpus ait fuisse rubrum, fuscum, minutis papulis scatens, febrefque rubræ quas *Hippocrates* 6. *Epidem* recenset, quid aliud esse possunt, quam febres hæc rubentibus maculis insignes, cum in nullo alio febrium genere appareant.

III. Fiunt autem ex humorum in vasis ferventium parte tenuiori *Causæ*, & vaporosâ, unde citissimè accedunt receduntque, sine tumore, pruritu, ulceratione, quamvis interdum asperitas quædam cutis simul



An sint  
critica  
macula.  
\*

contingat. Semper autem symptomaticè erumpunt, nunquam criticè quicquid *Alimarius*, & *Salus* scripserint, nam in febribus quæ synochi speciem habent, exeunt tertio quarto, nono die quando omnia sunt cruda, sine ullâ morbi solutione, nam neque humorem vacuant, neque febrem tollunt. Quapropter quocunque morbi tempore eruperint, humorum sævitiam, fervorem, ebullitionemque demonstrant, ac humoris malignitatem quâ natura cogitur excretionem hanc frustra tentare. Unde quamvis ne minima quidem humoris maligni pars his maculis vacuetur, propensionem tamen & conatum Naturæ humores ad superficiem corporis pellentis indicant. Unde malè plurimi & ægro melius sperare videntur, quoties plures apparent, cum enim morbum nec solvant, nec minimam ejus partem adimant, humoris maligni majorem copiam arguunt, ideoque periculosiores censei debent. Attamen ex paucitate macularum salus non portenditur, nam sæpe imbecillior natura excretionem perficere non potest, quod si robur virium ad sit paucitas hæc humoris quoque paucitatem arguit, nisi maculæ retrocesserint, qui casus lethalis esse solet, ob humoris venenati recursum in viscera, & penetralia corporis. Nec obstat quod quidam dicunt critico die & post signa coctionis posse erumpere, sicque esse criticas, non enim quicquid die criticâ contingit, criticum censei debet, nihil paucum criticum est, liberalis enim & libera esse debet excretio quæ critica est. Signa autem coctionis in hoc morbo sunt infida, urinæ solent esse sanis similes, vidique omnibus signis coctionis salutem portendentibus, ægros ex hac febre pereuntes; Igitur si signa coctionis appareant, æger melius habeat, febris cesset, symptomata remittantur, excretio aliqua succedat, satis benè sperandum, aliàs si cum signis coctionis remaneat febris, nec symptomata leviora fiant, coctio nihil boni significabit, quod tantum in febre pestilenti contingit, nam in aliis morbis qui urinas immutare possunt, signa coctionis quocunque tempore appareant, nunquam sunt mala, ut diximus *cap. de temporibus febrium.*

Differen-  
tia.

IV. Variæ autem sunt macularum differentia, præcipuæ à colore & quantitate desumuntur. A colore, aliæ sunt rubræ omnium tutissimæ, quæ à sanguine puriori, aliæ flavæ, vel virides, prioribus deteriores, quoniam à majori sanguinis putredine, & acrimoniâ generantur, aliæ nigræ, ceruleæ, omnium pessimæ, ab humoribus summè adustis & in atram bilem degenerantibus prognatæ A quantitate copiosiores



piofiores sunt, pauciores, maiores, minores, pro materiæ quantitate, crassitie, lentore, virtutis robore vel debilitate. Sed præterea tempus considerandum, aliæ statim in principio, aliæ procedente morbo erumpunt, raro tamen cum febre ipsâ incipiunt, sæpius in progressu exeunt, Non sunt enim febris pestilentis signum pathognomicum, sed epigenomenon. Quæ citius prodeunt, magnam quidem humoris malignitatem, sed virium robur, materiæ tenuitatem arguunt: Contra quæ tardius erumpunt, aut ut interdum fit post mortem, sine ingenti periculo esse non possunt, ob humorum malignorum crassitiem, cutis densitatem, viriumque infirmitatem.

v. Cognoscuntur autem si malignæ febres grassentur, & apparentibus earum indiciiis maculæ hæ prodeant; Solet febris primò ita mitis esse ut vix se laborare ægri percipiant, calor mitis apparet, sed interna perturbatio maxima est, symptomata gravia sunt, contractio & lassitudo in universo corpore perferuntur, capitis gravitas adest, & ferme semper mens perturbata, sensus sunt hebetes, urinæ subalbæ, confusæ, interdum rubentes, vino granatorum similes, sed sæpe sanorum similes, imo quibusdam sine dolore retinentur, quod pessimum signum est, ob emortuum vesicæ sensum, cæteraque adfunt, de quibus alibi diximus, febris malignæ symptomata. Solent hæ maculæ præcipuè apparere in dorso, brachiis, cruribus, & pectore, rarissimè in facie, quia aëri externo obvia est, cujus frigidity humor intrò repellitur. Cum igitur ejusmodi maculæ se produnt, si die critico præcedentibus signis coctionis exeant, rubicundæ, purpureæ, nec intro remeantes, res ægri paulò melius se habent, si cardiacis natura roboretur, sudorque erumpat, quamvis non sint salutare, sed majorem perniciem indicant, quæ lividæ sunt, violaceæ, nigræ, quæ subito disparescent, introque recurrunt, & ante coctionis signa ferè erumpunt, tunc enim vix mors evitari potest. Hic notandum maculas has interdum toto morbi decursu non apparere, sed extincto homine post mortem pullulare; Apparent autem vel instar vibicum, vel instar morsus pulicum, vel tanquam magni livores, idem contingit in iis qui veneno extincti sunt, tum etiam quandoque in strangulatis, quod facile cognoscetur si causas signaque præcedentia Medicus intueatur, in strangulatis semper sunt nigri coloris, in peste mortuis certum non habent colorem, sed possunt esse vari. Causa autem eruptionis harum macularum est, quoniam extincto calore innato, calor internus quicun-

Signa.

Chy ap-  
pareant  
præ mor-  
tem.

Fff 3

que



que tandem sit, siue naturalis, siue præter naturam, exteriora petit, & simul humores sanguinisque ichores cum à facultate naturali non amplius regantur, ad externa ducuntur, & ob cutis densitatem in eâ firmantur, eamque inficiunt. Quidam à virtute expulsiuâ aliquamdiu post mortem remanente, id fieri crediderunt. At extincto cadavere omnes vires extinguuntur, quod si expultrix remanet, quidni re-tentrix? Et si vivente adhuc animali non potuit expultrix hos humores secernere, quomodo expellere poterit in extincto, aliàs vires erunt in mortuis quàm in viventibus validiores. Fit igitur expulsio hæc, quoniam humores à Naturâ non reguntur, unde ex omnibus partibus effluunt per aures, nares, os, anum, quæcunque illis in cavitatibus continebantur. In strangulatis autem maculæ illæ nigræ, & livores, non eadem ratione apparent, sed quia humores spiritusque interclusi quantum fieri potest agitantur diffundunturque, ut necessario vasa quædam non interna tantum sed etiam externa lacerentur & disrumpantur, ex quibus sicut in enchymomate, è capillaribus venis sanguis in cutim effluit, illicque refrigeratus livores maculasque illas generat, unde colligo adversus *Rondeletium*, periculosum esse contactam cadaverum peste mortuorum, ob motum humorum perniciosorum ab interiois ad externa unâ cum calore evaporantium.

vi. Sed præterea sunt maculæ pestilentes ab aliis maculis discernendæ. A lentigine quidem figurâ, magnitudine & febre distinguuntur, nam sunt cum febre eaque malignâ & pestilenti. A morfibuspulicem, quoniam in his in medio puncturæ vestigium apparet, quod compressione non evanescit, in purpuris verò nullum puncturæ vestigium est, compressione quidem recedunt, sed iterum redeunt.

*Curatio  
Purgatio.*

vii. Curam autem quod spectat, quæcunque superius diximus huc referri possunt. Cum enim symptoma curationem non postulet, sintque purpuræ febris pestilentis tum Epidemicæ, tum sporadicæ accidens, nihil peculiare indicant, sed domitâ febre, & evictâ malignitate sponte evanescent. Quidam à blandiorum catharticorum usu auspicantur, quæ primas vias vacuent, hæcque si in principio adhibeantur conferre possunt, in progressu morbi quando maculæ sese produnt, plurimum nocent, ne noxius humor quem Natura ad cutem propellere nititur, retrocedat, & interiora viscera labefactet. Venæ sectionem plurimi commendant, quia febris synochus est, in quâ ad animi deliquium sanguinem mittit *Galenus*, neque id maculæ erumpentes prohibere

*Vina se-  
ctio.*



hibere videntur, quia critica evacuationes non sunt, sed in principio solent apparere, nihil ægrum juvant, nullamque materiæ morbificæ partem demunt, sed tantum sanguinis fervorem & ebullitionem indicant, qui venæ sectione commodissime temperatur, quinimo Natura oneris quo gravabatur parte levata, reliquum facilius superat & expellit. Venæ sectionem improbant reliqui, ut *Frascorius*; qui potius experientia quam ratione nituntur, quibus nunc accedo, quamvis puer contrarium publice propugnari; At aliud est in Scholis disceptare, aliud remedia in humano corpore experiri. Cum enim plurimas ejusmodi viderim, observavi omnes etiam juvenes, plethoricosque quibus aut meo, aut aliorum consilio sanguis missus fuit omnes ad unum interuisse. Idem observarunt quamplurimi, quorum autoritas experientia innixa sufficere deberet. Phlebotomiam siquidem non maculæ prodeuntes, sed febris Natura prohibet, quæ hoc remedio non tollitur. Neque hic verum est naturam oneris parte levatam alacrius excretionem perficere, id enim locum habet, in morbis quos humorum copia generavit, at in hac febre venenum solum fatigat, & sæpissime nulla putredo adest, ut vidimus in ejusmodi febribus sanguinem emissum rubentem, citò concreascentem, tanquam à victimâ, nullis ne minimæ quidem corruptionis notis laborantem. Cum enim maculæ propensionem Naturæ indicent, si demptâ hac humorum mole, qua laborare natura dicitur, alacrior reddita, pro maculis pustulas in universum corpus, sicuti in variolis & morbillis, reponeret, verisimile foret eam prius obrutam humoribus excretionem proficere non potuisse: At siue instituatur venæ sectio, siue omittatur, febres purpuratæ quantumvis synochi esse dicantur, nunquam emergunt in pustulas, sed solis maculis, inanis & irrita vacuatione cutim inficiunt. Ideo sicuti superiori capite diximus à missione sanguinis abstinere, nisi summa putredo simul venenatæ qualitati adjungatur, ut in febre ardenti, synocho non improbarem ob corruptionem humorum additum.

VIII. Ideo potius Alexiteriis utendum & cardiacis ad cutim Naturæ imitatione ducentibus, *Educere oportet quo Natura vergit, per loca convenientia.* At convenientissima regio est cutis, ad quam transferatur materia perniciofa internas occupans partes; Sic quoque *erisypelas* ab interioribus ad exteriora verti bonum esse, prodidit *Hippocrates*. At materia maligna deterior est eâ quæ *erisypelas* facit imò cum sit venenosa, eamque



Etamque Natura ab intimis visceribus ad cutim traducere conetur, omnino huic expulsiōi opitulandum esse ratio suadet. Frigidus aer prohibeatur, ne naturæ & medicamenti alexipharmaci motum inturbet. R̄ rhapontici, radicis tormentilla, scorzonera, dictamni albi ana ℥ ℔. Zodoar. ℥ ℔. folior. acetosa M. j. scord. galega cardui bened. ana M. ℔ sem. napi citri ana ℥ ℔. flor. cordial. P. j. fiat decoctio ad ℥. viij. dissolue syrupi limonum ℥ iij. sp. sulphuris guttas xij. fiat julep. in tres doses. vel R̄ succi galega, scordii, acetosa, citri ana ℔ j. vini canarini ℔ ℔. theriaca optima ℥ iij. Mista digerantur aliquandiu postea distillantur. Sequens remedium creditur esse Fernelii. R̄ aquar. scabiosa, pimpin. ulmaria, cardui bened. ana ℥ iij. aqua theriacalis ℥ iij. succi citri ℥ ℔. fiat julep. quo utatur supius. Sic autem componitur aqua theriacalis. R̄ scabiosa, pimpin. morsus diaboli, buglos. borrag. ana M. j. ℔. oxalidis M. vj. seminis card. bened. rasura cornu cerni ana ℥ j. ℔. fiat decoctio ad ℔ v. dein adde mithridat. ℔ ℔. theriacis ℥ iij. conserva borrag. buglos. veronica ana ℥ iij. aquar. buglos. scabiosa, morsus, cardui bened. ana ℥ iij. fiat distillatio in alembico vitreo lento igne. R̄ aqua predicta ℥ iij. syr. de acetositate citri ℥ iij. julep. Sed hæc aqua non est valde rara; Quidam sequentem pulverem laudant. R̄ sacchari ℥ iij. zinziberis ℥ ij. camphora ℥ j. fiat pulvis, cujus dosi sit ℥ j. in aquis cardiacis. R̄ albumen unius ovi, croci ℔ j. spiritus vini cochlearia tria, per lintegm exprimantur, & additis camphora granis duobus sudor provocetur. Item cordi hepatis admoveantur epithemata ex conservis rosarum, violarum, ocellorum, scabiosa, theriacâ, mithridatio cum succo citri, & similibus super linteam extensa, aut liquida superius descripta, vitatis semper nimium refrigerantibus & adstringentibus, ne materiam peccantem venenosam ad intra repellant. Vesicantia quoque cruribus & brachiis quidam admovent, ut prava ichores ad cutim attrahant, & à corde revellant, de quibus sicut & de cæteris roborantibus abundè superiori capite diximus.

## C A P. X I I.

## De febribus Colliquativis.

1. **F**EBrium pestilentium symptoma syntexis est sive colliquatio, à qua febres dicuntur syntectica & colliquativa; Sumitur autem hoc nomen diversimodè, nam generalissimè loquendo ita vocantur febres



febres omnes in quibus solidarum partium alimentum aut sensibilibiter & brevi tempore liquatur, aut insensibilibiter & paulatim dissolvitur, sed propriè loquendo, sensibilis adest colliquatio, aut per alvum, aut per urinam, aut per sudorem. Liquari autem ea dicuntur quæ crassa & concreta cum sint solvantur, humidiora & fluxilia evadunt, ut oleum, adeps, cera, plumbum, sic in craticulâ, veru, carniū adeps, pinguedoque secernitur & defluit, ac liquefcit. Idem contingit in viventibus dum febrilis calor humidum solidarum partium depascitur; Impropriè tamen & per abufum quælibet partium solidarum abfumptio intelligitur, cum insensibiliter exsiccantur & extenuantur, ut *aphorismi* 28. lib. 2. *ἡ δὲ σπομένη μετὰ τὸν κατὰ φύσιν λίαν*. Galenus asseruit verbum hoc impropriè & per abufum sumi. Ita ut generali significato duæ febrium harum species constitui possint. Quedam sensibilem habent colliquationem, quædam insensibilem. Sensilis de quâ hic agimus in pestilentibus & ardentibus, insensilis in hecticis, & in quibusdam ardentibus, cernitur, quando cutis raritas adest, & tenuibus humoribus corpus abundat, qui facile halitus specie resolvuntur, de quibus agit Hippocrates, cum describit faciem hippocraticam, ut docet Galenus in commentario ad illum locū. Sed propriè colliquativæ sunt in quibus adeps & caro sensibilibiter confluant in ventrem, quando autem per urinas & sudores vacuantur, minus propriè syntecticæ vocantur. Harum autem febrium naturam videtur Galenus eleganter expressisse *x Methodi cap. ultimo*, ubi docet differentiam inter marasmus & colliquativas, quod in his portio carnis quæ colliquatur defluit in ventrem, in illis vaporis specie digeritur.

II. Per solidas partes intelligimus, non eas quæ fiunt à semine, sed sanguineas, ut sunt adeps, pinguedo, caro, si humida, mollis, & cum adipe fuerit. Neque enim possibile videtur Galeno verè solidas partes liquefcere; docet enim *loco citato*, nec fibrosam, nec nervosam, nec membraneam naturam à febribus malignis liquari, quoniam animal ipsum priusquam hæc sint siccata interiret, sed in calidissimis febribus, si carnes humidæ & molles cum adipis copiâ fuerint, eas sensu liquari deprehendere licet, sin verò sine adipe & siccæ sint, insensibiliter absumuntur. Et ratio suffragatur, nam calor sola pingua eliquat 4. *meteor.* & quæ frigore sunt concreta, reliqua vero magis indurat, dum humorem resolvit. Credere autem humidum radicale & substantiam partium quæ calore moderato concreverunt, posse lique-

G g scere

Quæ partes colli-  
quantur.



scere experientia repugnat; Per chymicas siquidem encheireses validissimus ignis est, qui partium spermaticarum oleosam substantiam secernit, Tantumque calorem ne vehementissima quidem febris possidet, unde ut rectè dixit *Galenus*, prius animal ex febre interibit, quam oleosa substantia defluat, quamvis eadem longà diuturni caloris actione sensim absumatur.

III. Fit autem syntexis à calore igneo & vehementissimo; Solet enim ejusmodi calor quicquid pingue est liquare, ut in carnibus quæ in veru & craticulâ assantur, sed gradibus distinguitur, nam vehementior is est à quo carnis humiditas rorida funditur, quàm is à quo adeps liquatur, facili enim negotio, nec ita intenso fervore, adeps solvi solet. Hinc rectè distinguendum, non enim quælibet dejectio pinguis colliquativa est, siquidem in quâdam dysenteria specie, in quâ crassiora intestina afficiuntur, etiam pinguedo per alvum secernitur, & in longo in dorsum decubitu urinæ pingues mejuntur; Cæterum calor ejusmodi vires suas exerit in corporibus molli carne & adipe præditis, nam qui sunt habitus durioris, ob subjecti resistentiam, potius in halitus vaporis specie absumuntur, unde febri syntectica juvenes potius quàm senes obnoxii sunt.

*Causa.*

IV. Quoniam igitur pestilentes quædam habent calorem blandum, quædam acriorem, quædam acerrimum, hinc fit illarum quasdam nullo modo esse colliquantes, quasdam parum, aliàs plurimum. Neque obstat quod *Galenus* colliquativum fluxum omnibus adesse pestilentibus asserat 3. *Epid. sect. 3. com. 57.* Quæ evacuabantur, inquit, erant syntexes, quod quidem symptoma esse videtur in perpetuum febris quam pestilentem vocant, cum mortales vel citra pestem febris corripiat. Respondeo, vel intelligendum esse *Galenum* de illa tantum peste quæ illius tempore vagabatur, in quâ ut plurimum aderat colliquatio, vel fluxum hunc colliquativum, non nisi in malignâ pestilenti quæ febre fieri, quamvis non omnis pestilens illum habeat. Et rarissimè, fermè nunquam in aliis quam in malignis febribus hoc symptoma apparet. Si enim febris quæ inter malignas & pestilentes mitissima censeretur potest, quælibet tamen ardente periculosior est, sanè si potest dari pestilens sine syntexi, ardens quæ mitior est, & benignior, ejusmodi fluxu non laborabit, aut quoties in ardente conspicitur, toties illam malignam esse suspicandum est. Vult autem *Augenius* pestilentem illam quæ syntectico hoc fluxu stipata est esse heticam, sed malè nam ut superius docui-

*Augenius refellitur.*



docuimus, nulla talis febris datur, tum si ardentes hoc habent symptoma, cur non etiam pestilentes putridæ, cum utriusque sedes sit in humoribus, & calor vehemens adsit. Præterea colliquatio est effectus intensi caloris qualis in hæcticis non reperitur, in hæcticâ siquidem pestilenti nec calorem, nec urinam, nec pulsum volunt immutari. Demum humores sunt qui sensibilibus solvuntur, adeps scilicet & pinguedo, non igitur hætica erit, quæ solida & spermatica depascitur. *Objicies* syntecticas adipem & solidas partes colliquare, omnes ideo esse hæticas, quæ sunt solidarum partium affectus. Respondeo non esse necesse calorem factum esse in solidis partibus, ut colliquet, sufficit si illas ignis modo vehementer efficiat & adurat, nam quod conceptum est in solidis partibus incendium, per insensibilem transpirationem humores resolvit, non autem per alvum, aut urinas.

v. Igitur si cum malignæ pestilentisquæ febris indicibus excrementa alvi prodeant calidissima, pingua, crocea, rufa, nonnunquam viridia, & fœtidissima, colliquatio adest, & biliosis spuma innatat, sunt etiam exigua, glutinosa, modo alba, modo pallida. Dejectio non est tenuis sed corpulenta, ob consumptos ichores, exigua, quia non adest fluxus immoderatus, & superfluous, glutinosa quoque eadem ratione, alba si sola pinguedo à calore patiat, subcrocea dum eadem vel putrescit, vel validum patitur calorem, viridis à bile æruginosa. Fluxus, inquit *Paulus*, flavæ bili per vomitum & secessum rejectæ similis est, sed differt odoris fœditate, tum quod rufus magis & glutinosus, interim verò oleosus appareat, cum caro pinguis ab ardenti febre solvitur & eliquescit. Perseverante hoc fluxu livescit facies, corpus gravatur, pulsus concidit, statim decidunt vires, quartâ, septimâ. aut nonâ moriuntur, aut saltem ægrè convalescunt. In urinis sedimentum est orobo vel hordei granis simile, suntque urinæ pingues & oleaginosæ. Quidam totâ cute commutantur, diffusâ putredine per universum corporis habitum, quibusdam decidunt unguis ex atrophîâ, & venenatâ humorum qualitate.

vi. Fluxus hic in febre pestilenti si contingat comprimendus est, & ratione colliquationis corpus nutriendum paulò plenius, quia solidarum partium alimentum deficit. Non tamen statim conveniunt adstringentia, quia humorum maxima est corruptio, ut patet ex fœtore, quos retinere in corpore non est tutum. At progrediente morbo non abs re



fuerit moderatè refrigerantibus & adstringentibus uti, maximè iis quæ simul totius substantiæ proprietate pestilentia adversantur. In victu ptisanam laudat *Galenus*, quia refrigerat, humectat, absterget, solidas partes nutrit, putredini convenit. Cujus loco hordeata nostra, vel juncula herbis refrigerantibus alterata præberi possunt, vel gelatinæ cum cornu cervi, & bolo armenâ, terrâ sigillatâ compositæ. Abstinendum à mellitis omnibus ut mulsâ. Vino quoque abstinendum, nisi in summâ virium imbecillitate, & si nullus capitis dolor ægrum fatiget. Potus frigida utilissimus est ex *Ruso epheso* & *Paulo* & *Galen.* 10. methodi idque si vires valeant, ut in principio, quamvis in reliquis febribus attendenda sint signa coctionis, hic tamen non sunt expectanda, urget enim colliquatio quæ sisti debet, nec forsan coctionis indicia in ejusmodi febre unquam apparebunt. Admisceri autem poterit conserva rosarum, cum syrupis de agrestâ, de nymphæâ, de limonibus, & similibus. Loco simplicis aquæ detur hordeacea cum succo mali punici, aut citri, nam refrigerat, humectat, nutrit, & colliquationem emendat. Aquæ frigida minerales quoque præberi possunt, quia refrigerant, exsiccant, putredinem inhibent, calorem temperant, nisi frigidum languentemque ventriculum ægri habuerint. Clysteres fieri possunt ex lacte, quia humorum acrimoniam obtundunt, idem quoque ptisana præstat. Non debet autem propinari lac, quia febris acuta urget, calida adest viscerum intemperies, dejectiones sunt biliosæ, quæ dehortantur lactis potionem, ut docet *Hippocrates in aphorismis*. Abstinendum quoque ab usu purgantium, etiam eorum quæ post purgationem adstrictionem relinquere solent, potius siquidem colliquationis causis incumbendum, ut sistatur quantum fieri poterit, quod acida & cardiaca præstabunt, qualia superius in febre ardenti descripta fuere, ut syr. de ribes, citonior. myrtillorum, de limonibus, de acetositate citri, vinum granator. in quibus dissolvi potest ℥ ss. theriacæ, scordium cum conservâ rosarum laudat *Salvus*. ℞ conserva rosar. corticis citri conditi ana ℥ ss. margarit. preparat. ℥ ss. fragmentorum pretiosorum ana ℥ ss. boli armenæ, terra sigillata ana ℥ ss. cornu cerviusti, rasura eboris ana ℥ j. folia auri N. ij. sacchari q. s. fiat conditum. ℞ myrobalanor. conditar. corticis citri conditi ana ℥ ss. confect. alchermes ℥ ss. pulveris diamargarit. ℥ ss. boli armenæ ℥ ij. cum syr. limonum fiat electuarium. Plura ex superioribus repeti possunt. Epithemata & unctiones conveniunt thoraci & hypochondriis admotæ, quæ refrigerent, humectent, leviter adstringant; *Aëtius*  
lau-



laudat *ceratum rosaceum*, sempervivi & rumicis succum cum polentâ, hucque referantur quæ capite decimo dicta sunt. Et ne acrimonia humorum intestina ulcerentur, clysteribus utendum refrigerantibus & lenientibus ex capite de *dysenteria* repetendis.

## CAP. XIII.

*De bubone pestilenti.*

I. IN verâ peste frequentissime pullulant bubones & carbunculi, cum natura summâ venenatâque putredine laceffita omni conatu humores noxios, aut ad cutim, aut ad emunctoria, partesque ignobiles transmittere conatur. Bubon autem tum glandulas ipsas, tum illarum tumorem inflammatorium significat, siue fuerit pone aures, siue sub axillis, sed potissimum in inguine, quæ omnium glandularum ad suscipiendam phlegmonem maximè aptæ sunt, quia sunt omnium glandularum imbecillimæ, tum ob metum, partis agitationem, situm declivem, tum ob redundantem illis in locis humiditatem, tum quia humor crassus, viscidus lentusque non facile in superiora fertur, sed potius in inguina, & partes inferiores. Sunt autem bubonum differentia plures, alii sunt majores, alii minores, alii dolorosi, alii indolentes, alii benigni ex quibus generantur febres diariæ, alii maligni & pestilentes, ex maligno venenatoque humore prognati. Ideo distinguendus est benignus à maligno, nam interdum etiam vagante peste bubones non pestiferi emergunt, cognoscentur ergo si pestilens constitutio sit, & accidentia sæva bubonem comitentur, ut deliria, vomitus, urinæ turbata, aliaque pestis signa se prodant, nam in benigno febres adsunt tantum diariæ nullo gravi symptomate stipatæ. Solent autem partem corporis præ aliis laborantem indicare. Etenim in collo & pone aures cerebrum, sub axillis cor, in inguine pullulantes jecur affici potissimum ostendunt. Riolanus in *Anthropographiâ* distinguere docet bubonem pestilentem à venereo, nam venerei supra inguen, aut in flexu inguinis nascuntur, pestilentes & alii intra inguen. Sunt, inquit, quatuor glandulæ vera jecoris emunctoria, juxta venam cruralem, sub quibus posita est alia glandula oblonga, quæ materiam bubonis pestilentis excipit, & per arteriam cruralem, in eam glandem defertur. At bubo venereus trium digitorum distantia pene erumpit, in glandulis

G g g 3 illis



illis quæ peritonæi productionem amplexantur, prope spinam ossis llium, & vasa spermatica fulciunt. Sed adde symptomata non esse eadem in venereo & pestilenti.

II. Prognosis quod spectat febres omnes ex bubonibus malæ præter diarias, si enim bubones non ab externâ, sed ab internâ causâ pullulent, ut inflammationibus viscerum, febres habent non diarias conjunctas, sed putridas & malignas, & 2. epid. mali sunt bubones qui in principio febrium acutarum apparent. Sunt autem ejusmodi febres malæ & ut causæ & ut signa. Ut causæ, quia remanens febris putredinem auget, facultates naturales debilitat & imminuit, easque febres vocat *Hippocrates* malignas. Ut signa, quoniam evacuato humore si febris non cessarit, signum est remanere intus cacochymiam, humoremque malignum qui febrein foveat. Præterea pestifer bubo lethalis esse solet, & quantò magis occultus, & quantò minor, tantò deterior est. Colorem autem habent varium, interdum rubicundi sunt, qui benigniores, interdum lividi, nigricantes, & quandoque non differunt à colore cutis, cum ex humore frigido fiant, tardiusque moveantur. Carbunculis solent esse minus dolorosi, quia glandularum sensus obtusior est, humorque minus acris.

CHYA.

III. In curatione illud sciendum, humorem venenatum nunquam esse ad partes interiores repellendum, vetat enim *Galenus* ne reprimentibus in materiâ venenatâ & juxta partem principem utamur, hæc enim ad cutim & partes ignobiles transmissio, etiam morbum plenè non solvat, melior tamen est quam si humores intus retinerentur. Ideo imitandus potius est naturæ motus, & à nobilioribus, internisque partibus ad externas est attrahendum: Cavendum tamen est ab immoderate trahentibus quòd dolores & febres plurimum adaugeant, & vires deiciant, tuncque nec vomitus ciendus, nec catharticum exhibendum, ne humores quos natura foras propellit, intro revocemus, sed perseverandum in potibus cardiacis supra descriptis, & topicis moderate attrahentibus est utendum. Sed si dolor valde urgeat, primum anodynus & relaxantibus erit mitigandus, sicque pars ad fluxionem suscipiendam aptior fiet. Fovendus itaque tumor decocto *radicis lilii, altheæ, malvæ, chamameli, anethi, adianti, oleo amygd. chamamel. anethino, rosaceo, pinguedine gallinæ, anatis recenti*, quibus si aliquod medicamentum malignitati resistens addatur, ut succus scabiosæ, borrag. pentaph. & simile quippiam, medicamentum fiet initio valdè accommodatum.

Deinde



Deinde ad validiora attrahentia veniendum. Tumori gallina applicetur quæ sphynctere ani sui trahat satis sine vehementi dolore aut humorum agitatione. Alii columbas, catulosve per medium dissectos apponunt, unguentum diachylon, stercore colambinum, panem calidum, vesicatoria, scarificationes, cucurbitulas, quas tamen quia maxime dolorosæ sunt, non nisi in urgentissimo casu admoveere quidam jubent, dolores enim vires dissolvunt, quarum conservationi maxime in hisce febribus attendendum est. R<sup>z</sup> ammoniaci, bdellii, galbani ana  $\mathfrak{z}$  j. pulveris ireos  $\mathfrak{z}$  ss. olei lilior. q. s. M. fiat emplastr. Validius est quod ex fermento, caricis, capis, columbino stercore cum axungia gallinæ conficitur. R<sup>z</sup> ficuum N. vj. passular.  $\mathfrak{z}$  ss. salis  $\mathfrak{z}$  ij. mellis  $\mathfrak{z}$  j. cum oleo liliorum f. emplastr. buboni applicandum. Aut ejusmodi quod ab omnibus plurimum commendatur. R<sup>z</sup> capam excavatam, quam reple theriacâ, & foramine luto obturato coquatur, & contusa buboni imponatur. Improbant Valescui & Gentilis theriacæ & alexiteriorum applicationem, ne venena intro repellant. Sed malè, non enim à se propulsant, alexiteria venenum, sed potius ad se trahunt, hæc enim alexiteriorum propriè actio est. ex s. simplicium cap. 17. Privatim autem eâ actione esse præditam theriacam idem Galenus lib. de theriacâ ad Pisonem testatum reliquit. R<sup>z</sup> sinapi, Sambuci, piperis ana partes aequales, cum cerâ & oleo scorpionum f. unguentum, quod bubonem foras potenter extrahit, singulis tribus horis renovandum. R<sup>z</sup> valeriana lb ss. radicum ebuli, dictamni ana  $\mathfrak{z}$  iij. ligustici cum radicibus  $\mathfrak{z}$  j. coq. pistentur, & fiat cataplasma, quod ab Hollerio plurimum commendatur. R<sup>z</sup> capam excavatam quam imple galbano, coquatur sub cineribus, adde malvæ, oxalidis, sub cineribus coctarum ana M. j. Contundantur omnia in mortario, adde theriacæ  $\mathfrak{z}$  j. fermenti  $\mathfrak{z}$  j. butyri  $\mathfrak{z}$  ss. fiat cataplasma. R<sup>z</sup> radicis helenii  $\mathfrak{z}$  j. ruta, melis. salvia, scorzonera, ana M. j. flor. Sambuci, chamameli ana P. j. fiat decoctio pro fotu. Residentia teratur, transmittatur per setaceum, cui adde æsypi  $\mathfrak{z}$  j. theriacæ, mithridatii ana  $\mathfrak{z}$  iij. farina iridis, orobi ana  $\mathfrak{z}$  ss. croci  $\mathfrak{z}$  ij. olei lilior. q. s. fiat cataplasma admovendum post fotum. Attractus humor conquendus est basilico, diachylo, aliisve suppurantibus, ut decocto althææ, liliorum, caparum, croci, & similibus. Perfectam autem coctionem expectare non oportet, cum non facilè in pus abeat humor, & periculum sit ne dum perfecta expectatur suppuratio, venenati vapores iterum cor laceessant, frustra siquidem expectatur maturatio, quæ in morbo præcipiti forsan ante mortem futura non est. Ideo aperiendus



dus bubo scalpello vel vesicatoriis, ut veneno via pateat. Aperto tumore ulcus diligentissimè mundandum melle rosato, terebint. Cum melle, syrupo rosar. siccarum, scordio, scabiosâ, unguent. Apostolor. Ægyptiaco, pulvere aluminis usti si caro supercreseat, atque diutius apertum ulcus fervetur. Mundatum verò carne implendum est, myrrhâ, sarcocollâ, unguent. diapompholygos, thure, radice ireos & similibus. Peculiariter autem alter atticus sive bubonium commendatur, qui illitus ac etiam suspensus bubones sanare credatur. *Ruellius* probat *Lysimachiam*, & ejus apud Cœnomianos fecisse periculum testatur.

## C A P. XIV.

*De carbunculo pestilenti.*

1. **E** Tiam pesti ex summâ humorum adustione succedit carbunculus, anthracem Græci vocant. Est autem tumor modo ulceratus modo non ulceratus ab humore usto, crasso, putrescente & venenato genitus, hinc modo inter tumores modo inter ulcera reponitur, crustosumque ulcus appellatur. Pustula primum est dura, rubicunda, dolens, acuta, sed quæ postea in eximiam excrescit magnitudinem, secundum naturæ vires & materiæ copiam. Duplex est, pestilens & non pestilens. Uterque vel est cum pustulis multis & exiguis milio similibus, quibus apertis crustosum ulcus provenit, quale candentia ferramenta solent excitare. Vel sine pustulis, in basi colorem refert rubicundum, supra basin nigrescit, splendet bituminis picisque modo, & tandem in apice vesicam habet albicantem, quâ apertâ apparet eschara ex maximo humorum incendio: In principio veluti clavus quidam parvus emergit, qui malignior factus pustulas quasi ab igne adustas, escharam, ardoremque intolerabilem habet, ad quæ omnia dolor ingens cruciatusque subsequuntur, & propter putredinem foetor maximus, & infectio, quem ideo sine febre nunquam esse putamus, si ve ea præcedat, si ve subsequatur. Fiunt autem sicuti bubones naturâ venenum in corporis superficiem expellente, ex humoribus adustis crassis in atram bilem degenerantibus ex *cap. primo lib. 2. ad Glaucon*. Cognoscuntur ex prædictis coloribus & dolore maximo ac calore, quibus accedunt alia symptomata, vigiliæ, sitis, deliria, nausea, vomitus,

cor-



cordis tremor, animi defectio, appetitus prostratio, interdum sopor & urinarum perturbatio, quibus hoc indicium addendum est, si febris pestilens eo tempore vagetur & sæviat. Est autem affectus acutus & penè lethalis, quò minor eo deterior, quo verò plures sunt & ampliores eò sunt securiores. Ideo qui pestilentiae tempore oriuntur, periculosiores sunt, præcipuè si circa emunctoria vel partes principes enascantur. Sic apud *Celsum*, si circa stomachum, œsophagum, faucesve incidat subito spiritum elidit. Minus lethalis est qui primum rubet, qui vero livefcit nigrescitve omnes ferè jugulat. Si verò accidentia remittantur, spes quædam superest, quod si intenduntur planè est desperandum.

11. Curationem quod spectat, victus ratio non discrepat ab eâ *Curatio* quam in febribus pestilentibus descripsimus. Quidam sanguinem mittunt etiam ad lipothymiam, quod etsi verum sit in carbunculo non pestilenti, minus tamen verum est in pestilenti, quoniam febris malignæ, ut diximus, non adeo competit phlebotomia, nisi maxima adsit putredo, sanguinisque copia, tum ne malignus humor quem natura deponit in cutem intro revocetur, & Rhaz. negat sanguinem esse mittendum. Alii rectius mittendum sanguinem volunt ob ardorem maximum, humorum fervorem, morbi magnitudinem, in febribus ardentissimis sanguinem mittit Galenus. Sic pariter non est satis tutum pharmacum, ne humor noxius intro redeat, potius alexiteriis utendum est & corroborantibus, non tamen admodum calidis, ne humores magis accendant. Rhaz. laudat cor roborantia & refrigerantia, ut acida, granata citria, &c. quia humor est adustus, calidus, fervens, acida verò temperant & putredini resistunt. Virus quoque ad exteriora est evocandum, quod fiet scarificationibus, hirudinibus, ano galli admoto. Panis è furno calens idem commodè præstat, sicut & cataplasma ex scabiosa, fermento & sale. R. radicum altheæ, liliorum, ana ℥j. florum chamameli, meliloti, anethi, ana P. j. caricæ. ping. N. x. f. decoctio ad tb j. adde farinæ ieros ℥ ss. fermenti ℥ ij. simi columbini ℥ j. seminis sinapi ℥ ij. ammoniaci, galbani ana ℥ ss. cum adipe gallinaceo fiat Cataplasma. Pus hic nullatenus est movendum, cum enim materia non sit hujus pepasini capax, suppurantia non maturant, sed putrefaciunt ex Galeno 14. *methodi*. Interea vicinarum partium ratio habenda est, ne humor venenatus illis quoque communicetur, easque inficiat, quod fiet adstringentibus defensivis dictis. Tale est unguentum ex bolo armenâ, sanguine

H h h

guine



guine draconis, unguento populeo, cum succis portulacæ, plantaginis, aceto & similibus. Topica quod spectat debent ea exsiccare & venenum frangere, ac fervorem remittere. Ad id scabiosa trita & imposta conferre dicitur, sicut & lysimachia, succus tussilaginis. Consolidam majorem tritam magno miraculo carbones sanare intra unum diem quidam referunt, ita ut nulla deinceps curatio necessaria sit. *Cæpe* cum theriacâ imponi potest *Rx scabiosa, plantag. morsus diaboli, tussilag. violaria ana M. ij. millefolii, consolida majoris ana M. ss. coquantur ex aquâ, fiat forus Residentia teratur & cum pane syncomisto fiat cataplasma.* Laudatur autem maximè sequens *Rx farina lentium, panis furfuracei ana ℥ j. pulveris gallar. scordii ana ℥ j ss. succi plantag. ℥ j ss. f. emplastr. quod sæpius mutetur,* sic enim efficacius refrigerat, exsiccat, venenum attrahit. Non injuriâ tamen veretur *Valentius*, ne vi adstringente & repellente potius noceat, sed si dolor maximus adsit, prædicta in lacte coquantur. His si non curetur valentioribus utendum. *Rx theriaca, mithridat. ana ℥ ij. fermenti, tereb. ana ℥ j. mellis rosati ℥ vj. butyri recentis ℥ j. salis communis ℥ ss. fulig. ℥ iij. saponis veneti ℥ ij. croci ℥ j. vitellos ovor. N. iij. M. fiat Cataplasma.* Item *Rx vitellum ovi, salem tritum, fermentum, fuliginem camini, caricas pingues, scabiosam, nasturt. urticam, allium, & cum oleo liliorum fiat cataplasma.* *Sapphyrus solo contactu antbracem curare dicitur.* His & similibus irritis ad ignem & caustica veniendum, extremis morbis extrema remedia, & quæ medicamentum non sanat, ferrum & ignis sanant, hic utilis sunt trochisci *Andronis*, vel cauterium actuale. Eschara tollatur butyro, ovi vitello, pinguedine suillâ, aut cataplasmate ex radice altheæ, butyro & pinguedine suillâ non salitâ, vel farinâ triticâ cum oleo rosato. Ulcus mundandum mundificativo de apio & similibus, mel & carbonem quercinum commendat *Mercurialis*, quem carbonem scribit *Plinius lib. 36.* carbones pestiferos finire. Valet quoque unguentum ex melle & sarcocollâ descriptum à *Rhaze* terebinthina quoque cum vitello ovi & melle juvat. Demum ulcus carne implendum, & cicatrice obducendum remediis idoneis alibi describendis. De hoc affectu libro de tumoribus præter naturam, uberius dicetur.

CAP.



## CAP. XV.

## De variolis &amp; morbillis.

I. **F**Ebri pestilenti adeo affines sunt variolæ & morbilli, ut meritò illius tractationem harum explicatio sequi debeat. *Rhazes* qui inter Arabes de his omnium optimè scripsit, pestem vocavit, quod sint morbus epidemicus, contagiosus, & valde periculosus. nam pestem sæpe præcedunt vel sequuntur. Quo nomine Arabico usus sit *Rhazes* ignotum mihi est, sed tum Græci tum Latini interpretes de peste illius librum inscripserunt. Sunt quidem morbus malignus & contagiosus, Nomen. sed propriè non sunt pestis, sæpe enim sporadicæ sunt, & quocunque anni tempore pueri quidam illis afficiuntur, & etiam liberantur. Vocantur autem à Græcis *νεκρωτικές* & *επιδημιακή* quo nomine in universum omnes eruptiones intelliguntur quas natura deponit in cutim, ipsa etiam maculæ, nam hoc nomen vitiligini tribuit *Philosophus* 3. de histor. animal. xj. unde variolæ & morbilli etiam sub his comprehendi possunt, quod turgentium in plantis gemmarum modo tumeant. *Plinius* vocavit papulas, Arabes vero variolas appellarunt à varorum similitudine, quod instar vari in corpore emineant: sunt autem vari tumores exigui duri in facie psyracis affines, ex crasso ferventique succo collecti, ad quorum similitudinem variolæ dictæ sunt, tanquam parvi vari.

II. Definiri possunt pustulæ in toto corpore cum febre, dolore, pruritu erumpentes, à naturâ sanguinem in cutim & partes ignobiles expurgante. Diximus esse *pustulas*, siquidem in genere tumorum præter naturam continentur, sunt enim eminentiæ, adestque aucta magnitudo. Prominent autem in cute tumor, tuberculum, pustula, tumor tuberculo major est, utroque minor pustula est, variolæ non ad tumores, & tubercula, sed ad pustulas & exanthemata referuntur, quia tumorum minimi sunt, nequaquam magni, ut phlegmone, furunculus. *Hippocrates* 3. aphor. inter pueriles morbos numerat exanthemata, & *Paulus* cap. 6. lib. primi eorum curationem docet. Nec obstat quod *Mercurialis* probare conatur variolas nostras non esse veterum exanthemata, est enim hoc nomen adeo generale ut certam non indicet morbi speciem, sed omnibus in cutim eruptionibus, etiam ipsis maculis attribui possit, Definitio.

H h h 2

&amp; osten-



Cur va-  
riola fa-  
ciem in-  
ficiant.

& ostendemus inferius, eadem variolis nostris & exanthematibus con-  
venire, fuisse quoque Hippocrati & Galeno cognitās. Addidimus in toto  
corpore, ad differentiam eorum exanthematū quæ unam tantum par-  
tem afficere solent, ut ptydracia, vari, exanthemata à Paulo inter ex-  
ternos capitis affectus libro tertio descripta. Variolæ autem totum cor-  
pus inficiunt. Quod si unam solum partem seorsim laborare contin-  
gat, id casu potius fit quam ex morbi naturâ. Nec tantum in externis  
corporis partibus, sed etiam in internis ut pulmonibus, faucibus, in-  
testinis, ventriculo generantur. Potissimum autem erumpunt in facie,  
contra quam in purpureis maculis fieri solet, quæ faciem ferme nun-  
quam occupant. Certum est humores in utrisque sursum ferri, in pur-  
puris sicut in variolis, ut deliria cerebrique symptomata ostendunt, sed  
quoniam cutis in facie tenuior est & rarior, nisi copiosa fiat humorum  
expurgatio in cute non firmanantur, sed exhalant, & per insensilem ha-  
litum dissolvuntur, sive quod in purpuris humor crassior non solet  
sursum ferri, sive quod vas majoribus contineatur, in variolis verò sit  
in ipsa partium substantiâ, sive quod facies aëri exposita inutilem illam  
& exiguam purpurarum evacuationem non admittat, in variolis autem  
maximus impetus naturæ humorisque pravi abundantia ita urgeant,  
ut non obstante aëris frigiditate in cute faciei pullulent, nisi summo &  
extraordinario aëris rigore repellantur. Scribit Aristot. varos potissi-  
mum fieri in facie, quia locus humidus est & rarus, materiam propterea  
crassiorem facilius excipit, quod tumoribus istis etiam convenire po-  
test. Fiunt autem cum febre, quæ perpetuò vel præcedit vel saltem  
comitatur, estque continua conclusa, ut plurimum autem præcedit,  
quia fieri solent crisis ratione, naturâ per habitum corporis febrem  
solvente. Nec tantum adest febris, sed etiam dolor pruritusque maxi-  
mus, ægris interdum intolerabilis, interdum tamen mitior est, cum hu-  
mor minus est acris, ut in pustulis latis quales Simon habebat, quas va-  
riolas non fuisse inquit Mercurialis, quia non erant pruriginosæ, quod  
tamen non dicit Hippocrates, sed non admodum multumve fuisse pruri-  
ginosas, quædam enim magis, quædam minus pruriunt. Fiunt autem  
ex sanguine effervescente in febre synochi speciem referente, quam-  
vis secundum quosdam, non sanguis vas conclusus qui facit synochon,  
sed menstruus poris partium contentus materia sit harum variolarum,  
vel ut alii volunt, sanguis ichorofus & tenuis ac aqueus, fieri enim ex  
anthematum proventum cum abundant ichores docet Galenus 3. de  
symp.



*symp. caus. cap. 2.* Sic quoque nullus in earum expulsionem, quantumvis validâ & criticâ, fit rigor, quia fiunt ab humore minùs acri, sed mitiori, unde qui ab illis exit humor verum pus non est, sed potius ichor quidam. Et hæc est definitionis rudis adumbratio, quam plenius explicare oportet.

III. Cum ergo tres sint affectus præter naturam, morbus, causa, *Quis affectus* & symptoma, variolæ ad hos omnes, sed diversâ ratione, referri possunt. Et quidem morbi sunt, quia actiones quasdam lædunt, dolorem *præter naturam*, pruritumque inferunt, motum impediunt, in illisque triplex morbi genus inveniri potest, intemperies, solutio continui, & aucta magnitudo, ut in reliquis tumorum generibus videre licet. Causæ quoque esse possunt, cum alium morbum producant, ratione cujus quasdam actiones lædunt, ut in naribus, faucibus, gutture, oculis, pulmonibus, gulâ, intestinis, obstructions aliosve morbos pariunt, sicque visionem, respirationem, deglutionem, fœcum excretionem impediunt. Cum verò criticæ sint evacuationes, & in cute erumpant, non minus quam sudores symptomatis possunt adnumerari, vel in excretis, vel in qualitate corporis mutatâ. Vel potius morbi sunt symptomati, ut abscessus critici, nec enim mera symptomata esse possunt. Objicit quidam cutim non esse subjectum morbi, quia ex Galeno cutis nullam edit actionem, sed tantum usum habet, At morbi sunt tantum in partibus quarum sunt actiones. Respondet *Mercurialis* intelligi debere cutim cum partibus annexis sicque esse morbi subjectum, non autem si pro solâ cute sumatur, quæ expers est omnis actionis, tantumque amictus quidam est corporis, quo reliqua membra conteguntur & unita continentur. Contrarium tamen docet experientia, namque pars est corporis, nutritur, sentit, dolet, actionesque edit naturales & quasdam animales, sed nullam habet peculiarem actionem organicam, ut musculus, ventriculus, non desinit tamen subjectum esse alicujus morbi.

IV. In horum autem morborum consideratione videndus est modus generationis earum, tum natura febris quæ illos vel præcedit vel comitatur. Primumque explodenda est opinio eorum qui variolas sine febre esse posse voluerunt, quod ita fieri commenti sunt, quia potest sanguis effervesce in partibus cuti proximis, tuncque ejus calor cor non afficiet, nec fiet febris aut saltem subsequetur, quando scilicet in pus transmutantur, nam dum pus fit, febres fiunt, quem casum etsi rarum possibilem tamen esse contendunt. Id docere videtur *Theophrastus*



*libro de sudoribus*, qui vult in corporibus nostris ex sudoribus & laboribus eruptiones quasdam fieri seu exanthemata varis similia. Idem quoque tres affert causas papularum, anni tempestates, excrementorum abundantiam, corporis motum & agitationem, tum aliud quilibet quod causæ moventis rationem habere possit. *Celsus* quoque *lib. 5. cap. 28.* de pustulis agens & exanthematis, ait eas similes esse varis, & fieri vel ab igne, vel à frigore vel à medicamentis. *Rhazes* etiam variolas post febres erumpentes statuit salubriores esse iis quæ febrem præcedunt. Non negandum autem est posse pustulas quasdam oriri sine febre, quæ tamen non sunt variolæ nostræ de quibus agimus. Necessario enim febris præcedit, cum sint criticæ evacuationes febrem solventes. Effervescencia enim non juxta cutim, sed in vasis majoribus fit, à quibus in superficiem humor transmittitur. Non posse humores effervesce prope cutim inditio est, quod pars ea corporis ab aëre attracto refrigeretur, ut vult *Augenius*, quod tamen falsum est, nam in febribus continuis quæ exacerbationes habent, humores in minoribus vasis juxta cutim putrescere dicuntur, in intermittentibus quoque in habitu ipso corporis, ex *Galen*i sententiâ. Nec est impossibile humores qui in vasis istis minoribus ebulliunt, febrem generare; sic quando febris ardens solvitur, extruditur humor in vasa minora, & tamen adhuc febris est. Nec transpiratio cutis id prohibet, ut experientia ostendit. Ideo statuendum febrem præcedere variolas, & simul eas interdum febrem facere. Fiunt à febre semper, nam ipsam critico impetu solvunt, tuncque ea cessat. Quod si contingat variolas esse copiosas, magnas, sanguine ichoroso plenas, tunc febres fieri à variolis possunt, quæ tamen non ejusdem sunt cum prioribus generis, sed symptomaticæ, exque diariæ, sicut ex bubonibus fiunt diariæ, ex phymate furunculis & cutaneis affectibus ejusmodi ephemera gigni possunt secundum *Avicennam* ut proprio capite diximus. Propterea sobrie intelligendum est dictum *Rhazis*, quod est verissimum, cum statuit variolas salubriores esse quæ febrem sequuntur, quam quæ eam præcedunt aut comitantur, nam cum iis apparentibus minui febris debeat, si ea aut perseveret, aut augeatur, aut quæ cessarat iterum redeat, augmentum putredinis significatur, quod non potest non esse perniciosum. Nec ex prædictis authoribus quicquam probari potest, quam interdum pustulas quasdam sine febre fieri, eas tamen nostras esse variolas nemo dixerit, quamvis si variolis nostris ea applicemus, causæ illæ de quibus

illi

*Capit. de  
Ephemeris  
v. 1.*



illi loquuntur, non nisi commotis prius internis & forsan prius excitatâ febre papulas progignant.

v. Variolas ergo præcedit febris, sed non omnibus æqualis eademque, quoniam sanguinis reliquorumque humorum non solet idem esse incendium, parilisque putredo, sed modo major modo minor. Febris autem synochus esse dicitur, quæ à principio ad finem usque cor affiduè fatigat, donec impurus sanguis multorum excrementorum permissione inquinatus à naturâ depuretur, & expulsus à majoribus vasibus in minora, & ab his in habitum corporis humoribus, papulas proferat. Putrida quoque febris esse statuitur, quamvis putredinis varii sint gradus, quibusdam enim levior est, quibusdam gravior, hinc febris oritur mitis quam ægotantes ferè negligunt, quædâ major & gravior, symptomatis pravis stipata, ex vehementi vasorum putredine, tuncq; variolæ sunt mali moris, ulceraque gravia in partibus affectis relinquunt tum internis, tum externis. Hæc ferme de hisce morbis protulerunt recentiores, quæ tamen dubia mihi videntur, num scilicet febris variolas præcedens synochos semper sit, tum quoque an semper sit putrida. Et primò non necessario videtur esse synochos, siquidem mirantur Arabes, si quispiam semel in vitâ illis non laborarit. Certum autem est synochon non fieri nec in gracilibus, biliosis, nec in pituitosis, nec in melancholicis, nec in frigidâ ætate ut senectute, nec in plenitudine ad vires, sed in plenitudine solâ quæ ad vasa dicitur generari. Non est autem verisimile omnes quos variolæ occupant plethoricos esse, valde carnosos & sanguineos, cum vix quispiam hunc morbum effugere possit, & in omni ætate contingere queat in ipsâ quoque senectute: Præterea synochos fit ex sanguine venis magnis concluso. Variolæ autem dicuntur fieri ex menstruo sanguine non in venis, sed in partium poris contento, siquidem ita statuunt recentiores, qui menstruus sanguis à singulis partibus expelli potest sine febre, si enim excretiones plurimæ à naturâ perficiuntur sine febre, cur hæc non fieri poterit? Ostendit tamen experientia nunquam sine febre fieri, sed hæc potest interdum alterius esse generis quam synochos, scilicet vel ardens, biliosa, aut similis quæpiam. Demum si synochos febris est cur in omnibus eâ febre laborantibus non contingit excretionem fieri per variolas, quandoquidem sanguis in omnibus putrescit, si igitur eundem hominem bis terve aut sæpius synochos laborare contigerit, cur semel tantum patietur variolas, & reliquis temporibus forsitan sudoribus, non pustulis

An fe-  
bris sit  
synochos.  
\*



lis liberabitur, si idem humor quantitate, qualitatibus & consistentiâ peccat, excretioque sit per eadem loca, cur tamen eadem non est?

*An semper febris sit putrida.*

V I. Esse quoque semper febrem putridam non est adeo certum, namque explorato sanguine illorum qui hac febre laborantes ante eruptionem variolarum, scilicet ante sanguinis depurationem, venâ sectione vacuati sunt, conspeximus purum illum, rubentem citò concrefcentem tanquam à victima, quæ sunt sanguinis laudabilis indicia, Et quidem ebullitio sanguinem puriorem reddit, unde colligi potest ipsius sanguinis substantiam non putrescere, sed tantum menstrui sanguinis & excrementorum inquinatio accendi, ex quâ ebullitione purior perfectiorque redditur: Cujus quoque evidens argumentum est, quod evacuatâ per morbillos variolasve parte eâ quæ sanguinem in fervorem agebat, cessat febris ardorque omnis, sanguisque ad pristinam redit bonitatem. Hic autem intelligimus universam sanguinis massam, etsi totus sanguis non putrescat, effervesceat tamen secundum se totus, aliud autem est accendi, aliud putrescere, accenditur in syncho imputri, putrescit autem simulque accenditur in syncho putri; sanguis ergo ille modo biliosus est modo pituitosus, modo melancholicus, modo ichorofus. Igitur de febre hæc statuo non semper esse synchon, ut varii pustularum colores indicant, nec semper putridam, sed malignam, siquidem contagiosa est, exitialis, & crises facit quæ aliis febribus non competunt, ex quibus patet aliquid hic adesse peculiare, quod aliis febribus non inest, nam si putrida foret febris, expulsi in habitum corporis noxiis humoribus, rigor ut in ardente & syncho contingeret.

Fiunt igitur variolæ per modum cujusdam crisis, naturâ humorem noxium expellente in corporis superficiem, cum ægri euphoriâ, modo crisis bona sit, febris enim illicò aut omnino desinit, aut imminuitur, tertio quartove morbi die, qui criticus esse solet, & apparentibus signis coctionis. Estque crisis hic modus huic febri peculiaris, ab aliis longè differens, reliquæ enim febres, aut per vomitum, aut per alvum, aut per sudores, aut per urinas sanantur, hæc vero per solam corporis superficiem, non extimam solum, ut ardentes, quæ sudore copioso liberantur, sed extimam & intimam simul, scilicet per parvos abscessus & pustulas, nunquam alvi fluore, nunquam vomitu sanantur. Imo si forte hæc contingant, pessimum signum est.

*Differentia.*

V I I. Sunt autem istorum exanthematum differentia plures. A colore nigra, violacea, purpurea, alba. A quantitate alia sunt copiosa, alia pauca,



pauca, sed præcipue quædam sunt sublimia, cum tumore satis conspi-  
 cūo quæ variolæ dicuntur, quædam minora sine sensili tumore potius  
 cum asperitate quâdam, quæ dicuntur morbilli, vasconibus populari-  
 bus meis *Sarampion*; Fuchsius cōtrariò prorsus modo variolas pro mor-  
 billis, morbillos pro variolis usurpavit, præter authorum usum & lo-  
 quendi consuetudinem: sed id non est magni momenti. Commu-  
 nem autem habent morbilli cum variolis naturam, siquidem pustulæ  
 sunt à sanguinis effervescentiâ procreatæ, sunt etiam cum febre, uni-  
 versum quoque corpus occupant, cum tumore, pruritu, & dolore.  
 Differunt autem ab invicem, *primò* quia variolæ majores sunt, emi-  
 nentiores, crassiores, morbilli minores sunt, nec habent sensibilem  
 tumorem, sed gravis milii sunt similes. *Secundò* variolæ à sanguine  
 crassiori, frigidiori, aut saltem temperatiori, morbilli vero ab acriori  
 & bilioso generantur, ideoque minimè petunt altum, potius culi-  
 cum moribus similes sunt pustulæ latæ, non sublimes. Fuchsius vult  
 pustulas sublimes quas vocat morbillos à fervidiori sanguine,  
 humiles verò quas vocat variolas à frigidiori fieri, quia ex  
 aphor. ix. libri sexti, pustulæ latæ non admodum pruriunt, Gale-  
 nus pustulas sublimiores à calidiore humore generari scribit, hu-  
 miliiores à frigidiore quæ ideo minùs pruriunt, quod à tempera-  
 tiori succo procreentur. Sed hunc Galeni locum non intellexit Fuch-  
 sius, nam hoc modo intellecta Galeni sententia falsissimà est, nam ere-  
 sypelas, herpes, phlyctænæ à fervidiori sunt humore & acriori quam  
 œdema, scyrrhus, phlegmone, & tamen tumores sunt minores, & si-  
 mul aciores, majorumque inducentes pruritum; Ipse pruritus non  
 solet fieri nisi ab humoribus tenuioribus & falsis, sine ullâ extuberan-  
 tiâ, ut verum non sit tumores humiliiores pruritum minus inferre. Igi-  
 tur intelligi debet Galenus de tumoribus & pustulis ejusdem generis,  
 non diversi, nec sunt opponendæ latæ pustulæ sublimibus, cum pluri-  
 mæ sublimes possint esse latæ, plurimæ humiles acutæ, sed latæ op-  
 ponendæ sunt acutis, humiles sublimibus. In unoquoque genere tu-  
 morum sive sint sublimes, sive humiles, quicunque in acutum vergunt  
 magis pruriunt, quoniam acrior causa eos concitat, minùs vero qui in  
 latum expanduntur, & hoc adaptari debet variolis & morbillis, nam  
 morbilli possunt esse acuti & lati, non minùs quam herpes, quorum  
 qui miliares sunt multis exiguis pustulis minimum extantibus cutim  
 exasperant, ut forsan non sine ratione Manardus morbillos ad herpe-



tum genus retulerit, & valdè magnum pruritus inferunt. Pariter variolæ possunt esse acutæ & latiores, acutæ magis pruriunt quam quæ in latum exporriguntur, quoniam in latitudinem extensæ diffilantur, & quæcunque latæ sunt humorem habent minus acrem. *Tertiò* differunt quod major in morbillis adsit fervor, quam in variolis, quia illorum sanguis acrior est. *Quartò* morbilli breviorum, acutiorem, periculosioremque morbum inferunt quam variolæ, sponte evanescent, nulla relicta ulceratione aut cicatrice, majoremque pruritus inferunt quam variolæ etsi sint humiliores, flaventiue colore sunt præditi, biliosi humoris teste, variolæ autem rubicundo aut saltem dilutiori, & in abscessus desinunt cum emanatione ichoris purulenti, quod morbillis non contingit. *Demum* variolæ oculos gravissimè adeo interdum lædunt, ut inde visus amittatur, morbilli verò oculos non afficiunt, quia inquit *Mercurialis*, oculus naturâ suâ robustus est, externisque plurimum resistit injuriis, ideo nunquam riget, tenuiorem propterea humorem non admittit, crassiorem autem quem Natura valide transmittit, repellere non potest, sed admittit: At sic nulli à bile affectus oculum infestarent, nec ophtalmia à bile, nec macula icterica illum inficerent, quod experientiæ repugnat. Alia igitur ratio reddenda est.

*Differen-  
tia mor-  
billorum  
& pur-  
purarum.* Non est tamen credendum propterea sub morbillis contineri maculas illas purpureas in febribus malignis apparentes, de quibus superius diximus, quia maculæ pustulæ non sunt, nullum edunt pruritus, nullum ulcus relinquunt, quod tamen faciunt morbilli.

*An fue-  
rint vete-  
ribus co-  
gnita va-  
riola.*

\*

VIII. Affectus prædictos nomine exanthematum & ἐξανθημάτων contineri, superius diximus, quod tamen negant quidam recentiores simulque fuisse veteribus cognitos. Et quidem si nominis spectemus rationem, exanthemata hos etiam affectus complectentur. Non est enim exanthema certi morbi nomen ut phlegmone, sed ἐξανθήν dicuntur generali significato humores quilibet qui ex alto corporis in cutem pullulant, pustulasque excitant aut aspredines quosdam, propterea variolis & morbillis nomen hoc potest adaptari, imo quoque φύματα generali significato omnia exanthemata vocari possunt, ut *aphor. 15. lib. 2.* phumata vocat Hippocrates omnes in cutem eruptiones. Igitur si apud Galenum & Hippocratem videamus horum affectuum naturam clarè explicatam, simul evincemus tum esse exanthemata, tum veteribus fuisse cognitos: πεμφισώδεις πυρραι de quibus agit 6. *Epidem.* ab auctore definit. medicarum dicuntur illæ, quæ pustulas in toto corpore excitant,



excitant, ut diximus *capite de different. febrium*, & *sectione 3.* primi *Epidem.* ægro secundo. *Sileno* contigerunt in febre maximâ, exanthemata cum sudore rubra, parva, rotunda sicut vari; hic clarè expressa est variolarum natura. Sed inquit *Mercurialis* variolæ non fuerunt quia nequaquam in abscessum finierunt. At mirum est illum non advertisse fuisse hoc ab *Hippocrate* annotatum, scilicet pustulas his abscessum non fecisse, ut ostenderet signum illud esse lethale, mortuus enim est undecimâ die *Sileno*, signum enim funestum est si variolæ non suppurent. Et quidem si variolæ non erant, quid demum erant exanthemata hæc? *Galenus* in comment. ait facta ea fuisse naturâ pellente in cutim humorem morbificum quæ est variolarum vera generatio. Quod si nobis æger afferretur qualis *Sileno* erat, statim eum variolis laborare iudicarem, vix enim aliud nomen huic morbo dare posset *Mercurialis*. Insuper 7. *Epidem.* textu 114. Timonactis puero bimestri exanthemata in cruribus, coxis, imo ventre, tumoresque valde rubicundi extiterunt, quibus quiescentibus convulsiones, & epileptica oriebantur, multis diebus sine febre fuit, & mortuus est. Ubi variolæ manifestissimè describuntur cum signis ipsarum lethaliibus, quod totum corpus non occuparint, unde sufficiens evacuatio esse non potuit, quod delituerint & ex materia venenosâ intro remeante convulsiones, epilepsiæ contingerint, tandem mors. *Quinò Epidem.* textu 92. filio Euphanoris papulæ per totum corpus eruperunt, culicum moribus non abfimiles, paucò tempore duraverunt, postridie febris invasit, quod malum est pustularum inditium, scilicet recedere, ideoque illum postridie sebricitasse scribit. Amplius locus est *sectione secundâ primi Epidemii statu 2.* ubi inter signa lethalia quæ ægris contingebant in Thaso, dicit facta fuisse exanthemata parva, quæ dignitati morborum non respondebant, citò evanescentia, quod signum funestum est. Addit deinde moriebantur ex omnibus quidem, plurimi vero ex pueris jam ablactatis, iisque quibus ætas paululum processerat, octennes, decennes, necdum etiam puberes. *Sectione tertiâ 2.* *Epidem.* aspredines quædam miliacæ in febribus contingebant; quæ morbos iudicabant nec admodum pruriebant. Et *coaca 114.* earum prognosticum docet. *Quando in febribus continuis phlyctæna per totum corpus enascuntur lethale est, nisi suppurent*, quod variolis optimè convenire quis non videt. *Galenus* quoque 5. *meth. cap. 12.* ita describit exanthemata quædam quæ in pestilentia contingebant, ut statim va-



riolas eas esse agnoscamus. *Aëtium lib. 5. cap. 129.* initiis februm malignarum pustulas erumpere scribit similes moribus pulicum, & *lib. 14. cap. 63.* *Paulus lib. 1. cap. 6.* infantibus papulas per universum corpus erumpere scribit, quod etsi morbillis adeo non conveniat, variolis tamen competit, nam hæc desinunt in ulcera; Id negat tamen *Mercurialis*, quia similes inquit erant moribus culicum quod nec morbillis nec variolis competit; sed si consideremus quæ moribus culicum attribuit *Hippocrates*, videbimus tum variolas tum morbillos posse intelligi. Non enim simplicem maculam, sed intumescentiam & asperitatem illis tribuunt authores, ut experientia quoque ostendit. Eandem quoque curationem *Paulus* & *Aëtium* instituunt, quam nos in hisce variolis observandam docebimus. *Celsus lib. 5.* ubi de phymate, phygethlo furunculo, cæterisque egit tuberculis, pustulas in genere describit, & ita exactè ut variolis omnia fermè competant, quanquam non solas variolas sed etiam alia earum genera complectatur. Si enim variolæ à sanguine, morbilli sunt à bile, à reliquis pustulis non differunt nec naturam nec curationem, nisi quod criseos ratione in febribus malignis eveniant, sintque epidemicæ & contagiosæ, & quoniam vi naturæ oriuntur nunquam sunt repellendæ, sed potius omni ingenio provocandæ. *Arabes* qui hunc morbum accuratissimè explicarunt, de eo tanquam de morbo novo, veteribusque incognito non egerunt, nec causas novas sed menstrui sanguinis impuritatem constituerunt, cujus vitium semper fuit, nec novum est. Quod si veteres Græci non ita clarè horum meminere, id factum est, vel quod ob exactam victus rationem mitiora forent omnia, vel quia omnes papulas in cute apparentes exanthematum nomine complecterentur, vel quia critica sunt evacuationes, & symptomata febrium malignarum, quæ propterea seorsim in morborum numero non sunt recensendæ. Nihilominus tamen quæ necessaria sunt ad earum curationem & cognitionem reliquerunt, scilicet in febribus malignis eas apparere, esse quoque si recesserint, & paucae fuerint valdè periculosas, non esse repellendas, sed potius in cutem attrahendas; Demum quibus remediis sint exsiccandæ ut videbimus in progressu. Ex quibus solvuntur facile *Mercurialis* rationes: Quis, inquit, dixit unquam exanthemata omnes homines tentare, quis dixit magis afficere pueros, apud quem reperiemus ipsa adeo omnes homines deturpare, quæ puerilia esse & falsa ex superioribus intelligi potest, & quidem pueros magis affici *Hippocrates, Aëtium, Paulus, Celsus* dixere; Omnes



Omnes homines tentari semel in vitâ, veteres non adeo exactè observarunt, sed neque ipsi Arabes excepto *Avenzoare* id referunt. *Avicennas* id scriptis non prodidit, qui tamen omnium optimè de illis scripsisse dicitur. Id nos primus omnium docuit *Avenzoar*, & experientia comprobavit, quis tamen dicit *Avicennæ* ignotas fuisse?

ix. *Mercurialis* novum morbum esse vult, primum aëris vitio enatum, dein hæreditate in posteros derivatum, quæ opinio absurdissima mihi videtur. Negavit enim adversus *Fernelium* vitio morbi Cœli fieri, at nunc concedit illius vitio incepisse. Si hoc modo primum incepit, cur non eodem modo propagari potest, iterumve enasci, aut cur idem de peste dici non poterit, scilicet à parentibus prius peste infectis abire in liberos, aut cur semel tantum in vitâ infestat, nec perpetuò durat, cum morbi hæreditarii ad mortem usque soleant sævire. Demum morbi hæreditarii communicantur per semen ex quo solidæ corporis partes coagmentantur, vitium igitur in solidis partibus residet. At cum per exanthemata repurgentur solidæ partes, nulla in illis remanet labes, quæ postea illis communicari possit, alioqui periculum esset relapsus.

x. Ad causas variolarum jam se convertat oratio, de quibus eò acrius disputant Medici, quo inutilior earum est inquisitio, nam sive aëris vitio, sive à menstruo sanguine, sive aliis ex causis oriantur, eadem curandi ratio est. Attamen aliorum imitatione de his agamus. Affectus iste omnes occupat, juvenes & senes, viros & mulieres, est igitur morbus communis; Communem ideo causam habet. Causa communis quâ scilicet omnes utuntur, vel aër est quem inspirando attrahimus, vel lac quo omnes nutrimur, vel sanguis menstruus, quo partes corporis nostri coagmentantur & fiunt. *Fernelius* ex cæcâ & abditâ aëris qualitate proficisci putat, Indeque fieri ut certis temporum intervallis fileant prorsus, rursusque sæviant in plebem, quod rigente cœlo non minùs quam ferventissimo generentur. Sed malè. Quamvis enim interdum epidemicorum morborum more grassentur, id tamen non est perpetuum, sunt enim sæpius sporadicæ, & quocunque anni tempore in quâlibet regione quidam hoc morbo conflantur, in septentrione, in meridie, in universo terrarum orbe, quidam perpetuo sunt qui eo laborant, unde etiam interdum sæviant in plebem, falsum tamen est unquam prorsus filere. Vel igitur ab aëre originem non ducunt, vel arcana illa aëris qualitas in universo terrarum orbe

*Refutatio Mercurialis.*  
\*

*De causis Variolarum.*

*Fernelii opinio.*



*Alia opi-* perpetua est, quod est absurdum. Præterea semel tantum in vitâ  
*mo,* non infestarent, sed sæpius pestilentium more inficerent, & occiderent.  
Quidam lac quo infantes nutrimur causam esse dixerunt, quæ tamen  
sententia paucos habuit assertores. Absit enim omnium nutricum  
lac esse vitiosum, aliàs laborarent in univèrsum nutrices singulæ ob  
vitiosi sanguinis perpetuum proventum. Tum quoque maturos par-  
tus hæc lue perfusos editos videre sæpe contigit, antequam lacte fruan-  
tur.

*Opinia* xi. Communissima igitur opinio est quam *Arabes* primùm protu-  
*Arabum.* lere, sanguinis menstrui quo in utero fœtus alebatur reliquias hujus  
morbi causam esse, fœtus quidem in utero materno sanguine sustine-  
tur, primis quidem mensibus purissimo, sed crescente fœtu purum  
vitiosumque simul prolestat, eoque magis quo fœtus grandior est,  
plurique alimento eget ad sui nutritionem, cujus impuri sanguinis ma-  
lâ, qualitate inficitur, unde solidæ carnosæque partes eâ labe inquina-  
tæ, semel saltem in vitâ depurari postulant, sicut vinum in doliis fer-  
vendo & ebulliendo defœcatur, ipsaque vasa si quid vitii continebant,  
illud simul deponunt, & puriora fiunt, sic sanguis menstruus in poris  
partium contentus effervescens, naturæ vi foras propulsatur, & efflo-  
rescit in cute. Quæ tamen sententia non mediocres patitur difficulta-  
tes. Primò verum non videtur fœtum nutriri sanguine impuro, sed po-  
tius purissimo à quo nulla labe solidis partibus inuri potest; Si enim  
in gravidis retentus sanguis ille, tot gravia symptomata generat, quo-  
modo innoxie fœtus illo fruatur. *Fernelius*, *Averrhoes*, *Avenzoar*, ne-  
gant ejusmodi sanguine fœtum nutriri. Respondeo nutriri quidem  
purissimo quantum potest, sed eo crescente semper impuri aliquid  
prolestat, aut saltem ab impurâ portione inquinari, sicut vasa à rebus  
impositis inficiuntur, ideo natura impuritates illas tandem cogitur se-  
cernere per cutaneas excretiones. Secundò objicit *Fernelius* sæpe ho-  
mines pati morbos gravissimos, multas febres, in quibus ob sanguinis  
effervescentiam & vena secatur, & purgationes aliaque remedia insti-  
tuuntur, corpus variis modis expurgatur, quomodo non fuit venenum  
istud post multas febres, post multos morbos superatos ex fermenta-  
tione vacuatum. Cur pariter mulieres quæ ex menstruorum suppres-  
sione ægrotant iisdem malis non sunt obnoxie? Respondeo non quam  
libet effervescentiam variolas procreare, sed eam tantum in quâ san-  
guinis menstrui reliquie eam patiuntur, si ergo sola in venis fiat ebul-  
litio



litio, ut in synochis febribus, nulla fient exanthemata, unde in suppressione menstruum per quia sanguis, partium substantiam non dispergitur, nec malignam illis qualitatem imprimit, sed venis continetur, non fiunt variolæ; Dicit quispiam partes non patiuntur ebullitionem sed venæ. Respondeo non ipsas quidem partes effervescent, sed ex malignâ illâ qualitate quam ex menstrui reliquiis contraxerunt, humores inficiunt, qui effervescentes in cutim propelluntur, sicque partes ipsæ depurantur, sic vasa quæ non sunt sincera vinum inquinant, quod si illud effervescat, simul quoque vasa expurgantur. *Tertiò* si fiunt à sanguine menstruo cur sæpe longè ab ortu in ipsâ senectute sese produnt, quomodo potuit tamdiu sine noxâ venenosa illa substantia retineri. Respondet *Augenius* id fieri, prout materia pauca fuerit vel copiosa, naturam vel multum vel parum irritarit, sic latet sæpe per annos plures venenum, nec nisi post longissimam temporis moram sese exerit. Ideo non semper excretio hæc statim à naturâ instituitur, nisi aut contagio, aut externarum causarum vi stimuletur, ideo epidemicorum more interdum sæviunt variolæ, quia ab aëre incitatur natura ad excretionem, quæ aliàs otiosa fuisset, vel quia materia pauca est, vel quia natura assueta est. Labes autem illa solidis partibus impressa si exigua sit, nec externæ causæ vi commoveatur, sensim alimentum inquinat & multiplicatur ingravescitque in corpore, donec à naturâ amplius ferri non possit, hincque sese tantum in senectute interdum prodit, citius verò, si copiosior illa fuerit acriorque ut in iis qui pueri hos morbos patiuntur. Eam autem accelerat impura victus ratio, quæ humores pravos coacervat, à quibus citius corpus ægrotat. *Quartò* sequeretur unumquemque his aliquando in vitâ conflictari debere, neminemque his posse secundò aut tertio prehendi, quod experientia repugnat. Respondeo ex Arabum sententiâ & rei veritate vix millesimum effugere hanc labem, nisi juvenis ex alio morbo decesserit. Neque morbum repetere si sufficiens & copiosa fuerit excretio, nec nisi ex relicto fermento quod postea novi morbi historiam orditur, nam quæ relinquuntur recidivas facere solent. *Mercurialis de pueror. morbis*, variis quoque modis sententiam hanc impugnat. *Primò* Variolæ sunt novus morbus ante Arabes vix cognitus, at vitium menstrui sanguinis fuit sempiternum. Sed superius ostendimus morbum hunc minimè recens excitatum, sed Græcis fuisse cognitum. *Secundò*, inquit ille, fiunt vitio aëris, ut profitetur *Avenzoar*, & ex historiis novi orbis patet



patet fuisse fermè extinctos incolas & variolis morbidì cœli vitio contingentibus. Respondeo aërem causam tantum esse externam quæ internam suscitât. Internam autem esse vitium illud menstruale, ut apparet quod quantumvis morbidum sit cœlum, multique morbi ab eo pullulent, non fiunt tamen variolæ, nisi in iis qui hujusce labis semina-  
 ria continent. *Tertio* si à menstruo fierent variolæ quæcunque animalia menstrua habent, iis quoque forent obnoxia, ut equus, canis, asinus, quod tamen nunquam fuit observatum. Respondet *Laurentius* bruta victu uti sicciore, vitam in labore degere, sicque sanguinis impuri reliquias digerere. Sed præterea prædicta animalia menstruas habere purgationes etsi *Aristoteles* dixerit, id tamen tam rarum est ut inter centum millia vix uni contingat, parumque absit à fabulâ, ut tam debili fundamento subnixâ ratio spontè facillè corruat. *Quarto* natura tribus modis omnia fœtus excrementa repurgat, primò deponuntur ea inter duas tunicas usque ad partum, secundo statim à partu per intestina excluditur meconion; demum per achoras capitisque ulcera fit nova excretio, quæ pueri excrementa ita secernit, ut ab epilepsiâ aliisque morbis in posterum tutus maneat. Respondeo superesse quartam expurgandi rationem per exanthemata, nec enim prædictæ excretiones sufficiunt, siquidem membranæ fœtum involuentes sanguinem tantum continent quem infans non attrahit, impurum quidem & vitiatum, sed qui tamen illum non inficit. Meconio quoque non posse lœm partibus conceptam educi certum est, tum quia locus accommodatus non est, tum quia excretio exigua est, nec sufficit humori vacuando. Achores non universum corpus, sed solum caput expurgant: Necessariò igitur menstruale vitium per corporis habitum debebat removeri. Fiunt igitur cum sanguis sicut vinum in doliis fervens depuratur, spumam suam & habitus crassiores ad cutem mandat, ex pituitosiore fieri sanguine ostendunt symptomata: fiunt enim somnolenti, caput ingravescit, oculi tument, & lachrymantur, febris non est admodum vehemens, extuberrantque papulæ, morbillorum vero materia tenuior maculas tantum inurit.

X I I. Itaque cum omnibus communis sit morbus hic, & pueris maximè familiaris, ad aërem solum referri non potest, quæ enim sporadicæ variolæ sunt, non nisi ab internâ causâ possunt suscitari; singulis annis pueri quidam ubique gentium illis laborant, etsi aër nec pestilens sit, nec malignus. Referantur ergo ad sanguinem quo infans alitur primum



mum & sustinetur. Quod si labem hanc à causâ cœlesti in actum deduci contingat, vel per contagium propagari, epidemici fieri morbilli poterunt, sæpe tamen sunt sporadici. Cum igitur ex eodem menstruo sanguine elephantiasin generari dixerint Arabes, videndum quonam demum modo à variolis distinguatur, quomodo scilicet in his universus corporis habitus expurgetur, in illâ vero immedicabili malo defœdetur. Id explicare non est difficile. Conceptio fit vel antequam fluant menses, vel post quam fluxere, vel dum fluunt. Optima fit post menstruorum fluxum utero repurgato, dein antequam fluant, deterrima verò ipsis fluentibus, quæ etiam legibus divinis prohibita est, nascuntur enim foetus elephantici. Itaque cum ex pravo sanguine generationem sortitur homo, ut qui fluente menstruo concipitur, fit elephanticus, qui vero post uterum à sanguine expurgatum generatur, cum ex optimis purisque principiis coalescat, solidæ partes benè se habent à nativitatis principiis, solummodo dum ad nutritionem purum impurumque simul sanguinem proleat, labem aliquam contrahit, quam deinde per variolas expurgat. Statuamus ergo à sanguine menstruo fieri variolas & morbillos.

De differe-  
ntiâ  
variola-  
rum &  
lepra.

XIIII. Causæ verò harum internæ plures sunt, constitutio corpo-  
ris calida humida, habitus tener & obesus, ætas puerilis & juvenilis, sunt  
enim pueri magis obnoxii, quia sanguine abundant, ichoribus, & maxi-  
mo calore, facultates naturales habent robustiores, unde scribit *Plinius*  
magis eos tentari peste quàm senes. Aetate provecti minùs afficiuntur  
exanthematis, tum quia minùs validam habent excretricem, tum quia  
temporis diuturnitate vitium illud sanguinis partibus conceptum per  
insensilem transpirationem absumpserunt, quod si eos affici contingat,  
periculosius ægrotant, quia maxima tenaxque illa causa est quæ tamdiu  
in corpore latitat: scribit *Rhazes* pueros esse magis obnoxios quam sint  
puellæ, quod tamen non est superstitiosè inquirendum, cum pariter  
sexus uterque afficiatur, nec facile sit id observare, cum puellæ non mi-  
nùs quam pueri hoc morbo intereant, vixque ulla sit puella quæ illum  
effugiat. Causæ externæ sunt quæ in sanguine effervescentiam & cor-  
ruptelam efficiunt, aër calidus humidus, pestilens, sub quo perniciosæ  
variolæ concitantur, constitutio austrina, tempus vernum & autumnale,  
regio calida humida. *Avicenna* ver magis obnoxium esse scribit,  
*Rhazes* verò autumnum, quæ differentia inutilis est, siquidem quolibet  
anni tempore grassari observatum fuit, interdum ferocius autumnum  
quam

Causa  
interna.

Causa  
externa.



quam vere, interdum ipsâ hyeme magis quam aliis temporibus. Unde superstitione mihi videntur & inanes ejusmodi observationes, suntque plerumque falsæ. Ad hæc usus vini meracioris, ciborum calidorum, pinguium, dulcium, lactis, balneorum, laconicorum, exercitationes immodicæ, & intempestivæ, atque etiam contagium tum per fomitem, tum ad distans vitiatum aëre ex anhelitu ægri, sicque malum in alios fertur: Tum demum quæcunque effervescentiam humoribus conciliare possunt, fieri enim per ebullitionem clare ostendunt symptomata quæ consequuntur, tum calor intensus præcedens, tum pustularum color, quæ omnia sanguinis ferventis sunt indicia. Pueri maximè affliguntur, quia sanguine multo in utero abundant, unde recens nati toto corpore rubent, dein postea lactis plurimum hauriunt, nec ferè unquam saturantur, hinc multos acervant humores pravos, ob ingluviem, asumen-  
dorum ordinem præposterum, intempestiva exercitia & quia sæpe im-  
purum lac sugunt, & vitiosa alimenta bonis præferunt.

*Signa.*

x i v. Præsentēs variolas dignoscere non est difficile, futuras vero ut docet *Fracastorius* antequam erumpant difficillimum, nulla enim habent signa pathognomica quæ aliis morbis non sint communia. Suspicio tamen est illas futuras, *primò* si eâ tempestate grassentur, tuncque quispiam febre syncho labore, aut ardenti. I I. Adest dorsi dolor & lumborum, quia vena cava descendens perrepat per dorsi regionem, in quâ sanguis effervesceat & ebullit, unde distensio & dolor. Idem in arteriâ magna descendente contingit. I I I. Nasi pruritus, faciei rubor propter sanguinis & vaporum acrium ad illas partes anadromen. I V. Timores in somnis propter ascensum vaporum ad caput. V. Punctionis in universo corpore sensus ex materiâ acri & pungente quærentem exitum. Dubitabit quispiam cur pariter non fiat rigor, saltem in morbillis quos humor biliosus & acris parit, expulsio siquidem humoris acris per membranas sensiles rigorem parere solet? An quia non putredine solâ sed occultâ qualitate isti humores nocent? unde sicut in febre pestilenti rigores non concitantur. V I. Capitis totiusque corporis gravitas à plethorâ infestante. V I I. Lachrymæ ex vaporibus acris à capite in oculos distillantibus. V I I I. Pandiculatio frequens, anxietas, & oscitatio, ex vaporibus musculos tum totius corporis tum oris ferientibus. I X. Corporis palpitatio; X. Anhelitus compressio à sanguinis thoracem comprimentis copiâ. X I. Raucedo ex sanguinis circa partes spirales ebullitione. X I I. Sputum crassum à nimio calore.



lore. XIII. Oris exsiccatio & ariditas eâdem de causâ. XIV. Animi perturbatio, convulsio, syncope, ex humore maligno cerebrum & cor feriente. XV. thoracis gutturisve dolor. XVI. Pedum manuumve tremor. XVII. Post prædicta apparent in facie & toto corpore maculae rubicundae primum milii granis similes, aliquantulum asperae, quae tamen sensim augentur. *Rhazes* prædicta signa brevius proponit. Cum, *inquit*, febris acuta pueris & juvenibus contigerit, simulque costarum dolor, nasi pruritus, in somno timor, capitis gravitas, oculorum rubor, & in toto corpore punctio perfititur, signum est ægro vel variolas vel morbillos superventuros. Quae tamen signa, ut diximus, non sunt necessaria, nam simul omnia, & singula seorsim in aliis febribus contingere possunt, tantumque sanguinis fervorem indicant, cui necessariò exanthemata non succedunt.

xv. Prognostica quod spectat, morbus hic acutus est, cum periculo scilicet & vehementi motu, qui sunt morborum acutorum characteres, imo tam graves interdum sunt hi tumores, ut putredine & foetore fiant ingratissimi, in squamas foetidissimas abeant, transeantque neglecti in scabiem foedam, interdumque ex iis corpus contabescat. Sunt autem evacuationes criticae, crisis verò mala esse potest & bona. Ideo dignoscendum quando salutares sint, quando lethales. Ut plurimum itaque salubres sunt, quia sunt criticae, maximè si cum exigua febre erumpunt, citò apparent, febrem tollunt, aut saltem imminuunt, si sint coloris rubicundi, non violacei, aut nigri, si sint magnae, si citò suppurent, nam *Coaca* 114. *Quibus per febres assiduas pustula toto corpore enascuntur lethale est, nisi quid purulentum accedat*, si symptomata reliqua imminuantur, ægri benè spirant, ad oblata benè se habent. Contraria signa mala sunt, ut si semel apparentes evanescant, vel intro redeant, naturæ imbecillitatem arguunt, humorisque copiam excretioni resistentem; *Secundò* si post earum exortum febris remaneat continua & acuta, aut si quæ prius cessaverat, revertatur; *Tertiò* si mala symptomata vel perseverent vel accedant, anhelitus difficultas, tussis, sitis, æstus, corporis vehemens agitatio, animi deliquiâ, convulsio, delirium, urinæ malæ, livida, nigra, virides: *Quartò*, si fuerint virides, livida, nigra, maximè pruriginosæ, magnam enim humorum adustionem significant. *Quintò*, si fauces, ventriculum, & interna viscera exulcerent. *Sextò* si alvi fluor æruginosus, dysentericus, niger successerit, qui si in declinatione interdum contingat, redeuntibus in viscera exanthematis,



matis, aut aliâ de causâ, etiam in ipsâ declinatione æger mori potest.  
*Septimò* lethales quoq; fiunt in iis qui valdè cacochymi sunt, in quibus  
 fervente sanguine putredo immedicabilis succedit, tum quoq; si victus  
 errores committantur, tum si accedat morbidus cœli & acris intempe-  
 ries, sicut contrâ meliores sunt in iis quibus præter ichores nihil est  
 pravum, & in quibus nulla externa causa operatur, nec aër, nec  
 ratio victus, nec aliud quippiam. Ut ut sit, vix unquam ita fo-  
 liciter curantur, quin in facie cicatrices relinquant, & vestigia satis  
 deformia, quia cutis illic non est separata à panniculo carnosio, sic do-  
 cet *Aristoteles 3. de histor. animalium xi.* ubi cutis immediatè ossibus ad-  
 hæret, vulnera difficulter coalescere. *Octavò*, in pueris mitior affectus  
 est quam in adultis, quia si in tenerâ ætate infectio non expurgetur, si-  
 gnum est tenacem illam esse vixque idoneam separari, quare non nisi  
 vi multâ & magno labore in adulto separari potest. In scabie, tineâ,  
 achoribus, aliisque affectibus fiunt multæ excretiones sine febre, cur  
 hic non fient? Respondeo excretiones eas quas Natura sensim moli-  
 tur, sine febre posse perfici, sed critas, impetuosas, quales sunt va-  
 riolarum eruptiones, sine multo calore non fieri, calor enim ille est  
 qui promovet & accelerat repentinas omnes humorum vacuationes:  
*Nondè*, dubitatur quænam sint deteriores, plures an pauciores? *Aëtius*  
 copiosas vituperat, *Avicenna* paucas. Sanè optandum est semper ut  
 quamplurimæ exeant, sic enim removetur magis ab internis visceri-  
 bus humor morbosus. Sed sive copiosæ, sive paucæ erumpant, at-  
 tendenda semper sunt symptomata, quæ si perfectè cessaverint, sem-  
 per sunt bonæ, si remaneant & perseverent, vel redeant, malæ, in po-  
 steriори hoc casu, paucæ, naturæ imbecillitatem, copiosæ humorum  
 malignorum copiam arguunt, in priori vero casu, paucæ, humoris  
 perniciosi paucitatem; Copiosæ, naturæ sanguinem perfectè expur-  
 gantis robur ostendunt. Prognostica hæc signa eleganter complexus  
 est, *Aëtius* *tetrabibli secunda libro primo, cap. 129.* deteriores sunt, inquit,  
 plures quam copiosiores, majores quam minores, quæ cito delentur quam quæ  
 multo tempore durant, & quæ succedunt alvo suppressa, aut moderatè fluenti  
 meliores, quæ vero fluente alvo, aut vomitibus vexantibus mala, si succedentes  
 alvum resiccent bona. Præterea quidam moriuntur anginosi, nonnulli  
 dysenterici, alii syncope conficiuntur, & percutunt.

*Cura.*

VI. Ad curationem jam veniendum, & quoties eruptionis variola-  
 rum motus est, adjuvanda est natura expellens, tum partes tam internæ  
 quam



quam externæ defendendæ sunt ne lædantur, prohibere autem variolas ne fiât, satis tutum non est, nec facîle, si natura semel hoc orgasmo concitetur. Sed quoniâ nobiles plurimi earum timent contagium, Optimû erit, si tunc hoc morbi genus grassetur, vitare primum omnium cum infectis conversationem, tûm purgantibus medicamentis, venæ sectione si vires & ætas ferant corpus vacuare, & refrigerantibus syrupis temperare, de quibus capite de syncho diximus. Hic autem quia laborantibus remedia præscribimus, diætam, chirurgiam, pharmacæam explicemus. Antiquam igitur variolæ prodeant æris frigidi *Diætâ.* usus est salutaris, humorum enim sanguinisque fervorem temperat, illis verò erumpentibus noxius est, quia intus cohibet excrementa quæ in cutem deponere Natura gestit, hæc autem cohibita viscera partefque nobiles lædunt, angustiam, syncopen, inquietudinem & prava inducunt symptomata. Temperatus igitur sit cum foras erumpunt variolæ, præcipuè si salubres sint, nam in malignis quibus apparentibus & febris & symptomata perseverant, unicè cavendum est à nimium calido, ne augeatur incendium, non minùs quam à frigido ne retrocedant, salubribus autem calidus aer prodest, æger pannis præsertim rubris cooperiatur, ut ab æris frigidi occurfu satis tutus sit, non autem ut præ pannorum copiâ & nimio calore suffocetur, animi deliquium & syncope contingant. Superstitio mihi esse videtur in colore pannorum, cur potius rubri quam albi viridesve esse debeant? Color enim non potest operari nisi per accidens quatenus visum & phantasiam afficit, quæ postea similitudine coloris incitata, sanguinem ad exteriora *De pannis rubris.* impellit. At sic sufficit colorem ejusmodi oculis objicere, nam cum corpori adherent & noctu & sub lecti linteaminibus non videntur. *Secundò* panni non educunt humores nisi quatenus corpus calefaciunt, poros aperiunt, ab externo aëre defendunt, quod non rubri tantum sed omnes panni præstare possunt & omnium optimè albi. *Tertiò Amatus, Valesius,* aliique qui hujusmodi pannos ex vulgari consuetudine probant, id sedulò movent, ne corpus ipsum contingant, quia extincturâ aliquam habent adstrictionem, ideo quamvis eos non improbem, ridiculum tamen esse puto colorum facere discrimen, imò potius candidissimos probarem, quia color ille visum disgregat, spiritus ad externa evocat, & ex consequentiâ quadam humorum in cute efflorescentiam promover. Nec obstat quædam animalia viso rubicundo colore excandescere, multos viso sanguine proprio animari ad vindictam,



Etiam, id tamen non est perpetuum, nec omnibus sed tantummodo quibusdam competit, qui id ex arcanâ habent proprietate, neque viso quolibet sanguine, sed tantum proprio quidam in iram prorumpunt, indicio sanguinis colorem rubicundum ejus rei causam non fuisse.

- Somnus.* Somnus pueris concedi potest longior ante eruptionem variolarum, quamvis omnes vacationes cohibeat præter sudorem, est autem hæc expulsio non multum absimilis sudori, erumpentibus autem iis magis vigilandum quam dormiendum. *Animi motus.* Animi motus, ut in reliquis morbis diximus, præter gaudium ferè nocent omnes, ira tamen quibusdam non improbat, reliqui verò sanguinem caloremque retinent in visceribus. Continenda igitur corpora sunt in summâ quiete corporis & animi, solum in principio frictions competunt leviores, quibus meatus dilatantur & naturæ juvatur expulsio, à quibus tamen abstinendum erit quando incipiunt eminere in superficie corporis. Evacuationes provocandæ glandibus & clysteribus de quibus inferius dicemus. *Excreta.* Reliqua in cibo victus ratio tenuis esse debet, quamvis in pueris ob consuetudinem & plurimum calorem, in senibus ob virium imbecillitatem, paulò plenior concedi debeat, sicut in pestilenti statu, in quo tum morbus, tum vires inediâ læduntur. Refrigerantes autem cibi sint ob febrem adjunctam, modicè abstringentes & incrassantes ne sanguis in partem principem impetu quodam irruat, viscera ipsa confirmetur adversus hanc luent. Vitentur ergò cibi acres, salsi, pingues, dulces, ex *Avenzoare*, tum etiam amari, quia sanguinem agunt in fervorem, carnibus & ovorum vitellis Arabes abstinent antiquam periculo æger defungatur, sed postea convenire posse docent, ideo solis sorbitionibus alendos ægrotantes vult *Hippocrates*. Juscula ergò carniū eupeptarum, lactucâ, cichorio, portulacâ, endiviâ, borragine & similibus alterata dentur. Hordeata quoque amygdalata, succis granator, limonum medicata prosunt. In potu Julepi, tinctura rosarum, aqua hordei cum succis acidis & cornu cervi commendantur, sed vino abstinendum præterquam iis erumpentibus, tuncque convenit oligophoron, aquâ dilutum, modò febris non sit vehemens, nec caput doleat, nec æger deliret. Sed inter omnia medicamenta vel alimenta lentes primum obtinere locum dicuntur, ita ut *Angenius* occultâ proprietate huic malo opitulari scribat, medicosque inexpertos & ignaros vocet qui illas improbant, atque etsi ut alimentum in substantiâ non conveniant, convenire tamen ut medicamentum ad causam



fam morbillorum in superficiem expellendam. *Portus* adstrictione valere scribit, sicut & laccam, & tragacanthum, quia viscera roborant, quæ roborata humores pellunt in habitum corporis, Alii humorum sanguinisque fervorem retundi aiunt, ejusque motum compesci à lentibus, fuisseque Arabes in viribus medicamentorum explorandis, Græcis multò diligentiores. *Amatus* in Dioscoridem, *Cardanus*, *sylvaticus* Medicos damnant qui lentes in pleuritide & morbis acutis ægris præscribunt. Scribit *Galenus*, lentes esse dyspeptas, crassum succum generare, elephantiasin, cancos, & *simplic.* earumque decoctum alvum solvere, quod est variolis noxium. *Cave*, inquit *Avicenna*, ne detur corpus lentium materiâ existente grossâ. Mercurialis prodesse putat si aliquid admisceatur quod crassitiem illarum attenuare possit, laudatque Arabes qui illas aceto incoquunt. Alii corticem adstringere scribunt, substantiam aperire, ideo coquunt vel cum cortice, vel sine cortice, idque vel semel tantum, vel bis terue; Ad sanguinis fervorem compescendum exhibent cum cortice bis coctas, priore decocto abjecto, sed ad modicè provocandas sine cortice bis coctas præbent. *Avicennas* cap. de syncho lentes ad sanguinem incrassandum commendat, non ad ullam in cutim expulsionem promovendam. Ideo convenire variolis vix possunt. Cum igitur hujus remedii facultas ignota sit hætenus, & dubia, contra certissimum sit ab omnibus improbari, quod vitiosi sint sicci, mentem turbent, sanguinem melancholicum generent, scribatque *Galenus* pleuriticum ex earum usu interiisse, sanè tam ineptum alimentum vix crediderim ego bonum esse medicamentum, cumque certiora & tutiora suppetant ab eo in posterum abstinendum. Galli & Angli qui delicatius solent epulari, hoc ferculo sat scio lubentissimè carebunt.

XVII. Reliquam curationem quod spectat, omni arte curandum est ut quam citissimè erumpant, tuncque partes plurimæ quæ noxam percipere possunt sunt roborandæ & præservandæ. Tales sunt oculi, nares, pulmones, intestina. Id autem adstringentia & repellentia præstant. In oculis periculum est ne cæcitas contingat ex cicatrice; si enim corneam occupant variolæ, rumpitur ea, ulcusque succedit difficillimum, & eo curato cicatrix. R̄ aqua plantag. rosar. ana ℥ iij. sumach ℥ ij ℥. santali albi & rub. ana ℥ ℥. fervescant parum & coquantur. Colatura adde camphora ℥ j. croci grana tria, & oculis foveatur. Alumen ovi cum aquâ plantaginis sufficit R̄ sief albi sine opio ℥ ℥. aqua plantag. ℥ iij. campho-

Præser-  
vatio  
parium;  
Oculorum



*Naribus.* Phora  $\mathfrak{D}$  *B. f. collyrium.* Quod si hæc non profuerint & variolæ in oculum irruunt, remediis in ophtalmiâ describendis curentur. Prædicta etiam naribus convenire possunt, addito aceto rosaceo, cujus solius frequens odoratus prodesse dicitur.  $\mathfrak{R}$  Plantag. myrti, rosar. balauft. ana *P. B. f. decoctio in aqua plantag. & aceti ana*  $\mathfrak{z}$  iij. Colatura frequenter nares foveantur. Ubi exulceratæ sunt, ceratum rosaceum aut violaceum cum mucilag. tragac. convenit.  $\mathfrak{R}$  mucilag. sem. cydon. extracta in aquâ plantag.  $\mathfrak{z}$  vj. olei rosati  $\mathfrak{z}$  j. cera parum fiat linimentum. Ad fauces gargarismata ex decocto adstringenti parata cum dianoro, dianuco, granator. berberisque succo, quæ sola si gargarisnatis æger uti non possit, lambendo sumpta profunt. Ad pulmones lohoc de lentibus maximè commendatur ab Avicennâ.  $\mathfrak{R}$  lentium *M. ij. vuar. passar. M. j. sem. papaver.  $\mathfrak{z}$  ij. rosar.  $\mathfrak{z}$  j ss. decoquantur ad tb j. in qua dissolve sacchari candi tb ss. pulveris tragacant.  $\mathfrak{z}$  ij. fiat lohoc.* Vel  $\mathfrak{R}$  conservæ rosar.  $\mathfrak{z}$  j. pulveris diatragac. frigidi  $\mathfrak{z}$  j ss. sem. papaver albi  $\mathfrak{z}$  j. syr. de papav. q. s. f. lohoc. *Intestinos.* Alvi quoque fluxus in his febribus noxius est, ideo utitur Avicennas trochiscis de spodio & aliis adstringentibus. Quidam id nolunt esse perpetuò verum, nisi ratione variolarum intestina obsidentium contingat, tuncque in ipsâ declinatione periculosus est, multo magis in principio, fiunt etiam in intestinis ulcera curatu interdum difficilia. Sed si in morbi declinatione natura relictam cacochymiam quam per cutim non excreverat, per alvum evacuet, salutaris interdum esse potest. Igitur si in principio contingat, semper sistendus est clysteribus lenientibus & repellentibus de quib. cap. de dysenteriâ dicemus.

*Vena-  
sectio.* xviii. Ubi partes fuerint præservatæ, naturæ motus juvandus est, si ipsa segniter operetur, quod aperientia & in cutim evocantia præstare possunt. Sed si plenitudo maxima adfuerit, sanguinisque ebullitio, statim vena secetur, ex *Aërio*, ut scilicet humor in venis ebulliens vacuetur, & natura oneris parte levetur, sic enim postea alacrius expellit, meliusque transpirat corpus, alioquin periculum est ne Natura oppressa multitudine, nihil reponat in superficiem, aut tantum morbi partem, aut ne materia orgasmo concitata ruat in partem principem, & si autoritatibus certandum sit, *Amatus* se venam scilicet in pueris secasse asserit. *Hollerius* quoque idem suadet ut corpus scilicet transpiret. *Avicenna*, & *Gordonius* supra cætera remedia extollunt. Incidenda autem est jecoraria dextra, mittendusque sanguis ratione plenitudinis & virium, nunquam autem ad animi deliquium, necesse est enim vires



vires super sint in corpore ad veneni istius vacuationem. Supponimus autem & vires & ætatem & cætera consentire. Secunda autem est nondum apparentibus variolis in morbi principio, cum materia fervet in venis, nequaquam verò iis prodeuntibus, ne humor revocetur in viscera, exeunt enim per modum crisis. *Hollerius* tamen non vult esse perpetuum extantibus in cute papulis à phlebotomiâ abstinere, nam interdum non erumpunt præ copiam vitii, naturâ multitudine oppressa, quæ recreari debet & exonerari, tum si febris gravis perseveret, spirandi difficultas urgeat, qui casus lethales sunt, & mortem minantur, quando apparentibus variolis febris non cessat, ob humoris maligni naturam assidue fatigantis copiam, quibus periculis venæsectio tempestivè adhibita opitulari posse mihi videtur. In pueris autem & junioribus, hirudinibus & cucurbitulis sanguis mittatur, majora enim non perferunt remedia.

xix. Purgationem quoque plurimi vituperant, *Hollerius* ait melius esse alvum adstringi. *Fracastorius* idem sentit, *Rhazes* & *Avenzoar* nec medicamenta exhibent, nec alvum movendam volunt, præterquam glandibus & clysteribus si non respondeat. Et ratio est, quoniam pharmaca acia cum sint & calida, humorum ebullitionem augent, præterea cum corpus extimum exanthematis scatet, intro virulentam materiam revocant, moventque motu naturæ contrario. Insuper alvi fluxus hic periculosus est, quia contingunt dysenteriae, ulcera maligna & sanatu difficilia, viresque hæc vacuatione labefactantur. In historiâ *Simonis* dicit *Galenus*, vomitum non profuisse, optimâ ratione, tum quia hyems erat, quo tempore vomitum minus conferre scribit. *Hippocrates*, tum quia motus ille contrarius erat motui exanthematum. Demum variolæ criticæ sunt vacuationes, propterea finendæ ex aphorismo, nam ut docet *Galenus*, quæ sunt in cute non possunt in alvum retrahi per medicamenta. Verumtamen utilis interdum esse potest levior & benigna purgatio in principio & declinatione. In principio quidem ut prima regio vacuetur, sicque natura aliquantulum levior fiat expeditior ad excretionem, *Inchoantibus siquidem morbis si quid videtur movendum move.* *Hollerius* solos clysteres satis esse posse scribit, aut saltem levissima pharmaca, quæ in corpore caco chymo primo die aut secundo, antequam natura movere incipiat, exhibita, bilis effervescentiam compescunt. *Gentili* laxativa præscribit, quia leniunt malitiam humoris menstrualis, venasque mundificant, movet autem fri-



gida illa esse debere ut sedent fervorem, & in paucâ quantitate, quia largior alvi fluxus nocet. Scribit *Galenus* s. *methodi* fuisse ab exanthematis pestilentibus servatos omnes qui ante purgati fuerant. Attamen *Nicolaus Florentinus* ipsos clysteres vituperat, sed nimis timidus esse mihi videtur, non enim impediunt naturæ motus clysmata, in solis enim intestinis operantur nisi sint aciora, natura autem propè cutim & in venis movet. In declinatione verò utilis est catharsis, ad reliquias humoris morbifici exhauriendas. Sed ubi jam corpus occupant, hoc uti remedio piaculum est, nam quæ judicantur irritare non oportet, sed sinere, potius si alvus tunc fluxerit, adstringentibus est utendum. Igitur si cathartici sicuti Medico visum fuerit, ea sint benigniora, cassia, manna, tamarindi, rhabarbarum, senna, & similia.

*Alterantia.*

xx. Vidimus jam nec purgationem, nec venæsectionem esse satistutam. Ideo alterantia sola supersunt, quæ antequam erumpant papulæ refrigerantia sint & simul cardiaca, ut syrupus de agrestâ, de ribes, limon. granat. cum pulvere de gemmis & aliis de quibus in febribus dictum est. R. succor. borrag. buglos. scariola, limon. ana ℥ iij. rosar. flor. nymphae ana ℥ ss. santali albi ℥ ij. rasura eboris, cornu cervi ana ℥ j. aceti albi ℥ ij. aqua rosar. lb ss. sacchari ℥ x. fiat syrupus. Quidam sequentem syrupum probant. R. decocti lactuca, endivia, jujub. lentium, sumach, lb j. succi granator. agrestæ, moror. berberis, citri, aceti ana ℥ iij. spodi ℥ j. caphura ℥ j. Sp. Vitrioli ℥ ss. sacchari lb ij, fiat syrupus, refrigerat, putredinem prohibet, confert anthraci, cholera, febris ardenti, sanguinea, & variolis. Hæc & ejusmodi alia in principio conveniunt, tum etiam in progressu, si maxima inflammatio & febris perseveret, si æger angatur, inquietus sit, animo delinquat, nauseabundus sit, alviq; fluxu laboret. Aliàs transacto principio motus naturæ juvandus est iis quæ vim aliquam habent aperiendi, laudantur lacca, lentes, semen fœnic. ficus, tragacant. passulæ. R. rad. graminis, apii, asparagi ana ℥ iij. liquiritia ℥ ss. folior. acetosæ, capilli veneris ana M. j. flor. cordial. P. j. ficus xij. passul. ℥ j. sem. fœnic. ℥ j. f. decoctio. In cujus unâ dosi adde syr. limon. de acetos. citri ana ℥ ss. f. portio. Vel R. ficuum N. xij. lentium, bordei, ana P. j. jujubar. N. xv. dactylol. N. iij. passular. Par. xx. seminis citon. gummi tragac. lacca ana ℥ j. croci ℥ ss. cicerum rubrorum f. decoctum saccharo dulcoratum, & bibat, quæ remedia ex arabum mente præscripta mihi videntur satis levia & in hoc morbo inutilia. Potius utendum est cardiacis, & iis quæ malignitati resistunt, ut seminibus napi, cardui bened. citri, floribus ca-



calend, scabiosæ, theriacâ, diascordio & cæteris, sed præcipuè confectio de hyacintho huic morbo opitulatur. Non veniendum tamen est ad ea quæ vehementer aperiunt, nisi natura segnitur expellat, quod cognoscetur ex anthematum & paucitate & tardâ eruptione. R corticis citrisici ʒ ij. folior. ulmar. scabiosæ melissæ, pimpin. scordii ana M. ss. sem. napi, cardui bened. critri, ana ʒ ss. flor. calend. borrag. tunicis ana P. j. dictamni albi ʒ j. f. decoctio ad lb j. In colat. dissolve syr. limon. ʒ ij. syr. granat. ʒ j. syr. conservationis nucum condit. ar. ʒ iij. syr. caryophyll. hortens. ʒ j. confect. de hyacintho ʒ j ss. fiat apozema in quatuor doses. Vel R rhapontici, rad tormentilla, fraxinella, myrrhidis ana ʒ iij. flor. cord. P. j. acetosæ M. j. terra lemmia ʒ j. bulliant in aquæ card. acetosæ, veronica ana ʒ iij. In colaturâ dissolve pulveris diamargarit. ʒ j. syr. limon. ʒ iij. M. f. Iulep. Prodest etiam aqua stillatia florum papaveris erratici, scorzonæræ, florum lini ex Hollerio, ex quibus cum theriacâ & aliis antidotis potiones idoneæ concinnari possunt. R radici Contrajerva ʒ ss. ossis de corde cervi ʒ j. margarit. preparat. lapidis bezoar ana ʒ ss. fiat pulvis. dosis sit ad ʒ ss. cum aquis idoneis, ut cardui, ulmaris, theriacali. Sequens quoque pulvis optimus est R rad. bistorta ʒ ij. magisterii corallor. & perlar. ana ʒ ss. viperarum exsiccatæ. & in pulverem redactarum, ʒ ij. Oculorum cancri per acetum distillatum preparatorum instar magisterii perlarum ʒ j. sacchari candi ʒ j. f. pulvis, cujus dosis sit ad ʒ j ss. cum aquis prædictis. Quibusdam sufficit eos calidè continere ne sese aëri frigido exponant, & naturâ opitulante protruduntur exanthemata. Quidam balneum aquæ dulcis tepidum probant, quia meatus dilatat, cutim laxat, ut facilius & promptius humores excipiat, nam quâ ratione Hippocrates in historiâ Simonis probabat inunctiones ad ignem resolventes & cutim laxantes, eâdem ratione fotsus probat, & prodesse possunt balnea moderata. At hodie importunum ægris remedium balneum est, nec forsan adeo huic morbo commodum, quia vires maximè resolvit, quibus autem variolæ non erumpunt id ex solâ virium imbecillitate procedit, quæ à balneo magis debilitantur. Sufficiunt fotsus partium quarundam ut manuum, & pedum ex aquâ simplici, vel decocto chamæmeli, altheæ, origani, calament. scorzonæræ & similibus; Sic Simon cum ad ignem ungebatur, vel calidâ lavabatur, opem sentiebat, nam quod natura vergit per loca confrentia, eò est ducendum.

xxi. Ubi verò eruperunt Variolæ plurimi multa moliuntur. At Topica earum plurimæ sine ullo remediorum apparatu spontè sanescunt.



*Valescus, Forestus* aliique quamplurimi nihil remediū volunt admoventum, minimēque exsiccandas jubent, si sanies alba effluat. Ut ut sit, oleis non est utendum, quia facilē inflammantur, eaque vetat *Galenus* in erysipelate, nec narcoticis, ne repellant humorem in interiora, nec emplasticis, quia humoris diffilationem prohibent, nec suppurantibus, quia putredinem & corruptionem fovēt, & quotidiana docet experientia sine maturatione spontē sēpissimē exsiccari, si sint paucæ, salubres, boni moris, exiguæ. Quædam tamen maturantia postulant, sed ad id fatus sufficiunt remollientes; Postea quibusdam aperiendæ videntur acu aurēā, argenteā vel ærēā, non forcipibus ne foveas relinquunt, scedosque cicatrices, retentus ichor subiectam cutim violet, illicque ulcera generet interdum profunda, quicquid dicat *Mercurialis*, qui aperiendas esse negat, quoniam jam damnum intulerunt variolæ cum albescent, verumtamen videmus ordinariē putrem materiam ulcera pruritusque inducere, & subiectas partes violare, nisi promptē vacuetur. Ad earum igitur exsiccationem laudabant Arabes Salitionem, sed non est utendum solo sale, faciem si quidem inflamat ob acrimoniam & dolorem quem infert, diluendus ideo est aquis quæ illius vim obtundant, ut aquā fontanā, vel plantaginis, vel rosarum, aut aliā quāpiam simili, cavendo semper ne ante perfectam maturationem laventur. R̄ aqua rosar. vel plantag. lb ij. Salis ℥ j. hordei, lupinor. ana P. S. foliorum tamarisci, flor. rosar. ana M. S. plantag. M. j. lentium excorticatar. M. j. trochiscorum de camphora ℥ j. santalor. omnium ℥ ij. croci ℥ j. fiat decoctio, quā cum gossipio vel spongiā tangantur variolæ. Cujus quoque decocti fumum excipere non est inutile. Exsiccatur quoque pulvis sequens. R̄ farina fabar. cicer. lupinor. orobi, lithargyri, cerussa, aloes, thuris, myrrha, ireos, sang. dracon. terra lemmia ana partes aequales fiat pulvis, qui inspergatur, nam exsiccatur, cicatricem inducit, carnemque generat ex Gordonio. Quod si Natura segnis sit in squamis ulcerum tollendis, emollientibus utendum erit, ut ung. rosato, pomatā, dein ulcera sanabuntur exsiccantibus & detergentibus, ut unguento albo camphorato, de cerussā, de lithargyro, de plumbo, quibus addunt quidam rasuram radicum cannarum, aut salicis, aut pyri. Sed Baricellus Oleo Amygdalarum dulcium inungit donec exsiccentur, sic vestigia non remanebunt, & si excoctæ fuerint, mirabiliter eas sanat.

Cicatri-  
ces

xxi. Cicatrices autem scedæ huic morbo succedere sēpissimē solent,



solent, quas fieri prohibebimus, si æger manibus prurientem locum non scalpat, nec excoriet, tùm inungendo decocto oryzae, vel butyro in aquâ rosarum loto, vel sero lactis, vel pinguedine vervecinâ cum aquâ violarum lotâ. Factæ autem cicatrices adimi non possunt, quicquid recentiorum industria hætenus excogitarit, sufficit si aliquantulum emendentur. Quidam emolliunt deinde detergent. Emolliunt decocto maluarum, altheæ, chamæmeli, meliloti, florum lini, quo faciem foveant, fumumque facie excipiunt, vel ungunt medullâ vitulinâ, axungijs recentibus, oleo amygdal. dulcium & similibus. Emollitam cicatricem detergent saccharo cando, aquâ mellis, decocto florum rosmarini & anagallidis, vel oleo de tartaro, de myrrhâ, de camphorâ, de frumento, de vitellis ovorum, tum aquis è fabis stillatitiis, è terebinthinâ, saponariâ, serpentariâ, limonibus, arantiis, limacibus, folliculis ulmi. *Gerdonius & Hollerius* sequens unguentum maximè commendant. R. lithargyri, cerussa, cadmia lota, pulveris cannar. ustar. croci ana ℥ ss. olei de lilio ℥ ij. cera ℥ vj. fiat unguentum. Os sepiæ, saccharum candum, spuma maris cum optimo melle locis affectis admoveantur. R. litharg. preparati, cineris radice cannar. osium canis, farina cicerum & oryzae, seminis melonum, cucurbitæ, been, costi ana ℥ ss. cum mucilage seminis scæneg. & pauco melle fiat mistura, quâ sæpe faciem aliasque partes prius decocto furfuris lotas curasse se refert *Paschalius*, quod tamen non credo. R. pulveris boracii ℥ j. osii sepiæ ℥ ss. spermatis ceti ℥ ij. sacchari candi ℥ ss. mellis & pomate ana ℥ vj. f. unguentum. R. lithargyri argenti prepar. ℥ iiij. caphura ℥ ij. aluminis, boracii ana ℥ iiij. moschi grana iiij. coquantur omnia in aqua rosar. & aceti ana ℥ ss. dum tertia pars fuerit absumpta, adde olei de tartaro ℥ ss. servantur usui. & macule sæpe abluantur. Radices ireos coquantur in aquâ ad putrilaginem, & faciei applicentur. Mercurialis aliam habet curandi rationem. Cicatrices panno aspero fricat ad ruborem, dein apponit picem si locus pilis careat, quam postea vi avellit, idque ter quaterve repetendum jubet. Ubi id factum fuerit locum inungit sequenti unguento. R. olei optimi ℥ j. ss. succi limon. ℥ iiij. litharg. loti, cineris testud. ustarum ana ℥ j. ss. pulveris radice cannar. ℥ ij. pinguedinis gallinae ℥ ss. Misce vesperi illinatur facies, manè abluatur aquâ in quâ decocti sint lupini. Idem laudat sequentia. R. lupinor. fabarum, hordei ana P. j. ss. contendantur & coq. ad pulvis consistentiam, quo cremore abluatur facies manè & sero. R. limonem unum vel alterum, foliorum serpentariae P. ij. pedes vitulinos duos, distillantur,



aqua fervetur ad faciei & manuum abluionem. Sanguis leporis vel tauri cum farinâ hordei calidè admotus prodesse creditur, sicut & amygdalæ amaræ semen raphani cum pomatâ probantur. Quæ tamen remedia ut diximus, variolarum vestigia si aliquantulum emendent, satis id erit, curare & tollere nunquam poterunt. Ideo plura addere inutile est. Et de his satis.

## C A P. XVI.

## De peste secundum Paracelsum.

I. **A**bsolvimus jam universam febrium doctrinam, in quâ plurima de novo addidimus, plurima explicavimus, plurima immutavimus. Ne quid autem operi huic desit, quædam addamus ex Paracelso.

*Pestis ab igne.*

II. Probat igitur Paracelsus sequentia in peste. Pestis ab igne, ab aquâ, à terrâ ducit originem. Si sit ab igne invadit cum somno profundo, in cute exilia puncta & maculæ purpureæ ac nigricantes erumpunt, adsunt quoque spasmus, tetenus, febris, opilatio hepatis. Sic curatur. *R. unicornu 3 ss. seminis melonum 3 j. ossis de corde cervi 3 ss. moschi, ambre ana grana vj. spiritus vitrioli 3 ss. mumia 3 iij. theriaca optima 3 iij. M. dosis sit a 3 j. ad 3 j ss. manè & sero.* Cujus medicamenti dosin immutavimus, nam ineptus ille Theophrastus unicornu grana tantum tria, semina melonum numero decem, quæ quantitas inepta est, & ossis de corde cervi drachmas septem præscripserat, quæ benè invicem non cohærent. Si bubones adsint, contunde scarabæum, si laborans vir est, cornutum & pulverem cum aceto calido subige, coque per semihoram, ranam siccam macera per decem minuta, tandem alliga ulceri, & singulis sex horis renova.

*Pestis ab aère.*

III. Si sit ex aère, adest tibiæ jactatio, frons albescit ut cerussa, os livescit, anhelitus difficilis fit, spasmus est in collo, adest etiam paralytis, hæmoptoe, epilepsia, gutta. *R. Hellebori albi 3 j. sulphuris sublimati 3 ij. olibani, myrrhæ ana 3 ss. dosis 3 i ss. mane. Post meridiem adde mumia 3 iij. unicornu, sanguinis de ciconiâ ana 3 j. Misce, dosis sit ad 3 ij. quod remedium non mihi videtur satis tutum ob helleborum album, & nimiam spiritus sulphuris & vitrioli quantitatem, nisi flores sulphuris intelligat.*

IV. Si



iv. Si sit ex aquâ, sitiunt & nolunt potare, intumescunt labra, pal-  
pebræ, utrique pedes ad genua usque, maculæ purpureæ in genis  
erumpunt. *℞* aquæ hyosciami ℥ iij. aquæ sambuci, barba Iovis ana ℥ ij. vini  
optimi ℥ viij. spiritus vitrioli ℥ iij. moschi, ambre ana ℥ j. unicornu theriaca  
optima ℥ vij. sulphur. albi sublimati ℥ j. origani ℥ j. Dosis à ℥ j. ad ℥ iij.  
ter in die ante meridiem, bibat quoque vinum generosum aceto rosa-  
ceo & decocto valerianæ & mumia tinctum. Ad tumores *℞* aceti  
rosacei lb j. vini optimi lb vij. aluminis, camphoræ, lithargyri ana ℥ vij. sterco-  
ris clumbini lb v. aquæ sambuci ℥ iij. Coque per tres horas in vase clauso, post  
adde myrrhæ, olibani ana lb v. coque per tres horas, fac Cataplasma, applica  
& renova cum siccatur. Si verò sint apostemata & bubones & car-  
bunculi. *℞* ranam & bufonem, sicca & redige in pulverem, adde opopa-  
naci ℥ ij. galbani ℥ j. olibani ℥ ij. Sagapeni ℥ iij. bdellii ℥ iij. aceti rosacei  
q. s. coque, gummi liquefcent, post colaturam adde camphoræ, sulphu-  
ris sublimati ana ℥ ss. coque in Sartagine & applica, singulis sex horis reno-  
vando. Est optimum.

v. Si sit ex terrâ, adest apostema, ardor, prunella, siccitas colli &  
linguæ, cum maniâ. *℞* liquoris rosar. ℥ iij. sulphuris optimi ℥ ij. spiritus terræ.  
vitrioli ℥ i ss. Misce, & dosis sit à ℥ j. usque ad ℥ iij. ter in die. Interea  
olei tartari distillati ℥ j. præbe. In externis autem, ut in aquosâ peste  
procede.

vi. Mundificatio aëris in ædibus sic fit. *℞* Sulphuris vivi lb j. olib.  
℥ viij. myrrhæ ℥ iij. opopanacis ℥ j. asse fetida ℥ j. f. pulvis, cujus sume  
partem unam, corticis granorum lauri, succini, ana partem semis, sume ad  
quantitatem magnæ avellanæ, prunis candentibus injice, fenestras &  
fores claudendo. Et est optima aëris rectificatio.

vii. Idem ad civitatem Stertzingensem sic procedit. Peste quæ  
dam interna est, quæ nulla signa exteriora profert, alia est externa  
quæ est cum bulone & carbunculo. Horror, fervor, phrenitis inter-  
nam pestem denotant, tundatur vena mediana, vel in minimo digito,  
dein potio sudorifica sequens danda. *℞* vini sublimati optimi Mensuram  
annam, theriaca optima ℥ vj. myrrhæ ℥ ij. radices tusilag. ℥ iij. spermatis  
ceti, terra sigillata ana ℥ ss. radices asclepiadis ℥ j. dictamni, pimpinella, radi-  
cis valeriana ana ℥ ij. camphoræ ℥ j. Misce in vase vitreo benè obtura-  
to, stent ad solem per octiduum, dosis cochleare unum, quo sumpto  
probè tegatur, nec cibum nec potum sex horarum spatioumat, adde  
spiritum tartari distillatum. Vis ejus est admiranda. Si somnus ad sit  
pro-



profundior. R̄ beton. *majorana*, *Salvia*, *rosar.* *sylvest.* *florum sambuci ana* M. j. coque in æquis partibus vini & aceti albi rosacei, exprime, herbasque capiti impone, refrigeratas verò in prædicto liquore madofacito, iterumque appone. Si adsit vomitus. R̄ *lupulor.* M. iij. *artemisie rubra* M. j. *granor.* *Iuniperi* M. j. contunde simul, coque cum vino, calida impone præcordiis, quæ remedia sunt ad ministranda priusquam potio præbeatur. Ad dolorem capitis & vigilias. R̄ *corticis radices hyosciami* M. ss. *solani, sedi ana* M. ss. bulliant in mensurâ vini ad tertiam partis consumptionem, intinge pannos lineos, & capiti applica, totiesque iterato dum somnus obrepit. Ad prunellam R̄ *caneros vivos* N. vj. *sedi* M. iij. contunde simul in mortario, succum exprime, & coaguam diligenter ablue, parumque bibe.

viii. In peste externâ ubi incipiunt apparere bubones R̄ *opopanax* ʒ ss. solve in aceto, coque ad formam emplastri, applica & elicietur bubo, dein bufonem in aëre aut sole siccatum tumori, impone, intumesceat bufo, abjiciatur & alius imponatur. Ut verò maturetur bubo R̄ *rad. althea, summitatem abietis, laricis ana*, coque fiat cataplasma, maturat & pus extrahit, demum R̄ vitellos Ovor. N. ij. retrimenti ceriorum cochlearia duo, Misce fiat unguentum, admove tamdiu dum consolidetur.

ix. Ad præsertionem sume semel in hebdomade prædictæ portionis sudorificæ ʒj. cum vino & suda: Myrrha in vino pota, radix tussilaginis masticata prosunt. Rusticis verò convenit allium cum aceto, nuces, raphanus sylvestris, ruta, myrrha, theriaca cum vino, corallus ruber tritus. Hæc breviter ex ipso autore descripsimus. Ad damus quoque aliquid de ipsis febribus.

## CAP. XVII.

*De febribus secundum Paracelsum.*

1. **F**ebres apud Paracelsum generantur in stomacho, in hepate, in renibus. Fiunt ex fæcibus tartari, id est ex tartaro qui non potuit coagulari. Paroxysmus fit ex vaporibus fæcum tartari, qui se immiscunt aëri nostro nativo, à quibus dum se purgare nititur, facit talem tremorem, donec absumatur vapor, & si aër non possit sese tueri compressiones

nes



nes excitat in stomacho. Periodorum causa non sunt humores, qui in nullo morbo putrescunt præterquam in leprâ, sed ex fæcibus quæ si sint ex mercurio singulis diebus, ex sale tertio die, ex sulphure quarto quoque die moventur. Febris erratica fit quia fæces mercurii, salis, sulphuris commiscuntur, inde varii fiunt paroxysmi. Calor ex pugnâ salis mercurialis & naturæ. Fiunt tertiana, quotidiana, & quartana in stomacho, hepate & renibus. Putrefactio tartari si non expurgetur fit tremor, sicut in ollâ opertâ quæ fervet. Febres ex renibus sunt omnium vehementissimæ, quia putrefactio illic acutissima est, mitior in hepate, mitissima in stomacho.

II. Dignoscuntur autem febres è stomacho, si non habeant mag- *Febres à*  
nam sitim, licet calor invalescat, & non multum bibunt, sed si in he- *stomacho.*  
pate sint ardor magnus est, & multum bibunt. Secundò compressio  
adeest in stomacho, ignavi sunt, rerum omnium pertæsi, laxè ince-  
dunt, vix pedes tollere possunt, adeo sunt ignavi, tunc signum est esse  
è stomacho, nam ab hepate sunt agiles, vaporemque ægri sentiunt fœ-  
tidum quasi ovorum saporem referentem. Vomitus, nausea, commu-  
nia signa sunt stomachi, hepatis, renum. Adeest præterea capitis debi-  
litas, & membrorum, discoloratio, somnus narcoticus, tremor fortis;  
Si sit ex mercurialibus, vinum fastidiunt, ex sulphure vomunt quod  
edunt, ex proprio sale non vomunt sed tentantur orexi. Cura harum  
februm est purgatio sine digestionem, Centaurea purgat febres, cata-  
putia, helleborus, *præciatus*: Nec ullus perfectè curatur in febribus *Quid sit*  
stomachi, nisi per vomitum, dein roborandum est pilulis de laudano, *præci-*  
sunt ex laudani ʒss. rutæ, absynthii ana ʒj. theriacæ q.s. ad in corporan- *atus igno-*  
dum, cujus dosis sit ad grana quinque tantum. Nectar quoque ex cor- *tum mihi*  
recto & claro vino ad cyathum unum. Correctum est ex vino rubro *est.*  
quod congelatur, clarum ex albo est.

III. Signa febris in hepate, sunt tremor durus, lateris punctiones, *Febres ab*  
calor durus & vehementissimus, discoloratio faciei, tumor in pedibus, *hepate.*  
qui si per tres septimanas duret, sequitur hydrops vel icteritia. Pun-  
ctiones autem non semper adsunt. Calor post paroxysmum venit ex  
vaporibus totius corporis, si ante paroxysmum urina magnam oppila-  
tionem indicet, & post paroxysmum deoppilationem, nota est febris  
brevis. Si sit quotidiana, pulsus est velox, urina alba, id est sine hypo-  
stasi. Si sit tertiana pulsus velox cum urinâ digesta, id est cum hypo-  
stasi.

M m m



stasi, si sit quartana, pulsus tardus cum quarto tactu, id est si sani pulsus quater feriat, dum semel ferit febricitantis, urina hic non observatur. Unica cura est deoppilatio, & quartana curatur sicut tertiana, nisi quod in quartana materia putrefacta est durior, sed febres quædam nolunt in principio deoppilari donec materia sit tota putrefacta. Febres quæ concutiunt & calorem simul frigusque inducunt, ut curentur maturæ sunt, sed quando post paroxysmum primum calor venit, & membra gravia redduntur, signum est materiam non esse maturam. Cura sit primum deoppilatio, nam quicquid remorem facit ex oppilatione est. *R tartari liquefacti cum vino & aceto lbj. opopanaxi ℥ ss. reduc in liquorem.* Cujus dosi sit à ʒ j. usque ad drachmas tres, detur ante paroxysmum, & sæpius in duobus & tribus paroxysmis. Cum calores incipiunt fiat mundificatio, *R laudani puri ℥ ss. liquoris corallor. ʒ ij. f. pilula,* dosi sit à ʒ ss. ad ʒ j. si calor diu durat, quartâ post horâ itereatur. Post calorem in fine tertii paroxysmi fiat instauratio *R cinnamomi, myrrha, mumia, ana ʒ j cum vino fiat haustus.* Hæc prohibent ne fiat hydrops, aut icterus, aut hemicrania.

*Febres è renibus.*

*iv.* Signa febris in renibus sunt punctiones in schiâ, dolor in lumbis, pudendis, capite & spinâ ex oppilatione, pedes nonnunquam tumescunt, splen laborat, urina est omnino rubea. Si urina corrupta infra rubra est supra alba, signum est arenæ, sed urina laterina seu subrubra nota est dolorum in renibus, sæpius autem quartana fit ex renibus. Curare oportet per arcana, nam purgationes in his febribus nihil juvant, sed tantum in febribus stomachi. *R alcohol de testudinibus ʒ j.* scilicet in quibus propriè perlæ nascuntur, nostræ tamen illis respondent, *crystalli calcinati ʒ ss. mumia ʒ j. dosi totum.* Vel *R liquoris laudani ʒ j. croci ʒ ss. aloes hepatica ʒ j ss. fiant pilula.* Dosi sint grana septem. Vel *R alcoholi soluti ex cineribus absinthii ʒ ss. olei de colchotar ʒ j. Misce,* & ante paroxysmum dentur omnia.

*v.* Alio modo curat febres Paracelsus, auro, corallo, argento & perlis. *R alcohol vini preparati à cineribus fabarum q. s. foliorum auri ad placitum,* digere per mensem. cuius *R grana tria, cum ʒ j. aqua endiviæ antè,* vel post paroxysmum. *R corallor. albor. ʒ ss. alcohol vini ʒ x. digere per mensem,* dosi grana sex cum aquis dictis. *R mellis liquefacti ʒ xv. folior. argenti ʒ ij. digere per septimanam,* cuius liquoris *R ʒ ss. cum gra-*




granis xv. croci ante paroxysmum. R̄ alcali extracti à malis citreis ℥ xv.  
 aqua albuminis Ovorum ℥ iij. perlarum non perforatarum ℥ ss. digere per  
 mensem, dosis grana sex cum aquâ Valerianæ ante paroxysmum. Plu-  
 ra videantur apud Paracelsum libris de tartaro, nam hæc ego non ad-  
 modum probo.

F I N I S.

*Pro capiti Lectoris habent sua fata libelli.*







005644013



